

Do czytelników Bratniej Gruzji!

*Pragnę tu wyrazić nadzieję, że
Książka moja, "Opowiesi biblijne" zastąpi
w doświadczeniu czytelnikom o tak stary, bogo-
sty kulture.*

*Wam nadzieję, że spotka się ona z usza-
siem, wyraże bowiem stanowisko regional-
listyczne, stanowisko dzielne przy ludzi swia-
tym, a Gruzja jako kraj budujący socjalizm
z takim i takim ludzi światłym się składa.*

Leona Kondraty

Warszawa, stycznia 1975

მოსარული ვარ და მუამაყევა, რომ ჩემს „ბიბლიურ თქმულებებს“
მშობლიურ ენაზე წაიკითხავს ასეთი ძველი და მდიდარი კულტურის
ხალხი.

ვიმედოვნებ, წიგნს გულთბილად მიიღებს მკითხველი, ვინაიდან
ეს გამოხატავს რაციონალურ თვალსაზრისს, რომელსაც იზიარებენ
ნათელი აზრის ადამიანები. საქართველო კი, ეს სოციალიზმის ქვე-
ყანა, სწორედ ასეთი ნათელი ადამიანების სამშობლოდ მეგულება.

ზენონ კოსიდოვსკი
ვარშავა, იანვარი, 1975

რუსულიდან თარგმნა ფილიპე ბერიძემ

შესავალი

ჩემს წიგნებს, ჩვეულებრივ, სამეცნიერო-პოპულარული ლიტერატურის კატეგორიას მიაკუთვნებენ. არ მინდა შეეპყრო ამ მეტად სასარგებლო ჟანრის მნიშვნელობა, მაგრამ უნდა გამოეტყუდე, რომ ჩემი პატივმოყვარე მისწრაფებანი უფრო შორს მიდიან. შეიძლება ეცდებოდე, მაგრამ ჩემი თავი მიმანია მწერლად, რომელმაც თავისი შემოქმედების მასალად თანამედროვე მეცნიერების მიღწევათა ეპოქა აირჩია. მე მიზიდავს მეცნიერული აღმოჩენები, მაგრამ უფრო მეტად მიზიდავს მეცნიერი, როგორც ადამიანი, მისი მტდელობა, მისი მძიმე შრომა და დრამატული პერიპეტეიები ჭეშმარიტების გზაზე, მისი წარმატებები, რომელთა მიღწევას იგი ხშირად სწირავს ჯანმრთელობას და ზოგჯერ სიცოცხლესაც.

ჩემი აზრით, გენიალური და კეთილშობილი ენთუზიასტების, ცოდნას მოწყურებული, ჭეშმარიტების უანგარო მაძიებელი მეცნიერ-მკვლევარების ცხოვრების აღწერაზე მიმზიდველი არაფერი არის. ეს მეცნიერები თავდაუზოგველად ამზობდნენ ათასი ჯურის ცრურწმენებს და თანდათანობით ნათილს ჰყენდნენ ადამიანთა ბნელით მოცულ გონებას. იმ საშინელებათა შორის, რომელთაც არასოდეს იშურებდა და არც ამჟამად იშურებს ჩვენთვის ისტორია, მხოლოდ ისინი წარმოადგენენ ჩვენი მიწიერი არსებობის გამართლებას. მათი მსხვერპლი თუ გამარჯვებები, მე მგონი, ყველაზე მიმზიდველი ლიტერატურული თემაა. შეიძლება შეეცვალოთ სტენდალის სიტყვები და ეთქვათ, რომ ცოდნის გარეშე კაცობრიობა დაემკვანებოდა ბრმა სტიქიას მინდობილ უბალასტო ხომალდს.

თუ მე უძველეს კულტურათა ბედზე ეწერიდი, ამას სწორედ იმ მიზნით ეშვებოდი, რომ ვეძებდი ისტორიის ოპტიმისტურ საწყისს, იმ გზის გამკვალავ ძაფს კაცობრიობის პროგრესისა, რომელმაც სისხლისმღვრელი ომების, სიკატრისა და უმეტერების მღელვარე საუკუნეებს გამოაღწია. მე ვეძებდი ადამიანს, რომელიც პირველყოფილი ინსტინქტებისა და ცრურწმენების ქაოსის მიუხედავად შეუპოვრად ილტვოდა მომავლის სათელი ჰორიზონტებისაკენ.⁹ ჩემს წიგნებში მე მიზნად ვისახავდი — გაველოდი მის გზას ეპოქებსა და ათასწლეულებში. მე ვუთქობ, არ არსებობს უფრო წარმატატი ეპოქა, ვიდრე ადამიანთა მოღვების სელა გამოქვაბულების ყოფიდან ატომის აღმოჩენისა და კოსმოსის ათვისებისაკენ.

კაცობრიობის ამ წინსვლაში მცირეოდენი ადგილი როდი უჭირავს ძველ აღიქმას. ათასი ძაფითაა იგი დაკავშირებული მრავალი ხალხის კულტურასთან. მისი გაღვნით ყალიბდებოდა თაობათა წარმოდგენები, ენა და ადათები, მაგრამ რა ცუდად ვიცნობთ ჩვენ მის შინაარსს! უფროს თაობას ახსოვს

ზოლოდ ცალკეული რჩეული ადვილები ბიბლიიდან, ახალმა, მატერიალის-
ტური სულისკეთებით აღზრდილმა თაობამ კი აღარაფერი იცის მის შესა-
ხებ. ბიბლიის თანამედროვე თარგმანებსაც კი, მათი ენის არქაულობის გამო,
არც თუ ისე ეტანება რივითი მკითხველი, ხოლო ურწმუნოებს აშინებს
დიდი ხნიდან დაღვნილი შეხედულება, თითქოს ეს არის რელიგიური
მითებითა და რიტუალებით აღსავსე „წმიდა“ წიგნი.. თანამედროვე მე-
ცნიერებამ კი დაამტკიცა, რომ ბიბლია საერო ხასიათის თავისებური დოკუმენ-
ტია, რომელიც მრავალ ძვირფას ისტორიულ ცნობას შეიცავს.

კლევეა-ძიება ამ დარგში XIX საუკუნის შუა ხანებში დაიწყო, რომ
არაფერი ვთქვათ ცალკეულ, უფრო ადრეულ ცდებზე. მაგრამ რა გრანდიოზუ-
ლი რევოლუციური გარდაქმნები მოხდა ჩვენს შეხედულებებში ბიბლიაზე ამ
შედარებით მცირე პერიოდშიც კი! თითქმის გასული საუკუნის შუა წლებამდე
ბიბლია, როგორც „ღმრთოებუთაგონებული“ წიგნი, ხელშეუვალი იყო და
მეცნიერებს მის საწინააღმდეგოდ ხმის გაღებაც კი არ შეეძლოთ. ამ იმუნიტეტს
ამაგრებდა საეკლესიო დაწესებულებათა მკაცრი წესები. ბიბლიის ტექსტისა-
დმი ლინგვისტური ან ისტორიული კრიტიკის თვალსაზრისით მიდგომის
ცდები დიდი ხნის მანძილზე ითვლებოდა მკრეხელობად და რელიგიურ
რწმენაზე თავდასხმად. ღრმად გაიდა ფესვები აზრმა, თითქოს მო-
სემ, ისუ ნაგემ, დავითმა, სოლომონმა და წინასწარმეტყველებმა ნამდვილად
დაწერეს ბიბლიის შესატყვისი ნაწილები, რომ იაჰვემ წარმოთქვა ათი მცნება
სინას მთაზე; რომ ელია წინასწარმეტყველი ნამდვილად ამოღდა ცაში
ცეცხლმოღებული ეტლით, დანიელი კი უვნებლად ამოვიდა ლომის მთხრებლი-
დან. როდესაც ბიბლიის ტექსტი ძალზე აშკარად შორდებოდა იმას, რასაც
სიწმინდე შეიძლება ვუწოდოთ, კომენტატორები გამოძენიდან ხოლმე
მასში მისტიკური ხასიათის ალეგორიულ აზრს. ასე მაგალითად, ქებათა-ქე-
ბა — სასიყვარულო ლირიკა, რომელსაც აღმოსავლური ეროტიკულობა ახ-
ლავს, მათ სულ სხვაგვარად განმარტეს; იგი აქციეს რელიგიურ პოემად,
რომელშიც შეყვარებული იაჰვეს (ქრისტიანულ ერაში კი იესო ქრისტეს)
სიმბოლურ გამოხატულებად იყო მიჩნეული.

ჩვენ საბუნებისმეტყველო მეცნიერებაში უდიდესი აღმოჩენების ეპოქაში
ვცხოვრობთ და ამიტომ გვიჭირს იმის გაგება, რომ ჯერ კიდევ არც თუ ისე
დიდი ხნის წინათ, ბიბლია ითვლებოდა ერთადერთ ავტორიტეტად სამყაროს
შესახებ არსებული მეცნიერების საკითხებში. ბიბლიის მომხიბლავ, მაგრამ
გულუბრყვილო თქმულებებს ადამსა, ევასა და სამოთხეზე ადამიანები აღიქ-
ვამდნენ, როგორც საბოლოო ჭეშმარიტებას დედამიწაზე სიცოცხლის წარმო-
შობის შესახებ. როდესაც დარეინმა 1859 წელს „სახეთა წარმოშობაში“
თავისი ევოლუციის თეორია გამოაქვეყნა, ამან პროტესტის ქარიშხალი
გამოიწვია არა მარტო ბიბლიის თაყვანისმცემლებს შორის, არამედ ზოგიერთ
სამეცნიერო წრებშიც.

გასული საუკუნის მეორე ნახევარში, მთელი რივი უდიდესი მეცნიერული
აღმოჩენების წყალობით, ადამიანთა ცოდნის პორიზონტი არაჩვეულებრივად
გაფართოვდა, ამიტომ ბუნებრივია, უნდა შეცვლილიყო მათი დამოკიდებულებაც
ბიბლიისადმი. ბოლოს და ბოლოს მისი პრობლემებით დაინტერესდნენ ნამ-

დეილი მეცნიერები, თანდათან იწყო განვითარება ბიბლიისტიკამ, რომლის პირველი საწყისებიც ეკუთვნის ჯერ კიდევ XVII საუკუნეს. ჩამოყალიბდა მეცნიერების ახალი დარგი თავისი მეცნიერული კვლევის მეთოდებით, რომლებიც თანდათანობით ღრმავდებოდა. ამ ცვლილებებს ხელს უწყობდა, უწინარეს ყოვლისა; საერთო ატმოსფერო ევროპაში, რომელიც თანდათან თავს აღწევდა კულტურულ იზოლაციას. ნაკლებად შესწავლილი მატერიკების მოგზაურებმა და მკვლევარებმა გაუღვიძებ ევროპელებს ცოცხალი ინტერესი ახლო და შორეული აღმოსავლეთის დიდი კულტურებისადმი. მაშინდა გაიგეს ადამიანებმა, რომ ბიბლია არ ყოფილა ერთადერთი წმინდა წიგნი. ინდოელ ბრაჰმანებსაც ხომ ჰქონიათ რიგედა, ახალი ინდუიზმის მიმდევრებს მაჰაბჰარატა და რამაიანა, ინდოეთის, იაპონიის, ჩინეთისა და მონღოლეთის ბუდისტებს — მაჰაიანას წიგნები, ფარსებს — ზოროასტრიზმის უკანასკნელ იაყვანისმცემლებს — ზენდავესტა, მუსლიმანებს — ყურანი. ეს სია სულაც არ არის ამომწურავი, რადგან ამათ უნდა დაემატოს წმინდა წიგნები ჩინური კონფუციანელებისა, დაოსიზმისა, იაპონური სინტოიზმისა. ეს „წმინდა წიგნები“ ძალზე განსხვავდებიან ერთმანეთისაგან, მაგრამ ყოველი მათგანი, მათ მიმდევართა თვალსაზრისით, შეიცავს ერთადერთ უზუნაეს ჭეშმარიტებას. ამ რიგში ბიბლიასაც უჭირავს გარკვეული ადგილი, მაგრამ იგი არაა პირველი „წმინდა წიგნთა“ შორის, თუნდაც იმიტომ, რომ მიმდევართა რაოდენობის მხრივაც იგი ჩამორჩება ზოგიერთ სხვას.

ბიბლიამ, რაკი მას განუმეორებლობის შარაჯანდელი ჩამოშორდა, დაკარგა არანეულებრივი და ერთადერთი მოვლენის ნიღაბიც და ადამიანის მიერ ჭეშმარიტების წვდომისაკენ განუწყვეტელი ლტოლვის ერთ-ერთ გამობატულებად იქცა.

როგორც სხვა მსგავს წიგნებში, ბიბლიაშიც აისახა ყველა კონტინენტის ხალხებისთვის დამახასიათებელი სოციალურ-ფსიქოლოგიური პროცესები, მიუხედავად მათი რასისა, კულტურისა და ენისა. ბიბლიის ტექსტის მკვლევარმა მეცნიერებმა დაამუშავეს მეცნიერების ახალი დარგი, რომელსაც ბიბლიის კრიტიკა დაერქვა, და რომელიც იყოფა ორ ნაწილად — „დაბალ“ და „მაღალ“ კრიტიკად. „დაბალი“ კრიტიკის მიზანია გადამწერლებისა და კომენტატორების შეცდომების გარკვევის გზით ბიბლიის ორიგინალური ტექსტის დადგენა. ჩვენ უფრო „მაღალი“ კრიტიკა გვინტერესებს, რადგანაც მისი სენსაციური აღმოჩენების წყალობით შევიტყვეთ, თუ რას წარმოადგენს სინამდვილეში ძველი აღთქმა. ამ დარგში მეცნიერულ გამოკვლევათა პიონერები იყვნენ ერნსტ რენანი და იულიუს ველჰაუზენი. მათი ლინგვისტური მეთოდების უზადო, ვირტუოზობამდე აყვანილმა ლოგიკამ ბოლოს და ბოლოს გადალახა დოგმატიკოსების წინააღმდეგობა და თვით კათოლიკური ეკლესიაც კი იძულებული გახდა, ანგარიში გაეწია ამ გარემოებისათვის.

რა მეთოდებით სარგებლობს „მაღალი“ კრიტიკა თავის საკვლევამივებო მუშაობაში? ეს საკითხი ძალზე რთულია და არასპეციალისტებისთვის შეიძლება მოსაწყენიც იყოს. შევეცდებით, ჩვენი პრობლემა რამდენადმე გავამარტივოთ. ამ მიზნით, საილუსტრაციოდ ერთ უბრალო და თვალსაჩინო შედარებას შემოგთავაზებთ. წარმოვიდგინოთ პოლონელი ლინგვისტი, რომელმაც

მიზნად დაისახა შეისწავლოს ლიტერატურული ნაწარმოები, რომელშიც ერთადაა შეტანილი და დამონტაჟებული რეის (1505-1569), პასეის (1636-1751), ნარუშევიჩის (1733-1796), ნემცევიჩის (1757-1841) და ლეღეველხს (1786-1861) ნაწარმოებები. პოლონური ენა დროთა მსვლელობაში ვითარდებოდა და მნიშვნელოვან ცვლილებებს განიცდიდა; გარდა ამისა, ყველა აქ ჩამოთვლილ ავტორს თავისი საკუთარი სტილი ჰქონდა. ამიტომ პოლონური ლიტერატურის სპეციალისტი, რომელიც ასეთ არაერთგვაროვან ნაწარმოებებს შეხვდება, ადვილად იპოვის ტექსტის ცალკეულ ადგილებში განსხვავებებს სინტაქსში, ფრაზოლოგიასა და ლექსიკაში. ტექსტის გულდასმითი ანალიზის შემდეგ იგი სწრაფად აღმოაჩენს მისტიფიკაციას, უფრო მეტიც, ცალკეული შემადგენელი ნაწილების ავტორებსაც დაადგენს; თუ რაიმე მიზეზის გამო მკვლევარი ამას ვერ შეძლებს, ენის დამახასიათებელი ნიშნების მიხედვით ამ ტექსტის დაწერის თარიღს მაინც დაზუსტებს. ბოლოს და ბოლოს ის დაამტკიცებს, რომ ეს ნაწარმოები სხვადასხვა წარმოშობის ნაწილებებისაგან შეკრული მოზაიკაა და ამის გამო არ შეიძლება ეკუთვნოდეს ერთი ავტორის კალამს.

ბიბლიის კრიტიკასაც ამგვარ პრობლემებთან აქვს საქმე, ოღონდ ისინი გაცილებით უფრო რთულია. ძველი აღთქმის წიგნები შემორჩენილია ძველებრაულ ენაზე (აქა-იქ ბიბლიაში არის არამეული ფრაგმენტებიც)¹. ამარნაში და რას-შამრაში ნაპოვნი დოკუმენტებისა და ბიბლიის რამდენიმე უძველესი ტექსტის (როგორცაა, მაგალითად, მოსეს დის, მარიამის, ქება და დებორას ქება) წყალობით შესაძლებელი გახდა აღვედგინა ძველებრაული ენის განვითარების გზა, დაწყობული XIII საუკუნიდან ჩვენს ერამდე. ამგვარად, მეცნიერებმა შეიძინეს შესანიშნავი იარაღი ბიბლიის ცალკეული წიგნების უფრო ღრმა ლინგვისტური ანალიზისათვის. რასაკვირველია, ესაა ტიტანური შრომა, რომელიც მოითხოვს დამატულ ყურადღებასა და ვეებერთელა ცოდნას. ბიბლიის კვლევა კვლავ გრძელდება, მიღებული შედეგები კი გაცხოველებული კამათის საგანი ხდება. მაგრამ ზოგიერთი დებულება მეცნიერთათვის ახლა უკვე სრულიად უდავოა.

უწინარეს ყოვლისა, დადგენილია, რომ ძველი აღთქმა ისტორიული დოკუმენტების, ხალხური ლეგენდების, კანონების, რიტუალური წესებისა და მითების კრებულაა, რომელთა წყაროებიც სხვადასხვა ეპოქებსა და სოციალურ ფენებსაა საძებარი. შეკრიბეს და დაამუშავეს იგი ებრაელმა კომპილატორებმა საქაოდ გვიანდელ პერიოდში, უმეტესად ბაბილონის ტყვეობის შემდეგ. ამ ფაქტებმა საფუძველი შეურყია ბევრ საუკუნეობით დაკანონებულ და წმინდად შერაცხულ ტრადიციულ წარმოდგენას. მაგალითად, ძველად სჯეროდათ, თითქოს ხუთწიგნეულის (ხუმაშის) ავტორები იყვნენ

¹ კათოლიკეები, გარდა იმ წიგნებისა, რომლებსაც აღიარებენ ებრაელები და არაკათოლიკე ქრისტიანები, ძველი აღთქმის კანონიკურ წიგნებს შიკუთვნებენ კიდევ ბერძნულად დაწერილ შვიდ წიგნს: ტობიას, იედიითხ, ბარუქის, ისუ ზირაქის ძის სიბრძნისა და მკაბებელთა სამ წიგნს.

მოსე და ისუ ნაე, თითქოს წინასწარმეტყველში თვითონ იწერდნენ თავიანთ მოძღვრებას, თითქოს დავითმა შეთხზა ფსალმუნები, ზოლთ სოლომონმა ქებათა-ქება და იგაეები.

ბიბლიის კრიტიკოსებმა კიდევ მრავალ წელს უნდა იმუშაონ, რომ გაერკენენ ტექსტების უსასრულო დანაშრეებში და მისცენ მათ მეცნიერული ახსნა. მათი ამოცანა უფრო გართულეს დამატებებმა, რომლებიც ამა თუ იმ მიზნების გამო შექმნდა უამრავ რედაქტორს, კომპილატორსა და გადაწერს. ამ დამატებათა რიცხვს, სხვათა შორის, მიეკუთვნებიან ე. წ. ეტიოლოგიური მითები, ანუ მითები, რომლებიც მოგვიანებით შეიქმნა თაობათა მგზსიერებაში უკვე წაშლილი ცალკეული მოვლენების ასახვად.

ეტიოლოგიურ მითებს წარმოადგენენ, მაგალითად, ისეთი ეპიზოდები, როგორცაა სასწაულებრივი გადასვლა წითელ ზღვაზე, ცის მანანის მოვლინებისა და მდინარე იორდანის შენელების სასწაული. მკვლევრებმა დაამტკიცეს, რომ ამ მითებს მიღმა იმალება სრულიად ბუნებრივი ფაქტები, რომლებიც ადამიანთა ფანტაზიამ საუკუნეთა განმავლობაში ზებუნებრივად გარდასახა.

მაგრამ ბიბლიის კვლევის მწვერვალს წარმოადგენს მისი ისტორიული კრიტიკა. შევეცდებით, რამდენიმე წინადადებით გიჩვენოთ, რა დამსახურება მიუძღვის ამ კრიტიკას.

მე-19 საუკუნის დასაწყისამდე ჩვენი წარმოდგენები ახლო აღმოსავლეთის კულტურებზე ძალზე შემოზღუდული და ზოგ შემთხვევაში საკმაოდ ბუნდოვანი იყო. მათი შესწავლის ერთადერთ წყაროს მამინ წარმოდგენდა ბიბლიის ბუნდოვანი მითითებები და ბერძენ ისტორიკოსთა — ქეროდოტეს, ქსენოფენტეს და სხვათა აღწერები. სახელწოდებები ისეთი ხალხებისა, როგორცაა: ბაბილონელები, ასურელები, ეგვიპტელები, სპარსელები, ბერს ვერაფერს ეუბნებოდა ადამიანებს იმ ეპოქაში და მათ სახელმწიფოთა ტერიტორიებიც ძველი სამყაროს რუკაზე მხოლოდ თეთრ ლაქებად რჩებოდნენ, ისტორიული კონტექსტიდან ამოგლეჯილი ბიბლია კი ყველაზე ფანტასტიკური განმარტების საუბეღელს იძლეოდა: მასში ვერაფრით გარჩევდი ერთმანეთისაგან ლევენდასა და ისტორიულ სინამდვილეს.

გაურკვევლობის ბურუსმა გაფანტა იწყო მხოლოდ უდიდესი არქეოლოგიური აღმოჩენების ეპოქის დასაწყისში, გასული საუკუნის შუა ხანებში. უდაბნოს ქეიშა გათხარეს და გამოაელინეს მივიწყებული კულტურების შესანიშნავი ძეგლები — ფარაონთა სამარხები და აკლდამები, ტაძრებისა და მფეფთა სასახლეების ნაშთები — ხორსაბადის, ხათუსას, ნინევიის, ბაბილონის, ურის, უგარითისა და მესოპოტამიისა და სირიის სხვა მრავალი უძველესი ქალაქის ნანგრევები. გათხრებისას ნაპოვნია ურიცხვი პატარ-პატარა დოკუმენტები, გეგმა ბიბლიოთეკები და არქივები. ასე, მაგალითად, ასურეთის მფეფის, მსურბანიფალის სასახლის ნანგრევებში, ნინევიისში, შემონახულია 25 ათასი ცალი თიხის ფირფიტა ლურსმული ტექსტებით: აქ არის დიპლომატიური წიწერ-მოწერა, ტრაქტატები, ლოცვები, ლიტურატიურული ძეგლები და რელიგიური მითები წასული საუკუნეებისა, მათ რიცხვში გილაგამშის ეპოსი,

რომელმაც შემოინახა თქმულება წარღვნაზე. 1901 წელს სუზაში იპოვეს ბაბილონის მეფის ხაშურაბის (ძვ. წ. II ათასწლეული) კანონთა კოდექსი, ეს კოდექსი, როგორც გამოირკვა, იყო წყარო მოსეს ხუთი წიგნის ზოგიერთი საკანონმდებლო დადგენილებისა.

იმის შემდეგ, რაც ფრანგმა შამპოლიონმა (1790—1832 წწ) გაშიფრა ეგვიპტური იეროგლიფები, ხოლო გერმანელმა გროტეფენდმა (1775—1853 წწ) ახსნა ლურსმული წარწერების საიდუმლოებანი, ყველა ადრე აღმოჩენილი დოკუმენტის წაკითხვა გახდა შესაძლებელი. ეს სამუშაო ჯერ კიდევ არ არის დასრულებული, მაგრამ დღეისათვის ჩვენ უკვე ბევრი რამ ვიცით ძველი სამყაროს იმ ხალხთა შესახებ, რომლებიც ძველად ან ნაკლებად-ცნობილი იყვნენ, ან სრულებით მივიწყებულნი. ესენი არიან: შუმერები, ბაბილონელები, ასურელები, ქალდეელები, ფილისტიმელები, ხეთები, სპარსელები, არამეელები და ეგვიპტელები. ჩვენ მივიღეთ ბევრი ცნობა მათ კულტურაზე, რელიგიასა და ადამ-ჩვეულებებზე და ისე ძირისძირობამდე შევისწავლეთ ზოგიერთი მათგანის ისტორია, რომ ამ საკითხებზე კაპიტალური შრომები შეიქმნა.

გასული საუკუნის შუა ხანებში არქეოლოგიური გათხრები დაიწყო პალესტინაშიც. უკვე აღმოჩენილია ძალიან ბევრი ქალაქი, რომელთა სახელწოდებები მხოლოდ ბიბლიიდან ვიცოდით. ამ ქალაქების ნანგრევებში აღმოჩნდა დამამტკიცებელი საბუთები ბიბლიაში მოხსენებული მთელი რიგი ფაქტებისა. მათ რიცხვში ნაპოვნია ისუ ნავეს დამპყრობლური პოლიტიკის დამადასტურებელი ურყევი საბუთები, საულის, დავითისა და სოლომონის სასახლეთა ნანგრევების ნაშთები, აგრეთვე არამეელების, ასურელებისა და ქალდეელების გამანადგურებელი თავდასხმების კვალი. ეგვიპტურმა, ასურულმა, ქალდეურმა და სპარსულმა წარწერებმა და დოკუმენტებმა საშუალება მოგვცა, დაგვედგინა, რომ ბიბლიაში ყველაფერი როდია ლეგენდა და ფანტაზია; მასში არის ზოგი ნამდვილი ისტორიული ფაქტიც.

ისრაელიტელ ხალხს, ისე როგორც ყველა სხვა ერს, არ შეეძლო ეცხოვრა კულტურულ და საყოფაცხოვრებო იზოლაციაში, განსაკუთრებით იმიტომ, რომ ის იყო ყველაზე ახალგაზრდა მის გარშემო არსებულ ძველ, მდიდარ და მომწიფებულ ცივილიზაციებს შორის. ისტორიულმა კრიტიკამ მიზნად დაი-სახა, დაედგინა ეს კავშირები. მას უკვე შეუძლია იამაყოს ზოგიერთი უუქვე-ლი წარმატებით. უწინარეს ყოვლისა, კორელაციის მეთოდის წყალობით მან შეძლო ბიბლიური ისტორიის ქრონოლოგიის ნაწილობრივი რეკონსტრუქცია, ისტორიულმა კრიტიკამ შეაესო ან აღადგინა ეპიზოდები, რომლებსაც ან სრულებით გვერდი აქვს აუღილი ბიბლიაში, ან მოთხრობილია ლაკონურად და ცალმხრივად. მანვე გამოარკვია პოლიტიკური მოტივები ბევრი, ადრე ჩვენთვის გაუგებარი მოვლენისა. ერთი სიტყვით, ბიბლიურმა კრიტიკამ შეძლო საკმაოდ გულუბრყვილოდ მოთხრობილი ბიბლიური ისტორიისათვის მიეცა ერთგვარი პრაგმატული წესრიგი მიზეზ-შედეგობრიობისა.

ჩვენთვის ყველაზე მნიშვნელოვანი იყო, დაგვედგინა მჭიდრო კავშირი ადამ-წესებსა, კანონმდებლობასა და რელიგიას შორის. ამ პრობლემებს ჩვენ დიდ ადგილს ვუთმობთ წიგნში. მაგალითისათვის საკმარისია იმიზ აღნიშვნა, რომ მოსეს ათი მცნება და კანონი ჩამოყალიბდა მესოპოტამიურად

კანონმდებლობის გავლენის შედეგად, რომ სამყაროს შექმნის ისტორია, ისევე, როგორც თქმულება წარღვნაზე და მთელი რიგი სხვა თქმულებები, ნასესხებია ბაბილონური მითოლოგიიდან, რომ თითქმის მთელი ესქატალოგია წინასწარმეტყველებისა, მაგალითად, სურათები საშინელი სამსჯავროსი, საიქიო ცხოვრებისა, სამოთხისა და ჯოჯოხეთისა, ანგელოზებისა და ემპაქისა; — ნასესხებია უცხო წყაროებიდან. ერთი სიტყვით, ყველა ქრისტიანული რელიგიური კონცეფცია რამდენიმე საუკუნით ძველია ბიბლიაზე, საიდანაც ჩვენ გავეცანით მათ.

ამ სამეცნიერო აღმოჩენის გავლენით, ჩვენ სულ სხვა თვალთ დაუწყვეთ ცქერა ბიბლიას და ჩვენდა გასაოცრად, აღმოვაჩინეთ, რომ იგი ყოფილა მსოფლიო ლიტერატურის ერთ-ერთი შედეგერი, რეალისტური ნაწარმოები, რომელშიც დულს და გადმოდულს ნამდელი ცხოვრება. ძნელი დასაჯერებელია, რომ ეს პლასტიკით, მოძრაობითა და კოლორით, ცოცხალი სახეებით აღსავსე თქმულებათა კალეიდოსკოპი შეიძლებოდა შექმნილიყო ისეთ შორეულ წარსულში და მოეღწია ჩვენს დღეებამდე.

ბიბლიის შინაარსი ისე მდიდარია, როგორც თვით ცხოვრება. მის ფურცლებზე იდილიურ სცენებს სცელის სისხლისმღვრელი ომები, აღვირახსნილობისა და გარყენილების ექსცესები, აგრეთვე ეპიზოდები, რომლებიც გვამარწუნებენ თავისი ტრაგიზმით; რა კოლორიტულია გაღერეა მისი სახეებისა! საკმარისია დავასახელოთ: მშფოთვარე და მერყევი სამსონი, ეჭვიანი მარტოხელა მეფე საული, ანდა მოხერხებული და ფხიანი მეფე სოლომონი, რომელმაც უსარმაზარი ქონება შეიძინა ცხენების ვაჭრობითა და სპილენძის წარმოებით.

ამ მოვლენებს აგვირვეინებს ბაბილონის ტყვეობაში გარეკილი ებრაელა ზალხის კოლექტიური ტრაგედია. მაგრამ როგორც ყველა კლასიკური წესით აგებულ ტრაგედიაში, ფინალთან ერთად დგება კათარსისი — განწმენდა და რეაბილიტაცია. ლტოლვილები ცუდად როდი ცხოვრობდნენ ბაბილონში, მაგრამ მათ გულს უღრღნიდა სამშობლოხ სეედა. ეფურატის ნაპირებზე ჩამომხდარნი სეედიანად გალობდნენ სინანულის ფსალმუნებს და არ კარგავდნენ იმედს, რომ მათთვის კიდე გამოანათებდა თავისუფლების მზე.

როდესაც სპარსთა მეფემ მათ სამშობლოში დაბრუნების ნება ღართო, ისინი დაღლილობისა და გაჭირებისაგან ქანცგაწყვეტილები მიაბიჯებდნენ უღაბნობესა და მთის უღელტეხილებზე, რათა განადგურებული იერუსალიმის ნანგრევებზე ახალი ცხოვრება აეშენებინათ.

განცდილი ტანჯვის ზეგავლენის გამო ზოგიერთი წინასწარმეტყველი ქადაგებდა თავისებურ ეთიკას, საზოგადოებრივი მართლწესრიგის ნორმებს, მონოთეიზმს, რომელიც ემყარება რწმენას, რომ სამყაროს განაგებს მხოლოდ ერთი ღმერთი.

აი, ასეთად წარმომიდგებოდა მე ბიბლია, როდესაც ამ წიგნზე მუშაობას შეუდექი. სიძნელე მდგომარეობდა იმაში, რომ მე ორგვარი ხასიათის მასალებთან მქონდა საქმე: ერთი მხრივ, ბიბლიის ტექსტთან, მეორე მხრივ — აურაცხელ მეცნიერულ მონაცემებთან, რომლებიც ზოგჯერ სულ ახალ ნათელს ქუფენენ ბიბლიაში აღწერილ მოვლენებს. საჭირო იყო გამეერთია-

ნებისა ეს ორი ელემენტი წიგნში, რომელიც განსხვავებული უნდა ყოფილიყო მეცნიერული და თვით მეცნიერულ-პოპულარული ნაშრომებისგანაც კი.

ჩემთვის მთავარი იყო, მკითხველები გასცნობოდნენ ბიბლიის შინაარსს და გაეგოთ იგი ისე, როგორც მას ხსნის თანამედროვე მეცნიერება. ამიტომ ავირჩიე წიგნისთვის კომპოზიცია, რომელსაც შეიძლება ეუწოდოთ ორმწკრივიანი: ცალკე ბიბლიის შინაარსი, ცალკე — მისი კომენტარები. ამნაირად შეიქმნა ცოტა უცნაური და სარისკო ფორმა, რომელიც, ვიმედოვნებ, ძალიან უხერხული არ აღმოჩნდება საკითხადად.

ბიბლიის შინაარსის გადმოცემისას ვცდილობდი, ტექსტი იმდენად მისაწვდომი გამესადა, რომ დღევანდელ მკითხველს იოლად შესძლებოდა მისი გაგება. როგორც წესი, ვცდილობდი დაშეცვა ორმწკრივია კომპოზიცია, მაგრამ, იმ შემთხვევაში, როცა შესაძლებელი იყო, შეშეგოსო, შემელამაზებინა ან გამომეცოცხლებინა ბიბლიური თქმულების ფაბულა არქეოლოგიური გათხრების შედეგად მიღებული მონაცემებით, უყოყმანოდ ვაკეთებდი ამას. ეს შეეხება, მაგალითად, ქალაქ ურის ისტორიას და რეალიებს, რომლებიც უფრო მეტ გამოშისახველობას აძლევენ თქმულებას აბრაამზე.

ძალიან დიდი ძალ-ღონის დახარჯვა მომიხდა სხვა რიგის პრობლემების გადაწყვეტაზე: როგორ გავრკვეულიყავი ფსიქოლოგიურ მოტივებში, რომლებიც საფუძვლად უდევს ბიბლიის ბევრ ეპიზოდს. ძალიან ხშირად მისი ტექსტი არ გვაძლევს პირდაპირ ახსნას და შეიცავს უმეტესად ბუნდოვან მინიშნებებს, რომლებიც გვაიძულებენ, ჩაუფიქრდეთ და თვითონვე გამოვიტანოთ დასკვნები. რატომ აუჯანყდნენ ლევიტელები მოსეს კორეს მეთაურობით? რატომ უთხრეს უარი თავისმა ნათესაებმა მორჩილებაზე? რატომ განუდგა იაქვეს უმადლესი ქურუმი აპრონი და დააწესა ოქროს ხბოს კულტი? ასეთი დამაინტერესებელი საკითხები უამრავია ბიბლიაში. თუ ზოგიერთ მათგანზე პასუხის გატემას შევეცადე წიგნში, ყოველთვის ვეძებდი ჩემი დასკვნის დამტკიცებას რომელიმე ბიბლიურ ტექსტში ან მოცემული მოვლენის თანმხლები გარემოებებიდან გამომდინარე ლოგიკურ დასკვნაში.

სამყაროს შექმნა. თაყდაპირველად ღმერთმა ცა და დედამიწა შექმნა. დედამიწა იყო ცარიელი, უდაბური და მარადიული წყვდიადით მოცული. უსასრულო სივრცეს მარტოოდენ წყალი ფარავდა. სული ღმრთისა კი წყალს დასტრიალებდა ზემოდან. და ბრძანა ღმერთმა: „იყავნ ნათელი!“ იხილა ღმერთმა ნათელი, მოეწონა, და გაყო ღმერთმა ნათელი და ბნელი. ნათელს დღე უწოდა, ბნელს კი — ღამე. მეორე დღეს ღმერთმა წყალთა შუა შექმნა ცის კამარა, რომელმაც წყალი ორად გაყო: ცალკე დატოვა დედამიწაზე, ცის კამარის ქვეშ მყოფი წყალი, დანარჩენი კი ცაში წვიმად და ღრუბლად აქცია. მესამე დღეს ღმერთმა ცის კამარის ქვეშ ერთ ადგილზე შეკრიბა წყალი; გამოჩნდა ხმელეთი. ღმერთმა წყალთა შესაკრებელს ზღვა უწოდა, ხმელეთს მიწა დაარქვა. ღმერთმა ბრძანა, რომ მიწაზე ნაირ-ნაირი თესლის მქონე მცენარე და ნაყოფის მომცემი ხე აღმოცენებულიყო. მეოთხე დღეს შექმნა ცის კამარის მანათობელი ორი ციური სხეული — ერთი დიდი, რომ დღისით მოეცა ნათელი, მეორე — მცირე, რომ ღამით გაეფანტა სიბნელე. ასე გაჩნდა მზე და მთვარე დღისა და ღამის გასარჩევად, წლის დროთა, დღეთა და თვეთა აღსანიშნავად. ცის კამარა ღმერთმა ურიცხვი ვარსკვლავებით მოჭყადა. მეხუთე დღეს მან სიცოცხლე მიანიჭა ზღვის ურჩხულებს, წყალში დამკვიდრებულ სხვა სულდგმულს, ჰაერში მონაეარდე ფრინველთ, აკურთხა იხინი და ასე უბრძანა: „აღორძნდით და განმრავლდით და აღავსენით წყალნი ზღვისანი და მფრინველნი განმრავლდენ ქვეყანასა ზედა!“ შეექმნე დღეს ღმერთმა შექმნა პირუტყვეები, ქვეწარმავალნი და დედამიწის ზურგზე მავალი ყოველი ოთხფეხი. სულ ბოლოს შექმნა ადამიანი თავისი ხატებისა და მსგავსების მიხედვით; იგი უნდა ყოფილიყო უფალი და მბრძანებელი ყველაფრისა, რაც კი დე-

ღამიწაზე ცოცხლობდა და ხარობდა. მეშვიდე დღეს ღმერთმა განასრულა ყოველი და განისვენა. ეს დღე მან აკურთხა და ბრძანა, რომ იგი სამუდამოდ უქმედ დარჩენილიყო.

ადამი და ევა სამოთხეში. აღმოსავლეთით გადაჭიმულ მოსავლიან დაბლობზე ღმერთმა გააშენა ბაღი, რომელსაც ედემი — სამოთხე ეწოდებოდა. შიგ დაამკვიდრა ადამი (სიტყვა-სიტყვით ადამიანი) და საქმე მიუჩინა: მას უნდა მოეველო და ეპატრონებინა ბაღისათვის. სამოთხეში ათასგვარი თვალწარმტაცი და ნაყოფით დახუნძლული ხეხილი ხარობდა. ბაღის შუაში ორი ხე იდგა: ერთი — ხე სიცოცხლისა, მეორე — ხე კეთილისა და ბოროტის შემეცნებისა. ხეებს რწყავდა დიდი მდინარე, რომელიც სამოთხეში მოედინებოდა. სამოთხის საზღვარს იქით წყლის ნაკადი ქვეყნის ოთხ მთავარ მდინარედ იყოფოდა. ერთი მათგანი, ფისონი, გარს უვლიდა ევილათის მიწას, სადაც იპოვებოდა სუფთა ოქრო, სურნელოვანი მური და ძვირფასი ქვასარდიონი. მეორე მდინარე, გეონი, გარს ერტყმოდა მთელს ქუშის ქვეყანას. მესამეს ჰიდლეკელი (ტიგროსი) ერქვა. იგი ასურეთის აღმოსავლეთით მიედინებოდა; მეოთხე მდინარე ეფრათი იყო. ღმერთმა იაჰვემ ადამს ნება დართო ყოველგვარი ხეხილის ჭამისა, ოღონდ გააფრთხილა — კეთილისა და ბოროტის შემეცნების ხის ნაყოფს ხელი არ ახლო, თორემ მოკვდებიო. ღმერთმა იაჰვემ იცოდა, რომ ადამიანს მარტო არ გაეძღვებინებოდა, ამიტომ დედამიწის ბინადარი ცხოველები და ციხფრთოსნები სამოთხეში მიჰგვარა ადამს. ადამმა ყველას შეარქვა სახელი — ცხოველებს, ფრინველებს და ყველა სულდგმულს, მაგრამ გული მაინც ეთანადრებოდა, რადგან გვერდით არ ჰყავდა მეგობარი — თავისივე მსგავსი სულიერი. ღმერთმა ადამი ღრმა ძილით დააძინა, ამოართვა ნეკნი და მისგან ქალი შექმნა ადამმა თქვა: „აჰა, ძვალი ძვალთა ჩემთაგანი და ხორცი ხორცთა ჩემთაგანი, ეწოდოს მას ცოლ, რამეთუ ქმრისაგან შექმნილ არს; და დაუტევოს კაცმან მამა თვისი და დედა თვისი და შეუერთდეს იგი ცოლსა თვისსა და იყვნენ ორივენი ერთ-ხორც“.

ადამსა და მის ცოლს ტანთ არ ეცვათ, მაგრამ არა რცხვენოლათ სიშიშვლისა. ღმერთის მიერ შექმნილ სულდგმულთა შორის ყველაზე ცბიერი გველი გამოდგა. ერთხელ მან ქალს ჰკითხა — ღმერთმა ბოროტებისა და სიკეთის შემეცნების ხის ნაყოფის ჭამა რატომ ავიკრძალათო. „რათა არა მოგვკვდეთ“, — მიუგო ქალმა.

— ჯავრი ნურაფრისა გაქვს, არაფერი მოგივათო, — არწმუნებდა მას თვალთმაქცი გველი, თან უმტკიცებდა: ღმერთი ა

ნაყოფის ჭამას იმიტომ არ განებებთ, რომ შიშობს; ადამიანებს თვალი აეხილებათ და ისევე შეიცნობენ სიკეთესა და ბოროტებას, როგორც თვითონ ღმერთმა შეიცნო. ქალმა თვალი შეავლო სიკეთისა და ბოროტების შექცევის ხეს, დაინახა, რა მშვენიერი იყო თვითონ ისიცა და მისი ნაყოფიც, რომელსაც სიბრძნე უნდა მიენიჭებინა მისთვის. მოწყვეტა აკრძალული ნაყოფი, შეჭამა და ქმარსაც შესთავაზა. ადამიც დაჰყვა მის ნებას და ნაყოფს გემო გაუსინჯა. ორივეს მაშინვე აეხილა თვალები და თავისი სიშიშველე დაინახეს; შერცხვათ და სხეულის დასაფარავად ლეღვის ფოთლები დაკრიფეს.

როცა ღმერთი სამოთხეს ეწვია სასიერნოდ, ადამი და ევა ხეებს უკან მიიმაღნენ. ღმერთი ადამს შეეხმიანა და ჰკითხა — სადა ხარო? ადამმა მიუვო: „მესმა ხმა შენი და შემრცხვა, რამეთუ შიშველ ვიყავ და დავიმაღლე“. ღმერთი დაეკითხა: „ვინ გამცნო შენ, რამეთუ შიშველ ხარ, თუ არა გიჭამიეს ნაყოფისაგან აკრძალულისა?“

ადამმა ყველაფერი ცოლს გადააბრალა, ცოლმა კი გველი დაადანაშაულა — შემაცდინა, შემომიჩნდა — გინდა თუ არა, აკრძალული ნაყოფი ჭამეო. ღმერთი განრისხდა, დაწყევლა გველი და სამუდამოდ მიუსაჯა მიწაზე ხოხუა, მტკვრის ჭამა და განუწყვეტელი მტრობა ადამიანებისა. ქალს უთხრა — ამიერიდან, წამებით გააჩენ შეილებს, ქმრის მორჩილი იქნები, ის კი შენი მბრძანებელი იქნებაო. ბოლოს ღმერთმა ადამს ამცნო, რომ მისი ურჩობის გამო წყევლიდა მიწას, რომელიც ადამს არჩენდა; „ეკალსა და კუროსთავსა აღმოგიცენებდეს იგი შენ და ბაღასი ველისა სჭამო შენ. ოფლითა პირისა შენისაითა სჭამდე პურსა შენსა, ვიდრე მიიქცე მიწად, რომლისაგან შექმნულ ხარ, რამეთუ მიწა ხარ და მიწადვე მიიქცე“.

ადამმა მეუღლეს ევა დაარქვა, რადგან იგი უნდა გამხდარიყო დედამიწაზე მაცხოვრებელი ყოველი ადამიანის დედა. ღმერთმა ცოდვილ ცოლ-ქმარს ნადირის ტყავის სამოსელი მისცა, დაუფარა შიშველი სხეული და სამოთხიდან გააძევა — არ უნდოდა, სიცოცხლის ხის ნაყოფიც ეჭამათ და უკვდავნი გამხდარიყვნენ. სამოთხის კართან დარაჯად დააყენა ფრთოსანი ქერუბიმი და ხელში მოტყინარე მახვილი მისცა.

კაენი და აბელი. ადამსა და ევას ორი ძე ჰყავდა. უფროსს კაენი ერქვა, უმცროსს კი აბელი. აბელი ცხვარს მწყემსავდა, კაენი მიწას ამუშავებდა. ერთხელ კაენმა ღმერთს მსხვერპლი მიართვა — დედამიწის მცენარეთა მრავალი ნაყოფი; აბელმაც პირველშობილი ბატკნები შესწირა თავისი ფარიდან. ღმერთმა იაჰვემ აბელის ძღვენი შეიწყნარა, კაენისა კი უარყო.

კაენს გულზე ცეცხლი შემოენთო და სახეც მოელუშა. მაშინ ია-
კემ კაენს ჰკითხა: — „რად შეჭმუნებულხარ? რად დაგიდრე-
კიეს პირი შენი მიწად? აჰა, ცოდვა ძვეს კარსა თანა, — უთხრა
მან კაენს, — ისწრაფის იგი შენდა, ხოლო შენ სძლიე მას“.

კაენმა არ შეისმინა გაფრთხილება. შურიტ გაბორო-
ტებულმა აბელი მინდორში გაიტყუა და ვერაგულად მოკლა.
ღმერთმა იხილა კაენის დანაშაული და კვლავ მიმართა მას:
„კაენ, სადა არს აბელ, ძმა შენი?“ კაენმა მიუგო: „არა ვიცი,
ნუკავე მცველ ვარ ძმისა ჩემისა?“ მაშინ განრისხებულმა
ღმერთმა კაენს ჰკითხა: „ეს რა ჰქმენ? სისხლი ძმისა შენისა
დალაღებს ჩემდამო ქვეყნითგან!“

ღმერთმა შერისსა კაენი და ამცნო — უკუნითი უკუნისამდე
იქნები დევნილი და ყარიბი, ხოლო თუ ვინმე განიზრახავს შენს
მოკვლას, შემადრწუნებელ სასწაურს მიიღებსო. კაენი იაქვეს
დაეძალა — ედემის აღმოსავლეთით, ნაიდის ქვეყანაში დასახლ-
და. აქ მან ცოლად შეირთო ევა, ევამ შვა ძე — ენოქი*. ენოქის
შვილიშვილის შვილს ლამექს ორი ცოლი ჰყავდა. ერთ-ერთი
მათგანი იყო ადა, რომლისგანაც შეეძინა ვაჟიშვილი იაბალი.
იგი მომთაბარეთა და მწყემსთა მამამთავარი გახდა. მისი ძმა
იობალი იყო მამამთავარი მუსიკოსებისა, ხალამურსა და ბარ-
ბითზე რომ უკრავდნენ. თუბალი, რომელიც მეორე ცოლთან,
სელასთან შეეძინა, იყო ხელმარჯვე ოსტატი, რეალისა და რკი-
ნის მჭედელი.

აღამა ცხრაას ოცდაათი წელი იცოცხლა. ევამ მას შესძინა
ძენი და ასულნი, მათი შთამომავლები მეტად მომრავლდნენ.
ერთ-ერთი მათგანი იყო მათუსალა, რომელმაც ცხრაას სამოც-
დაცხრა წელი იცოცხლა. მისი შვილიშვილი იყო ნოე. ნოეს სა-
მი ძე ჰყავდა: სემი, ქამი და იაფეთი.

წარღვნა. აღამისა და ევას შთამომავლობა თანდათან გა-
ნეფინა დელამიწაზე. მაგრამ აღამიანთა მოღვა შერისხული იყო
პირველი ცოდვის გამო. აღამიანს უძძიმესი შრომით უნდა მოე-
წია პური არსობისა; მის გულში ღვარძლმა და სიბილწემ
დაისადგურა. აღამიანები განუწყვეტლივ ებრძოდნენ, ანადგუ-
რებდნენ და ძარცვავდნენ ერთმანეთს. იმატა ძალმომრეობამ და
დანაშაულმა. ამ შუოთსა და არეულობაში განგების გაფრთხი-
ლებას ვეველამ ყური წაუყრია.

იაქვეს სანანებლად დაურჩა თავისივე ნამოქმედარი, ძალზე
ჩხუხდა აღამიანთა მოღვმის დანაშაულს. მან გადაწყვიტა, ერ-
თიანად მოესრა ქვეყნად ვეველა სულდგმული — აღამიანიცა და
ცხოველიც და ბოლო მოეღო მათი ცოდვილი არსებობისათვის.
მაგრამ თავისი ქმნილებანი მთლად ვერ გაიმეტა გასაცამტვე-
რებლად. იმედი ჰქონდა — აღამიანთა და ცხოველთა მომღვენო

თაობა მეტად მორჩილი იქნება და უკეთეს, უფრო ბედნიერ ცხოვრებას შექმნისო.

ცოდვილთა შორის ღმერთი ერთადერთ კაცს უყურებდა კარგი თვალით — ნოეს, რომელიც მართალი და უცოდველი იყო. ნოეს სამივე ძეც — სემი, ქამი და იაფეთი — ერთდებოდნენ მრუდე გზაზე დადგომას. ღმერთის მითითებით ნოემ ააგო ხის კილობანი და შიგნიდან და გარედან ყველა ღრიჭე გაფისა. კილობნის სიგრძე იყო სამასი წყრთა, სიგანე — ორმოცდაათი, სიმაღლე კი ოცდაათი. კილობანი სამსართულიანი იყო, სარკმელი და კარი კი თითო-თითო ჰქონდა. ნოე ამ დროს ექქესასი წლისა იყო, მაგრამ შვილების დახმარებითა და ხელშეწყობათ კილობნის აშენება მაინც დაამთავრა.

იხილა თუ არა ღმერთმა გამზადებული კილობანი, ბრძანა, რომ დედამიწას წარღვნას მოუკლუნდა. მან გადაწყვიტა, ადამიანთა მოდგმადან გადაერჩინა მხოლოდ და მხოლოდ ნოე, მისი ცოლი და მათი სამი ძე, თავ-თავისი ცოლებითურთ, აგრეთვე ოთხფეხთა, ქვეწარმავალთა და ფრინველთაგან თითო წყვილი. ნოემ კილობანში შეამწყვდია ეს წყვილები, მოიძარაგა სასმელსაჭმელი და ოჯახიანად ჩაიკეტა შიგ.

შვიდი დღის შემდეგ დაიწყო კოკისპირული წვიმა, რომელიც ორმოც დღე-ღამეს გაგრძელდა. წყალი ზევით-ზევით იწვედა და ბოლოს მთელი დედამიწა დაფარა; მღელვარე ტალღებმა ყველაზე მაღალ მთებსაც კი გადაუარეს. სიცოცხლის ნიშანწყალი აღარსად დარჩა: წარღვნამ შთანთქა ადამიანებიც, პირუტყვიცა და ფრინველებიც. მხოლოდ ნოეს კილობანი დაცურავდა უვნებლად უკიდევანო წყლის სივრცის ზედაპირზე.

როგორც იქნა, წვიმა შეწყდა, მაგრამ წყალი ძალიან ნელა იკლებდა; გავიდა ასორმოცდაათი დღე და ამასობაში ერთი მტკაველი ხმელეთიც არსად გამოჩენილა. მეშვიდე თვეს კილობანი სომხეთის* მთის, არარატის, წვერზე შეჩერდა, მეთათე თვეს კი გარშემო მღებარე მთათა მწვერვალებიც გამოჩნდნენ წყალში.

ნოემ კიდევ თოთხმეტი დღე იცადა, შემდეგ სარკმლიდან ყორანი გადმოაფრინა — უნდოდა გაეგო, იპოვიდა თუ არა ხმელეთს. ფრინველი მალე დაბრუნდა. ნოემ ახლა მტრედი გამოუშვა. მაგრამ მანაც ვერსად იპოვა თავშესაფარი და მალე დაბრუნდა უკან. შვიდი დღის შემდეგ ნოემ კვლავ გაუშვა მტრედი. ფრინველი საღამოთი დაბრუნდა და თან ნისკარტში გაჩრილი ზეთისხილის რტო მოიტანა. ეს იმის მაუწყებელი იყო, რომ აქა-იქ ხმელეთი გამოჩნდა. ნოემ კიდევ შვიდი დღე შეიცადა და მტრედი მესამედ გაუშვა. ფრინველი აღარ დაბრუნებულა, რადგან დედამიწა უკვე გამშრალიყო.

ნოე გადმოვიდა კილობნიდან და ააგო საკურთხეველი, რათა ღმერთისთვის, ხსნის სამადლობლად, მსხვერპლი შეეწირა.

იაჰვემ გადაწყვიტა — ამიერიდან კაცთა მოღვმა წარღვნით აღარ დაესაჯა და ყველა ცოცხალ არსებასთან დადებული მარადიული ზავის ნიშნად ცაზე შვიდფერი ცისარტყელის სხივოსანი კამარა გამოჰკიდა.

ნოე კვლავ შეუგდა ხენა-თესვასა და საქონლის მოშენებას, ჩაყარა ვაზი და ღვინის დაყენებასაც მიჰყო ხელი. ერთხელ მან ზომაზე მეტი დალია, სამოსელი შემოიხია და შიშველმა დაიძინა თავის კარავში. ნოეს თავს წამოადგა ქანაანის მამა ქამი. მან სიცილით აუწყა თავის ძმებს ყველაფერი, რაც ნახა. მაგრამ სემმა და იაფეთმა მეტი პატივისცემა გამოიჩინეს მამისა, მძინარეს თვალი მოარიდეს და შიშველ ტანზე ტანსაცმელი წააფარეს. ნოემ გამოიფხინზლა, გაიგო ქამის საქციელი. განრისხდა და დაწყველა იგი: „უწინასწარმეტყველა ქამს: შენი შთამომავლები სემისა და იაფეთის შთამომავალთა მონები იქნებიანო.“

წარღვნის შემდეგ ნოემ სამას ორმოცდაათი წელი იცოცხლა, სიკვდილის ჟამს იგი ცხრაას ორმოცდაათი წლისა იყო. მისი ვაჟებისაგან წარმოიშვა ადამიანთა მოღვმის სამი უდიდესი ჯგუფი. იაფეთი ჩრდილოეთის ხალხთა მამამთავარი გახდა; სემის ჩამომავლები იყვნენ სემიტები; ქამმა დასაბამი დაუდო აფრიკელ ხალხებს — ქამიტებს. ქამის ერთ-ერთი შთამომავალი იყო ნებროთი. მან სახელი გაითქვა, რადგან იყო „გმირი მონადირე წინაშე უფლისა“.

ბაბილონის გოდოლი. დედამიწის მკვიდრი ადამიანები თავდაპირველად ერთ ენაზე ლაპარაკობდნენ. მათ ეკავათ სენაარის დაბლობი მდინარე ტიგროსისა და ევფრატის აუზის მიდამოებში. აქ მიწა დიდ მოსავალს იძლეოდა, ამიტომ ხალხს დოვლათი თანდათან ემატებოდა. ადამიანებს გულზვიადობის გრძნობა დაეუფლათ. მათ გადაწყვიტეს, აეგოთ ისეთი მაღალი გოდოლი, რომ მისი თავი ცას მისწვდომოდა.

შენებისას მასალად ქვის ნაცვლად იყენებდნენ გამოძწვარ აგურს, კირის მაგივრად — თიხას. კოშკი ზევით-ზევით მიიწევდა მანამ, სანამ იაჰვე არ შეშფოთდა და მისი ნახვა არ გადაწყვიტა. ადამიანთა მედიდურობამ განარისხა ღმერთი. მან ისინი სხვადასხვა ენაზე ამეტყველა, რომ ერთმანეთისა ვეღარაფერი გაეგოთ და თავვზა აბნეოდათ. ამას ისეთი არეულობა მოჰყვა, რომ მშენებლებმა ხელი აიღეს თავის მედიდურ ზრახვებზე, მიატოვეს მასალა, იარაღი და მთელ ქვეყანაზე მიმოიფანტნენ. იმ ქალაქს, სადაც გოდოლს აგებდნენ და სადაც ენათა აღრევა მოხდა, ბაბილონი უწოდეს.

**ბასსოცარი აღმოჩენები სამყაროს შექმნის,
სამოთხის, ჟარღვნისა
და ბაბილონის გოდლის შესახებ**

ბიბლია გვამცნობს, რომ ებრაელთა პირველი სამშობლო იყო მესოპოტამია. აბრაამის ოჯახი ცხოვრობდა ურში, რომელიც შუმერთა უძველესი დედაქალაქი იყო, შემდეგ კი გადასახლდა ქანაანში, ახლანდელ პალესტინაში. ამრიგად, ებრაელები ეკუთვნოდნენ ხალხთა იმ ღიდ ჯგუფს, რომელმაც კაცობრიობის ისტორიაში ერთ-ერთი უმდიდრესი კულტურა შექმნა ტიგროსისა და ეფრატის აუზის მიდამოებში. ამ უდიდესი კულტურის მთავარი შემოქმედნი იყვნენ შუმერები. ჯერ კიდევ მესამე ათასწლეულში ჩვენს წელთაღრიცხვამდე ისინი აშენებდნენ მშვენიერ ქალაქებს, უზარმაზარი განშტოებების მქონე არხებით რწყავდნენ ნიადაგს, მისდევდნენ ხელოსნობასაც, რომელიც მათ ძალიან ემარჯვებოდათ. შუმერებმა შექმნეს ლიტერატურისა და ხელოვნების შესანიშნავი ძეგლები. აქადელები, ასურელები, ბაბილონელები, ხეთები, არამეელები, რომლებმაც შემდგომ თავ-თავის სახელმწიფოები შექმნეს მესოპოტამიასა და სირიაში, შუმერთა მოწაფეები იყვნენ და მათგან მემკვიდრეობით მიიღეს უდიდესი კულტურული საგანძური.

XIX საუკუნის შუა წლებამდე ამ ხალხთა კულტურის შესახებ გაგვიანდა მხოლოდ ძუნწი, ზოგჯერ კი სულ ყალბი ცნობები. მხოლოდ მესოპოტამიაში ჩატარებულმა ფართო მასშტაბის არქეოლოგიურმა გათხრებმა გამოავლინა ამ ხალხთა კულტურის სიმდიდრე და სიღიადე. გათხარეს ნანგრევები ისეთი დიდებული ქალაქებისა, როგორიცაა ური, ბაბილონი და ნინე-ვია. მეფეთა სასახლეებში იპოვეს ლურსმული წარწერებით აჭრელებული ათასობით ფირფიტა, რომელთა ამოკითხვა უკვე მოხერხდა. შინაარსის მიხედვით ეს დოკუმენტები მრავალგვარია. მათ შორის გვხვდება ისტორიული ქრონიკები, დიპლომატიური კორესპონდენცია, ხელშეკრულებები, რელიგიური მითები და პოემები; აქ აღმოჩნდა კაცობრიობის უძველესი ეპოსი. შუმერთა ნაციონალური გმირის გილგამეშის შესახებ.

ლურსმული ფირფიტების თანდათანობითმა ამოკითხვამ ცხადყო შედეგი: ბიბლია, რომელსაც საუკუნეთა განმავლობაში თვლიდნენ ღვთიური შთაგონების ნიადაგზე წარმოშობილ თხზულებად, ნამდვილად ებრაელების მიერ დაწერილი ორიგინალური ნაწარმოები არაა. იგი თავისი ფესვებით მესოპოტამიის ტრადიციებს უკავშირდება; მისი მრავალი დეტალი და ზოგჯერ მასში მოთხრობილი მთელი ამბებიც კი მეტ-ნაკლებადაა ნასესხები შუმერული მითებისა და ლეგენდების მდიდარი საგანძურიდან.

კაცმა რომ თქვას, ეს არცაა გასაკვირი. თანამედროვე ისტორიული მეცნიერებისათვის უფრო უცნაური სწორედ საქმის სხვაგვარი ვითარება იქნებოდა. ჩვენ ხომ ვიცით, რომ კულტურები და ცივილიზაციები უკვალოდ არ ქრებიან. თავის უძვირფასეს მონაპოვარს ისინი გადასცემენ უფრო ახალგაზრდა კულტურებს. ეს პროცესი ზოგჯერ რთული გზით მიმდინარეობს; არც ისე დიდი ხნის წინათ ჩვენ გვეგონა, რომ ევროპული კულტურა მთლიანად საბერძნეთიდან მომდინარეობდა. უახლესმა გამოკვლევებმა კი ცხადყვეს, რომ ბევრი რამ ჩვენ მიმკვიდრებით მივიღეთ იქიდან, რაც ხუთი ათასი წლის წინათ შექმნა შუმერთა გენიამ. კულტურები და ხალხები განუწყვეტლივ ჩნდებიან და ქრებიან, მაგრამ მათი გამოცდილება ცოცხლობს და მდიდრდება მომდევნო თაობებში, მონაწილეობს ახალი, უფრო სრულყოფილი კულტურის შექმნაში.

ამ უწყვეტ ისტორიულ პროცესში ებრაელები განზე როდი იდგნენ. ასეთი განცალკევება არც შეიძლებოდა მომხდარიყო. ებრაული კულტურის ფესვები მომდინარეობს მესოპოტამიური კულტურიდან, აქედან ებრაელებმა ქანაანში გადაიტანეს წარმოდგენები, ზნე-ჩვეულებანი და რელიგიური მითები, რომლებიც ათასწლეულთა განმავლობაში ყალიბდებოდა ტიგროსისა და ევფრატის ნაპირებზე. ამ შორეულ გავლენათა ნათელ კვალს დღეს ბიბლიის ტექსტებში ვპოულობთ. მაგრამ ასეთი ურთიერთობისა და სესხება-გადმოღების ფაქტების გამოვლინება მაინც არაა იოლი საქმე. ქანაანში დასახლებული ებრაელები თანდათან განთავისუფლდნენ მესოპოტამიის გავლენისაგან. აქედან წამოდებულ წარმოდგენებს, მითებსა და თქმულებებს ისინი ზეპირად გადასცემდნენ თაობიდან თაობას და თანდათან ასხვაფერებდნენ მათ. ებრაული ლეგენდების პირველადი სახე ისე ძირფესვიანადაა ზოგჯერ გადაშლილი, რომ მათი წარმომავლობის დადგენა მხოლოდ მესოპოტამიური წყაროებით შეიძლება.

ამ ნათესაური ურთიერთობის მიჩქმალვა უმთავრესად აინტერესებდა ქურუმებს, რომლებმაც ძველი წელთაღრიცხვის VI-IV საუკუნეებში, ბაბილონის ტყვეობიდან დაბრუნების

შემდეგ რედაქცია გაუკეთეს ძველი ალექსის ტექსტს და გამოგვეცეს იგი იმ სახით, რა სახითაც დღეს გვაქვს. ისინი თავის კომპილაციებში წარბეჭდურულად ცვლიდნენ ძველ ხალხურ თქმულებებს და წინასწარ მოფიქრებული რელიგიური მიზნებისათვის იყენებდნენ. მათ არ ესმოდათ, რა არის სიმართლე. თაობიდან თაობაში გადმოსული თქმულებები მათთვის საჭირო იყო მხოლოდ იმის დასამტკიცებლად, რომ იაჰვე ჯერ კიდევ აბრაამის დროიდან მართავდა თავისი რჩეული ხალხის ბედს.

მეცნიერთა და მკვლევართა საბედნიეროდ, ქურუმები გადაკეთებასა და გაყალბებას ყოველთვის ბოლომდე თანმიმდევრულად ვერ ახერხებდნენ. ბიბლიის ტექსტებში მათ ვერ შეამჩნიეს მრავალი წვრილმანი, რომელიც ამჟღავნებდა მათ მჭიდრო კავშირს მესოპოტამიის კულტურასთან. საუკუნეთა განმავლობაში ვერაფერს ჩასწვდა მათ აზრს. მხოლოდ დიდმა არქეოლოგიურმა აღმოჩენებმა, რომლებმაც შუმერთა, აქადელთა, ასურელთა და ბაბილონელთა მივიწყებული კულტურის აღდგენის სამუალებმა მოგვცა, მოჰფინეს შუქი წინათ გაუგებარ დეტალებს და გამოავლინეს მათი ადრეული წარმოშობა.

ქურუმების მიერ ძველი მესოპოტამიური მითების შერყვნის მაგალითად შეიძლება დავასახელოთ ბიბლიური გადმოცემა სამყაროს შექმნის შესახებ.

ცნობილმა არქეოლოგმა ჯორჯ სმიტმა ლურსმულ ფირფიტებზე წაიკითხა მთელი ბაბილონური პოემა „ენუმა ელიში“, რომელშიც აღწერილი იყო სამყაროს შექმნის ამბავი. მას გარეგნულად არაფერი ჰქონდა საერთო ბიბლიურ თქმულებებთან. ამ მითოლოგიური ეპოსის შინაარსი (რა თქმა უნდა, ძალზე შემოკლებული სახით) ასეთია:

თავდაპირველად არსებობდა მხოლოდ წყალი და მეფობდა ქაოსი. ამ საშინელი ქაოსისაგან იშვნენ პირველი ღმერთები. საუკუნეთა განმავლობაში ზოგიერთმა მათგანმა დედამიწაზე წესრიგის დამყარება განიზრახა. ამან განარისხა ღმერთი აბზუ და მისი ცოლი, ქაოსის საშინელი ქალღმერთი თიამათი.

ბრძენი ღმერთის ეას ხელმძღვანელობით მეამბოხებმა აბზუ მოკლეს. თიამათმა, რომლის გამოსატყულებები გველეშაპის სახისაა, გადაწყვიტა შური ეძია და ქმრის სისხლი აედო. ღმერთებმა მარდუქის ხელმძღვანელობით ხელჩართული ბრძოლა გამართეს, სისხლისმღვრელი შეტაკების დროს მოკლეს თიამათი და მისი უზარმაზარი სხეული გაჩეხეს ორ ნაწილად — ერთი მათგანი მიწად იქცა, მეორე — ცად. აბზუს სისხლი კი შეურიეს თიხას და ამ ნარევისაგან გაჩნდა პირველი ადამიანი.

იბადება კითხვა: რა შეიძლება ჰქონდეს საერთო ძველ ალექსაში აღწერილ ამალღებულ, მონოთეისტურ ამბავს ამ უღიმღამო, ზედმიწევნით პრიმიტიულ ბაბილონურ კოსმოგო-

წიხსთან? და მაინც აჩსებობს უდავო მონაცემები, რომლებიც ამტკიცებენ, რომ ეს კოსმოგონია, ამა თუ იმ სახით, გახდა მასალა გაცილებით უფრო აღზევებული განწყობის მქონე ძველი ებრაული ვარიანტისათვის. ამერიკელმა არქეოლოგმა ჯეიმს ჯ. პრინარდმა საგულდაგულოდ შეუდარა ერთმანეთს ეს ორი ტექსტი და მათ შორის მრავალი განსაკვიფრებელი დამთხვევა აღმოაჩინა. უპირველეს ყოვლისა, გასაოცარია მოვლენათა ერთგვარი თანმიმდევრობა ორივე ტექსტისათვის: ცისა და ციური სხეულების წარმოშობა, წყლის გამოყოფა მიწისაგან, ადამიანის შექმნა მეექვსე დღეს, აგრეთვე ღმერთის დასვენება ბიბლიის თანახმად და ბაბილონელი ღმერთების ნადიმი მეშვიდე დღეს „ენუმა ელიშიზ“ მიხედვით. ზოგიერთი მეცნიერის აზრით, დაბადების ტექსტს ერთგან პოლითეისტური აზრი აქვს: „და იყვნეთ ვითარცა ღმერთი, მეცნიერ კეთილისა და ბოროტისა“. (შესაქმე, თ. 3. მ. 5). თვლიან, რომ „ღმერთი“ აქ „ღმერთებს“ ნიშნავს და რომ ამ სიტყვას პოლითეისტური აზრი აქვს*.

თუ ეს სწორია, მაშინ აშკარაა, რომ იუდეველმა რედაქტორებმა უყურადღებობა გამოიჩინეს და ბიბლიის ტექსტებს ამიტომ შემორჩა ძველი პოლითეისტური შეხედულებების კვალი. დაბადების მეექვსე თავში ადამიანებს ჰქვიათ „ძენი ღმრთისანი“; ამასვე უწოდებს ბაბილონური მითი აჯანყებულ ღმერთებს, რადგან ისინი ნამდვილად იყვნენ ღმერთ აბზუსა და ქალღმერთ თიამათის ძენი.

მკვლევრები დიდი ხნის განმავლობაში იმტვრევდნენ თავს დაბადების პირველი თავის მეორე მუხლზე; მასში ნათქვამია, რომ ღვთის სული — არსებითად ღვთის ცხოველმყოფელი სუნთქვა, წყალს დასტრიალებდა ზემოდან. ამ მუხლის აზრს სულ სხვადასხვაგვარად ხსნიდნენ. განმარტებათაგან ზოგი მთლიანად აშკარად დაუჯერებელი და მოჩმახული იყო. ამგვარმა შეცდომამ გასტანა იქამდე, სანამ ფინიკიის ქალაქის, უგართის, ახლანდელი რას-შამრას ახლოს (სირიაშია), ნანგრევებში ლურსმული ფირფიტები არ იპოვეს. ამ ფირფიტებს მითოლოგიურ პოემათა კრებულის საზე ჰქონდა. კოსმოგონიურ მითში მეცნიერები წააწყდნენ ტექსტს, რომლის მიხედვითაც ღმერთი იჯდა წყალზე, როგორც ფრინველი ზის კვერცხებზე, და ქაოსისგან გამოიქცა სიცოცხლე. უჭველია, ბიბლიაში განსახიერებულ ღვთის სული, რომელიც „იქცეოდა წყალთა ზედა“ უგართულ მითის გამოძახილია.

სამყაროს შექმნის ბიბლიური ამბავი უდავოდ ქვეყნიერები-საგან განშორებულ ქურუმთა განცალკევებულ წრეში იშვა; თეოლოგთა ინტელექტუალურმა კონცეფციამ პოპულარობა ვერ მოიპოვა ებრაელი ხალხის ფართო მასებში. უბრალო კაცი ფანტაზიაზე, ალბათ, გაცილებით მეტად მოქმედებდნენ დრამა-

ტული მითები, რომლებშიც მოთხრობილი იყო ამბავი ქაოსის გიგანტურ ურჩხულთან ღმერთების გმირული შეჭიდებისა. ძველი აღთქმის ტექსტებმა ამ ხალხური რწმენის მკაფიო კვალი შემოინახეს. უგარითული პოემა გადმოგვცემს, რომ ღმერთმა ბაალმა შეიდთავიანი ურჩხული ლევიათასი დაამარცხა. წინასწარმეტყველ ესაიას წიგნში სიტყვასიტყვით წერია:

„ღღესა მას სცეს იაჰვემ მახვილი მისი, დიდი და მძიმე და ძლიერი, ლევიათასსა, გველსა მცურავსა და ლევიათასსა, გველსა ღრკუსა და მოკლას ვეშაპი, რომელ არს წყალთა შინა“ (შდრ. ეს. თ. 27, მ. 1).

ეს ურჩხული ბიბლიაში რააბის სახელითაც გვევლინება. იაჰვეს კონფლიქტი რააბთან ნახსენებია იოხის წიგნში, ერთ-ერთ ფსალმუნსა და აგრეთვე ესაიას წიგნში.

ჩვენ ხელსაყრელ მდგომარეობაში ვართ: შეგვიძლია თვალყური მივადევნოთ, თუ რა გზა გაიარა ისტორიაში მესოპოტამიურმა მითმა ურჩხულის წინააღმდეგ ღმერთების ბრძოლის შესახებ. შუმერების დროს ძლევა მოხდა, ურჩხულის გამანადგურებელ ღმერთად თვლიდნენ ენლილს. როცა მესოპოტამია ბაბილონის მეფემ ხამურაბიმ დაიპყრო, ურჩხულის მძლეველ ღმერთი მარდუქი გახდა. განვლეს საუკუნეებმა; შუამდინარეთში ასურელები გაბატონდნენ და მთელ სახელმწიფოში უზენაესი ღმერთის სახელი აშურმა მოიპოვა. ასურელმა მწერლებმა ლურსმულ ფირფიტებზე ამოშალეს მარდუქის სახელი და მის მაგივრად თავისი საკუთარი ტომის ღმერთის აშურის სახელი ჩაწერეს. მაგრამ მათ დაუდევრობა გამოიჩინეს და ტექსტში რამდენჯერმე გაეპარათ მარდუქის სახელი. შემდეგ მითმა მიიღწია პალესტინამდე, სადაც ებრაელებმა იაჰვე აიძულეს, ებრძოლა ურჩხულ ლევიათან ანუ რააბთან. ზოგიერთი მეცნიერის აზრით, ამ მითმა ქრისტიანულ რელიგიაშიც მოიკიდა ფეხი იმ ლეგენდებში, რომლებიც გველეშაპის შემმუსვრელ წმინდა გიორგის ეხებოდნენ.

დაბოლოს, სამყაროს შექმნაზე გავრცელებულ ბიბლიურ თქმულებებთან დაკავშირებით უნდა აღვნიშნოთ ერთი საინტერესო ფაქტი: იგი განსაკუთრებით ახასიათებს იმ ადამიანებს, რომლებმაც ძველ აღთქმაში ყოველგვარი ადამიანური ცოდნის აღფა და ომეგა დაინახეს. 1654 წელს ირლანდიელმა არქივისკოპოსმა უშერმა განაცხადა: „საღმრთო წერილის“ გულდასმით შესწავლა გვარწმუნებს, რომ ღმერთმა სამყარო შექმნა 4004 წელს ჩვენს წელთაღრიცხვამდე“. მთელი საუკუნის მანძილზე ბიბლიის ყოველ მომდევნო გამოცემაში ასახელებდნენ ამ თარიღს. ყველას, ვინც მას ეჭვის თვალთ შეხედავდა, მწვალებლებს უწოდებდნენ.

არქივისკოპოს უშერის წინააღმდეგ გამოვიდა ეპისკოპოსი

ლაითფუთი და უსაყვედურა, რომ მისი ნაანგარიშევი თარიღი საკმაოდ ზუსტი არაა. ამ ეპისკოპოსის აზრით, სამყარო თურმე ღმერთს შეუქმნია არა მარტო ძველი წელთაღრიცხვის 4004 წელს, არამედ ამ წლის 23 ოქტომბერს, დილის 9 საათზე.

რაც შეეხება სამოთხეს, ისიც შუმერთა ფანტაზიის ნაყოფია. ღმერთ ენიჭე შექმნილ მითში სამოთხე წარმოდგენილია ხეხილით სავსე ბაღად, რომელშიც ადამიანები და მხეცები მშვიდობიანად და ჰარმონიულად ცხოვრობენ. მათთვის უცხოა ყოველგვარი ტანჯვა და ავადმყოფობა. სამოთხე გადაშლილია დიღმუნის მიდამოებში (სპარსეთშია). ბიბლიური სამოთხე უეჭველად მესოპოტამიაში მდებარეობს, რადგან მის ტერიტორიაზე იღებს სათავეს ოთხი მდინარე, რომელთაგან ორი ეფფრატი და ტიგროსია.

ამ ორი მითის ზოგიერთი ადგილი გასაოცრად ემთხვევა ერთმანეთს. ჩვენს ამოცანას არ შეადგენს ყოველი წერილმანადეტალის გარჩევა, მაგრამ ერთი რამ მაინც უნდა აღვნიშნოთ: ადამიანის შეცოდების იდეა ორივე თქმულებაში ჩანს.

ბიბლიის მიხედვით, ადამსა და ევას გველი აცდუნებს და შთააგონებს, ბოროტებისა და სიკეთის შემეცნების ხის ნაყოფი იგემონ. მესოპოტამიური მითის თანახმად, ადამიანის მაცდური მრჩეველია ღმერთი ეა. ორივე ვერსია გამოხატავს ერთ აზრს — ბოროტებისა და სიკეთის შეცნობა, ანუ სიბრძნე, ადამიანს ღმერთთან ათანაბრებს და უკვდავებას ანიჭებს. გავიხსენოთ, რომ სამოთხეში სიკეთისა და ბოროტების შემეცნების ხის გვერდით იზრდებოდა უკვდავების მომნიჭებელი სიცოცხლის ხეც. ღმერთს ადამი და ევა სამოთხიდან მარტო ურჩობის გამო კი არ გამოუძეებია, არამედ იმიტომაც, რომ შეეშინდა — სიცოცხლის ხის ნაყოფსაც მისწვდებიან და ჩემსავით უკვდავი გახდებიანო. დაბადების მესამე თავში ვკითხულობთ: „და თქვა ღმერთმან: აჰა, ადამ იქმნა ვითარცა ერთი ჩვენთაგანი (აქაც კვლავ პოლითეიზმის გადმონაშთია), მეცნიერ კეთილისა და ბოროტისა. და აწ განწვადოს ხელი თვისი და მოწყვიტოს ნაყოფი ხისაგან ცხოვრებისა და ჭამოს, და იცოცხლოს მარად“ (დაბ. 3, მ. 22).

ასევე შეიძლება აიხსნას, ნაწილობრივ მაინც, ბიბლიის მაცდური გველის წარმოშობაც. შუმერი გმირი გილგამეში სიცოცხლის მცენარისათვის გაემგზავრა სამოთხის კუნძულზე ღმერთების საყვარელ უთნაფისთიმთან; როდესაც უკან დაბრუნებისას მდინარეზე გადადიოდა, ერთ-ერთმა ღმერთმა, რომელსაც არ სურდა, ადამიანს უკვდავება მიეღო და ღმერთებს ვასთანაბრებოდა, გველის სახე მიიღო, თავი ამოყო წყლიდან და გილგამეშს ჯადოსნური მცენარე გამოჰკლიჯა. სიტყვამ მოიტიანა და აღვნიშნავთ, რომ ამ შუმერულ ლეგენდას უეჭველად შეუძ-

ლია აკვიხსნას, თუ რატომ გამოსახადენ ებრაელები იაქვეს გველის სახით აბრაამის დროიდან მოყოლებული მრავალი საუკუნის განმავლობაში. ამგვარი გამოსახულებები ერთიანად განადგურეს მხოლოდ მაშინ, როცა ებრაელმა ქურუმებმა აკრძალეს მათი თაყვანისცემა. ხატთმებრძოლი მღვდელთმთარეპი გამოდნენ ამ სიმბოლოებს, როგორც კერპთაყვანისმცემლობის გამოვლინებას.

არქეოლოგებმა მესოპოტამიის ერთ-ერთი ქალაქის ნანგრევებში იპოვეს აქადური საბეჭდავი. მასზე ამოჭრილი სცენა, ალბათ, გადმოსცემს ადამსა და ევაზე გავრცელებული თქმულების პროტოტიპს. საბეჭდავზე მოჩანს გველშემოხვეული ბე, აქეთ-იქით კი გამოსახულია რქებიანი მამაკაცისა და ქალის ფიგურები. ოღონდ ისიც არაა დასამალავი, რომ ფიგურების კონტურები გადაშლილია და მათი გარჩევა ძალიან ჭირს; ამიტომ ზოგიერთი მკვლევარი დაეჭვდა — აქეს თუ არა საბეჭდავს რაიმე საერთო პირველ ადამიანზე შექმნილ მითთან. მაგრამ რაკი ამ გამოსახულებას უფრო დამაჯერებელი ახსნა ვერაინ მოუნახა, სავარაუდებელია შემდეგი: ნამდვილადაა ნაპოვნი დამამტკიცებელი საბუთი, რომ მითი ადამსა და ევაზე ჯერ კიდევ მესოპოტამიაში არსებობდა.

ადამიანებს უხსოვარი დროიდან საგონებელში აგდებდა ის ფაქტი, რომ ღმერთმა ევა შექმნა ასეთი ახირებული გზით — ადამის ნეკნისაგან. მას ხომ თიხა ბლომად ჰქონდა და შეეძლო ისევე გამოეძერწა მისგან ქალი, როგორც მამაკაცი გამოძერწა. ბაბილონის ნანგრევებში აღმოჩენილმა ლურსმულმა ფირფიტებმა ამ საიდუმლოების სენსაციური ახსნა-განმარტება მოგვცეს. როგორც ჩანს, მთელი ეს ამბავი უცნაურ გაუგებრობაზეა დაფუძნებული. სახელდობრ: შუმერული მითის მიხედვით, ღმერთ ენქის ნეკნი სტკიოდა. სიტყვა „ნეკნი“ შუმერულ ენაზე შეესაბამება სიტყვა „თი“. ქალღმერთს, რომელიც ენქის ნეკნის მოსარჩენად გამოიძახეს, ერქვა ნინთი, ესე იგი, „ნეკნის ქალი“, მაგრამ „ნინთი“ აგრეთვე „სიცოცხლის მიცემასაც“ გამოხატავს. ამრიგად, „ნინთი“ ერთნაირად ნიშნავს როგორც „ნეკნის ქალს“, ასევე „სიცოცხლის მიმნიჭებელ ქალს“.

აი, სწორედ აქაა საძებარი გაუგებრობის თავი და თავი მიზეზი. ძველმა ებრაულმა ტომებმა ნინთი ევათი შეცვალეს, რადგან მათთვის ევა იყო ადამიანთა მოდგმის ლეგენდარული დედა, ესე იგი, „სიცოცხლის მიმნიჭებელი ქალი“, მაგრამ მათ მუხსიერებას როგორღაც შემორჩა ამ სიტყვის მეორე განმარტებაც („ნეკნის ქალი“). ამის გამოა, რომ ხალხურ თქმულებებში ვეელაფერი აირია, რაკი მესოპოტამიური ხანიდან ახსოვდათ, რომ ნეკნსა და ევას შორის რაღაცაა საერთო, წარმოიშვა უცნაური ვერსია — თითქოს ევა შექმნილი იყო ადამის ნეკნისაგან.

ჩვენს ხელთ არის კიდევ ერთი დადასტურება იმისა, თუ რამდენი რამაა ნასესხები ძველი ებრაელების ლეგენდებში მესოპოტამიის ხალხებისაგან.¹

სამაგიეროდ, ლეგენდა აბელსა და კაენზე, როგორც ჩანს, მხოლოდ ძველი ებრაელების ფანტაზიის ნაყოფია. ძველი ებრაული ტომები ამ ლეგენდაში ეცადნენ აეხსნათ, თუ რატომ დაუბედა ადამიანთა მოდემას მარადიული მძიმე შრომა, წამება და სწეულება მათმა კეთილმა მამამ იაჰვემ. ზოგიერთ მკვლევარს გაუჩნდა ასეთი აზრი: შორეულ წარსულში ხშირი იყო შეტაკებები მომთაბარე მესაქონლე ხალხებსა და იმ მოსახლეობას შორის, რომელიც თავიდანვე მიწათმოქმედებას მისდევდა და მუდმივი სამკვიდრებელი ადგილი გააჩნდა. ეს ლეგენდა კი მათი ბრძოლის გამოძახილია. ძველი ებრაელები იმ დროს მესაქონლეები იყვნენ. ამიტომ, რომ მათ თქმულებაში ცხვირის მწყემსი აბელი — იაჰვეს რჩეული — მიწათმოქმედი კაენის უდანაშაულო მსხვერპლად იქცა. ისიც უნდა აღინიშნოს, რომ კაცობრიობის განვითარების ისტორიაში პირუკუ ხდებოდა: სწორედ მომთაბარე ტომები ესხმოდნენ თავს მშვიდობისმოყვარე მიწათმოქმედ ხალხებს. ასეთი მიკერძოება ბიბლიურ ლეგენდაში საგულისხმოა, რადგან იგი მეტყველებს იმაზე, რომ თქმულება კაენსა და აბელზე წარმოიშვა ძალიან შორეულ ეპოქაში, როცა ძველი ებრაელები ჯერ კიდევ მოხეტიალე ცხოვრებას ეწეოდნენ. როცა ისინი დამკვიდრდნენ ქანაანში და იძულებულნი გახდნენ უდაბნოს მეომარი ტომების შემოტევებისაგან დაეცათ თავი, ლეგენდა ანაქრონიზმად იქცა, მაგრამ არსებობა განაგრძო, როგორც წინაპარ მესაქონლეთაგან მიღებულმა ძვირფასმა მემკვიდრეობამ.

გასული საუკუნის სამოცდაათიან წლებში უზარმაზარი შთაბეჭდილება მოახდინა აღმოჩენამ ბიბლიური წარღვნის შესახებ.

ერთ მშვენიერ დღეს ლონდონში ბრიტანეთის მუზეუმის უბრალო მუშაკი ჯორჯ სმითი შეუდგა ნინევიდან გამოგზავნილი და მუზეუმის სარდაფში დაწყობილი ლურსმული ფირფი-

¹ ადამთან დაკავშირებით უნდა გაიხსენოთ ერთი სასაცილო შემთხვევა, რაც რამდენიმე წლის წინათ მოხდა შეერთებული შტატების კონგრესში. ოფიციალურ ბროშურაში, რომელსაც „კაცობრიობის რასები“ ეწოდებოდა, მხატვარს ჭიპიანი ადამი დაეხატა, ამან დიდად განარისხა კონგრესმენი ჩრდილოეთ კაროლინას შტატიდან, ვინმე ჩარლზ თ. დერპემი. მან სურათი დაგმო, როგორც მზარდი კომუნისტური პროპაგანდის გამოვლენის ფაქტი. ეს მოსაზრება მან ასეთნაირად დაასაბუთა: ადამი ღმერთმა თიხისაგან გამოძერწა, მას დედა არ ჰყოლია და როგორ შეიძლება ჭიპი ჰქონდესო. ცხარე დისკუსიის მსვლელობისას ბიბლიის თავგამოდებული დამცველი მხოლოდ მაშინ დაშოშმინდა, როცა უთხრეს — ვატიკანში, მიქელანჯელოს სურათზეც ადამი ჭიპიანადაა დახატულიო.

ტების ამოკითხვას. თავისდა გასაოცრად, იგი წააწყდა კაცობრიობის უძველეს ჰოემას, შუმერთა ლეგენდარული გმირის გილგამეშის გმირობასა და თავგადასავალს რომ აღწერდა.

ერთხელ კი ფირფიტების გარჩევისას სმითი ისეთ რამეს წააწყდა, რომ თვალებს არ დაუჯერა — რამდენიმე ფირფიტაზე იპოვა წარღვნაზე გავრცელებული თქმულების ფრაგმენტები, გასაოცრად რომ ჰგავდნენ ბიბლიურ ვარიანტს. სმითმა ეს ფრაგმენტები გამოაქვეყნა და დედოფალ ვიქტორიასდროინდელმა ინგლისელმა ფარისევლებმა მაშინვე ვაი-უძველებელი ატეხეს. მათთვის ბიბლია წმიდათაწმიდა, ღმერთის მიერ შთაგონებული წიგნი იყო, ამიტომ არ შეეძლოთ შერიგებოდნენ იმ აზრს, რომ ნოეს ამბავი შუმერებისაგან ნასესხები მითია. მაჰი აზრით, ის, რაც სმითმა ამოიკითხა, დეტალების შემთხვევით მსგავსებაზე უფრო მეტყველებს.

ამ დავას საბოლოოდ გადაწყვეტდა იმ ფირფიტების მიკვლევა, რომლებიც ჰოემას შეავსებდნენ, ამ საქმეს კი სრულიადაც არ უჩანდა საიმედო პირი.

მაგრამ ჯორჯ სმითი იარაღს არ ყრიდა. იგი მესოპოტამიაში გაემგზავრა. და აი, სასწაულიც მოხდა: ნინევიის უზარმაზარ ნანგრევებში მან იპოვა თქმულების დანარჩენი ფრაგმენტებიც. ამ ფრაგმენტებმა სრულიად დაადასტურეს მისი ვარაუდი. ამას მოწმობდა ისეთი იდენტური დეტალები, როგორიც იყო: ყორნისა და მტრედის გამოშვება კილობნიდან, აღწერა მთისა, რომელსაც კილობანი მიადგა, წარღვნის ხანგრძლივობა და აგრეთვე თქმულების მორალი — ცოდვილი კაცობრიობის დასჯა და ღვთისმოსავი ადამიანის გადარჩენა. რა თქმა უნდა, მათ შორის განსხვავებაცაა. შუმერი ნოე უთნაფიშთიმად იწოდება, შუმერულ მითში მოქმედებს მრავალი ღმერთი, რომელთაც ყოველგვარი ადამიანური სისუსტე ახასიათებთ; ბიბლიაში კი ადამიანთა მოღმას წარღვნას მოუვლენს იაჰვე — ქვეყნის ძლევამოსილი შემოქმედი, რომელიც წარმოსახულია მთელი თავისი სიდიადით. მითის გადაკეთება მონოთეისტურ ყაიდაზე უთუოდ უფრო გვიანდელი ამბავია; მისი საბოლოო რელიგიურ-ეთიკური გაღრმავება კი, როგორც ჩანს, ქურუმი რედაქტორების ნახელავია.

გამოცდილმა ისტორიკოსმა იცის, რომ ძალიან ხშირად ლეგენდა პოეტურად გადამუშავებული ნამდვილი ამბავია და რომ იგი ხშირად შეიცავს რაღაც ისტორიულ სიმართლეს.

ამიტომ წამოიჭრა კითხვა — ხომ არ არის თქმულება წარღვნაზე გამოძახილი დიდი ხნის წინათ მომხდარი სტიქიური კატასტროფისა, რომელმაც ღრმა კვალი დატოვა მრავალი თაობის მეხსიერებაში. ეს საკითხი ბრწყინვალედ გადაჭრა დიდმა ინგლისელმა არქეოლოგმა ლეონარდ ვულიმ, რომელმაც ური აღმოაჩინა. მან შუმერის სახელმწიფოს კედლებთან ათასწლო-

ბით დაგროვილი ნაგვის უზარმაზარ გორაში გათხარა გვირაბი და თოთხმეტი მეტრის სიღრმეზე იპოვა შუშმერის მეფეთა აკლდამები. ამ აკლდამებში, რომლებიც ძველი წელთაღრიცხვის მესამე ათასწლეულის დასაწყისს განეკუთვნება, იპოვეს დიდი ძალი განძეულობა და ადამიანთა ჩონჩხები.

ვუღიმ გადაწყვიტა, აუცილებლად მიეკვლია, თუ რა იმალება ბოდა ამ სასაფლაოს ქვეშ. მისი მითითებით მუშებმა გათხარეს მომდევნო ფენა და წააწყდნენ მდინარის შლამს, რომელსაც ადამიანის არსებობის ნიშანწყალი არ ეტყობოდა. ნუთუ მუშებმა მიაღწიეს ნიადაგის იმდროინდელ ფენას, როცა მესოპოტამიაში ჯერ კიდევ არ სახლობდა ადამიანი? ტრიანგულაციური გაანგარიშების საფუძველზე ვუღიმ დაასკვნა, რომ ყამირ მიწამდე მას ჯერ კიდევ არ მიუღწევია, რადგან შლამი მის გარშემო მდებარე შრეზე მაღლა იდო და თვალთ ადვილად დასანახავ ბორცვს ქმნიდა. სამარხთა შემდგომ გათხრებს შესანიშნავი აღმოჩენები მოჰყვა. სამი მეტრის სისქის შლამის ქვეშ გამოჩნდა დასახლებათა ახალი კვალი: აგურები, ნაგავი, კოცონთა ფერფლი, კერამიკის ნამსხვრევები. ჭურჭლეულის ნამსხვრევთა ფორმაცა და ორნამენტიც მოწმობდა, რომ ეს ნაწარმი სულ სხვა კულტურას ეკუთვნოდა, მდინარის შლამის ზედა ფენაში აღმოჩენილი კი — სულ სხვას. შრეების განლაგება შეიძლებოდა მხოლოდ ასეთნაირად აგვეხსნა: რომელიღაც გრანდიოზულმა წყალდიდობამ გაანადგურა უხსოვარი დროის, ჩვენთვის უცნობი დასახლებანი. როცა წყალმა დაიწია, მოვიდა სხვა ხალხი და კვლავ დასახლდა მესოპოტამიაში. ახალმოსულნი იყვნენ შუშმერები, რომელთაც ჩვენთვის ცნობილ მსოფლიო ცივილიზაციათა შორის ყველაზე ძველი ცივილიზაცია შექმნეს.

სამი მეტრის სისქე შლამის ფენის დასალექად საჭირო იყო ამ ადგილას წყალი მდგარიყო ძალიან დიდი ხნის განმავლობაში, თუ მეტი არა, რვა მეტრის სიმაღლეზე მაინც. გამოანგარიშებულია, რომ ასეთი წყალდიდობისას მთელი მესოპოტამია შეიძლებოდა გამზდარიყო აბობოქრებული ნიაღვრის მსხვერპლი. ეტყობა, იქაურობას თავს დასტყდომია ისეთი სტიქიური უბედურება, რომლის მსგავსიც იქ იშვიათად მომხდარა; მაგრამ ეს კატასტროფა მაინც ლოკალური ხასიათისა უნდა ყოფილიყო. წინა აზიის ხალხთა შეგნებაში კი სივრცე, რომელიც წყალმა დაფარა, მთელ სამყაროს წარმოადგენდა, მათთვის წყალდიდობა იყო მსოფლიო წარღვნა, რითაც ღმერთებმა ცრდილი კაცობრიობა დასაჯეს. თქმულებები წარღვნის შესახებ გადადიოდა საუკუნიდან საუკუნეში, შუშმერებიდან აქადელებსა და ბაბილონელებში. მესოპოტამიიდან ეს თქმულებები მოხვდა ქანაანში, სადაც ძველმა ებრაელებმა თავიანთ ყაიდაზე გადააკეთეს და ეს ვერსია ძველ აღთქმაში აღბეჭდეს.

ეფრატიისა და ტიგროსის ნაპირებზე არსებულ ყველა ქალაქში აშენებდნენ უცნაური ფორმისა და უზარმაზარი სიმაღლის ნაგებობებს, რომელიც მრგვალი ან კუბური ლოდებით ამოჰყავდათ. ლოდებს ერთმანეთზე ალაგებდნენ იარუსებად, ზევით და ზევით შენობა საფეხურებიან პირამიდასავით ვიწროვდებოდა; პირამიდის ბრტყელ თავზე, ჩვეულებრივ, აგებდნენ ადგილობრივი ღვთაებისადმი მიძღვნილ პატარა ტაძარს, რომლისკენაც სამი ნაწილისაგან შემდგარი ქვის კიბე მიემართებოდა. ღვთისმსახურების დროს, გუნდის გალობისა და მუსიკალურ საკრავთა ხმების რიალში, კიბეზე აღიოდა თეთრ ტანსაცმელში გამოწყობილი ქურუმების პროცესია.

ზიქურათებად წოდებულ ამ პირამიდათა შორის ყველაზე ცნობილია ის, რომელიც აუგიათ ქვეყნის დიდებულ დედაქალაქში — ბაბილონში. არქეოლოგებმა გათხარეს მისი სამირკველი და კედლების ქვედა ნაწილი. ჩვენ ზუსტად ვიცით ამ პირამიდის არქიტექტურული სახე, რადგან აღწერილობასთან ერთად ფირფიტაზე ნაპოვნია მისი გამოსახულებაც. პირამიდა შედგებოდა შვიდი იარუსისაგან. მისი სიმაღლე ორმოცდაათ მეტრს აღწევდა.

წამოიჭრა კითხვა: ხომ არ იყო ბაბილონის პირამიდა ბიბლიური ბაბილონის გოდლის პირველსახე? ცნობილმა ფრანგმა მეცნიერმა ანდრე პარომ ამ პრობლემას წიგნი მიუძღვნა და მთელი რიგი დამამტკიცებელი საბუთების საფუძველზე დაასკვნა, რომ ეს უეჭველად ასე იყო. ძნელია აქ სრულად აღვწუხვით პაროს საკმაოდ რთული და დაწვრილებითი არგუმენტები, მაგრამ მათგან არსებითს მაინც გავაცნობთ. ბიბლიური თქმულების თანახმად, ადამიანები ბაბილონის გოდლის შენებას მაშინ შესდგომიან, როცა დედამიწაზე ჯერ კიდევ ერთი ენა არსებობდა. კოშკს აგებდნენ სენაარში, რომელსაც ზოგიერთი მეცნიერი შუმერების ქვეყანასთან აიგივებს. საშენი მასალა (გამომწვარი აგური, მდინარის თიხა, რომელსაც ცემენტის მაგივრად ხმარობდნენ) ზუსტად ისეთივე იყო, როგორითაც ბაბილონის პირამიდა ააშენეს.

დაბადებაში ვკითხულობთ: „და აღვირვნეთ ენანი მათნი, რათა არა ესმოდეს კაცად-კაცადსა ენა მოყვასისა მისისა“ (დაბ. თ. 11, მ. 7). მაშ რატომღა მიიჩნდათ ებრაელებს ბაბილონის გოდლი კაცობრიობის ამპარტაუნობისა და გულზვიადობის სიმბოლოდ, რატომ ფიქრობდნენ, რომ იაჰვემ მაინცდამაინც აქ აამეტყველა სხვადასხვა ენაზე ნოეს შთამომავალნი? უპირველეს ყოვლისა, უნდა აღვნიშნოთ, რომ დედაქალაქის სახელწოდება „ბაბილონი“ ბაბილონურ ენაზე ნიშნავს „ღვთის კარს“ (ბაბ-ილუ), მის მსგავსად მქდერი სიტყვა „ბაბალ“ კი ძველებრაულად შერევის პროცესს აღნიშნავს. ამ ორი სიტყვის ბგერითი მსგავსე-

ბის შედეგად თავისუფლად შეიძლებოდა, ბაბილონი მიეჩნიათ ენობრივი ქაოსის მსოფლიო სიმბოლოდ, მით უმეტეს, რომ იგი მრავალენოვანი ქალაქი იყო. არც ისაა გასაკვირი, რომ ებრაელები ბაბილონსა და მის პირამიდაში კადნიერებისა, ღვთის გამობისა და ცოდვის განსახიერებას ხედავდნენ. ბაბილონის მეფეებმა პირამიდა მსოფლიოს სხვადასხვა ქვეყნიდან მორეკილი მონებისა და სამხედრო ტყვეების შრომით ააგეს. VII საუკუნეში ჩვენს წელთაღრიცხვამდე ბაბილონის მეფე ნაბოფალასარი ძველი გოდლის აღდგენას შეუდგა და, სხვათა შორის, ბრძანა, კედელზე ამოეკვეთათ ასეთი ფრაზა: „მრავალი ტომის ხალხი ვაიძულე, ეშრომა ამ გოდლის აღსადგენად“.

გოდლის აღდგენაში მონაწილე მონათა შორის უთუოდ ებრაელებიც იქნებოდნენ. მათ ახსოვდათ მძიმე ტყვეობა ბაბილონში. ამ მწარე მოგონებებმა კი გამოხატულება ჰპოვეს ბაბილონის გოდოლზე შექმნილ თქმულებაში. როგორც ქვემოთ დავინახავთ, ბაბილონის გოდლის თემა ბიბლიაში კიდევ გამოჩნდება, როცა სიტყვა ჩამოვარდება ანგელოზის კიბეზე, რომელიც აბრაამის შვილიშვილს იაკობს დაესიზმრა; მაგრამ ბაბილონის ტყვეობის შემდეგ უკვე დიდი დრო იყო გასული.

ქანაანში შობილმა ახალმა თაობებმა თითქმის სრულიად დაივიწყეს ის შეურაცხყოფა, რაც ბაბილონის მეფეებმა მათ წინაპრებს მიაყენეს. მართალია, პირამიდის სახე მთლად არ გამქრალა მათი მეხსიერებიდან, მაგრამ მან სრულიად სხვაგვარი მნიშვნელობა შეიძინა: იგი იქცა კიბედ — ღმერთსა და კაცს შორის არსებული კავშირის სიმბოლოდ.

აბრაამის ოჯახი ცხოვრობს შრში. თარას ჰყავდა სამი ვაჟი: არანი, აბრაამი და ნაქორი. ყველაზე უფროსი არანი აღრე მოკვდა, დარჩა მხოლოდ ერთი ძე — ლოთი. აბრაამმა ცოლად შეირთო სარა, რომელიც მას მამის მხრიდან დად ერგებოდა. სარა უშვილო გამოდგა. თარა ძალიან მდიდარი იყო.* ედგა საუცხოო სახლი, ჰყავდა მსახურები, მონები და ასობით ცხვარი, იყო ოქროსა და ვერცხლის მფლობელი. თარას ვაჟიშვილები მამას ესმარებოდნენ — მეთვალყურეობდნენ მსახურებს, რომლებიც ქალაქგარეთ ამოვებდნენ საქონელს.

თარამ კარგა ხანია, ხელი აიღო მომთაბარე მესაქონლის ცხოვრებაზე და ახლა ვაჭრობდა. ამრიგად, იგი იყო დარბაისელი პატრიცი ქალდეველთა ურისა, როგორც მას ბიბლია უწოდებს.

ბიბლიის ძუნწი ცნობები ამ ქალაქის შესახებ შეიძლება შევავსოთ არქეოლოგიური მონაპოვრებითა და ისტორიული მონაცემებით. ძველი შუმერის დედაქალაქს ამ დროისათვის არსებობის ათასი წელი უკვე შესრულებული ჰქონდა. მის ვიწრო, დაკლანგილ და მოუკირწყლავ ქუჩებში ყოველთვის ირეოდა ხალხი, ისმოდა ყაყანი. ჭრელ ბრბოს გაჭირვებით არღვევდნენ საპალნიანი ვირების ქარავენები და მეფის დამცველი რაზმები. ხალხი მოწიწებით უთმობდა გზას მხოლოდ და მხოლოდ თეთრ ტილოს სამოსელში გამოწყობილ, დიდებული იერის მქონე ქურუმებს. ქალაქს თავზე დაჰყურებდა კონუსისებური პირამიდა, რომლის მწვერვალზე იდგა მთვარის ღმერთის, ნანფარ-სუენის ტაძარი. ეს იყო ერთ-ერთი პირამიდა-ზიქურათი, რომლის სახელი განთქმული იყო არა მარტო ტიგროსისა და ევფრატის ნაპირებზე, არამედ შორეულ ეგვიპტეშიც კი, სადაც უხსოვარი დროიდან აღმართულიყო მსოფლიოს ერთ-ერთი საოცრება — ფარაონის პირამიდები. ურის შემოგარენი იმ ხანებში აყვავე-

ბულ ბაღს წააგავდა. დიდი და მცირე არხების ქსელი უჯრა-
უჯრად ჭრიდა მიწას. ევფრატის მდორე ტალღები არხების სა-
შუალებით მაცოცხლებელ წყალს აწვდიდა მზის სხივებზე
მობიბინე ქერის ყანებსა და ბოსტნებს, ზეთისხილისა და ფინი-
კის წარაფებს, ხასხასა ბალახით დაფარულ მდელოებს. ყანებ-
ში მუშაობდნენ გარუჯული, ნასკერად შიშველი გლეხები და
მონები. ევფრატზე გზას მიიკვლევდნენ საქონლით დატვირთუ-
ლი მძიმე კარჭაპები. ქალაქის კარიბჭესთან და გალავანთან თავს
იყრიდნენ მოგზაური ვაჭრები, მომთაბარენი, რომელთაც ხან-
გრძლივი მოგზაურობისაგან დაღალული საქონელი მოჰყავდათ.

თარამ ქარანში გადასასვლელად გადაწყვიტა. თა-
რას მამისეული სახლი ქალაქში, ზედ ციხის გალავანთან იდგა.
კირით შეთეთრებული, ორსართულიანი კოხტა აგურის სახლი
სწორედ ისეთი იყო, როგორიც ქალაქ ურის თავისუფალ მოქა-
ლაქეს შეეფერებოდა. შესავალ კარს მოხდევდა პატარა წინა
ოთახი, სადაც სტუმარს შეეძლო დაებანა ხელ-ფეხი. იგი გადი-
ოდა ჰაერით სავსე, ნათელ, მოკირწყლულ ეზოში. ზევით აღი-
ოდნენ ქვის კიბით. აქ განლაგებული იყო ცალკე ოთახები, რომ-
ლებსაც ოთხ ბოძზე დაყრდნობილი გალერეა აერთიანებდა, გა-
ლერეის დაქანებული სახურავიდან წვიმის წყალი პირდაპირ
ეზოში ჩადიოდა, ეზოდან კი არხით ქუჩაში გადიოდა. კიბის უკან
განლაგებული იყო: გამოძწვარი თიხისაგან ნაგები საპირფარე-
შო, სამზარეულო, საკუჭნაო, აბანო და შენობა, რომელშიც
მხევლები დოლბით ფქვავდნენ მარცვლეულს. პირველ სარ-
თულზე იყო სამლოცველო, სადაც ფუძის ღვთაების ქანდაკება
იდგა. სამლოცველოში ქვის ფილების ქვეშ თიხის კუბოებში
მარხავდნენ გვარის მიცვალებულ წევრებს.

თარა უძღვებოდა მეურნეობას, იძლეოდა განკარგულებებს,
ანგარიშობდა ფულს და ვაჭრობდა. ყოველდღე, დილა-საღამოს
მოწინებით სცემდა თავყვანს ფუძის ღვთაებას, ღღესასწაულებ-
ზე კი მიდიოდა პირამიდასთან და მთვარის ღმერთის წინაშე
მხურვალედ ლოცულობდა მაშინ, როცა დიდებულ ტანსაცმელში
გამოწყობილი ქურუმები კიბეზე აღიოდ-ჩამოდოდნენ საყვირე-
ბის წკრიალა ხმასა და გუნდის სიმღერაზე. ყველას ეგონა, რომ
თარა სიკვდილამდე ასევე უზრუნველად და მშვიდად გაატარებ-
და თავის დღეებს, რადგან დროული კაციც იყო და არც დოვ-
ლათი აკლდა. მაგრამ ერთ მშვენიერ დღეს თარამ გადაწყვიტა,
გამოეკეტა სახლის კარი, დაეთმო ფუფუნება, სამუდამოდ მიე-
ტოვებინა მშობლიური ქალაქი, გამგზავრებულიყო ზემო ევფრა-
ტის აუზისაკენ ევფრატის შენაკად ნარ-ბალის სანაპიროზე
მდებარე შორეულ ქალაქ ქარანში.

მეველად პირველი მოგზაურები მომთაბარე მესაქონლეები იყვნენ, ვაჭრობაში შუაკაცობასაც ისინი ეწეოდნენ. მათ საქონელი საძოვრიდან საძოვარზე გადაჰყავდათ და ხეტიალისას უვალ ადგილებამდე აღწევდნენ ხოლმე. თავდაპირველად ისინი უბრალოდ ცვლიდნენ თავის ნაწარმს — ტყავს, თხის მატყლის ქსოვილებს, ზეთს, კარაქს, რძეს, ხორცს, ისეთ საქონელზე, რომელსაც თვითონ ვერ ამზადებდნენ. დროთა განმავლობაში ისინი მიხვდნენ, რომ შეიძლება სარფა ნახო, თუკი საქონელს ერთ ქალაქში იაფად შეიძენ და მეორეში ძვირად გაყიდი. ასეთ ვაჭრობას ხელს უწყობდა მომთაბარეთა დღენიადაგ გზაში ყოფნა. ქალაქებისა და სოფლების მკვიდრი მოსახლეობა მათთან ალებ-მიცემობას ხალისით ეწეოდა.

სწორედ ამ გზით შეიძინა თარამ თავისი ქონება, შემდეგ სხვაგვარი ცხოვრება ირჩია: ხელი აიღო ხეტიალზე, დასახლდა ურში და მომთაბარე ტომებსა და მათ მუშტრებს შორის დალალობა დაიწყო. მოგზაურ ვაჭართა და მესაქონლეთაგან თარამ ბევრი რამ საინტერესო შეიტყო ქალაქ ქარანისა და მისი მიდამოების შესახებ. ქარანი მღებარეობდა იმ დროისათვის ერთ-ერთ ყველაზე გაცხოველებულ სავაჭრო გზაზე. ქარავანთა მიერ გაკვალული გზა სპარსეთის ყურიდან ეფრატს მიჰყვებოდა ზვეითკენ, ქარანის რაიონში მკვეთრად უხვევდა სამხრეთ-დასავლეთისაკენ, გაივლიდა ორი ქალაქის — კადეშისა და დამასკოს მახლობლად, გადასერავდა ქანაანს ხმელთაშუა ზღვის სანაპიროს გასწვრივ და მიდიოდა ეგვიპტის საზღვრებთან. ეს იყო ძალიან გრძელი შემოსავლელი გზა. მაშ რატომღა არჩევდნენ პრაქტიკული ვაჭრები ასეული კილომეტრით მეტის გავლას, რატომ პირდაპირ ურიდან არ მიემართებოდნენ დასავლეთისაკენ — ქანაანში? იმიტომ, რომ მათ სირიის საშინელი, უწყლო უდაბნო დახვდებოდათ წინ. მისი გადალახვა კი შეუძლებლობდა მხოლოდ აქლემებით, რომლებიც იმხანად მოშინაურებული არ ჰყავდათ. აქლემები ტვირთის საზიდავად გამოიყენეს მხოლოდ XII საუკუნეში (ჩვენს წელთაღრიცხვამდე). ისინი მოიშინაურეს ბელუჩებმა, რომლებიც იყვნენ მკვიდრნი იქამდე უცნობი და საიდუმლოებით მოცული მხრისა — შორეული არაბეთისა; ეს ქვეყანა გვიან გამოვიდა ისტორიულ ასპარეზზე.

თარამ ალბათ იცოდა, რომ ქარანის მიწა ძალიან მოსავლიანი იყო. რომ იქ ხეხილის ბაღები, ყანები და ვრცელი მდელოები იყო გადაჭიმული; მან იცოდა, რომ იქ წყალიც ყველას სამყოფად ჰქონდა, რადგან მიწებს რწყავდა ორი მდინარე — ეფრათი და ნარ-ბალი; ამიტომ მიწათმოქმედებს ყოველთვის მშვიდად ჰქონდათ გული. თავი და თავი კი ის იყო, რომ ქარანი იმ დროს საერთაშორისო ბაზრის მაგიერობას სწევდა. აქ იდგნენ ბინად სავაჭრო ქარავენები, აქვე ცვლიდნენ მესოპოტამიიდან და

ეგვიპტიდან წამოღებულ ძვირფას საქონელს. ამრიგად, თარას შეეძლო ქარანში სარფიანად ევაჭრა, თან არც მესაქონლეობაზე — წინაპართა ტრადიციულ საქმეზე — მოუხდებოდა ხელის აღება.

ამასობაში ურში ვითარება გართულდა. ბაბილონის ძღვევამოსილი მეფე და დიდი სჯულმდებელი სამურაბი ცდილობდა დაპყრობილი ხალხებისათვის ძალით მოეხვია თავზე საერთო სახელმწიფოებრივი სარწმუნოება. ამ მიზნით იგი თავისი ტომის ღმერთს მარდუქს ადიდებდა და მესოპოტამიის სხვა ღმერთებზე მაღლა აყენებდა. ურჩ ქალაქებს ცეცხლითა და მახვილით იპყრობდა და მოსახლეობას მონებად აქცევდა. მთვარის ღმერთის თაყვანისმცემლებს, მათ შორის თარასაც, მეტი გზა აღარ ჰქონდათ, უნდა გადასახლებულიყვნენ იქ, სადაც მათ ვერ მისწვდებოდათ გვირგვინოსანი მტარვალის ხელი.

ამრიგად, ქარანში ემიგრანტთა მრავალრიცხოვანი კოლონია შეიკრიბა. მათ აქ ააგეს დიდებული ტაძარი და ქარანი, ურის შემდეგ, ღვთაება სუენის კულტის მეორე ცენტრად იქცა. შორეულ ერთმორწმუნეთა შორის თარას მრავალი ნაცნობი, მეგობარი და ახლო ნათესავი ეგულებოდა და რა გასაკვირია, რომ მას გული ახალი და უცნობი მხრისაკენ მიუწევდა.

თარა, ნამორი და აბრაამი ახალ სამშობლოში.*

თარას ოჯახს არც ქარანში დაჰკლებია ქონება და დოვლათი. ოჯახის უფროსმა თავის ძველ ხელობას, ვაჭრობას, მიჰყო ხელი, ვაჭიშვილებს კი საქონელს ამწყემსინებდა. ეს გასაოცრად ღამაში ადგილები ბარაქიანი გამოდგა. პატარა ქალაქი მწვანით დაფარულ გორაკებს შუა იყო გაშენებული. თეთრად შეფენილ გუმბათიან სახლებს მზეზე თვალისმომჭრელად გაჰქონდა ქათქათი. დღეღალამე არ წყდებოდა ცივი წყაროების ჩუხჩუხის ხმა. მღეღოები და მთათა ფერდობები ყვავილებს დაეფარა. დასავლეთით, მზიანი ცის ქვეშ, მოჩანდა მთიანი ქედი — ანტიტავროსი.

აბრაამი თავის ფარას უვლიდა და მწყემსებთან ერთად ხშირად ათეუდა ღამეს ცეცხლის პირას. საოცრად გრილი, წყნარი ღამეები საოცნებოდ განაწყობდა ადამიანს. აბრაამი საათობით შეჰყურებდა ვარსკვლავებს, აკვირდებოდა მათ მოძრაობას შავი ჩარდახის მაგვარ ცისკიდურზე და უფრო და უფრო ღრმად სწვდებოდა სამყაროს უსაზღვროებას, მის დიდებულებას, სიღამაზესა და ჰარმონიას. გული უშფოთავდა: მთვარის ღმერთის რწმენა თანდათან ეკარგებოდა. და აი, ერთხელ მას გაუჩნდა ასეთი აზრი: სამყაროს, მზის, მთვარის, ვარსკვლავების შემქმნელი შეიძლება ყოფილიყო მხოლოდ ერთადერთი ღმერთი* —

უძლეველი, ყველგან არსებული, უზილავი, მოწყალე, მაგრამ განრისხებისას ულმობელიც. აბრამი არ ძალავდა თავის ახალ რწმენას და აშკარად ქადაგებდა მას ქალაქში.

რელიგიის რეფორმატორმა გარშემო შემოიკრიბა ერთი მუჭა მისთვის თავდადებული ხალხი. ახალი ღვთაების თაყვანისმცემელი გახდნენ აბრამის მეუღლე სარა, ძმისწული ლოთი და მსახურნი, რომელთაც აბრამი მუდამ კეთილად ეკიდებოდა. ქარანის მცხოვრებლებმა, ღვთაება სუენის ერთგულმა თაყვანისმცემლებმა გული აიყარეს განდგომილ აბრამზე. ახალი სარწმუნოების მიმდევართა პატარა კომუნამ, რომელიც მტრულ გარემოცვაში მოხვდა, განცალკევებით იწყო ცხოვრება.

სექტანტების მკაცრი, პურიტანული ზნეობრივი კოდექსი, წინაპარ მომთაბარეთა უბრალო ცხოვრებისაკენ შებრუნება, რომელიდაც უცნობი, მიუწვდომელი ღმერთისთვის მსხვერპლის შეწირვა, ღვთაება სუენის თაყვანისმცემელთა გაკიცხვასა და რისხვას იწვევდა. თარამ და ნაქორმაც კი საყვედურებით ააესეს აბრამი. განსაკუთრებით იმიტომ აითვალისწინეს, რომ აბრამმა თავისი უწმინდური მკრეხელობით ახალგაზრდა ლოთიც შეაცდინა. მაგრამ აღმოსავლეთის ხალხებს ნათესაობა ადვილად არ ეთმობა, ამიტომ თარას სიცოცხლეში ოჯახში არაფერი შეცვლილა. ყველა ძველებურად შრომობდა, ერთმანეთს ეწეოდა და ოჯახშიც სიმშვიდე და თანხმობა სუფევდა.

მაგრამ გავიდა დრო და თარა წუთისოფელს გამოეთხოვა. გადმოცემის თანახმად, იგი იმხანად ორას ხუთი წლის იყო. აბრამმა და ნაქორმა თანაბრად გაინაწილეს მამისეული დიდი ქონება და ოჯახები გაიყარნენ. ამიერიდან აბრამს არაფერი აკავშირებდა ქალაქთან, სადაც მას ამდენი შეურაცხყოფა და დამცირება ხვდა წილად. სამოცდამეთხუთმეტე წელში კადამდგარმა კაცმა მაინც ვერ ამოიგლო გულიდან წინაპართა მომთაბარე ცხოვრება, ენატრებოდა გაშლილი სივრცეები, თხიპ მატყლის შავი კარვები, თავისუფლების ლაღი გრძნობა. გული იქით მიუწევდა, სადაც თავის ნებაზე ილოცავდა საყვარელ ღმერთს და ქვის საკურთხეველზე შესწირავდა მსხვერპლს; ხელშეუშლელად უქადაგებდა თავისიანებს ზნეობრივ სიწმინდეს და დაიცავდა ქალაქური ცხოვრების ცდუნებისაგან.

ბ'ზა მანაანისაკენ. და აი, ერთხელ აბრამმა ბრძანა — გზას გაუდგეთო და გეზი ქანაანისაკენ აიღო. მას გაეგონა, რომ ეს მხარე ნაკლებად იყო დასახლებული, იქაური სამოვრების ქებასაც მიეღწია მის ყურამდე. ისიც იცოდა, რომ ქანაანში შეიძლებოდა აღებ-მიცემობის დაწყება, რადგან ეგვიპტისაკენ მიმავალ ვაჭართა ქარაენებს გზად მთელი ეს ქვეყანა უნდა გაე-

ლოთ. ქანაანისაკენ უკვე არა ერთი და ორი მესაქონლე სემიტური ტომი გამგზავრებულიყო უკეთესი ცხოვრების საძებრად. ტიგროსისა და ეფრატის ქვეყნებში სივიწროვე იყო; მოსახლეობა მოძრაულდა, ხალხს სიცოცხლეს უწყამლავდა განუწყვეტელი ომები, გადასახადების ზრდა და ადმინისტრაციის თვითნებობა. მესაქონლეები და ვაჭრები ნიადაგ ქანაანის ამბებს ჰყვებოდნენ. გასაკვირი არაა, რომ ეს შორეული მხარე აბრამს აღთქმული ქვეყანა ეგონა.

ქარანიდან გამოსულ ქარავანს ეტყობოდა, რომ მისი პატრონი შეძლებული კაცი უნდა ყოფილიყო. მას წინ მიუძღოდნენ ფეხმაგარ, ღონიერ ვირებზე ამხედრებული აბრამი, სარა და ლოთი, მათ მიჰყვებოდა სურსათით, წყლით სავსე რუმბებით, კარვებით, ტანსაცმლითა და ჭურჭლეულობით დატვირთული ასობით სახედარი, უკან კი მწყემსები მიერეკებოდნენ ცხვრისა და თხის ფარას. ბოლოს მიდიოდა მშვილდებითა და შურდულეებით შეიარაღებული სამასი მონა — აბრამის პირადი გვარდია. იმხანად გზები სახიფათო იყო. უდაბნოში მიმავალ ქარავანს შეიძლებოდა თავს ყაჩაღები დასხმოდნენ. ამიტომ ვერც ერთი ვაჭარი თუ ტომის შეიხი ვერ ბედავდა მგზავრობას, თუ შეიარაღებული რაზმი არ ახლდა.

ქანაანამდე ათას კილომეტრზე მეტი ჰქონდათ გასავლელი, მაგრამ მგზავრებს არ მოუწყენიათ. გზაზე გაცხოველებული მისვლა-მოსვლა იყო. აბრამსა და მის ამაღას ხშირად ხვდებოდა ეგვიპტიდან მომავალი ქარავანი. გრძელწვრა ვაჭრები ბევრ საინტერესო ამბავს უყვებოდნენ მათ ქანაანსა და ფარაონთა დიდ სამეფოზე. აბრამის ქარავანს გზად მრავალი სოფელი და ქალაქი შეხვდა. ერთხელ კი მან დიდ ქალაქს კადემს ჩაუარა.

ბოლოს, გავიდა კიდევ მრავალი კვირა და მგზავრები განთქმული დამასკოს გამოჩნდნენ გაახარა. აბრამმა გადაწყვიტა, აქ შეჩერებულიყო, მგზავრობით გაღახული ხალხი და საქონელი შეეხვეწებინა. ბრძანა, გაეშალათ კარვები ქალაქის კარიბჭესთან, მინდორში, თვითონ კი საჩუქრებით დატვირთული გაეშურა ადგილობრივ მთავართან შეწყნარებისა და თავშესაფრის სათხოვნელად. დამასკოს მცხოვრებნი მოაწყდნენ აბრამის ამალის დასათვალიერებლად. სწორედ რომ უცნაური სანახაობა იყო: შავ კარვებთან ფუსფუსებდნენ ქალები და მამაკაცები, დარბოდნენ ბავშვები. ამ ხალხის ტანსაცმელი ოდნავაც არ ჰკავდა ახლო მდებარე უდაბნოში მცხოვრები ბედუინების თეთრ მოსახსნამებს. მამაკაცებს წელს ქვემოთ ეცვათ ლურჯხოლებიანი წითელი გაშლილი სამოსელი. ცივ დღეებში ისინი შიშველ სხეულზე მოკლესახელოებიან პერანგს იცვამდნენ, ზემოდან მოხურული ჰქონდათ ჭრელი მოსახსნამი, რომელიც დამლამობით

საბნის მაგიერობასაც სწევდა. ქალების საყვარელი ფერი იყო მწვანე, სწორედ ეს ფერი ჭარბობდა მათ ტანსაცმელში. გრძელი წამოსასხამების შიგნით ქალებს ეცვათ მჭახე ფერის მოკლესახელოებიანი პერანგები, თავზე ჩალმის მსგავსად შემოეკრათ გრძელი ჭრელი შალები, რომლის ბოლოები უკან ეშვებოდა სურგზე, წამოსასხამის ქობამდე. კეკლუცობის მოყვარულ მანდილოსნებს სამკაულიც ბლომად აესხათ. თმას იშავენდნენ სურმით, ქუთუთოებს ძალაქიტითა და ფინაუზის ფხენილით იღებავდნენ, ტუჩებსა და ღაწვებზე კი წითელი ჟანგმიწა კქონდათ წასმული. ხელებსა და ფეხებზე ვერცხლის სამაჯურები უბრწყინავდათ, ყელს მრავალფერი მძივების ყელსაბამები უმშვეენებდათ. შორეული ქარანიდან აყრილები ხალაპო ხანს კოცონს შემოუსხდებოდნენ ხოლმე და პატარა ქნარების სმაზე მღეროდნენ გულში. ჩამწვდომ ნაღვლიან სიმღერებს. დედები ბავშვებს ნანას უმღეროდნენ და ტკბილად აძინებდნენ.

აბრამი ქალაქში დაძრწოდა, ყიდულობდა შუქვარი მიგზავრობისათვის საჭირო საქონელს, ევაჭრებოდა ყველას და თან აუარება ხალხს ეცნობოდა. ხეტიალში ერთხელ გადაეყარა ღამასკოს ახალგაზრდა მკეიდრს, გაქნილსა და გამჭრიახ ელიაზარს, რომელმაც ბევრჯერ გაუმართა აბრამს ხელი. აბრამმა იგი იშვილა, თან წაიყვანა და თავის მეურნეობაში ყველაზე საპატიო და საპასუხისმგებლო სამუშაო მიანდო.

აღთქმულ ქმეხანაში. დამასკოდან გამგზავრების დროც დადგა. აბრამის მსლებლები სინანულით ეთხოვებოდნენ ქალაქს, რადგან დამასკოს სმაურთან ბაზრებსა და ხალხის მსიარულ ყრიაშულს კარგად შეეწყვნენ. აბრამის მსლებლები მთელი დღეების განმავლობაში დაეხეტებოდნენ ქალაქში და დიდი ინტერესით ათვალიერებდნენ შორეული ქვეყნებიდან შემოტანილ საქონელს. დამასკოს მიდამოებიც ერთობ მოსლიოდათ თვალში. ირგვლივ მღელოები და სასნაფი მინდვრები გადაშლილიყო. გორაკების რბილ ფერდობებს ბაღები და შეთისსაღის სეებსა ფარავდა. წუშისა და გარგარის ტოტები ნაყოფის სიმძამისაგან იზნიქებოდნენ.

აბრამმა ყური არ ათხოვა შინაურთა ბუხდუნს და ბრძანა, გზას გასდგომოდნენ. გრძელად გაჭიმულმა ქარაევანმა სამხრეთისაკენ იბრუნა პირი. დატვირთული ვირები ნელა მიდიოდნენ, საქონელი საცოდავად მიბღაოდა. რამდენიმე ხნის შემდეგ სოგზაურები მთებს მიადგნენ და მაღლა-მაღლა შეპყვნენ გზას. სირიისა და ქანაანის საზღვრებთან მათ თვალწინ გადაიშალა საოცარი სანახაობა — მარცხნივ უკიდევანო უდაბნო სირიისა.

მარჯვნივ ერმონი — უზარმაზარი მთის მასივი, სადაც სათავეს იღებდა მდინარე იორდანე.

ქანაანი ჯერ კიდევ ნახევრად ველური და თითქმის უკაცრიელი მხარე იყო. ხეობებში, სადაც ნიადაგები მოსავლიანი იყო, აქა-იქ მოჩანდა დასახლებული პუნქტები, უფრო სწორად რომ ვთქვათ, ციხესიმაგრეები, რომლებშიც ადგილობრივი გამგებლები და მათი შეიარაღებული რაზმები ცხოვრობდნენ. დანარჩენი მოსახლეობა ცხოვრობდა ციხესიმაგრის გარეთ, ქოხებსა და კარვებში. ისინი ამუშავებდნენ ყანებსა და ვენახებს. ხალხი ციხესიმაგრეს თავს აფარებდა მსოლოდ საშიშროების ქამს, როცა მათ ესმოდნენ მეომარი ტომები, ალაფის საშოვნელად რომ დაწანწალებდნენ ქანაანის მიწაზე.

აბრამი გვერდს უვლიდა ხეობებს, დიდ დასახლებებს და უფრო უდაბნოს მადლობებისაკენ ეჭირა თვალი, რადგან აქ შეეძლო თავისუფლად ეძოვებინა თავისი პირუტყვი. მას არავინ უშლიდა ხელს. ადგილობრივი მცხოვრებლები შეჩვეული იყვნენ ნომადთა ქარავნებს, რომლებიც ქანაანის მიდამოებში დაძრწოდნენ და საძოვრებს ეძებდნენ. ქანაანელები დარწმუნდნენ, რომ მოგზაურებს ბოროტი განზრახვა არ ჰქონდათ და მათთან ვაჭრობას შეუდგნენ. გარდა ამისა, მზვერავებმა ქანაანელებს აცნობეს, აბრამს სამასი კაცისაგან შემდგარი შეიარაღებული რაზმი ჰყავსო. ამიტომ ადგილობრივი მცხოვრებლები დავასა და უთანხმოებას აერიდნენ.

მოგზაურები ცოტა ხნით შეჩერდნენ სიქემში, შემდეგ კი ბეთელის მახლობლად გაშალეს კარვები. აისა და ბეთელს შუამდებარე მთაზე აბრამმა საკურთხეველი ააგო და ღმერთს მსხვერპლს სწირავდა მფარველობისათვის მადლობის ნიშნად. მაგრამ მალე აქაურმა საძოვრებმა აღარ იკმარა და ქარავანს ადგილიდან აყრა მოუხდა. ასეთია მესაქონლეების სვედრი. აბრამი საძოვრიდან საძოვარზე გადადიოდა, მოიარა ქებრონი და ბერშება. და ბოლოს გადავიდა ქანაანის სამხრეთ ნაწილში — ნეგებში, რომელიც ეგვიპტეს ესაზღვრებოდა.

მოგზაური ვაჭრების ნაქებმა ქანაანის ქვეყანამ აბრამს იმედი გაუცრუა. მადლობებზე, სადაც აბრამი თავისუფლად გრძნობდა თავს, საძოვრები მწირი იყო, ხეები კი იმდენად ცოტა, რომ გასათბობად და საჭმლის დასამზადებლადაც ჭირდა შეშის შოვნა. წყალსაც კი შორიდან ეზიდებოდნენ. ყველა ამ უბედურებას ემატებოდა ისიც, რომ ქანაანში გვალვები ხშირად იცოდა. თვითონ აბრამს გვალვამ ნეგებში მოუსწრო. საძოვრები ერთიანად გადაიხრუკა. ადამიანებსა და საქონელს შიმშილით სიკვდილი ემუქრებოდა. სასოწარკვეთილი აბრამი ეგვიპტის საზღვარს მიაღდა და ფარაონის მოხელეებს თავშესაფარი სთხოვა.

როგორ გახდა სარა შარაონის ცოლი. ეგვიპტელები შეჩვეულნი იყვნენ ასეთ სტუმრებს. გვალვისაგან შეწყუბული მესაქონლე ტომები ხშირად მიაკიოხავდნენ ხოლმე ეგვიპტეს. ჩვეულებრივ, მათ სთავაზობდნენ ვრცელ, უვალ სამოვრებს ნილოსის შესართავში. მოთარეშე ტომები საზღვარზე აწყდებოდნენ მთავრის კელად წოდებულ ციხესიმაგრის სანგრებს, საგუშაგო კოშკებსა და ფხიზელ დაცვას. მშვიდობისმოყვარე მესაქონლეებს კი ეგვიპტელები, ჩვეულებრივ, კეთილ მასპინძლებად ხვდებოდნენ. რა თქმა უნდა, ფარაონის მოხელეები ამისათვის გარკვეულ სასყიდელს იღებდნენ. ზოგჯერ მოგზაურებს ღამაზ გოგონებსაც ართმევდნენ და გზავნიდნენ დიდებულთა ან თვით ფარაონის პარამხანებში. აბრამმა ეს იცოდა. ეგვიპტის საზღვარს რომ მიუახლოვდა, იხმო მეუღლე სარა და უთხრა: „ვიცი, რამეთუ დედაკაცი პირმშვენიერი ხარ. ოდეს გიხილონ ეგვიპტელთა, თქვან: ცოლი მისი არს იგი, და მომკლან, ხოლო შენ კეთილად შეგიწყნარონ. თქვი ესრეთ: და ვარ მისი, რათა კეთილი მყოს შენ გამო და ცხოველ იყოს სული ჩემი“. სარა გამგონე მეუღლე იყო. ქმრის გადასარჩენად იეშმაკა და თავი მის დად გაასალა. ეს მთლად სიცრუე როდი იყო. სარა დად ეკუთვნოდა აბრამს მამის მხრიდან. დიდებულებმა ფარაონს ამცნეს სარას სიღამაზის ამბავი და მან სარა თავის პარამხანაში წაიყვანა. ფარაონს ძალიან შეუყვარდა ქალი და სარას ცრუ მძა აბრამი უხვი საჩუქრებით აავსო. მალე აბრამს ჰყავდა „ძროხა და ცხვარი, ვირები, მონები, მხეველები, ჯორები და აქლემები“.

მაგრამ მოულოდნელად ეგვიპტეს თავს ტანჯვა და განსაცდელი დაატყდა. ფარაონმა ღმერთების განრისხების მიზეზი მოიძია და სიძართლე გაიგო კიდევ. ტომის ბელადის ცოლი პარამხანაში რომ წაიყვანა, ამით ებრაელთა ღმერთი შეურაცხყო. იხმო აბრამი და უსაყვედურა: „ესე რა ჰქმენ? რად არა მითხარ მე, ვითარმედ ცოლი შენი არს?“ აბრამმა, რაც გაეწყო, იძართლა თავი, მაგრამ ფაქტი ფაქტად რჩებოდა — ამ ტყუილით მან დიდი უპატიობა მიაყენა მონარქს. მაგრამ უცხო ღმერთის კვლავ განრისხების შიშისა თუ სარას მომეტებული სიყვარულის გამო, მან აბრამს შეურაცხყოფა აპატია. ის კი არა და ეგვიპტიდან გაუშვა და მთელი ავლა-დიდებაც თან გაატანა. აბრამი, სარა და ლოთი ქანაანს დაუბრუნდნენ, ახლა ოჯახი გაცილებით მდიდარი იყო, ვიდრე ეგვიპტეში მოხვლამდე.

ლოთის საშინელი თავგადასავალი. აბრამი დაბრუნდა ბეთელს, სადაც მან ოდესღაც თავის ღმერთს საკურთხეველი აუგო. მისი ძმისწული ლოთი ოჯახს მოეკიდა და დამოუკიდებლად შეუდგა საქონლის მოშენებას.

აბრამისა და ლოთის საქონელი თანდათან მრავლდებოდა. შალე დასატევი აღვილიც აღარსად იყო. აბრამისა და ლოთის მწყემსები დღენიდაც კინკლაობდნენ საძოვრების გამო. აბრამს გული გაუწვრილა ჩხუბმა და აყალბაყალბა, უხმო ლოთს და უთხრა: „ნუ იყოფინ ლალვა შორის ჩემსა და შენსა, მწყემსთა ჩემთა და მწყემსთა შენთა, რამეთუ კაცნი ძმანი ვართ ჩვენ. ანუ არა ქვეყანა წინაშე შენსა არს? განმეშორე ჩემგან. ანუ შენ მარცხენით და მე მარჯვენით, ანუ შენ მარჯვენით და მე მარცხენით“.

აბრამმა დიდსულოვნება გამოიჩინა და არჩევანი ლოთზე შიავდო. მანაც მაშინვე გამოიყენა თავისი უფლება. ლოთს მოეწონა მკვდარი ზღვის სამხრეთ სანაპიროზე მდებარე ურიცხვი საძოვრებით განთქმული ხეობა და დასახლდა სოდომში, მიუხედავად იმისა, რომ ამ ქალაქის მკვიდრთ სახელი ცოტა არ იყოს გატეხილი ჰქონდათ თავისი უკეთური საქციელის გამო.

აბრამი დაბანაკდა მამბრეს ხეობაში, ქებრონის ახლოს. აქ მან მუხნარის ჩრდილში გაშალა კარეები და ღმერთს ახალი სამსხვერპლო აუგო. ერთხელ მასთან მოვარდა მაცნე და საშინელი ამბავი აუწყა. მკვდარი ზღვის სამხრეთ სანაპიროზე მდებარე მწვანე ხეობაში, სადაც ლოთს ჰქონდა ბინა, სოდომისა და გომორის გარდა კიდევ სამი ქალაქი იყო. ამ ქალაქთა გამგებლები ეშორჩილებოდნენ ელამის მეფეს. თორმეტ წელს ისინი უდრტივნივლად უხდიდნენ ხარკს თავის მბრძანებლებს, მეცამეტე წელს კი აუჯანყდნენ. ელამის მეფემ ვეფრატზე სამი მოკავშირე მეფე გამოიწვია და მათთან ერთად სასტიკად დაამარცხა აჯანყებულნი. სოდომისა და გომორის გამგებლები ბრძოლაში დაიღუპნენ, დაჩრჩენებმა მთას შეაფარეს თავი. გამარჯვებულნი ალაფითა და ურიცხვი ტყვეებით დაბრუნდნენ სამშობლოში. სხვებთან ერთად წაეყვანათ ლოთი მთელი ოჯახით. მისი ქონებაც თან წაეღოთ. აბრამი მაშინვე გადავარდა ძმისწულის გამოსახსნელად.

მან არად ჩაავდო შტრის რიცხვობრივი უპირატესობა, სათავეში ჩაუდგა სამას თვრამეტი შეიარაღებული მსახურისა და დაახლოებული მეზობლებისაგან შემდგარ რაზმს და დაეღვენა მტრებს.

შესომოტამის მეფეთა ჯარები დაბანაკდნენ ქანაანის ჩრდილოეთ საზღვართან, დანის მიდამოებში. სხვადასხვა ენაზე მოლაპარაკე ტომებისაგან შემდგარი რაზმები უწესრიგოდ ირეოდნენ და უდარდელად ატარებდნენ დროს. გამარჯვებითა და ნაალაფარი ღვინით გაბრუებული ჯარისკაცები დასაძინებლად დაეყარნენ ისე, რომ ღამის გუშავი არ დაუყენებიათ. აბრამმა თავისი მეზობლები პატარ-პატარა რაზმებად დაყო, ბანაკს სხვადასხვა მხრიდან მოულოდნელად დაესხა და ისეთი პანიკა

გამოიწვია, რომ ყველა თავქუდმოგლეჯილთა გაიქცა აბრაამს დამასკოს საზღვრებამდე სდია მტერს და გამარჯვებულად დაბრუნდა ქანაანში; წამოიყვანა ლოთი და სხვა განთავისუფლებული ტყვეები და დაუბრუნა მათ მტრის მიერ მიტაცებული ქონება.

სოლომის ახალი მეფე და დანარჩენი ოთხი ქალაქის მეფეები აბრაამს ისე შესვდნენ, როგორც მხსნელს. მას პურ-ლეინით გამოეგება აგრეთვე საღემის¹ მეფე მელქისედეკი. მელქისედეკმა, რომელიც იაპვეს ქურუმთათავარიც იყო და იაპვეს ისევე სცემდა თაყვანს, როგორც აბრაამი, გამარჯვებული დალოცა მაღალი ღმერთის სახელით:

აბრაამმა ნადავლის შეათვლი ნაწილი შესწირა ღმერთს და, როცა სოლომის მეფემ სთხოვა, მთელი ნადავლი შენ გქონდეს, ოღონდ ხალხი დამიბრუნეო, აბრაამმა ამჟყად უპასუხა: „აღვიყურნე ხელნი ღმერთისა მიმართ მალღისა, რომელმან შექმნა ცანი და ქვეყანა; არცა მკედი და ხამლისა შესასხმელი მივიღო ყოვლისაგან, რომელ არს შენი, რათა არა სთქვა: მე განვეამიდრე აბრაამი“. ოღონდ აბრაამმა მოითხოვა, რომ ნადავლის ნაწილი გადასცემოდა მეგობარი ტომების ბელადებს ანერს, ეშქოლსა და მამრეს, რომლებიც მის მხარდამხარ იბრძოდნენ.

აბრაამი შთამომავლობისათვის ზრუნავს. აბრაამს განუწყვეტილად უღრღნიდა გულს ერთი ეჭვი: სიზმარში გაგონილი ჰქონდა ღვთის ხმა, რომელიც არწმუნებდა, ქანაანის მიწას შენს შთამომავლობას მიეცემ სამკვიდრებლადო. აბრაამს კი ძე არ ჰყავდა. გამოლიოდა, რომ მისი ერთადერთი მემკვიდრე დამასკოელი ელიაზარი უნდა ყოფილიყო. მართალია, აბრაამმა იშვილა იგი, მაგრამ ელიაზარი მაინც მსახური და სხვა სისხლის კაცი იყო. უშვილო სარამ ქმრის ტანჯვა რომ იხილა, შეიბრალა იგი და გადაწყვიტა, წინაპართა უძველესი ადათის მისეღვით მოქცეულიყო. ამ წესით, უშვილო ქალს შეეძლო ქმრისთვის ხარჭი მოეყვანა. ასეთი კავშირის შედეგად დაბადებული შვილი ითვლებოდა კანონიერ მემკვიდრედ და პირმშოს უფლებებიც ჰქონდა. სარამ ეგვიპტელი მხევალი აგარი აირჩია და მართლაც, აბრაამის გულის გასახარად, აგარი დაორსულდა; მაგრამ ოჯახში მალე დაიწყო არეულობა. ეგვიპტელი მხევალი მომეტებულად ამაყობდა და თანდათან უფრო თავგასულად იქცეოდა. სარას შური ტანჯავდა და თავის ოჯახურ მდგომარეობაზე ფიქრი არ ასვენებდა. იგი აბრაამს ეცა და საყვედურით

¹ ვარაუდობენ, რომ საღემი არის იერუსალემი, რომელიც შემდგომში ისრაელის დედაქალაქი გახდა.

აავსო — ყველაფერი შენი ბრალიაო. აბრაამმა ამოიხსრა, ქალე-
ბის კინკლაობაში ჩარევა არ უნდოდა და უთხრა: „აჰა, მხევალი
შენი ხელთა შენთა შინა არს. უყავ მას, ვითარცა გსურს“, იგი
არ მოელოდა, რომ სარა აგარს კინწისკვრით გააგდებდა სახ-
ლიდან.

ცრემლმორეული აგარი სახლიდან წავიდა, უგზოუკვლოდ
დაეხეტებოდა უდაბნოში, თავშესაფარს ვერსად მიაგნო და ღია
ცის ქვეშ, ჭასთან, მიეძინა. მას აქ ანგელოზი გამოეცხადა და
ჰკითხა: „აგარ, მხევალო სარაისო, ვინაით მოხვალ და სადა წარ-
ხვალ?“ აგარმა მიუგო: „ვივლტი პირისაგან სარაისა, დედოფლი-
სა ჩემისა“. ანგელოზმა უბრძანა: „უკუ მიიქეც დედოფლისა
შენისა და მორჩილ იყავ მისა!“ აგარს მოსწყინდა ხეტიალი,
შეისძინა ანგელოზის რჩევა, შინისაკენ გაეშურა და ქალბატონს
მორჩილება აღუთქვა. მალე მას შეეძინა ძე, რომელსაც ისმე-
ლი დაარქვეს.

აბრაამი აბრაამად იმცა. გავიდა ცამეტი წელი. აბრაამს
უკვე ოთხმოცდაცხრამეტი წელი შეუსრულდა. მისი ვაჟი ისმა-
ელი წამოიზარდა. იგი თავნება და ურჩი ჭაბუკი იყო. ერთხელ
ღმერთმა აბრაამს უბრძანა — შენი ხელქვეითები ერთ ერად, ერ-
თი რელიგიური რწმენის საზოგადოებად შეაერთეო. ამასთან
დაკავშირებით ღმერთმა ბრძანა, რომ ყველა მამაკაცსა და ყვე-
ლა ბავშვს, როგორც მონას, ასევე აზატს, ღმერთთან კავში-
რის დამყარების აღსანიშნავად წინა უნდა დაეცვიოთა. ღმერთმა
დააწესა წინადაცვეთა, როგორც სამუდამო წესი მამრობითი
სქესის ყველა ბავშვისათვის. იგი უნდა შესრულებულიყო ბავ-
შვის დაბადებიდან მერვე დღეს. ვინც წინადაცვეთაზე უარს
იტყოდა, ტომის წევრად არ ჩაითვლებოდა.

აბრაამს ოდესღაც სახელი დაარქვეს მრავალრიცხოვან მე-
სოპოტამიელ ღმერთთაგან ერთ-ერთის პატივსაცემად. ახლა კი
გადაწყვიტა, თავისი წარმართული წარსული უარეყო. ამ მიზ-
ნით მან სახელი შეიცვალა და დაირქვა აბრაამი, რაც „ხალხთა
მამას“ ნიშნავს. ამავე დროს აბრაამმა თავის ცოლს სარას სარრა
უწოდა; ახალი სახელი შეესაბამებოდა ასეთ მიმართვას: „თქვე-
ნო უმაღლესობავე“. სახელის გამოცვლას აბრაამისთვის უნდა
მიენიჭებინა მთავრის პატივი, მეზობელ მეფეთა ოდენი უფლე-
ბები და თავისი ტომის ხალხზე მაღლა უნდა დაეყენებინა იგი.

სამი უცნობი სტუმრის მოსვლა. აბრაამმა დიდი პა-
ტივი მიანიჭა თავის თავს, მაგრამ ისევ კარავში ცხოვრობდა

ძველებურად, ისევ სადა მოქცევა შერჩა და ხელქვეითებს ისევ კეთილ და სამართლიან მამასავით ეპყრობოდა.

ერთხელ მუშაობით დაღლილი აბრაამი კარვის წინ იჯდა. სი-
ცხისაგან მოთენთილს მუხნარის შრიალსა და ფუტკრის ზუ-
ზუნში ჩასთვლიდა. უეცრად ფეხის ხმა შემოესმა, გამოფხიზლ-
და და თავის წინ სამი უცნობი მგზავრი დაინახა. სტუმართმო-
ყვარეობის წესისამებრ, აბრაამი მიესალმა მათ და კარავში შეი-
პატიჟა. ბრძანა, სტუმრებისთვის დასაბანად წყალი მიერთმიათ.
თვითონ სარრასთან მივიდა და უთხრა: „ისწრაფე და შეზილე
სამი საწყაული სამინდო და ქმენ ყურბეული“. მერე დაკლა ჩვი-
ლი ხბო და ბრძანა, შეეწვათ. კარვის წინ გაშლილ ტილოზე
მხვევალმა ქალებმა დააწყვეს რძით სავსე ჭურჭლები, ერბოთი,
პურითა და ხორცით სავსე სინები. აბრაამმა სტუმრები სუფრაზე
მიიხმო. თვითონ კი პატივისცემის ნიშნად, მათთან არ დამჯდა-
რა, გვერდით დაუდგა და სტუმრებს სასმელ-საჭმელს სთავა-
ზობდა.

დაპურებულმა სტუმრებმა იკითხეს: „სადა არს ცოლი შენა
სარრა?“ „აჰა, ეგერა კარავსა შინა არს“, — მიუგო აბრაამმა.
მოგზაურთაგან ერთ-ერთმა, ყველაზე დარბაისელმა, თქვა, სარ-
რას ვაჟი შეეძინებაო. სარრამ კარავში გაიგონა ეს სიტყვები,
მაგრამ, რადგან ძალიან ხნიერი იყო, წინასწარმეტყველება არ
დაიჯერა. მან სიცილი ვერ შეიკავა, როცა გაიფიქრა: „ნუუკვე
მომეცეს შვება ჟამსა სიბერისასა? და უფალი ჩემი მოხუც არს“.
უცნობმა სტუმარმა გაიგონა სარრას სიცილი და საყვედურის
კილოთი იკითხა: „რად განიცინა სარრა და თქვა: ნუუკვე ვშვა,
რამეთუ მე დაგებრდი? ნუუკვე ძნელ არს ღმრთისათვის ესე?“
შეცბუნებული სარრა უარზე დადგა — მე არ ვყოფილვარო, მაგ-
რამ სტუმარმა დაიჟინა — „არა, იცინოდი შენ“.

მალე მგზავრები წამოდგნენ და სოლომისაკენ გასწიეს.
აბრაამმა ისინი ცოტაზე გააცილა და მერეღა მიხვდა, რომ სტუმ-
რად სწვეოდნენ იაჰვე და ორი ანგელოზი. მან ისიც გაიგო, რომ
ღმერთი მიდიოდა სოლომსა და გომორში, რათა იქაურები
ულმერთობებისათვის დაესაჯა. ღვთის განზრახვა აბრაამმა უსა-
მართლოდ მიიჩნია და ღმერთს შეეკითხა — თუ სოლომში ორ-
მოცდაათი მართალი აღმოჩნდება, სამართლიანი იქნება თუ არა
მათი დასჯა ცოდვილებთან ერთად? ღმერთმა მიუგო — დავინ-
დობ ქალაქს, თუკი იქ ორმოცდაათი მართალი იქნებაო. ამ პა-
სუხმა აბრაამს გული ვერ შეუჯერა, მოწინებით თავყანი სცა
ღმერთს, არწმუნა, შენს წინაშე მიწა და ნაცარი ვარო და კვლავ
იკითხა — დააქცევ თუ არა ქალაქს, თუ შიგ მხოლოდ ორმოცდა-
ხუთი უმწიკვლო ადამიანი აღმოჩნდება? „არ გავანადგურებ“, —
მიუგო ღმერთმა. აბრაამი არც ამას დასჯერდა და კიდევ მიაყა-
რა ღმერთს კითხვები. უნდოდა გაეგო, ააოხრებდა თუ არა იაჰვე

ქალაქს, ორმოცი, ოცდაათი ან თუნდაც ოცი ალაღმართალი ადამიანი რომ ენახა შიგ. ღმერთი ყოველ შეკითხვაზე. მოთმინებით აძლევდა პასუხს — დამსჯელ მარჯვენას მაშინაც არ აღეშინებოდა. ბოლოს აბრაამმა ათი დაუსახელა, იაქვემ ამაზეც დასტური დასცა და გაჭიანურებული საუბარი ამით დამთავრდა. იაქვე წავიდა. აბრაამი კი შინ დაბრუნდა.

სოდომი და გომორი: ღმერთი სოდომში თვითონ არ წასულა. ორი ანგელოზი წარავლინა. საღამო უამი იყო, როცა იაქვეს ელჩები ლოთს ქალაქის კარიბჭესთან შესვლდნენ. აბრაამის ძმისწული მგზავრებს მიესალმა და შინ შეიპატიჟა. როგორც ზრდილ მოგზაურებს შეჰფერის, მათ იუარეს, ირწმუნებოდნენ, ქუჩაში გვირგვინი ღამის გათევად, მაგრამ ლოთი იმდენს ემუდარა, თავისი გაიტანა და სტუმრები შინ წასვლაზე დაიყოლია. ლოთს ძალიან გაუხარდა. მხეველებს უბრძანა გამოეცხოთ ხშიადი, მოემზადებინათ ყველაფერი, რაც კი საჭირო იყო. სამაჰინძლოდ. მგზავრები დანაყრდნენ, ლოთმა მათ ლოგინი გაუშალა. ის-ის იყო სტუმრები დაწვენი, რომ სახლს სოდომის მკვიდრმა მამაკაცებმა ალყა შემოარტყეს, ერთი აურზაური ატეხეს და მოითხოვდნენ — საექვსო უცხოელები აქ გამოგვგვარეთო.* მამაკაცული ადათის მიხედვით მასხინძელს სტუმრის დაცვა მართებდა. ლოთსაც არ შეეძლო წმინდათაწმინდა წესის გატეხა და მის სახლში შეფარებული სტუმრების გაცემა. იგი გამოვიდა ქუჩაში, გამოიკეტა კარი და თანამოქალაქეებს შეევედრა — სტუმრებს უპატიობას ნუ მიაყენებთო. „აჰა, ორნი ასულნი ჩემნი, — შესძახა სასოწარკვეთილმა, — რომელთა არა იციან მამაკაცი, გამოგიყვანნე ივინი და უყავთ მათ, რაიცა გსურთ. ხოლო კაცთა მათ ნურას უყოფთ ბოროტსა, რამეთუ შემოვიდეს ქვეშე სართულსა სახლისა ჩემისა“.

ბრბომ ლოთის მუდარა არ შეისმინა. უფრო მეტიც: ხელი სტაცეს და მოკლავდნენ კიდევ, რომ ანგელოზებს სახლში არ შეეთრიათ. გააფთრებულმა ბრბომ კარის გატეხა სცადა. ანგელოზებმა მოთმინება დაკარგეს და მომხდურები დააბრმავეს. სოდომელები აღშფოთდნენ, ტირილითა და წყევლა-კრულვით მიმოიფანტნენ ქალაქში. ლოთის სახლში სიმშვიდე გამეფდა. ანგელოზებმა მას თავისი ვინაობა გაანდეს, ამცნეს სოდომში მოსვლის მიზანიც. მათ ლოთს უბრძანეს, წაეყვანა ცოლი, ორივე ქალიშვილი საქმროებითურთ და დაეიტოვებინა დასალუპავად განწირული ქალაქი. ლოთმა მაშინვე ირწმუნა უცნობთანაქვამი, მაგრამ მის თავდაჯერებულ, შეუსმენელ სასიძოებს, რომლებიც შემოესწრნენ ამ საუბარს, სასაცილოდ არ ეყოთ სტუმართა წინასწარმეტყველება; ასე განაცხადეს, ფიქრშიც არ

გავივლებთ მშობლიური ქალაქის დატოვებასო. განთიადისას, როცა გზას უნდა გახდგომოდნენ, ლოთიც ეკვმა შეიძყრო. იგი ფეხს ითრეულა, ყოყმანობდა მანამ, სანამ ანგელოზებმა ხელი არ წაავლეს და ძალით არ გაიყვანეს ქალაქიდან. ქალაქის კარიბჭესთან ანგელოზებმა ლოთის ოჯახს უბრძანეს, წასულიყვნენ მთებში, თან გააფრთხილეს, უკან მოხელვა არავინ გაბედოსო. ლტოლვილები უკვე სეგორის შიდაძოებში იყვნენ, როცა უკნიდან გამაყრუებელი გრგვინვა მოესმათ. ღმერთმა აწვიმა სოდომსა და გომორს წუნწუბა და ცეცხლი. მთელი არემარე ირყეოდა, ორივე ქალაქი დაიქცა, მათ აღგილას კვამლში გახვეული ნანგრევებიდა დარჩა. ქალაქების მკვიდრთაგან არც ერთი ცოდვილი არ გადარჩენილა. სოდომსა და გომორში სამარისებური სიჩუმე გამეფდა. ლოთის ცოლმა არ შეისმინა ანგელოზებისა, გადავიდა მათს ბრძანებას, უკან მოიხელდა და იქვე მარილის სვეტად იქცა.

როგორ მოატყუეს მევე აბიშელეში. აბრაამი კვლავ გაემართა ქანაანის სამხრეთი საზღვრებისაკენ და სურსა და კადეშს შორის მდებარე ველზე დაიბანაკა. იგი ხშირად ნახულობდა გერარის მეფეს აბიშელექს, რომელსაც დაუმეგობრდა კიდევც. აბრაამმა აქაც თავის დად გაასალა სარრა და აბიშელექმა იგი თავის პარამხანაში წაიყვანა. აბიშელექს ღმერთი გაურისხდა, სასტიკი სასჯელი აღუთქვა და უბრძანა ხელუხლებლად დაებრუნებინა სარრა ქმრისათვის. შეძრწუნებულმა აბიშელექმა იხმო აბრაამი და უსაყვედურა: „ესე რა მიყავ? რა შევცოდე, რამეთუ მოაწიე ჩემ ზედა და სამეფოსა ჩემსა ზედა ცოდვა დიდი?“ შეცბუნებული აბრაამი თავს იმართლებდა: „მე ესრეთ ვჭგონებდ: არა არს აქა შიში ღმრთისა და მომკლან მე ცოლისა ჩემისათვის. ჭეშმარიტად და არს ჩემი, ასული არს მამისა ჩემისა, ხოლო დედისა ჩემისაგან არა არს იგი ნაშობ. და იყო იგი ჩემდა ცოლ. და ოდეს გზად წარმომეზავნა ღმერთმან სახლისაგან მამისა ჩემისა, ვუთხარ მას: ქმენ სიკეთე, სადაცა მივიდეთ, თქვი ჩემთვის: მმა არს ჩემი“.

აბიშელექმა აპატია ხიცრუე აბრაამს, თავის ქვეყანაში ცხოვრების ნება დართო, უამრავი ცხვარი, ძროხა და მონა-მხველვებიც უბოძა. გარდა ამისა, სარრასთვის მიხცა ათასი ვერცხლი-საფასური უპატიოებისა, რომელიც ეწია მას გერარის მკვიდრთა წინაშე.

ისააკის დაბადება. როცა აბრაამი ასი წლისა გახდა, ღმერთმა აუსრულა აღთქმა: სარრას ვაჟი შეეძინა. ბედნიერებით გახარებული სარრას დღეები სიცილსა და შვება-ლხენაში

გადიოდა. იგი ყველას უხმობდა მის ნეტარებაში წილის დასა-
 დებად. შვილს მუძუს აწოვებდა და თან ფიქრობდა: „ვინ მიუ-
 თხრას აბრაამს, რამეთუ აწოვებს სარრა ყრმასა, რამეთუ ვმევე ძე
 სიბერესა ჩემსა“. სასინარულო მოვლენის მოსაგონებლად მან
 ჩვილს ისააკი უწოდა. ეს სახელი ღვერადობით წააგავდა ძველ-
 ებრაულ სიტყვას, რომელიც სიცილს ნიშნავს. ბავშვი ჯანმრთე-
 ლი გამოდგა, რამდენიმე წლის შემდეგ თავის ნახევარ ძმასთან
 ისმაელთან ერთად დანახარდობდა აქეთ-იქით. მათი თამაშის
 შემყურე სარრას სულ უფრო უშფოთავდა გული. მას ტვინს
 უღრღნიდა ფიქრი, რომ აბრაამის სიკვდილის შემდეგ პირმშო
 ისმაელს უნდა რეგებოდა მამის ქონების მეტი წილი, ისააკს კი
 მხოლოდ საცოდავი ნაშთი მეკვიდრეობისა. სარრამ თანდათან
 შეიძულა ეგვიპტელი მხევალი აგარი და მისი შვილი. ბოლოს
 და ბოლოს გადაწყვიტა მათი სამუდამოდ თავიდან მოშორება და
 აბრაამს უთხრა: „განაძევე მხევალი და ძე მისი, რათა არა დაიმ-
 კვიდროს ნაშობმან მხევალისა ამან ძისა ჩემისა ისააკის თანა“.
 აბრაამი დიდხანს იდგა უარზე; არ უნდოდა ცოლის აყოლა,
 რადგან იგი მართლა შეეთვისა ახალგაზრდა ლამაზ ეგვიპტელ
 ქალს, აბრაამსა და ისმაელს ნამდვილი მამა-შვილობა ჰქონდათ.
 საქმეში ჩაერია ღმერთი და ბრძანა — მე გადავწყვიტე, რომ
 აბრაამის შთამომავლობის მამამთავარი უნდა იყოს ისააკი და
 არა ისმაელი. აბრაამმა დიდი გულის ტკივილით აღასრულა
 სარრას ნება. მან უბედურ ლტოლვილებს მისცა პური, წყლით
 სავსე თხიერი, გადაკოცნა და ურჩია, წასულიყვნენ ეგვიპტეში,
 სადაც აგარს ნათესაობა ეგულებოდა. გზა გრძელი და საზიფათო
 იყო. მარტოხელა მგზავრებს უდაბნოში წყალი გამოეღიათ და
 წყურვილით სიკვდილი მოელოდათ. აგარმა ისმაელი ხის ქვეშ
 ძიატოვა და მშვილდის მისაწიერზე დაშორდა, რომ შვილის წა-
 მება სულის ამოსვლის წინ არ ეხილა. სილაზე ჩაიკეცა შვილი-
 საკენ ზურგშექცეულმა და მწარედ აქვითინდა. გამოჩნდა ანგე-
 ლოზი, აგარს უბრძანა, შვილს დაუძახეო და ორივენი ჭისკენ
 წაიყვანა. მათ წყურვილი მოიკლეს და ცარიელი ტიკებიც
 ააგხეს. ღმერთმა ისმაელს სიცოცხლე შეუნარჩუნა იმისათვის,
 რომ არაბი ტომების მამამთავრად გაეხადა. გადარჩენილმა
 ლტოლვილებმა ქვეყნის უკაცრიელ მხარეს დაიღეს ბინა. ისმაე-
 ლი უბადლო მსროლელი და სწორუპოვარი მონადირე გახდა.
 დროდართო იგი ეგვიპტელებთან მსახურობდა და მათ დაქირავე-
 ბულ რაზმებთან იბრძოდა. დედამ მას ეგვიპტელი ქალი შერთო.
 აბრაამს აღარასოდეს უნახავს უარყოფილი შვილი¹.

¹ არაბები დღემდე მიიჩნევენ ისმაელს თავიანთი მოღვმის მამამთავრად
 და სწამთ, რომ ის და დედამისი დამარხულნი არიან მექაში, ქააბის შავი
 ლოდის ქვეშ, რომელიც ისლამის მიმდევრებს უდიდეს სიწმინდედ მიაჩნიათ.
 ეს გადმოცემა ყურანის ტექსტში შევიდა.

ისააკი სამსხვერპლოზე. ერთხელ ღმერთმა აბრაამის ერთგულების გამოსაცდელად გადაწყვიტა, განსაცდელი მოევლინებინა მისთვის. ღმერთმა აბრაამს უბრძანა თავისი საყვარელი ძე მსხვერპლად შეეწირა და დაეწვა. ისააკი აბრაამის ერთადერთი იმედი იყო, მაგრამ გულს აჯობა, დაემორჩილა ღვთის ნებას, და სარრასთვისაც არაფერი გაუმხელია, ღამით დააბო შეშა მსხვერპლის შესაწირავად, მოამზადა საგზალი, გაიყოლა ვაჟი, ორი მსასური და გზას გაუღვა. მესამე დღეს ისინი მთის ძირს მიაღდგნენ. აბრაამმა მსასურები და დატვირთული სახედარი მთის ძირში დატოვა, თვითონ კი წაიყვანა ისააკი და ორივენი მთის წვერზე ავიდნენ. შვილს შეშა ეკიდა ზურგზე, მამას ცალ ხელში ანთებული კვარი ეჭირა, მეორეში კი ალესილი მახვილი. გზაში ისააკმა ჰკითხა: „მამაო, აჰა, ცეცხლი და შეშა, სადა არს ცხოვარი სამსხვერპლო?“ აბრაამმა მიუგო: „ღმერთთან თვით იხილოს შესაწირავი, შვილო ჩემო“. მან მწვერვალზე ააგო ქვის სამსხვერპლო, შეკრა შემრწუნებული ისააკი და შეშაზე დააწვინა. შეძვევ კი აღმართა დანა, მაგრამ ღმერთმა მოუვლინა ანგელოზი, შეუსწერა ხელი და დალოცა, რადგან მან ღვთის ნება აღასრულა და ერთადერთი ძე სასიკვდილოდ გაიმეტა. სამაგიეროდ, ღმერთმა ერთხელ კიდევ აღუთქვა აბრაამს, რომ მისი შთამომავლობა განმრავლდებოდა, ვითარცა ვარსკვლავნი ცაზე და ქვიშა ზღვის პირზე. ამასობაში გზააბნეული ვერძი რქებით ძეძვში გაება. აბრაამმა ისააკის მაგივრად ღმერთს ის შესწირა და შინისკენ იბრუნა პირი.

სარრას სიკვდილი. მეფე აბიმელექთან დადებულმა ხელშეკრულებამ აბრაამს მისი სამოვრებითა და ჭუბით სარგებლობა შეაძლებინა. მაგრამ ეს ქვეყანა მას საყვარელ აგართან და პირშმო ისმაელთან განშორებას აგონებდა. აბრაამი გადასახლდა ქებრონში, სადაც ოდესღაც უშფოთველად და ბედნიერად ცხოვრობდა მამბრეს ხეობაში, მაგრამ მისდა საუბედუროდ, აქ გარდაიცვალა სარრა. სარრა უკვე ას ოცდაშვიდი წლისა იყო და ალბათ ხანგრძლივ მგზავრობას ვეღარ გაუძლო.

აბრაამი ეახლა ქეტელთა მეფეს, მოწინებით თაყვანი სცა და მის მიწაზე სარრას დამარხვის ნებართვა სთხოვა. მეფემ მოწყალედ მიიღო აბრაამი და ქეტელთა სასაფლაოზე უბოძა ადგილი. მაგრამ აბრაამმა თავისი რწმენის გამო ეს ადგილი დაიწუნა. გარდა ამისა, იგი შიშობდა, ვაითუ ქეტელებმა მათა

არაბების ძველი ქართული სახელწოდებებიც გვიჩვენებს, რომ ქართველებს არაბები აგარის შთამომავლებად მიაჩნდათ; მათ უწოდებენ „აგარიანებს“ ან „ისმაელიტელებს“. (რედ შენ.)

მეფის ქვეშევრდომად მიმინიონო. აბრაამი ვერ ელეოდა მო-
თაბარე ცხოვრების თავისუფლებას და თავგამოდებით იცაუდა
თავის რელიგიურ და ტომობრივ დამოუკიდებლობას. ამიტომ
მან არ ინდომა ქეტელთა სასაფლაოზე სარრას დასაფლავება.
აბრაამმა სთხოვა მეფეს, მდიდარ ქეტელთან ეფრონთან ეშუამ-
დგომლა, რათა დაეთმო მისთვის მაქფელას გამოქვაბული, რო-
მელიც საგვარეულო სასაფლაოდაც გამოდგებოდა. ეფრონი დიდ-
სულთვანი კაცი აღმოჩნდა, მზად იყო, გამოქვაბული უხასყიდ-
ლოდ მიეცა, მაგრამ აბრაამი არ დასთანხმდა და ბოლოს ოთხას
სასწორ ვერცხლად იყიდა. სარრა პატივით დაასაფლავებს გა-
მოქვაბულში. დასაფლავებას დაესწრო მრავალი ქეტელი,
რომლებიც დიდ პატივს სცემდნენ აბრაამს. მამბრეს ასლოს
მდებარე გამოქვაბული მაქფელა იქცა პირველი პატრიარქების
საგვარეულო აკლამად, სადაც აბრაამმა, ისააკმა და იაკობმა ხა-
მულამო განსასვენებელი დაიმკვიდრეს.

როგორ დააქორწინეს ისააკი. აბრაამი უკვე მოხუცი
იყო და ისააკის დაქორწინება განიზრახა. მას არ უნდოდა, მის
ძეს შერთო ქეტელი ან ქანაანელი ქალი, რომელსაც ოჯახში
უცხო სისხლი და უცხო ღმერთების რწმენა მოჰყვებოდა. აბრაამს
მოგზაური ვაჭრებისაგან გაეგონა, რომ ქარანში ცხოვრობდა მი-
სი ძმის ნაქორის ოჯახი. სწორედ აქ, თავისიანებში უნდა ეძიათ
ისააკისთვის ცოლი. აბრაამმა უხმო თავის ერთგულ მსახურს
და ისააკისთვის ქალის გარიგების საქმე მიანდო. მისცა ათი
აქლემი თავ-თავისი მეაქლემებით, გაატანა უხვი ხანუქრები
სარძლოსა და მისი მშობლებიხათვის. ქარავანმა ეფრატის ხა-
თავისაკენ გასწია. მოგზაურობას კარგა ხანს მოუწდნენ. ბოლოს
ქარავანი შეჩერდა ქალაქ ქარანის მახლობლად მდებარე ჭასთან.
მგზავრები დაღლილები იყვნენ. აქლემებმაც ჩაიმუხლეს წყლის
მოლოდინში. მოახლოვდა საღამო. ამ დროს ქალები ჭაზე გამო-
დიოდნენ ხოლმე წყლისათვის. აბრაამის მსახურმა გადაწყვიტა,
ისააკის საცოლედ ის ქალი აერჩია, რომელიც ყველაზე უმაღ
დაალევიანებდა წყალს. მზე ჩადიოდა და მისმა სხივებმა ყველა-
ფერი მეწამულად და ოქროსფრად აქცია. ქალაქის კარიბჭიდან
საუბრითა და მხიარული სიცილით გამოვიდნენ ქალები. მათ
შორის ერთი საოცრად ლამაზი გოგონა ერია. ქალს მხარზე
კოკა შეედგა და ისე კოსტად მოდიოდა, რომ მისი შესედვა კაცს
გულს გაუნათლებდა. აბრაამის მოციქული წყნარად მიუხალმა
მას და წყალი სთხოვა. გოგონამ აღერსიანად გაუღიმა და
წყლით სავსე ჭურჭელი მიართვა. შემდეგ სწრაფად ჩაცალა კო-
კა საქონლის გეჯაში და აქლემებზე დაარწყულა. ლამაზი გო-
გონა ისე მკვირცხლად და დაუნარელად ტრიალებდა, აბრაამის.

მსახურს მაშინვე თვალში მოუვიდა იგი და იკითხა — რა ჰქვია და ვისი შვილიაო. მისდა გასაოცრად, იგი აღმოჩნდა ბათოელის ასული, ნაქორის შვილიშვილი რებეკა. ნაძღვილად ღმერთმა წყალობის თვალით გადმოხედა და უმაღლვე თარას მოღვმის ქალი შემახვედრათ, — გაიფიქრა აბრაამის მსახურმა. იგი დარწმუნდა, რომ ისააკისთვის იშოვა იდეალური საცოლვე, რომელსაც აბრაამი ვერაფრით დაიწუნებდა, თვალტანადობით, ზნითა და სიძარჯვით სწორედ რომ მისი მოსაწონი იქნებოდა. როგორც კი ასეა წყალი აქლემებს, რებეკამ მგზავრები მშობლების სახლში მიიპატიჟა. აღუთქვა, რომ პირუტყვისთვისაც მოინახებოდა საკვები და ღამის გასათევი ადგილი.

ქალწულის გულკეთილობით მოხიბლულმა აბრაამის მსახურმა სამგზავრო აბგიდან ამოიღო ოქროს საყურეები, სამაჯურები და მას მიართვა. დარცხვენილმა რებეკამ თვალი ვერ მოსწყვიტა ძვირფას სამკაულებს, მაგრამ ვერ გაებედა ასეთი ღიღებული საჩუქრების მიღება. მალე ქალურმა კეკლუცობამ თავისი ქნა; სამკაულებით მოხიბლულმა დობილებმა ჟივილ-ხივილ ატეხეს; რებეკამ კი სამკაულები შეისხა და შინ გაიქცა, რომ თანვე მოეწონებინა საჩუქრებით და მშობლებისთვის ეცნობებინა აბრაამის მოციქულის მოსვლა. სტუმარს გამოეგება რებეკას ძმა ლაბანი, შეიყვანა იგი სახლში, ხელ-პირი დააბანინა, აქლემები შერეკა სადგომში, აღვირი წაჰყარა ყველას, ბზე და საჭმელი მისცა. ამასობაში სუფრა გაშალეს და სტუმარი შინ მიიწვიეს. მან გადაწყვიტა, პურის ჭამამდე ეთქვა ოჯახის უფროსებისთვის თავისი ვინაობა და მოსვლის მიზანი. მსახურმა მოუთხრო მასპინძლებს აბრაამსა და ისააკზე, აუწყა მათი დიდი სიმდიდრე და ბოლოს ამოალაგა საჩუქრები: ოქროსა და ვერცხლის ჭურჭელი, დიდებული ქსოვილები და სხვა ძვირფასი ნივთები. ოჯახის უფროსები აღტაცებულნი ათვალთვინებდნენ საჩუქრებს. შეამაველმა თავი დანარა და მორიდებულად სთხოვა მათ, რებეკა ისააკისთვის გაეტანებინათ ცოლად. მშობლებმა სიამოვნებით დასცეს დასტური, მაგრამ წესს გადავიდნენ და რებეკას დაეკითხნენ. შემოიხმეს ოთახში და ჰკითხეს — უცხო ქვეყანაში, უცნობ კაცს ცოლად გაჰყვები თუ არაო. ბათოელის ასულმა მოკლედ მოჰგრა სიტყვა და თანხმობა განაცხადა ისააკის ცოლობაზე.

რებეკას გააყოლეს ძიძა და მოახლეები. ქალები შესხდნენ აქლემებზე და ქარავანი ქანაანისკენ დაიძრა. რებეკას მახლობლებმა ქალი ცრემლებით, დარიგებებითა და ლოცვა-კურთხევით გაისტუმრეს.

ისააკი მოუთმენლად ელოდა საცოლვეს. იგი ხშირად გამოდიოდა გზაზე და შორს გაჰყურებდა სივრცეს. ერთხელ, საღამოვამს, მას შემოესმა სპილენძის ეყვანთა წკარუნი და მალე

ზანტად მომავალი აქლემები დაინახა. ისააკი ჯერ კიდევ ეჭვში იყო და მგზავრები მისიანებად ვერ შეეცნო. ამასობაში რებეკამ შეამჩნია იგი და შუამავალს ჰკითხა: „ვინ არს კაცი ესე, რომელი მოვალს ველით მოგებებად ჩვენდა?“ „ესე არს უფალი ჩემი“, — მიუგო აბრაამის მსახურმა. რებეკა დაუყოვნებლივ ჩამოსხდა აქლემიდან, სახე მოსასხამით დაიფარა, როგორც საცოლეს შეეფერებოდა და მოკრძალებით მიესალმა მომავალ მეუღლეს. გასარებულმა ისააკმა იგი განსვენებული სარრას კარავში შეიყვანა, ეს იმის მაუწყებელი უნდა ყოფილიყო, რომ ამიერიდან მისი ცოლი იქნებოდა მოდგმის დედა. შემდეგ კი სასწრაფოდ გადაიხადეს ქორწილი. აბრაამის ძეს რებეკა ისე შეუყვარდა, რომ სიყვარულმა დედის გარდაცვალებით გამოწვეული წუხილი გაუქარწყლა.

აბრაამი მეორედ დაქორწინდა*. აბრაამს მოსწყინდა ქერივობა. იგი ჯერ კიდევ არ გრძნობდა მოხუცებულად თავს და გადაწყვიტა, მეორედ დაქორწინებულიყო. შეირთო ქალი, რომელსაც სახელად ქეტურა ერქვა. მას ექვსი ვაჟი ეყოლა. ვაჟებმა კი მრავალი შვილიშვილი შესძინეს აბრაამს. მოსალოდნელი იყო, რომ ამოდენა ნაშვირი მემკვიდრეობის საკითხს გაართულებდა და ისააკმა მამას მოსთხოვა, სიცოცხლეშივე დაემტკიცებინა მისთვის პირმშოება. აბრაამს გულს სტკენდა ოჯახური შესლა-შემოსლა, მაგრამ აღარაფერი ეთქმოდა: ისააკი მართალი იყო, არ შეიძლებოდა ძველისძველი გვაროვნული წესის უარყოფა და ქონების გაყოფა. მთავარ მემკვიდრედ მხოლოდ პირველშობილი ძე უნდა დარჩენილიყო. აბრაამმა გადაწყვიტა, თავიდან მოეცილებინა მეორე ცოლისაგან შეძენილი შვილები და შვილიშვილები. უხვი საჩუქრებით აღავსო ისინი და ურჩია, დამკვიდრებულიყვნენ ქანაანის აღმოსავლეთით, სადაც თავისუფალი სამოვრები იყო.

აბრაამისა და ქეტურას შვილებმა დასაბამი დაუდეს ისააკის მოდგმისათვის უცხო და მტრულად განწყობილ ახალ ტომს.

აბრაამი ას სამოცდათხუთმეტი წლისა გარდაიცვალა. იგი დაასაფლავეს მაქფელას გამოქვაბულში, სარრას გვერდით. დასაფლავებაზე შორეული უდაბნოდან მოვიდა უბედური აგარის შვილი ისმაელი.

ისააკისა და რებეკას ტყუპები. ისააკსა და რებეკას ძალიან უყვარდათ ერთმანეთი, მაგრამ ოჯახში დღენიადაგ საწუხარი ის ჰქონდათ, რომ ოცი წლის განმავლობაში შვილი არ შეეძინათ. ბოლოს და ბოლოს ღმერთმა შეისძინა მათი ვედ-

რება: რებეკა დაორსულდა. ისააკი უკვე სამოცი წლის იყო, როცა რებეკამ ტყუპები შვა. პირველად გაჩნდა ესავი, ამიტომ იგი პირმშოდ ითვლებოდა. მეორეს უწოდეს იაკობი, რაც ამას ნიშნავს: „ქუსლს წაავლო ხელი“, ასეთი სახელი იაკობს იმიტომ დაარქვეს, რომ ძმის ქუსლზე ხელმოკიდებული დაიბადა.

ძმებს თვალტანადობა და ხასიათიც სხვადასხვა დაჰყვათ, სიამტკბილობა და სიყვარული ერთმანეთში არასოდეს ჰქონიათ. რებეკა ჩიოდა, მუცელშივე გამუდმებით ჩხუბობდნენო. უკვე მოწიფული ძმების შემხედვარე კაცი სულ არ დაიჯერებდა, რომ ისინი ტყუპები იყვნენ. დაჯედა და მხრებგანიერ ესავს წითური ბალანი უფარავდა მთელ სხეულს. ესავი თამამი იყო, ჩხუბისთავი, მაგრამ კეთილი და გულუბრყვილო, სხვის ნათქვამს აღვილად იჯერებდა. ეს კი იყო, უეცარი გულის მოხვლა იცოდა და განრისხებულს ყველა უნდა გასცლოდა, თორემ ხეირს არავის დააყრიდა. ესავი დღედაღამ ან სანადიროდ იყო გადაყარდნილი, ან მწყემსებთან იალაღებზე ატარებდა დროს. დაუდევარ ესავს სულ არ აწუხებდა თავის შესახედაობაზე ფიქრი. მის ტანსაცმელს მინდვრისა და თხების სუნი ასდიოდა. სიცოცხლე არად მიაჩნდა, გაშლილი სივრცეებისა, მზისა და თავისუფლების გარეშე. არასოდეს შეუწუხებია ხვალინდელ დღეზე ზრუნვას. ხეჭიალიდან დაბრუნებული ოჯახის საქმისთვის ხელსაც არ გაანძრევდა. მოშვიდებოდა და დაჯდებოდა საჭმელად, მოსწყურებოდა და სვამდა; სადაც მოერეოდა თვლემა, იქ მიეგდებოდა დასაძინებლად.

იაკობი სულ სხვა ზნისა და ხასიათის კაცი იყო. მამა-პაპურ ადათ-წესს მისდევდა, ოჯახს ზრუნვას არ აკლებდა, თითოთ საჩვენებელი შვილი გამოდგა—გამრჯე და მორჩილი. ესავი იაკობს გულუბრყვილოდ თვლიდა და აბუჩად იგდებდა. მას აზრადაც არ მოსვლია, რომ დედის ნებიერი იაკობი ცბიერი და მზაკვარი იყო.

მოზუც ისააკს აშკარად ესავი უფრო მოსდიოდა თვალში. შესაძლოა, მას მოსწონდა შვილის სიმარჯვე, ღონე და მონადირობა. ეს ვაჟკაცური თვისებები ისააკს თავის მომთაბარე წინაპრებს აგონებდა. ესავსაც თავისებურად უყვარდა მამა და მუდამ კეთილად ეპყრობოდა მას. ყოველთვის ცდილობდა, გაერთო და ნადირობიდან დაბრუნებული ნანადირევს პატივისცემით მიართმევდა ზოლმე.

რებეკას საყვარელი შვილი კი იაკობი იყო. ესავს იგი გაუთლელს, უხეშს უწოდებდა და ერცხვინებოდა კიდევ მისი დედობა. რამდენჯერ თეთრად გაუტეხია ღამე რებეკას იმის გამო,

¹ „ქუსლით დაჭრა“ ებრაულად ნიშნავს „გზიდან ჩამოშორებას“, „ვინმეს დამარცხებას“.

რომ საგვარეულო ქონება ესავეს რჩებოდა, რადგან ის იყო პირ-
მშო და მეძველდრე. რებეკას იმისი შიში ჰქონდა, რომ ესავე
უაზროდ გაანიავებდა მამაპაპეულ ქონებას და ნამდვილი მეოჯა-
ხე, ფულის ყადრის მცოდნე იაკობი კი მშრალზე დარჩებოდა,
რებეკა ღღე და ღამე ფიქრობდა იმაზე, თუ როგორ აეცდინა
უზუურება და იაკობისთვის მოეპოვებინა პირმშოება.

ოსპის შეჭამადის შასად. ერთხელ იაკობი სამზა-
რეულოს კერასთან იდგა და ოსპის შეჭამადს ხარშავდა. უცებ
მოვიდა ესავი და ძმას საჭმელი მოსთხოვა. ესავი დაღლილი
იყო და შიმშილით კუჭი ეწვოდა. მთელი ღღე ნადირობაში გაე-
ტარებინა და ხელცარიელი დაბრუნებულიყო. მოშიებულს კი
დაუყოვნებლივ უნდა ეჭამა, რადგან მოთმენა არ შეეძლო. მაგ-
რამ იაკობს აზრადაც არ მოსვლია, ძმისთვის შეჭამადი ენაწი-
ლებინა. ესავს საჭმლის სუნმა საღერღელი აუშალა და ძმას არ
ემშობოდა, შეჭამადს სთხოვდა. იაკობმა ვითომ ხუმრობით ჰკი-
თხა: მოწყიდი პირმშოებას, ოსპის შეჭამადი რომ გაჭამო?
„მოგყიდი!“ — დაუფიქრებლად მიუგო ესავმა. „მამე შემომფიცე!“
„ვეფიცავ!“ — თქვა თავქარიანმა. რა თქმა უნდა, მას ეს ამბავი
არაფრად ჩაუგდია. ვინ იცის, რას არ დაიფიცებდა ხოლმე
აგზნებული ესავი. ასე სხვეოდათ მესაქონლეებსა და მონადი-
რებს. გრმნობებით შეპყრობილთ საკუთარი ნათქვამი არაფრად
შიაჩნდათ. იაკობისთვის კი ფიცის შეურყეველი და უწმინდესი
რამ იყო. ამიტომ მტკიცედ ირწმუნა, რომ პირმშოება მოიპოვა.
განარებული ესავი შეექცა შეჭამადს და არც უფიქრია, რა სა-
ბედისწერო შედეგი მოჰყვებოდა მის დაუფიქრებლად წამოსრო-
ლილ სიტყვებს.

ისააკის წარმატებანი და უბედურებანი. ქებ-
რონში დამდგარმა გვალვამ შიმშილობა მოიტანა. ისააკმა გადა-
წყვიტა, მიეტოვებინა დიდი ხნის სამკვიდრებელი და გამგზავ-
რებულიყო გერარის მეფის აბიშელექის ქვეყანაში. ეს ის აბი-
შელექი იყო, რომელსაც ოღუსდაც აბრაამი შეგობრობდა.

გერარის მცხოვრებლები ისე მოზიბლა რებეკას მშვენიერე-
ბამ, რომ ისააკს შიში ჩაუეარდა გულში: ვაითუ მომკლან, რომ
რებეკას დაეუფლონო. ყველას ეუბნებოდა, რებეკა ჩემი დააი.

ერთხელ აბიშელექმა შემთხვევით სარკმლიდან თვალი მოჰ-
კრა ისააკს, რომელიც რებეკას ეალერსებოდა და ყველაფერს
მისვდა. ისმომ ისააკი და შეეკითხა: „აჰა, შენი ცოლი არს იგი;
რად გვითხარ ასე: და არს ჩემი?“ ისააკი შეცბუნდა და მიუგო:
„მე ვიფიქრე, ასე ვიტყვი, თორემ მომკლავენ.“

აბიძელები განრისხდა. „ეს რა გვიყავ? — თქვა მან — კინილა და ერთი ტომისა ჩვენისაგანი დაწვა ცოლისა შენისა თანა და მოაწიე ჩვენ ზელა ცოდვა!“ მან ისააკს სიცრუე მაინც აპატია ისე, როგორც ერთ დროს აბრაამს, ხალხს კი განუცხადა — ვინც რებეკას შეეხება, სიკვდილით დაისჯება.

გერარში ისააკმა მესაქონლეობასთან ერთად მიწათმოქმედებასაც მიჰყო ხელი. ეს ხელობა მისთვის ახალი იყო, მაგრამ ბედმა არ უმტყუნა, ყოველ ალებაზე უხვი მოსავალი ერგო. მალე უმდიდრესი კაცი გახდა — ჰყავდა უზარმაზარი ცხერის ფარა, უამრავი საქონელი და მრავალი მსახური. ალგილობრივ მცხოვრებლებს შეშურდათ ისააკისა. გერარელი მწყემსები მას ედავებოდნენ ოდესღაც აბრაამის მიერ ამოჭრილი ჭვების გამო. ისააკი ერთი ადგილიდან მეორეზე გადადიოდა, მაგრამ ამოიღებდა თუ არა ჭვას, მტრები მაშინვე მიწით უვსებდნენ.

ბოლოს და ბოლოს ისააკი გადასახლდა ბერშეხას, სადაც იაჰვეს სამსხვერპლო აუგო. მას ეწვია აბიძელები, რომ პატიება ეთხოვა შეურაცხყოფისათვის. მეფეს ახლდნენ მისი მეგობარი — ოქოზათ და მხედართმთავარი ფიქოლი. ისააკმა მწარედ ჰკითხა: „რად მოხვედით ჩემდა. რამეთუ მომიძულეთ მე და წარმავლინეთ მე თქვენგან?“ აბიძელებმა მიუგო: „ვინილეთ, რამეთუ უფალი იყო შენ თანა და ვთქვი: იყოს ფიცი შორის შენსა და ჩვენსა და აღვთქვათ აღთქმა შენ თანა, რათა არა გვიყო ბოროტი; ვითარცა ჩვენ არა მოგიძაგით შენ და გიყავით შენ კეთილი და წარგზავნეთ მშვიდობით. აწ კურთხეულ ხარ შენ უფლისა მიერ“.

ასე დამყარდა ახალი კავშირი ებრაელებსა და ადგილობრივ მეფეს შორის. ისააკმა ხტუმრების პატივსაცემად დიდი პურობა გამართა, შემდეგ კი მშვიდობიანად გაისტუმრა შინ.

რებეკასა და იააკობის მზაკმრობა. მოხუცებულობისას ისააკი თითქმის მთლად დაბრმავდა და ახლობლებსაც კი ვედარ სცნობდა. ამას ისიც დაერთო, რომ ესაემა ძალიან ატიკინა გული. წესი იყო, რომ ტომს უცხო სისხლი არ უნდა შერეოდა. ესაემა უარყო უხსოვარი დროიდან არსებული ტრადიცია და ორი ქეტელი ქალი მოიყვანა ცოლად. მიუხედავად ამისა, მამას ძველებურად უყვარდა ესავი და კვლავ პირმშოდ მიაჩნდა. ისააკმა ერთხელ უხმო მას და უთხრა: „აჰა, მე დავებრდი და არა ვიცი დღე აღსასრულისა ჩემისა. აწ აღიღე საჭურველი შენი, კაპარჭი და მშვილდი შენი და განვედ ველად, მინადირე ნადირი და მიქმენ საჭმელი, ვითარცა მიყვარს მე, მომართვი მე და ეჭამო და გაკურთხოს სულმან ჩემმან ვიდრე სიკვდილამდე ჩემდა“.

ესავე დაუყოვნებლივ გაეშურა სანადიროდ, რომ მამის ნება აღესრულებინა. რებეკამ ყური მოჰკრა მათ საუბარს და მზაკვრული აზრი გაუხსნდა. მან ისარგებლა ესავის წასვლით, გადაწყვიტა მამასთან მიეგზავნა იაკობი და გამოეტყუებინა მისთვის კურთხევა, რომელიც მხოლოდ პირმშოს უნდა ხვდებოდა წილად.

ეს რომ იაკობმა გაიგო, შეეშინდა და უარზე დადგა: „ესავე ძმა ჩემი არს თმოსან, და მე კაც წყლტუ. ნუკვე ხელი შემახოს მამამან ჩემან და ვიქმნე მის წინაშე მტყუვარ და მივიღო წყევა და არა კურთხევა“.

რებეკამ გული გაუკეთა და ორი თხის მოყვანა უბრძანა. და ამზადა საჭმელი, იაკობს ესავის სამოსელი ჩააცვა, რომ ისააკს მინდვრის სუნი ეგრძნო; მკლავებსა და კისერზე კი თხის ტყავი მოახვია.

გადაცმული იაკობი შევიდა მამასთან და ესავის მაგიერ საჭმელი მიაწოდა. ისააკი ეჭვში ჩააგდო ნადირობიდან ესავის ასე ძალე დაბრუნებამ და, რომ დარწმუნებულიყო, იაკობს ხელი შეასხო. „ხმა ესე — ხმა იაკობისი, ხოლო ხელნი ესე-ხელნი ესავენი“, — ჩაილაპარაკა მან.

ისააკმა საჭმელი ჭამა, ღვინოც დალია და კვლავ ეჭვმა შეიპყრო. მან ცრუ ესავს სთხოვა, მაკოცეო და დამშვიდდა, რაკი ოფლით გაჟღენთილი სამოსლის სუნი იგრძნო. გახარებულმა თქვა: „აჰა, სულნელება ძისა ჩემისა, ვითარცა სულნელება ხავსე ველისა, რომელი აკურთხა ღმერთმან“. ისააკმა იაკობი მაშინვე აკურთხა. კურთხევა იაკობს პირმშობასა და მთავარი მემკვიდრის უფლებას ანიჭებდა.

ნადირობიდან დაბრუნებულმა ესავმა შეიტყო, თუ როგორი მზაკვრული ხერხით წაართვეს მას პირმშობა. მამის კურთხევა ითვლებოდა მისტიკური ძალის მქონე აქტად, რომლის შეცვლა არაფრით აღარ შეიძლებოდა. არავითარი მნიშვნელობა არ ჰქონდა იმას, რომ კურთხევა ისააკს გამოსტყუეს. ისააკსა და ესავს ამიერიდან აღარაფრის შეცვლა აღარ შეეძლოთ. ესავს სისხლი ყელში მოაწვა და იაკობს სიკვდილით დაემუქრა, მაგრამ საყვარელი მამა შეიბრალა, გული დაიოკა და გადაწყვიტა, მუქარა მისი სიკვდილის შემდეგ აღესრულებინა.

იაკობის კიბე. რებეკა გრძნობდა, რომ იაკობის სიცოცხლეს საფრთხე ემუქრებოდა და ეშინოდა. „აჰა, ესავე, ძმა შენი, ზრახავს სიკვდილსა შენსა. აწ, შვილო ჩემო! ისმინე სიტყვისა ჩემისა, აღდეგ და წარვედ ქარანს, ძმისა ჩემისა ლაბანისა თანა და იყავ მუნ, ვიდრე დასცხრეს რისხვა ძმისა შენისა და დაივიწყოს, რომელი შენ უყავ მას და მოვაველინო კაცი და მოგიწოდო შენ“.

ეს აზრი ისააკსაც ჭკუაში დაუჯდა. ქარანში იაკობს შეემლო ცოლად შეერთო თავისი ტომის ქალი და აეცდინა შეცდომა ესავისა, რომელმაც ქეტის ტომიდან მოიყვანა ცოლები. მაშამ, როგორც ჩანდა, უკვე აპატია შვილს უნამუსო ტყუილი — იგი აღერსით გამოემშვიდობა იაკობს და გზა დაულოცა. იაკობი მწირი ყარობივით გაუდგა გზას; ზურგზე გულა ეკიდა და ხელში არგანი ეჭირა. იგი მალულად უნდა გაპარულიყო ბანაკიდან გვიან ღამით, როცა განრისხებულ ესავს ღრმად ეძინა თავისი კარავში. ქვეითად მავალი იაკობი ღამეს ცისქვეშ ათევდა. ერთხელ, დაღამებისას, მან სასთუმლად ლოდი დაიდო და დიდი გზით დაღლილმა დაიძინა. ნახა საოცარი სიზმარი: იხილა კიბე, რომლის თავიც ცას ებჯინებოდა, კიბეზე კი ანგელოზები აღიოდ-ჩამოდრიოდნენ. სულ ზემო საფეხურზე მდგარმა იაპვემ მას მოწყალედ უბრძანა: „მე ვარ უფალი, ღმერთი აბრაამისა, მამისა შენისა, და ღმერთი ისააკისა. ქვეყანა ეგვიპტისა შენსა ზედა გძინავს, მოგცე შენ და ნათესავსა შენსა. და იყოს ნათესავი შენი, ვითარცა მტვერი მიწისა და განძრავლდეს იგი, ვიდრე ზღვამდე¹ აღმოსავლით და ჩრდილოით და ვიდრე სამხრით. და აჰა, მე შენ თანა ვარ“.

დილით იაკობმა გაიღვიძა და იაპვეს შეჰფიცა — ჩემს ღმერთად მივიჩნევ, შემოგწირავ ათეულს, თუ მიხსნი საშიშროებისაგან, საზრდოდ პურს გამიჩენ და მამის სახლში დამაბრუნებო. თავისი უჩვეულო ხილვის სამახსოვროდ იაკობმა აქ აღმართა სასთუმლად ნადები წმიდა ლოდი, ზეთი გადაასხა და ამ ადგილს უწოდა ბეთელი, რაც „ღვთის სახლს“ ნიშნავს.

როგორ ატყუებდნენ ერთმანეთს ლაბანი და იაკობი. იაკობმა ქარანს საღამოჟამს მიაღწია. ქალაქის კარიბჭესთან, ჭის ირგვლივ მწყემსები შეკრებილიყვნენ და საქონელს არწყულებდნენ. იაკობმა იკითხა — იცნობთ თუ არა ნაქორის შვილიშვილს ლაბანს? ამ დროს ჭასთან ცხვრის ფარა მიირეკა ლამაზმა გოგონამ. „აჰა, რაქელ, ასული მისი!“ — დაიძახეს მწყემსებმა. იაკობს ბიძაშვილის დანახვაზე გული აუჩუყდა, მივიდა და ლოყაზე აკოცა. რაქელი შინ შებრუნდა და მამას სტუმრის მოსვლა აუწყა. ლაბანი ჭასთან მოვარდა, იაკობს გადაეხვია და შინ წაიყვანა. ვახშობისას მან გამოჰკითხა იაკობს ისააკისა და რებეკას ამბავი. გული რომ მოიჯერა, მერე მოინდომა გაგება — ქარანში რამ მოგიყვანაო. იაკობმა ბიძას სთხოვა — შენთან მამუშავეო. ლაბანი საქმიანი კაცი იყო და მაშინვე ჰკითხა — სასყიდლად რამდენს ითხოვო. საუბარს ყურადღებით

¹ ე. ი. დასავლეთით. რედ.

იხმენდა. ლაბანის ორი ქალიშვილი, ორივე მორცხვად გახედავ-
დნენ ხოლმე დროდართ სტუმარს. იაკობიც უთვალთვალებდა
მათ და თავისთვის რაღაცას ანგარიშობდა. უფროს დას ლიას
თვალები სტკიოდა და შესახედავდაც არ ვარგოდა, სამაგიე-
როდ, უმცროსი, რაქელი, ისეთი მშვენიერი იყო, იაკობმა თვა-
ლი ვერ მოსწყვიტა. ბოლოს მან ძალა მოიკრიბა და ლაბანს
უთხრა: „გმონებდნენ შენ შვიდ წელს რაქელისთვის, ასულისა
შენისა უმრწემისისა“.

ლაბანს გაეცინა და, რადგან ეს გარიგება ხელს აძლევდა,
სიამოვნებით მისცა დასტური. ლაბანმა იაკობს საქონელი ჩა-
აბარა. იაკობს ეს საქმე ემარჯვებოდა და ლაბანის საქონელმა
ისე იმატა, როგორც არასდროს. შვიდმა წელმა შვიდ დღესავით
გაიარა. დადგა ანგარიშის გასწორების დროც. ლაბანმა დაარ-
წმუნა იაკობი, სიტყვას არ გავტეხო და რაქელის ქორწილზე
ხალხი მოიწვია. ქორწილი ხარ-ხეიმით გადაიხადეს, უზომო
სასმელ-საჭმელი დაუშვეს სუფრაზე. სტუმრებს არაფერი დაჰ-
კლებიათ და დროც კარგად გაატარეს.

აღათისამებრ, საღამოთჲმს საქმრო გაემართა ჩაბნელებული
ოთახისაკენ, სადაც დედოფალი უნდა მიეყვანათ მისთვის. ია-
კობმა ზომასზე მეტი დაღია და ოთახისაკენ მიმავალს ფეხი
ემლებოდა, რაც სტუმრებს ძალიან ესიამოვნათ. ყველაფერი
წესის მიხედვით მოხდა. დილით, როცა ოთახში მშემ შემოიხე-
და, გამოფხიზლებულ იაკობს ელდა ეცა: თავის გვერდით ღია
ისილა. მიხვდა, რომ ლაბანმა უნამუსოდ გააცურა და თავისი
უშნო ქალი შეატყუა. ვაცეცხლებული წამოვარდა და მწარე
საყვედურებით ეცა სიმამრს. ბებერმა მელამ აულელვებლად
მიუგო: „არა არს ჩვენ თანა ეგრეთ — მიცემად უმრწემისისა უწი-
ნარეს უხუცესისა“. ამ უტიფარმა პასუხმა სულ დააკარგვინა
იაკობს მოთმინება. გულმოსულმა ისეთი ამბავი დააწია, რომ
იქაურობა შეაწრიალა. ლაბანი წარბშეუხრელად უსმენდა. როცა
სიძე დაიღალა და ცოტა დამშვიდდა, სიმამრმა შესთავაზა — კი-
დევ შვიდი წელი შემსახურე და რაქელს გაგატანო. საწყალ ია-
კობს სხვა გამოსავალი აღარ ჰქონდა. დაეთანხმა, ოღონდ ამ
პირობით: ლაბანს წინასწარ უნდა გადაეხადა საზღაური. პირ-
ველი ქორწილიდან ერთი კვირის თავზე მეორე ქორწილიც გა-
დაიხადეს. ამრიგად, იაკობს ორი ცოლი შეართვეივნეს. თქმა არ
უნდა, იგი ლიას ცუდად ეპყრობოდა, რაქელს კი თავს ევლებო-
და. სახლში უთანხმოება იყო. დები ერთმანეთზე ეჭვიანობდნენ,
ორივე ცდილობდა ქმარი თავისკენ გადაებირებინა, ამიტომ ხში-
რად იყო ჩხუბი და დავა. ლამაზ რაქელს თითქოს ბედმა დასცი-
ნაო, იგი უშვილო გამოდგა, ლიამ კი ზედიზედ უშვა იაკობს
ოთხი ძე. შეუხედავ ლიას ამით უზომოდ მოჰქონდა თავი. შვი-
ლებს ძეძუებს რომ აწოვებდა, ლამაზ, მაგრამ უბედურ რაქელს

აბუჩად იგდებდა. სასოწარკვეთილმა რაქელმა იაკობს მიმართა: „მეც მე შვილი, თუ არა მოვკვლე“. იაკობი განრისხდა და უკმეხად უპასუხა: „ნუუკვე მე ვარ ღმერთი, რომელმან დაგაკლო შენ ნაყოფი მუცლისა?“

რაქელი ველარას გახდა და თავისი ტომის ძველ ადათს მიმართა. გამონაწა ლამაზი მხეველი ბაღა და იაკობს ხარჭად მიჰგვარა. ბაღა მართლაც მალე დაორსულდა. მან ახალშობილი რაქელს ჩაუწვინა კალთაში, რათა, ადათის მიხედვით, მხეველის ნაშობი რაქელის შვილად ყოფილიყო მინჩეული. ასე დაიბადა ძე დანი. რაქელი ცას ეწია სიხარულით და აღტაცებით შესძახა: „განმკითხა მე უფალმან, შეისმინა ვედრება ჩემი და მომცა მე ძე“. მალე ბაღამ მეორე ვაჟი გაანინა. რაქელმა შევებით ამოისუნთქა და თქვა: „ვბრძოდი დასა ჩემსა და ვძლიე მას“. ასლა ღია დადარდიანდა. მოულოდნელად შეწყვიტა შვილოსნობა და აშკარად აგებდა დედების ორთაბრძოლას. ბოლოს დას მიჰბაძა და ქმარს აურჩია ხარჭა, რომელსაც ზელფა ერქვა. კეთილხმოვანი სასელის მქონე ლამაზი ხარჭა იაკობს თვალში მოუვიდა. ზელფამ ზედიზედ შობა ორი ვაჟი. ღია აღტაცებული იყო, დას კვლავ რომ აჯობა. „ნეტარ ვარ მე და მნატრიდენ მე დედანი“, — წამოიძახა მან.

ლიას ძემ რუბენმა. მკის დროს მინდორში იპოვნა მანდრაგორა, რომელიც უშვილობისათვის უებარ წამლად ითვლებოდა. მან სასწრაფოდ მიურბენინა: იგი დედას, რომ კვლავ გაეჩინა შვილები. მოხერხებულ რაქელი, ეს ამბავი რომ მიუვიდა, სასწრაფოდ გაიქცა ფახთან და სასწაულმოქმედი წამალი სთხოვა. ჯადო წამლის ბედნიერ მფლობელს აზრადაც არ მოსვლია, დას დანმარებოდა. გაკაპასებულმა ღიამ უპასუხა: „ვერ კმა არს შენდა, რამეთუ მიმიღე ქმარი ჩემი, და აწ მანდრაგორიცა ძისა ჩემისა მიმიღო?“

რაქელი ხელცარიელი გაბრუნდა. მომავალზე ფიქრი მოსვენებას არ აძლევდა და საამისო მიზეზიც ქონდა, ღიამ ხომ კიდევ ორი ვაჟი და ერთი ქალი შობა. მას უკვე შეეძლო თავი მოეწონებინა, ექვსი ღვიძლი ვაჟისა და ერთი ქალის დედა იყო, მის მხეველ ზელფასაც ორი ძე ჰყავდა. თითქოს ღიას უკვე ვედარავინ აჯობებდა, მაგრამ მოხდა მოულოდნელი რამ: თურმე რაქელს უშვილოდ გადაგება არ ეწერა, მან შვა ძე, რომელსაც იოსები უწოდა.

მეორე შვიდი წელიც გავიდა და იაკობმა ქანაანში დაბრუნება გადაწყვიტა. მან ლაბანს დამატებითი სასყიდელი მოსთხოვა თავისი შრომისათვის. „შენ უწყვი, ვითარ გმონე და რავდენ არს საცხოვარი შენი ჩემ თანა, რამეთუ მცირედ იყვნეს ვიდრე ჩემს მოსვლამდე. და აღადგინა უფალმან სიმრავლე მათი და გაკურ-

თხა შენ უფალმან მოსელასა ჩემსა შენ თანა“, — უთხრა მან სი-
ამარს.

ლაბანი ახალ-ახალ მიზეზებს ეძებდა, მაგრამ გულში კი
გრძნობდა, რომ სიძე მართალი იყო და ნელ-ნელა ყრიდა ფარ-
ხმალს. ყოყმანი რომ შეამჩნია, იაკობმა შესთავაზა — დაკრები
შენთან და ვიმუშავებ, ოღონდ სასყიდლად უნდა მომცე, რაც
ფარაში ჭრელი თხა და ცხვარი გყავს. და ისიც უნდა მომცე,
რაც მერე გაჩნდებაო. ლაბანის ფარაში თეთრი და შავი თხა და
ცხვარი ჭარბობდა, ჭრელი კი თითქმის არ იყო, ამიტომ ლაბანი
სიამოვნებით დაეთანხმა და ჩუმ-ჩუმად დასცინოდა კიდევ სიძის
გულუბრყვილობას. ლაბანი ძალიან მოტყუვდა, — მას დაავიწყ-
და, რომ იაკობი თითქმის ბავშვობიდანვე მისდევდა მესაქონლე-
ობას და ცხვრის შეჯვარება-გამრავლების საქმეში მისგან არა-
ფერი ესწავლებოდა. იაკობი აგროვებდა ნელ-ნელა წნელებს, ზოლ-
ზოლად აცლიდა ქერქს და წყალსასძელ ისარნებთან ასობდა.
წყლის სასმელად მოსული ფარა აჭრელებულ წნელებს ხედავ-
და და თხაცა და ცხვარიც ჭრელს შობდა. ლაბანი დროზე ვერ
მიხვდა, რომ მის ფარაში შავი და თეთრი პირუტყვი თანდათან
გაწყდა, ჭრელმა კი იმატა და იმატა. ლაბანი თანდათან გაღატაკ-
და, იაკობი კი გამდიდრდა. მას უკვე ჰყავდა აუარებელი ცხვარი,
თხა, აქლემი, ვირი და მონა-მხეველები. ერთი სიტყვით, მოვიდა
სეტყვა და დახვდა ქვა. ლაბანის ვაჟებს, რა თქმა უნდა, ეს არ
მოსწონდათ. დაინახეს, რომ ეშმაკმა სიძემ მათ მთელი ქონება
გამოსტყუა, განგაში ატეხეს „მიიღო ყოველი, რაიცა იყო მამი-
სა ჩვენისა და ყოვლისაგან, რომელი იყო მამისა ჩვენისა, შექ-
მნა სიმდიდრე ესე!“

იაკობი თავს იცავდა და ამბობდა — ღმერთმა ლაბანი ჩემი
მოტყუებისათვის დასაჯა და ჭრელი თხა და ცხვარიც ამიტომ
გააჩინაო. „მიიღო ღმერთმან ყოველი ცხოვარი მამისა თქვენისა
და მომცა მე“, — უხსნიდა იგი თავის ცოლებს. ქმრის მოყვარულმა
ცოლებმა მხარი იაკობს დაუჭირეს. როცა იაკობმა მათ
საიდუმლო გაანდო — ღმერთი ქანაანში წასვლას მიბრძანებსო,
ორივეს გუნება გაუნათლდა; დრო იხელთეს და მამას ძველი ამ-
ბავიც წამოაყვედრეს: „ანუ არა ვითარცა უცხონი შერაცხილ
ვართ მის წინაშე, რამეთუ განგეყიდნა ჩვენ და შეჭამა ვეცხლი
ჩვენი? ყოველი სიმდიდრე, რომელი მიიღო ღმერთმან მამისა-
გან ჩვენისა, იყოს ჩვენდა და შვილთა ჩვენთა. აწ ვითარცა გრქვა
შენ უფალმან შენმან, ეგრეცა ყავ!“

იაკობი ბაიძცა. ლაბანის ოჯახში ყველაფერი აირია,
იაკობი უსაფუძვლოდ როდი ფიქრობდა, ლაბანის შვილები
მოინდომებენ ქონება ძალით წამართვანო — და გადაწყვიტა ქა-
რანიდან გაპარულიყო.

იაკობმა არ იცოდა, რომ გამგზავრების წინ რაქელმა მამის სახლიდან მოიპარა პატარა გამოსახულებები ფუძის ღმერთებისა, რომლებიც ძველთაგანვე თარას ძიული მოღვმის მფარველები იყვნენ.

იაკობს მიჰყავდა ვეებერთელა ქარავანი — აქლემები, ვირები ტვირთის საზიდავად, ვერძები, ცხვარი და თხა. მას ახლდა ორი ცოლი, ორი ხარჭა, თერთმეტი ძე და მრავალი მსახური თავთავისი ოჯახით. ასეთ ქარავანს ქარანიდან შეუძმწევლად გასვლა არც შეეძლო, მაგრამ ლაბანი მაინც მსოლოდ მესამე დღეს მოეგო გონს. მან სასწრაფოდ უხმო ვაჟებს, შეიარაღებული მსახურები გაიყოლა და ქარავანს გამოუდგა. გზაში იგი ღმერთმა გააფრთხილა — იაკობს არ აწყენინო და სისხლი არ დაღვარო.

ლაბანმა იაკობს შვიდ დღეს სდია და გალაადის მთასთან დაეწია, როცა იაკობი კარვებს შლიდა. ლაბანი შეიარაღებული მსახურების თანხლებით მივიდა იაკობთან და უთხრა „ესე რა მიყავ? მეცრუვე მე და წარმოიყვანენ ასულნი ჩემნი, ვითარცა ტყვენი მახვილითა. რად წარმოხვედ იდუმალ, დამეძალე მე და არა მითხარ მე? წარმოგზავნიდი შენ მსიარულებითა და გალობითა, ბობლნითა და ქნართა. არა ვღირდი ამბორის-ყოფად ყრმათა ჩემთა და ასულთა ჩემთა? ხოლო აწ უგუნურად ჰყავ. შემძლებელ ვარ ბოროტის ყოფად შენდა. ხოლო ღმერთმან მამისა შენისამან მრქვა მე გუშინ: „ეკრძალე, არა უთხრა იაკობს არცა ბოროტი, არცა კეთილი“. აწ წარმოსულ ხარ, რამეთუ გულმან გითქვა წარსულა სახლად მამისა შენისა; ხოლო რად წარმოიპარენ ღმერთნი ჩემნი?“

იაკობი გაოცდა. ღმერთების მოპარვის ამბავი მან არ იცოდა. ლაბანს ქურდის დასჯას დაჰპირდა და ბანაკი გააჩხრეკინა. ლაბანმა გულდასმით მოათვალიერა იაკობის, ღიას და ორი ხარჭის კარვები, შემდეგ კი რაქელის კარვისაკენ გაემართა. დამნაშავემ უცებ შეძალა პატარა ქანდაკებები აქლემის უნაგირის ქვეშ და თვითონ ზედ დაჯდა. ლაბანს აზრადაც არ მოსვლია ქანდაკებების ძებნა უნაგირის ქვეშ და, რა თქმა უნდა, მათ კვალსაც ვერ მიაგნო.

ახლა იაკობი გაჯავრდა. გული მოუვიდა სიმამრზე დადეუნებისა და შეურაცხყოფელი ჩხრეკისათვის და ლაბანს მოაგონა ყველა დამცირება, რაც მან ოცი წლის განმავლობაში გადაიტანა. „ადიხილე ყოველი ჭურჭელი სახლისა ჩემისა? რა პპოვე ყოვლისაგან ჭურჭლისა შენისა? — განრისხებით ჰკითხა მან, — დადეუ აქა წინაშე ყოველთა ძმათა შენთა და ძმათა ჩემთა და განსაჯონ შორის ჩვენსა. ესე ოცი წელი არს, ვარ მე შენ თანა. ცხოვარნი შენნი და თხანი შენნი არა უშვილო იქმნნეს, ვერძნი ცხოვართა შენთანი არა შეეჭამენ. ნამხეცავი არაოდეს მოგართვი შენ. მე ვზღვევდ ნაპარევსა დღისა და ღამისასა. შევიწვებო-

დი-სიცხითა დღე და ყინვითა ღამე და განშორებულ იყო ბილი თვალთა ჩემთაგან; ესე ოც წელ არს, ვარ მე სასჯლსა შენსა, გმონე შენ ათოთხმეტ წელ ორთა ასულთა შენთათვის და ექვს წელ ცხოვართა შენთათვის... არა თუმცა ღმერთი მაძისა ჩემისა, ღმერთი აბრაჰამისი იყო ჩემ თანა, ცალიერძმცა გამოძაველინე“.

ლაბანი ისევ თავისას გაიძახოდა, იაკობის მიერ წამოღებულ იმ მთელი ქონება მე მეკუთვინისო, მაგრამ სიძეს მაინც მისცა ქანაანში გამგზავრების ნება. „ასულნი ესე ჩემნი არიან და ძენი ესე ჩემნი არიან და საცხოვარი ესე, ჩემი არს. და ყოველი, რომელსა ჰხელავ, ჩემი არს. და აწ რა ეყო ასულთა ჩემთათვის და ძეთა მათთა?“

ლაბანმა იაკობს შესთავაზა, შევირგდეთო. შეთანხმების ნიშნად მათ აღმართეს ქვების ბორცვი, რომელსაც ლაბანმა იეგარსაჰადუთა უწოდა, იაკობმა კი გალაადი, ლაბანმა თქვა: „ესე ბორცვი და ესე ძეგლი მოწამე არს შორის შენსა და ჩემსა“. არცა მე გარდამოვიდე შენდა და არცა შენ გარდამოხვიდე ჩემდა ბორცვებით... ღმერთი აბრაჰამისი და ღმერთი ნაქორისი მსაჯულ არს შორის ჩვენსა“.

სუფრა გაშალეს და ერთად ჭამეს პური. შემდეგ ლაბანმა გადაკოცნა ასულები, შვილიშვილები და ვაჟების თანხლებით უკან გაბრუნდა.

იაკობი ღმერთს ებრძვის. იაკობი ქანაანის ხაზღვარს გასცდა და აღვილს, სადაც ბანაკი გაშალა, მაქანაიში უწოდა. აღვილობრივ მკვიდრთაგან ესავის ამბავი გაიგო და შემფოთდა: ესავი დასახლებულიყო მკვლარ ზღვასთან, ხეებით დაბურულ სეირის ზეგანზე და ელომის მმართველი გამხდარიყო. მეტწილად მთებში ნადირობდა და, თუ შემთხვევა მოუცემოდა, არც ძარცვაზე ამბობდა უარს. ქანაანის მკვიდროდ დასახლებულ ხეობებში ესავს სახელი ჰქონდა გატყეხილი. იაკობს შიშისაგან გული შეეკუმშა. ძმასთან პირშავად იყო. არც იმიხ იმედი ჰქონდა, რომ ესავს მისი ძეგლი ჯავრი დავიწყებული ექნებოდა. იაკობმა ესავს მოციქულები გაუგზავნა და პატიება ათხოვნინა. ისინი ძალე მობრუნდნენ და იაკობს აცნობეს: — ესავი ოთხასი შეიარაღებული კაცით შენ შესახვედრად მოდისო. შეძრწუნებულმა იაკობმა ღმერთს შესთხოვა: „მისხენ, მე, უფალო, ხელთაგან ძმისა ჩემისა ესავისთა, რამეთუ მეშინის მე მისგან, ნუუკვე მოვიდეს და მოკლას დედა შვილთა თანა. და შენ მითხარ მე: „გაკურთხო შენ და განვაძრავლო ნათესავი შენი, ვითარცა ქვიშა ზღვისა“.

შემდეგ იგი მზადებას შეუდგა. ვირები, ხარები, აქლემები,

ცხვრები და ხალხი ორად გაყოლა ერთმანეთისაგან დაშორებით დაბანაკა, რომ თავდასხმის შემთხვევაში ერთ-ერთი მაინც გაქცეულიყო და გადარჩენილიყო. გარდა ამისა, იაკობმა გადაწყვიტა, უხვი საჩუქრებით მონადირეებინა ესავის გული. „დავამშვიდო გული მისი ძღვნითა წინასწარ წარგზავნალითა, სალო შემდგომად ამისა ვიხილო პირი მისი; ვინ იცის, შემიტყობს მე“, — ფიქრობდა იგი. იაკობმა ქარაგნიდან გამოყო ორასი დედალი თხა, ოცი ვაცი, ორასი ცხვარი, ოცი ვერძი, ოცდაათი აქლემი კოზაკებითურთ, ორმოცი ძროხა, ათი ხარი, ოცი დედალი და ათი მამალი ვირი. ეს უზარმაზარი ჯოგი სამ ნაწილად გაყო და ნაწილ-ნაწილ უგზავნიდა ძმას, რომ თანდათან მოეღბო მისი გული.

ღამე იაკობმა გაათია ბანაკში, სადაც ძალიან უცნაური რამ გადახდა. ესიხმრა, თითქოს გააფთრებით ებრძოდა ღმერთს*, — „არა განგიტყუო ვიდრემდე ძაკურთხო“, — ისე უყვიროდა იგი ძმას, როგორც თავის ტოლს. იაკობი თავგამოდებით იბრძოდა და ბოლოს აიძულა ღმერთი, ეკურთხებინა იგი, როგორც ისააკის კანონიერი შემკვიდრე. ღმერთი განთიადამდე ერკინებოდა იაკობს, დარწმუნდა, რომ მისი დაძლევა არ შეეძლო და ბარძაყის ძარღვზე შეახო ხელი. ბარძაყი მაშინვე გაუხსმა. იაკობს ხელიდან თავი რომ დაიხსნა, ღმერთმა აკურთხა იგი და უთხრა, ამიერიდან შენი სახელი იქნება ისრაელი, რაც „ღმერთთან მებრძოლს“ ნიშნავს.

დილით იაკობმა გაიღვიძა და იგრძნო, რომ ცალი ფეხით კოჭლობდა, მაგრამ ეს არაფრად ჩაუგდია, რადგან ღამით მომხდარმა ამბავმა გაუქარწყელა კეჭვი, რომელიც წლობით აწამებდა. ღმერთმა აკურთხა იაკობი და ამით დააკანონა მოტყუებით მოპოვებული პირმშოების უფლება; გარდა ამისა, აღუთქვა, რომ იაკობი იქნებოდა მამამთავარი ტომისა, რომელიც სხვა ხალხებზე იბატონებდა. აღვიღს, სადაც ყოველივე ეს მოხდა, იაკობმა უწოდა ფენუელი, რაც „ღვთის სახეს“ ნიშნავს. ისრაელის ძენი ამ შემთხვევის სამახსოვროდ დაკლული საქონლის ბარკლის ძარღვს არ ჭამენ.

შეხვედრა ისრაელის ბოლოს გამოჩნდა ესავი თავის მებრძოლესთან ერთად. ღვთისაგან ნაკურთხ იაკობს მაინც შიშით ელეოდა გული. იგრძნო თუ არა ძმის მოახლოება, ოჯახი სამ ჯგუფად გაყო. წინ დააყენა ორივე ხარჭი და მათი შეილება, შემდეგ ღიადა მისი ნაშიერი, ბოლოს კი თავისი საყვარელი რაქელი და იოსები. იაკობმა დაინახა, რომ ესავს არაფერო დაუშავებია მათთვის და თვითონაც გაბედა ძმასთან მისვლა. მიუახლოვდა და შვიდჯერ სცა თავიანთი. ესავს დავიწყებოდა, რაც

იაკობმა აწყენინა. მან გულში ჩაიკრა ძმა და სიხარულისაგან ატირდა. თავშეყრილ ქალებსა და ბავშვებს რომ შეხედა, გაოცება ვერ დამალა და ძმას ჰკითხა: „ვინ არიან ესენი?“ „ყრმანი, რომელნი წყალობით მისცნა უფალმან მონასა შენსა“, — უპასუხა იაკობმა. მხეველები მდაბალი საღმით ეახლნენ ესავს.

ესავმა მხოლოდ ახლა მოჰკრა თვალი უზარმაზარ ჯოგს, რომელსაც იაკობი წინ მიერეუკებოდა. „ვისთვის არს ბანაკები ესე, რომელ შემემთხვია მე?“ — ჰკითხა ესავმა. შენთვისო, — მიუგო იაკობმა. ესავი კარგა ხანს უარზე იყო, მაგრამ დაჟინებული თხოვნის შემდეგ, როგორც იქნა, საჩუქარი მიიღო.

ესავმა ძმა მთებში მიიპატიჟა და შესთავაზა, დარჩენილი გზა ერთად განვაგრძოთო. იაკობი ჯერ კიდევ მთლად არ ენდობოდა ძმას. ისეთი სახე მიიღო, თითქოს მიწვევაზე დაეთანხმა, ოღონდ უთხრა — ჩვენი ერთად წასვლა არ შეიძლებაო. მან ასეთი მიზეზი მოიღო: ჯოგს უნდა გავუფრთხილდე; ნელ-ნელა ვიარო და ხშირად შევისვენოო. გამოეთხოვა ძმას, აღუთქვა — კვალდაკვალ მოგვევები და სეირის ზეგანზე გესტუმრებიო.

იაკობის ძენი დის სისხლს იღებენ.

ის იყო ესავი თვალს მიუფარა, რომ იაკობმა გზას გადაუსვია, იორდანე გადალახა და ქალაქ სიქემში დაბანაკდა. სიქემის მეფემ ემორმა ნება დართო, მის ქვეყანაში დასახლებულიყო. იაკობმა იყიდა მიწის ნაკვეთი, გაშალა კარვები და გადაწყვიტა, აქ დაფუძნებულიყო, მაგრამ მალე ისეთი რამ შეემთხვა, რომ გეგმები მთლად ჩაუშალა. სასეირნოდ გამოსული იაკობის ქალიშვილი დინა ემორის უფროსმა ვაჟმა სვიქემმა მოიტაცა და ნამუსი ახადა. ახალგაზრდა უფლისწული მთლად პირისწყალდაკარგული არ ყოფილა, შეუყვარდა თავისი მსხვერპლი და მისი ცოლად შერთვა განიზრახა. მამასთან ერთად დაუყოვნებლივ გაემურა იაკობთან ქალის სათხოვნელად. ამ დროს იაკობის ძენი მინდვრად მუშაობდნენ. როცა დაბრუნდნენ და უფლისწულის საქციელი შეიტყვეს, საშინლად განრისხდნენ. დის მოტაცება იმ დროს უდიდეს შეურაცხყოფად ითვლებოდა. უდაბნოს ადამ-წესების მიხედვით ამ შეურაცხყოფის გამოსყიდვა მხოლოდ სისხლით შეიძლებოდა. თარას შთამომავლები ამაყნი და თავისუფლებისმოყვარენი იყვნენ. მათ არ ესმოდათ ქალაქელებისა, რომელთაც ღირსება, პატიოსნება და რასობრივი სოლიდარობა დიდად არაფრად მიაჩნდათ. იაკობის ძეთა მრისხანება რომ იხილა, ემორი შეცბა და მათი დაყოლიება სცადა: „ძემან ჩემმან აღირჩია სულითა თვისითა ასული თქვენი. მიეცით იგი მას ცოლად, გვემძახლეთ, ასულნი თქვენნი მოგვცენით ჩვენ, ასულნი ჩვენნი მიათხოვენით ძეთა თქვენთა. დაემკვიდრენით ჩვენს შორის; აჰა,

ფართო არს ქვეყანა ესე; დაეშენებით, ივაჭრეთ და დაეუფლენით მას“. სვიქემს სინდისი აწუხებდა და ამიტომ დასძინა: „რათა ვპოვო მადლი წინაშე თვალთა თქვენთა, ყოველი, რომელიცა სთქვათ, მოგცე თქვენ. განაპრაველეთ სასყიდელი ფრიად და მოგცე თქვენ... და მომეცით მე ქალი იგი ცოლად“. რა ცულად იცნობდა ეპორი ებრაელ მესაქონლეებს! იგი მათ დანათესავენას და ერთ ერად შეერთებას სთავაზობდა. სწორედ ამისა ეშინოდათ ყველაზე მეტად იაკობსა და მის შვილებს. ისინი ისე უფრთხილდებოდნენ ტომის სიწმინდეს, რომ ცოლის სათხოვად შორეულ ქარანში მიდიოდნენ. თუ რომელიმე ძე სხვა ტომის ქალს შეირთავდა, მას კიცხვა ხვდებოდა წილად.

იაკობის შვილებმა წამოაყენეს ერთი პირობა; ეგონათ, მეფე მას არ მიიღებდა. მათ მოითხოვეს, რომ მეფეს, მის ვაჟებსა და მთელი ერის მამაკაცებს წინა დაეცვითათ. მათ თქვეს, მხოლოდ იმ შემთხვევაში დაგთანხმდებით, „უკვეთუ იქმნეთ თქვენ, ვითარცა ჩვენ ვართ, უკვეთუ წინა დაიცვითოს ყოველმან წულმან თქვენმან. მაშინ მიგცნეთ ასულნი ჩვენნი და ასულნი თქვენნი მოვიყვანნეთ ჩვენ. და თუ არა ისმინოთ ჩვენი, რათა წინა დაიცვითოთ, წარვიყვანოთ ასული ჩვენი და წარვიდეთ“.

იაკობის ძენი სახტად დარჩნენ, როცა მეფემ ეს პირობაც მიიღო. როგორც ჩანს, სვიქემს დინა დიდი, ნამდვილი სიყვარულით უყვარდა. გარდა ამისა, მეფეს ენანებოდა ქონებისა და დოვლათის ხელიდან გაშვებაც. თავის ქვეშევრდომებს ურჩევდა, წინადაცვეთაზე დათანხმდითო, თან არწმუნებდა, მაშინ ინდომებენ ჩვენთან დამკვიდრებასა და შეერთებას, თუ ჩვენი მამაკაცებიც მათ მსგავსად წინა-დაცვეთილნი იქნებიანო: „და საცხოვარი მათი და მონაგები მათი და ყოველი ოთხფეხი მათი არა ჩვენი არს? ამით ხოლო ვემსგავსნეთ მათ და დაიმკვიდრონ ჩვენ თანა“.

საქმეს თითქო მართლა კეთილი ბოლო უჩანდა. სიქემისა და მისი შემოგარენის ყველა მამაკაცმა წინა დაიცვითა. მესამე დღეს, როცა ისინი, ოპერაციისაგან დაუძლურებულნი, თავ-თავის სახლებში იწვნენ, დინას ძმებმა, სიმონმა და ლევიმ, შეყარეს თავისიანები, ერთიანად ამოხოცეს სიქემელები და დინა მეფის სასახლიდან წაიყვანეს. ამასობაში დანარჩენმა ძმებმა გაძარცვეს ქალაქი, ტყვედ წარეკეს ქალები და ბავშვები, წაასხეს მთელი საქონელი. იაკობმა არაფერი იცოდა შვილების შეთქმულებაზე და ძალიან ააღელვა ამ სისხლიანმა შურისძიებამ. მან უხმო სიმონს, ლევის და მწარედ უსაყვედურა. „საძულელ მქმნით მე წინაშე მკვიდრთა ამის ქუეყანისათა — ქანაანელთა და ფერეზელთა და მე მცირე ვარ რიცხვით და შეკრბენ ჩემ ზედა და მომკლან მე და აღვიხოცო მე და სასელი ჩემი“, — თქვა მან.

იაკობი ბეთელსა და მამბრეში. იაკობი სასწრა-

ფოდ უნდა წასულიყო სიქემიდან, რომ მეზობელ ტომებს შური არ ემიათ მასზე ემორთან სისხლით ანგარიშის გასწორების გამო. ღამით მას ღმერთი გამოეცხადა და უთხრა: „აღდეგ და წარვედ ბეთელს და დაემკვიდრე მუნ. და აღუშენე საკურთხეველი ღმერთსა, რომელი გეჩვენა შენ, ოდეს ივლტოდი ძმისაგან შენისა“. მეორე დღეს იაკობმა მთელ თავის ტომს მოუწოდა, განწმენდილიყო ცოდვისაგან და კერპთაყვანისმცემლობას განდგომოდა. „განასსენით ღმერთნი უცხონი, რომელნი არიან შორის თქვენსა, განიწმინდენით და ცვალებთ სამოსელი თქვენი. აღვდგეთ და აღვიდეთ ბეთელს. მუნ აღუშენო საკურთხეველი ღმერთსა, რომელმან შეისპინა ჩემი და იყო ჩემ თანა გზასა, რომელსა ზედა ვიდოდი“. ამის შემდეგ იაკობის შინაურებმა სიქემის ასლოს, დიდი მუსის ქვეშ ჩაფლეს მესობოტამიიდან მოტანილი წარმართული კელტის სხვადასხვა საგანი.

იაკობი გზას გაუდგა. ახლომასლო ქალაქების მცხოვრებთ ღმერთის შეეშინდათ და ამიტომ მას არავინ გამოსდევნებია. ბეთელში რომ მივიდა, იაკობმა ააგო სამსხვერპლო და ამ ადგილზე ელ-ბეთელი უწოდა, რადგან სწორედ აქ გამოეცხადა ღმერთი, როცა ესაგვ გამოექცა. აქ მან ღმერთს მსხვერპლად შესწირა ცხვარი და ზეთი. იაკობს კვლავ გამოეცხადა ღმერთი, ერთხელ კიდევ დაუდასტურა, ნამდვილად ისრაელი გქვიაო, და უთხრა: „მე ვარ ღმერთი ყოვლად მძლე. აღორძინდი და განმრავლდი. შენგან იყოს დასაბამი ხალხთა მრავალთა, და მეფენი გამოვლენ წელთა შენთაგან; და ქვეყანა, რომელი მივეც აბრაამსა და ისააკს, მოგცე შენ. შენდა იყოს იგი და ნათესავისა შენისა შემდგომად შენსა“.

როცა ისინი ბეთელიდან წავიდნენ ეფრათას (მას შემდგომში ბეთლემი ეწოდა), რაქელი მოსალოცინებლად დაწვა. მან იაკობს ვაჟი უშვა, მაგრამ თვითონ მუცელს გადაჰყვა. იგი ძალიან იტანჯებოდა და სიკვდილის წინ შვილს დაარქვა ბენონი, რაც „სალმობის ძეს“ ნიშნავს; მაგრამ მეტორმეტე ძის დაბადებით გახარებულმა იაკობმა მას სახელი შეუცვალა და უწოდა ბენიამენი — „მე მარჯვენისა“ (მარჯვენა ხელის შვილი).

როგორც ჩანს, იაკობს ქანაანში მშვიდად ცხოვრება არ ეწერა. იგი დასახლდა გადერში, სადაც მისმა შვილმა რუბენმა კვლავ დანაშაული ჩაიდინა, მან მამამისის ხარჭა ბაღა შეიყვარა. ახალი უბედურებით აღშფოთებული იაკობი გადასახლდა მამბრეში, სადაც მოხუცი ისააკი მოუთმენლად ელოდა მის დაბრუნებას. შვილის სიყვარულით გული რომ იჯერა, ისააკი გარდაიცვალა. იგი ას ოთხმოცი წლისა იყო. დასაფლავებაზე მოვიდა ესაუცი. ძმებმა თანხმობითა და მშვიდობიანად დაასაფლავეს მამა საგვარეულო აკლდამა მაქფელაში, სადაც განისვენებდნენ აბრაამი და სარრა.

უკვე ვიცით, რომ ბიბლიის ტექსტის ჩვენამდე მოღწეული ვარიანტი შეიქმნა შედარებით გვიან, მას შემდეგ, რაც ებრაელები ბაბილონის ტყვეობიდან დაბრუნდნენ, ესე იგი, ძველი წელთაღრიცხვის VI და IV საუკუნეებს შორის. საბოლოო ვარიანტის ავტორები იყვნენ ქურუმები. იათი მიზანი იყო არა ხალხის ისტორიის დაწერა, არამედ შეკონება და ჭკუის სწავლება. ქურუმთა აზრით, ისტორია იყო იარაღი, რომელსაც ღმერთი იყენებდა თავისი ნების განსაცხადებლად, ვინმეს დასასჯელად ან დასაჯილდოებლად. ისინი თავისი რელიგიური და დიდაქტიკური მოსაზრებების შესაბამისად უცვლიდნენ სახეს ტრადიციულ ისტორიულ მემკვიდრეობას, აკლებდნენ მას ყველაფერს, რაც მათთვის ხელსაყრელი არ იყო და ავსებდნენ ტექსტს საკუთარი გამოხატვებით, რომელშიც ცხადად იყო გამოკვეთილი ესა თუ ის რელიგიური იდეა. იმ ბიბლიურ გმირებს, რომლებიც, მათი აზრით, ღვთის მცნებას ემორჩილებოდნენ, ისინი დადებითად აფასებდნენ, მათ კი, ვინც ამა თუ იმ მიზეზის გამო კანონს არღვევდა, დამსახურებულად დასჯილ ცოდვილად გამოსახავდნენ.

უეჭველია, ქურუმები იყვნენ არა ორიგინალური ავტორები, არამედ მხოლოდ კომპილატორები და უფრო ძველი ტექსტების რედაქტორები. ბიბლიის დაწერილებითმა ანალიზმა დაადასტურა, რომ მის ტექსტში აშკარად შეიმჩნევა სამი სხვადასხვა ფენა; ყველაზე ძველი. ნაწილი ბიბლიისა დაწერილია IX საუკუნეში ჩვენს წელთაღრიცხვამდე. მისი განმასხვავებელი ნიშანი ისაა, რომ უცნობი ავტორები ღმერთის აღსანიშნავად ხმარობენ „ელოჰიმ“ სიტყვას. უფრო გვიანდელ, ძველი წელთაღრიცხვის VIII საუკუნის ტექსტებში კი ღმერთს „იაჰვე“ ეწოდება. ძველი წელთაღრიცხვის VII საუკუნეში ორივე ნაწილა გაერთიანებულია ისე, რომ ტექსტში „ელოჰიმი“ და „იაჰვე“ განუწყვეტლივ ენაცვლებიან ერთმანეთს*. მოგვიანებით ამ გაერთიანებულ ვარიანტებს მრავალგზის იწერდნენ და ასწორებდნენ. საბოლოო ვარიანტი ქურუმებმა გამოიყენეს საფუძვლად ბიბლი-

ური თქმულებების იმ სახით შესაქმნელად, რა სახითაც ისინი ბიბლიის კანონიკურ ტექსტში გაერთიანდნენ.

ბიბლიის ტექსტის კრიტიკული ანალიზისა და ცალკეული ნაწილების ქრონოლოგიის დადგენის საქმეში თვალსაჩინო წვლილი შეიტანა გერმანელმა მეცნიერმა იულიუს ველჰაუზენმა. ბიბლიის ტექსტის გულდასმითმა კვლევამ იგი შემდეგ დასკვნამდე მიიყვანა: ბიბლიაში აღწერილი ისტორია ებრაელთა არაა გადმოცემა იმხანად მომხდარი ამბებისა, ეს ისტორია დაიწერა ბევრად უფრო გვიან; მაშასადამე, შედარებით მცირე ხნის წინათაა შექმნილი ლეგენდები პატრიარქებზე, მოსესა და მსაჯულებზეც კი. ველჰაუზენის სკოლა უდიდესი პოპულარობით სარგებლობდა მთელი ოცდაათი წლის განმავლობაში. მას დღესაც ჰყავს თავისი მომხრეები, მაგრამ მეცნიერება წინ მიდის. უდიდესი არქეოლოგიური აღმოჩენები აბათილებენ გერმანელი მეცნიერის მრავალ დასკვნას. არქეოლოგებმა მიაკვლიეს არქივებს ისეთ ქალაქებში, როგორიც იყო ნინევია, მიაგნეს პატრიარქებზე გავრცელებულ თქმულებებში მოხსენებულ პალესტინის ქალაქთა ნაშთებს. ამ აღმოჩენათა შეპირისპირება ბიბლიის ტექსტებთან უცილოდ მოწმობს, რომ ძველი წელთაღრიცხვის VI საუკუნეში ქურუმების მიერ გამოყენებული ისტორიული მემკვიდრეობა ბევრად უფრო ადრინდელია, ვიდრე ველჰაუზენი ვარაუდობდა.

ამ ისტორიულ მემკვიდრეობას თაობიდან თაობას გადასცემდნენ ძველი ებრაელები. ზეპირი გადმოცემის გამო ნამდვილ ამბებს იმდენი ლეგენდა, თქმულება, გადმოცემა, მითი, იგავი თუ თქმულება დაერთო, რომ ახლა უკვე ძნელია გამოგონილისა და სიმართლის ერთმანეთისაგან გარჩევა. ქურუმი კომპილატორები მოურიდებლად ასხვაფერებდნენ თქმულებებს თავისი რელიგიური დებულებების შესაბამისად. შეგონებათა საფუძვლად კი მაინც ხალხის შემოქმედებითი ფანტაზიის, ზრახვათა, მისწრაფებათა და ადათ-წესთა ამსახველ ძველ თქმულებებს იყენებდნენ. უყურადღებობისა და დაუდევრობის გამო ქურუმებმა შიგადაშიგ ტექსტებში დატოვეს მათი სიძველის დამადასტურებელი ადგილები. მაგალითად, დაბადებაში შემონახულია პოლითეიზმისა და ფეტიციზმის აშკარა გადმონაშთები. პატრიარქებზე გავრცელებულ თქმულებებში ძალიან ხშირად ვხვდებით მესობოტამიური წარმოშობის ადათებსა და მითებს.

ნინევიისა და უგარითის გათხრების დროს ნაპოვნი ლურსმული ფირფიტები გვაძეგნობენ, რომ ბიბლიური თქმულებები ადამსა და ევაზე, ბაბილონის გოდოლსა და მსოფლიო წარდგნაზე, ცოტად თუ ბევრად, შუმერული და ბაბილონური მითებიდან მომდინარეობს. ბიბლიაში აღწერილი ზოგიერთი ჩვეულება გავრცელებული იყო მესობოტამიაში. ამ წესების ნაწილი ხამუ-

რამის კანონებშიცაა გამოხატული. ერთი სიტყვით, ზოგიერთ ბიბლიური თქმულების საწყისი მეტისმეტად შორეულ ეპოქაშია საქებარი.

მეცნიერებს დიდი ხნის განმავლობაში მიაჩნდათ, რომ ხალხური ლეგენდები მხოლოდ ზეპირი გადმოცემით ვრცელდებოდა. მაგრამ ინგლისელმა არქეოლოგმა ფლინდერს პეტრიმ 1905 წელს სინას მთაზე მდებარე სპილენძის მალაროში მიაკვლია კლდეზე ამოკვეთილ წარწერას, რომელიც ძველი წელთაღრიცხვის XV საუკუნეს განეკუთვნება. ამ აღმოჩენის შედეგად წარმოიშვა ჰიპოთეზა, რომ უძველესი ბიბლიური თქმულებების ავტორებს ხელთ ჰქონდათ აგრეთვე რაღაც წერილობითი წყაროები. წარწერა ჯერ კიდევ არაა საბოლოოდ გაშიფრული, მაგრამ უკვე დადგენილია, რომ იგი ოცდათორმეტ ნიშანს შეიცავს და შესრულებულია რომელიღაც სემიტურ ენაზე. ვარაუდობენ, რომ წარწერა ამოკვეთილია ისრაელიტელი მონების მიერ, რომლებიც ეგვიპტელებმა მალაროში იძულებით სამუშაოზე გამოაგზავნეს. მასასადამე, სავსებით სარწმუნოა, რომ ქანაანის მცხოვრებლები უკვე ძველი წელთაღრიცხვის მეორე ათასწლეულში აღგენდნენ წერილობით დოკუმენტებს. უნდა გვახსოვდეს, რომ ანბანური დამწერლობის სამშობლო იყო ქანაანის მოსახლვრე ფინიკია. გარდა ამისა, ძველი წელთაღრიცხვის XIV საუკუნის საბუთებში, რომელიც თელ-ამარნაშია ნაპოვნი, აღმოჩენილია ვრცელი მიმოწერა ქანაანსა და ეგვიპტეს შორის. ყველა ეს ფაქტი საფუძველს გვაძლევს, ვიფიქროთ, რომ, თუ ადრე არა, ყოველ შემთხვევაში, მოსეს დროს მაინც, ისრაელიტელებს ჰქონიათ დამწერლობა.

მაშ რატომაა ესოდენ ღარიბი წერილობითი წყაროებით პალესტინის გათხრები? ეგვიპტესა და მესოპოტამიაში ხომ ნაპოვნი უზარმაზარი არქივები, რომლებიც დაწერილებით გადმოგვცემენ ამ ქვეყნების ისტორიას; პალესტინაში კი აღმოჩენილია წერილობითი საბუთების უმნიშვნელო რაოდენობა, მაგალითად, გეზერის ცნობილი კოდექსი — X საუკუნისა, ეზეკიელის ჩანაწერები — VII საუკუნისა და ლაქიშის წერილები — VI საუკუნისა. ამის ახსნა ადვილია: პალესტინაში ტუშით წერდნენ თიხის მყიფე ნამტვრევებზე, მესოპოტამიაში კი ლურსმულა ნიშნები გამოჰყავდათ თიხის სქელ ფირფიტებზე, რომელთაც შემდეგ გამოწვევდნენ ხოლმე. პალესტინის ნოტიო ჰავამ თიხის ნატეხები დაშალა, სასწაულებრივ გადარჩენილ ზოგიერთ ნატეხზე კი ტუშით ნაწერი იმდენადაა გადაშლილი, რომ მისი წაკითხვა შეუძლებელია. 1960 წელს არქეოლოგებმა იპოვეს ძალიან კარგად შენახული წერილი, რომელიც ძველი წელთაღრიცხვის VII საუკუნეს განეკუთვნება. წერილში გვხვები მთავართან უჩივის გადასახადის ამკრეფს, რომელსაც მისთვის

ვითომდა გადაუხდელი ბეგარის გამო მოსახლამი წაურთმეკია. წერილს დიდი მეცნიერული მნიშვნელობა აქვს. იგი გვიჩვენებს, რომ იმ დროს პალესტინაში ყოველდღიურ ცხოვრებაშიც კი სარგებლობდნენ დამწერლობით.

ბიბლიური თქმულებების სიძველეს მათი შინაარსიც გვიდასტურებს. ქანაანში აბრაამის ცხოვრების ხასიათი ტიპიურია მომთაბარე მესაქონლე ტომებისათვის.

წლის გარკვეულ დროს პატრიარქი შლიდა ბანაკს რომელიმე ქალაქის გალავანთან და ქალაქურ ნაწარმზე ცვლიდა თავის საქონელს — რძეს, მატყლსა და ტყავს. ბანაკი წრისებურად განლაგებული კარვებისაგან შედგებოდა, კარვებთან ისხდნენ ქალები, ართავდნენ მატყლს და მღეროდნენ მესოპოტამიურ სიმღერებს.

შუაში იდგა პატრიარქის დიდი კარავი, რომელშიც თავს იყრიდნენ უხუცესები. აბრაამი აქ განკარგულებას აძლევდა მწყემსებსა და მსახურებს, აგვარებდა სადავო საკითხებს და იღებდა სტუმრებს.

ეს ეპოქა იყო მძიმე და მკაცრი. ჯერ კიდევ ნაკლებ ცივილიზებულ ებრაელებს ძველთაგანვე ადათად ჰქონდათ ვენდეტის წესი — „თვალი თვალისა წილ, კბილი კბილისა წილ“. დინას მოტაცებით გამოწვეული სისხლისღვრა უთუოდ არ ყოფილა გამონაკლისი, თუმცა იაკობმა შვილების ქცევა იმიტომ გააკიცხა, რომ მისი დროისათვის მამაპაპული წესები, ცოტა არ იყოს, შეიცვალა და შერბილდა.

ბიბლიურ თქმულებათა სიძველეს მოწმობს აგრეთვე საზოგადოებრივ ურთიერთობათა თანდათანობითი ცვლის პროცესი, რომელსაც შეიძლება თვალი გავადევნოთ ბიბლიის ტექსტის მიხედვით.

აბრაამის ტომში ვხედავთ ტიპიურ პატრიარქალურ დამოკიდებულებას, მაგრამ აქაც აშკარად იჩენს თავს კლასობრივა განსხვავება. აბრაამი მონათმფლობელია და მდიდარი. მას ტომის დანარჩენი წევრებისაგან ყოფს უფსკრული, რომლის გაღრმავებასაც იგი იმით ცდილობს, რომ თავისთვისა და თავისი ცოლისათვის დიდგვაროვანი წარჩინებულის შესაფერ სახელებს ირჩევს.

ჩვენ მოწმენი ვართ აგრეთვე ძველი ებრაელი ტომების თანდათანობითი გადასვლისა ბინადარ ცხოვრებაზე. აბრაამი ტიპიური ბედუინი. შეიხია, რომელიც უბრალო პატრიარქალურ ცხოვრებას ეწევა. სამ უცნობ მგზავრს მან თავისი ხელით დაუკლა ხბო, სასმელად კი რძე მიართვა. ისააკი უკვე ცდილობს მიწათმოქმედებას მისდროს და სვამს არა რძეს, არამედ ღვინოს. იაკობმა კი მომთაბარე ცხოვრებისა აღარაფერი იცის. თითქმის ქალაქური ცხოვრების პირობებში აღზრდილი კაცის ავი და

კარგი, მისი ზნე-ხასიათი და ქცევა განსაზღვრულია მისი გარემოს გავლენით.

მთელი ეს ევოლუციური პროცესი, ბიბლიურ თქმულებებში რომ თვალნათლივ მოჩანს, ორგანულად შეესაბამება იმას, რაც ცნობილია თანამედროვე მეცნიერებაში პირველყოფილი საზოგადოებრივი წყობილების შესახებ.

ბიბლიური გადმოცემებიდან შეიძლება დავასკვნათ, რომ აბრაამმა მონოთეიზმის ქადაგება დაიწყო. ბიბლიის სხვადასხვა რედაქციულ ფენათა დაწვრილებითმა კვლევამ საშუალება მოგვცა დაგვედგინა, რომ აბრაამი მონოთეისტად აქციეს ძვ. წ. VI ს. ქურუმებმა, როცა ბიბლიის ტექსტის შესწორება-შელამაზებას შეუდგნენ. ცნობილია, რომ უფრო გვიანაც ებრაელებს არა ერთხელ უციათ თაყვანი ქანაანის ღმერთებისათვის, რისთვისაც მათ მრისხანედ ამხილებდნენ წინასწარმეტყველები. როგორც ჩანს, პატრიარქების ეპოქის რელიგია იმდენად წმინდა მონოთეიზმი არაა, რამდენადაც გენოთეიზმი, რომელიც ქადაგებდა: მართალია, არსებობს მრავალი ღმერთი, მაგრამ თაყვანი უნდა სცე მხოლოდ ერთს — ტომის მფარველს. აბრაამის ღმერთი არ არის უნივერსალური, იგი ტიპური ტომის ღმერთია, რომელიც მხოლოდ თავისი რჩეული ხალხის კეთილდღეობაზე ზრუნავს.

უკიდურესად პრიმიტიულია წარმოდგენა ამ ღმერთზე. მას უბრალო მოკვდავივით უჭირავს თავი, ერევა საყოფაცხოვრებო საქმეებში, ედავება აბრაამს და მის ხრიკებსაც კი იწონებს. იაკობი მთელი ღამის განმავლობაში ებრძვის ღმერთს და აიძულებს, კანონიერად სცნოს პირმშობეა, რომელიც მან ესავე გამოსტყუა.

ბაბილონის ტყვეობიდან ებრაელების დაბრუნების შემდეგ, როცა წინასწარმეტყველთა გავლენით საბოლოოდ ყალიბდებოდა მონოთეიზმი, ასეთი რელიგიური კონცეფცია უკვე ანაქრონისტული იყო. ამ მიამიტი და პრიმიტიული წარმოდგენების არსებობა ბიბლიაში შეიძლება აიხსნას მხოლოდ იმით, რომ ქურუმმა რედაქტორებმა უცვლელად შეიტანეს ისინი ტექსტში იმ უძველეს ხალხურ გადმოცემებთან ერთად, რომლებსაც ისინი ეყრდნობოდნენ მუშაობის დროს.

ბიბლიურ თქმულებებში მკითხველს განსაკუთრებით ანცეფურებს პატრიარქების ნათელი და მკაფიო დახასიათება. ყოველი სახე ინდივიდუალური და საოცრად რეალისტურია. როგორ არ ჰგვანან ერთმანეთს აბრაამი, ლოთი, ისააკი და იაკობი! რაცხადი და დამაჯერებელია სარრას, რებეკას, რაქელის თუ უბედური აგარის ქაღურობა! გავიხსენოთ თუნდაც ნადირობისა და თავისუფალი სივრცეების მოტრფიალე ესავი, მიწის დამუშავებას რომ არ კადრულობს! ესავი გულფიცხია, გუნების ამყოლი, მაგრამ ამავე დროს კეთილი. ვისიმე ჯავრის გულში ჩადე-

ბა არ იცის. საყურადღებოა, რომ ბიბლია აშკარა სიმპათიით მოგვითხრობს მის ამბავს. ისააკსაც კი უყვარს ესავი, თუმცაღა მის ქცევას ალბათ ბევრჯერ გასაჭირსა და დავიდარაბაში ჩაუგდია მამამისი. ეტყობა, ესავის სახეში გამოხატულება ჰპოვა ებრაელთა ქვეცნობიერმა სევდამ, თავისუფალ მესაქონლე და მომთაბარე წინაპართა მიმზიდველი ცხოვრების მოგონებებით გამოწვეულმა.

ყველაფერი, რასაც ბიბლია მოგვითხრობს პატრიარქებზე, ზედმიწევნით საინტერესოა. ამ ამბებში მრავლადაა დრამატული სიტუაციები და თავგადასავლები. მკითხველის თვალწინ ცოცხლდება ადამიანი, რომელიც თავისი ავ-კარგითა და კონფლიქტებით ჩვენთვის ახლობელია და გასაგები. სწორედ ამის წყალობითაა, რომ ბიბლიამ — შორეულ ეპოქათა ცხოველი ცხოვრების ჩვენს დღეებამდე სასწაულებრივად მოღწეულმა ფრაგმენტმა — საშუალება მოგვცა, ჩაეხედოთ და ჩაეწვდეთ ჭეშმარიტად ადამიანურ და წარუვალ გრძნობათა სიღრმეს.

პატრიარქთა თავგადასავლებში მთელი სისრულითაა გამოკვეთილი ხალხურ თქმულებათა თავისებურება; ისინი პირველყოფილი ტომების აზროვნებას ასახავენ. თვალწინ წარმოგვიდგებიან მაშინდელი მესაქონლეები, კოცონთან რომ ისხდნენ და ერთმანეთს უყვებოდნენ გასართობ ამბებს წინაპრებზე: როგორ მოატყუა აბრაამმა ფარაონი, როგორ შეხვდა ისააკის მსახური ჭასთან რებეკას, როგორ გამოსცინცლა ეშმაკმა იაკობმა პირმშობეა თავის ძმას, თითქმის მთელი ქონება წაართვა ლაბანს, როგორ ეჯიბრებოდნენ ლია და რაქელი შვილიერებაში.

ეს იყო თქმულებები უბრალო, პრიმიტიული ადამიანებისა, რომლებიც ალტაცებულნი იყვნენ თავისი ტომის გმირთა ოინებით — მათ გულის სიღრმემდე სწვდებოდა ამ თქმულებათა პოეტური მშვენება, მაგრამ როცა წინაპართა საქციელის შეფასებაზე მიდგებოდა საქმე, მორალური მსჯავრის გამოტანისას ხშირად ვეღარ არჩევდნენ ავსა და კარგს. მომთაბარეთა ცხოვრება მკაცრი და ხიფათით აღსავსე იყო. გადარჩენისა და თავის გამოჩენის მსურველს იმ ბარბაროსულ და უღმობელ დროში სინდისსა და ნამუსზე დგომა ხელს ვერ მისცემდა.

მომთაბარეთა თქმულებებში ფანტაზია ლაღად შლის ფრთებს. პატრიარქებს საოცარი დღეგრძელობა და ნაყოფიერება ანწვევიათ. მოხუცი სარრას მშვენიერება მეფეებს თვალსა სჭრის. ღმერთი და ანგელოზები ერევან ყოველდღიურ წერილმან საქმეებში და ხსნიან დრამატულ, გამოუვალ სიტუაციებს. ეს ჩარევა სიღამაზით ხშირად ზღაპარს გვაგონებს. მოვივონოთ ამალელებელი სცენა უდაბნოში, როცა ანგელოზი ლტოლვილ აგარს შინ დაბრუნებას ურჩევს, ანდა როცა ივა სიკვდილისაგან იხსნის მას და ისმაელს.

შეუძლებელია, რომ უძველესი ეპოქების ყოფის ასე ზუსტად ამსახველი დეტალები შეეკმნათ ქურუმებს ძველი წელთაღრიცხვის VI საუკუნეში, როცა სოციალური და საყოფაცხოვრებო პირობები სრულიად განსხვავებული იყო. ამას დიდი ტალანტის მწერალიც კი ვერ შეძლებდა.

მართალია, ქურუმებმა ტექსტის შესწორებისას მასში ზოგიერთი ანაქრონიზმები შეიტანეს, მაგრამ ეს ანაქრონიზმები შედარებით ცოტაა. მაგალითად, ქურუმების სიტყვით, პატრიარქებს აქლემები ჰყოლიათ. ამის მიზეზი ის გახლავთ, რომ მათ დროს აქლემები ყოველ ფეხის საბიჯზე გვხვდებოდა. არც თუ ასე დიდი ხნის წინათ დადგინდა, რომ ნამდვილად აქლემი ტვირთის საზიდავად ძველი წელთაღრიცხვის XII საუკუნემდე გამოყენებული არ ყოფილა. მაშასადამე, აქლემის მოშინაულება პატრიარქთა ეპოქაზე რამდენიმე ასეული წლით გვიან მომხდარა.

ქურუმებს ალბათ ხელთ ჰქონდათ უძველესი თქმულებები პატრიარქებზე, შესაძლოა, წერილობითი სახითაც. მათ ზუსტად გადმოიღეს ტრადიციული ტექსტი და თითქმის უცვლელად შეიტანეს თავიანთ კომპილაციაში. ოღონდ ეს იმას არ ნიშნავს, თითქოს საფუძველს იყოს მოკლებული იმ მეცნიერთა მოსახრება, რომლებიც ეჭვის თვალით უყურებენ თვით პატრიარქების არსებობის ფაქტს. რა თქმა უნდა, ძველებრავლ ტომებს ჰყავდათ თავ-თავისი ბელადები, მაგრამ ცნობილი არაა, შეიძლება თუ არა მათი გაიგივება ბიბლიური თქმულებების გმირებთან — აბრაამთან, ისაკთან და იაკობთან. ახალ არქეოლოგიურ აღმოჩენებს სინათლე კი არა, მეტი არევედარევა შეაქვთ ამ საკითხში. ვეცდებით, მოკლედ გადმოვცეთ ის, რაც უკვე ცნობილია მეცნიერებაში ამის შესახებ.

თელ-ამარნაში (ეგვიპტეში) ნაპოვნია ძველი წელთაღრიცხვის XV საუკუნის სამასამდე ლურსმული ფირფიტა. მათ შორის არის სირიისა და პალესტინის მთავართა წერილები ფარაონების ამენჰოტეპ მესამისა და ეხნატონის მიმართ. ერთ-ერთ წერილში პალესტინის მთავარი იტყობინება, ჩემს ქვეყანაში მესოპოტამიიდან საბირუს ტომები მოვიდნენო. ბიბლიის მრავალი მკვლევარი ვარაუდობს, რომ აქ ნაგულისხმევია ებრაული ტომები.

სენსაციური აღმოჩენა ეკუთვნის ფრანკ არქეოლოგს ანდრე პაროს. მოსულსა და დამასკოს შუა მდებარეობს ბორცვი, რომელსაც არაბებმა თელ-ჰარირი შეარქვეს. ერთხელ აქ მუშებმა, საფლავის გათხრის დროს, იპოვეს უცნაური სტილის ქანდაკება, რომელიც იქამდე უცნობი კულტურის ნიმუშს წარმოადგენდა.

გაიგო თუ არა პარომ ეს ამბავი, მაშინვე იქ გაეშურა და 1934 წლიდან სისტემატურ გათხრებს შეუდგა. პირველ დღეებ-

შივე მან იპოვა ფიგურა წვერიანი კაცისა, რომელსაც ხელეპა სალოცავად ჰქონდა აპყრობილი. სკულპტურის ფუძეზე მოთავსებული ლურსმული ტექსტი გვამცნობდა: „მე ვარ ლამი-მარი, მარის სახელმწიფოს მეფე...“

ამ ახალმა აღმოჩენამ კოლოსალური შთაბეჭდილება მოახდინა. მართალია, მარის სახელმწიფოს არსებობა ადრეც იყო ცნობილი, მაგრამ ვერვინ შეძლო მისი ადგილსამყოფელის გარკვევა. ძველი წელთაღრიცხვის XVII საუკუნეში მარი დაიპყრეს ბაბილონის ჯარებმა და დედაქალაქი მიწასთან გაასწორეს ისე, რომ მისი კვალიც აღარსად დარჩენილა. პაროს შემდგომმა ძიებამ ცხადყო, რომ ბორცვის ქვეშ მარის დედაქალაქის ნანგრევები მდებარეობდა. არქეოლოგებმა იპოვეს ტაძარი, საცხოვრებელი სახლები, ციხის გალავანი, ზიქურათი და, რაც მთავარია, ძველი წელთაღრიცხვის მესამე ათასწლეულში აგებული მეფის დიდებული სასახლე, რომელიც ორას სამოცი ოთახისა და დარბაზისაგან შედგებოდა. სასახლეს ჰქონდა სამზარეულოები, აბანოები აბაზანებითურთ, სეფე დარბაზი და ღმერთქალი იშთარისადმი მიძღვნილი სამლოცველო. ყველგან ჩანდა ხანძრისა და ძალად ნგრევის კვალი — ბაბილონელთა თავდასხმის უეჭველი ნაშთი.

უდიდესი მონაპოვარი იყო მეფის არქივი, რომელშიც ოცდაცამეტი ათას ექვსასი ლურსმული ფირფიტა აღმოაჩინეს. ეს ფირფიტები გვამცნობენ, რომ მარის მოსახლეობა ამორეველთა ტომებისაგან შედგებოდა. ამავე სახელმწიფოს ეკუთვნოდა ქალაქი ქარანიც, სწორედ მაშინ, როცა აქ თარას ოჯახი დასახლდა.

მარის სახელმწიფოს ქრონიკების, პატაკებისა და მიმოწერის გაშიფრვისას მეცნიერებმა გასაოცარი რამ აღმოაჩინეს: ამ საბუთებში ნახსენები ქალაქების სახელები (ნაქური, თარაპი, სარუპი, ფალექი) საოცრად ჰგავდა აბრაამის ნათესავთა სახელებს (ნაქორს, თარას, სერუქსა და ფალეგს). გარდა ამისა, საბუთებში იხსენება ტომები: აბამ-რამი, იაკობ-ელი, ბენიამე-ნიც კი, რომელიც საზღვარზე გადმოდიოდა და მარის მცხოვრებლებს აწიოკებდა. უეჭველია, რომ აბრაამის, მისი შვილიშვილის იაკობის სახელები და იაკობის უმცროსი ვაჟის ბენიამინის სახელიც კი უშუალოდაა დაკავშირებული ამ ტომთა სახელწოდებებთან. უადგილო არ იქნება არც იმის გახსენება, რომ ნაქორის სიმაძრეს ბიბლიაში ქარანი ჰქვია. ამრიგად, აქაც კაცის სახელი სრულად ემთხვევა ქალაქის სახელწოდებას.

ამ აღმოჩენიდან ასეთი დასკვნა გამოიმდინარეობს: პატრიარქების სახელები ნამდვილად ტომებისა და მათ მიერ დაფუძნებული თუ დაპყრობილი ქალაქების სახელებია. მაშასადამე, აბრაამი არის მითოლოგიური განსახიერება ერთ-ერთი ტომისა,

რომელიც ქანაანში მესოპოტამიიდან მოვიდა. აბრაამი ხალხის მესსიერებაში განასახიერებს უცხო ქვეყანაში გადასახლებულ მთელი ტომის ისტორიას.

მარიში აღმოჩენილი ლურსმული ფირფიტების ლინგვისტურმა ანალიზმა ცხადყო, რომ ებრაელები წარმოშობის მიხედვით ძალიან ახლოს იყვნენ ამორეველებთან და მათ ერთ-ერთ ფონიკურ განშტოებასაც კი წარმოადგენდნენ. ძველ დროში სპარსეთის ყურიდან ჩრდილოეთით დაიძრა უზარმაზარი მიგრაციული ტალღა სემიტური ტომებისა, რომლებსაც ამორეველებს უწოდებდნენ. მათი წინსვლის შეჩერება ვერაინ შეძლო. სემიტთა ტომებმა გეზი აიღეს ეფურატის სათავისაკენ, განდევნეს შუმერები და თითქმის მთელი მესოპოტამია დაიკავეს. დაპყრობილ პატარ-პატარა სახელმწიფოთა ნანგრევებზე ამორეველებმა შექმნეს მრავალი საკუთარი სახელმწიფო, რომლებიც ბოლოს და ბოლოს დიდ სახელმწიფოდ გააერთიანა ამორეველთა ყველაზე გამოჩენილმა მეფემ ხამურაბიმ. ამორეველ ტომთა გადასახლებაში უეჭველად ებრაელებმაც მიიღეს მონაწილეობა. ამაზე მეტყველებს ის ფაქტი, რომ პირველად ისინი ცხოვრობდნენ ურში, შემდეგ კი გადასახლდნენ ქარანში, სადაც, მარიში ნაპოვნი ფირფიტების თანახმად, ამორეველები ცხოვრობდნენ.

შემდგომ ეპოქაში მესოპოტამიის ტერიტორიაზე ჩრდილოეთიდან შემოიჭრნენ არასემიტური წარმოშობის ტომები. მათგან დევნილმა სემიტმა ტომებმა სამხრეთ-დასავლეთით დაიხიეს. ამ ახალი მიგრაციის დროს არამეელებმა დაიკავეს სირია; მოაბელები, ამონელები და ედომელები დასახლდნენ დასავლეთ და სამხრეთ ქანაანში. ცოტა მოგვიანებით აქ დამკვიდრდა აბრაამიდების ტომი. ბიბლიიდან ცნობილია, რომ ამ ტომის გადასახლების მიზეზი იყო რაღაც რელიგიური ხასიათის კონფლიქტი. ბუნდოვანი მოგონებანი ამ მოვლენის შესახებ ხალხში ცოცხლობდა ლეგენდებისა და გადმოცემების სახით. რამდენიმე საუკუნის შემდეგ ქურუმებმა ეს ლეგენდები და გადმოცემები ბიბლიაში შეიტანეს.

არქეოლოგიურ აღმოჩენათა წყალობით დღეს ჩვენ შეგვიძლია აბრაამზე, ისააკსა და იაკობზე გავრცელებულ თქმულებებში გამოვყოთ ის კონკრეტული ფრაგმენტები, რომლებიც უშუალოდ უკავშირდება მესოპოტამიის ტრადიციებსა და უძველეს რელიგიურ კულტებს. საჭიროა ზოგიერთ მათგანზე შევჩერდეთ დაწვრილებით, რათა გავიგოთ, სწორია თუ არა ვარაუდი ამ ხალხური ლეგენდების სიძველის შესახებ.

აი, მაგალითად, საჩოთირო საკითხი მეფის ჰარამხანაში სარრას ყოფნის შესახებ. არ შეიძლება დავივიწყოთ, რომ ეს მოხდა ძველი წელთაღრიცხვის მეორე ათასწლეულის დასა-

წყისში, როცა მომთაბარე ტომების საზოგადოებრივი წყობა უკიდურესად პრიმიტიული იყო. ქალი ითვლებოდა მამაკაცის საკუთრებად. მისი ბედი მთლიანად მამაკაცის ხელში იყო. რამდენიმე საუკუნის შემდეგაც კი იაპვე დავით მეფეს ეშუქრება: დაგსჯი იმიით, რომ ცოლს წაგართმევ და მეზობელს მივაკუთვნებო. მაშ, რა გასაკვირია, რომ სარრა უსიტყვოდ დაემორჩილა ქმრის ნებას.

ძველ მესოპოტამიურ და, მაშასადამე, ებრაულ ტომებშიც გათხოვილი ქალის კავშირი სხვა მამაკაცთან დანაშაულად ითვლებოდა არა იმიტომ, რომ იგი მისი ქმარი არ იყო, არამედ იმ ერთადერთი მიზეზის გამო, რომ ქალი სხვის საკუთრებას წარმოადგენდა. ეს ეხებოდა საცოლესაც, თუ მომავალ ქმარს ურვადი (გამოსასყიდი თანხა) უკვე გადახდილი ჰქონდა. ამავე დროს მაინცდამაინც საძრახისად არ ითვლებოდა კავშირი. იმ ქალთან, რომლის ურვადი ჯერ გადაუხდელი იყო. მამაკაცს ქალის მშობლებისთვის მხოლოდ საზღაური უნდა მიეცა.

ცოლს სხვა არაფერი ეკითხებოდა შვილების გაჩენისა და ქმრის გვარის გაგრძელების გარდა; ქმრის ერთგულებასაც მას მხოლოდ და მხოლოდ იმიტომ ავალებდნენ, რომ ამით შესაძლებელი ყოფილიყო მემკვიდრეობისა და შთამომავლობის უზრუნველყოფა.

ასეთ შეხედულებათა შესაბამისად გაუთხოვარი ქალის ქალწულობას არავითარი მნიშვნელობა არ ჰქონდა. სწორედ ამ ტრადიციით აიხსნება ის ფაქტი, რომ ლოთი თავისი სტუმრების გადარჩენის გულისთვის, მზად იყო, საკუთარი ქალიშვილები გასაუპატიურებლად მიეცა სოლომის მდაბიოთათვის. ქალები ჯერ კიდევ არ იყვნენ გათხოვილები, გვარის დედეები და ამიტომ ეს მათთვის დიდ შეურაცხყოფად არ ითვლებოდა.

ეს იმას როდი ნიშნავს, რომ ებრაელებს მოსწონდათ ამგვარი საქციელი; მაგალითად, იაკობის შვილებმა, სიმონმა და ლევიმ სასტიკად იძიეს შური დის მოტაცებისათვის.

შემთხვევა, რომელიც ლოთს გადახდა, უბრალოდ რომ ვთქვათ, თაობიდან თაობაში გადასული თქმულებაა. როგორც ჩანს, ამ ჰიპერბოლური მეტაფორით ხალხს უნდოდა ეჩვენებინა, თუ რაოდენ ძვირფასი იყო ლოთისათვის სტუმარ-მასპინძლობის ადათი. გარდა ამისა, იქმნება შთაბეჭდილება, რომ ამ შემთხვევაში ბიბლია გადმოგვცემს ხალხში გავრცელებულ გესლიან ჭორს. ლოთი ხომ მოაბელთა და ამონელთა მამამთავარი იყო, ებრაელებს სძაგდათ ეს ტომები და მათ მტრულად ეპყრობოდნენ.

ქალთა საზოგადოებრივი მდგომარეობის გამომხატველი ადათები ფიქსირებულია ხამურაბის კოდექსში. ამ კოდექსის მიხედვით დასაშუები იყო ცოლის მრუშობაც, თუ ქმარი თანხმობას

განაცხადებდა რაიმე მიზეზის გამო, მაგალითად, თავისი სიცი-
ცხლის გადასარჩენად. აბრაამმა ორჯერ გაასაღა თავის დად
სარრა და ორივეჯერ უცხო ქვეყნის სამეფო ჰარამხანაში გააგ-
ზავნა. ეს სრულებითაც არ მოწმობს, როგორც ადრე ფიქრობ-
დნენ, ძველი ებრაელების ზნედაცემულობას. ამგვარი საქციელი
უძველეს ეპოქაში საძრახისად არ ითვლებოდა. ამას ის გვიჩვენებ-
ს, რომ ღმერთმა აშკარად მოუწონა აბრაამს ეშმაკობა.
ღმერთი აბრაამს კი არა, მეფეებს სჯის, თუმცა სწორედ ისინა
დარჩნენ მოტყუებულნი. როგორც ჩანს, ამ მეფეთა დანაშაულა
ის იყო, რომ საერთოდ თვითნებობასა და ძალადობას მიმარ-
თავდნენ, ამიტომ აბრაამსაც ტყუილად როდი ეშინოდა მათი.
ეს კია, რომ მეფეთა დასჯას პრაქტიკული მნიშვნელობაც აქვს,
მათ იძულებით უნდა დაებრუნებინათ სარრა, რომელიც ისრაე-
ლის ძეთა მოდგმის ფუძემდებელი უნდა გამხდარიყო.

რახან სარრა ვახსენეთ, უნდა შევჩერდეთ ერთ უცნაურ ამ-
ბაზეზე, რომელიც მის სილამაზეს ეხება; სარრა სამოცდახუთი
წლისა იყო, როცა ფარაონმა იგი ჰარამხანაში წაიყვანა; ოთხმო-
ცი წლისამ კი თავისი მშვენიერებით აბიმელქის სამეფოში მოახ-
დინა ფურორი. ბიბლიური თქმულებების გმირები საერთოდ გა-
მოირჩევიან ზებუნებრივი დღეგრძელობითა და ნაყოფიერებით:
თარა ორას ხუთი წლისა მოკვდა, აბრაამმა ას სამოცდათხუთ-
მეტ წელს იცოცხლა; ამიტომ ბიბლიის თავყანისმცემლებმა იო-
ლად დაიჯერეს, რომ პატრიარქის ცოლმა ამ ხნისამაც შეინარ-
ჩუნა ქალური მომხიბვლელობა.

ბიბლიური ლეგენდა სარრას სილამაზის შესახებ ისრაელის
სახელმწიფოს ისტორიაში ყველგან ჩანს. 1947 წელს მკვდარი
ზღვის კლდის სანაპიროზე, გამოქვაბულში, იპოვეს გრაფნილე-
ბი, რომლებიც ბიბლიის ტექსტებს შეიცავდა. გრაფნილები და-
წერილი ყოფილა ძველი წელთაღრიცხვის შესამე და ჩვენა
წელთაღრიცხვის პირველ საუკუნეთა შუა პერიოდში. გრაფნილ-
თა მფლობელი ყოფილა ესეველთა ებრაული სექტა, რომლის
ცენტრი იყო ალბათ ძველი წელთაღრიცხვის მეორე საუკუნეში
აგებული კუმრანის სამლოცველო. ერთ-ერთი გრაფნილი შეი-
ცავს „დაბადების“ არამეულ კომენტარებს, რომელშიც სარრას
სილამაზე ასეა აღწერილი: „ო, რა ყირმიზია მისი დაწვები, რა
მომაჯადოებელია მისი თვალები, რა კოხტაა მისი ცხვირი და
რარეგ ნათელია მისი სახე!

ო, რა ლამაზია მისი მკერდი, რა სპეტაკია და თეთრი მისა
სხეული! რა ტკბილია ცქერა მისი უზადო მხრებისა და ხელე-
ბისა! რა სათუთია და ნაზი მისი თითები, რა მოხდენილია მისი
ფეხები!“

უბედური აგარის ამბავიც გასაგები ზდება, თუ დავუკვირ-
დებით ზამურაბის კანონმდებლობაში ფიქსირებულ მესოპოტა-

მიურ ადათებს. კანონმა ნათლად განმარტა მხეველისა და მისი შვილების როლი ოჯახში. ხარკს უშვილო მეუღლის მუხლებზე უნდა მოელოდნენ. ეს იყო მხეველის შვილის ოფიციალური მიხნევა გვარის კანონიერ შემკვიდრედ. ბიბლიაში ეს თავისებური ადათი აღწერილია იმ თქმულებაში, რომლებიც ლაბანის ასულებს ეხება.

ნუხის მკვიდრის, მესოპოტამიელი ვაჭრის სახლის ნანგრევებში აღმოჩნდა არქივი, რომელშიც იპოვეს თეხიბთილას საოჯახო საქორწინო კონტრაქტი (დაახლოებით 1500 წ. ჩვენს წელთაღრიცხვამდე). იგი ასეთ პარაგრაფსაც შეიცავს: „თუ ცოლს ეყოლა შვილები, ქმარს არა აქვს მეორე ცოლის შერთვის უფლება. თუ ცოლს შვილები არ ეყოლა, იგი თვითონვე შეურჩევს ქმარს მხეველს და მისგან შობილ შვილებს საკუთარივით გაზრდის“.

აქვე უნდა დავემატოთ, რომ ხამურაბის კოდექსის მიხედვით, სარრას შეეძლო დაესაჯა მხეველი აგარი, მაგრამ სახლიდან მისი გაგდების უფლება კი არ ჰქონდა.

ახლა გადავივართ ერთ-ერთ ყველაზე უცნაურ და ძნელად ასახსნელ რიტუალზე, რომელიც აბრაამმა ქანაანში ხეტიალის დროს დაამკვიდრა, სახელდობრ, წინადაცვეთაზე. ეს არის პირველყოფილი ტომების ერთ-ერთი უძველესი წესი და მისი აზრი დღემდე გაურკვეველია. წინადაცვეთა ცნობილია ყველა ეპოქაში და ყველა კონტინენტზე. ჰეროდოტეს აზრით, იგი საჭიროა სხეულის სისუფთავისათვის. თანამედროვე მეცნიერები კი ამ წესს განიხილავენ უფრო როგორც მაგიურ აქტს, რომელიც სიმბოლური გამოხატულებაა ღვთისადმი სისხლიანი მსხვერპლის შეწირვისა. წინადაცვეთის წესს იცავდნენ ინდიელთა ზოგიერთი ტომები ამერიკის აღმოსავლეთში, ავსტრალიელი, პოლინეზიელი და აფრიკელი ხალხები. ჩვენთვის განსაკუთრებით საყურადღებოა ის, რომ ასევე იქცეოდნენ ეგვიპტელი ქურუმებიც. სავარაუდოა, რომ ებრაელები ამ წესს გაეცნენ ეგვიპტეში ხანმოკლე ყოფნის დროს და ეგვიპტელთა რელიგიური სიმბოლიკის გავლენით შეითვისეს იგი, როგორც ღმერთთან კავშირის გარეგნული ნიშანი. ჰეროდოტე ამტკიცებს: ებრაელებმა, ედომელებმა, ამონელებმა და მოაბელებმა წინადაცვეთის წესი ეგვიპტელებისაგან გადმოიღესო. ეს აზრი სარწმუნო ჩანს, მით უმეტეს, რომ მესოპოტამიაში, საიდანაც ზემოდასახელებული ტომები მოვიდნენ ქანაანში, ასეთი წესი არასოდეს ყოფილა. ბერძენი ისტორიკოსი იმასაც ამტკიცებს, რომ ეგვიპტელებმა წინადაცვეთის წესი ეთიოპელებისაგან შეითვისეს. საფიქრებელია, რომ წინადაცვეთა არაბებმაც გადაიღეს ეთიოპელთაგან და ამ წესს მუჰამედამდეც მისდევდნენ. არაბები ამ წესს ისლამთან ერთად ამკვიდრებდნენ ყველგან, სადაც კი მათი გავლენა

ვრცელდებოდა, თუმცა ყურანი არამცთუ მოითხოვს წინადაცვე-
თას, არამედ ღუმილითაც კი უვლის გვერდს ამ საკითხს.

თუ წინადაცვეთის ადათი ეგვიპტეს უნდა დავუკავშიროთ, აბრაამის საუბარი ღმერთთან და მისი ცდა უცოდველ სოღა-
მელთა გადარჩენისა აშკარად მესოპოტამიური წარმოშობა-
საა. შუმერულ თქმულებაში, რომელიც წარღვნას ეხება, ქალ-
ღმერთი იშთარი მიდის უზენაეს ღმერთთან, რომელმაც ქვეყა-
ნას წარღვნა მოუვლინა. იგი ადანაშაულებს ღმერთს, უსაყვედუ-
რებს მას, რომ იგი უსამართლოდ მოიქცა და ბოროტმოქმედე-
ბაც კი ჩაიდინა. მისი აზრით, ღმერთს უფლება არ ჰქონდა გაე-
ნადგურებინა კაცთა მთელი მოღგმა, თუკი ცოდვილებთან ერ-
თად დაიღუპებოდნენ უცოდველნი, ღვთისმოსავი ადამიანები.
იშთარი თავის სიტყვას ამთავრებს ცნობილი ფრაზით: „ყოველი
ცოდვილი თვითონვე აგებს პასუხს თავის შეცოდებაზე“.

ამ შუმერულ მითში დამობილია კოლექტიური პასუხის-
მგებლობის პრინციპი. მართალი, პატიოსანი ადამიანების დას-
ჯისა და სიკვდილის პრობლემა უხსოვარი დროიდან აღელვებ-
და თაობათა გონებას. რატომაა, რომ ღვთის განგების მიხედვით
იტანჯებიან მართალნი, ცოდვილები კი განცხრომით ცხოვრო-
ბენ? ამ კითხვაზე პასუხის გაცემის ცდაა ის ბიბლიური თქმუ-
ლება, რომელშიც მოთხრობილია იობის ტრაგიკული ბედი,
აგრეთვე სხვა უძველესი ლეგენდები.

ებრაელებს კარგად ახსოვდათ თავისი ყოფნა მესოპოტამია-
ში. ამას მოწმობს იაკობის სიზმარი — კიბე და კიბეზე ამავეალ-
ჩამომავალი ანგელოზები. ეს საოცრად გვაგონებს ზიქურათებს
(ურისა და ბაბილონის პირამიდებს) მათი ქვის საფეხურებით,
რომლებზეც ადიოდ-ჩამოდიოდნენ ქურუმები. ეს რომ მართლაც
ასეა, ჩანს იაკობის მიერ მეორე გამოღვიძების შემდეგ თქმული
სიტყვებიდან: „ვითარ საშინელ არს ადგილი ესე! და არა არს
სხვა ესე, არამედ სახლი ღმრთისა, და ესე არიან ბჭუნი ცისანი“.

კიბისთვის ცის ბჭეთა წოდება გაუგებარი იქნებოდა, მაგრამ
რაკი ვიცით, რომ ბაბილონი ნიშნავს „ღვთის კარს“, ყველაფე-
რი ნათელია. მაშასადამე, აქ აშკარა ასოციაციაა ბაბილონის
ზიქურათებთან.

სიზმრის სამახსოვროდ იაკობმა დადგა ქვა და მას ზეთი
სცხო. ესაა ძველი სემიტური წესი. ქვის კულტი პირველყო-
ფილი ტომების ყველაზე ადრინდელი ადათია. ქააბა — შავი ლო-
დი ქალაქ მექაში — არაბთა უძველესი რელიგიის პოლითეიზ-
მის ძეგლია. ქვის კულტი გააჩნდათ ფინიკიელებსა და ქანაანე-
ლებსაც. პალესტინაში, გათხრების დროს, მრავალი ასეთი ქვა
აღმოჩნდა. კერძოდ, ქალაქ გეზერის ნანგრევებში იპოვეს ბორ-
ცზე აღმართული რვა წმინდა სვეტი. სემიტებს სწამდათ, რომ
იქ ღმერთი ცხოვრობდა და ამ ადგილს დაარქვეს ბეთელი —

„ღვთის სახლი“. სწორედ ასე უწოდა იაკობმა ადვილს, სადაც კიბე და ანგელოზები დაესიზმრა. ეს ეპიზოდი ადასტურებს, რომ იაკობის თაობაში ჯერ კიდევ ცოცხლობდა არქაული ფეტიშიზმი.

მკვლევრები საგონებელში ჩააგდო ბიბლიის იმ თავმა, სადაც მოთხრობილია ისააკის მსხვერპლად შეწირვა. ეს შემადრწუნებელი სცენა, რომელშიც იაჰვე თავის ერთგულ თაყვანისმცემელს ესოდენ მძიმე გამოცდას უწყობს, სრულიად შეუსაბამოა კეთილი, მოწყალე ღმერთის შესახებ არსებულ წარმოდგენასთან. დღეს ჩვენთვის ცხადია, რომ ეს ეპიზოდი ბარბაროსული საკულტო წეს-ჩვეულების უკანასკნელი გამოძახილია. არქეოლოგიური გათხრების წყალობით ჩვენ მისი წარმოშობაც დადგინეთ.

მესოპოტამიაში, სირიასა და ქანაანში არსებობდა უძველესი წესი ღმერთისთვის პირმო შვილის შეწირვისა. ქანაანური კულტის ერთ-ერთი უდიდესი ცენტრის — გეზერის — გათხრების დროს არქეოლოგებმა იპოვეს მრავალი ჩონჩხი: რვა დღის ჩვილი ბავშვები ღმერთებისთვის შეეწირათ და მათი ძვლები ურნებში მოეთავსებინათ.

ბავშვებს მსხვერპლად სწირავდნენ აგრეთვე ტაძართა და საზოგადოებრივი დანიშნულების ნაგებობათა შენებისას. შეწირულთა გვამები ხშირად შენობათა საძირკველშია ჩატანებული. ქალაქ მეგიდოს გალაენის ძირში მიაკვლიეს თხუთმეტი წლის გოგონას სხეულს, რომელიც შიგ იყო ჩაკირული.

ისააკთან დაკავშირებული ეპიზოდიც მესოპოტამიური მითებიდან მომდინარეობს. ამას მოწმობს ეკალბარდში რქებით გახლართული ვერძის ამბავი. საფიქრებელია, რომ ეს რომელიღაც კულტის სიმბოლოა. ინგლისელმა არქეოლოგმა ვულიმ, ურის გათხრების დროს, იპოვა ბუჩქნარში რქებით გაბმული ცხვრის ქანდაკება; ალბათ შუშერებს იგი წმინდად მიაჩნდათ და თაყვანს სცემდნენ. ამას მოწმობს არა მარტო ის ფაქტი, რომ ქანდაკება მეფის სამარხშია ნაპოვნი, არამედ მისი შესრულების თავისებურებაც. ხის ქანდაკება ოქროფურცლითაა შემოსილი, ცხვრის რქები და ბუჩქის ტოტები კი ძველ ოსტატს ლილაქვისაგან გამოუკვეთია.

აბრაამის დროს ქანაანში დასახლებული ტომები მეტწილად სემიტების დასავლურ ჯგუფს ეკუთვნოდნენ და ლაპარაკობდნენ ენაზე, რომელიც ებრაულთან ძალზე ახლო იყო. მათ რელიგიურ მრწამსზე დიდი ხნის განმავლობაში ძალიან ძუნწი ცნობები მოგვეპოვებოდა. მხოლოდ ფინიკიის ქალაქ უგარითის ნანგრევებში ნაპოვნმა ღურსმულმა ფირფიტებმა მოგვცეს საშუალება, ზუსტად აღგვედგინა მათი მითოლოგია და რელიგიური წეს-ჩვეულებანი. ქანაანელთა უზენაესი ღმერთი იყო ელი, რომელ-

საც ხშირად დაგანს ან დაგონს უწოდებდნენ. მას სამყაროს შემქმნელად თვლიდნენ; მის გამოსახულებებზე ნაჩვენებია გრძელწვერიანი მოხუცი. ყველაზე პოპულარული ღმერთი მაინც ბაალი იყო. იგი განაგებდა ჭექა-ქუხილსა და წვიმას, მფარველად მიწათმოქმედებას. ქანაანელთა მრავალრიცხოვანი პანთეონიდან უნდა დავასახელოთ სიყვარულის ქალღმერთი ასტარტე. მის პატივსაცემად გამართულ საკულტო ცერემონიალს სექსუალური ორგიის სახე ჰქონდა. გარდა ამისა, ქანაანის ყოველ ქალაქს ჰყავდა მფარველი ღმერთი.

რელიგიის მხრივ ქანაანელებს ბევრი რამ აქვთ საერთო ბაბილონელთა რწმენასთან. ზოგიერთ ქანაანელ ღმერთს ჰყავს თავისი ბაბილონური ორეული. მათი სახელებიც კი ჰგვანან ერთმანეთს. უეჭველია, რომ ებრაელების პირველყოფილი, პოლითეისტური რელიგია საკმაოდ ახლო იყო ქანაანურ რელიგიასთან. ბიბლიის ტექსტი მოწმობს, რომ ღმერთის აღსანიშნავად ებრაელებიც ხშირად ხმარობდნენ სიტყვა „ბაალს“. ღვთაება ელოჰიმის სახელი შეიცავს იმავე ფუძეს, რასაც ქანაანის უზუნაესი ღმერთის აღმნიშვნელი სიტყვა ელი. მის ძეს კი, რომელიც ხშირადაა გაიგივებული ბაალთან, ჰქვია იაკვებს მსგავსი სახელი იაეი.

მომთაბარე ებრაელ ტომებთან შედარებით ქანაანელები ცივილიზაციის გაცილებით მაღალ დონეზე იდგნენ, თუმცა მსხვერპლად ადამიანებსაც სწირავდნენ. ისინი ცხოვრობდნენ ქალაქებში, იცოდნენ ზელოსნობა და ეწეოდნენ მიწათმოქმედებას. ცივილიზაციის ამ მაღალ საფეხურს, რომელზედაც ებრაელთა მონათესავე ენისა და რელიგიის მქონე ქანაანელები იდგნენ, არ შეიძლებოდა დიდი გავლენა არ მოეხდინა ახალ იმიგრანტებზე, კარვებში მცხოვრებ მომთაბარეებზე.

აბრაამი ცდილობდა, წინააღმდეგობა გაეწია ამ გავლენისათვის; მისი პოზიცია გამოიხატა ისააკთან დაკავშირებულ ეპიზოდში. ჩვეულებისამებრ ბიბლიამ აქაც გააკეთილშობილა ბარბაროსული საკულტო წეს-ჩვეულება; იგი ღრმა რელიგიური აზრის სიმბოლო ხდება. ამ შემთხვევაში ბიბლიის ტექსტის ავტორებს სურდათ, ხაზი გაესვათ ღვთის ნებისადმი აბრაამის უსიტყვო მორჩილებისა და მისი ტომის რელიგიურ წარმოდგენებში მომხდარი არსებითი ძვრებისათვის.

რიცხვთა წიგნში ბავშვების მსხვერპლად შეწირვა გაკიცხულია, როგორც ქანაანელთა ყველაზე მძიმე დანაშაული. ამრიგად, ისააკის ამბავი წარმოადგენს თითქო ოფიციალურ უარყოფას იმ სისხლიანი ადათებისა, რომლებიც ალბათ ჯერ კიდევ გავრცელებული იყო მაშინდელ ქანაანში.

დიდხანს გაუგებარი იყო საკითხი ფუძის ღვთაებათა ქანდაკებების შესახებ, რაქელმა მამამისს რომ მოჰპარა. ბიბლიის

მკვლევრებს აინტერესებდათ — რატომ მოიპარა რაქელმა კერპთა გამოსახულებები და რატომ ანიჭებდა მათ ლაბანი ესოდენ დიდ მნიშვნელობას. პასუხს მხოლოდ ახლახან მიაკვლიეს. ნუზის არქივში აღმოჩენილ ლურსმულ ფირფიტებზე იპოვეს ანდერძი — მამა უფროს ძეს უტოვებს კერპს — ფუძის ღვთაების ქანდაკებას და უჩინების მეტ ნაწილს. მამა ანდერძში საგანგებოდ აღნიშნავს, რომ დანარჩენ ვაჟებს უფლება აქვთ, მოვიდნენ ხოლმე ძირითადი მემკვიდრის სახლში და მსხვერპლი შესწირონ ფუძის ღვთაებას. ხამურაბის კანონმდებლობის თანახმად, სიმამრის კერპის მფლობელ სიძეს ვაჟიშვილებისოდენი სამემკვიდრეო უფლება ჰქონდა.

ამიტომ შეიძლება ვივარაუდოთ, რომ რაქელს უბიძგებდა წმინდა პრაქტიკული მოსაზრება: ქანდაკების მოპარვით მან თავისი ქმარი მემკვიდრის უფლებით უზრუნველყო. ლაბანმა იცოდა ყოველივე ეს და ამიტომ ცდილობდა ესოდენ დაჟინებით ნაქურდალის დაბრუნებას.

უძველესია აგრეთვე საცოლის გამოსასყიდად სასიმამროსთან განსაზღვრული დროით მუშაობის წესი. საოცარია, რომ აღმოსავლეთის ზოგიერთი ხალხი ამ ადათს დღესაც მისდევს. პოლონელი მწერალი არკადი ფიდლერი თავის წიგნში, რომელსაც „ველური ბანანები“ ეწოდება, მოგვითხრობს, რომ მან ასეთი რამ აღმოაჩინა ვიეტნამში, ტაის ტომში. XIX საუკუნეშიც კი ეს წესი გავრცელებული იყო თათრებსა და სირიელებში. შვეიცარიელი მოგზაური ბურკჰარდტი ერთ თავის წიგნში აღწერს სირიაში მოგზაურობას და გვიამბობს: „ერთხელ დამასკოს ახლოს შემხვდა ახალგაზრდა კაცი, რომელსაც რვა წელი ემუშავა უჯამაგიროდ. ამ ხნის განმავლობაში საჭმელ-სასმელის მეტი არაფერი ეძლეოდა. ასე ყოფილიყო გარიგებული იმისათვის, რომ ყავლის გათავების შემდეგ პატრონის ქალი შეერთო ცოლად. თუ არა და მამისათვის შეიდასი პიასტრი უნდა გადაეხადა. ჩვენ რომ გავიცანით, ჭაბუკი უკვე სამი წლის დაქორწინებული იყო, მაგრამ გამწარებული უჩიოდა სიმამრს, რომელიც ისევ მუქთად ამუშავებდა და თანაც უზომო ჯაფაში ჰყავდა. ამიტომ ჯერ არც თავისი სახლ-კარი გააჩნდა და ვერც ოჯახის გაძღოლა მოეხერხებინა“. რა საოცრადა ჰგავს ეს ეპიზოდი ლაბანისა და იაკობის ურთიერთობას!

ქალაქები, მოხსენებული დაბადების იმ თავებში, რომლებშიც აღწერილია სამი პატრიარქის თავგადასავალი, დიდი ხნის მანძილზე ლეგენდარულად იყვნენ მიჩნეული. XIX-XX საუკუნეების მიჯნაზე მოპოვებულმა უდიდესმა არქეოლოგიურმა აღმოჩენებმა ცხადყვეს, რომ ეს ქალაქები ნამდვილად არსებობდნენ და რომ ბიბლია მათ შესახებ სიმართლეს ამბობს.

ეს, უპირველეს ყოვლისა, ეხება ქალაქ ურს, საიდანაც აბრა-

ამის მამა ქარანში გადასახლდა. 1922 წელს არქეოლოგმა ლეონარდ ვულემ დაიწყო ვათხრები ბორცვზე, რომელსაც არაბებმა ფისის მთა უწოდეს. მან აღმოაჩინა ნანგრევები უზარმაზარი ქალაქისა, რომელიც აგებული იყო შუმერების მიერ ჩვენს ერამდე სამი ათასწლეულით ადრე. პირამიდა-ზიქურათის მსგავსი ნაგებობის მწვერვალზე იდგა მთვარის ღვთაების ტაძარი. ვულემ განათხარი მასალების მიხედვით აღადგინა სახლი შეძლებული ქალაქელისა, რომელიც ურში ცხოვრობდა ძვ. წ. XIX-XVIII საუკუნეებში, ესე იგი მაშინ, როცა იქ თარას მოდგმა იყო დამკვიდრებული. ამასთან დაკავშირებით ინგლისელი მეცნიერი შემდეგს წერს წიგნში, რომელსაც „ქალდეელთა ური“ ეწოდება:

„მას შემდეგ, რაც დაეაზუსტეთ, თუ რა კულტურულ პირობებში გაიარა ბიბლიური პატრიარქის ჭაბუკობის წლებმა, ძირფესვიანად უნდა გადავსინჯოთ ჩვენი შეხედულებანი მასზე. იგი იყო უდიდესი ქალაქის მკვიდრი, ძველი, უმაღლესი ცივილიზაციის მემკვიდრე. მისი სახლი მეტყველებს კომფორტაბელურ ცხოვრებაზე, ფუფუნებაზეც კი“.

კიდევ უფრო საინტერესოა ქარანის აღმოჩენის ისტორია. ბიბლიური ტრადიციის თანახმად, თარას გვარი, რელიგიური მიზეზების გამო, ურიდან ქარანს გადასახლდა. ამერიკელი აღმოსავლეთმცოდნის ოლბრაითის აზრით, ეს მოხდა ძველი წელთაღრიცხვის XX-XVII საუკუნეებს შორის, ხამურაბის მეფობის შამს. ხამურაბის მეფობის დრო დღემდე კამათის საგნად ითვლება. მეცნიერები ასახელებენ სამ თარიღს: 1955—1913, 1792—1750 და 1728—1686 წლებს ჩვენს წელთაღრიცხვამდე. არსებობს საფუძველი, ვივარაუდოთ, რომ თარას გვარი თაყვანს სცემდა მთვარის ღმერთს; სახელდობრ, ამაზე მიუთითებს ისუ ნავეს წიგნის შემდეგი ფრაზა: „წიალ მდინარესა მკვიდრ იყენნეს მამანი თქვენნი პირველად. თარა, მამა აბრაჰამისი და მამა ნაქორისი და მსახურებდეს უცხო ღმერთებს“ (ისუ ნავე, თ. 24, მ. 2.).

ბიბლიიდან ვიცით, თუ რატომ დატოვა აბრაჰამა ქარანი და რატომ გადასახლდა ქანაანში. ემიგრაციის მიზეზი იყო მისი გადასვლა გენოთეიზმზე, რაც, ბიბლიის თანახმად, ჯერ კიდევ ურში მოხდა.

უგართში აღმოჩენილ ლურსმულ ფირფიტებზე დაწერილი ერთ-ერთი ლეგენდა გვიამბობს მზისა და მთვარის თაყვანისმცემლებს შორის ბრძოლის ამბავს და გვამცნობს მთვარის თაყვანისმცემელთა განდევნას. გარდა ამისა, მთვარის კულტის კვალი ნაპოვნია პალესტინაშიც. მეცნიერები ვარაუდობენ, რომ აბრაჰამის მამის სახელი — თარა, წარმოიშვა ყველა სემიტურ ენისათვის საერთო სიტყვიდან, რომელიც ნიშნავს მთვარეს.

1957 წელს ინგლისელმა არქეოლოგმა დევიდ სთორმ რაის-მა სამხრეთ თურქეთში იპოვა ქარანის ნანგრევები. აღმოჩნდა, რომ ქალაქი გაშენებული იყო ურიდან დაახლოებით ხუთასი კილომეტრის დაშორებით, ზემო ევფრატის შენაკად ნარ-ბალი-ზე. ძველი ბაბილონური ტექსტებიდან ცნობილია, რომ ქარანი იყო ცენტრი მთვარის ღმერთის კულტისა; ქარანელები გამოირჩეოდნენ რელიგიური ფანატიზმით, მაგრამ აზრადაც არავის მოსკლია, თუ რაოდენ ძლიერი იყო ეს კულტი მათ შორის. ინგლისელი არქეოლოგის გამოკვლევათა შედეგად გამოვლინდა, რომ აქ მთვარის კულტი ბატონობდა რომის იმპერიას არსებობის მთელ მანძილზე. მასთან ბრძოლაში ქრისტიანობა უძლური აღმოჩნდა, ისლამიც კი იძულებული გახდა, საუკუნეების განმავლობაში შერიგებოდა მას. მხოლოდ სალადინის მეფობის დროს დაანგრიეს მთვარის ღმერთის ტაძარი. მის საძირკველზე 1179 წელს დააშენეს მიზგითი, რომელიც მონღოლებმა ჩვენა წელთაღრიცხვის XIII საუკუნეში დაანგრიეს.

მიზგითის სამი ბჭის ნანგრევების ქვეშ რაისმა იპოვა ქვის სამი ფილა, რომლებზეც ამოკვეთილი იყო მთვარის ღმერთის სიმბოლოები. ფილები ისე იყო განლაგებული, რომ მიზგითში შესვლისას მუჰამედის თაყვანისმცემლებს ფეხი მათთვის უნდა დაეხრებინათ, იმის ნიშნად, რომ ქარანის ძველი რელიგია სამუდამოდ იყო განადგურებული.

ამ მონაცემებზე დაყრდნობით რაისმა წამოაყენა ჰიპოთეზა, რომ მთვარის ღმერთის კულტი ქარანში ჩვენი წელთაღრიცხვის XII საუკუნემდე არსებობდა.

რა დასკვნების გამოტანა შეიძლება აქედან? თუ დავუშვებთ, რომ ბიბლიური აბრაამი ნამდვილად არსებობდა, მაშინ მისი წასვლა ქარანიდან უნდა განვიხილოთ, როგორც ახალი კულტის დამფუძნებლის განდევნა მთვარის ღმერთის ფანატიკური თაყვანისმცემლების მიერ. ასეთივე ამბავი შეეძინა მუჰამედს, რომელიც იძულებული გახდა, შექადაგებოდა აქედან.

თუ აბრაამის რეალური არსებობა საეჭვოდ მივიჩნით, მაშინ მარიში აღმოჩენილი ფირფიტების მიხედვით შეგვიძლია ეს ბიბლიური სახე ერთ-ერთი ებრაული ტომის მთელი მოხეტიალე ცხოვრების ისტორიის განსახიერებად მივიჩნიოთ. გავიხსენოთ: ზოგიერთი ბიბლიური ტექსტი საშუალებას გვაძლევს ვივარაუდოთ, რომ აბრაამის მონოთეიზმი არ იყო მონოთეიზმი თანამედროვე გაგებით. ის მხოლოდ ტომის ღმერთის-ელოჰიმის — კულტია და სხვა არაფერი.

შეიძლება თუ არა ამასთან დაკავშირებით უარყოფით ჰიპოთეზა, რომ ქარანიდან გადასახლება გამოწვეული იყო რელიგიური მიზეზებით? ვფიქრობ, რომ არა. საკმარისია, აბრაამის ბიროვნება შეეცვალოთ ტომით და მთელი ჰიპოთეზა საესკებას

დამაჯერებელი გახდება. ქარანში მცხოვრებ ერთ-ერთ ტომს უთანხმოება მოუვიდა მთვარის თაყვანისმცემლებთან. ამ ტომს არ სურდა, თავისი ღვთაების გარდა ვინმესთვის ეცა თაყვანა. ბოლოს იგი იძულებული გახდა, დაეტოვებინა ქარანი და ქარანში ეძებნა თავისი ბელი. ამ მოვლენათა გამოძახილი შემოინახეს ხალხურმა ლეგენდებმა და თქმულებებმა, რომლებიც შეედგომ ქურუმებმა ბიბლიის ტექსტში სეიტანეს.

რელიგიის შედარებითი ისტორია გვიჩვენებს, რომ ღმერთები ისევე იცვლებოდნენ, როგორც მათი მიმდევრები. პოლიტიკური კატასტროფებისა და ტანჯვა-წამების გამო ებრაელებმა თანდათან აღრმავებდნენ თავისი ტომის რელიგიას. ბოლოს და ბოლოს, ბაბილონის ტყვეობიდან დაბრუნებულებმა, ტომობრივად რელიგია სრული მონოთეიზმის მწვერვალზე აიყვანეს. უნივერსალური ღმერთი გახდა იაჰვე, რომელიც ახალი ეპოქისა და ცივილიზაციის მოთხოვნებს აკმაყოფილებდა.

ქურუმი რედაქტორები სწორედ ამ ყაიდაზე ასწორებდნენ ძველ თქმულებებს. ისინი ცდილობდნენ, აბრაამი წმინდა მონოთეიზმის მიმდევრად წარმოესახათ. როგორც ცნობილია, ეს მათ მთლად ვერ მიახერხეს: ტექსტის ცალკეულ ფრაგმენტებში იაჰვე ტომის პირველყოფილი ღვთაების ნიშნებს ინარჩუნებს.

არქეოლოგიური გათხრები პალესტინაში უფრო და უფრო მდიდარ მასალას იძლევა. ბოლო დროს ნაპოვნი ნანგრევები პატრიარქთა ბიბლიურ ისტორიაში მოხსენებული რამდენიმე პატარა ქალაქისა. მაგალითად: თანამედროვე დაბის — თელ-ბალაფის მახლობლად აღმოჩენილია მეფე ემორის ქალაქის ნანგრევები. სწორედ ამ ქალაქში აიღეს სისხლი იაკობის ვაჟიშვილებმა. უძველესი განათხარი ფენა განეკუთვნება ძველი წელთაღრიცხვის XIX საუკუნეს. აქ აღმოაჩინეს ციხის დიდი გალავნის, სასახლისა და ტაძრის ნანგრევები, რითაც დასტურდება, რომ მეფე ემორი ძველამოსილი მბრძანებელი იყო.

მამბრე კი, სადაც მუხნარის ჩრდილში ჯერ აბრაამი განისვენებდა, შემდეგ კი ისააკი, არასოდეს გამქრალა. იგი მღებარეობს ქებრონის ჩრდილოეთით და მისგან სამი კილომეტრითა დაშორებული. არაბულად მას ეწოდება ჰარამ-რამათ-ელ-ჰალილი („წმინდა მალლობი ღმერთის მეგობრისა“, ესე იგი, აბრაამისა) და იქ ძველთაგანვე თაყვანს სცემდნენ აბრაამის მუხას, ჭასა და სამსხვერპლოს. არქეოლოგიური გათხრების დროს აქ აღმოაჩინეს უძველესი ჭა და სამსხვერპლოს საძირკველი, რომელზედაც შემდგომ ქრისტიანული საკურთხეველი ააგეს. გარდა ამისა, გარემო გამოქვაბულებში — იპოვეს მრავალი ადამიანის გვამი. ეს მოწმობს, რომ ძველად მამბრეში დიდი სასაფლაოები ჰქონდათ. მაქფელას გამოქვაბულის თავზე (სადაც, ბიბლიის თანახმად, დამარხულნი არიან აბრაამი, ისააკი და იაკობი) ახლა

აღმართულია ისლამის მიმდევართა ერთ-ერთი ყველაზე ცნობილი მიზგითი.

დღეს ჩვენ ისიც ვიცით, თუ სად იმყოფება გერარი — აბიმე-ლეკის ქალაქი. მისი ნანგრევები აღმოჩენილია თელ-ჯემლში, დასიდან სამეტ კილომეტრზე, სამხრეთ-დასავლეთით.

1927 წელს ინგლისის არქეოლოგიურმა ექსპედიციამ, გათხრებისას, მიაკვლია იმ ფენას, რომელიც ბრინჯაოს ხანას ეკუთვნის. ნანგრევებში აღმოაჩინეს მრავალი სასწორი, რაც იმას მოწმობს, რომ აბრაამის დროს გერარი მსხვილი საეაჭრო ცენტრი იყო.

სამწუხაროდ, დღემდე არ მოხერხდა სოდომისა და გომორის აღვილმდებარეობის დადგენა; თუმცაღა ბოლო წლებში მეცნიერულ სამყაროში დამკვიდრდა აზრი, რომ ეს ქალაქები ნამდვილად არსებობდნენ.

აი, მოკლედ დღემდე ჩატარებულ ძიებათა შედეგები:

1. უკვე XIX საუკუნის ორმოცდაათიან წლებში ინგლისელებმა დაადგინეს, რომ მკედარი ზღვის აღმოსავლეთ სანაპიროზე მდებარე ლისანის ვიწრო კონცხიდან, წყალქვეშ გადაჭიმულია მაღალი, კლდოვანი თხემი, რომელიც ამ ტბას ორ აუზად ჰყოფს. სამხრეთით აუზი ღრმა არ არის, ჩრდილოეთით კი ფსკერი მკვეთრად ეშვება; აქ სიღრმე ოთხას მეტრს აღწევს. ვარაუდობენ, რომ პირველი ნაწილი ოდესღაც იყო ხმელეთი, რომელიც ჩაიძირა რაღაც გეოლოგიური კატაკლიზმის შედეგად. ბიბლიის თანახმად, სოდომი და გომორი მდებარეობდნენ სიდიმის ხეობაში, „რომელ არს ზღვა მარილთა“ (მღრ. დაბ., თავი 14, მ. 3); ახლახან იპოვეს ნაწყვეტები ფინიკიელი ქურუმის სანხუნიათონის „ძველი ისტორიის“ წიგნისა. ავტორა წერს: „სიდიმის ხეობა ჩაიქცა და ტბად იქცა...“

2. გეოლოგიურმა დაზვერვამ აღმოაჩინა მძაფრი ვულკანური კატასტროფის კვალი იორდანის ხეობაში, არაბეთის უდაბნოში, ტავრის მთების ძირში, აქაბის ყურეში და მეწამული ზღვის ნაპირებზე. გეოლოგებმა ამ სტიქიური უბედურების თარიღიც კი დაადგინეს. ეს მოხდა დაახლოებით ჩვენს წელთაღრიცხვამდე ორი ათასწლეულით ადრე, ესე იგი, აბრაამის დროს.

3. მკედარი ზღვის მახლობლად განლაგებულია ქვამარილის ბორცვები. ზოგიერთი მათგანი, გამოფიტვის შედეგად, ადამიანის ფიგურას დამსგავსებია, უეჭველია ეს ფაქტი დაედო საფუძვლად ლეგენდას ლოთის ცოლზე, რომელიც მარილის სვეტად იქცა.

4. მაშასადამე, ხალხის მესსიერებას შემორჩა მკედარი ზღვის რაიონში ძველად მომხდარი რომელიღაც სტიქიური უბედურების ამბავი. ამ შემთხვევასთან დაკავშირებით შეიქმნა

მრავალი გადმოცემა და ლეგენდა, რომელთა ფესვები ისტორიულად უტყუარია.

5. მფრინავეები, რომელთა სისტემატური რეისების ტრასა მკვდარ ზღვაზე გადადის, ამტკიცებენ, რომ რაღაც ნანგრევების კონსტრუქციები შენიშნეს და ისიც იმ ადგილას, სადაც სოდომისა და გომორის ადგილმდებარეობაა ნაგარაუდევით. აკვალანგისტები ცდილობდნენ, გამოეკვლიათ ზღვის ფსკერი. მაგალითად, ბეთ-ლემის ბაპტისტური მისიის ხელმძღვანელმა დოქტორმა რალფ ბანეიმ 1958 წელს განაცხადა — ფსკერამდე მივალწიე და კაშხალის კვალი ვიპოვეო. მაგრამ მის სიტყვებს ეჭვით შეხვდნენ.

მკვდარი ზღვის ფსკერამდე ჩასვლა და მისი საიდუმლოების ამოცნობა მეტისმეტად რთული საქმეა. წყალი ოცდახუთ პროცენტ მარილს შეიცავს და ისეა ამღვრეული, რომ დაახლოებით გაწვდილი ხელის სიგრძეზე არაფერი ჩანს. გარდა ამისა, წყლის სიმკვრივე ისეთია, რომ ადამიანს შეუძლია არხეინად წამოწვეს ზედაპირზე და იკითხოს წიგნი. ფსკერზე დასაშვებად მყვინთავს ორმოცი კილოგრამი ტვირთი მაინც სჭირდება. ამას ისიც ემატება, რომ ამდენი მარილი კანის მწვავე გაღიზიანებასა და ტუჩების შეშუპებას იწვევს.

ბოლო დროს წყალქვეშა ექსპედიციისათვის გულდასმით ემზადება ამერიკა-კანადის არქეოლოგიური ჯგუფი. იქნებ ამ ჯგუფმა შეძლოს სოდომისა და გომორის საიდუმლოების გახსნა.

უნდა შევეხოთ დამასკოსთან დაკავშირებულ ამბავსაც. ბიბლიაში არაა აღნიშნული, რომ ქანაანში მიმავალი აბრაამი აქ შეჩერდა. მაგრამ ამ ეპიზოდის აღწერისას ჩვენ მაინც კონკრეტულ წყაროებსა და წინაპირობებს ვეყრდნობით.

1. ებრაელი ისტორიკოსი იოსებ ფლავიოსი (ჩვენი წელთაღრიცხვის 37-95 წლები) აბრაამის დამასკოში ყოფნას იხსენიებს თავის ნაშრომში, რომელსაც ეწოდება „ებრაული სიძველენი“. როგორც ჩანს, მას ხელთ ჰქონდა ჩვენთვის უცნობი რომელიღაც წყაროები.

2. ძველი გზა ქარანიდან ქანანისაკენ სირიაზე, მაშასადამე, დამასკოზე, გადიოდა. არა გვაქვს საფუძველი, ვიფიქროთ, რომ აბრაამი აირჩევა სხვა, ნაკლებ მოხერხებულ შემოვლით მარშრუტს.

3. დამასკოში აბრაამის ყოფნას ისიც ადასტურებს, რომ აბრაამის სახლში უცბად ჩნდება ახალი პიროვნება — დამასკოელი ელიაზარი. პატრიარქმა მას თავის მეურნეობაში პასუხსაგები მოვალეობა დააკისრა და ვაჟის შეძენამდე თავის მეძვირდრედ თვლიდა (თანახმად ხამურაბის კოდექსისა, რომელიც უშვილოს ნებას რთავდა, ეშვილებინა ვინმე).

ქვეყანას, სადაც აბრაამი გადასახლდა, პირველად ქანანი

ერქვა. მხოლოდ მოგვიანებით უწოდა მას ჰეროდოტემ პალესტინა, ბიბლიური ფილისტიმელი ხალხის სახელწოდების მიხედვით. ეს ხალხი XIII საუკუნეში (ჩვენს წელთაღრიცხვამდე) ქანანის სამხრეთ სანაპიროზე ცხოვრობდა.

პალესტინა შეიძლება დაეყოთ სამ ძირითად უბნად: დაბლობი ხმელთაშუა ზღვასთან, მაღლობი იორდანის დასავლეთით — ეგრეთ წოდებული წინა იორდანია, და კლდოვანი მიდამო მდინარის აღმოსავლეთ ნაპირზე, ესე იგი, იმიერიორდანია. ხმელთაშუა ზღვის სანაპიროს სამხრეთი ნაწილი საოცრად ნაყოფიერი იყო. ამ მიდამოებში მდებარე სარონის ხეობას „სამოთხის ბაღს“ უწოდებდნენ. დიდ მოსავალს იძლეოდა იორდანის დასავლეთით მდებარე მაღლობიც. ცხელი ჰავის წყალობით აქ ფინიკიც კი მოდიოდა. განსაკუთრებული ნაყოფიერებით გამოირჩეოდა გალილეა, რომელიც უძველესი დროიდანვე მჭიდროდ იყო დასახლებული. სწორედ აქ აღმოჩნდა ნანგრევები ბიბლიაში მოხსენებული მთელი რიგი ქალაქებისა. იორდანის აღმოსავლეთით მდებარე ბევრი რაიონის მოსახლეობაც ეწეოდა მიწათმოქმედებას.

ქანანი ძირითადად მაინც მესაქონლეობის ქვეყანა იყო. ქანანელებს ჰქონდათ კარგი საძოვრები: ზეგნები, მთათა ფერდობები და ველები, თუმცაღა მათ დროადადრო გვაღვა აზარალებდა. იორდანის ხეობაში მიწას მხოლოდ გენესარეთის ტბასთან ამუშავებდნენ. სხვა რაიონებში მიწა დაფარული იყო ხშივრი მცენარეულობით. აქ მტაცებელი მხეცებიც კი ბინადრობდნენ.

მიწათმოქმედების პრიმიტიული მეთოდების, უსასუქობის, ნიადაგის სწრაფად გამოფიტვის, პერიოდული გვალების გამო ქვეყანა ხშირად შიმშილობდა.

ეგვიპტელები შეეჩვივნენ მომთაბარე მესაქონლე ტომებს, რომლებიც საზღვართან მოდიოდნენ და თავშესაფარს ითხოვდნენ. ეგვიპტელები გრძნობდნენ, რომ მათ შიმშილი სდევნიდა, რომ ისინი მშვიდობისმოყვარენი იყვნენ და გულში მტრული განზრახვა არ ელათ. ამიტომ მასპინძლები სიამოვნებით უშვებდნენ მათ ნილოსის შესართავის ჯერ კიდევ თხლად დასახლებულ ტერიტორიაზე. რა თქმა უნდა, ეგვიპტელები ამ სამსახურისათვის ხარკს ითხოვდნენ. ერთ-ერთი ეგვიპტელის აკლდამის სურათებზე გამოსახულნი არიან გაძვალტყავებული, თითქმის ჩონჩხად ქცეული ნომადები. ბენი-ჰასანში აღმოჩენილი აკლდამის ფრესკაზე კი რეალისტურადაა წარმოსახული სემიტური მესაქონლე ტომები ეგვიპტელ მოხელეებთან საზღვარზე მოლაპარაკების დროს.

უდაბნოს მეომარ ტომთა შემოსევებისაგან თავდასაცავად ეგვიპტელებმა მიწაყრილები აღმართეს ჯერ კიდევ ჩვენს წელთაღრიცხვამდე ორი ათასწლეულით ადრე, ესე იგი აბრაამის

დროს. ამ ფაქტს გვაუწყებს ეგვიპტელი დიდებული სინუჰე თავის მოგონებებში. იგი სამეფო კარის ინტრიგებში ჩაერია და იძულებული გახდა, საზღვარგარეთ გაქცეულიყო. სინუჰე გვიამბობს, როგორ გაუჩინარდა ღამეში, გადავიდა მთვარის კედელზე და მიაღწია ჩრდილო ქანაანამდე, სადაც აბრაამის, ისააკისა თუ იაკობის მსგავს ტომის ბელადს შეაფარა თავი. მოგონებაში სინუჰე ბევრს წერს ქანაანის ნაყოფიერებაზე. ბიბლიის მიხედვითაც ქანაანში „რძე და თაფლი გამოდის“. რა თქმა უნდა, ეს ხოტბა ეხებოდა მხოლოდ მიწათმოქმედებისა და მებაღეობის რაიონებს. სინუჰე წერს: „ეს იყო საუკეთესო მიწა. უხვ მოსავალს იძლეოდა ლეღვი და ვენასი. ქანაანელებს ღვინო წყალზე მეტი ჰქონდათ. არასოდეს დაგვკლებია თაფლი და ერბო. ნაირ-ნაირი ხეხილი ამშვენებდა იქაურობას. იქ მოჰყავდათ ქერი და პური, ჰყავდათ აურაცხელი პირუტყვი. ყოველდღიურად მიმასპინძლებოდნენ პურით, მოხარშული ხორციით, შემწვარი ფრინველითა და ღვინით. საგანგებოდ ჩემთვის ნაღირობდნენ და გარეულ ფრინველსაც ხშირად მომართმევდნენ ხოლმე. მეც ხშირად დავდიოდი სანადიროდ ძაღლებითურთ“.

ეგვიპტეში ჩატარებული გათხრების წყალობით ჩვენ შეგვიძლია აღწერა იმ ტანსაცმლისა, რომელსაც აბრაამის ტომის წარმომადგენლები ატარებდნენ. ბენი-ჰასანში აღმოჩენილი ეგვიპტელი დიდბულის აკლდამაზე არის ფრესკა, რომელზეც პალესტინიდან მოსული მომთაბარე სემიტური ტომებია გამოხატული (ეს ფრესკა ძველი წელთაღრიცხვის XVIII საუკუნისაა). აქ წარმოდგენილი არიან წვერიანი მამაკაცები, ქალები და ბავშვები. რამდენიმე მამაკაცს წელქვეით აცვია ჭრელი ზოლიანი ქსოვილის მოკლე სამოსელი; ქალებსა და დანარჩენ მამაკაცებს მოუხურავთ გრძელი, მშვენიერი მოსასხამები. მამაკაცებს ხელთ უპყრიათ იარაღი: შუბები, მშვილდები და შურდულები. ერთ-ერთი მათგანი უკრავს პატარა ქნარზე, რაც იმის დამადასტურებელია, რომ სემიტებს ჯერ კიდევ მაშინ უყვარდათ მუსიკა. სურათზე ჭარბობს მწვანე, წითელი და ლურჯი ფერები.

ბიბლიაშიც გვხვდება იმის დამადასტურებელი ცნობები, რომ ებრაელ ტომებს მკვეთრი ფერები უყვარდათ. გამოსვლათა წიგნში ღმერთი უბრძანებს მოსეს, შეაგროვოს შეწირულობანი: „ოქრო და ვეცხლი და რვალი, მატყელი იაკინთის ფერი, ძოწის ფერი და მეწამული; ბისონი და თხის თმა, ტყავები ვერძთა, წითლად შეღებილი, და ტყავები დელფინისა და ხე აკაკისა“ (გამოსვლათა, თ. 25, მ. 3-5).

მეფეთა მეორე წიგნში დავითი ამბობს: „ტიროდით საულს, ასულნო ისრაელისანო, რომელი შევმოსდათ მეწამულსა და თვალთა პატიოსანთა და დავდებდათ სამკაულსა ოქროსასა სამოსელსა ზედა თქვენსა“ (მეორე მეფეთა, თ. 1, მ. 24).

მონად გაყიდული. იაკობს ჰყავდა თორმეტი ძე, რომელთაგან ყველაზე მეტად უყვარდა უმცროსები — იოსები და ბენიაშინი, მისი საყვარელი ცოლის რაქელის შვილები. ბენიაშინი ჯერ კიდევ ბავშვი იყო. იოსები კი წამოიზარდა და ცოცხალი ყმაწვილი გამოდგა. საზრიანობასა თუ მოხერხებულობაში ტოლი არ ჰყავდა მთელ ოჯახში. მამას ძალიან ეამაყებოდა ასეთი შვილი და, როგორც ზოგჯერ ხდება ზოლმე, მის ყოველ სიტყვას კვერს უკრავდა და ყველა სურვილს უსრულებდა. სხვათა შორის, მან საყვარელ შვილს ლამაზი ჭრელი ტანსაცმელი აჩუქა და მის ნებაზე მიუშვა: ოჯახის საქმით არ აწუხებდა. საქონლის მოვლა-პატრონობა მთლიანად ბალასა და ზელფას შვილებს დააწვა კისერზე. ისინი მთელი დღე საძოვრებზე დაეხეტებოდნენ გარე-გარე, იოსები კი ამ დროს გამოპრანჭული ნებივრობდა შინ, თანაც თავი ქედმაღლურად ეჭირა, მოურიდელად ტრაბახობდა და, რაზეც უნდა ჩამოეგდოთ საუბარი, ყოველთვის ძმებზე მცოდნედ მოჰქონდა თავი. ამაზე უარესი ის იყო, რომ ძმებს უთვალთვალებდა კიდევ და წამდაუწუმ ენა მიჰქონდა მამასთან. იაკობის შვილებს კი, რომლებიც მეტ დროს კარში ატარებდნენ, სულაც არ უნდოდათ, მათი ყოველი ფეხის ნაბიჯი სცოდნოდათ შინაურებს. ამიტომაც თვალით დასანახავად ეზარებოდათ ამპარტავანი, ტრაბახა და მაბეზლარი ძმა, ცხოვრებას რომ უმწარებდა მათ. საკუთარი დიდების გრძნობით დაბრმავებულ იოსებს აინუნშიც არ მოსდიოდა ეს და არც იმას დაგიდევდათ, რომ ძმები დღითი დღე მეტ ბოლმას იხვევდნენ გულში. დღე ისე არ გავიდოდა, რომ იოსებს თავი არ მოებეზრებინა მათთვის. ყველაზე უფრო ის უკიდებდა ძმებს გულზე ცეცხლს, რომ იოსებმა სიზმრების მოყოლა იცოდა და ამ სიზმ-

რებსი ისინი ყოველთვის დამცირებული და შეურაცხყოფილი გამოჰყავდა.

ერთხელ, როცა მთელი ოჯახი სუფრას შემოუსხდა, იოსები მოჰყვა ასეთ სიზმარს: „ვეკრეოდით მჭელეულთა შორის ველსა და აღდგა მჭელეული ჩემი და აღემართა. და მოიქცეს მჭელეულნი თქვენნი და თაყვანის-სცეს მჭელეულსა ჩემსა“. ძმებს ეწყინათ ეს და იოსებს დაცინვა დაუწყეს: „აწ მეფობით ჰმეფობდე ჩვენ ზედა ანუ უფლებით უფლებდე ჩვენ ზედა?“ იაკობმა, როგორც ყოველთვის, ამ შეხლა-შემოხლაშიც თავის საყვარელ შვილს დაუჭირა მხარი, მაგრამ იოსებს მალე დაეისზმრა, რომ თერთმეტ ვარსკვლავთან ერთად მზე და მთვარეც ქედს უხრიდნენ მას. ამან კი ძალიან ატკინა გული მოხუც მამას.

„რა არს ჩვენება ესე? — წაიბურტყუნა გულმოსულმა იაკობმა, — აწ მოვიდეთ მე და დედა შენი და ძმანი შენნი თაყვანის ცემად შენდა?“

იოსები მამისაგან დატუქსვას არ ელოდა და ერთ ხანს თავს იკავებდა, როგორც იტყვიან, ჭიასაც არ აღვიძებდა. უსიამოვნო ამბავი მალე ყველამ დაივიწყა; მამაც ძველებურად არჩევდა იოსებს სხვა შვილებში და არაფერს აკლებდა.

ერთხელ ძმები საძოვრების ძებნას შეჰყვნენ და სიქემამდეც კი მივიდნენ. მათი ასაკალ-დასავალი დიდხანს არავინ იცოდა შინ. შეწუხებულმა იაკობმა მათი ამბის გასაგებად იოსები გაგზავნა. მას ჭკუაში დაუჯდა მამის დაეალება და უყოყმანოდ იკისრა ზედამხედველობა. სიქემში მან გაიგო, რომ ძმებს ფარა ქალაქ დოთაიძის მიდამოებში წაერეკათ და მათ კვალს გაჰყვა. ძმები საძოვარზე იყვნენ და გამოჩნდა თუ არა იოსები ჰორი-ზონტზე, მაშინვე იცნეს. ერთ-ერთმა მათგანმა დაცინვით წამოიძახა: „აჰა, ჩვენების მხილველი იგი მოვალს!“ მანვე აწვევთა ძმებს ყურში: მოდი, ისე შეეხვდეთ, რომ სიზმრის ნახვის სურვილი დაეკარგოსო. გამოპრანჭული იოსების დანახვაზე გული გაუსკდათ — მიხვდნენ, რომ ისევ მათ დასასმენად მოდიოდა. მოილაპარაკეს და გადაწყვიტეს, აბეზარი ძმა ერთხელ და სამუდამოდ მოეშორებინათ თავიდან: მოეკლათ, ამომშრალ ჭაში ჩაეგდოთ და მამისთვის შეეთვალათ — მხეცმა შეჭამაო. რუბენი წინ აღუდგა ძმებს და შეევედრა: ძმის სისხლს ნუ დაედვრით, ცოცხალი ჩავაგდოთ ჭაში, სულ ერთია, შიმშილით მაინც მოკვდებო. თვითონ კი იმედი ჰქონდა, რომ ღამით ძმას ჭიდან ამოიყვანდა და მამასთან გაგზავნიდა.

ბევრი კამათის შემდეგ გაბოროტებული ძმები რუბენს დაერთანხმნენ. მიუახლოვდა თუ არა მათ იოსები, ეცნენ, გააშიშვლეს, შეკრეს აღვირის თასმებით და ღრმა ჭაში ჩაუშვეს. იოსებმა მაშინვე დაკარგა გონება. რომ მოსულიერდა, თავზარი დაეცა და კივილი მორთო. დამნაშავე ძმებმა არ შეისმინეს მისი ხეყვნა-

მუდარა, ვითომც აქ არაფერი — სადილად დასხდნენ და იოსებისათვის ლუკმაც არ გაიმეტეს. ამასობაში შორს გამოჩნდა მადიამელ თუ ისმაიტელ¹ ვაჭართა ქარავანი, რომელსაც გალადიდან ეგვიპტეში მიჰქონდა მური და საყმეველი, ნელსაცხე-ბელი, გუნდრუკი. ესენი იყვნენ ძვირფას ტანსაცმელში გამოწყობილი მდიდარი ვაჭრები. კისერზე და მხრებზე ოქროს სამკაული უბრწყინავდათ. სასაპალნე ვირების მოსართავებსაც კი ოქროს ზანზალაკები ამშვენებდა. იაკობის შვილებმა გადაწყვიტეს, იოსები მონად გაეყიდათ. მოგზაურმა ვაჭრებმა მუშტრის თვალით ახედ-დახედეს ტანწერწეტა ჭაბუკს და მის ძმებს მოურიგდნენ; ოცი ვერცხლი გადაიხადეს. იცოდნენ, რომ ეგვიპტის ბაზარზე ახალგაზრდა მონა ძვირად ფასობდა. ქარავანი გზას გაუღვა. უნამუსო ძმებმა კი მაშინვე თხის სისხლით მოსვარეს იოსების ტანსაცმელი, გაუგზავნეს მამას და შეუთვალეს — აბა თუ იცნობო. საყვარელი შვილის გასისხლიანებული ტანსაცმელი რომ დაინახა, იაკობი კინალამ შეიშალა. მან ტანსაცმელი შემოიხია და თან სასოწარკვეთილი მოთქვამდა: „სამოსელი ძისა ჩემისა არს ესე; მხეცმა ბოროტმა შეჭამა იგი. მხეცმა ბოროტმა მიიტაცა იოსებ“. მერე ძაძვებით შეიმოსა და დაუსრულებელი მოთქმა-ვაება მორთო. ოჯახი ცდილობდა, შეემსებუქებინა მისთვის დარდი, მაგრამ იაკობი ქეითინით იმეორებდა ერთსა და იმავეს: „გლოვით შთავიდე ძისა ჩემისა თანა ჯოჯოხეთს“. იმ დროს, როცა იაკობი გოდებდა და მოთქვამდა, მადიამელები გზას განაგრძობდნენ და ეგვიპტისაკენ მიჰყავდათ უბედური, მტირალი იოსები, რომელიც ასე მუხანათურად გაყიდეს ძმებმა.

იოსები კეტეფრეს სახლში. მოგზაურმა ვაჭრებმა იოსები მიჰყიდეს ფარაონის მცველთა უფროსს — კეტეფრეს. ამრიგად, იაკობის ძე ეგვიპტის ერთ-ერთი განთქმული დიდებულის მსახური გახდა. აქ იგი ცუდად როდი ცხოვრობდა. მუყაითი და პატიოსანი მონა პატრონს ფიანდაზად ეგებოდა ფეხქვეშ, ამით მისი გული მოიგო და ნლობაც დაიმსახურა. კეტეფრე თანდათან დაეწიდა, უფროსად „დაადგინა სახლსა თვისსა“ და ყველაფრის მოვლა-პატრონობა მას დააკისრა. იოსები ყველაფერს ერთგულად უვლიდა, მისი თვალი და ხელი ყველაფერს სწვდებოდა. კეტეფრეს სანანებლად არ დარჩენია იოსების სხვა მონებისაგან გამორჩევა. მას შეზღვევ, რაც მან იოსებს მიანდო ზედამხედველობა, ოჯახი უფრო გამდიდრდა. კეტეფრეს კი ყოველდღიური წვრილმანები აღარ აწუხებდა. ამიტომ საშუალება

¹ ბიბლიაში არათანმიმდევრულად ასახელებენ ხან ერთს და ხან მეორეს. ზოგჯერ ისმაიტელები კაიგიეებულნი არიან პედუინებთან.

მიეცა, მეტი ეფიქრა ჯარებზე და თავისთავზეც ეზრუნა. მაგრამ, როგორც ამბობენ, ბედნიერება მარადისი როდია.

იოსები ლამაზი და მოხდენილი ჭაბუკი იყო. პეტეფრეს ცოლს მისი სიყვარულის ალი მოედო და ჭაბუკს შეუჩნდა, ათასი ხერხი იხმარა, რომ იგი შეეცდინა. იოსები არ აპყვა ქალს, რადგან არ უნდოდა წყალობისა და სიკეთის სანაცვლოდ შეურაცხყოფა მიეყენებინა თავისი პატრონისათვის. საუბედუროდ, ავხორცმა ქალმა მტკიცედ გადაწყვიტა, რაღაც უნდა დაჯდომოდა, ეცდუნებინა ჭაბუკი. ერთხელ შინ მარტო იოსები და პეტეფრეს ცოლი დარჩნენ. ქალმა დრო იხელთა, შეიტყუა იოსები საძინებელ ოთახში, მოეხვია და საწოლისკენ წაიყვანა. იოსები არ ნებდებოდა; რაკი ველარაფერი გააწყო, მაცდურს სამოსელი ხელში შეატოვა და გაიქცა. შეურაცხყოფილმა, დამცირებულმა და იმედგაცრუებულმა ქალმა შური იძია — საშინელი წივილ-კივილი მორთო. მოცვივდნენ მსახურები. ქალმა მათ იოსების ტანსაცმელი უჩვენა და ამით მისი დანაშაული ყველას ამცნო.

პეტეფრე შინ დაბრუნდა და ყველაფერი შეიტყო. ცოლის მონაჭორი დაიჯერა, მისი თვალთმაქცური აღშფოთება ირწმუნა და იოსები საპყრობილეში შეაგდო. იაკობის ძე უბედურების ფაშსაც გამგონე, თავაზიანი იყო და სულ მალე მოინადირა ციხის უფროსის გული. მან იგი ტუსაღთა ზედამხედველად დანიშნა. მარჯვე, გამჭრიახი იოსებისათვის თავისუფლად შეიძლებოდა ყოველდღიური სამეურნეო საქმის მინდობა. გულმოდგინეობის, მუყაითობისა და ერთგულების წყალობით იოსები ყველგან და ყოველთვის პირველთაგან პირველი იყო. პატივმოყვარე იოსები დიდსა და მცირე საქმეს არ არჩევდა — ორივე უნდა მოეთავებინა და დამში მოეყვანა. მოხერხებული, პრაქტიკული ჭკუის პატრონი იოსები გველის ხერელში გაძვრებოდა, ოღონდ კი უფროსების გული მოეგო.

ერთხელ საპყრობილეში მოიყვანეს ეგვიპტის ფარაონის მთავარი მეპურეთ-მოდღვარი და ღვინის მწე. იოსები ცდილობდა შეემსუბუქებინა მათი მწარე ხვედრი და ზრუნვას არ აკლებდა პატიმრებს. ბედუკულმართი მსახურები შეეთვისნენ იოსებს, მთელი დღე მასთან ლაპარაკობდნენ, აცნობდნენ სამეფო კარის ინტრიგებსა და მეფის სუსტ მხარეებს. იოსები ყველაფერს გულის ფიცარზე იჭდევდა. გავიდა რამდენიმე ხანი და იგი სამეფო კარის საქმეებში ისე კარგად ერკვეოდა, თითქოს თვითონ ყოფილიყო ყველაფრის მოწმე და მხილველი. ერთხელ საუბარში გამოირკვა, რომ ორივე მსახურს უცნაური რამ ჰხიზმრებოდა.

ღვინის მწეს დაესიზმრა ვაზი, რომელმაც სამი რქა გამოიძლო, ჯერ ყვავილებით დაიფარა, შემდეგ კი მტევენები მოისხა.

ღვინის მნემ თასში ჩაწურა ყურძენი და სავსე თასი ფარაონს მიაწოდა.

იოსები ცოტა ხანს ჩაფიქრდა და შემდეგ ღვინის მნეს უწინასწარმეტყველა — სამი დღის შემდეგ ფარაონი შეგიწყალვს და ძველსავე ადგილზე დაგაბრუნებსო. მან ღვინის მნეს სთხოვა, ფარაონთან გამოქომაგებოდა, როგორც უდანაშაულოდ შეპყრობილს.

მეპურეთ მოძღვარმაც უამბო მას თავისი სიზმარი — თითქოს თავზე ელო სამი კალათა გამომცხვარი პური, რომელსაც ფრინველები დასეოდნენ და კენკავდნენ. იოსები მოიღუშა და უწინასწარმეტყველა — სამი დღის შემდეგ ჯალათების ხელში ჩაგაგდებენო.

ფარაონის სასახლეში. გავიდა სამი დღე და იოსების წინასწარმეტყველება აღსრულდა. ფარაონი თავის დაბადებდეს დღეს დღესასწაულობდა. გაიხსენა მარჯვე ღვინის მნე. შეიწყალა, გაათავისუფლა და კვლავ ჩააბარა სასახლის მარნის გასადები. მეპურეთ მოძღვარზე კი გული აღარ მოიბრუნა და ბრძანა, დასაჯეთო.

ღვინის მნემ, სამწუხაროდ, როგორც ხშირად ხდება, თავი არ შეიწუხა მეგობრისთვის, რომელმაც გაათავისუფლება უწინასწარმეტყველა. იოსები ორ წელს კიდევ ეწამა ციხეში და დაკარგა იმედი, რომ უმადური ღვინის მნე დაპარებას შეუხსრულებდა. ფარაონის სიზმრები რომ არა, ძნელი წარმოსადგენია, როგორ დატრიალდებოდა იოსების ბედი. ერთხელ ფარაონმა ღამით ასეთი სიზმარი ნახა: მდინარიდან შვიდი მსუქანი ძროხა გამოვიდა და მდინარის პირზე ძოვდა ბალასს. მაგრამ აი, მალე მათ კვალდაკვალ გამოჰყვა შვიდი მჭლე ძროხა, რომელთაც მსუქანი ძროხები შთანთქეს. მეორედ ფარაონს ასეთი რამ ესიზმრა: მიწიდან ამოვიდა მარცვლით სავსე შვიდი თავთავი, მათ გვერდით კი შვიდი ცარიელი, ფშუტე თავთავი გაჩნდა და სავსე თავთავები შეჭამა.

ფარაონი შეაშფოთა საიდუმლოებით მოცულმა სიზმრებმა. მან მოუხმო ეგვიპტის საუკეთესო მისნებსა და ბრძენთ, რომელთაც სიზმრის ახსნა შეეძლოთ. ისინი იჭვნეულად აქნევდნენ თავს, ბჭობდნენ და კამათობდნენ ერთმანეთში. ბოლოს და ბოლოს უმწეოდ გაასავსავეს ხელები და უზენაეს მბრძანებელს გამოუტყდნენ — თქვენი სიზმრების ფარული აზრის ამოხსნა არ ძალგვიძისო.

ფარაონი შეწუხდა და სასახლეშიც ყველას წაუხდა გუნება. ღვინის მნემ მხოლოდ ახლა გაიხსენა იოსები. მან იფიქრა, ფარაონს კიდევ მეტ მოწყალებას გამოვტყუებო და უამბო ამბავი

ერთი ახალგაზრდა ებრაელისა, რომელმაც ოდესღაც ციხეში ზუსტად უწინასწარმეტყველა მას მომავალი. ფარაონს იმეღა მიეცა. მისზე ბრძანა — იოსები მომკვარეთო. პატიმარმა თმაცერი გაიკეთა, ტანსაცმელი გამოიცვალა, ფარაონს ეახლა და პირქვე დაეძხო. ფარაონმა მოუთმენლად ჰკითხა: „ჩვენება ვიხილე და განმმარტებელ არავინ არს. ხოლო მესმა შენთვის, რამეთუ ვითარ თქვან ჩვენება, განმმარტებ მას“.

იოსებმა ყურადღებით მოისმინა ფარაონის სიზმრები მსუქან და მჭლე ძროხებზე, საესე და ცარიელ, ქარისაგან გამოფიტულ თავთაეებზე. ჩაფიქრდა და თქვა: ეგვიპტეში შვიდი წელი მოსავლიანი იქნება, შემდგომი შვიდი კი — გვალვიან-შიმშილიანიო. იგი მარტო ამ წინასწარმეტყველებას არ დასჯერდა და ფარაონს ურჩია, დაენიშნა განმგებლად ვინმე ბრძენი კაცი, რომელიც პირველი შვიდი წლის განმავლობაში ბედლებში შეინახავდა მოსავლის მეხუთედ ნაწილს, რითაც მოუსავლიანობის ჟამს გაიტანდნენ თავს. ფარაონს ჭკუაში დაუჯდა ეს რჩევა. მან შეხედა პირმშვენიერ, ტანად, მოხდენილ ჭაბუკს და გაიფიქრა, — აი, ვიპოვე კაცი, რომელშიც ღვთიურ სულს დაუსადგურებიაო. მან მაშინვე დანიშნა იოსები თავის მოადგილედ და მთელი ეგვიპტის განმგებლობა მიანდო, რადგან მხოლოდ დიქტატორული წესით შეიძლებოდა განხორციელება სამეურნეო გეგმისა, რომელიც გულისხმობდა მძიმე ხარკის დადებას როგორც ფეოდალებსა და მებატონეებზე, ასევე ღარიბ გლეხობაზე.

იოსებს ოცდაათი წელი შეუსრულდა, როდესაც დამცირებისა და შეურაცხყოფის შემდეგ მოულოდნელად წარმატებისა და დიდების მწვერვალზე მოექცა. თოთხმეტი წლის მონობის შემდეგ იგი ეგვიპტეში ღმერთად მიჩნეული მონარქის მარჯვენა ხელი გახდა, მისი ყოფილი ბატონები კი მის ხელქვეითებად იქცნენ.

სამეფო კარზე მიღებული წესის თანახმად, იოსებს დიდი ზარ-ზეიმით ჩააბარეს ძალაუფლება. მოქრულ ტახტზე მჯდომმა ფარაონმა იოსებს გადასცა დიდი თანამდებობის შესაფერო რეგალიები: ოქროს ბეჭედი, ძვირფასი მანიაკი და დიდებული ტანსაცმელი. შემდეგ კი წარმოთქვა კურთხევის სიტყვები: „მე ვარ ფარაონი, ხოლო შენსა გარე არავინ აღაპყროს ხელი ანუ ფეხი ქვეყანასა ეგვიპტისასა“. იმავე დღეს ეტლებში ფეხმარდი ცხენები შეაბეს და მთელმა სასახლემ ტაძრისაკენ გასწია. იოსების ეტლი ფარაონის ეტლს მისდევდა. მაცნენი მოსახლეობას მოუწოდებდნენ, მუხლებზე დამხობილიყვნენ ახალი გამგებლის წინაშე. ტაძარში ფარაონმა იოსებს დაარქვა ახალი, ეგვიპტური სახელი — ფონთო ფარნეკი, რაც სიტყვასიტყვით ნიშნავს: „ღმერთი ბრძანებს: დღევრძელი იყოს“. გარდა ამისა, ფარაონმა მას ცოლად მისცა მზის ქალაქის — ონის — (ბერძენუ-

ლად ჰელიოპოლისის) გავლენიანი ქურუმის პეტეფრეს ქალი-
შვილი. ამით ფარაონმა იოსებს ყოვლისშემძლე ქურუმთა კას-
ტის მხარდაჭერა მოუპოვა.

იოსებნი მგვიპტეს მართავს. მოსავლიანი შვიდი
წლის განმავლობაში იოსები მთელ ეგვიპტეში მიმოდირდა და
პირადად ადევნებდა თვალყურს განკარგულებათა შესრულებას.
ბედლები ხორბლით აივსო; ბეგარის მიუსხდავად, ხალხი შეძ-
ლებულად ცხოვრობდა და ლოცვა-კურთხევას უთვლიდა ახალ
გამგებელს. იოსებს ოჯახშიც სიამტკიილობა ჰქონდა. მეუღლემ,
ასენეთმა, ორი ვაჟი — მანასე და ეფრემი — შესძინა.

გამოსდა ხანი. იოსების წინასწარმეტყველება გამართლდა —
დადგა წლები გვალვისა და შიმშილისა. მოუსავლიანობამ მარ-
ტო ეგვიპტეს კი არა, მეზობელ ქვეყნებსაც მისცა ზარალი.

ეგვიპტელები შიმშილისაგან იტანჯებოდნენ და ფარაონს
სოსოვებს, ბედლები გაეღო. ფარაონმა იოსებს გაუგზავნა მთხოვ-
ნელები. იოსებმა, როგორც თადარიგიანმა კაცმა, თხოვნა კი
შეისმინა, მაგრამ უფასოდ როდი გაუცია პური. ეგვიპტელები
ჯერ ფულს ეხდიდნენ სურსათში, მერე, ფული რომ შემოეღაათ,
ყიდნენ ცხენებს, ცხვარს, ხარებსა და ვირებს, ოღონდ შიმში-
ლისაგან თავი დაეხსნათ. ბოლოს და ბოლოს მათ მიწაც დაკარ-
გეს და თვითონაც მონებად იქცნენ. ამრიგად, შვიდწლიანი კა-
ტასტროფის შემდეგ მთელი მიწა და ამ მიწის მფლობელნი ფა-
რაონის საკუთრებად იქცნენ. ქონება შეინარჩუნეს მხოლოდ
ქურუმებმა. ფარაონმა ანგარიში გაუწია მათ გავლენიანობას და
ნება დართო, კეთილდღეობის ჟამს თვითონვე მოემარაგებინათ
სურსათი.

როცა ფარაონმა ხელთ იგლო მთელი მიწა, იოსებმა მისი
იჯარით გაცემა დაიწყო და ხალხს აუწყა: „აჰა, აწ მომივიეთ
თქვენ და ქვეყანა თქვენი ფარაოსადა. მიიღეთ თესლი და დას-
თესეთ ქვეყანა. და ნაყოფისა მისისაგან მიეცით მეხუთე ნაწილი
ფარაოსა, ოთხი ნაწილი იყავნ თავისა თქვენისა სათესლედ და
საზრდელად თავთა თქვენთა და ყრმათა თქვენთა“. ხალხმა დაი-
ფიცა — ფარაონს ერთგულად ვემსახურებითო. ამ დღიდან დამ-
კვიდრდა კანონი, რომლის თანახმადაც ეგვიპტელი ხალხი მო-
სავლის შესუთედს ფარაონს ამღევდა. ეს კანონი ქურუმებზე
არ ვრცელდებოდა, რის გამოც ისინი მდიდრდებოდნენ და ძლი-
ერდებოდნენ.

იაკობის მოღვაძე უიჟოილი ტანჯავს. საშინელს
გვალვა ქანაანშიც დადგა. იაკობს ამბავი მოუვიდა, რომ ეგვიპ-

ტეში ხორბალი იშოვებოდა. მან ათი ძე გაგზავნა ფარაონის ქვეყანაში პურისათვის. შინ მარტო ბენიამენი დატოვა. მზე და მთვარე მასზე ამოსდიოდა და ძმებს ვერ ანდო — ვაითუ ყურადღება მოაკლონო. იაკობის შვილებმა ცარიელი ტომრები აპკიდეს ვირებს და გაუდგნენ შორ გზას. ეგვიპტეში ისინი ქვეყნის უმაღლეს გამგებელს ეახლნენ, რადგან მხოლოდ მას ჰქონდა პურის გაყიდვის უფლება. იოსებმა შეხედა თუ არა ქანაანიდან მოსულ მთხოვნელებს, ელდა ეცა. მან მაშინვე იცნო თავისი ძმები, რომლებმაც ოდესღაც იგი ოც ვერცხლად გაყიდეს. მაგრამ ძმებს თავისი ვინაობა არ გაუმხილა და მათთან სალაპარაკოდ თარჯიმანი მოიშველია. ოღონდ გული იმით მოიოხა, რომ ძმები შეაშინა: ყველას გასაგონად დასწამა მათ მსტოვრობა: გამოაცხადა, რომ ისინი მოსული იყვნენ არა სურსათის საყიდლად, არამედ დასაზვერადად. ძმებს შიშისაგან ციებ-ცხელება აუტყვიათ; ყოველი ღონე იხმარეს თავის გასამართლებლად, რწმუნებოდნენ — მხოლოდ და მხოლოდ პურისთვის მოვედითო. მოუყენენ — ჩვენს მოხუც მამას, რომელმაც გამოგვგზავნა, თორმეტი ძე ჰყავს. ყველაზე უმცროსი შინ დავტოვეთ, ერთი კი უგზო-უკვლოდაა დაკარგულიო.

იოსები მოღუშული უსმენდა ძმებს. არც კი აგრძნობინა, თუ როგორ ააღელვა იაკობისა და ბენიამენის ამბავმა. ვითომ უკიდურესად განრისხებულმა, ისე თავისი დაიფინა — მსტოვრებად წართ მოსულიყო. იოსებმა ძმებს უთხრა — ერთის გარდა ყველას დიღეგში ჩაგყროთ, იმას კი შინ გავუშვებ და უმცროს ძმას მოვაყვანიებ, რომ თქვენი ნაამბობის სიძარტლეში დავრწმუნდეთო. იოსებმა არ ისმინა ძმების ხვეწნა და რწმუნება, უნძო მცველებს და უბრძანა — ციხეში შეყარეთო.

სამი დღე რომ გავიდა, ძმები მაინც შეეცოდა და განაჩენი შეუმსუბუქა. გამოუძახა მათ და ერთხელ კიდევ გააფრთხილა — მოგყიდით პურს, გაგიშვებთ ქანაანში იმ პირობით, თუ უმცროს ძმას მომგვრით, ერთ-ერთ თქვენგანს კი ციხეში დავტოვებ მძევლადო.

იაკობის შვილები შეწუხდნენ; მათ აზრადაც არ მოსვლიათ, რომ ეგვიპტის გამგებელს ებრაული ეცოდინებოდა და ერთმანეთს გადაულაპარაკეს: დამსასურებულმა სასჯელმა გვიწია იმიტომ, რომ ძმას ვუმუხტლეთო. იოსები დარწმუნდა, რომ დამნაშავენი, ბოროტი საქმის ჩამდენნი, ნანობენ, რომ ისინი არც ისე ცუდი ადამიანები ყოფილან. მას გული აუჩქვია, მეორე ოთახში განმარტოვდა და ცრემლებით გაიქარვა გულისტკივილი, ოჯახზე უსაზღვრო დარდმა რომ აღუძრა. მერე ცრემლები მოიწმინდა, გული გაიმაგრა და ბრძანა, ძმების ტომრები ხორბლით აევსოთ, უფროსი, სიმონი, კი კვლავ მძევლად დაიტოვა საპყრობილეში. იოსებმა ძმების ჩუმი იხილ ბრძანა, რომ მათ-

თვის ხორბალში გადახდილი ფული დაებრუნებინათ, მალულად ჩაეღოთ ტომრებში.

მას უნდოდა ძმების პატიოსნება გამოეცადა. იაკობის შვილებმა ხორბლით სავსე ტომრებით დატვირთული ვირები გაირიკეს და ქანაანისაკენ გასწიეს. გზაში ღამის გასათევად შეჩერდნენ. ვირების დასაპურებლად ტომრებიდან ხორბალს რომ იღებდნენ, უცებ ვერცხლს წააწყდნენ. იფიქრეს, რაღაც გაუგებრობა მოხდაო და გადაწყვიტეს, ეგვიპტეში რომ დაბრუნდებოდნენ, ფული უკანვე მიეცათ. ეს კი არც ისე მალე მომხდარა. იაკობი არ ელოდა ბენიამენს, სიმონს კი ამასობაში იმედი გადაუწყდა. იოსების დაკარგვით გულმოკლული მამა მოხუცებულობის ერთადერთ ნუგეშს — უმცროს ვაჟს — თვალისჩინივით უფრთხილდებოდა. არ გაჭრა არც მუჭარამ, არც ზვეწნამ, არც რუბენის სიტყვამ — თუ ბენიამენი უკანვე არ დაგებრუნო, ჩემი ორი ვაჟი მოკალიო. იაკობი ვერ დაიყოლიეს. ძმებმა გადაწყვიტეს, აღარ წასულიყვნენ ეგვიპტეში. ეშინოდათ, ეგვიპტის გამგებელს უბენიამენოდ რომ ხლებოდნენ.

ეგვიპტიდან მოტანილი ხორბალი მალე გამოიღია და ოჯახში კვლავ შიმშილმა დაიხადგურა. იაკობს სხვა გამოსავალი აღარ ჰქონდა — გულისტკივილით გამოეთხოვა ბენიამენს და ძმებს გააყოლა ეგვიპტეში. ეგვიპტის გამგებელს, გულის მონანადირებლად, იაკობმა გაუგზავნა ცოტაოდენი საცხებელი და თაფლი, სურნელები და საკმეველი, ფსტა და ნუში. შვილებს უბრძანა, დაებრუნებინათ მისთვის ფული, რომელიც, რაღაც გაუგებრობის გამო, ტომრებში აღმოჩნდა.

ძმები უსიამო წინათგრძნობით გაემგზავრნენ ეგვიპტეში, მაგრამ ბენიამენის დანახვით გასარებულმა იოსებმა მოწყალედ მიიღო ისინი. მან მზარეულებს უბრძანა, ნადიმი გამართეთო, სტუმრები კი სახლთუხუცესს მიანდო, რომ მტკვრისაგან განბანილიყვნენ. ძმებმა ისარგებლეს ამ შემთხვევით და ფულის დაბრუნება სცადეს, მაგრამ, მათდა გასაოცრად, იოსების მსახურმა უარი თქვა და ძმები ასე ანუგეშა: „ნუ გეშინიათ, ვერცხლი უკვე მიღებული მაქვსო“.

ძმებმა თავისუფლად ამოისუნთქეს და მაშინვე ახალი სასიხარულო ამბის მოწმენი გახდნენ. სახლთუხუცესმა ციხიდან გამოიყვანა სიმონი და ახალი ტანსაცმლით შეამოსინა. ნადიმზე ისიც იყო მიწვეული.

სასახლეში ძმებმა მდებლად დაუკრეს თავი ეგვიპტის გამგებელს და გადასცეს იაკობის გამოგზავნილი საჩუქრები. იოსები მიესალმა მათ, გადახედა საჩუქრებს და მამა მოიკითხა. ბენიამენს რომ შეხედა, გული აუჩუყდა, მაგრამ ძლივძლივობით შეიმაგრა თავი, სასწრაფოდ განმარტოვდა შიდა ოთახში და ატირდა. შემდეგ პირი დაიბანა, საზეიმოდ მორთულ დარბაზში

დაბრუნდა და ბრძანა, მაგიდა გაეშალათ. ნადიმის დროს იოსებმა ცდილობდა, საუკეთესო ლუკმა ბენიაშენისთვის ერგო. მალე მაგიდაზე მსიარულება გამეფდა. ყველა შეთურა.

იოსებმა ახალი განსაცდელი ეოუეღინა ძმებს.

მეორე დღეს იოსებმა სახლთუხუცესს უბრძანა, კვლავ ჩაეღო ფული თითოეული ძმის ტომარაში; ბენიაშენის ტომარაში კი, ფულის გარდა, ჩაადებინა ვერცხლის თახვი, რომლითაც მას არა ერთხელ უმკითხავებია და თავისი მომავალი უწინასწარმეტყველებია.

ის იყო იაკობის შვილები და მათი დატვირთული ვირები ქალაქს გასცდნენ, რომ იოსებმა მათ სახლთუხუცესი დაადენა. იოსების ძმებმა დიდი შიში ჭამეს, როცა საბრძოლო ეტლებში მსხდარი შეიარაღებული ჯარისკაცების ალყაში აღმოჩნდნენ. სახლთუხუცესი განრისხებული მიუარდა ძმებს და ეგვიპტის გამგებლის ვერცხლის თახვის მოპარვა დააბრალა. ძმები, რა თქმა უნდა, უარზე იყვნენ, ერთხმად თქვეს — გაგეჩხრიკეთო და განაცხადეს: „რომელისა თანა იპოოს ბარძიმი იგი, მოკუეღინ იგი! ხოლო ჩვენ მონანი ვიყვნეთ უფლისა ჩუენისა!“ მე ციხეში მხოლოდ ქურდს წავიყვანო, — თქვა სახლთუხუცესმა. როგორ გაოცდნენ ძმები, როცა ვერცხლის თახვი ბენიაშენის ტომარაში აღმოჩნდა! სასოწარკვეთილმა ძმებმა ტანსაცმელი შემოიხიეს და თავიანთ უკუღმართ ბედს დასტიროდნენ. ამრიგად, იოსებმა მეორედ გამოსცადა მათი პატიოსნება და ძმებს არც ახლა შეურცხვენიათ თავი: გადაწყვიტეს, არ მიეტოვებინათ ბენიაშენი უბედურების ჟამს და მასთან ერთად დაბრუნდნენ ეგვიპტის დედაქალაქში.

სასახლეში რომ მივიდნენ, მუსლებზე დაეცნენ და იოსებს შეევედრნენ — ბენიაშენთან ერთად ჩვენც გვიმსახურეთო. ეგვიპტის გამგებელმა არ მიიღო მათი მსხვერპლი და დაიჭინა — მხოლოდ და მხოლოდ ბენიაშენი უნდა დაესაჯო. მაშინ იულა წინ წამოდგა და თამამად თქვა: „უფალო, შენ ჰკითხე მონათა შენთა და სთქვი: არა გივის მამა ანუ ძმა? და მოგიგეთ სიტყვა უფალსა ჩვენსა: გივის მამა მოხუცებული და ძმა ჩვენი, ძე სიბერისა მისისა. და თუ აწ მივიდეთ მონისა თქვენისა მამისა ჩვენისა თანა და ყრმა ეგე არა იყოს ჩვენ თანა, მოკვდეს იგი. აწ ვდგე მე მონად, ხოლო ყრმა ეგე აღვიდეს ძმათა თანა მამისა!“

იოსები დარწმუნდა, რომ ძმები ღირსეული აღამიანები იყვნენ და გრძნობა ვეღარ მოთოკა. მან ოთახიდან დაითხოვა ყველა ეგვიპტელი და ძმებს თავისი ვინაობა გაუმხილა. იოსებს დარბაისლის დიდებული იერი სულ გაუქრა. ისეთი ტირილი მორთო, რომ სასახლის ყველა კუნჭულში ისმოდა. ძმებს თავ-

ზარი დაეცათ. მათ სულაც არ გახარებიათ ეს ამბავი, პირიქით, დანაღვლიანდნენ, ვაითუ იოსებმა შური იძიოს ჩვენზე ჩვენი მუხანათობისთვისო. მაგრამ იოსები მათ სიყვარულით ეამბორა. განსაკუთრებით გულობილად ეხვეოდა უმცროს ძმას ბენიამენს. ძმები რომ მოისიყვარულა, სიხარულის ცრემლები მოიწმინდა და ძმებს სულმოუთქმელად უთხრა: „აწ ისწრაფეთ და უთხარიით ძამასა ჩემსა: ასე იტყვივს იოსებ, ძე შენი: მყო მე ღმერთმან უფლად ქვეყანასა ეგვიპტისასა. ნუ ჰყოვნებ, შთამოვედ და დაემკვიდრე ქვეყანასა გესემისასა. და იყავ მასლობლად ჩემდა შენ და ძენი, შენნი და ძენი ძეთა შენთანი, ცხვარი და ძროხა შენი. და მე დაგამკვიდრო მუნ, რათა არა მოსწყდეთ, რამეთუ ხუთ წელყოფად არს სიყმილი“.

უჩვეულო შესვედრის ამბავმა სწრაფად მიაღწია მეფის სასახლემდე. ფარაონმა წყალობის ნიშნად, იოსებს უფლება მისცა, გადმოეყვანა ქანაანიდან მთელი ოჯახი, ეტლები გაუგზავნა, მოსერსებულად იმგზავრებნო. იოსებმა ფარაონისაგან ნებართვა აიღო და უსვად დაასაჩუქრა მთელი თავისი ოჯახი. ბრძანა, ბენიამენისათვის მიეცათ სამასი თეთრი და ხუთი ზელი ტანსაცმელი, დანარჩენი ძმებისთვის კი ორ-ორი ზელი ტანსაცმელი; ძამას ტანსაცმლისა და ფულის გარდა სხვა ეგვიპტური საჩუქრებიც გაუგზავნა. საჩუქრებით დატვირთეს ათი ვირი, კიდევ ათს აჰკიდეს სორბალი და სხვა სურსათ-სანოვავე, რომ ეგვიპტეში დაბრუნებისას იაკობის ვაჟებს შიშშილი არ ეგრძნოთ. ძმები ქანაანში მივიდნენ და ძამას უამბეს, რაც ფარაონის სასახლეში გადახდათ. მან ჯერ არ დაუჯერა შვილებს, მაგრამ, როცა საჩუქრები იხილა, შვილების ნაამბობი ირწმუნა; სიხარულისაგან ატირდა და თქვა: „კმა არს ესე ჩემდა, რამეთუ ძე ჩემი იოსებ ცოცხალ არს. მივიდე და ვიხილო იგი ვიდრე სიკვდილადმდე“.

ისრაელის მოდგმა ნილოსის შესართავში დასახლდა. ისრაელის მოდგმა — სამოცდაექვსი კაცი, ეგვიპტისაკენ დაიძრა და ნილოსის შესართავთან გესემის მიწაზე შეჩერდა. ძამის მოხვლა რომ შეატყობინეს, იოსები ეტლით გაქანდა შესახვედრად და აცრემლებული მოესვია ძას.

აღვლევებულმა მოხუცმა იოსებს უთხრა: „მოვკვდე აწ, ვინაითუან ვახიდე პირი შენი, იოსებ“. შემდეგ ეგვიპტის გამგებელმა ძამა და ხუთი ძმა სასახლეში წაიყვანა და თავის მწყალობელს წარუდგინა: ფარაონმა დააკმაყოფილა ძმების თხოვნა და გესემის მიწაზე დასახლების უფლება მისცა. მან პატივისცემით გადახედა წაღძრა იაკობს, რომელსაც ფარაონის წინაშე ღირსეულად ეჭინა თავი. იაკობს შალის განიერი ტანსაცმელი ეცვა

და ხელთ მწყემსის არგანი ეპყრა. ფარაონმა კითხა: „რავდენ არიან წელნი შენნი?“ „წელნი მწირობისა ჩემისა ახ იცდაათი“, — უპასუხა მოსუცმა, მარჯვენა ხელი ალაყრო და ფარაონი დალოცა.

გესემის საძოვრები ნოყიერი და ბარაქიანი იყო. ებრაელმა ახალმოსახლეებმა სწრაფად აითვისეს ყამირი ადგილები. იაკობმა კიდევ ჩვილები წელიწადს იცოცხლა. სიკვდილის მოახლოება რომ იგრძნო, მოსებებს სთხოვა, დაესაფლავებინა იგი მამაპაპის გვერდით, მაქფელაში, მამბრეს ახლოს. სიკვდილის წინ იაკობმა ოჯახში მიიღო იოსებისა და ეგვიპტელი ქალის ვაჟები: მანასე და ეფრემი. დალოცა თავისი თორმეტი ძე, რომლებიც ებრაელთა თორმეტი ტომის მამამთავრები უნდა გამხდარიყვნენ, გადაბრუნდა კედლისკენ და ხული განუცხვია. ეგვიპტური წეს-ჩვეულების თანახმად, მისი გვამი დააბაღსამეს. დაკრძალვის ცერემონიალი ორმოც დღეს გაგრძელდა. შემდეგ კი, სამოცდაათი დღის განმავლობაში, მას მთელი ეგვიპტე სტიროდა. ქანაანში აბრაამის საფლავისკენ გაემართა ხალხმრავალი სამგლოვიარო პროცესია, რომელშიც ფარაონის ყველა დიდებულები მონაწილეობდა. კუბოს მისდევდნენ მოზარე ქალები. ისინი ისე შემზარავად მოთქვამდნენ, რომ ქანაანელები გაოცდნენ — ნეტავი რომელ გამოჩენილ ეგვიპტელს მარსავენ ჩვენშიო? იოსები შეიღიშვილებს მოესწრო და ას ათი წლისა გარდაიცვალა. სიკვდილის წინ მან გამოთქვა გულითადი სურვილი: თუ ისრაელის ერთი ოდესმე დაბრუნდება ქანაანში, დაე, წაიღონ ჩემი ნუშტი და იაკობის გვერდით დამასაფლავონო. იოსების გვამიც დააბაღსამეს ისევე, როგორც მამაპაპისა და ძველეგვიპტური წესის მიხედვით ჩაღეს კუბოში.

სალხური თქმულება თუ სიმართლე?

იოსებზე გავრცელებული თქმულება უძველესი დროიდან სარგებლობს დიდი პოპულარობით. იგი დამკვიდრდა იმ ხალხთა ფოლკლორში, რომლებიც ბიბლიაში პოულობდნენ თავის სულიერ საზრდოს. ამაში გასაკვირი არაფერია. ეს ხომ ტიპიური ხალხური თქმულებაა, რომელსაც მახვილი ფაბულა აქვს. იგი აღსავსეა უჩვეულო თავგადასავლებით; მას ზღაპრისათვის, შეიძლება ითქვას, ბალადისათვის, დამახასიათებელი მომხიბვლელობა ახლავს. მისი დასკვნითი მორალური შეგონება ზუსტად შეესაბამება მუდამ სამართლიანობის მონატრული, უბრალო, დაჩაგრული ადამიანის სულიერ მოთხოვნილებებს.

გარდა ამისა, ამ თქმულებას აქვს ერთი საგულისხმო თვისებაც — მკითხველი მასში ვერ შეხვდება მთლიანად ბოროტ ან მთლიანად კეთილ გმირს, აბსოლუტურად ბნელ ან აბსოლუტურად ნათელ ხასიათს. ახალგაზრდობაში იოსები აუტანელი, ყოყონა, თავგასული და მამის ნებიერი იყო. შემდგომ წლებში, ტანჯვის, მშობლიურ ოჯახზე დარდის გამო, იგი გამოიცვალა და სულიერი სიდიადე გამოავლინა. გაბოროტებულმა ძმებმა მას უნამუსოდ უღალატეს, მაგრამ ბოლოს გამოირკვა, რომ ისინი არსებითად ცუდი ადამიანები არ იყვნენ. მთელი სიცოცხლის განმავლობაში მათ სინდისი ქენჯნიდა, გულწრფელად უყვარდათ მოხუცი მამა და პატიოსნება ფულზე არ გაუცვლიათ. როცა ბენიამენს ბედი მონობას უქადა, მათ უდიდესი თავგანწირვა გამოიჩინეს — გადაწყვიტეს, გაეზიარებინათ მისი მწარე ხვედრი.

ადამიანის რთული ბუნების ასეთი ღრმა ცოდნა, ესოდენი შემწყნარებლობა ადამიანისა და მის მიერ ჩადენილი ცოდვების მიმართ, ნათელჰყოფს დიდ ცხოვრებისეულ სიბრძნეს, რაც უჩვეულოა საყოველთაო ბარბაროსობის ეპოქებისათვის. იოსებზე გავრცელებული თქმულების ავტორებს — ძველ მწყემს ებრაელებს — მკაცრი ადათ-წესები ჰქონდათ, უხეში ზნისანი და ცრუმორწმუნენი იყვნენ; მაგრამ მათ მაინც მიაღწიეს გრძნობათა სიმწიფესა და ადამიანის ფსიქოლოგიის ცოდნას, მიუხედავად იმისა, რომ მიუვალ კლდეებსა და ველებში ცხოვრობდნენ. რა თქმა უნდა, ზოგიერთი იტყვის, იოსების თავგადასავალი არ-

სებითად გვარიახული სოლიდარობისადმი მიძღვნილი ღითი-
რამბიანი, ასეთი ერთიანობა ახასიათებდა აღმოსავლეთის ხალ-
ხებს, სემიტებისათვის კი ბუნებრივი და სვედებრივი მოვლე-
ნა იყო. ასეთ მოსაზრებას შეიძლება დაეთანხმია, მაგრამ ეს
სრულიადაც არ გამოირიცხავს იმ ფაქტს, რომ ფაბულის განვი-
თარებასა და ხასიათების ხატვის მანერაში გვაოცებს მომწიფე-
ბული შეხედულებები მაშინდელ სამყაროზე. სწორედ ამ თვი-
სებათა წყალობით ინარჩუნებდა მარადიული სიახლას ძალას
თქმულება იოსების წარმატებებსა და უბედურებაზე, სწორედ
ამიტომ აღელვებდა იგი მარად ჟამს ადამიანთა ხელს.

მეცნიერები ვარაუდობდნენ, რომ პალესტინის მეზობელა
ხალხების ლიტერატურაში აღმოჩნდებოდა ამ ბიბლიური თქმუ-
ლების მონათესავე სიუჟეტი, რადგან მსგავსი რამ არა ერთგზის
მომხდარა.

ერთ დროს ეგონათ, რომ აოსებზე გავრცელებული თქმულე-
ბის ფესვები ეგვიპტის ლიტერატურას უკავშირდებოდა. ეგრეთ
წოდებულ დ'ორბინეის პაპირუსზე ამოიკითხეს იმ შორეული
ეპოქისათვის ტიპური მორალის შემცველი თქმულება: „ორი
ძმის ამბავი“. აქ მოთხრობილია ცოლიანი ანუბისისა და მისი
უმცროსი ძმის ბატას თავგადასავალი. ბატა უცოლო იყო და
უფროსი ძმის ოჯახში მუშაობდა. ერთხელ ანუბისის ცოლმა მი-
სი ცთუნება განიზრახა, მაგრამ ჭაბუკი აღშფოთდა და ქალს არ
აქყვა. ორგულმა ცოლმა ქმარს შესჩივლა — ბატამ ნამუსი ამხა-
და, თავის დაცვა ვცადე და დაუზოგავად მცემიაო. ანუბისი გა-
ცოფდა და ყოვლად უდანაშაულო ძმის მოკვლა დააპირა.

ეგვიპტური თქმულება მართლაც მოგვაგონებს იოსებისა და
პეტეფრეს ცოლის ამბავს. მაგრამ ეს არის და ეს; მსგავსება
მთავრდება ამ ეპიზოდთან, რომელიც ბიბლიური ფაბულის ერ-
თი მკირე ფრაგმენტია. ეგვიპტური ლიტერატურიდან მისი სეს-
ხების ფაქტი შეიძლება საეჭვოდაც კი მივიჩნიოთ. მოლაღატე
ცოლის, მრუშობის თემა იმ დროს ძალიან გავრცელებული იყო.
იგი მეორდება ძველი აღმოსავლეთის ხალხთა თქმულებებში და,
ალბათ, ქანაანშიც საკმარის მოიკიდა ფეხი. საბოლოოდ უნდა ვა-
ღიაროთ, რომ განთქმული ლეგენდა იოსების თავგადასავალზე,
თავისი განუმეორებელი ორიგინალობით, ებრაელთა ფანტაზიის
ნაყოფია.

მაგრამ არის თუ არა ეს თქმულება მხოლოდ ფანტაზიის
ანარეკლი? უღვეს თუ არა საფუძვლად რაიმე ნამდვილი ფაქტი
ბიბლიურ თქმულებას? ხომ ცნობილია, რომ ხალხური ტრადი-
ცია ღირსსამახსოვრო ისტორიულ ფაქტებს ლეგენდის სამო-
სელში ახვევს და ხშირად ისე ასხვავებებს მათ, რომ ძნელია
სინამდვილის გამოხატვისაგან გარჩევა. შესაძლოა, იოსების
თავგადასავალი ლეგენდარულია, მაგრამ ეს არ გამოირიცხავს

იმას, რომ ებრაელთა რომელიღაც შტო მართლაც დასახლდა ეგვიპტეში, სადაც ცუდად როდი ცხოვრობდა. ისიც საკარაუდებელია, რომ ეს ახალმოსახლენი იაკობი და მისი შვილები იყვნენ, და რომ ერთ-ერთმა მათგანმა, იოსებმა, წარჩინებას მიაღწია ფარაონის კარზე.

მეცნიერები თავს იმტვრევენ ამ საკითხებზე, მაგრამ რადგან ხელთ არა აქვთ არავითარი ისტორიული საბუთები, იძულებული არიან, დასჯერდნენ დედუქციური მეთოდის გამოყენებით გამომუშავებულ ჰიპოთეზებს. მიყვებით მათი მსჯელობის მსვლელობას. ეს უჩვეულოდ წარმტაცი ექსკურსიაა. იგი ჩაგვახედებს იმ ხერხების საიდუმლოებაში, რომელსაც მეცნიერები ისტორიის აღსადგენად იყენებენ. გარდა ამისა, იგი გვაგრძნობინებს იმ ესთეტიკურ სიამოვნებას, რომელსაც ადამიანი განიცდის ხოლმე დაქსაქსული მონაცემების ანალიზის საფუძველზე პრობლემის ლოგიკურად გადაწყვეტის ჟამს. სკრუპულოზურმა გამოთვლამ (მის ახსნას სირთულის გამო არ შევუდგებით) მეცნიერთა შორის განამტკიცა აზრი, რომ იაკობი აბრაამზე ორასორმოცდაათი წლით გვიან ცხოვრობდა. თუ ეს ნამდვილად ასეა, მაშინ იოსების თავგადასავალი ეკუთვნის დაახლოებით XVII საუკუნეს ჩვენს წელთაღრიცხვამდე. მეცნიერთა მიერ დასახელებული თარიღები მერყეობს 1730—1630 წლებს შუა (ჩე. წ.—მდე). ცოტა ხნით ადრე კი ეგვიპტემ, თავისი დიდი ხნის ისტორიის მანძილზე, ყველაზე ქარიშხლიანი პერიოდი განიცადა. დაახლოებით 1780 წელს ქვეყანა რევოლუციურმა მოვლენებმა შეძრა. დიდ ფეოდალურ სამფლობელოებში აჯანყდა ხალხი — გლეხები, მოხელეები, ჯარისკაცები, მონები. დამონებულმა მოსახლეობამ ერთ ხანს სახელმწიფოს მართვა-გამგებლობაც კი იგდო ხელთ. ამ აფეთქების შედეგები დიდ ხანს არ გამაქრალა და ძვ. წ. XVII საუკუნეში ეგვიპტის პოლიტიკური სიმტკიცე ძალიან შეირყა.

პოლიტიკური დაცემის ჟამს ქვეყანას საშინელი უბედურება მოეკლინა. აღმოსავლეთიდან დაიძრა აურაცხელი უცხო ჯარი და მთის ზეავივით დაატყდა თავს ეგვიპტეს. რკინის აბჯრით შემოსილი და გრძელი მახვილებით შეიარაღებული დამპყრობლები ელვის სისწრაფით მოქროდნენ ცხენებშებმული საომარი ეტლებით. ეგვიპტელებისათვის ომის ასეთი წესი უცხო იყო მათ თავგზა აუბნია გაქაფულმა ცხენებმა, საომარმა ეტლებმა და წვეტიანმა შუბებმა. ისინი კი ქვეითნი და თითქმის შიშველნი იბრძოდნენ. სანამ ეგვიპტელი ჯარისკაცები შუბების, შურდულებისა და მშვილდების მომარჯვებას მოასწრებდნენ, მათ უკვე თელავდა ცხენთა ფლოქეები და ჭყლეტდა საომარი ეტლების ბორბლები. ეგვიპტელები უმწეონი აღმოჩნდნენ. დამპყრობელთა ბრძოლის ტემპი მათთვის მიუწვდომელი იყო. საუკუნე-

თა განმავლობაში უძლეველი ეგვიპტის სახელმწიფო გაცამტვერდა და ფარაონთა დიდება თითქმის ორა საუკუნისა წაქრა.

დამპყრობლები ჰიქსოსები იყვნენ. მათმა ბელადებმა გადაიღეს ფარაონთა ძალაუფლების ყოველი გარეგნული აღნიშვნა და დაახლოებით საუკუნენახევარი დაჰყვეს დამარცხებულ ქვეყანაში. ისინი ცეცხლითა და მახვილით ახშობდნენ ყოველგვარ წინააღმდეგობას. მართალია, ჰიქსოსებმა ღიკავეს მხოლოდ ქვედა ეგვიპტე ნილოსის შესართავისურთ, მაგრამ ზემო ეგვიპტის პროვინციათა მმართველებიც მათი მოხარკენი გასდნენ.

ეგვიპტის ახალი მმართველების დღაქალაქი გახდა ნილოსის შესართავის აღმოსავლეთით მდებარე ქალაქი ავირისი.

სახელწოდება „ჰიქსოსებს“ სხვადასხვაგვარად განმარტავენ. ოდესღაც მიანდათ, რომ იგი ნიშნავდა „უდაბნოს ბელადებს“ ან „მწყემსთა მეფეებს“. ბოლო გამოკვლევებმა ცხადყვეს, რომ იგი უფრო „უცხო ქვეყნების მეფეებად“ უნდა ითარგმნოს. ჰიქსოსები სემიტები იყვნენ და, ალბათ, ძველბრაჟული ენის აღრეული ფორმის მახლობელ ენაზე ლაპარაკობდნენ. სკარაბთა წარწერები გვამცნობენ, რომ ჰიქსოსთა ბელადებს ნამღვილი სემიტური სახელები ერქვათ; მაგალითად: ანათერი, ჰიანი და იაკობერი; ოღონდ ვარაუდობენ, რომ ჰიქსოსები მეგრძოლთა სათავეში მდგომ მცირე ჯგუფს შეადგენდნენ. ჯარისკაცთა მასას კი წარმოადგენდა უღისციპლინო ბრზო — უდაბნოებსა და მთებში მცხოვრები სხვადასხვა ტომის წარმომადგენელი და სხვადასხვა ენაზე მოლაპარაკე ხალხი — მმარცველები და ავანტიურისტები. ესენი იყვნენ მტაცებლები, სისხლით გაუმაძღარი ყანადები, რომლებმაც კალიის გუნდებივით მოაოხრეს ეგვიპტე.

როგორც ჩანს, ჰიქსოსების შემოსევა იყო შედეგი მესოპოტამიაში მომხდარი უზარმაზარი ეთნიკური ძვრებისა, ხალხთა და ტომთა გადანაცვლება და მოძრაობა აქ უხსოვარი დროიდან მიმდინარეობდა და არ წყდებოდა. ისე, როგორც ცეცხლზე შემდგარ ქვაბში არ წყდება მღულარე წყლის ქაფქაფი. მეორე ათასწლეულში ამ ტერიტორიაზე შემოიჭრნენ აზიური ტომები ხურიტებისა, რომლებმაც სირიისა და პალესტინისაკენ დაახვეინეს სემიტურ ხალხებს და მათ შორის ჰიქსოსებსაც. იერიქონის არქეოლოგიურმა გათხრებმა ცხადყვეს, რომ რამდენიმე ხნის განმავლობაში ეს ძველი ქალაქი ჰიქსოსებს ეკავათ. ამრიგად, შეიძლება ვივარაუდოთ, რომ პალესტინაც ეგვიპტის დამპყრობელთა ხელთ იყო.

ისმის კითხვა — რა კავშირი აქვთ ამ მოვლენებთან იოსებსა და მის ძმებს? თანამედროვე მეცნიერები ერთხმად აღიარებენ, რომ სამოცდაათი ებრაელის გადასახლება ეგვიპტეში ჰიქსოსთა ზატონობის პერიოდს ემთხვევა. იაკობის მოღვმა ან დამპყრობთა საერთო ტალღამ გაიყოლა, ანდა, შესაძლოა, იგი ეგვიპტეში

მას შემდეგ მოვიდა, რაც ქვეყანას ჰიქსოსები დაეპატრონენ. იაკობსა და მის მოდემას აქ პატივით შეხვდნენ, რადგან ისინი წარმოსობით ახლოს იყვნენ ოკუპანტებთან, ჰიქსოსებს კი, როგორც ჩანს, უნდოდათ, რაც შეიძლება მეტი აზიელი მიეზიდათ დაპყრობილ ქვეყანაში. ებრაელი ისტორიკოსი იოსებ ფლავიოსი ჰიქსოსებს თავის წინააღმდეგ იხსენიებს. ძვ. წ. XVI საუკუნის ეგვიპტურ ტექსტებში კი მოხსენებულია ქანაანელი მომთაბარე ტომები, რომლებიც ეგვიპტეში დასახლდნენ.

ამ პოლიტიკურ ფონზე ბიბლიის ზოგიერთი საეჭვო ეპიზოდი ლოგიკურ განმარტებას ჰპოვებს. უპირველეს ყოვლისა, გასაგები ხდება იოსების დანიშვნა ფარაონის მოადგილედ. ძნელი წარმოსადგენია, რომ დიდგვაროვან ეგვიპტელებს ჩვეულებრივ პირობებში დასტური მიეცათ ერთ-ერთი საძულველი აზიელის ასეთ მაღალ თანამდებობაზე დანიშვნისათვის. „დაბადებაში“ ებრაელებზე სიტყვასიტყვით წერია: „რამეთუ საძაგელ არს მეგვიპტელთათვის ყოველი მწყემსი ცხოვართა.“ (შდრ. დაბ. თ. 46, მ. 34). იოლი გასაგებია, რომ ჰიქსოსი ფარაონები იჭვის თვალთ უყურებდნენ ადგილობრივ მცხოვრებლებს და გაცილებით უფრო ენდობოდნენ ქანაანიდან მოსულ, ენითა და წარმოსობით მახლობელ აზიელებს. ზოგჯერ თვით ეგვიპტელი ფარაონებიც კი ასეთ დამოკიდებულებას იჩენდნენ ცალკეული პიროვნებების მიმართ. ფარაონი ეხნატონი — მონოთეიზმის შემქმნელი, მზის ღმერთის ატონის თაყვანისმცემელი (1377-1352 წლები ჩვენს წელთაღრიცხვამდე) ებრძოდა ქურუმებს, არისტოკრატებსა და საზოგადოების ფართო წრეებსაც კი, რომლებიც ტრადიციული ღმერთის ამონის ერთგულნი დარჩნენ. ასეთ შემთხვევაში იგი თანამებრძოლებად არჩევდა დაბალი ფენების წარმომადგენლებს, რომელთაც უფრო ენდობოდა. მისი ერთ-ერთი დიდებულის აკლდამაზე აღმოჩნდა ასეთი წარწერა: „მე, როგორც მამის, ასევე დედის მხრიდან მდაბიო ვიყავი, მაგრამ მეფემ წელში გამმართა და დამაწინაურა. მე ვიყავი ღარიბ-ღატაკი და მან თავისი გულუხვობით ყოველდღიური საზრდო გამიჩინა. განმიკითხა კაცი, რომელიც ოდესღაც ლუკმაპურს ვმათხოვრობდი“.

თელ-ამარნაში (ამ ფარაონის დედაქალაქის ნანგრევებში) აღმოჩნდა სარკოფაგი დიდებულისა, რომელიც ეხნატონთან მსახურობდა. დიდებულს ნეჭეში ერქვა. იგი აზიელი იყო. ეხნატონის ვეზირი იანჰამუ, მიუხედავად იმისა, რომ სემიტურ რასას ეკუთვნოდა, სამეფო კარზე ყოვლისშემძლე კაცი გახდა.

აღნიშნული ფაქტების მიხედვით თუ ვიმსჯელებთ, იოსების თავბრუდამხვევ კარიერაში საეჭვო არაფერი იყო. თუმცა იგი ეგვიპტეს მართავდა ოკუპანტისათვის დამახასიათებელი ჩაგვრა-დაბეჩავეების პოლიტიკის შესაბამისად. მან მოხერხე-

ბულად ისარგებლა შეიღწილიანი შიმშილობით და ხალხს პურში ჯერ ოქროს ახდევინებდა, შემდეგ ვერცხლისა და ძვირფას ნივთებს; მერე ართმევდა მიწას, ბოლოს კი — პირად თავისუფლებას. ამგზობით იოსებმა დაარბია და დაიმონა დამოუკიდებელი მიწის მუშები და მიწათმფლობელთა კლასს ძალა გამოაცალა. მთელი მიწა და მუშახელი ფარაონის საკუთრებად იქცა. ალბათ ამ დროიდან იწყება ეგვიპტეში მეფის ძალაუფლების შეუზღუდელობა. მხოლოდ ქურუმებმა აიცდინეს ის მწარე ხეყდრი, რაც დანარჩენ მოსახლეობას არგუნა ბედმა. მათ თვითონვე დააგროვეს სურსათის მარაგი თავის დიდ მამულებში. ჰიქსოსები გრძნობდნენ მათ გავლენიანობას და წინააღმდეგობას არ უწევდნენ. ამრიგად, იოსების წყალობით ეგვიპტეში მოხდა ღრმა ეკონომიური რევოლუცია, რომელსაც დიდი შედეგები მოჰყვა.

ჩვენ უკვე აღვნიშნეთ, რომ ეგვიპტე თავისი არსებობის მანძილზე მრავალ სისხლიან რევოლუციას მოესწრო. ამ რევოლუციათა ტრადიციები დაჩაგრული მასების შეგნებაში ცოცხლობდა. აჯანყებათა უშუალო მიზეზი იყო ხოლმე დიდი შიმშილობები, რაც პერიოდულად მეორდებოდა. აჯანყებათა ბოიქორ მსვლელობაზე მეტყველებს ლექსის ფორმით შესრულებული წარწერა ლეიდენის ჰაპირუსზე. იგი ეკუთვნის მდიდარ ეგვიპტელს იპუვერს. წარწერაში გვხვდება ასეთი ფრაზა: „ლათაკები გამდიდრდნენ, ის კი, ვისაც წინათ ხამლიც არ ღირსებია, ახლა განძის მფლობელი გახდა“. აი, კიდევ ერთი ფრაგმენტიც. „დიდებულთა შეილებს კედელზე ასრესენ, ყველანი გარბიან ქალაქიდან... ვისაც კედელთან ჩრდილში ძილი ენატრება, საგრილობელის მესაკუთრე გახდა, ვისაც ნავი არ ჰქონია, ხომალდებს დაეპატრონა, ვისაც ლუკმაპური არ გააჩნდა, ხორბლით სავსე ბელელს შეჰხარის, ვისაც წინათ, სიღარიბის გამო, უცოლოდ ეძინა, ახლა დიდგვაროვან ცოლს ირთავს“. აი, კიდევ ერთი მრავლისმეტყველი ციტატი: „მეფის დედაქალაქი ერთ საათში დაიპყრეს. ღარიბებმა მეფე დაატყვევეს, სასახლის მსახურნი განდევნეს, მოხელეები დახოცეს და მათი საბუთებო ხელთ იგდეს“.

ჰიქსოსთა ფარაონს უთუოდ აფიქრებდა ეგვიპტის რევოლუციური ტრადიციები, ამიტომ შიმშობდა, რომ ხალხთა მასების ახალ აჯანყებას არ შეერყია მისი ძალაუფლება. ეს ამბავი მოსალოდნელი იყო, რადგან იგი უცხო და ამასთანავე საზიზღარი დესპოტი გახლდათ: ამრიგად, როცა იოსებმა მომავალი შიმშილისაგან თავის დასაღწევი გზა უჩვენა მეფეს, მან იგი განგებისაგან მოვლენილ კაცად მიიჩნია. სწორედ ამით აიხსნება იოსების განსაკუთრებული, პრივილეგიური მდგომარეობა სასახლის კარზე და ის დიდი მოწყალება, რითაც იგი აღავსო ფარაონმა.

სკეპტიკურად განწყობილი კაცი შეიძლება შემოგვედლოს —

ეს ხელოვნური მსჯელობა ეყრდნობა მხოლოდ ბიბლიის ლა-
კონურ თხრობასა და ვარაუდებს, რადგან მტკიცედ არაა დადგე-
ნილი, რომ ისრაელიტელები ეგვიპტეში დასახლდნენ ჰიქსოსე-
ბის ბატონობის უკამს. ბიბლიის ქრონოლოგია მეტიმეტად
პრობლემატურია და ამიტომ შეუძლებელია გადაჭრით თქმა
იმისა, თუ სახელდობრ როდის მოხვდნენ ეგვიპტეში იაკობი და
მისი მოდგმა. ეს შეიძლებოდა მომხდარიყო ჰიქსოსების შემო-
სევამდეც და მათი განდევნის შემდეგაც.

ამ ეჭვებს აქარწყლებს ფრანგი ეგვიპტოლოგის პიერ მონ-
ტეს წიგნი — „ეგვიპტე და ბიბლია“, რომელშიც ავტორი ღრმა
მეცნიერულ ანალიზს უკეთებს ბიბლიურ ტექსტებს. მონტე
მკითხველებს სთავაზობს ასეთ დაკვირვებებს:

იაკობი, როგორც ვიცით, დასახლდა ნილოსის შესართავის
აღმოსავლეთით მდებარე გესემის მიწაზე. ფარაონის მოადგი-
ლე იოსები, ცხადია, ცხოვრობდა დედაქალაქში, მეფის მახ-
ლობლად. მამისა და ძმების მოსვლა რომ შეიტყო, იგი დაუყო-
ნებლივ გაემგზავრა ეტლით მათ შესაგებებლად. შემდეგ დაბ-
რუნდა ფარაონთან და მამისა და ძმების შესახვედრად
გამგზავრების ამბავი მოახსენა. ბიბლიაში სავსებით აშკარად
ჩანს, რომ ყოველივე ეს თუ ერთ დღეში არა, ყოველ შემთხვე-
ვაში, ძალიან მცირე ხნის განმავლობაში მოხდა.

დაბადების წიგნში ნათქვამია, რომ იოსები მამას დაჰპირ-
და — გესემის მიწაზე, ესე იგი ჩემს ახლოს დაგასახლებო (დაბ.
თ. 45, მ. 10). აქედან თავისთავად გამომდინარეობს დასკვნა —
დედაქალაქი, რომელშიც იოსები ცხოვრობდა, გესემის ტერი-
ტორიასთან ახლოს, ესე იგი თვით შესართავთან უნდა ყოფი-
ლიყო. ეს დედაქალაქი ვერავითარ შემთხვევაში ვერ იქნებოდა
მემფისი, თებე ან ფაიუმი. ეს ქალაქები გესემიდან ძალიან
შორს მდებარეობდნენ და იოსებს იქამდე რამდენიმე დღე უნდა
ეელო ეტლით. გარდა ამისა, ფრანგი მეცნიერი მასპერო ამტკი-
ცებს, რომ ეგვიპტეში, ცუდი გზების გამო, შორ მანძილზე
ეტლით არავინ მგზავრობდა. საამისოდ იყენებდნენ ბრტყელ-
ძირიან ნავეებს და მიჰყვებოდნენ მთავარ საკომუნიკაციო არტე-
რიას — ნილოსს.

ყველაფერი, რაც ზემოთ ჩამოეთვალეთ, ავარიისისაკენ, ჰიქ-
სოსთა დედაქალაქისაკენ გვაძლევს გეზს. ჩვენ უკვე ვიცით,
რომ ავარიისი ნილოსის შესართავთან მდებარეობდა. ამას ამტკი-
ცებს ის ფაქტი, რომ ამ ქალაქის ნანგრევები, ჰიქსოსთა მრავალ
საბეჭდავთან ერთად, ამოთხრილია თანამედროვე სოფლის სან-
ელ-ჰაგარის მახლობლად. თუ იოსები ავარიისის მბრძანებელი
იყო, მაშინ მისი ცხოვრების ისტორია უეჭველად ჰიქსოსთა
ბატონობის ეპოქის საზღვრებში უნდა ჩავტიოთ. უფრო გვი-
ანდელი თარიღი სრულიად გამორიცხულია, რადგან დამპყრობ-

თა განდევნის შემდეგ XVIII დინასტიის დიდგვაროვანმა ფარაონებმა დედაქალაქი თებეში გადაიტანეს. როგორც ვხედავთ, ჰიქსოსებზე შექმნილი თეორია სავსებით სოლიდურ საფუძვლებს ემყარება. ამიტომაც აღიარებს მას ახლა ბევრი მეცნიერი.

ბიბლიურ თქმულებაში ეგვიპტური წეს-ჩვეულებები გასაოცარი ისტორიული სიზუსტითაა გადმოცემული. უპირველეს ყოვლისა, ეს ეხება დაკრძალვის წესებს, იაკობისა და იოსების დამარხვას რომ უკავშირდება. მათ გვამებს ორმოცი დღეა განმავლობაში აბალზამებდნენ, მუმიები კი ხის კუბოებში ჩადეს. ჰეროდოტე გვამცნობს, რომ დაბალზამების პროცესი ეგვიპტეში ორმოც დღეს გრძელდებოდა. ამასვე ამტკიცებს მეფეთა და დიდებულთა აკლდამებში ნაპოვნი პაპირუსების ტექსტებიც.

გავიხსენოთ: იოსებს ფარაონთან გამოცხადებამდე წვერი გაბარსეს. ეს, თითქოსდა, წერილმანი ფაქტი მრავლისმეტყველია. იგი ერთხელ კიდევ გვიჩვენებს, რომ ტექსტის ავტორი ეგვიპტურ წესს კარგად იცნობდა. ეგვიპტეში არავის არ ჰქონდა წვერის ტარების უფლება. ეს პრივილეგია ეკუთვნოდა მარტა ფარაონს და ისიც მხოლოდ ხელოვნურ წვერს ატარებდა. ებრაელი იოსებ ალბათ წვერს მოუშვებდა და ამიტომაც გაპარსეს, რასაც ფარაონის სასახლის ეტიკეტი მოითხოვდა. ეგვიპტეში ითქმის ფარაონის მოადგილედ იოსების დანიშვნაზეც. საზეიმო ცერემონიალი წარიმართა იმ წესის მიხედვით, რომელსაც ჩვენ ვიცნობთ აკლდამებში აღმოჩენილი პაპირუსებისა და სურათების მიხედვით. ახალმა დიდებულმა ფარაონის ხელით მიიღო მაღალი წოდების საკადრისი საპატიო საჩუქრები: ძვირფასი ყელსაბამი, საუცხოო ტანსაცმელი. გარდა ამისა, მას ფარაონმა დიდგვაროვანი ქალიც მისცა ცოლად. საზეიმო სვლის დროს მეფის ნაცვალის იჯდა სასახლის მოოქრულ ეტლში და ფარაონის ეტლს მიჰყვებოდა. ეგვიპტელებმა ჰიქსოსებისაგან ისწავლეს ცხენების ეტლში შებმა და ეს ცერემონიალი მათი განდევნას შემდეგაც შემორჩათ.

საყურადღებოა ისიც, რომ ბიბლიურ თქმულებაში ნახმარი სახელები ტიპიური ეგვიპტური სახელებია. ფარაონმა იოსებს უწოდა ფონთო ფარნეკი; რაც ნიშნავს: „ღმერთი ბრძანებს — დღევრძელი იყოს“. იოსების ცოლს ერქვა ასენეთი, რაც ნიშნავს: „ქალღმერთ ნეთის კუთვნილება“ (მას თაყვანს სცემდნენ ნილოსის შესართავში). პეტეფრე (ებრ. ფოტი ფარ), დამახინჯებული ფორმაა „ჰა-დი-ჰა-რე“ სახელისა, რაც ნიშნავს: „ის, ვინც (ღმერთმა) რამ გვიბოძა“.

ბოლოს ისიც უნდა აღვნიშნოთ, რომ იოსების ცხოვრებაზე გავრცელებული თქმულება ნათელ წარმოდგენას გვიქმნის ეგვიპტის ტოპოგრაფიაზე. ეს დაწერილებითი ცნობები მიგვა-

ნიშნებზე გესემის ტერიტორიის მდებარეობაზე და საშუალებას გვაძლევენ, ზოგი არაპირდაპირი ნიშნის მიხედვით გავარკვიოთ, თუ რომელ დედაქალაქში ცხოვრობდა იოსები.

მოკლედ რომ ვთქვათ, მასალამ, რომლისგანაც აუცილთ ეგვიპტური დეკორაცია, ნამდვილად გაუძლო თანამედროვე მეცნიერულ გამოცდას. საეჭვოა, დღეს ღირდეს თავისტეხა იმაზე, იყო თუ არა იოსები ისტორიული პიროვნება. არავითარ ეჭვს არ იწვევს ის ფაქტი, რომ თქმულება უშუალოდ ეგვიპტეში შეიქმნა. მისი ავტორები იყვნენ ადამიანები, რომლებიც დეტალურად იცნობდნენ ამ ქვეყანას და უდავოდ დიდხანს ცხოვრობდნენ აქ. ეს გარემოება ადასტურებს ფაქტს, რომ ებრაელთა რომელიღაც შტო, შესაძლოა, იაკობის მოღვმა, ნამდვილად დასახლდა ნილოსის შესართავში, გესემის ნაყოფიერ მიწაზე.

ასიც არ არის გამორიცხული, რომ ბიბლიური თქმულება ისტორიული მოვლენის გამოძახილი იყოს. ეგებ ერთ-ერთმა ებრაელმა, რომელსაც სახელად იოსები ერქვა, ნამდვილად მიიღო მაღალი თანამდებობა ფარაონის კარზე. უფრო გვიან კი მის შესახებ ლეგენდა შექმნეს ებრაელებმა, რომელთაც თავი მოჰქონდათ თავისი წინაპრის წარმატებით*.

თუ ეს ასე იყო, რატომ ერთხელ მაინც არაა მოხსენებული იოსები ეგვიპტურ ქრონიკებში? სვეულღებრივ, ეს ქრონიკები ზედმიწევნით დაწვრილებით და დეტალურადაა შედგენილი. სემიტის დანიშნა ფარაონის ნაცვლის თანამდებობაზე მეტი სმეტად მნიშვნელოვანი მოვლენაა და ამ ფაქტისადმი უყურადღებობა ქრონიკების ხასიათს არ შეესაბამება. ეგვიპტურ ისტორიოგრაფიაში ასეთი ხარვეზი საეჭვო ჩანდა და იოსების რეალურობასაც საეჭვოს ხდიდა.

მაგრამ არ შეიძლება დავივიწყოთ ერთი მნიშვნელოვანი რაზმ; ჰიქსოსებმა ისეთი სიძულვილი დაიმსახურეს, რომ ეგვიპტელები ერთიანად ანადგურებდნენ ყველაფერს, რაც კი მათი ბატონობის ხანას ახსენებდათ. მემატთანენიც კი დუმილით უვლიან გვერდს ჰიქსოსთა ბატონობის, ეგვიპტის ტანჯვისა და დამცირების პერიოდს. ეგვიპტური ისტორიული ქრონიკები მოულოდნელად წყდება ძვ. წ. 1730 წელს. მათი გაგრძელება გვაქვს მხოლოდ ძვ. წ. 1580 წლიდან. ამ ასორმოცდაათწლიანი ისტორიის წაშლამ იმსხვერპლა იოსებიც — ჰიქსოსთა პოლიტიკის ბრმა აღმსრულებელი, პასუხისმგებელი დიდი ეკონომიური გადატრიალებებისათვის, რომლებიც ეგვიპტელებს ჭკუაში არ უჯდებოდათ. იოსების მოქმედება მოგვიანებით მიძიმე ტვირთად დააწვა ისრაელიტელებს, რომლებიც მისი სიკვდილის შემდეგ კიდევ დიდხანს დარჩნენ გესემის მიწაზე*.

მონური შრომა. იაკობის შთამომავლობა სრული ოთხი საუკუნე მკვიდრობდა გესემის მიწაზე. ებრაელები თავს ლაღად გრძნობდნენ და სწრაფადც მრავლდებოდნენ. მაგრამ ამასობაში ეგვიპტის ტახტი დაიკავა ახალმა ფარაონმა. მან არაფერი იცოდა იოსების ღვაწლის შესახებ და ებრაელ მწყემსთა მოღვმის გამრავლებამ იგი შეაშფოთა. ახალ ფარაონს ებრაელები მიაჩნდა აზიელებად, უცხოელებად და სახელმწიფოსათვის საშიშ ხალხად. ფარაონმა მოხელეებს უთხრა: „აჰა, ნათესავი ძეთა ისრაელისათა მრავალ არს უფროის ჩვენსა. ბოროტი ვუყოთ მათ, რათა არა გამრავლდნენ და შეერთდნენ მტერთა ჩვენთა ბრძოლასა შინა და ეგრეთ განვიდენ ქვეყანით ჩვენით“. ფარაონმა ნილოსის შესართავში გააშენა თავისი დედაქალაქი რამესე, აგრეთვე ქალაქი პითონი სამხედრო საწყობებისათვის და მარცვლეულის შესანახად. უიარალო ებრაელები უდიდეს იაფ სამუშაო ძალას წარმოადგენდნენ და აი, ფარაონის ბრძანებისამებრ, ისინი სამშენებლო მოედნებზე გამოიყენეს; აიძულეს, ეზილათ თიხა და გამოეწეათ აგური.

ასე შრომობდნენ ებრაელები დღე და ღამ მზის ცხარე სხივებით დამწვარნი და ხელკეტიანი ზეღამხედველების მიერ გვემულნი. მაგრამ ფარაონს მოლოდინმა უმტყუნა. ისრაელის ძენი საუკუნეების განმავლობაში გამოიწვრთნენ, შეეჩვივნენ ბედის უკუღმართობას და დევნისა და აუტანელი პირობების მიუხედავად მაინც მრავლდებოდნენ. განრისხებულმა მბრძანებელმა გამოუძახა ორ ებრაელ ყრმის ამქმელს — ბებიაქალს (მეტი არც ჰყავდათ ებრაელებს) და მკაცრად უბრძანა, დაეხოცათ შამრობითი სქესის ყველა ახალშობილი. ქალებმა მშვიდად მოისმინეს ბრძანება, მაგრამ გესემში რომ დაბრუნდნენ, ფიქრდაც არ მოსვლიათ, ახალშობილები დაეხოცათ და ამით თავი შეერცხვინათ. ფარაონმა მალე შეიტყო ბებიაქალების ურჩობა: გაიგო, რომ მათ

მისი დავალება ცალ ყურში შეუშევს და მეორეში გაუშევს. ბრძანა, ახლავე აქ მომგვარეთ, რომ ორივენი დაესაჯო. ქალები დაკითხეს, მაგრამ ისინი თამამად და მოხერხებულად იმართლებდნენ თავს — მელოგინეები ჩვენს სამსახურს აღარ საჭიროებენო. სიმართლის დასამტკიცებლად მათ ფარაონს უთხრეს: „დედანი ებრაელთანი არ არიან, ვითარცა დედანი ეგვიპტელთანი; შობენ ისინი ვიდრე შესვლამდე ყრმის ამქმელთა და მერმეღა გვისმობენ ჩვენ“.

ფარაონი ვერაფერს გახდა და ბებიაქალები უვნებლად გაუშვა შინ. ისრაელიტელებმა მამაც ქალებს მადლობის ნიშნად მშვენიერი სასაღებო აუშენეს. ფარაონს მაინც არ აუღია ხელი თავის ბოროტ განზრახვას. ჯალათებს უბრძანა, დედებისთვის წაერთმიათ ასაღშობილი ვაჟები და ნილოსში დაესრიათ. გესემის მიწა კენესა-გოდებას აავსო, თითქოსდა დადგა იაკობის შაამომავალთა განკითხვის დღე.

სასწავლმებრივი სხნა². ლევის ტომის ერთ ცოლქმარს ჰყავდა ორი შვილი — აპრონი და მარიამი. უმცაერესი დევის ჟამს მათ მესამე შვილი შეეძინათ. საუბედუროდ, დაიბადა ძე, ამიტომ იგი წინასწარ განწირული იყო ნილოსში დასახრჩობად. დედა სასოწარკვეთილებას მიეცა და, მიუხედავად იმისა, რომ მკაცრი სასჯელი მოელოდა, გადაწყვიტა, შვილი ეგვიპტელი ჯალათებისათვის დაემალა. სამი თვის განმავლობაში სახლის ყველაზე ბნელ კუნჭულში აწოვებდა ძუძუს. ბავშვი ძალიან სწრაფად იზრდებოდა და ამან შეუშალა დედას ხელი ჩანაფიქრის აღსრულებაში. პატარა ბიჭი ფესებს ღონივრად იქნევდა, მისი ხმამაღალი ტირილი და ტიტინი შორს ისმოდა. სოფელში მოწანწალე ფარაონის მოხელეებს ყოველ წუთს შეეძლოთ, მისთვის მიეჩნოთ და ოჯახში უბედურება დატრიალდებოდა.

დედამ ხერხი იხმარა: მან იცოდა, რომ მდინარის ერთსა და იმავე ადგილას ყოველდღე ბანაობდა ფარაონის ასული. იგი დიდად თანაუგრძნობდა დევნილ ისრაელიტელებს. დედას დიდხანს აღარ უფიქრია, ბავშვი კალათაში ჩასვა, კალათა ფისით ამოლესა და ლერწმიანისაკენ გაეშურა. იგი დარწმუნებული იყო, რომ ფარაონის ასული სულ ადვილად იპოვნიდა კალათას. დედამ მარიამს დაავალა, ფხიზლად ედევნებინა თვალყური კალათისათვის. ყველაფერი იხე მოხდა, როგორც დედა ვარაუდობდა. ბანაობის შემდეგ ფარაონის ასულმა მხევალთა თანხლებით სანაპიროს გასწვრივ გაისეირნა. უეცრად ბავშვის ტირილი გაიგონა და მხეველებს უბრძანა, ლერწმიანი მოეხილათ, მის გაოცებას საზღვარი არ ჰქონდა, როცა ფეხით დაუდგეს კალათა, რო-

მელშიც მტირალი ყრმა იყო. იგი ნაზად დაახარა მიგდებულ ბავშვისაკენ, მოეყურა და სცადა დაეწყინარებინა. ფარაონის ასული მაშინვე მიხვდა, რომ ყრმა ებრაელი იყო და, რადგან გულის სიღრმეში კიცხავდა მამის არაადამიანურ ბრძანებას, გადაწყვიტა ბავშვისათვის მფარველობა გაეწია. შორიდან მოთვალთვალებე მარიამი ფარაონის ასულს ეახლა და ვითომდა ნაპოვნი ბავშვისთვის ძიძის გამონახვა შესთავაზა. თანხმობა რომ მიიღო, გახარებული გაქანდა შინ, დედასთან. აი, ასეთი შემოვლითი გზით ბავშვი მშვიდობიანად დაუბრუნდა დედის კალთას. მას აღარ ეშუქებოდა ნილოსის მორევში დახრჩობა, რადგან ჯალათები ფარაონის ასულის სიტყვას წინ ვერ აღუდგებოდნენ.

გავიდა რამდენიმე წელი. ყრმა წამოიზარდა. დედამ ჭაბუკი სასახლეში წაიყვანა. ფარაონის ასულმა იშვილა პატარა ებრაელი და მოსე დაარქვა. ამიერიდან მოსე სასახლეში ისე იზრდებოდა, როგორც სამეფო გვარის ჩამომავალს შეშვენის. ეცვა წმინდა სელის ქსოვილის ძვირფასი ტანსაცმელი, დადიოდა ტაძარში, სადაც მას ქურუმები ასწავლიდნენ და თავისი მეცნიერების საილუმოებას ანდობდნენ. მას ჰყავდა მსახურები, ქალაქში მიმოდის ეტლით, რომელშიც ფეხმარდი ცხენები ება. ცხოვრობდა მშვიდად, განცხრომითა და მდიდრულად. თითქოს თავით ფეხამდე ეგვიპტელი გახდა და ებრაელობის ნიშანწყალიც აღარ ეტყობოდა. მაგრამ დედა ყოველგვარ ღონეს ხმა-რობდა, რომ შვილს ებრაული წარმოშობა არ დაევიწყებოდა და მართლაც ეგვიპტელად არ ქცეულიყო. ძალუღალ ასწავლიდა მშობლიურ ენას და წინაპართა ისტორიას. ბოლოს გამოუტყდა და უამბო, თუ როგორ გადაურჩა სიკვდილს — ნილოსში დახრჩობას.

მოსეს უმძიმდა ეგვიპტელი არისტოკრატის ნებიერი ცხოვრების უარყოფა. განათლება, სასახლის კარის მეგობრები და ეგვიპტური კულტურის ბრწყინვალეობა აახლოებდა მას იმ წრესთან, რომელსაც სიყრმიდანვე შეეჩვია. რა უნდა ჰქონოდა საერთო ამ განათლებულ, ფაქიზად აღზრდილ კაცს ისრაელიტელ დატაკებთან, რომელთაც განუწყვეტლივ ჩაგრავენ და ავიწროებდნენ ეგვიპტელები? მართალია, მოსეს დროდადრო გული ეკუმშებოდა, მძიმე შრომით ღონეიხდილ თანამემამულეებს რომ ხედავდა, მაგრამ ძალა არ შესწევდა, გამოთხოვებოდა პრივილეგიებსა და დიდებულ ცხოვრებას.

მთელი ორმოცი წლის განმავლობაში მას არ დაჰკლებია ფარაონის ასულის შვილობილის საკადრისი ფუფუნება და განცხრომა. ეგვიპტელი ქურუმის წოდებაც კი მიიღო. ნილოსზე ფარაონის ნავით მგზავრობდა. აქ მას ართობდნენ მუსიკოსები და ჯამბაზები. სასახლეში დაბრუნებული სტვირისა და ქნარის სმაზე მოცეკვავე ქალების ცქერით ტკებოდა. ახალი დედაქა-

ლაქი რამესე არაჩვეულებრივად დიდებული იყო. იგი ააგეს ძველი თებეს ყაიდაზე. მას ამშვენებდა ფართო ქუჩები, საუცხოო სასახლეები, საზოგადოებრივი ნაგებობანი და ეგვიპტელი ღმერთებისადმი მიძღვნილი ტაძრები. ქალაქის განაპირას აღმართული იყო ქერიტა და ხორბლით სავსე საწყობები. მდინარის ნავსადგურში წამლაუწუმ შემოდინდნენ საქონლით დატვირთული გემები. პატარა ტბები სავსე იყო ფრინველითა და თევზით. ქალაქის კარიბჭის ახლოს გადაშლილიყო საგულდაგულოდ დამუშავებული ბოსტნები (სადაც კვლებში ხახვი მოჰყავდათ), ბროწეულის, ვაშლის, ლეღვის, ხეთისხილის ნაყოფით სავსე ბაღები.

ამრიგად, მოსე უზრუნველად ნებივრობდა და ცხოვრების სიკეთით ტკებოდა. მიუხედავად ამისა, იგი თავქარიანი და უსაქმური არასდროს ყოფილა. ყურადღებით ჩაჰკირაკიტებდა ეგვიპტური სიბრძნის შემცველ პაპირუსებს; საღამოობით, როცა აგრილდებოდა და მთვარე ამოვიდოდა, სასახლის ბაღში დასეირნობდა ქურუმების თანხლებით, დიდხანს ესაუბრებოდა ხოლმე მათ ღმერთებზე, ფარაონებზე და ადამიანის დანიშნულებაზე. ღამლამობით კი, როცა თვალს ძილი არ ეკარებოდა, გულში ფარული სევდა უღვივდებოდა; თვალწინ ეშლებოდა თანამომქეთა ცხოვრების სურათები, ხედავდა მათ ტანჯვას, ესმოდა, თუ როგორ სწყევლიდნენ ისინი გაჩენის დღეს; ყურებში უწიოდა სტვენა შოლტებისა, რომლითაც მონურ სამუშაოზე მიერეკებოდნენ მის ძმებს, ესმოდა მათი გოდება და სვეგამწარებულთა ვედრება, შეეღას რომ ითხოვდნენ. სიხმარში ეღანდებოდა ხოლმე დედა, რომელსაც მშობლიური მზრუნველობით აღსავსე სახეზე რატომღაც სასოწარკვეთილება და ნაღველი გადაჰკარავდა. ასეთი ღამეების შემდეგ მოსე სულის გამაწამებელ მღელვარებას ვეღარ სძლეოდა. რაღაცაში თავს დამნაშავედ გრძნობდა და საკუთარი ცხოვრება უაზრობად და ამაოებად ეჩვენებოდა. ამ დროს ქურდულად იპარებოდა ხოლმე ქალაქგარეთ, რათა შორიდან ეყურებინა, როგორ შრომობდნენ მისი ნახევრად შიშველი, გაოფლილი ძმები — წელში წახრილი რომ ზელდნენ თიხას და აგური გამოჰყავდათ.

ამრიგად, მოსე ჭეშმარიტად გაორებულ ცხოვრებას ეწეოდა; დღისით მიუკარებელი ეგვიპტელი არისტოკრატი იყო, ღამლამობით კი უძღები შვილი, რომელიც თავის ხალხთან დასაბრუნებელი გზის ძიებაში იტანჯებოდა.

ერთხელ მოსემ იხილა, თუ რა შეუბრალებლად აწვალა ეგვიპტელმა ზედამხედველმა აგურის გამომწველი ებრაელი. გაცოფებულმა მოსემ ბოროტი მტანჯველი მახვილით განგმირა. ახლომახლო ეგვიპტელთაგან არავინ შეუმჩნევია. ფარაონისათვის რომ მკვლელობა დაემალა, გვამი სილაში ჩაფლა. ამ ამ-

ბის მოწმენი მხოლოდ მისი თანამემამულენი იყვნენ. სამწუხაროდ, მათ ენას კბილი ვერ დააჭირეს და მკვლელობის ამბავი იმავე დღეს, ვითომ ნაჩუშათევად მთელ ვესემში გაავრცელეს. თითქმის ყველა ებრაელი ხოტბას ასხამდა მოსეს გამბედაობისათვის, მაგრამ მათ შორის აღმონდნენ ისეთებიც, რომლებიც, ალბათ შურის გამო, აძაგებდნენ მას.

მოსეს აზრადაც არ მოსვლია, რომ მითქმა-მოთქმა ასე ელვის უსწრაფესად გაერცელდებოდა. მკვლელობის მეორე დღეს იგი ორი ებრაელის ჩხუბს შეესწრო. მოსემ დაუყოვნებლივ გააშველა მოწინააღმდეგენი და უფრო ღონიერს ჰკითხა: „რად ავნებ მახლობელსა შენსა?“ მან გამომწვევად უპასუხა: „ვინ დაგადგინა მთავრად და მსაჯულად ჩვენ ზედა? ანუ მოკვლა ჩემი გნებაეს, ვითარცა მოჰკალ შეგვიპტელი?“ მოსე ძალიან შეშინდა; რაკი ყველამ იცოდა მკვლელობის ამბავი, ჯაშუშებს ხულ იოლად შეეძლოთ ფარაონისათვისაც ეთქვათ. კეთილმა ადამიანებმა მოსე მალე გააფრთხილეს — შენს დასაპატიმრებლად ხასახლის ებგურები გამოგზავნესო. მოსეს ბედი ბეწვზე ეკიდა, მაგრამ ბოლო წუთებში გაპარვა მოახერხა, ღამით გადაცოცდა სასაზღვრო კედელზე და ფეხით გაეშურა აღმოსავლეთისაკენ. აქ უდაბნოს შეაფარა თავი და დაემალა მღევარს.

ორმოცდლიანი მესორია*.

აქაბის ყურის აღმოსავლეთით გადაშლილი იყო მადიამის ტერიტორია. აქ ცხოვრობდნენ მოსეს ნათესავეები: აბრაამისა და მისი მეორე ცოლის ქეტურას ექვსთაგან ერთ-ერთი ვაჟის შთამომავლები. მოსემ გადაწყვიტა თავისი მახლობლებისათვის თავშესაფარი ეთხოვა. დაახლოებით ოთხას ორმოცდაათი კილომეტრი გაიარა. გზა უმეტესად უდაბნოსა და ტრამალ ველებზე გადიოდა. დაღლილ-დაქანცულმა მიადწია მადიამს. ოფლით გაქლენთილ და გაჭუჭყიანებულ ტანსაცმელს, ოდესღაც სამეფო კარზე რომ ეცვა, ძველი ბრწყინვალეების კვალიც აღარ აჩნდა, აღმოსავლეთის ქვეყნებში მოწყალეების სათხოვნელად მოხეტიალე მანანწალას მონძებს უფრო მიაგავდა.

მოსე ჭასთან ჩამოჯდა და ცნობისმოყვარე თვალთ უყურებდა შვიდ ქალიშვილს, რომლებმაც ცხვარი მორეკეს წყალზე. უეცრად საიდანღაც ჭასთან მწყემსები მოვიდნენ. მათ უზეშად ჰკრეს ხელი ქალებს, უკან გააბრუნეს და თავისი საქონელი მიუშვეს წყლის დასალევად. მწყემსების საქციელით აღშფოთებულ მოსეს დაავიწყდა დაღლილობა, წამოიჭრა ფეხზე, თავხედებს შეუტია და დააფრთხო.

თურმე მწყემსი გოგონები გავლენიანი მადიამელი მღვდლის ოთორის შვილები იყვნენ. მადლიერმა მამამ მოსე შინ შეიპა-

ტიჯა. როცა შეიტყო, რომ მოსე მისი შორეული ნათესაი იყო, ოჯახში შეიფარა და ცოლად მისცა თავისი ასული სეფორა. მისგან მოსეს შეეძინა ორი ვაჟი: გერსამი და ელიაზარი. მოსე ეხმარებოდა სიმამრს ოჯახში, საქონელს მწყემსავდა. ცხოვრების პირობების უეცარმა შეცვლამ იგი სულის სიღრმემდე შეძრწუნა. ეგვიპტის კეთილმოწყობილ ქალაქებს შეჩვეულმა თავმომწონე ნებიერმა თავი ამოყო უდაბნოში, კლდეებში, რომელსაც ზემოდან აბოლებული ვულკანები დაჰყურებდა.

თავდაპირველად იგი გაჭირვებით ეგუებოდა ახალ პირობებს, მარტოდმარტო ატარებდა დროს საძოვრებზე, ენატრებოდა თავისი სასახლე, პაპირუხები და ქურუმებთან საუბრები. მწარედ განიცდიდა ლტოლვილის საშინელ ბედს. შემდგომ კი მძიმე განცდებმა სასიკეთო გავლენა მოახდინეს მის გონებაზე. მკაცრმა ბუნებამ, მწყემსის უბრალო, პატიოსანმა ცხოვრებამ, ცის ქვეშ მარტობაში გატარებულმა დრომ თავისი ქნა: მოსე თანდათანობით დაუფიქრდა თავის ცხოვრებას, დაიწყო მისი აზრის ძებნა. თანდათან გაუფერულდნენ ბედნიერი წარსულის სურათები. სამაგვიროდ, მოსე ზმირ-ზმირად მოაგონებდა ხოლმე თავის თავს, რომ დაბადებით ისრაელიტელი იყო, რომ მისი გვარის მამამთავარი იყო იაკობის ძე, აბრაამის შვილიშვილის შვილი ლევი.

ძალიამეცლები ამყობდნენ, რომ აბრაამის პირდაპირი შთამოავალნი იყვნენ. ისინი უამრავ ლეგენდებსა და ამბებს უყვებოდნენ მოსეს ამ დიდ პატრიარქზე, რომელიც დაკრძალული იყო ქანაანში; უამბობდნენ იმ ღმერთის შესახებ, რომელსაც თავყანს სცემდნენ მათი წინაპრები. როცა ამგვარი ამბები ესმოდა, მოსე გრძნობდა, რომ დიდი ზნის ხეტილის შემდეგ მშობლიურ კერას დაუბრუნდა. ავიდოდა ხოლმე გორაკზე და მიდამოს ათვალიერებდა. დასავლეთით ხედავდა უდაბნოს, რომლის იქითაც გადაშლილი იყო მონობის ქვეყანა — ეგვიპტე, სამაგიეროდ აღმოსავლეთით, სადღაც მთებს გადაღმა იმალებოდა ქანაანი — მისი წინაპრების სამშობლო, აღთქმული ქვეყანა, ქვეყანა მშვიდობისა და სიკეთისა. ამ დროს მას დიდებული გეგმა ესახებოდა. მოსემ გადაწყვიტა, მონობიდან დაესსნა თავისი ძმები და ეგვიპტიდან მშობლიურ, კურთხეულ ქანაანში წაეყვანა.

საკუთარ სინდისთან ბრძოლამ თითქმის ორმოც წელს გასტანა. მოსემ ვერაფრით ვერ სძლია საკუთარ დაბნეულობას, ეჭვებსა და სულიერ ტკივილს. იყო ისეთი ხანგრძლივი პერიოდები, როცა მწყემსის ცხოვრება აცდუნებდა და მთელ დღეებს ყოველდღიურ წვრილმან საქმეებზე ზრუნვას ანდომებდა. ასეთ შემთხვევებში ერთიანად იხშობდა ხოლმე სინდისის ქენჯნას. იგი უკვე ოთხმოცი წლისა ხდებოდა და ფიქრობდა, რომ ასეთი სახიფათო მისიის კისრად აღება გვიანი იყო. მას ერჩია, მშვი-

დად მომკვდარიყო მადიამის მიწაზე რაიელიც მისი მეორე სამშობლო გახდა. მაგრამ ახალი იდეა მოხეს ნება-სურვილის საწინააღმდეგოდ გაღვივდა, გაძლიერდა, მისი ხმა ისეთი ძალეში გახდა, რომ მოხემ ვეღარ შეძლო მისი უჩინობა.

მადიამში ყოფნის ბოლო წელს მოხეს ხანდახან რელიგიური ექსტაზი შეიპყრობდა ხოლმე. დასჩემდა სიზმრები და წინასწარმეტყველური სილევები. ერთხელ იგი ცხენარს მწვემსავდა ქორების მთის ძირში. ეს მთა წმიდათაწმიდა აღვილად ითვლებოდა, რადგან მადიამელები ფიქრობდნენ, რომ მის მწვერვალზე, ღრუბლებში, ცხოვრობდა მათი წინაპრების — აბრაამის, ისაკისა და იაკობის ღმერთი.

იქაურობას რომ ათვალიერებდა, მოხეს თვალწინ უცნაურია ხანახაობა გადაეშალა — რაღაც ბუჩქის ცეცხლი მოეღო, მაგრამ ბუჩქი არ დამწვარა. უცბად ცეცხლმოდებული ბუჩქიდან მოხეს მოესმა ღმერთის ხმა, რომელიც მოხეს უბრძანებდა, დაუყოვნებლივ წახულიყო ეგვიპტეში და ტყვეობიდან დაეხსნა ისრაელები. მოხეს თავსარი დაეცა. პირისახეზე სელები აიფარა, რომ ღმერთი არ დაენახა, მაგრამ მაინც შეჰბედა ღმერთს და გაუძახილა თავისი ეჭვი: „აჰა, მე მივიღე ძეთა ისრაელიხათა და ვრქვა მათ: ღმერთმან მამათა თქვენთამან მომავლინა მე და თუ მკითხვიდენ, თუ რა არს სახელი მისი, რა მიუუგო მათ?“ ღმერთმა პასუხი გასცა მოხეს და პირველად გამოცხადდა მას იაჰვეს სახელით. ეს სასწაულებრივი გამოცხადება იყო, მაგრამ მოხეს სულიერი შფოთი ვერ დააცხრო. მან ღმერთს შესჩივლა: როგორ დავარწმუნო ისრაელის ძენი, თუკი მისიის დასამტკიცებლად არავითარი საბუთი არ მექნა და მხოლოდ ზეპირად ვეტყვი შენს სიტყვასო. ღმერთმა მას სასწაულმოქმედი ძალა მიანიჭა მცირედმორწმუნეთა დასაჯერებლად. ამიერიდან მოხეს შეეძლო, სურვილისამებრ გადაექცია კვირთხა გველად, წყალა სისხლად, გამოეწვია კეთრი და კეთროვანი ვანეკურნა.

მიუხედავად იმისა, რომ მოხეს სასწაულმოქმედი ძალა მიეცა, მაინც ყოველნაირად ცდილობდა, უარი ეთქვა თავსმობხვეულ მისიაზე. ენაბრგენილობა მოიმიზეზა და ღმერთს არწმუნებდა — თანამემამულეებს ვერაფერს გავაგებინებ ჩემი მძიმე ენითო.

იაჰვე ჯერ გაჯავრდა ამ ახალი ფანდის გამო, ბოლოს კი შეიწყალა მოხე და დაჰპირდა: მოგაშველებ დიდად მჭევრმეტყველ შენს უფროს ძმას აპრონს და შენი სახელით იგი ილაპარაკებსო. მოხეს გამგზავრების გარდა არა დარჩენოდა რა. გამოემშვიდობა სიმამრს, ცოლი და ბავშვები ვირზე შესვა და გულდამძიმებული გაემგზავრა ეგვიპტისაკენ.

გზაში მას საშინელი ამბავი გადახდა. ღამის გასათევად რომ შეჩერდა იაჰვემ უეცრად გადაწვეიტა მოუკლა, რადგან წინადაცკეთილი არ იყო. სეფორამ ძლივს მოუღბო გული განრისხე-

ბულ ღმერთს და ისიც მას შემდეგ, რაც თავის ვაეებს წინაოცვეთის წესი შეასრულებინა. ეგვიპტეში მოსეს აპრონი შეეგება. მძებმა შეკრიბეს ისრაელის ძენი და დაარწმუნეს, რომ იაჰვეს ნება-სურვილის თანახმად, მათ გეგემის მიწა უნდა დაეტოვებინათ. ისრაელიტელებსე იმდენი ზეგავლენა არ მოუხდენია არც მოსეს მიერ თავისი მისიის დასამტკიცებლად ჩადენილ სასწაულებს, არც აპრონის მჭევრმეტყველებას, რამდენიც მოახდინა დევნამ და გაჭირვებამ, დღითიდღე რომ მატულობდა და მათ არსებობას ემუქრებოდა.

მეგვიანტიდან ბაგონსკლა. ორმოცი წელი გავიდა იმის შემდეგ, რაც განრისხებულმა მოსემ ეგვიპტელი მოკლა. ეგვიპტეს სხვა ფარაონი მართავდა. მის კარზე მოხელეთა ახალი თაობა მსახურობდა. ხალხს დაავიწყდა მოსეს დანაშაული. ახლა მას საშიშარი აღარა ჰქონდა რა. ან კი ვინ მიხვდებოდა, რომ ეს მოხუცი, წვერმოშვებული, უხემ მოსასხამში გახვეული, მწყემსის კომპლით მოარული აზიელი შვილობილი იყო ფარაონის ასულისა და ოდესღაც მდიდრულ ეგვიპტურ სამოსელში გამოწყობილი დადიოდა? რომ მის შესახებ ერთ დროს აუარებელი მითქმა-მოთქმა ყოფილა? ორმოც წელიწადში მოსე ისე დაბერებულიყო, რომ კაცი ვერ იცნობდა. მზისგან გარუჯული სახე ნაოჭებს დაესერა. იგი უკვე ოთხმოცი წლის მოხუცი იყო და წვერი მთლად გასჭაღარაევებოდა.

მოსემ და აპრონმა ფარაონს სთხოვეს, ისრაელის ძეთათვის ნება დაერთო, სამი დღით გასულიყვნენ უდაბნოში, რათა იაჰვეს პატივსაცემად ელოცათ და მსხვერპლი შეეწიროთ. ეს, რა თქმა უნდა, ფანდი იყო. ისინი აღარ აპირებდნენ უკან დაბრუნებას და კვლავ ეგვიპტელთა უღელში შებმას. განრისხებულმა ფარაონმა მათ უარი უთხრა და ისრაელიტელთა დასასჯელად ახალი ბრძანება გასცა: მათ აგურის დამნაღების ადრე დაწესებული ნორმაც უნდა შეესრულებინათ და, ამას გარდა, თვითონვე ეშოვათ ნამჯა თიხაში შესარევად. ეს მოითხოვდა დამატებით სამუშაო დროს, რადგან ეგვიპტეში ნამჯა ცოტად იყო და მის სამოვნელად მთელი ქვეყანა უნდა შემოეკლოთ. თუ ვინმე ამ მიზეზის გამო ვერ მოასწრებდა დაწესებული რაოდენობის აგურის დამზადებას, მას შიმშილს სასჯელი ელოდა. საქმე რომ ასე წაუვიდათ, დანაღვლიანებულმა ებრაელებმა მოსეს შესჩივლეს — ფარაონთან შენმა მისვლამ სიკეთის ნაცვლად ზიანი მოგვიტანაო. მოსე შეწუხდა და დაეჭვდა. იფიქრა — იაჰვემ თავისი სიტყვა არ შეასრულა და ისრაელის ძენი უფრო მეტ სატანჯველში ჩაყარაო.

იგი კვლავ ეახლა ფარაონს, გადაწყვიტა, ამჯერად მაგიის

ძალით დაემორჩილებინა. ტახტის წინ დადგა და ძირს დააგდო თავისი კვერთხი, რომელიც მყისვე გველად გადაიქცა. ფარაონმა სიბრალულის ღიმილით შეხედა წვეროსან ჯადოქარს და ბრძანა — ჩემი ქურუმები მომგვარეთო. მათაც იგივე გაიმეორეს. ფარაონზე განსაკუთრებული შთაბეჭდილება არც იმას მოუხდენია, რომ მოსეს გველმა ეგვიპტელი ქურუმების გველები შთანთქა.

ამიერიდან გააფთრებული ბრძოლა გაჩაღდა ფარაონის უგუნური სიჯიუტის წინააღმდეგ. მოსემ ათჯერ რიგრიგობით სხვადასხვა სასჯელი მოუვლინა ეგვიპტეს. ჯერ ნილოსის წყალი იქცა სისხლად, მერე წარმოუდგენლად გამრავლდა მყვარი, კოლოები, ძაღლის მწერი. საქონელს ჭირი შეეყარა, ხალხს სხეული დაუწყლულდა და დაულბა. მოსავალი სეტყვამ გაანადგურა; ქვეყანას აურაცხელი კალია შეესია. ბოლოს ისეთი სიბნელე ჩამოწვა, რომ ხალხი ხელის ცეცებით მიმოდირდა. ფარაონს ზარს სცემდა ყოველი ახალი სასჯელი. თითოეულის მოვლინების შემდეგ ისრაელიტელებს განთავისუფლებას ჰპირდებოდა, მაგრამ მერე უარზე დგებოდა, თუმცადა ეგვიპტელები ხმამაღლა მოითხოვდნენ, სიჯიუტისათვის თავი დაენებებინა და განსაცდელი აეცდინა მათთვის.

მოსეს მოთმინება დაელია და ბოლოს და ბოლოს გადაწყვიტა, ფარაონის სიკვრპე შეათე, ყველაზე მძიმე სასჯელით გაეტყხა. მან წინასწარ გააფრთხილა ებრაელები, მზად იყავითო. მოითხოვა, ყოველ ოჯახს დაეკლა ერთი წლის ბატკანი და მისი სისხლით სახლის კარი შეეღება. ებრაელებს ვახშმად უნდა ეჭამათ ცეცხლზე შემწვარი ბატკნის ხორცი, ხშიადი და მწარე მხალეული. გარდა ამისა, მოსემ მათ ურჩია, რომ ვახშმად სამგზავრო ტანსაცმლით დამსხდარიყვნენ, რათა ყოველ წუთს შესძლებოდნათ ეგვიპტიდან გაქცევა.

დადგა შუალამე. იაჰვემ კარდაკარ ჩამოიარა და ყველა ოჯახში, რომლის კარზეც სისხლის ნიშანი არ იყო, დახოცა პირმშო შვილები. არ ინდობდა არც მხეველისა და არც ფარაონის შვილებს. პირუტყვის პირველნაშობნიც კი უსულოდ ეცემოდნენ.

ყველგან მოთქმა და ვაება ისმოდა. სიკვდილმა დაისადგურა ყოველი ეგვიპტელის ოჯახში. ახლალა იგრძნო ფარაონმა მოსეს მრისხანე ძალა და ნება დართო, მონობისაგან ეხსნა ებრაელი ხალხი. ისრაელიტელებმა ისარგებლეს ქვეყნად გამეფებული არეულობით, შური იძიეს დევნისა და იძულებითი შრომისათვის და ეგვიპტელთა ოჯახები გაძარცვეს. მათ ხელთ იგდეს ოქროსა და ვერცხლის ჭურჭელი, ტანსაცმელი, სხვა ძვირფასი ნივთები და, რაც მთავარია, იარაღი, რომელიც უდაბნოში მცხოვრებ ტომებთან საბრძოლველად გამოადგებოდათ. მოსემ ამ შემთხვევის უკვდავსაყოფად დააწესა დღესასწაული პასეჟი-

სა, რაც ნიშნავს „განტევების“ დღესასწაულს; იაჰვეს ზელი არ უხლია ისრაელიტელებისათვის, მან მხოლოდ ეგვიპტელთა პირ-მშონი დასაჯა სიკვდილით.

გადასვლა მეფაემულ ზღვაზე. ახმაურდნენ ვერცხ-ლის საყვირები. ისრაელიტელთა კოლონამ გესემის მიწა დატოვა და აღმოსავლეთისაკენ დაიძრა. ქალების, ბავშვებისა და მსა-ხურთა გარდა რაზმში ექვსასი ათასი შეიარაღებული მამაკაცი იყო. კოლონას მიუძღოდა კატაფალკი, რომელზეც ხის კუბო იდო. კუბოში ესვენა იოსების დაბალზამებული მუშია. ბოლოს მიდიოდა ცხვრისა და თხის უზარმაზარი ფარა და საძაღნიანი ვირები.

უღაბნოში ებრაელები, თავისდა სასიხარულოდ, დარწმუნ-დნენ, რომ მათ იაჰვე წინამძღოლობდა. დღისით ღმერთი ღრუბ-ლის სვეტად იქცეოდა და ლტოლვილებს გზას უჩვენებდა, და-მით კი ცადაზიდულ ცეცხლის სვეტად ევლინებოდა.

მოსემ ისრაელიტელები ჯერ ხმელთაშუა ზღვის გასწვრივ მიმავალი ძველი საქარავენო გზით წაიყვანა, მერე კი სამხრეთით, უკაცრიელი ეთამისაკენ გადაახვევინა, რადგან ემინოდა, რომ იქაური ტომები, რომელთაც ზღვის პირად ციხესიმაგრეებს ჰქონდათ, ქანანისაკენ უბრძოლველად არ გაუშვებდნენ. ლტოლ-ვილებმა ეთამში დაიბანაკეს და კარგა ხნით დაისვენეს, შემდეგ კი კვლავ დაიძრნენ ჩრდილოეთისაკენ და კარვები დადგეს ფი — ახიროთის წინ. ეს ადგილი მდებარეობდა მიგდოლსა და ზღვას შუა, ქანანის ღმერთის, ბაალის ტაძრით განთქმული ქალაქის ბაალ-ცეფონის მახლობლად.

ამასობაში გაცოფებული ფარაონი ექვსასი საომარი ეტლით დაედევნა ლტოლვილებს. ებრაელები შიშმა აიტანა, როცა მტერის ბული გაიფანტა და ეგვიპტელთა საბრძოლო ეტლები დაინახეს. გაქვავებულები შესცქეროდნენ მოახლოებულ ეგვიპ-ტელ მეომრებს და ნანობდნენ — გესემის მიწა დაუფიქრებლად დაეტოვეთ, მღევართა ხელით დახოცვას მონობაში ყოფნა გვერ-ჩიაო. მოსე ამშვიდებდა სასოწარკვეთილებს და არწმუნებდა — უბედურების დროს იაჰვე არ მიგვატოვებსო. მართლაც, საღამო უამს ეგვიპტელებს გზა გადაუღობა ცეცხლისა და კვამლის უზარმაზარმა, გადაულახავმა კედელმა, რომელიც განთიადამდე იდგა. განთიადისას მოსე ზღვის ნაპირზე გავიდა, აღმართა ხე-ლი და ტალღებს უბრძანა, გზა მოგვეციოთ. აქაფებული ტალ-ღები ორად გაიპო. მათ შორის ამოჩნდა ხმელეთი და ისრაელი-ტელები მეორე ნაპირზე გადავიდნენ. განრისხებული ფარაონი ლტოლვილებს კვალდაკვალ დაედევნა. როცა მან შუა ზღვამდე მიაღწია, მოსემ კვლავ აღმართა მარჯვენა და მღევრებს უზარ-

მაზარმა ზვირთებმა გადაუარა. რამდენიმე საათის შემდეგ ტალღებმა ნაპირზე გამოირიყეს ამაყი ვევიპტური მხედრობის უბადრუკი ნაშთი* — ეტლთა ნამსხვრევები, აღაპიანებისა და ცხენთა გვაშები. მოსემ და ისრაელის ძიულმა მიიღესმან სანად-ლობელი უგალობა იაპეკს. ქაღები, მარიამ წინასწარმეტყვე-ლის ხელმძღვანელობით, ხეიმობდნენ და ცეკვებს რიტმს დაცლა-ფების სმას უწყობდნენ.

მოგზაურობა უდაბნოში. ამის შემდეგ ებრაელებმა სურის უდაბნოსაკენ აიღეს გზა. მათი გზა უწყველ რაიონებზე გადიოდა. სამი დღე მწვეურვალნი იყვნენ. ბოლოს მიაღწიეს მე-რასს, სადაც მწარე წყალი დაუსვდათ. წყურვილისაგან გატან-ჯულ მოსექციალეთათვის ეს მოულოდნელი უბედურება იყო და ბანაკში კვლავ უკმაყოფილებამ იფეთქა. ბაღბი დრტვინავდა, მაგრამ მოსემ გამოსავალი იპოვა: ახლომანსლო პატარა ტოტები აკრიფა და ჭაში ჩაყარა. წყალი დატკმა და დასაღვედაც ვარ-გისი გახდა. მოგზაურებმა სული მოითქვეს და ელმს მიაშუ-რეს. ამ თანისში, რომელიც სამოთხის ბაღს წააგავდა, საშოც-დაათი დანაკის კულის სე იდგა და თორმეტი ანკარა წყარო ამო-ლიოდა. მაგრამ საჭირო იყო, კვლავ გზა გავერძელებინათ. ეგვიპტიდან გამოსვლის შემდეგ ექვსი კვირა რომ გავიდა, კო-ლონა დაბანაკდა ელმისა და სინას შორის მდებარე სინის უდაბ-ნოში.

მსე უმოწყალოდ აცხუნებდა. სხვა უბედურებას ისიც დაერ-თო, რომ ბედკრულ მოხეტიალეებს წყალი და სურსათი გაუთა-დათ. სალსი დრტვინავდა: „მოგვეც წყალი!“ მოსემ მათ უთხრა: „რად მაგინებთ, რად სცოდაეთ ღმრთისა მიჰართ?“ უდაბნოს მკაცრ პირობებს შეუწვეველი მოგზაურები თავიანთ უბედურე-ბას, როგორც ყოველთვის, ახლაც მოხესა და აპრონს აბრალებ-დნენ. აღელვებული ბრბო გარს შემოერთყა ორივე ბელადის კარებებს. ისინი მწარედ უჩიოდნენ ბელს: „უმჯობესი იყო ჩვენდა სიკვდილი ხელისაგან უფლისა ქვეყანასა ეგვიპტისასა, ოდეს ვისხედით ქვაბთა თანა ხორცისათა, ოდეს მაძლირე ვჭამდით პურს! გამოგვიყვანეთ ჩვენ უდაბნოდ, რათა სიყმილით მოწყდეს ერი ესე!“

ეს სიტყვები რომ მოისმინა, დამწუხრებული მოსე მიხვდა — ისრაელიტელებს უკვე ძვალ-რბილში ჰქონდათ გამჯდარი მონე-რი სული, რადგან თავისუფლებას პური და ხორციით ხავსე ქვა-ბები ერჩიათ. მან მაინც დაამშვიდა თავისი სამწყსო და აღუთ-ქვა — იაპე არ მიგვატოვებს, საკვებს მალე მოგვაწვდისო.

საღამო ჟამს დაპირება აღსრულდა. აღმოსავლეთიდან მოფ-რინდა ურიცხვი მწყერი და მიწა ერთიანად დაფარა. დიდი ხნის

ფრენით არაქათგამოცლილი ფრინველები ფრთებს უშწეოდ აფართხალებდნენ. ისე იყვნენ დაღლილნი, რომ მათი დაჭურა ხელით შეიძლებოდა. ებრაელები გაფაციცებით მიმორბოდნენ. აბრიალდა ცეცხლი, დატრიალდა შამფურებსე შემწვარი ფრინველის სასიამოვნო სუნი. დანაყრებული ებრაელები დასაძინებლად დაწვნენ და მოსეს სასწაულმოქმედი ძალის ქება ცამდე აღავლინეს.

განთიადისას, ვერცხლის საყვირის ხმაზე რომ გაიღვიპეს, ისრაელიტელებმა გასაოცარი რამ იხილეს — მთელი ველი დაფარული იყო თოვლივით თეთრი, სეტყვის მსგავსი მარცვლებით. ყველანი დედაბუდიანად გამოცვივდნენ კარვებიდან, რათა ახლოს ენახათ მოვლენილი საოცრება. კარვიდან გამოვიდა მოსეც. მას სახეზე ლაღი ღიმილი ეფინა, ბელადმა თავის სამწყსოს ამცნო, რომ ეს იყო იაჰვეს მიერ გამოგზავნილი მანანა, რომელიც მოგზაურებს პურის მაგივრობას გაუწევდა.

უცნაური მარცვლები რომ გასინჯეს, ისრაელიტელებმა თაფლიანი პურის გემო იგრძნეს და მანანის მოგროვებას შეუდგნენ. დღეში შეიძლებოდა იმდენის აკრეფა, რამდენიც აუცილებელი იყო შიმშილის მოსაკლავად. ამიერიდან უდაბნოში ორმოცი წლის ხეტიალის მანძილზე მანანა იყო ებრაელთა პური არსობისა.

მათ გზა განაგრძეს და რაფიდიმს მიადგნენ. ჭა არც აქ აღმოჩნდა და მოგზაურებს კვლავ უწყლობა ტანჯავდა. ბანაკში აურზაური ატყდა, გაისმა პროტესტისა და მუქარის ხმები. მაშინ მოსე აღგა და შორიახლოს აღმართულ მთას — ქორებს, მიაშურა. მივიდა მის ძირში და წყურვილისაგან გაწამებული ხალხის თვალწინ ციცაბო კლდეს კვერთხი დაჰკრა. კლდის ნაპირიდან იმავე წუთში მთის ანკარა წყალმა გადმოჩქეფა. ეს სასწაული რომ იხილეს, ისრაელიტელებს ჯერ სიტყვა შეაშრათ პირზე, შემდეგ კი სიხარულით აღივსნენ და მოსე დალოცეს. ისინი ერთმანეთს არ აცლიდნენ წყალთან მისვლას; ავსებდნენ კოკებს და ყოველგვარ ჭურჭელს, რაც კი ხელთ მოხვდებოდათ.

ის იყო წყურვილი მოიკლეს, საქონელსაც დააღვივინეს და მრისხანე საბრძოლო ხმაც შემოესმათ. ისრაელიტელებს პირველად მოუხდათ იარაღით ხელში უდაბნოს მეომარ ტომებთან ბრძოლა. ესენი იყვნენ ამაღეკელები, რომელთაც გადაწყვიტეს, გზა გადაეღობათ დაუპატიჟებელი სტუმრებისათვის და ნადავლი ეშოვათ. ეგონათ, იოლად გაიმარჯვებდნენ, მაგრამ მოტყუებდნენ. მოსემ თავისი ჯარის სარდლობა მიანდო ისუ ნავეს, რომელმაც მოხერხებულად და სწრაფად წაიყვანა რაზმები მოვარდნილი მტრის შესახვედრად. მოსე აპრონისა და ურის თანხლებით ბორცვის თხემიდან უთვალთვალებდა ომის მსვლელობას. ბრძოლა დილიდან შებინდებამდე გაგრძელდა, ხან ერთი მხარე

სჯობნიდა, ხან მეორე. აწევდა თუ არა მოსე ხელებს, ისრაელი-ტელები იმარჯვებდნენ, როგორც კი დაუშვებდა — მტრები. ასე გაგრძელდა რამდენიმე საათის განმავლობაში. ზოლოს დაღლილ და მოთენთილ მოსეს მკლავები უმწეოდ ჩამოუცვივდა. უბედურების თავიდან ასაცილებლად აპრონმა და ურმა მოსე ლოდზე დასვეს, აქეთ-იქიდან ამოუდგნენ და ხელები აუწიეს. მზის ჩასვლისას ისუ ნავემ მტერი გაანადგურა და უკუაქცია. ბრძოლის ველზე სამადლობელი სამსხვერპლო აღმართეს. იაქვემ მოსეს ურჩია, ეს გამარჯვება სამარადისოდ ჩაეწერა წიგნში. „დაწერე ესე მოსახსენებელად წიგნსა და უთხარ ისუს, რამეთუ აღეზოცო პირისაგან მიწისა ხახსენებელი ამალეისი“.

მალე დიდი გამარჯვების ამბავი შეიტყო მადიამელმა მღვდელმა, მოსეს სიმამრმა იოთორმა. იგი დაუყოვნებლივ გაეშურა ისრაელის ძეთა ბანაკში, სიძეს მიჰგვარა მეუღლე და ორი ვაჟი — გერსამი და ელიაზარი. მოსეს შინაურები მადიამს გაეგზავნა ჯერ კიდევ მანამ, სანამ ფარაონს შეებრძოლებოდა და ეგვიპტიდან გამოიყვანდა ისრაელიტელებს.

მეორე დღეს მოსემ თავისი კარვის წინ სამსჯავრო გამართა. იგი დიდიდან საღამომდე იჯდა და თვითონ იძიებდა ყველაფერს, ჩაჰკირკიტებდა ყოველგვარ წვრილმანს და სჯიდა უმნიშვნელო საქმესაც კი. იოთორი გააოცა მოსეს ასეთმა თავდაუზოგავმა მუშაობამ. მან დაინახა, რომ მოსე ბევრი წვრილმანი დავის მოსაგვარებლად ხარჯავდა დროს.

მართვა-გამგებლობის ხელოვნებაში გაწაფულმა იოთორმა სიძეს გულწრფელად გაუზიარა თავისი მოსაზრება: „რად შენ ძნი მარტო და კრებული ყოველი დგას შენ წინაშე დილითგან ვიდრე მწუხრამდე?.. ტანჯვით იტანჯო შენ და ერი ესე. მძიპე არს შენდა საქმე ესე. ვერ შემძლებელ ხარ მარტო აღსრულებად ამას“. მოსემ ჰკითხა, როგორ მოვიქცეო და სიმამრმა ასეთი რამ ურჩია: დაჰყავი ხალხი ათას, ას ორმოცდაათ და ათკაციან ჯგუფებად. ყოველ ჯგუფს დაუნიშნე უფროსი, რომელიც ამავე დროს მოსამართლე იქნება, მოაგვარებს ყოველგვარ წვრილმანს სადავო საკითხს და შენ მხოლოდ მნიშვნელოვანი საქმის გადასაწყვეტად მოემართავსო. ისრაელიტელებს ჭკუაში დაუჯდათ იოთორის რჩევა. ისინი მის სიტყვაზე მოიქცნენ და ამით თავის მომავალ საზოგადოებრივ წყობას ჩაუყარეს საფუძველი.

როკვა ოქროს კერპის ბარშემო. ეგვიპტიდან გამოსვლის შემდეგ სამი თვე რომ გავიდა, ისრაელიტელები სინას მთის პირდაპირ მდებარე უდაბნოში დაბანაკდნენ. პირქუშ, კლდოვან მასივში, რომლის მწვერვალები ცას ებჯინებოდნენ, შეფარული იყო რაღაც იღუმალი, რაც ნილოსის შესართავის

ვაკეებს თვალშეჩვეულ ცრუმორწმუნე ხალხს შიშს ჰკერიდა. სამაგიეროდ, ახლო მდებარე მიდამოები ხელსაყრელი იყო ხანგრძლივი დასახლებისათვის. აქ საკმაო იყო წყალი, ხარობდა ფინიკის პალმა, სამშენებლო მასალად და საწვავად გამოსადეგი ხეები. ებრაელთა ბანაკი საქმეს შეუდგა. მართვის ახალმა სისტემამ მტკიცე წესრიგი უზრუნველყო. მამაკაცები ხელოსნობას ეწეოდნენ. ქალები ამზადებდნენ საჭმელს, ართავდნენ და ქსოვდნენ. ბავშვები კი მხიარულად თამაშობდნენ კარვებს შორის.

ამ ბედნიერი ცხოვრების დროს ერთხელ მოსე სინას მთაზე ავიდა, შეხვდა იაჰვეს, რომელმაც უთხრა — განზრახული მაქვს, ისრაელიტლებთან კავშირი შევკრაო. ამ ამბით გახარებული მოსე დაბრუნდა და ბრძანა, რომ ყველას გაერეცხა თავისი ტანსაცმელი და სამი დღე ემარხულებინა, რათა ღირსეულად მომზადებულყო დიდებული წუთისათვის. ის იყო დანიშნულად დრო გავიდა, რომ ხალხი მთის ძირში შეიკრიბა. მოსემ ყველას აუკრძალა წმიდათაწმიდა მთაზე ასვლა. მან მწყემსის არგნით გაავლო ხაზი და სამწყსო გააფრთხილა — ვინც ამ ხაზს იქით გადავა, სიკვდილით დაისჯებაო.

საზეიმო ტანსაცმელში გამოწყობილი კაცები, ქალები და ბავშვები ხაზის გასწვრივ ჩამწყრივდნენ. უცბად საშინელი ქარიშხალი ამოვარდა, იჭექა მეხმა, იელვა და მთა სქელ კვამლში გაეხვია. როცა ამას უხილავ საყვირთა ხმაც დაერთო, ისრაელიტლები მიწაზე დაემხვნენ და შეძრწუნებულებმა თვალბზე ხელები აიფარეს. მათ ვერ დაინახეს, რომ მოსე ამ დროს მთის ფერღობზე ავიდა და მალე გაუჩინარდა მწვერვალს მოდებულ კვამლში. აქ, სინას მთის მწვერვალზე, იაჰვემ მას აუწყა თავისი მცნებები და ღვთისმსახურების წესები, რომლებიც ამიერიდან ისრაელიტელთა კოლექტიური ცხოვრების საფუძველთა საფუძველი უნდა გამხდარიყო. მოსემ მიიღო ეს, როგორც უძვირფასესი საჩუქარი, და დაბრუნდა უკან. ისრაელიტელთა თორმეტ ტომს უბრძანა, თითოეულს საკუთარი სამსხვერპლო აეგო ამ დიდი მოვლენის აღსანიშნავად. იგი რიგრიგობით გადადიოდა ერთი სამსხვერპლოდან მეორეზე, კლავდა ცხვრებს და მათ სისხლს, იაჰვესთან კავშირის ნიშნად, მორწმუნეებს ასხურებდა.

მალე მოსე კვლავ გაემგზავრა იაჰვესთან შესახვედრად, ამჯერად თან წაიყვანა აპრონი, ნადაბი, აბიუდი და სამოცდაათი უხუცესი ისრაელის ძეთაგან, ისინი შუა გზაში, მთის ფერღობზე დატოვა და მწვერვალზე მარტო ავიდა. აქ მან დაჰყო ორმოცი დღე-ღამე. იაჰვემ მოსეს გადასცა ქვისაგან გამოთლილი სჯულის ორი ფიცარი, რომლებზეც ამოკვეთილი იყო ათი მცნება. ასწავლა, როგორ აეგო სჯულის კიდობანი და კარავი;

რომელშიც კიღობანი უნდა შეენახათ. ბოლოს აცნობა — აპრონს მღვდელთმთავრის წოდებას ვანიჭებ და ამ წოდებას მის მოღვაწეს შემკვიდრებით ვუმტკიცებო.

ამასობაში მოსეს თანმხლებ პირებს ლოდინში გული გადაელიათ და დაქანცულები დაბრუნდნენ ბანაკში. აპრონი შიშობდა, ძმა ალბათ ხიფათს გადაეყარაო, და აღარ იცოდა, რა ელონა. ისრაელიტელებს იაჰვეს მფარველობის რწმენა შეერყა; მისი კულტი ხომ ახლახან დაინერგა მათ შორის. რაკი მოსე, რომელიც თავგამოდებით იღვწოდა ახალი რჯულის დასანერგავად, მათთან აღარ იყო, ისრაელის ძენი დაუბრუნდნენ თავიანთ ძველ ღმერთებს, რომელთაც ჯერ კიდევ ეგვიპტეში სცემდნენ თაყვანს. აპრონის კარვის წინ უთვალავემა ხალხმა მოიყარა თავი. დღევანდენ, მოსემ მიგვატოვაო, და მოითხოვდნენ: „აღდეგ და შეგვიქმენ ღმერთი, რომელ წინა-წარგვიძღვეს, რამეთუ არა ვიცით, რა შეემთხვა მოსეს, რომელმან ჩამოგვიყვანა ჩვენ ეგვიპტით.“ ეჭვით შეყრობილ აპრონს ძალა არ ეყო, რომ ასეთი დაჟინებული მოთხოვნისათვის წინააღმდეგობა გაეწია. მისი მოწოდების პასუხად ქალები დაუზარებლად იხსნიდნენ სამკაულებს. შეგროვდა იმდენი ოქრო, რომ შეიძლებოდა მისგან ოქროს კერპის — ხბოს ჩამოსხმა. მეორე დღეს ქანდაკება ბანაკის შუაგულში დადგეს. ხალხი, გახარებული იმ ღმერთის დაბრუნებით, რომელსაც უხსოვარი დროიდან სცემდა თაყვანს, კლავდა საქონელს და მსხვერპლს მიართმევდა ოქროს ხბოს. შეძლეგ საზეიმო ნადიმი გაიმართა. მთელი დღის განმავლობაში ისმოდა საყვირებისა და დაირების ხმა. კაცები, ქალები და ბავშვები რელიგიურმა ექსტაზმა მოიცვა — გახვლებით მღეროდნენ და ცეკვავდნენ კერპის გარშემო. მხოლოდ ლევიტელები გადგნენ განზე და შეძრწუნებულები უყურებდნენ ადამიანებს, რომელთაც იაჰვეს უღალატეს და კერპთაყვანისმცემლობას დაუბრუნდნენ.

მთის მწვერვალიდან ჩამოსვლისას მოსეს შორიდანვე შემოესმა ყურისწამლები ხმაური. მან ნაბიჯს უმატა, ბანაკამდე მიადგინა და თავაშვებული ნადიმი რომ იხილა, უზომოდ განრისხდა; სჯულის ფიცრები, რომლებზეც იაჰვეს მცნებები იყო ამოკვეთილი, კლდეს მიანარცხა. ოქროს ხბო მტვრად აქცია, წყალში გადაყარა და ისრაელიტელებს უბრძანა, ეს წყალი დაელიათ; მოსემ შეცბუნებული აპრონი მკაცრად გააკიცხა. მოუხმო ლევიტელებს და უბრძანა: „ასე ბრძანებს უფალი, ღმერთი ისრაელისა, შემოირტყით ყოველმან მახვილი წელსა თვისსა და მოვლეთ ბანაკი ბჭითგან ბჭემდე და მოკალთ ყოველმან ძმა თქვენი, მოყვასი თქვენი და მახლობელი თქვენი“. ლევიტელები შეიარაღდნენ მახვილებით და მრავალი ათასი განდგომილი გამოასალმეს სიცოცხლეს.

კავშირი იაკობსთან. როცა ბანაკი დაშოშინდა, მოსე კვლავ წავიდა ხინას მთაზე იაჰვესთან, რათა მომხდარი ამბების გამო პატიება ეთხოვა. იაჰვე შეჰპირდა, რომ ისრაელის ერს მიაკუთვნებდა ქანაანს — „მიწასა, რომელსა გამოდის თაფლი და რძე“. მოსე ბანაკისაკენ გაოქმურა და ბრძანა, მადლობის ნიშნად აეგოთ საგანგებო კარავი, რომელიც ტაძრის მაგივრობას გასწევდა. ამ კარავში შესვლის უფლება მხოლოდ მოსეს ჰქონდა. როცა იგი შესასვლელში დადგებოდა და ხელებს მაღლა აღაყრობდა, კარებიდან ყველანი გამოდიოდნენ და კლემით შეჰყურებდნენ, როგორ ესაუბრებოდა მათი ბელადი უშუალოდ იაჰვეს. არაფერი იცოდა, რა ხდებოდა მოსეს სულში. აქამდე მას მხოლოდ ხმა ესმოდა ღმერთისა, რომელსაც ერთგულად ემსახურებოდა, ახლა კი ასეთი კავშირი ეცოტაჟა და მოინდომა, თვალითაც ენახა იაჰვე. მაგრამ ღმერთმა მტკიცედ უთხრა — ჩემს სახეს მოკედავს არასოდეს ვაჩვენებო. მაინც შეისმინა მისი თხოვნა, მოსე კლდის ნაპრაალში დააყენა, თვითონ სახეზე ხელები აიფარა, მოსეს გვერდით გაუარა და წამით აჩვენა ზურგი.

ცოტა ხანი რომ გავიდა, იაჰვემ მოსეს უბრძანა, ქვისაგან გამოეთალა სჯულის ორი ფიცარი, რომელზეც მას მეორედ უნდა ამოეკეთა ათი მცნება. მოსემ ფიცრები გამოთალა და მთის მწვერვალზე წაიღო. აქ მან უსმელ-უჭმელმა დაპყრო ორმოცი დღე-ღამე. იაჰვემ ათი მცნებაც განუმეორა და მას კანონებისა და რელიგიური წესების კრებულიც დაურთო. ისრაელიტელებს ამ კრებულით უნდა ეხელმძღვანელოთ.

მოსე ბანაკში გამობრუნდა. მისი სახე ისეთი სიდიადით ბრწყინავდა, რომ თანამემამულეებმა თვალი ვერ გაუსწორეს. მოსემ სახეზე საბურველი აიფარა, და როცა ის, ღვთის მიერ შთაგონებული, მორწმუნეებს იაჰვეს სახელით ელაპარაკებოდა, მათ ეჩვენებოდათ, რომ მოსეს თავზე ადგა ნათლის რქები — წმინდანობის ნიშანი.

მოსე ენერგიულად შეუდგა საქმეს. უპირველეს ყოვლისა, გადაწყვიტა, აეგო შჯულის კიდობანი და მოძრავი კარავი საწამებელისა. მშენებლობისათვის საჭირო იყო დიდძალი ოქრო, ვერცხლი და სპილენძი. მან დახმარებისათვის მოუხმო მორწმუნეებს. ძვირფასი ნივთების შეგროვება წარმატებით მიმდინარეობდა. მოსე დაუყოვნებლივ შეუდგა თავისი გეგმების განხორციელებას. ეს საქმე მიანდო ორ სახელგანთქმულ ოსტატს — ბესელიელსა და ელიაბს. ისინი დაოსტატებული ხუროები იყვნენ და ლითონის დამუშავების ხელოვნებასაც დიდებულად ფლობდნენ. კიდობანი აკაკის ხისა ააგეს და შიგნიდან და გარედან ოქროთი დაფარეს. სახურავზე დაამაგრეს ოქროს ფირფიტა, რომელიც ყველას აუწყებდა, რომ აქ დამკვიდრდა იაჰვე. სახურავის ბოლოებზე დასვეს ორი ოქროს ქერუბიმი, რომელ-

თა ფართოდ გაშლილი ფრთები ფირფიტას ფარავდა — თითქოს უცხო თვალისაგან იცავდა.

მოსემ კიღობანში ჩაღო სჯულის ფიცრები, რომლებზეც ამოკვეთილი იყო ათი მცნება და სინას მთაზე მიღებული სხვა კანონების ტექსტები. საწამებლის კარავი იდგა ოთხკუთხა ეზოს შუაგულში. იგი გარშემორტყმული იყო ბრინჯაოს სვეტებით, რომლებიც ოსტატურად გამოყვანილ ვერცხლის ხარისხებს ეყრდნობოდა. გარდიგარდმო გადებულ ძელებზე ეკიდა სელის ქსოვილი; ასე რომ მოედანი ყოველი მხრიდან მაღალი ფარდებით იყო დაფარული. შიგნით შედიოდნენ კარით, რომელზეც ჩამოფარებული იყო ცისფერი და მეწამული ფერის ზოლებიანი შალის ქსოვილი და გრეხილი ბისონი. ოსტატებსა ტაძარი ააგეს აკაკის ხის მოოქრული ლატნებისა და ძელებისაგან. ძელები და ლატნები სიმყარისათვის ლურსმნებით არ დაუჭვდებიათ ერთმანეთზე. ლატნები გაყრილი იყო ძელებზე მიძაგრებულ ოქროს რგოლებში. ამის წყალობით შეიძლებოდა კარავი სწრაფად დაეღვათ, ან, თუ საჭირო იყო, დაეშალათ და ისე გადაეტანათ. კარვის გარეთა კედლები კი სადა იყო. ოქრო იქ არსად ჩანდა. მათ წვიმისა და ძვისაგან იფარავდა ცხვრის ლურჯი და წითელი ტყავეები. ტაძრის შესასვლელის წინ იდგა ბრინჯაოსაგან ჩამოსხმული სამსხვერპლო და წყლით სავსე სპილენძის დიდი საბანელი. როცა მღვდელთმთავარი იაპვეს მსხვერპლს სწირავდა, ხალხს უფლებსა ჰქონდა, ელოცა მხოლოდ შემოსასვლელთან. ტაძარში წირვის დროს მღვდელთმთავარი იცვამდა დიდებულ ტანსაცმელს. ამ სამოსლის ყოველი წვრილმანი მოსემ დააწესა. თეთრი სელის კვართსა და იისფერ სამხრეზე მღვდელთმთავარი წამოისხამდა ცისფერ ფეხედს, რომლის კალთაც მორთული იყო ოქროს ზანზალაკებითა და ფოჩებით. ამრიგად, მღვდელთმთავრის ყოველ ფეხის გადადგმაზე ისმოდა ლითონის წკრიალა ხმა. ოქროსგან, ცისფერი და მეწამული შალისა და დაგრეხილი ბისონისაგან გაკეთებული სამკერდე სხვადასხვა ფერის სხივებს აფრქვევდა. სამკერდეზე ბრწყინავდა თორმეტი პატიოსანი თვალი — ისრაელიტელ ტომთა რაოდენობის მიხედვით. თითოეულ ქვაზე ამოკვეთილი იყო თითო სახელი. ამ სიმდიდრეს უნდა დაეუმატოთ ძვირფასი საბეჭურები და ოქროს ორი მძიმე ძეწკვი. თეთრ კიღარს* წინ მიკერებული ჰქონდა ოქროს პატარა დაფა, რომელზეც ეწერა: „სიწმიდე უფლისა“.

მღვდელთმთავარი განბანის რიტუალს ასრულებდა და მართო შედიოდა წმიდა კარვის წინა კარში. კარვის კალთები მორთული იყო სახიანი ფარდებით, რომლებზეც ისრაელიტელ ქალებს ქერუბიმთა ფიგურები ამოქარავათ. ტაძრის შუაგულში იდგა ოქროსაგან ჩამოსხმული სამსხვერპლო, რომელზეც ნელსურნელოვანი საკმეველი იკმეოდა, ტაბლა, რომელზეც იღო

ნაკერძოთი პური და იღვა შვილლამპრიანი ბრინჯაოს ხანათი. მდიდრული, მოხატული ფარდები ფარავდა ტაძრის წმიდათა-წმიდა ადგილს, სადაც იაქვე იმყოფებოდა. აქ, იღუქალეზით მოცულ ბინდში ინახებოდა ოქროსაგან ჩამოსხმული შავულის ჯიღბანი, რომელიც ებრაელთა კულტის უძვირფასეს საკანჯეს შეიცავდა.

წმიდა კარავში სამსახურისა და ლაშქრობის დროს კიდობნის ტარების პრივილეგია მინიჭებული ჰქონდა მხოლოდ და მხოლოდ ლევიტელებს. მათგანვე ირჩევდა მოსე მოსამართლეებს, მწერლებს, მოძღვრებს, ავადმყოფობის შემლოცველთაც და მსხვერავლებსაც. ქურუშთა კორპორაციის მსგავსად ლევიტელები ცალკე საზოგადოებრივ ჯგუფს შეადგენდნენ. ისინი მოსეს თავგამოდებული მოძსრეები იყვნენ და ზოვსაურობის დროს მისი მცველებას როლსაც ასრულებდნენ.

კადმუისაჲს მინაჲალ ბნაზმ. ისრაელიტელთა ბანაკი მთელი წლის განმავლობაში იღვა სინას მთასთან. ამ ხნის მანძილზე დადი ცელილები მოხდა. მოსეს მოწადინებინა და გულმოდგინების წყალობით მოხეციალეთა უფორპო მასა იქცა საზოგადოებად, რომელსაც მოხელეთა იერარქია ხელმძღვანელობდა. ერთობლივი ცხოვრების ნორმებს იურიდიული დადგენილებები განსაზღვრავდა, იაქვეს კულტმა კი კონკრეტული ფორმები მიიღო. უკვე არსებობდა რელიგიური ინსტიტუტი, საკულტო თანამდებობები და რიტუალური წესები. ისრაელიტელებს ამიერიდან ნაკლები სიფათი და საშიშროება ელოდათ. მათ უკვე შექმნეს რეგულარული და დისციპლინირებული არმია. ყოველმა ტომმა იცოდა თავისი ადგილი მწყობრში. თითოეულს თავის დროსა ჰქონდა და საკუთარი მსედართმთავარი ჰყავდა. ამრიგად, სინას მთის ძირში დასაბამი დაედო მომავალ ებრაელ ერს. საერთო ინტერესებმა და მიზნებმა ტომობრივი სეპარატიზმი დაძლიეს. საწადელი რომ აისრულა, მოსემ თავი იმდენად ძლიერად იგრძნო, რომ ქანაანის დაპყრობაც მოინდომა. მაგრამ ისრაელიტელთა შორის ვერ ნახა კაცი, რომ აღთქმული ქვეყნის გზა სცოდნოდა. მკაცრსა და მიერუებულ მთიან მიდამოში, უკიდევანო უდაბნოში ხომ იოლად შეიძლებოდა გზიდან აცდენა, ან ჩასაფრებული ავაზაკი ბელუნიების ხელში ჩავარდნა. მოსემ კარგად აწონ-დაწონა მოსალოდნელი სიფათი; იგი ეძებდა მეგზურს, ნავალს იმ ადგილებში, რომელზეც მათი მარშრუტი გადიოდა. ამ საქმისათვის მოსეს ყველაზე მეტად თავისი ნათესავი, მადიამელი მღვდლის იოთორის ძე ქობაბი მოსდიოდა თვალში. ქობაბი ღიდ ხანს

უარზე იღვა და მხოლოდ დაჟინებული თხოვნის, მუდარიხა და დაპირებების შემდეგ იკისრა მეგზურობა.

განთიადისას ვერცხლის საყვირები ახმაურდნენ, ისრაელი-ტელებმა კარები აკეტეს და გზას გაუდგნენ. მოგზაურთა გრძელი კოლონა წინასწარ მოფიქრებულ რიგზე დაეწყო. წინ მიდიოდნენ ლევიტელები. მათ ლატნებით მიქქონდათ ნაწილებად დაშლილი საწამებლის კარავი და წმიდა ჭურჭელი. ლევიტელებს მისდევდნენ ტომები. თითოეულ ტომს თავისი დროშა მიქქონდა. ბოლოს მიერეკებოდნენ ცხერის უზარმაზარ ფარას და საპალნიან ვირებს. კოლონას იცავდნენ საგანგებოდ შეიარაღებული რაზმები და წინ გაგზავნილი მშვერავები.

სამ დღეს მიდიოდნენ ისინი უდაბნოში მცხუნვარე მზის ქვეშ და კვლავ აბუზლუნდნენ. ცხერის დაკვლა აკრძალული იყო, ამიტომ ხალხი იკვებებოდა მხოლოდ მანანით, რომელიც ყველას ყელში ამოუვიდა. ამ უსიამოვნებას ისიც დაემატა, რომ ერთხელ ბანაკში ხანძარი გაჩნდა; ცეცხლში ღიღძალი ძვირფასი ქონება დაიწვა. შიმშილით, გაჭირვებითა და ზარალით განაწყენებული ისრაელიტელები შეწუხებულნი იხსდნენ თავიანთი კარების წინ და მოსეს უჩიოდნენ — ეგვიპტე რატომ დაგვატოვებინაო. ტკბილად იგონებდნენ ძველ დროს, მონობა და დევნა აღარც ახსოვდათ. „მოვიხსენეთ ჩვენ თევზი, რომელსა ვჭამდით ჩვენ ეგვიპტეს უსასყიდლოდ, და კიტრი და ნესვი, პრასი, ხახვი და ნიორი. და აწ სული ჩვენი წუხს, არარა გვაქვს, მხოლოდ მანანასა ზოლო ხედავენ თვალნი ჩვენნი“.

მოსეს ძალიან ატკინა გული თავისი სამწყსოს სულმოკლე საქციელმა. მან მოიწვია უხუცესთა საბჭო, რათა გადაეწყვიტა — რა ეღონათ მომავალში. და აი, მოხდა ახალი სასწაული; ბანაკის ახლოს მეორედ მოფრინდა ურიცხვი მწყერი. ისრაელიტელები დაერივნენ მათ და ხარბად შეექცნენ ფრინველის ზორცს. მწყერი იმდენი იყო, რომ შეიძლებოდა აპოხტის გაკეთება და სათადარიგოდ შენახვა. მოწუწუნებებსა და ურწმუნობებს მაინც მკაცრი სასჯელი ელოდათ, რადგან ზორცი შხამიანი გამოდგა. ბანაკს ავადმყოფობა დაერია, ხალხი ბუზივით იხოცებოდა. მალე ირგვლივ მთელი მიდამო საფლავევით დაიფარა. ისრაელიტელებმა წასვლისას გლოვისა და ტანჯვის ადგილს უწოდეს მოუთმენელთა სასაფლაო (რადგან აქ დამარხეს ისინი, ვინც სიხარბის მსხვერპლი გახდა).

შემდეგ გაჩერებაზე ასიროთში უფრო საშინელი რამ მოხდა — აჯანყდნენ მოსეს ახლო ნათესაეები. მარიამი და აპრონი თავიანთ მძლეთამძლე ძმას უსაყვედურებდნენ „ეთიოპელის“, ესე იგი, უცხო წარმოშობის ქალისა და ისიც მხველის შერთვას. ცნობილი არაა, თუ რა ვითარებაში მოხდა ეს ამბავი; მოსეს პირველი ცოლი, იოთორის ასული, მოკვდა, თუ „ეთიო-

პელი“ სარგა იყო მსოლოდ. ამას მნიშვნელობა არ ჰქონდა. მოსეს ნათესავეებს გული იშიტომ აემღვრათ, რომ მოსემ ებრაელთა ძველ ტრადიციას უღალატა.

ოჯახური განხეთქილების ნამდვილი მიზეზი უფრო დიდი უთანსმოება იყო. მარიამ წინასწარმეტყველსა და მღვდელთმთავარ აპრონს გულს უკლავდათ მოსეს ქედმაღლობა: იგი ამტკიცებდა, რომ იაქვე მსოლოდ მისი პირით ლაპარაკობდა, რომ მსოლოდ მას ჰქონდა უფლება, ღმერთის სახელით ემართა სამწყსო. მარიამი და აპრონი კი ფიქრობდნენ — ამ საქმისათვის ჩვენცა ვართ მოწოდებულიო. ისინი ბანაკში დადიოდნენ და წიოდნენ: „ნუთუ მოსეს მარტოსა უბრძანებდა უფალი? ანუ ჩვენ არა გვეტყოდა?“ ეს იყო აშკარა ბრძოლა ძალაუფლებისათვის. მოსემ გადაწყვიტა მაშინვე ჩაეხშო ეს წინააღმდეგობა. მან შფოთისთავეები წაიყვანა კარავში, სადაც მათ იაქვე ესაუბრა ღრუბლებიდან, მკაცრად გაკიცხა და მოუწოდა მორჩილებისაკენ. იაქვემ აპრონს აპატია დანაშაული, შფოთის მოთავე მარიამს კი კეთრი შეკყარა და ბანაკიდან გააძევა. მსოლოდ შვიდა დღის შემდეგ შეიწყნარა ღმერთმა მოსეს ხვეწნა-მუდარა, განკურნა მარიამი და ნება მისცა, თავისიანებთან დაბრუნებულიყო.

ბოლოს და ბოლოს ისრაელიტელებმა მიაღწიეს ქანაანის სამხრეთ საზღვრამდე და შეჩერდნენ ქალაქ კადეშის ახლოს, ფარანის უდაბნოში. განარებულებმა სულმოუთქმელად აირბინეს მაღალ მთაზე და მათ თვალწინ მოძავალი სამშობლოს სასაზღვრო რაიონის ხედი გადაიშალა.

აბრაამის შემდეგ აქ დიდი ცვლილებები მოხდა. ხეობები დაიფარა მწვანე ბალახის ხალიჩით. ბალახში ყვავდა ალისფერი ფრინტა. ფერღობებზე გადაშლილიყო ზეთისხილის, ბროწეულის, დანაკისკუდის ბაღები, აქა-იქ გულმოდგინედ დამუშავებული ვენახიც ხარობდა. უდაბნოს ერთფეროვნებით თავგაბეზრებული ისრაელიტელები მოხიბლა ამ სანახაობამ. ბედნიერებით აღვსილი მოგზაურები ერთმანეთს ეხვეოდნენ, ესწრაფვოდნენ, გზა განეგრძოთ და რაც შეიძლება მალე დაეპყროთ ეს ლამაზი მხარე, მაგრამ წინდახედულმა და შორსმჭვრეტელმა მოსემ არ მოიწონა თავისი სამწყსოს სულსწრაფობა და გადაწყვიტა, ჯერ მზვერავეები გაეგზავნა. მან თითო ტომიდან თითო კაცი შეარჩია და ასე დაარჩია: „წარველით ქვეყანასა ამას სამხრეთისასა და აღველით მთასა და იხილეთ ქვეყანა ესე, ვითარ არს იგი და იხილეთ ერი, მცხოვრები მისი, ანუ თუ ძლიერ არს იგი, ანუ თუ უძლურ, ანუ თუ მცირე, ანუ თუ მრავალ“.

მზვერავეები არავითარ წინააღმდეგობას არ წასწყდომიან და დავალება შეასრულეს. ორმოცი დღის შემდეგ ისინი ბანაკში დაბრუნდნენ და ქანაანის მიწის ნაყოფიერების დასტურად ლაბანებით მოიტანეს ყურძნის აკილოები, ბროწეული და მწიფე ლე-

ღვი. ისრაელიტელებს ხილის დანახვაზე გველი გაუნათლდათ, მზად იყვნენ, იმწამსვე წახულიყვნენ ქანაანის დასაყრობად, მაგრამ მათ ოცნებას ფრთები უშალ შეეკვეცა, როცა მსტოვრებმა იქაური ამბავი გააგებინეს. მზვერავებმა ის კი თქვეს, რომ ქანაანში მართლაც დულს და გადმოდულს სიმდიდრე, მაგრამ ესეც დაურთეს — მის დაყრობაზე ლაპარაკიც კი ზედმეტია, რადგან ქვეყნის საზღვრები გამაგრებულია ძლიერი ციხეებით, მეციხოვნენი კი გოლიათები არიანო. ისრაელიტელები, რომელთაც ერთი უკიდურესობიდან მეორეში იოლად გადავარდნა სჩვეოდათ, კვლავ სასოწარკვეთილებამ მოიცვა. მათ ისევე მორთეს ჩივილი: „უმჯობეს იყო ჩვენდა სიკვდილი ქვეყანასა ეგვიპტისასა, ანუ უდაბნოსა შინა! რად შევკყავთ უფალსა ქვეყანასა ამას? დაცემად მახვილითა? ყრმანი და ცოლნი ჩვენნი იყვნენ დატაცებულ მტერთაგან. აწ უმჯობეს არს ჩვენდა მიქცევა ეგვიპტელ!“

წყევლა-კრულვამ და ბუზღუნმა თანდათან იმატა და ბოლოს დიდ აურზაურად და უწესრიგობად იქცა. წამქეზებლები და შფოთისთავეები მოითხოვდნენ მოსეს გადაყენებასა და სხვა ბელადის არჩევას. „დავიდგინოთ ერისთავი და მივიქცეთ ეგვიპტედვე“. ისუ ნავე და ქელები, ძე იეფონისი, რომელნიც მსტოვართა შორის იყვნენ, ცდილობდნენ დაეშოშმინებინათ შფოთისთავეები; გაცხარებულ დავაში მათ სამოსელი შემოიხიეს, თავგამოდებით ამტკიცებდნენ — უფლის შემწეობით ქანაანს დაეიყრობთო, დამაჯერებლად უხსნიდნენ — სხვა მზვერავები შეშინდნენ და ქვეყნის საომარი ძალა ერთიასად მოეჩვენათო. ამის გაგონებაზე ხალხს ცეცხლი მოეკიდა გულზე. ყვიროდნენ — თვითმკვლელობისა და გარდაუვალი დაღუპვისათვის მიგყავართ გოლიათების ქვეყანაშიო. ისინი ზომ ციხესიმაგრეთა მიუდგომელ კედლებთან გველოდებიანო. შიშისაგან თავგზააბნეული ხალხი ეცა ისუსა და ქელებს და ქეებით ჩაქოლვა დაუპირა. გულადი მზვერავები კარვის ეზოში მიიმალნენ და გადარჩნენ.

განრისხებულმა იაჰვემ გადაწყვიტა, ისრაელის მთელი ერი ამოეწყვიტა წყლულითა და იარებით, მაგრამ ამჯერადაც შეისმინა მოსეს მუდარა და ებრაელებს სასჯელი შეუშსებუქა. მისი განაჩენი იუწყებოდა: ოც წელს გადაცილებულ არც ერთ ისრაელიტელს არ ეღირსებოდა ქანაანის ხილვა. მათ ორმოცი წლის განმავლობაში უნდა ეხეტიალათ უდაბნოში და უდაბნოშივე დაეღიათ სული. მხოლოდ მას, ვისაც ოცი წელი არ შესრულებოდა (ესე იგი, მომთაბარე ცხოვრების მკაცრ პირობებში დაბადებულ თაობას), ეწერა აღთქმულ მიწაზე ცხოვრება. სასჯელი არ ეხებოდა ისუ ნავესა და ქელებს, იაჰვესადმი ურყევი ერთგულებისათვის მათ ელოდათ დიდი პატივი — ისრაელიტელები ქანაანში უნდა შეეყვანათ.

ორიონი წელი უდაბნოში. მოსემ კვლავ ხელთ იგდო ძალაუფლება და პირდაპირ სამსრუთს მიაშურა. მან რამდენიმე საათს დაჰყო აქაბის ყურის სანაპიროზე. შემდეგ კი მაინც დიდხანს საცნოვრებლად გამოხალგეი ადგილის ძებნას შეუდგა. ამ მხრივ ყველაზე უკეთესი აღმოჩნდა ქალაქ კადემის მიდამოები. ანკრა წყლით გაათქმული ორი ჭა და ვრცელი საძოვრები სედს უწყობდა საქონლის მოშენებას. ვარდა ამისა მეზობლად ცნოვრები მშვიდობიანი ტომები დიდი ხალხით ვაჭრობდნენ ისრაელელებთან.

ისრაელის ტომებს მაინც არ ეღირსათ ერთმანეთში სიამტეხილობით ცნოვრება. მათ სიცოცხლეს უმწარებდა განუწყვეტელი დავა საძოვრების გამო. ვარდა ამისა, მოსეს აუხსენდნენ ლევიტელები, რომლებიც ოდესღაც მისი ყველაზე ერთგული მომხრენი იყვნენ. მათ არ ეჭაშნიკებოდათ საქცაელი აპრონისა და მღვდელთმსახურთა მოელი კაატისა, რადგან ისინი ქედმაღლურად განცალკევდნენ დასარჩენი ლევიტელებისაგან და თანდათან შეტ პრივილეგიებსა და მატერიალურ სიმდიდრეს ეუფლებოდნენ.

ეს იყო მიზეზი, რომელმაც გამოიწვია განაწყენებულთა და განდგომილთა შეთქმულება. მასში მონაწილეობდა ორას ორმოცდაათი ლევიტელი კორეს ხელმძღვანელობით. აჯანყებულნი შეგროვდნენ მოსესა და აპრონის კარების წინ და სმამალა გაიძახოდნენ: „რად განადიდეთ თავი თქვენი კრებულსა ზედა უფლისასა?“ მოსემ მათ მშვიდად მოუხმინა, შემდეგ წავიდა საწყაბელის კარავში, შჯულის კიდობნის წინ პირქვე დაეშხო და უფალს რჩევა სთხოვა. მერე აჯანყებულებთან მივიდა და კორეს მიმართა: „ისმანეთ ჩემი, ძენო ლევისნი! მცირე არს თქვენდა ესე, რამეთუ განგყო თქვენ ღმერთჲნი ისრაელისჲნი და მივიყვანა თქვენ თავისა თვისისა სამსახურად, მსახურებად კარვისა უფლისა, დადგომად წინაშე კრებულისა უფლისა და სამსახურებლად მისა? და მივიყვანათ თავისა თვისისა თანა, შენ და ყოველნი ძმანი შენნი, ძენი ლევისნი, და თქვენ კი მღვდელთა გენება. შენ და კრებული შენი შეიკრიბენით წინააღმდეგომად უფლისა. ვინ არს აპრონი, რამეთუ ღრტვინავთ მისთვის?“

მოსემ დაწყევლა შეთქმულნი და ყველას აუკრძალა თავისა და აპრონის კარებთან მიახლოებაც კი. შემდეგ მიწა გაირღვა და კორე ჩაყლაპა, დანარჩენი აჯანყებულები კი ღვთისაგან მოვლენილმა ცეცხლმა შთანთქა. ეს იყო გაფრთხილება, რომ მომავალში აღარავის გაებდა მღვდელთმსახურთა წინააღმდეგ გამოსვლა.

მკაცრმა სასჯელმა უბრალო ხალხი ვერ შეაშინა, პირიქით— უჩვეულოდ აღაშფოთა. დაიწყო დიდი უწყესრიგობა. მოსემ და აპრონმა წმიდა კარავს შეაფარა თავი და ძლივს გადაურ-

ინენ სიკვდილს. იაპვემ აჯანყებულთ ცეცხლი მოუვლინა. დაი-
ღუპა თოთსმეტი ათას შვიდასი კაცი. აჯანყება ჩაახშეს. მოსეს
უნდა დაემტკიცებინა, რომ აპრონს მღვდელთმთავრის წოდება
უშუალოდ იაპვემ უბოძა. მან უბრძანა ტომების მეთაურებს, მათ
შორის აპრონსაც, ტაძარში მოეტანათ თითო მწყემსის არგანი;
და აი, მეორე დღეს მორწმუნეთა თვალწინ მოსდა სასწაული:
მხოლოდ აპრონის არგანმა გამოიღო კვირტები, აყვავდა და ნუ-
ში მოისხა. ხალხი დამორჩილდა იაპვეს ნებას, შეწყვიტა
დრტვინვა და აპრონს აღარ კიცხავდა იმ პრივილეგიებისათვის,
რომლითაც იგი სარგებლობდა.

კადეში გარდაიცვალა მარიამ წინასწარმეტყველი, აპრონი-
სა და მოსეს და. ისრაელის ერს კიდევ ერთხელ დაატყდა თავს
უბედურება — გვალვა. უწყლობით უზომოდ შეწუხებულები
კვლავ აჯანყდნენ. მოსემ ისევ დაჰკრა კვერთხი კლდეს და წყა-
ლი გამოადინა.

ოცდათვრამეტ წელს გაგრძელდა ისრაელიტელი ტომების
მშვიდობიანი მწყემსური ცხოვრება კადეში. ისინი აქეთ-იქით
საძოვრებზე მიმოიფანტნენ და განკერძოებულად ცხოვრობდნენ.
ნაციონალური ერთიანობა თანდათან შესუსტდა. თავიანთ თავს
თვითონვე განაგებდნენ; რელიგიის მიმართ ისეთი გულგრილები
განდნენ, რომ აღარც იაპვეს სწირავდნენ მსხვერპლს და აღარც
წინადაცვეთის წესს იცავდნენ. მოსემ და აპრონმაც კი აღარ
შეიწუხეს თავი. რადგან მოსე და აპრონი რელიგიური გრძნობის
დაცემის წინააღმდეგ არ იბრძოდნენ, იაპვემ ისინი დასაჯა და
განუცხადა: აღთქმულ მიწაზე ფეხს ვერ შეადგამთ და უდაბნო-
შივე დაიხოცებით. ასეთი მკაცრი სასჯელის უშუალო მიზეზი
მიანც ის იყო, რომ მოსესა და აპრონს ეჭვი შეეპარათ იაპვეს
ყოვლისშემძლეობაში — მათ ხომ ორჯერ დაჰკრეს კლდეს კვერ-
თხი წყლის მოსაპოვებლად.

აღთმავალი ძვეყნისაკენ. ორმოცი წელი გავიდა მას
შემდეგ, რაც ისრაელიტელებმა ეგვიპტის საზღვრები დატოვეს.
ამ ხნის მანძილზე უდაბნოში გაიზარდა და დაეკაცა ახალი
თაობა, რომელმაც ქალაქური ცხოვრების სიკეთე არ იცოდა.
იგი გამოიწრთო ყაჩაღ ბედუინებთან შეტაკებებში და ბრძოლა-
ში გაიწაფა. ამით დაიმედებულმა მოსემ გადაწყვიტა, ქანაანის
დაპყრობა ეცადა. კადეშის აღმოსავლეთით გადაშლილი იყო
ელომის სამეფო. მის მიდამოებზე გამავალ საქარავნო გზას სა-
მეფო გზას უწოდებდნენ. მოსემ ელომის მეფეს ელჩები გაუგზავ-
ნა და შეუთვალა — შენს მიწაზე გაგვატარეო. იგი თავის მხრივ
კისრულობდა, რომ გზიდან არ გადაუხვევდა, წყლის საფასურსა
და საქონლის საბაღასხეს ზუსტად გადაიხდიდა. მეფემ მოსეს

თავი არ გაუყვარა, ელჩები უარით გაისტუმრა და საზღვრებზე დაუყოვნებლივ ჯარები გამოიყვანა. მოსეს ხელს არ აძლევდა ძლიერ მეფესთან ბრძოლა. გადაწყვიტა, ედომისათვის სამხრეთიდან შემოეველო, აღმოსავლეთი საზღვრის გასწვრივ წახულიყო ჩრდილოეთისკენ და ამ გზით მიეღწია იორდანის მარცხენა ნაპირამდე, სადაც გადაჭიმული იყო ქანაანი. დააპირეს თუ არა ლაშქრობა, აპრონი აუად გახდა. მოსემ ბრძანა, მომაკედავი ძმა ორის მთის მწვერვალზე აეყვანათ. აქ მან ძმას ტანსაცმელი გახადა და მის შესამე ძეს ელიაზარს ჩააცვა. ასე აღსრულდა პირველად წესი მამის მიერ შვილისათვის მაღალი წოდების გადაცემისა. აპრონი გარდაიცვალა ორის მთაზე. იგი აქვე დაიტირეს და დაახაფლავეს. დაკრძალვის ცერემონიალის შემდეგ ისრაელიტელები დაიძრნენ სამხრეთისაკენ — აქაბის ყურის მიმართულებით. ისინი მიდიოდნენ გრძელ კლდოვან ხეობაში და საკმლისა და წელის უკმარისობისაგან იტანჯებოდნენ.

არაქათგამოლულმა მოგზაურებმა კვლავ დრტვივნა იწყეს. იმუქრებოდნენ, მოსეს აღარ დაუუჯერებდნენ. ამისთვის მათ მორიგი ხასჯელი დაიმსახურეს — ბანაკში გაჩნდა აუარებელი შხამიანი გველი. მათგან დაგესლილი იძღენი ხალხი დასნეულდა, რომ ლაშქრობის გაგრძელება აღარ შეიძლებოდა. მოსემ აქაც მონახა გამოსავალი: ბრძანა, სპილენძისაგან ჩამოესხათ გველის ფიგურა და ბანაკის შუაგულში აეკრათ ბოძზე. საკმარისი იყო, კაცს მისთვის შეეხედა, რომ მაშინვე დაბრუნებოდა ჯანმრთელობა და ძალა შემდგომი მგზავრობისათვის.

აქაბის ყურის ნაპირიდან ისრაელიტელებმა პირი იბრუნეს ჩრდილოეთისაკენ, შემოუარეს მტრულად განწყობილ ედომს სამხრეთიდან და აღმოსავლეთიდან და ბოლოს ზარედის ხევთან შეჩერდნენ. მის მეორე მხარეზე, მკვდარი ზღვის გასწვრივ, გაშლილი იყო მოაბელთა ტერიტორია. მოსემ იცოდა, რომ ამორეველებთან ბრძოლის შემდეგ მოაბელები დასუსტებულნი იყვნენ და ამიტომ მათი წინააღმდეგობისა არ ეშინოდა. ისრაელიტელებმა მართლაც შეუფერხებლად გაიარეს მოაბელთა ქვეყანა და მდინარე არნონამდე მივიდნენ. არნონი ამორეველთა ქვეყანასა და მოაბს ერთმანეთისაგან კყოფდა და მათ შორის საზღვარს წარმოადგენდა. იგი ძნელი გადასალახავი იყო, რადგან აქეთიქიდან ციცაბო კლდეები ერტყა. ამასთან ერთად, ამორეველთა მეფე სეონი გულადი მეომარი იყო და ისრაელიტელები თავის ქვეყანაში არ შეუშვა. მაგრამ სეონმა მათ გამანადგურებელ შეტევას ვერ გაუძლო. დამპყრობლებმა ერთიანად შემუსრეს ამორეველნი. შემდგომ ისრაელიტელებს მოელოდათ სასაზღვრო მდინარე იაბოკის ბრძოლით გადალახვა, რადგან მდინარის გადმა ბასანის სახელმწიფო მდებარეობდა.

ბასანის მეფე გოლიათი ოგი განთქმული იყო ვაჟაკობითა

და ღონით. მისი რკინის სარეცელი სიგრძით ცხრა და სიგანით ოთხი წყრთა იყო. ისრაელიტელებს წარბიც არ შეუხრიათ მისი ამბის გაგონებაზე. მათ ხომ სულ ახლახან უდიდესი გამარჯვება მოიპოვეს. თავიანთ შესაძლებლობებში ღრმად დარწმუნებულებმა შეუტყვეს ბასანს, იოლად დაიმორჩილეს იგი და დაეუფლნენ იორდანის იქეთა მხარეს გენესარეთის ტბამდე. ახლა მათ ხელსაყრელი ბაზა ჰქონდათ ქანაანზე თავდასხმისათვის. მოსემ ბრძანა, ჯარებისათვის თავი მოეყარათ შობაში, იორდანის აღმოსავლეთ სანაპიროზე. აქ იყო პატარა ფონი, რომელსაც მოპირდაპირე მხრიდან იერიქონის კოშკები და კედლები იცავდა.

წინასწარმეტყველი ბალაამი. მოაბელთა მეფე ბალაკი შემფოთებული აღევნებდა თვალყურს ისრაელიტელთა წარმატებებს. ამორეველებსა და მეფე ოგზე გამარჯვების შემდეგ ისინი საშიში მეზობლები გახდნენ. ბალაკი ვერ ბედავდა მათთან პირისპირ იარაღით ბრძოლას და განიზრახა, გრძნებისათვის მიემართა. ეფფრატზე მდებარე ქალაქ პეთორაში ცხოვრობდა სახელგანთქმული ჯადოქარი ბალაამი. ბალაკმა მასთან გაგზავნა უხუცესი მოაბელები, გაატანა უხვი საჩუქრები, შეუთვალა: ისრაელიტელები დაწყევლე და ბრძოლაზე ხელი ააღებინეო. ბალაამმა მოუსმინა უხუცესებს, ღამე ლოცვად დამღვარმა გაათენა და დილით განაცხადა — ისრაელიტელთა ღმერთმა ამიკრძალა და ამ საქმეს ვერ ვიკისრებო. ბალაკმა იხტიბარი არ გაიტეხა. მან გაგზავნა მეორე, უფრო წარჩინებული პირებისაგან შემდგარი დელეგაცია, გაატანა უფრო ძვირფასი საჩუქრები, მაგრამ მისანმა მოციქულებს ყურიც არ ათხოვა: „თუ მომცეს მეფემან სახლი თვისი, სავსე ოქროითა და ვეცხლითა, არა ძალ-მიძს გარდასვლა ბრძანებისაგან უფლისა ღმრთისა ჩემისა“, — თქვა მან. იაკვემ გადაიფიქრა განზრახვა და ბალაამს მოაბში გამგზავრების ნება დართო, ოღონდ იმ პირობით, რომ ღმერთის მითითებათა მიხედვით უნდა ემოქმედა. განთქმული გრძნეული შეჯდა თავის ერთგულ ჭაკ ვირზე და გზას გაუდგა. ამასობაში იაკვემ იგრძნო, რომ ბალაამს ისრაელიტელთათვის სიკეთე არ უნდოდა და გადაწყვიტა, შეეჩერებინა იგი. იაკვეს ბრძანებისამებრ ანგელოზმა შიშველი მასკილით გზა გადაუღობა. ბალაამს.

ანგელოზი მხოლოდ ვირმა დანახა. იგი ყალყზე შედგა. შემდეგ გზიდან გადაუხვია და თავი მიხდორს მისცა. ბალაამმა ვერაფერი გაიგო, განრისხდა და ოჩან ვირს ჯოჯით სცემა. მაინც ვერაფერს გახდა. გაცოფებულმა პირუტყვემა ბალაამს სადავე წაართვა და ვენახის ორღობეში ჭუნებით შევარდა. ანგელოზი კვლავ გადაუდგა მას წინ. ვირი სწრაფად შემობრუნდა და პატრონის ფეხები კინაღამ ღობეს მიასრისა. ბალაამი ტკივილმა

შეაწუხა, აღრიაღდა და ვირს ისე გადაუჭირა სახრე. შეურაცხყოფილმა პირუტყვემა პატრონს შესტირა: „რა გიყავ, რად მეც სამ გზის?“

ბალაამს რატომღაც ხულ არ გაჰკვირვებია, რომ ვირი აღამიანივით ალაპარაკდა და რისხვადამცხრალმა გაკიცსვა დაუწყო: „გეც, რამეთუ შეურაცხყავ. და თუ მქონოდა მახვილი, განგგმერდი მსწრაფლ“. ვირმა კვლავ განაგრძო საყვედური: „არა მე ვარ კარაული შენი, რომელსა ზედა ჰზი მრავალ ვამ, ვიდრე დღემდე? ნუთუ ოდესმე გიყავ ესრეთ?“ ბალაამი იძულებული იყო გულწრფელად ეთქვა, ყოველთვის ერთგულად შემსახურებოდიო. იმავე წუთს მან დაინახა ანგელოზის ნათელი ფიგურა, დაუყოვნებლივ ჩამოხდა და ანგელოზს თავყვანი სცა. ანგელოზმა საყვედურით შეხედა ბალაამს და ჰკითხა: „რად ეც არგანი ვირსა მაგას სამ გზის? აჰა, გამოხრულ ვარ დაბრკოლებად შენდა, რამეთუ არა არს წრფელ გზა შენი წინაშე ჩემსა. და მიხილა მე ვირმან და უკუიქცა სამ გზის. თუ არა ექმნა ესე, მოგკალმცა შენ, ხოლო იგი შევიწყალე“. შეცბუნებული ბალაამი თავს იმართლებდა: „გცოდე შენ; არა ვიცოდი, რამეთუ შენ წინა აღმიდეგ გზასა ამას ზედა; აწ თუ არა არს ესე სათნო წინაშე თვალთა შენთა, უკუიქცე“. „წარვედ შენ კაცთა მათ თანა, ხოლო სიტყვა, რომელსა გეტყვი შენ, უთხარ მათ“, — მიუგო ანგელოზმა.

მოაბის მეფე მიეგება ბალაამს და სახელგანთქმულ გრძნულს გადაეხვია. მიართვა ახალი საჩუქრები და წაიყვანა ბორცუზე, საიდანაც ისრაელის ძეთა ბანაკი ჩანდა. აქ ბალაამმა სამსხვერპლო ააგო და ზედ ვერძი აიყვანა. დააპირა კიდევაც ისრაელიტელების შეწვევება და დახოცვა, მაგრამ მოხდა სასწაული და წყევლის მაგივრად ბალაამის ბაგეებს ლოცვა აღმოხდა. შვიდგზის ეცადა განთქმული ჯადოქარი მეფის სურვილის ასრულებას, შვიდი სამსხვერპლო ააგო, შვიდჯერ შესწირა მსხვერპლი, მაგრამ ღმერთმა შვიდჯერვე აკურთხებინა ისრაელის ძენი. მოაბელთა მეფე ეჭვის თვლით უყურებდა ბალაამს და როცა მეშვიდეჯერაც ლოცვა მოესმა, მეტისმეტად განრისხდა და გრძნულს გაგდება მოუწოდოდა.

ამ ამბავმა ძალიან გაანაწყენა ბალაამი, უნდოდა შეურაცხყოფილი მეფის გული რითიმე მაინც დაეამებინა და წამოსვლისას მზაკრული რჩევა მისცა: მოაბელ ქალებს გაარყენეინე ისრაელიტელები და ამით მათი ძლიერება შეარყიეო. მეფემ ყურად იღო მისი რჩევა. ისრაელიტელ მამაკაცებს მობეზრდათ ბანაკის ერთფეროვანი ცხოვრება და მოსეს მკაცრი რელიგიური წესები. ამიტომ მათი ცდუნება იოლი იყო. მოაბელი ქალები ღვთაება ბელფეგორის საპატივცემულო რიტუალის შესრულებისას აღვირახსნილ გარყვნილებას ეწეოდნენ. მათ ისრაელი-

ტელი მამაკაცები ტაძარში გამართულ ორგეებში ჩაითრიეს და ამ გზით კერპთაყეანისმცემლობისაკენ შეაბრუნეს. და აი, ერთმა დიდგვაროვანმა ისრაელიტელმა კარავში შეიყვანა მოაბელი ქალი. ამ დროს კი მორწმუნენი იაჰვეს ტაძარში ლოცულობდნენ. მღვდელმთავარ ელიასარის ვაჟმა ფინეზმა, ამასრზენი სანახაობით აღშფოთებულმა, შუბით განგძირა დამნაშავე წყვილი. მორწმუნეებმა იფიქრეს, შურისძიების ყაში დადგაო და განდგომილებს დაერივნენ. ბანაკში ხოცვა-ჟლეტა გაიმართა. დაიღუპა იაჰვეს მოღალატე ოცდაოთხი ათასი კაცი. მოაბელებსაც უწია სასჯელმა: თორმეტი ათასი რჩეული მეომარი ცეცხლითა და მახეილით შეესია მათ ქვეყანას და ქვა ქვაზე აღარ დატოვა. ამ სოცვა-ჟლეტის დროს ბალაამიც დაიღუპა. იგი შეეწირა საკუთარ რჩევას, მოაბელთა მეფეს რომ მისცა. ისრაელიტელებმა მოაბში დიდი ალაფი აიღეს. გარდა ოცდათორმეტი ათასი მონისა, მათ ხელთ იგდეს სამოცდათორმეტი ათასი სული მსხვილდევსა პირუტყვი და სამოცდაერთი ათასი სასაპალნე ვირი. რუბენისა და გადის ვაჟებს, აგრეთვე მანასეს ტომის წევრთა ნახევარს თვალში მოუვიდა იორდანის გაღმა მღებარე მიდამოები და აქ დასასლება მოისურვა. მოსემ სიამოვნებით მისცა დასტური, იღონდ გააფრთხილა, რომ ჯერ ქანაანის დაპყრობაში უნდა მიეღოთ მონაწილეობა.

მოსეს უკანასკნელი დღეები. მოსემ იცოდა იაჰვეს განაჩენი, იცოდა, რომ იგი ვერ ეღირსებოდა ქანაანის საზღვრების გადალასვასა და თავისი ცხოვრების მთავარი მიზნის განსორციელებას. იგი უკვე ას ოცი წლისა იყო. არც ჯანი აკლდა, არც მსხეობა, მაგრამ სიკვდილის მოახლოებას მაინც გრძნობდა. სიკვდილამდე კი ბევრი საქმე ჰქონდა კიდევ მოსაგეარებელი. უპირველეს ყოვლისა, მან წაატარა საყოველთაო აღწერა და შეიტყო, რომ ისრაელიტელები — ექვსას ერთი ათას შვიდას ოცდაათი იყვნენ. მეშკვიდრედ მან თავისი ერთგული თანამებრძოლი და გულადი მხედართმთავარი ისუ ნავე დანიშნა. მოსემ გამოიყენა ორმოცი წლის გამოცდილება და კანონთა იმდროინდელი კრებული შეავსო ასალი წესებითა და რელიგიური განჩინებებით. ამით მან ებრაელთა მომავალ საზოგადოებრივ წყობილებას მყარი საფუძველი ჩაუყარა. შუღლისა და დავის აღკვეთის მიზნით, მან ქანაანის ტერიტორია გაანაწილა და თითოეულ ტომს თავისი სამფლობელო მისცა. მხოლოდ ლევიტელებმა და მღვდლებმა ვერ მიიღეს საგანგებო წილი, რადგან ისინი ვალდებულნი იყვნენ, მთელ ქანაანში გასძლოლოდნენ იაჰვესათვის სამსახურის საქმეს. მაგრამ მოსემ მათ მაინც მისცა ორმოცდარვა ქალაქი და სხვა ადგილები, რომ შეძლებოდათ

უზრუნველი ცხოვრება. სისხლის აღების წესის მოსასპობად გამოყო ექვსი ქალაქი. ამ ქალაქებში თავის შეფარება შეეძლო ყველას, ვისაც უცაბედად შემოაკვდებოდა კაცი. მოხემ შეთხზა თავისი ღმერთის სადიდებლად შთაგონებული საგალობელი, ისრაელიტელებს უბრძანა, ზეპირად დაესწავლათ იგი და ბღენიერების თუ უბედურების ჟამს გასამხნეველად ჰქონოდათ. შემდეგ გამოეთხოვა თავის ხალხს და მარტო ავიდა ნებოს მთის მწვერვალზე. მწუხარე თვალი მიმოავლო აღთქმული მიწის ვრცელ მიდამოს, სადაც მას ფეხის დადგმა არ ეწერა. ხელისგულივით ხედავდა იორდანეს, რომელიც მაღალ ნაპირებს შუა მიედინებოდა მკვდარი ზღვის წყნარი, მღორედ მოძრავი ზედაპირისაკენ. ხედავდა ზღვის გარშემო ჩამომწყდარ ციციბო კლდეებს, რომელსაც სხვადასხვა ფერი გადაჰკრავდა — მოყვითალო, მოწითალო, მოლურჯო თუ მიხაკისფერი. იორდანის გაღმა, პალმების ოაზისების თავზე, აღმართულიყვნენ იერიქონის ციხეთა კედლები — პირველი ძლიერი საგუშაგო ხაზი ქანაანის კარიბჭესთან. თვალსაწიერის კიდეზე აციმციმდა ხმელთაშუა ზღვის ვიწრო ზოლი. აი, აღთქმული ქვეყანა, მიწა, საიდანაც რძე და თაფლი გამოდის, ებრაელთა მომავალი სამშობლო. სევდამორეული მოსე შემობრუნდა, ზურგი აქცია მომხიბლავ გადასახედს და მარტომ დალია სული. მისი სიკვდილი მარადიული საიდუმლოებითაა მოცული და დღემდე არავინ იცის, სად განისვენებს მოსეს ნეშტი. ხალხი ოცდაათ დღეს გლოვობდა თავის მოძვარს. მერე კარვები აკეცეს და ისუ ნავეს წინამძღოლობით იორდანის გადასალახავად დაიძრნენ.

მოსე მითების შარავანდედი

ბიბლიაში აღწერილი ამბავი ეგვიპტიდან გამოსვლისა და აღთქმული ქვეყნისაკენ მგზავრობისა ამავე დროს ებრაულ რელიგიის ისტორიაც არის. ისრაელიტელებს სწამდათ, რომ იაპვეს ისინი განსაკუთრებულად უყვარდა, რომ ის იყო მათი მფარველი და გამათავისუფლებელი, რომ მან შეუქმნა კანონები, მორალური ნორმები, საზოგადოებრივი წყობა, რელიგიური ინსტიტუტები, მღვდლის თანამდებობა; რომ მან განუსაზღვრა ებრაელებს ლიტურგიული ცერემონიალის წესები და ბოლოს გაერთიანებული და ორგანიზებული ერის სახით მიიყვანა ქანაანში. იაპვეს მფარველობის ღრმა რწმენა ისრაელიტელებს ანიჭებდა მორალურ ძალასა და მხნეობას უბედურებისა და კატასტროფების წამს. ისრაელიტელები თავის თავს თვლიდნენ რჩეულ ხალხად, რომელსაც მინდობილი ჰქონდა მნიშვნელოვანი ისტორიული მისია, ამიტომ მას არ ეწერა ალგვა დედაძმის ჰირიდან, მიუხედავად იმისა, რომ დროდადრო ღმერთი მათ სასტიკად სჯიდა ხოლმე სინას მთაზე დადებული აღთქმის დარღვევისათვის.

ისრაელის ძეთა მონობიდან გაქცევის დრამატულმა ამბავმა თანდათან დაკარგა რეალური ნიშნები. თქმულება მოსეზე თაობიდან თაობას გადაეცემოდა და თანდათან მეტ მისტიკურ ელფერს იძენდა, ისტორიული ფაქტები კი უკანა პლანზე გადადიოდა, ამ ფაქტებს ისეთ მცირე მნიშვნელობას ანიჭებდნენ, რომ მღვწენელი ჭარაონის სახელის აღნიშვნაც კი არ მიაჩნდათ საჭიროდ.

ისრაელიტელების ეგვიპტიდან გამოსვლას ოსეს, მიქიასა და იერემიას იღუმალებით მოცულ ჩვენებებში მისტიკური მნიშვნელობა მიეცა. მან იაპვეს ნების გამოვლენის სახე მიიღო და წმინდა რელიგიურ მოვლენად იქნა მიჩნეული. როცა ისრაელიტელ გლეხს მოსაველის პირველი ნაყოფი საკურთხეველზე შესაწირავად მიჰქონდა, იგი ასე ლოცულობდა: „ბოროტსა გვიყოფდეს, გვაჭირებდეს ჩვენ ეგვიპტელნი ფრიად, და დაგვიდევს ჩვენ საქმე მძიმე და ვლალადებდით ჩვენ უფლისა მიმართ, ღმერთისა მამათა ჩვენთასა; და შეესმა უფალსა ხმისა ჩვენისა

და მოხელა დამდაბლებასა ჩვენსა და დაშვრომასა და ჭირსა ჩვენსა, გამოგვიყვანა ჩვენ უფალმან ეგვიპტით ძალითა თვისითა, ხელითა მტკიცითა და შიშითა დიდითა, სასწაულებითა და ნიშნებითა მრავლითა და შემოგვიყვანა ჩვენ ადვილსა ამას და მოგვცა ჩვენ ქვეყანა ესე, ქვეყანა, რომელსა გამოსდის სძე და თაფლი“. (მეორე სჯ. თ. 26, მ. 6-9). ებრაელი მღვდლები, რომლებიც იწერდნენ ეგვიპტიდან ისრაელიტელთა გამოქცევის ეპოპეას და შექქონდათ იგი თავიანთ საღმრთო წიგნებში, არ იყვნენ ისტორიკოსები ამ ცნების თანამედროვე გაგებით. ისინი იყვნენ თეოლოგები და ისრაელის ისტორიას თავიანთი რელიგიური თვალსაზრისის შესაბამისად განიხილავდნენ. ყველაფერს, რასაც კი ლეგენდები მიაწერდნენ მოსეს (იაჰვესთან საუბარს, სასწაულებსა და მცნებებს) ისინი მიიჩნევდნენ უტყუარ, ჭეშმარიტ ფაქტებად. ამასთანავე, იმ დროს, როცა ებრაელი მღვდლები ისტორიული ლეგენდების რედაქციას შეუდგნენ, ეგვიპტიდან გამოსვლის შემდეგ უკვე რამდენიმე საუკუნე იყო გასული. მოვლენათა რეალურმა მსკლელობამ ამ დროისათვის განიცადა პროცესი, რომელსაც წარსულის მითოლოგიზაციას ვუწოდებთ.

აი, რატომ უხდებათ თანამედროვე მეცნიერებს დიდი სიძნელების გადალახვა იმისათვის, რომ ლეგენდებისაგან გამოაცალკეონ ჭეშმარიტების მარცვალი. მიუხედავად იმისა, რომ ამ საკითხს მეცნიერებმა დიდი ენერგია შეაღიეს, დღემდე მაინც არ არსებობს ერთი მოსაზრება იმის შესახებ, თუ რა მოხდა სინამდვილეში, ნამდვილად არსებობდა თუ არა მოსე. ჩვეულებრივ, რაც უფრო ვშორდებით დიდი ხნის გარდასულ ეპოქებს, მით უფრო იწევს წინა პლანზე ისტორიული სიმართლე და მცირდება ლეგენდის როლი. მოსეს ამბავი კი საწინააღმდეგო პროცესს გვიჩვენებს. აბრაამის, ლოთის, ესაის, ისააკისა და იაკობის სახეები შედარებით რეალისტური, მახლობელი და გასაგებია თავიანთი ადამიანური ნიშან-თვისებებით. მოსე კი, ზოგიერთი მეცნიერის აზრით, ბიბლიის ისტორიაში ყველაზე უფრო მეტი საიდუმლოებით მოცული პიროვნებაა. მასზე მრავალი ლეგენდა შეუთხზავთ. მოსე — დიდი ბელადი, სჯულმდებელი და წინასწარმეტყველი — გვარწმუნებს და გვაკვირვებს, როცა ის ტრაგიკულად იბრძვის თავისი ხალხისა და საკუთარი სისუსტის წინააღმდეგ, მაგრამ რა ცოტა ვიცით მის პიროვნებაზე! ვიცით, რომ იგი ფიცხი იყო. იოლად განრისხდებოდა ხოლმე, რომ მას განუცდია დაეჭვების წუთები, ორი ცოლი ჰყოლია და ოჯახში უსიამოვნება ჰქონია. ამის მეტი მოსეზე ალბათ არც არაფერი გვცოდნია ოდესმე. ჩვენ ყოველთვის ვხედავთ მას, როგორც ბრინჯაოსაგან ჩამოსხმულ ქანდაკებას. ესაა ღვთისაგან მირონცხებული, იაჰვეს ნების განუხრელად აღმსრულებელი

გმირი. ისრაელის ძენი ყოველწლიურად, სააღდგომო დღესასწაულზე, ჰიმნებითა და ფსალმუნებით აღიღებდნენ იაჰვეს და მის სრულუფლებიან წარმომადგენელს მოსეს. უდაბნოში ხეტიალის გამოცდილებამ კი საკულტო წეს-ჩვეულებებში მიიღო სახე რელიგიური მისტერიისა, დრამისა, რომელიც სხვაგვარ სამყაროს განეკუთვნებოდა.

მაგრამ განა ამიტომ უნდა დავასკვნათ, რომ მოსე არ ყოფილა რეალური, ისტორიული ფიგურა? სულაც არა. თანამედროვე მეცნიერება, როცა იგი ამგვარ საკითხებს იკვლევს, განანკონის გამოტანისას სიფრთხილეს იჩენს, მას შემდეგ, რაც მრავალი ლეგენდისა და მითის მიღმა ჭეშმარიტი ფაქტების დიდი რაოდენობა აღმოჩნდა. ასე მაგალითად, სოლონს, ლიკურგს თუ ნუმა პომპილიუსს მითიურ პიროვნებებად აღარ თვლიან. ესენი იყვნენ ბელადები, რომლებიც მოქმედებდნენ დიდ ისტორიულ გარდატეხათა დროს. ამიტომ მომდევნო თაობებმა თავიანთ თქმულებებში ისინი დიადი სიმბოლოების რანგამდე აამაღლეს.

შესაძლებელია, რომ ისრაელის ძეთა შორის მართლაც გამოჩნდა დიდი გაქანებისა და ნიჭის მქონე ბელადი, სჯულმდებელი და რელიგიური რეფორმატორი, რომელმაც თავისი ხალხი ეგვიპტეში მონობისაგან იხსნა და ქანაანში წაიყვანა. მისი ნიჭის წყალობით უდისციპლინო, შინაგან განხეთქილებათაგან დაქსაქსული ტომები გაერთიანდნენ და გაიმარჯვეს ეგვიპტეში, უდაბნოსა და ქანაანში.

ამრიგად, გასაკვირი არაა, რომ მოსე ხალხურ თქმულებებში საყვარელ ნაციონალურ გმირად, წინასწარმეტყველად იქცა და რომ იგი წმინდანის კვარცხლბეკზე აიყვანეს. ის ხომ იაჰვეს სიტყვას ქადაგებდა და ამიტომ ყველაფერი, რასაც მოსე იტყვოდა ან ჩაიდენდა, კანონიერად და უტოლველ დოგმად ითვლებოდა.

ბიბლიური ლეგენდა მოსეს დაბადებისა და სიკვდილის შესახებ საოცრად ემთხვევა სხვა ძველი ხალხების ლეგენდებს. აზიაში, საბერძნეთსა და იაპონიაშიც კი ნაციონალური გმირების დაბადებას, ჩვეულებრივ, თან სდევს დრამატიზმით აღსავსე ამბები: ბავშვობისას მათ კალათაში ან ყუთში სვამენ და წყალში აგდებენ. ხალხურ თქმულებებში, წესისამებრ, არაფერია ზოლმე ნათქვამი გმირთა სიყმაწვილის წლების შესახებ; ცნობილია მხოლოდ ის, რომ ისინი უცხო მეფეთა კარზე იზრდებიან. მაგალითად: ლურსმული ტექსტებიდან შევიტყვეთ, რომ უდიდეს მეფეს სარგონს, რომელმაც 2350 წელს (ჩვ. წ-მდე) მესოპოტამიაში აქადის სახელმწიფო დააარსა, მოსესნაირი ბედი ერგო. იგი ქურუმმა დედამ მალულად შობა, გაფისულ კალათაში ჩასვა და მდინარეს გაატანა. ყრმა მდინარიდან ამოიყვანა წყლის მზიდავმა და მებაღემ აქამ, რომელიც დამუშავებულ მიწად

რებს რწყავდა. თქმულებას უეჭველად ხალხურობის დალი აზის, მაგრამ, მიუხედავად ამისა, სარგონი ნამდვილად არსებობდა. ამას ამკარად ადასტურებენ მესოპოტამიის ქალაქთა ნანგრევებში მიკვლეული საბუთები.

ამრიგად, ლეგენდები, სასწაულები და სხვა ზებუნებრივი მოვლენები არ გამოორიცხავენ იმის შესაძლებლობას, რომ მოსეც ნამდვილად ისტორიული პიროვნება იყო. მაშასადამე, შეგვიძლია ისტორიულ ფაქტად მივიჩნიოთ ისრაელის ძეთა გამოქცევა ეგვიპტიდან და მათი ხეტიალი უდაბნოში. ეს კია, რომ ამის უთუოდ დამტკიცება არ შეიძლება, რადგან ეგვიპტურ ქრონიკები და სხვა წყაროები აღნიშნულ ფაქტს ღუმილით უელიან გვერდს. ამიტომ, თუ გვესურს, ნაწილობრივი სიმართლე მაინც დავადგინოთ, უნდა მივმართოთ არაპირდაპირ გზას და შევისწავლოთ ძნელად ამოსაცნობი დამამტკიცებელი საბუთები, რომლებიც ისტორიულ დოკუმენტებში მოიპოვება.

ამისათვის მეცნიერებმა მეტისმეტად საინტერესო რეკონსტრუქცია შეასრულეს. ვეცდებით, აღვადგინოთ მისი მთავარი ელემენტები.

აი, ისინიც:

ბიბლიაში ებრაელთა ისტორია მოულოდნელად წყდება იოსების სიკვდილთან ერთად, შემდეგ მოგვითხრობენ მოსეს პიროვნებასთან დაკავშირებულ ამბებს. ეს წყვეტილი პერიოდი ოთხსამდე წელს მოიცავს. რატომ გადახტენ ოთხ საუკუნეს ბიბლიის ტექსტის რედაქტორები ისრაელიტელთა ისტორიის შეთხზვისას? შესაძლოა ეს ჩაიდინეს შეგნებულად, რათა მიეჩმათებინათ ის პერიოდი, როცა ისრაელთა შესახებ სასახელოს ვერაფერს იტყოდა კაცი. ჰიქსოსთა განდევნის შემდეგ XVIII დინასტიის ფარაონებმა დედაქალაქი ავარიისიდან მშობლიურ თებეში გადაიტანეს. ისრაელიტელები დარჩნენ გესემის მიწაზე, სადაც განკერძოებულ მწყემსურ ცხოვრებას ეწეოდნენ. მთავარი პოლიტიკური ცენტრისაგან მოწყვეტილ, სახელმწიფოს შორეულ მხარეში მცხოვრებ უბრალო მესაქონლეებს ყურადღებას არავინ აქცევდა. ეგვიპტელთათვის ეს პერიოდი მეტად მღელვარე იყო და ისრაელიტელთა ჩაგვრა ამ დროს არავის მოსდიოდა აზრად, მით უმეტეს, რომ ისინი უფრო და უფრო მეტად განიცდიდნენ ეგვიპტური კულტურის გავლენას და, როგორც სანდო წყაროები მიგვიითითებენ, ეგვიპტელი ღმერთების კულტსაც კი აღიარებდნენ. ისუ ნავე ხომ ასე კიცხავს ისრაელიტელებს: „განიშორენით ღმერთნი უცხონი, რომელთა მსახურებდენ მამანი თქუენნი წიად მდინარისა და ეგვიპტესა შინა“ (ისუ ნავე, თ. 24, მ. 14). როგორც ჩანს, ისინი საბოლოო ასიმილაციისაგან იხსნა წინაპართა ენის, წესჩვეულებებისა და ტრადიციების ერთგულებამ. ყოველ შემთხვევაში, შეიძლება

დადგენილად ჩავთვალეთ ის ფაქტი, რომ ისრაელიტელთათვის გესემში გატარებული ოთხასი წელი სულიერი გადაგვარებისა და უმიზნო ცხოვრების ეპოქა იყო.

ამ საშიში პასიურობიდან ისრაელიტელები იხსნა ეგვიპტის პოლიტიკურ ცხოვრებაში მომხდარმა დიდმა ცვლილებებმა. ხელისფლებას სათავეში ჩაუდგნენ XIX დინასტიის ფარაონები. ამ დინასტიის მესამე ფარაონი რამსეს II, რომელიც სახელმწიფოს მართავდა ძველი წელთაღრიცხვის 1317—1251 წლებში, სახელგანთქმული ძეომარი იყო. მას უნდოდა აზიის დაპყრობით აღედგინა ეგვიპტის სახელმწიფო. აღმოსავლეთში წარსაკვაზნი ექსპედიციების სამხედრო ბაზებისათვის იგი ყველაზე მოხერხებულად თვლიდა ნილოსის შესართავს გესემითურთ. ამასთან ერთად, რამსესს ნილოსის შესართავი თავის საგვარეულო მამულად მიაჩნდა, რადგან მისი ოჯახი წარმოშობით ავარიისიდან იყო. მამამისს სეტი ერქვა და ეს სახელი ეტიმოლოგიურად უკავშირდება სეტს — ამ ქვეყნის სათაყვანებელ ღმერთს.

რამსესი მისთვის უცხო თებეში, ღვთაება ამონის კულტის ცენტრში, თავს მტკიცედ ვერ გრძნობდა. გარდა ამისა, მას უნდოდა შორს ყოფილიყო იქაური ქურუმების ძლიერი კასტისაგან, რომელსაც თავისი გავლენის ქვეშ ჰყავდა წინანდელი ფარაონები და ახლა რამსესის დამორჩილებას ცდილობდა. მან გადაწყვიტა, გადასულიყო ნილოსის შესართავში და გაპარტახებული ავარიისის ნაცვლად აეშენებინა ახალი დედაქალაქი რამესე; ეს ის ქალაქია, რომელიც შემდგომ ტანისის სახელით გახდა ცნობილი. დაპყრობითი ლაშქრობისათვის მზადყოფნის მიზნით, მან ააგო კიდევ ერთი ქალაქი ჰითონი, რომელიც არსებითად სანოვაგისა და სამხედრო საჭურვლის საწყობთა ცენტრი იყო. არქეოლოგიურ ძიებათა წყალობით, ორივე ქალაქის ადგილმდებარეობა ზუსტადაა ცნობილი, რადგან შესაძლებელი გახდა მათი ნანგრევების გათხრა და ორივეს წარმომავლობის გარკვევა.

რამსესის გამეფებამ ბოლო მოუღო გესემის იდილიურ განკერძოებას. ერთ მშვენიერ დღეს ისრაელიტელმა მწყემსებმა ისეთი რამ იხილეს, რომ სახტად დარჩნენ: მათ საძოვრებზე მგომართა კოლონები მწყობრად მისდევდნენ ერთმანეთს. ეტლებით მოქროდნენ დიდებულები, რომელთაც მოსდევდნენ შრიცხვი მოზღვეები, მეზვერენი — ხარკის ამკრეფნი და შიკრიკები; ზედამხედველნი ჯოხებით მოერეკებოდნენ მონებს. მწყემსებს თვალები დარჩათ ხმაურიან პროცესიაზე, ის კი აზრად არ მოსვლიათ, თუ რა მოელოდათ. მაგრამ მალე მათ საკუთარ ტყავზე გამოსცადეს ფარაონის სიახლოვის სიმწარე. მათ ეზოებში ყვირილით შეიჭრნენ ჯარისკაცები, გადასახადის ამკრეფ-

ნი და დაიტაცეს მარცვლეული და საქონელი. შეუბრალებლად გაჟლიტეს ყველა, ვინც წინააღმდეგობა ან პროტესტი გაბედა.

რამსესმა ეს არ აკპარა ებრაელებს. უზარმაზარი სამშენებლო გეგმების განსახორციელებლად მას მუშახელი სჭირდებოდა და იძულებითი მონური შრომა დააკისრა ისრაელიტელებს. რამსესი ფიქრობდა: წვერმოშვებული, განიერი ტანსაცმლით შემოსილი ისრაელიტელები აღმოსავლელები არიან, ისინი ძალიან სწრაფად მრავლდებიან და შესაძლოა აზიასთან ომის დროს ჩემთვის საშიშნი გახდნენო. ამასთანავე, ეგვიპტელებს ეზიზღებოდათ ყველა ხალხი, რომელიც პრიმიტიულ მწყემსურ ცხოვრებას მისდევდა. დაბადებაში ვკითხულობთ: „რამეთუ საძაგელ არს მეგვიპტელთათვის ყოველი მწყემსი ცხოვართა“ (დაბადება, თ. 46, მ. 34). შესაძლოა, ეგვიპტელებმა ისიც გაიხსენეს, რომ ეგვიპტეში ჰიქსოსთა ბატონობის უმძიმეს ჟამს ისრაელიტელები ჰიქსოსების ერთგული ქვეშევრდომები და ფავორიტები იყვნენ.

რამსეს მეორემ სწრაფად დაიმორჩილა პალესტინა და სირია, მაგრამ მალე პირისპირ შეეჩეხა გაცილებით უფრო ძლიერ მოწინააღმდეგეს. ესენი იყვნენ ხეთები, რომლებმაც მცირე აზიამი უძველესი სამხედრო სახელმწიფო შექმნეს. სულ ახლახან მათ შესახებ ცოტა რამ ვიცოდით. გერმანელმა არქეოლოგებმა ვინკლერმა და ჰუპშტეინმა ხეივლთა დედაქალაქის ნანგრევები მხოლოდ ჩვენი საუკუნის პირველ წლებში აღმოაჩინეს თურქეთში, მდინარე ღალისზე (ასლანდელი ყიზილ-ირმაკი), რომელიც აქ უხვევს და შავ ზღვას ერთვის. დედაქალაქს ერქვა ხათუსა. მას ეკავა ას სამოცდაათი ჰექტარი ფართობი. ქვიშნარის ფენის ქვეშ აღმოჩნდა მეფის უზარმაზარი სასახლე, ტაძრები, ციხის გალავნები და შავი ბაზალტისაგან გამოკვეთილი ქანდაკებები მამაკაცებისა, რომელთაც გრძელი თმა ზურგზე სცემთ, ახურავთ მაღალი ქუდები, აცვიათ მოკლე ქვედაკაბები და ცხვირწაწვეტილი ფეხსაცმელები.

ნაპოვნია აგრეთვე არქივი, რომელშიც მრავალი ლურსმულა ფირფიტა იყო. წარწერები შესრულებულია მანამდე სრულიად უცნობ ენაზე. მათი გაშიფრის საქმეში დიდი წყლილი მიუძღვის ჩუხ მეცნიერს ბ. ჰროზნის. მან მიუთითა, რომ ხეთურა ენა შედის ინდოევროპულ ენათა ჯგუფში. ეს კი, საერთოდ, ხეთების, ან, ყოველ შემთხვევაში, მათ მმართველთა ინდოევროპულ წარმოშობაზე მეტყველებს. ბ. ჰროზნისა და ინგლისელი არქეოლოგის ვულის შრომების წყალობით ამ ხალხის ისტორიის, კულტურის, რელიგიისა და ყოფის საკმაოდ სრული სურათის აღდგენა მოხერხდა.

რამსეს მეორის ომმა ხეთების წინააღმდეგ სულ ოცდაერთ წელს გასტანა. ომის მეხუთე წელს მოხდა დიდი ბრძოლა მდი-

ნარე ორონტის ხეობაში, ქალაქ კადეშის მიდამოებში. ბრძოლა უაღრესად სისხლიანი იყო, მაგრამ გადაწყვეტილ ვერაფერი გადაწყვიტა, თუმცაღა რამსეს მეორე მრავალრიცხოვან ჩანაწერებში თავის თავს გამარჯვებულად იხსენიებს. ხანგრძლივმა გააფთრებულმა ბრძოლამ არაქათი გამოაცალა ორივე მხარეს. ამასთანავე, მესოპოტამიაში ხეთებს ემუქრებოდა ასურელთა მხარდით ძალა. ამიტომ 1296 წელს (ჩვ. წ.-მდე) ომი „სამარადისო ზავის“ დადებით დამთავრდა. ზავი განამტკიცა ხეთების მეფის ხათუსილის ასულისა და რამსეს მეორის ქორწინებას.

ზავმა ისრაელიტელებს მდგომარეობა ვერ შეუმსუბუქა ჩავკრა და მონური შრომა კვლავ გრძელდებოდა. რამსესი მშენებლობის მანიაში შეიპყრო. მას სულ უფრო და უფრო მეტი მუშახელი სჭირდებოდა. იგი აკებდა ახალ შენობებს, სასახლეებს, ტაძრებს და ამასთანავე ბრძანებდა — ძველ ნაგებობებზე წაეშალათ ადრინდელი ფარაონების სახელები და მისი სახელი ამოეკვეთათ.

ახალშობილთა სიკვდილით დასჯის ბრძანება, რომლის შესახებაც ბიბლია მოგვითხრობს, მოწმობს, რომ ისრაელიტელთა დევნამ თანდათან მიიღო უმძიმესი სისხლიანი ფორმა. შეიძლება ვიფიქროთ, რომ აქ ერთმანეთის საწინააღმდეგო მოვლენებს წავაწყდით ფარაონი ისრაელიტელთაგან ერთი მხრივ მეტ მუშახელს მოითხოვდა, მეორე მხრივ კი, თავისივე სასტიკი კანონის გამო უმუშახლოდ რჩებოდა. სავარაუდოა, რომ ამ სასჯელის გამომწვევი მიზეზია ისრაელის ძეთა ნაყოფიერება და მოსახლეობის სიჭარბე ნილოსის შესართავში მას შემდეგ, რაც აქ დამკვიდრდა ცენტრალური ადმინისტრაცია ურიცხვი თანამხლები მოხელეებით, მსახურებითა და სამხედრო ბირებით. ბიბლია იმასაც გვამცნობს, რომ ბევრ ისრაელიტელს ამ დროს არ შეეძლო მართო მესაქონლეობით ერჩინა თავი და ამიტომ ზგი იძულებული იყო, ქალაქებს შეჰკედლებოდა და წვრილ ვაჭრულ ხელოსნური საქმისთვის მოეკიდა ხელი. ეგვიპტელებმა სწრაფად იგრძნეს ებრაელთა კონკურენციის შედეგი, რასაც სიძულვილი და ზიზღი მოჰყვა.

ტანჯვა და დევნა ჩაგრულთა შორის აძლიერებდა ეროვნული ერთიანობის სურვილს, ჯერ ჰასიური, შემდეგ კი აქტიური წინააღმდეგობის გრძნობას. ამ პროცესს ცხადად წარმოგვიდგენს მოსეს ცხოვრების მაგალითი. ლეგენდის თანახმად, მას ტიპური ეგვიპტური სახელი ერქვა; განათლება მიიღო ფარაონის სასახლის კარზე. აქ იგი ცხოვრობდა ისე, როგორც შეეფერებოდა ეგვიპტელ დიდებულს, მაგრამ თანამემამულეთა დევნის შემყურე კვლავ ისრაელიტელად იგრძნო თავი. უღმობხელი ზედამხედველის მოკვლა და ადმოსავლეთში გაქცევა მართო მისი ბირადი წინააღმდეგობის გამოცხენა კი არ ყოფი-

ლა, იგი ისრაელიტელი ხალხის ამბოხების პირველი სიგნალიცაა.

ბიბლიაში გვხვდება ორი გაუგებარი მუხლი, რომლის აზრის ამოცნობა არც თუ ისე ადვილია. გამოსვლათა წიგნში იაკვე ამბობს: „... და მოვსცე მადლი ერსა ამას მეგვიპტელთა წინაშე; რაჟამს გამოხვიდოდეთ, არა გამოხვიდეთ ცარიელნი, არამედ ითხოვონ დედათა მეზობელთაგან და მათ სახლში მცხოვრებთაგან ჭურჭელნი ვეცხლისანი და ოქროისნი, და სამოსელნი; და შემოსეთ ძენი და ასულნი თქვენნი და გაძარცვეთ მეგვიპტელნი“. (გამოსვლათა, თ. 3; მ. 21). იმავე წიგნში, ცოტა ქვემოთ ვკითხულობთ: „და უფალმან მოსცა მადლი ერსა თვისსა წინაშე მეგვიპტელთა და ათხოვეს მათ და გაძარცვეს მეგვიპტელნი“. (გამოსვლათა, თ. 12, მ. 36).

გაოცებას იწვევს ის, რომ ორივე ტექსტს აკლია თანამიმდევრობა — ერთდაა ნახსენები სესხიცა და გაძარცვაც. ვაძკმა რომ თქვას, რა იმალება ამ ფაქტის იქით? დავუშვათ, ისრაელიტელებმა ოქროსა და ვერცხლის ჭურჭელი მოტყუებით ითხოვეს, ფარაონი დაარწმუნეს — სამი დღით უდაბნოში გაეაღო და, როგორც კი დაებრუნდებით, უკანვე ჩაგაბარებთო. მაგრამ მწელი დასაჯერებელია, ეგვიპტელები იმდენად გულუბრყვილონი ყოფილიყვნენ, რომ თავისი განძეულობა საძულეელი და მტრულად განწყობილი ხალხისათვის ენდოთ.

ზოგიერთ მეცნიერს აქედან გამოყავს დასკვნა, რომ ისრაელის ძენი აჯანყდნენ, გაძარცვეს ეგვიპტელთა სახლები და საზღვარს გარეთ გაიქცნენ. ამ მოსაზრების სასარგებლოდ შეტყუებებს ის ფაქტი, რომ უდაბნოში ხეტიალის დროს ისინი ტრიუმფალურ ომებს მართავდნენ.

მაშასადამე, ისრაელიტელები ეგვიპტიდან თავით ფეხამდე შეიარაღებულნი უნდა გამოსულიყვნენ. როგორღა ჩაიგდეს ხელში იარაღი? რა თქმა უნდა, მას ერთ დღეში ვერ იშოვნიდნენ. სავარაუდებელია, რომ იარაღი მონობის ბოლო წლებში დაგროვეს მალულად. მაშასადამე, გამორიცხული არაა, რომ მათ იარაღის შემწობით მოიპოვეს თავისუფლება. თუ ეს მართალია, მაშინ გასაგებია, რატომ მისდია მათ განრისხებულმა ფარაონმა მეწამულ ზღვამდე. თუ ამ ჰიპოთეზას მივიღებთ, შესაძლებელია დავუშვათ ისიც, რომ მოსე, თავისი მოღვაწეობის პირველ პერიოდში მაინც, ნამდვილად შეიძლებოდა ყოფილიყო ისრაელიტელთა აჯანყების ბელადი.

ისტორიკოსები დღემდე თავს იმტყრევენ ეგვიპტიდან გამოსვლის თარიღის დადგენაზე. ამ საკითხის გამო მეცნიერები დიდი ხნის განმავლობაში ეწეოდნენ ცხარე პოლემიკას. ამჟამად მკვლევართა უმრავლესობა იმ აზრისაა, რომ ეგვიპტიდან გა-

მოსვლა მოხდა ძველი წელთაღრიცხვის XIII საუკუნის მეორე ნახევარში.

რამსესი სახელგანთქმული ფარაონი იყო. მისი მართვა-გამგებლობის დროს ეგვიპტემ ძლევამოსილების მწვერვალს მიაღწია. ამიტომ საეჭვოა, რომ ისრაელიტელებს რამსესის სიცოცხლეში მოუპოვებინათ თავისუფლება. გამოსვლათა წიგნის ფრაზა— „შემდგომად დღეთა მრავალთა, მოკვდა მეფე იგი ეგვიპტისა“ (გამოსვლათა, თ. 2, მ. 23) გვაფიქრებინებს, რომ მოსე ეგვიპტეში დაბრუნდა რამსეს მეორის მეგვიდრის— მერნეპტაჰის ტახტზე ასვლის შემდეგ. მისი მეფობის დროს ეგვიპტეს დასავლეთიდან თავს ესხმოდნენ ლიბიელები; აღმოსავლეთიდან კი — ინდოევროპელი ტომები, რომელთაც ბალკანებზე მიატოვეს დიდი ხნის დამკვიდრებული ადგილები, შეიჭრნენ მცირე აზიაში, ააოხრეს ხეთების სახელმწიფო და დაიკავეს ხმელთაშუა ზღვის სანაპირო, მართალია, აგრესორებთან ბრძოლაში მერნეპტაჰმა გაიმარჯვა, მაგრამ ეგვიპტე იმდენად დაუძლურდა, რომ დიდი ხნის განმავლობაში ვეღარ შეძლო წარსული ძლიერების აღდგენა. ალბათ ისრაელიტელებმა ისარგებლეს ეგვიპტის დროებითი დასუსტებით და მონობიდან თავი დაიხსნეს.

სხვა საფუძველიც არსებობს საიმისოდ, რომ გამოსვლა ეგვიპტიდან ძველი წელთაღრიცხვის XIII საუკუნის მეორე ნახევრით დათარიღდეს. არქეოლოგებმა მოახერხეს ქანანის ქალაქთა ნანგრევების ვათხრა. ბიბლიის მიხედვით, ეს ქალაქები დაიპყრეს ისრაელიტელებმა მოსეს მეგვიდრის ისუ ნავეს წინამძღოლობით. ვათხრების იმ ფენებში, რომლებიც უეჭველად XIII საუკუნის მეორე ნახევრისაა, მეტწილად ნაპოვნია განზრახი ნგრევისა და ხანძრების კვალი, რაც ადასტურებს, რომ ეს ქალაქები სწრაფი თავდასხმების მსხვერპლი გამხდარა.

მოსემ, როგორც ზებლიდან ვიცით, ელომის მეფეს სთხოვა, ისრაელიტელები თავისუფლად გაეტარებინა თავის ტერიტორიაზე. მან პასუხად უარი მიიღო. მაგრამ მოსემ ვერ გაბედა, წინააღმდეგობა გაეწია უძლიერესი სამხედრო სახელმწიფოსათვის, მის საზღვრებს შემოუარა და გზა ისე განაგრძო. არქეოლოგიურმა ვათხრებმა ცხადყვეს, რომ ძველი წელთაღრიცხვის XIV საუკუნეში ელომი ჯერ კიდევ არ არსებობდა. ისტორიის სარბიელზე იგი გამოიხსნა მხოლოდ ძვ. წ. XIII საუკუნეში როგორც ორგანიზებული და მძლავრი სახელმწიფო. მამსასადამე, ისრაელიტელები ელომის საზღვარს მიაღწენ ამ საუკუნეში და არა უფრო ადრე.

მაგრამ ამ სათვალავს მაინც აქვს ერთი დიდი ნაკლი. ეჭვები გამოიწვია ვითომდა ისუ ნავეს მიერ დაპყრობილი იერიქონის ციხის ახალმა ვათხრებმა, რომელიც 1952 წელს დაიწყო და

ჩატარდა ინგლისელი არქეოლოგის დოქტორ კ. კენიონის ხელმძღვანელობით. ამ გათხრებმა მრავალი მხრიდან მოჰფინა ნათელი ამ უძველესი ქალაქის ისტორიას. მისი ნანგრევები ქმნიან უზარმაზარ ბორცვს, რომელიც იორდანის დასავლეთ ნაპირზეა აღმართული. ძიების შედეგი მართლაც რომ განსაცვიფრებელია: აღმოჩენილია ციხის სქელი გალავნები, სახლები, ჭები და რამდენიმე იარუსად განლაგებული საფლავები. არქეოლოგები ჯერ არ დასულან სულ ძირამდე, სადაც უნდა ყოფილიყო ქრონოლოგიურად ყველაზე ძველი დასახლება, მაგრამ დღეს უცილობლადაა დამტკიცებული, რომ იერიქონი ჩვენს წელთაღრიცხვამდე შვიდი ათასი წლით ადრე არსებობდა. კაცობრიობას ისტორიაში ის უძველესი ქალაქი უნდა იყოს. ამ ფაქტმა მატერიალური კულტურის განვითარების საკითხზე არსებულ შეხედულებებში გადატრიალება მოახდინა, რადგანაც არსებობს მოსაზრება, თითქოს ნეოლითის ეპოქის ადამიანებმა ქალაქებს კი არ აშენებდნენ, არამედ დაქსაქსულად ცხოვრობდნენ პატარ-პატარა დასახლებებში, სადაც სოფლის მეურნეობას ეწეოდნენ. გარდა ამისა, აქამდე ვარაუდობდნენ, რომ ყველაზე უძველესი ქალაქები გაჩნდა ეგვიპტესა და მესოპოტამიაში. იერიქონის გათხრებმა კი ცხადყვეს, რომ ამ მხრივ პრიორიტეტი პალესტინას ეკუთვნის.

ჩვენთვის მაინც ყველაზე მნიშვნელოვანია სხვა რამ. ბრიტანეთის ექსპედიციამ დაამტკიცა, რომ იერიქონი ნამდვილად დაანგრიეს აგრესორებმა, მაგრამ ნახანძრავი და ნანგრევები იპოვეს შრეში, რომელიც ეკუთვნის არა XIII, არამედ XIV საუკუნეს ჩვენს წელთაღრიცხვამდე. თარიღი დაადგინეს კერამიკულ ნაქეთობათა ნატეხებზე შესრულებული დამახასიათებელი ნახატებისა და სკარაბების მიხედვით.

მეცნიერები საგონებელში ჩაცვივდნენ: ერთი მხრივ ძველი ელომის სახელმწიფოს გათხრები და ისტორიული ცნობები ეგვიპტის შესახებ გვიდასტურებენ, რომ ებრაელთა გამოსვლა ეგვიპტიდან მოხდა XIII საუკუნეში ჩვენს წელთაღრიცხვამდე, მეორე მხრივ, ახალი მონაცემები გვიკარნახებენ, რომ იერიქონი მთელი ერთი საუკუნით ადრე დაეცა. იქნებ ისრაელიტელებს არ დაუპყრიათ ეს მძლავრი ციხესიმაგრე? მაშასადამე, შესაბამისი ეპიზოდი ბიბლიური თქმულებისა უნდა მივიჩნიოთ ბიბლიის კომპილატორთა გამოგონილ ლეგენდად, რომლისაც მათ ისუ ნავეს სამხედრო დიდება გაბუქეს?

მეცნიერები სხვადასხვა გზით ცდილობდნენ ამ წინააღმდეგობათა გადაჭრას. ზოგიერთი მკვლევარის აზრით, მართლაც არსებობს საკმაო საბუთები იმისა, რომ ისრაელიტელები ეგვიპტიდან XIV საუკუნეში გამოვიდნენ, მაგრამ ამ ჰიპოთეზას

მრავალი სუსტი მხარე აქვს და მკვლევართა უმრავლესობა მას არ იზიარებს.

ამიტომ დიდი მნიშვნელობა აქვს ცნობილი ფრანგი ორიენტალისტის პიერ მონტეს ჰიპოთეზას. სწორედ მან შეიტანა ეჭვი არქეოლოგების მიერ დადგენილი თარიღის სიზუსტეში. არქეოლოგებმა თარიღი ძირითადად ნახანძრულ ადგილებში ნაპოვნი სკარაბების მიხედვით დაადგინეს. მონტე კი ფიქრობს, რომ სკარაბები ქრონოლოგიის გასარკვევად ყოველთვის არ გამოდგება; სკარაბი იყო ძვირფასი საგვარეულო ქონება, იგი მემკვიდრეობით გადადიოდა მამიდან შვილებზე. ვარდა ამისა, სკარაბზე ამოკვეთილი მეფის სახელი სრულიადაც არ ნიშნავს, რომ ეს სკარაბი მაინცდამაინც ამ მეფის დროინდელია. მაგალითად, ეგვიპტელ ხელოსნებს პტოლემეიდთა ეპოქაშიც კი ჰქონდათ წვეულებად სკარაბებზე ფარაონ თუტმოს მესამის სახელის ამოკვეთა. ძალიან იოლად შეიძლება დაეუშვათ შეცდომა კულტურული შრეების დათარიღებისას, თუ საყრდენად ასეთი არასაიმედო წყაროები გვექნება. ეს თანაბრად ეხება კერამიკულ ნაკეთობათა ნამტკრევებსაც, რომლებიც, სხვათაშორის, იერიქონში მცირე რაოდენობით აღმოაჩინეს. ერთი სიტყვით, პიერ მონტეს მიაჩნია, რომ იერიქონის კულტურული ფენა, რომელშიც ნაპოვნია ხანძრისა და მძვინვარე მსხერევის კვალი, შეიძლება თანაბარი უფლებით მივაკუთვნოთ ძველი წელთაღრიცხვის XIII საუკუნესაც.

არქეოლოგები, რომელთაც იერიქონს მიაგნეს, არ ეთანხმებიან მონტეს დებულებას. სამეცნიერო წრეებში დღეს უმრავლესობა იმ აზრისაა, რომ იერიქონი ძველი წელთაღრიცხვის XIV საუკუნეში დაანგრის.

ამრიგად, ბიბლიის მკვლევარებმა ან ერთი უნდა ირწმუნონ, ან მეორე: ან ისრაელიტელები ეგვიპტიდან ძველი წელთაღრიცხვის XIV საუკუნეში გამოსულან, ნამდვილად დაუპყრიათ იერიქონი, ან გამოსვლა მომხდარა XIII საუკუნეში (ჩვ. წ-მდე), როცა ისუ ნავე ვერავითარ შემთხვევაში ვერ იქნებოდა მისა დამპყრობი. ქვემოთ დავინახავთ, თუ როგორ ცდილობენ მეცნიერები ამ გორდიასის კვანძის გახსნას.

ისტორიკოსებთან ერთად ჩვენც იმ დასკვნამდე მივედით, რომ გამოსვლა შეიძლებოდა მომხდარიყო ფარაონ მერნეპტაჰის მეფობის დროს, გადმოცემას თუ დაუჯერებთ, მერნეპტაჰი მეწამულ ზღვაში დაიხრჩო. ათეულ თაობას სწამდა, რომ ნამდვილად ასეთი იყო ბედი ეგვიპტის გამგებლისა, რომელიც ამგვარად დასაჯა ღმერთმა ისრაელიტელთა ჩაგვრისა და დევნისათვის.

ამ დრამატული თქმულების მაგალითი გვიჩვენებს, თუ როგორაა ბიბლიაში ერთმანეთში არეული ისტორიული ფაქტები და

ლევანდები. გასული საუკუნის მეორე ნახევარში ორმა არაბმა აღმოაჩინა კლდეში გამოკვეთილი კატაკომბები, სადაც ეგვიპტულ ქურუმებს, გაძარცვისაგან გადარჩენის მიზნით, ხის კუბოებში ოცდაჩვიდმეტი მეფის მუშია ჩაელაგებინათ. აქ იყო სეტი პირველი, რამსეს მეორე, მრავალი სხვა ფარაონი, მათი ცოლები და ასულები. არ ჩანდა მერნეპტაჰი, რაც, ერთი შეხედვით, ამტკიცებდა ბიბლიური თქმულების სიმართლეს.

მაგრამ 1898 წელს, ესე იგი ცამეტი წლის შემდეგ, ბიბლიური თქმულების უტყუარობა კვლავ საეჭვო შეიქნა. მეფეთა ხეობაში აღმოაჩინეს მეორე კოლექტიური აკლდამა, რომელშიც თოთხმეტი მეფის მუშია განისვენებდა. მოხდა სასწაული და მათ შორის მერნეპტაჰიც აღმოჩნდა. ასე გამოირკვა, რომ იგი ზღვაში კი არ დამხრჩვალა, არამედ ბუნებრივი სიკვდილით მომკვდარა თავის სასახლეში. შეიძლებოდა ისიც გვეფიქრა, რომ მისი გვაში ზღვამ გამოირიყა ნაპირზე და შემდეგ, დაკრძალვის წესების მიხედვით, დააბალზამეს; მაგრამ მედიცინის სპეციალისტებმა გულმოდგინედ შეისწავლეს მკვდარი ფარაონის სხეული და ზღვის წყლის ოდნავი ზემოქმედების კვალიც კი ვერ აღმოაჩინეს. ბიბლიურმა თქმულებამ ვერ გაუძლო მეცნიერების უღმობელ ლოგიკას.¹

თუ ფარაონის დახრჩობის ცნობა შემთხვევითია, სამაგიეროდ, ამახ ვერ ვიტყვიტ სხვა, უფრო სერიოზული მნიშვნელობის, ლევანდაზე. მრავალსაუკუნოვანი რელიგიური ტრადიციის თანახმად, ძველი აღთქმის პირველი ხუთი წიგნის (ე. წ. ხუთწიგნეულის) ავტორად მოსე ითვლება. როცა ბენედიქტე სპინოზამ (1632—1677 წწ), წარსულის ზოგიერთი ფილოსოფოსისა და მოაზროვნის — ფილონის, იოსებ ფლავიოსის, იბნ ეზრას,

¹ მე მივიღე რამდენიმე წერილი მკითხველებისა, რომლებიც ყურადღებას ამახვილებენ ზემოთ აღნიშნულ მტკიცებასა და ე. ბოულტონის „წიგნებში (პირამიდების მარადიულობა და პომპეუსის ტრაგედია)“. წარმოდგინებულ დებულებას შორის არსებულ წინააღმდეგობაზე. ერთ-ერთის ავტორი წარმოვედგინა წერილს, რომელიც 1929 წელს ლონდონის გაზეთ „თაიმსში“ გამოაქვეყნა არქეოლოგმა ე. სმიტმა. წერილში აღნიშნულია, რომ ფარაონ მერნეპტაჰის მუშიას, საფლავთა მძარცველების მიერ დაჩეხილს, „მარილის კრისტალების ინკრუსტაცია“ ემჩნევა, რაც თითქოს იმას ადასტურებს, რომ ფარაონი ნამდვილად ზღვაში დამხრჩვალა.

უპირველეს ყოვლისა, ყურადღება უნდა მივაქციოთ უცნაურ ფაქტს: ასეთი მნიშვნელოვანი დეტალი გამოქვეყნდა მუშიის აღმოჩენიდან მხოლოდ ოცდაათი წლის შემდეგ; ვარა ამაისა, მეცნიერებმა ეს დებულება ახლახან უარყვეს შემდეგი მიზეზების გამო: ფარაონის ნეშტი დაბალზამებული იყო, დაბალზამების ხანგრძლივსა და რთულ პროცესს ზღვის მარილის ყოველგვარი, უმცირესი კვალიც კი უნდა გაეჭრო; თუ მუშიაზე ნამდვილად იპოვეს მარბო, მაშინ მისი კრისტალები აქ უთუოდ სხვა გზით მოხვედრილა; უნდა გვახსოვდეს, რომ მერნეპტაჰი, სხვა ფარაონებთან ერთად, პირველი სამარხიდან კოლექტიურ აკლდამაში გადაიტანეს.

ურიელ და კოსტას მსგავსად, გაბედა და მოსეს ავტორობაში ეჭვი შეიტანა, ამსტერდამის სინაგოგამ იგი შერისხა როგორც მწვალებელი.

უბრალოდ რომ გადავავლოთ თვალი მოსეს ხუთ წიგნს, მაშინაც კი ნათელი გახდება ამ ლეგენდის უსაფუძვლობა. როგორ მოახერხა მოსემ თავისივე სიკვდილის აღწერა? რა სასწაულმა შთააგონა მას, რომ მისი საფლავი დაიკარგებოდა და აღარასოდეს აღმოჩნდებოდა?

მეორე სჯულის წიგნის დასკვნით ნაწილში ვკითხულობთ: „და არღარა აღდგა კვალად წინაწარმეტყველი ისრაელსა შორის მსგავსი მოსესი“ (შდრ. მეორე სჯულ. თ. 34, მ. 10). ახლა უკვე ცნობილია, რომ სიტყვა „წინასწარმეტყველი“ ძველ ებრაულ ენაში საკმაოდ გვიან დამკვიდრდა. ხუთი წიგნიდან დავასახელებთ აშკარა ანაქრონიზმის კიდევ ერთ მაგალითს: „და ესე მეფენი, რომელნი მეფობდეს ქვეყანასა ელომისასა, ვიდრე მეფისა ყოფამდე ისრაელსა ზედა“ (შდრ. დაბადება, თ. 36, მ. 31).

განა შეეძლო მოსეს სცოდნოდა, რომ ისრაელიტელებს მეფე ეყოლებოდათ? პირველი ებრაელი მეფე იყო საული, რომელიც მეფობდა ძვ. წ. XI საუკუნის ბოლო მეოთხედში, ესე იგი, მოსეს სიკვდილიდან დიდი ხნის შემდეგ.

მსგავსი მაგალითები ანაქრონიზმებისა შეიძლება უსასრულოდ დავასახელოთ, მაგრამ ზემოთ აღნიშნულნიც საკმაოდ ადასტურებენ, რომ ხუთწიგნეულის ძირითადი ნაწილები არ შეიძლება შექმნილიყო ძველი წელთაღრიცხვის XI საუკუნის დასასრულზე ადრე. ხუთწიგნეულის თხრობა შეკრულია და ერთიანი. მოსეს ხუთი წიგნი შეიცავს უძველეს თქმულებებს, რომლებიც ეხება ისრაელიტელთა წინაპრების ცხოვრებას, ეგვიპტიდან გამოქცევას, უდაბნოში ხეტიალს; მასში შედის აგრეთვე კანონთა და რიტუალური წესების კრებული.

ხუთწიგნეულის კრიტიკულმა ანალიზმა გვიჩვენა, რომ იგი წარმოადგენს კონგლომერატს სხვადასხვა სახის ტექსტებისა, რომლებიც შექმნილია ძველი წელთაღრიცხვის IX—IV საუკუნეებში. ჩვენ შეგნებულად ვხმარობთ სიტყვა „კონგლომერატს“, რადგან ეს კომპილაცია შეკერილია ისეთი უხეში ძაფებით, რომ ძნელი არაა მათი შემადგენელი ნაწილების გარჩევა ერთმანეთისაგან.

მოსეს ხუთ წიგნში აუარებელია არათანმიმდევრული და ერთმანეთის საწინააღმდეგო დებულებები. იმის გამო, რომ

¹ ე. ა. დაბადების, გამოსვლათა, ლევიტელთა, რიცხეთა და მეორე სჯულის წიგნები (რედ.).

მთლიანად არ შეიძლება მათი აღნუსხვა, განვიხილავთ რამდენსამე ყველაზე უფრო ხელშესახებ მაგალითს.

ვინც დაკვირვებით წაიკითხავს დაბადების წიგნის პირველ და მეორე თავს, უცებ შეამჩნევს, რომ მეორე თავის მესამე მუხლში მთავრდება ერთი თქმულება ადამიანის შექმნის შესახებ, იქვე იწყება სრულიად სხვა ამბავი იმავე თემაზე, მაგრამ ეს მეორე ამბავი პირველისაგან დიდად განსხვავდება. პირველი თქმულების მიხედვით, ღმერთმა მეექვსე დღეს ერთდროულად შექმნა კაცი და ქალი. მეორე თქმულება გვაუწყებს, რომ ღმერთმა ადამიანი შექმნა მიწისაგან, დაასახლა იგი ედემის ბაღში, მეგობრებად მიუჩინა ცხოველები და ფრინველები და ბოლოს მისი ნეკნისაგან შექმნა ქალი. ცხადია, რომ საქმე გვაქვს შექმნიკურად შეერთებულ ორ სრულიად სხვადასხვა წყაროსთან, რომელთაც ფაბულაც კი არა აქვთ ერთიანი.

ტიქსტის ანალიზმა ცხადყო, რომ მთელ წიგნში გვხვდება სხვადასხვა ეპოქებიდან მომდინარე ოთხი წყარო. მაშასადამე არც გვაქვს საიმისო საფუძველი, რომ მისი ავტორობა მივაწეროთ ერთ კაცს, ესე იგი, მოსეს.

რაც შეეხება მოსეს ცრუ სასწაულებს, მეცნიერებმა ეჭვიმუტანლად დაამტკიცეს, რომ ბევრ შემთხვევაში ასეთი მოვლენები სრულიად ბუნებრივი იყო. მაშ როგორ ამალღღნენ ისინი სასწაულის რანგამდე? პასუხი ადვილი გახლავთ: ლტოლვილმა მოსემ თითქოს ორმოცი წელი სინას ნახევარკუნძულზე გაატარა და ადგილობრივი მცხოვრებლებისაგან ისწავლა, როგორ უნდა შეენარჩუნებინა სიცოცხლე უდაბნოს ველებისა და მთიანი რაიონების მკაცრ პირობებში. გამოცდილებით შეძენილი ცოდნა მან შემდგომ, გამოსვლის დროს გამოიყენა. მასთან ერთად მოხეტიალე ადამიანების წინაპართა რამდენიმე თაობა კი ეგვიპტეში ბინადარ ცხოვრებას იყო შეჩვეული. მოსეს თანამგზავრები სრულიად გამოუცდელნი მოვიდნენ სინას ნახევარკუნძულზე, ამიტომ მოსეს ზოგიერთი მოქმედება მათ ზებუნებრივად უნდა მიეჩნიათ. რაღა ითქმის ისრაელიტელებზე, რომლებიც ამის შემდეგ საუკუნეთა განმავლობაში ცხოვრობდნენ ქანაანში და სინას ნახევარკუნძულზე ფეხიც არ დაუდგამთ? მომდევნო თაობების უმეტესობა ისწრაფვოდა, მოსე ღმერთისაგან მინიჭებული ზებუნებრივი ძალის მქონე ფიგურად გადაექციათ. მოსეს მოღვაწეობის აღწერის დროს მითოლოგიზაციის პროცესი თითქმის მთლიანად დამთავრებული იყო, ეს კი ებრაელ კულტის მსახურთა და ხუთწიგნეულის კომპილატორებს ხელს აძლევდა ამიტომაც იქცა იუდაიზმის დოგმატად მოსეს სასწაულები.

მაგალითად, ბიბლიაში მოსე ისრაელიტელებს უყვება, თუ როგორ ესაუბრებოდა მას ოაკვე ბუჩქიდან, რომელსაც ცეცხლი ეკიდა და არ იწვოდა. ახლა ჩვენ ვიცით, რომ ასეთი ბუჩქი ნამა-

დვილად არსებობს. იგი დღესაც გეზღება სინას ნახევარკუნძულზე და მას დიფთამს, ან მოსეს ბუქსს ეძახიან. ეს თაიისებური მცენარე გამოჰყოფს აქროლად ეთეროვან ზეთს, რომელიც ადვილად ენთება მზეზე. ამ ბუქსის ნერვი პოლონეთშიც კი ჩამოიტანეს და სკოროტიცის მთა-ველიან ნაკრძალში დარგეს. 1960 წელს გაზეთები იტყობინებოდნენ: ადგილობრივ მცხოვრებთა გასაოცრად, მოსეს ბუქსს, ერთ ცხელ დღეს ლურჯ-წითელი ალი მოედო.

სენსაციური შედეგები მოჰყვა ყბადაღებული ბიბლიური მანანის გამოკვლევას. 1927 წელს იერუსალიმის ებრაელთა უნივერსიტეტის ზოოლოგმა ბოდენჰაიმერმა სინას ნახევარკუნძულზე აღმოაჩინა იაღლუნის ერთი ჯიში, რომელიც გაზაფხულზე ტკბილ სითხეს გამოჰყოფს. სითხე ჰაერში სწრაფად მკვრივდება და სეტყვის მსგავს თეთრ მარცვლებად იქცევა. იქაურ მკვიდრ ბედუინებს ეს ტკბილეული ძალიან უყვართ. გაზაფხულის დამდეგს ისინი შეიკრიბებიან და მიეშვებებიან ელებში, სადაც წებოვან თეთრ მარცვლებს აგროვებენ, როგორც ჩვენ მარწყვს ვაგროვებთ ხოლმე. ერთ კაცს დღის განმავლობაში შეუძლია მოკრიბოს კილონახევარი, რაც შიმშილის მოსაკლავად სრულიად საკმარისია. საინტერესოა, რომ ბაღდადის ქუჩებში დღესაც იყიდება იაღლუნის ტკბილი ფისი, რომელსაც მანს ეძახიან. ამ აღმოჩენის შემდეგ აღარ შეგვიძლია ვირწმუნოთ ბიბლიური მანანის სასწაულებრივობა. ალბათ მოსემ ჯერ კიდევ ლტოლვილობის დროიდან იცოდა მანანის ნოყიერება და ამიტომაც აჭმევდა მას ისრაელიტელებს.

ასევე უნდა მივუდგეთ მწყერების მოფრენის ეპიზოდსაც. სინას ნახევარკუნძულის ახლანდელ მაცხოვრებლებს რომ უთხრათ, მწყერების მოფრენა სასწაულად უნდა მიიჩნიოთ, მათ გაცეპას ალბათ საზღვარი არ ექნება. გაზაფხულობით აფრიკის სიღრმიდან ევროპას მწყერების უზარმაზარი გუნდი ეწყევა ხოლმე. შორეული ფრენით არაქათგამოლეულები ზღვის სანაპიროს გასწვრივ სხდებიან, დასუსტებულებს განძრევის თავი აღარა აქვთ და მოსახლეობა მათ ხელით იჭერს. ისრაელის ძენიც ალბათ ასეთ ამბავს შეესწრნენ და შორეული ფრენისაგან ღონემისნილ ფრინველებზე სიამოვნებით წაინადირეს.

ბიბლია გადმოგვცემს, რომ მოსემ ქორების მთის ძირში კლდეს კვერთხი დაჰკრა და კლდიდან წყაროს წყალი გადმოსკდა. ეს საიდუმლოება მან შეიჭველად მადიამელთაგან ისწავლა. ბედუინებისათვის იგი დღესაც ცნობილია. მათ იციან, რომ ხანგრძლივი გვალების მიუხედავად, მთის ძირში, კირისა და ქვიშის თხელი ქერქის ქვეშ, გროვდება წვიმის წყალი. საკმარისია, გატეხო ეს ქერქი, რომ წყალიც გამოინდეს.

ბიბლია მოგვითხრობს, რომ ებრაელები სინის უდაბნოში

სამი დღის ხეტიალის შემდეგ მივიდნენ მერაში, სადაც საშინელი ფაქტის მოწმენი გახდნენ: აქაური წყალი მწარე და სასმელად უვარების გამოდგა. მოსემ რაღაც პატარა ტოტები ჩაყარა წყალში და ჰოი, საოცრება! წყალი დატკბა. ამ ეპიზოდთან დაკავშირებით აღვნიშნავთ, რომ მერას მიდამოებში მწარე წყარო დღესაც არსებობს. ინგლისელებმა ქიმიური ანალიზის საშუალებით დაადგინეს, რომ აქაური წყლები გარკვეული რაოდენობით შეიცავს გოგირდმჟავა კალციუმს. თუ წყალს მჟაუნმჟავას დაეუმატებთ, გოგირდმჟავა კალციუმი ფსკერზე ილექება და წყალი სიმწარეს კარგავს. ბედუნიები მწარე წყლის დასატკბობად მასში ყრიან ერთგვარი ბუჩქის ტოტებს (ამ ბუჩქს ელვაჰს უწოდებენ), ამ მცენარის წვენში ბევრია მჟაუნმჟავა, რომელიც წყალს მწარე გემოს უკარგავს.

აი, ბიბლიის მეორე ეპიზოდიც: სინას მთიდან კადეშისაკენ მიმავალ ისრაელიტელებს გზად კვლავ შემოაყლდათ სურსათი; ისევ დაიწყეს ბუზღუნი და ჩივილი. ამ დროს მეორედ მოფრინდა მწყერთა გუნდი. დამშეული მოგზაურები ხარბად დაერივნენ ფრინველებს, მაგრამ მათი ხორცი უწინდებურად მარგებელი როდი გამოდგა. თითქმის ყველა ებრაელი მძიმედ დაავადდა, მრავალი მათგანი კი სიხარბეს გადაჰყვა. გამოსვლათა წიგნში ეს დრამატული ეპიზოდი გადმოცემულია იგავის სახით. ამ იგავის მორალი ასეთია: ღმერთი არ დაინდობს მას, ვინც მისი ნების წინააღმდეგ აღდგება. ყველაფერი იმას ადასტურებს, რომ თქმულების ეს ფრაგმენტი სწორედ ამდაგვარად უნდა გაგებულ იყოს; მასში ჩანს დიდაქტიკური ხალხური იგავის ტიპური ნიშნები. მით უფრო გაკვირდა ყველა, როცა გაიჩვენა, რომ ეს შემთხვევა არამც და არამც არ შეიძლება მივიჩნიოთ უსაზღვრო ფანტაზიის ნაყოფად.

ალჟირის პასტერის სახელობის ინსტიტუტის დირექტორმა, პროფესორმა სერჟანმა აღმოაჩინა, რომ სინას ნახევარკუნძულს დროდადრო ნამდვილად მოევლინებიან ხოლმე შხამიანი მწყერები. ეს მწყერები, სანამ ევროპას მიაღწევენ, ჩერდებიან სუდანში, სადაც მომწამელები ნივთიერების შემცველი მარცკულეულით იკვებებიან. ასეთი ფრინველის ხორცი აღამიანს ვნებს და შეიძლება საფრთხეში ჩააგდოს მისი სიცოცხლე. როგორც ჩანს, ისრაელიტელთ ბედმა უმტყუნა, სწორედ ასეთი მწყერები დაიჭირეს და მათი ავბედითი თავგადასავალი ბიბლიურ თქმულებაში აისახა.

ამავე რიგისაა ის უბედურებაც, რომელიც ქალაქ კადეშიდან აქაბის ყურისაკენ მიმავალ მოგზაურებს შუა გზაში დაატყენეს თავს შხამიანმა გველებმა. შევიცარიელმა მოგზაურმა ბურკჰარდტმა 1809—1816 წლებში მოიარა სინას ნახევარკუნძული. ბიზალიაში მოხსენებული მარშრუტის შესაბამის ადგილებში იგი

ერთგან წააწყდა ხეობას, რომელშიც აურაცხელი შხამიანი გვე-
ლი ფუთფუთებდა. ისინი აქ უხსოვარი დროიდან ბუდობენ. ბე-
დუინები ფეხს არ ადგამენ ამ მიდამოებში. მაშასადამე, შესამ-
ლოა, თქმულების ეს ფრაგმენტიც ისევე ემყარებოდეს ნამდვილ
ფაქტებს, როგორც მწერების მიფრენის ეპისოდი.

დიდი ხანია ცნობილია, რომ ეგრეთ წოდებული „ტანჯვანი
ეგვიპტისანი“ არც თუ იშვიათად მოექვლინებოდნენ ხოლმე ფა-
რაონთა ქვეყანას. ყველა მათგანი, მეთის გარდა, ეგვიპტისა-
თვის საკმაოდ ჩვეულებრივი მოვლენა იყო. წყალდიდობის
დროს ნილოსი ხშირად იცვლის ფერს — ეთიოპიის ტბებიდან
ჩამოტანილი შლამი წყალს მიხაკისფრად ან წითლად ღებავს.
გარდა ამისა, დროდადრო, ნილოსის ადიდების დროს, კოლოე-
ბი და სხვა მავნე მწერები ძალიან მრავლდებოდნენ; ეგვიპტელ
გლეხებს ეს მოვლენა მართლაც რომ უბედურებად მიაჩნდათ.
სეტყვა ძალიან იშვიათი კი იყო ნილოსის მიდამოებში, მაგრამ
ხანდახან მაინც მოდიოდა და საგრძნობ ზიანსაც აყენებდა იქა-
ურობას. სამაგიეროდ, გაცილებით უფრო ხშირად ტანჯავდა
ეგვიპტეს სხვა უბედურება — კალიების შემოსევა. „ეგვიპტური
სიბნელის“ მიზეზი კი იყო უსწრაფესი გრივალი — სიროკო. მას
უდაბნოში მოხვეტილი ქვიშის უზარმაზარი მასები მოჰქონდა
ეგვიპტისაკენ, მზის სინათლე ქვიშის ბურში ველარ აღწევდა და
ქვეყნად სრული სიბნელე ისადგურებდა.

ბიბლიის თანახმად, ყველა ეს სატანჯველი მოსემ მოუვლი-
ნა ეგვიპტეს ჯიუტი ფარაონის დასამორჩილებლად. როგორ
შეიძლებოდა ასეთი ლეგენდის გაჩენა? ამ კითხვას იოლად გაე-
ცემდით პასუხს, რომ ზემოთ აღნიშნული კატასტროფები ეგვიპ-
ტეში მომხდარიყო ფარაონ მერნეპტაჰის მეფობის ყაშს, ესე
იგი, იმ დროს, როცა მოსე იქ მოღვაწეობდა. უბრალო, ცრუ-
რწმენებით შებოჭილი ისრაელიტელები იოლად დაიჯერებდნენ,
რომ ეს სასჯელები ეგვიპტელებს მოუვლინა მოსემ — დიდმა ჯა-
დოქარმა და იაპვეს წარმომადგენელმა. უფრო მეტიც: საესებით
მოსალოდნელია, რომ ეგვიპტელებსაც დაეჯერებინათ ეს ამბა-
ვი, მათ ხომ მისანთა არსებობა სწამდათ. ისტორიული დოკუ-
მენტები და ბიბლია გვამცნობს, რომ ეგვიპტელები თავიანთ
ქურუმს მიაწერდნენ ისეთსავე ზებუნებრივ ცოდნას, როგორც
მოსემ ფარაონის წინაშე გამოაქვინა.

ამ შემთხვევაში საქმე გვექნებოდა მოვლენათა ჩვეულებრივ
თანმიმდევრობასთან დროში (Post hoc), რომელიც ადამიანებს
სურთ მიზეზობრივ კავშირად (Propter hoc)* მიაჩნიონ. ისრაე-
ლიტელთა აზრით, მოსე იყო ფოელისუმძლე სასწაულმოქმედი,

რომელმაც თავისი სასწაულებით არაერთხელ გააოცა და შეაშინა თანამემამულენი. მაშასადამე, მას შეეძლო, ეგვიპტისკ თვისაც მოეველინებინა ზედიზედ ათი სხვადასხვა სატანჯველი, სწორედ ასეთი ილუზიის საინტერესო მაგალითს ვხვდებით ე. როსტანის ცნობილ პიესა „მანტეკლერში“. ამ პიესის ერთმა პერსონაჟმა, მამალმა, შეამჩნია, რომ მზე ამოდიოდა სწორედ მაშინ, როცა ის დაიყვილებდა ხოლმე. მამალმა ირწმუნა, რომ ცისკიდურზე მზე ნამდვილად მას ამოჰყავს.

ამგვარადვე დაედო საფუძვლად მრავალ ლეგენდასა და რელიგიურ მითს მიზეზობრივი კავშირები, რომელსაც ერთმანეთისაგან დამოუკიდებელ მოვლენებსა თუ შემთხვევებს მიაწერდნენ. სამწუხაროდ, არ მოგვეპოვება არც ერთი დამამტკიცებელი საბუთი იმისა, რომ ბიბლიური ტანჯვანი ნამდვილად მოველინენ ეგვიპტეს ფარაონ მერნეპტაჰის დროს. ეს ამბები ასევე შეიძლებოდა მომხდარიყო დედაქალაქ რამესეში მოსეს დაბრუნებამდე რამდენიმე, ანდა ათეული წლებით ადრე.

ნუთუ ამასთან დაკავშირებით ჩვენი თეორია მცდარად უნდა მივიჩნიოთ? პრინციპში, რა თქმა უნდა, არა, რადგან მას მხარს უჭერს კიდევ ერთი თვისება, რომელიც ახასიათებს ხალხის ფანტაზიის მითების შექმნისას. ეს თვისება ემყარება ასეთ საფუძველს: წელთა სვლის შესაბამისად, ადამიანთა წარმოდგენაში ორ ღირსშესანიშნავ მოვლენას შორის დროის მანძილი მცირდება მანამ, ვიდრე ამ მოვლენათა სრული სინქრონიზაცია არ მოხდება. ისრაელიტელებს ახსოვდათ ხალხური გადმოცემები იმ სტიქიურ უბედურებებზეც, რომლებიც ზედიზედ ატყდებოდა თავს ეგვიპტეს. იმისათვის, რომ თავისი ბელადის უძლეველობისათვის ხაზი გაესვათ, მათ დროთა ვითარებაში შექმნეს ლეგენდა, თითქოს ყველა ეს სასჯელი მოსემ მოუვლინა ეგვიპტეს. ამ ლეგენდამ მათ მორალური კმაყოფილება მიანიჭა, რადგან იგი შეურაცხყოფელი იყო ამპარტავანი ფარაონისათვის, რომელმაც ისრაელიტელთა ტანჯვისათვის ღვთის სასჯელი დაიმსახურა.

ლეგენდის შექმნისას დროის უგულებელყოფისა და აღრევის სხვა მაგალითებიც გვხვდება ბიბლიაში. ქანაანის ქალაქი აი, რომელიც ბიბლიის თანახმად, ისუ ნავემ დაიპყრო, ზოგიერთი არქეოლოგის აზრით, იმ დროს უკვე ხუთასწლოვან ნანგრევებად იყო ქცეული. ქანაანის დამპყრობი ისრაელელების შთამომავლები ალბათ არა ერთხელ დაფიქრებულან მის ნანგრევებთან და ერთმანეთისათვის უთქვამთ: „აი, ისუ ნავეს მიერ დანგრეული ქალაქი“. პოპულარულმა ვერსიამ შემდეგ ბიბლიაში ჰპოვა ადგილი და მხოლოდ თანამედროვე არქეოლოგიურმა გამოკვლევებმა შეძლო მისი უარყოფა. ალბათ ანალოგიური რამ დაემართა იერიქონსაც. როგორც ინგლისის არქეოლოგიურმა

ექსპედიციამ ცხადყო, იერიქონი ქანაანში ეგვიპტიდან მოსულ ისრაელიტელთა გამოჩენამდე ერთი საუკუნით ადრე დაეცა.

უადგილო არ იქნება აქვე დავასახელოთ სხვა უაღრესად საინტერესო მაგალითიც მსგავსი ლეგენდებისა. მოსეს მზვერავებმა ქანაანიდან მოიტანეს ცნობა, რომ ქებრონში ცხოვრობდნენ გოლიათების შთამომავალი ენაკის ძენი. გავიხსენოთ, რომ ბასანის მეფე ოგიც გოლიათი იყო. იგი იძინებდა რკინის საწოლზე, რომელიც სიგრძით ცხრა და სიგანით ოთხი წყრთა იყო. როგორც ჩანს, ლეგენდა ამ გოლიათებზე შეიქმნა დოღმენებად* წოდებული ძველი მეგალითური საფლავების გავლენით. ასეთი დოღმენები ნაპოვნია აგრეთვე ევროპის ქვეყნებში. უჩვეულო ზომის გამო მათ „გოლიათების სარეცელი“ უწოდეს. 1928 წელს გერმანელმა არქეოლოგმა გუსტავე დაღმანმა დოღმენები აღმოაჩინა სწორედ ქებრონისა და ბასანის ყოფილი სამეფოს მიდამოებში.

ადრეული ქვის ეპოქის დროინდელი ეს მეგალითური საფლავები რკინასავით მაგარი ბაზალტითაა ნაგები. ალბათ აქედანაა წარმოდგა ბიბლიური გამოთქმა „რკინის სარეცელი“. ხალხურმა ფანტაზიამ, რომელიც ვერ არჩევს, თუ დროის რა დიდი შუალედითაა დაშორებული ეს საფლავები მოსესაგან, დოღმენება ეგვიპტიდან გამოსვლას დაუკავშირა. ამის შედეგად ბიბლიურ ლეგენდაში ვკითხულობთ, რომ ქებრონში ცხოვრობდა გოლიათთა ტომი, რომ ბასანის მეფეც გოლიათი იყო.

რამდენიმე სიტყვა მეთუე სასჯელის თაობაზე.

ჩვენ, რა თქმა უნდა, არ ვაპირებთ, ჭეშმარიტებად მივიჩინოთ ბიბლიის მტკიცება, თითქოს სიკვდილი ირჩევედა მაინც-დამაინც პირმშო შვილებსა და პირველშობილ შინაურ ცხოველებს. შეიძლება მაინც ვივარაუდოთ: ეს ლეგენდა გამოძახილია რომელიღაც ეპიდემიისა, რომელმაც ზედა ნილოსის მხარეში მრავალი ბავშვი იმსხვერპლა. ამ ეპიდემიას გესემამდე არ მიუღწევია; ასე რომ ებრაელ ბავშვებს მისი სუსხი არ მოხვედრიათ. ამბის დასასრული კი ხალხის ფანტაზიამ შექმნა. როგორც ესაიისა და იაკობის თავგადასავლიდან და სხვა ბიბლიური ლეგენდებიდან ვიცით, ძველი ებრაელი ტომები დიდ მნიშვნელობას ანიჭებდნენ პირმშო ვაჟებს; ისინი მთავარი მემკვიდრეები და ოჯახის ტრადიციის გამგრძელებლები იყვნენ. პირმშო ძის სიკვდილი გაცილებით უფრო დიდ უბედურებად ითვლებოდა, ვიდრე მისი უმცროსი ძმების დაღუპვა. ამრიგად, ისრაელიტელებმა შექმნეს ლეგენდა, თითქოს იაჰვემ დამნაშავე ეგვიპტელები ძალიან მკაცრად დასაჯა იმით, რომ პირმშო ძენი და პირველშობილი პირუტყვი დაუხოცა.

კარგა ხანია, რაც ცხარე მეცნიერული კამათის საგნად ითვლება სასწაულებრივი გადასვლა მეწამულ ზღვაზე. ეს

რაიული საკითხია და მას ჩვეულებრივ მაშინ განიხილავენ ხოლმე, როცა მოსეს მარშრუტის მიმართულების გარკვევას ცდილობენ. ავტორები ზოგიერთი პოპულარული ბიოგრაფიებისა ამტკიცებენ, რომ ეგვიპტიდან გამოსავალი გზა უკვე საუბრებით ზუსტადაა დადგენილი ბიბლიის ტექსტებისა და არქეოლოგიური გათხრების საფუძველზე. სინამდვილეში კი თანამედროვე მეცნიერებას ჯერჯერობით უჭირს დაბეჯითებით რაიმეს თქმა ამის თაობაზე. ამ მოჩამახული ვერსიის მიზანია, დაამტკიცოს, თითქოს მოსე, მეწამულ ზღვაზე გადასვლის შემდეგ პირდაპირ გაემართა სინას მთაზე, რომელიც ბიბლიაში გაიგივებულია სინას ნახევარკუნძულის სამხრეთ კონცხზე მდებარე მთასთან. უპირველეს ყოვლისა, აქვე უნდა აღენიშნოთ, რომ ბიბლიურ ლეგენდაში ყველაფერი რიგზე არაა, ბევრი რამ მიჩუმებულია და ცნობებიც ზოგჯერ ერთმანეთს ეწინააღმდეგება. ამიტომ მარშრუტის მკაფიო სურათის აღდგენა ძალიან ძნელია. არქეოლოგები მთლად დარწმუნებულნი არ არიან, რომ აღმოჩენილი ნახევრეები და ბიბლიაში მოხსენებული პუნქტები ერთი და იგივეა. ასე მაგალითად, ისრაელიტელთა მოგზაურობაში მნიშვნელოვანი პუნქტი იყო ქალაქი მიგდოლი, რაც ძველებრაულად და ეგვიპტურ ენებზე ნიშნავს „გამაგრებულ კოშკს“. ასეთი სახელწოდების ადგილები კი სხვადასხვა მიდამოებში აღმოჩნდა.

ამრიგად, ეგვიპტიდან გამოსვლის მარშრუტის აღდგენის ყოველგვარი ცდა ჰიპოთეზური ხასიათისაა. ამჟამად ასახელებენ სამ საყარაულო გზას: ცენტრალურს, სამხრეთისას და ჩრდილოეთისას. ამ გზებზე მგზავრობის ეტაპთა გამოთვლა მძიმე საქმეა და მას დიდი დროც უნდა. სამი ათასი წლის წინათ მეწამული ზღვის დასავლეთი კიდე, რომელიც ამჟამად სუეცს ერთვის, გრძელდებოდა გაცილებით უფრო შორს ჩრდილოეთით და მწარე ტბებს უერთდებოდა. გეოლოგიურმა გამოკვლევებმა ეს ფაქტი თვალნათლივ გვიჩვენეს. ახლა ამ ადგილზე მდებარეობს სუეცის არხი, ოდესღაც კი აქ გაშლილი იყო საფლობებითა და ხმელეთის ვიწრო ზოლებით გადასერილი პატარა ჭალები. ზღვას, რომელზეც ისრაელიტელები ფეხდაუსვებლად გადავიდნენ, ძველებრაულად იამ-სუფი ჰქვია. იამ-სუფი სიტყვასიტყვით „ლელიანის ზღვას“ ნიშნავს. მტკიცება, თითქოს აქ მეწამული ზღვა იგულისხმება, გვხვდება მხოლოდ ახალ აღთქმაში. მეწამულ ზღვაზე კი ლელი არც მაშინ იყო და არც ახლა არის. მის ახლომახლო მდებარე პატარა ტბებისა და ჭალების ჭაობიან მიდამოებში კი იგი უხვად იყო.

აქედან გამომდინარეობს დასკვნა, რომ ბიბლიური იამ-სუფი სწორედ მწარე ტბებია. ახლა კი იოლად შეიძლება მოსეს სასაწყაულის ახსნა. ებრაელები პატარა ფონსა და ხმელეთის ვიწრო:

ზოლებზე გავლით ადვილად გადალახავდნენ ჭალებსა და ჭაობებს. მძიმე ეტლებით მიმავალი ეგვიპტელები კი ალბათ ლიამპალთა ლაბირინთში მოხვდნენ, ჭაობში ჩაეფლნენ და, როგორც ბიბლია ამტკიცებს, შესაძლოა, კიდეც დაიხრჩვენ. აქ ხომ გამალებით ქროდა ჩრდილო-დასავლეთის ძლიერი ქარები, რომლებიც წყლის უზარმაზარ ტალღებს მოაგორებდნენ და მეჩჩებს უცბად აქცევდნენ მაცდუნებელ სიღრმედ.

როგორც ვხედავთ, ჰიპოთეზა საყსებით დამაჯერებელია. სამწუხაროდ, მას ერთი სუსტი მხარე აქვს. უნდა ვიფიქროთ, რომ ეგვიპტელები კარგად იცნობდნენ მწარე ტბების მიდამოებს და აქაურ სახიფათო გზებს; მაშ, რატომ მოქმედებდნენ ასე წინდაუხედავად? ეგვიპტურ არმიას ხომ თვითონ ფარაონი და ბრძოლებში ნაცადი მისი მხედართმთავრები მიუძღოდნენ. ძნელია, მათ დილეტანტობა და სიფრთხილის უკმარობა დაეწამოთ. ამრიგად, ამ სასწაულს სხვაგვარი ახსნა უნდა გამოეუნახოთ.

ყველაზე მეტი აღიარება ჰპოვა ზემოთ მოხსენებული ფრანგი ორიენტალისტის ჰიერ მონტეს გაბედულმა ჰიპოთეზამ. მონტე ვარაუდობს: დედაქალაქ რამესედან გამოსული ისრაელიტელები პირდაპირ ჩრდილოეთისაკენ გაეშურნენ, შემდეგ კი ხმელთაშუა ზღვის სანაპიროს გაჰყვნენ და ქანაანის საზღვრისაკენ გასწიეს. გზად ისინი წააწყდნენ ეგვიპტელთა ციხე-სიმაგრეებს; მათ წინააღმდეგობა გაუწიეს ზღვის პირას დაპკვიდრებულმა ტომებმაც. ბიბლია ამ ტომებს ფილისტიმელებს უწოდებს. ეს სახელწოდება მცდარია, რადგან ფილისტიმელები პალესტინაში რამდენიმე ათეული წლით გვიან შეიჭრნენ. ყოველივე ამან ისრაელიტელები აიძულა დაუყოვნებლივ შებრუნებულიყვნენ სამხრეთისაკენ.

ბიბლიაში არის ადგილები, რომლებიც ადასტურებენ ამ ვარიანტს, სახელდობრ, ეგვიპტიდან გამოსვლას ჩრდილოეთის გზით. მაგალითად: აქ მიგდოლი მიჩნეულია ეგვიპტის ყველაზე ჩრდილოეთ ქალაქად. არქეოლოგებმა მისი ნანგრევები აბუ-ჰასანში იპოვეს. გამოსვლათა წიგნში ვკითხულობთ: „უთხარ ძეთა ისრაელისათა, რათა მიიქცნენ და განეწყვნენ წინაშე ფიანხროთისა, შორის მიგდოლსა და შორის ზღვასა, პირისპირ ბაალ-ცეფონისა“ (გამოსვლათა, თ. 14, მ. 2).

ახლა კი ცნობილია, რომ ბაალ-ცეფონი იყო ქანაანის ღმერთის ბაალ-ცეფონის (ბელსეფონის) თაყვანისცემის უმნიშვნელოვანესი ცენტრი. ამ ღმერთის სახელი კი „ჩრდილოეთის მეუფეს“ ნიშნავს. ბერძნები მას ზევს კასიოსთან აიგივებდნენ. მისი ტაძარი აღმართული იყო პატარა ბორცვზე, მონს-კასიუსზე, რომელიც მდებარეობდა ხმელთაშუა ზღვისა და სირბონიზის ტბის შუა გაწოლილ ხმელეთის ვიწრო ზოლზე. სირბონისის ტბას შემდგომში ბარდავილის ტბა უწოდეს.

ისრაელიტელებმა უთუოდ ძველი, მოგზაურთაგან ნავალი ტრასა ირჩიეს. ეს გზა გადიოდა ხმელთაშუა ზღვის სანაპიროსა და ვიწრო ყელზე, ხმელთაშუა ზღვას რომ ყოფდა სირბონისის ტბისაგან.

ამ გზით რომაელებიც ხშირად სარგებლობდნენ. ჩვენი წელთაღრიცხვის 68 წელს რომის იმპერატორმა ტიტუსმა ამ მიმართულებით წაიყვანა თავისი ლეგიონები იერუსალიმში აჯანყებულს ებრაელების წინააღმდეგ.

სირბონისის ტბა მდებარეობს ზღვის დონიდან რამდენიმე მეტრით დაბლა და ხშირად ისე ამოშრება ხოლმე, რომ მის ფსკერზე გავლა სრულებით არაა საშიში. ეგვიპტეში ბერძნების ბატონობის დროს ამ ტბაზე რამდენიმე კატასტროფა მოხდა. ხმელთაშუა ზღვაზე ამტყდარი მოულოდნელი ქარიშხლებისაგან მონადენი ტალღები ფარაედნენ ხმელეთის ვიწრო ზოლებს ტბის ფსკერზე და ახრჩობდნენ მოგზაურებს, რომლებიც გზის შემოკლების მიზნით ამ ფსკერს მიჰყვებოდნენ.

ამ ფაქტების საფუძველზე პიერ მონტემ ბიბლიაში აღწერილი მოვლენების მსვლელობა აღადგინა. ისრაელიტელებმა მოასწრეს ტბის ფსკერზე გავლა და ამომშრალი ტბის აღმოსავლეთ ნაპირს მიუახლოვდნენ. ეგვიპტელები ჩქარობდნენ, მათ უნდოდათ, გზა გადაეჭრათ, ალყა შემოეერთყათ ლტოლვილებისათვის და ტბის ამომშრალ ფსკერზე ოთხით მიდიოდნენ. ისინი უზარმაზარ ქვაბურის ცენტრში იყვნენ, როცა ხმელთაშუა ზღვაზე მოულოდნელად ამოვარდა ქარიშხალი. ჩრდილოეთიდან მოვარდნილი გრიგალი უზარმაზარ ტალღებს მოეჩვენებოდა. ტალღებმა გადმოხეთქეს ვიწრო ჯებირი და თავს დაატყდნენ ეგვიპტელებს. ტბას სივრძე სამოცდაათი, სიგანე კი ოცი კილომეტრი ჰქონდა. ეგვიპტელებს შეეძლოთ თავი შეეფარებინათ მაღალ ნაპირისათვის, მაგრამ იგი ჯერ კიდევ შორს იყო; ამრიგად, ისინი ბობოქარი წყალდიდობის მორევში დაიღუპნენ.

გადავიდეთ მოსეს ხუთწიგნეულის სხვა გაურკვეველ ეპიზოდებზე. აქ აღნიშნულია, თითქოს მოსემ ეგვიპტიდან წამოიყვანა ექვსასი ათასი მამაკაცი (ქალებისა და ბავშვების გარდა); ესე იგი, სულ დაახლოებით ორ მილიონამდე კაცი. ეს რიცხვი პირველი შეხედვისთანავე მეტისმეტად გადაჭარბებული ჩანს, უდაბნოს მკვიდრთა ყოფა-ცხოვრების კარგმა მცოდნემ, ჩეხმა მოგზაურმა ალოის მუზილმა გამოიანგარიშა: ხუთი ათასი ოჯახისაგან შემდგარი ბედუნთა ტომი მარშის დროს ქმნის კოლონას, რომელიც სივრძით სამზე მეტი და სიგანით ოცი კილომეტრისაა. რაც უფრო განიერია მარშის ფრონტი, მით უფრო ადვილია წყლისა და საძოვრის მიკვლევა. მაგრამ, სამაგიეროდ, მტრულად განწყობილი ტომების თავდასხმის საშიშროებაც იზრდება. მუზილის აზრით, ვარაუდი, თითქოს სინას ნახევარ-

კუნძულის ოაზისებში ორ მილიონ ისრაელიტელს შეეძლო თავის რჩენა, სავსებით არარეალურად უნდა მივიჩნიოთ. ლაპარაკიც კი ზედმეტია იმის შესახებ, თითქოს ყველანი ერთ ბანაკში მოთავსდნენ, როგორც ბიბლია ამტკიცებს.

თანამედროვე ადამიანი, რომელმაც იცის, თუ რაოდენ დიდი მოცულობისაა დღევანდელი ორმილიონიანი ქალაქი, იოლად წარმოიდგენს, თუ რამოდენა ფართობს დაიკავენ ასეთი ბანაკი.

ეს კია, რომ თვით ბიბლიის მომდევნო წიგნებში დასახელებულია გაცილებით უფრო მცირე რიცხვები. ასე მაგალითად: ბიბლიური ვერსიის მიხედვით, იერიქონი დაიმორჩილა მხოლოდ ორმოცი ათასმა ისრაელიტელმა მეომარმა. ტიქსტიდან კი ვიცით, რომ მოსემ ყველა ტომს დააეღა ქანაანის დაპყრობაში მონაწილეობის მიღება. მსაჯულთა ძალაუფლების დროს ყველაზე მრავალრიცხოვან ტომს ორმოცი ათასი შეიარაღებულა მეომარი გამოჰყავდა. ყველა მონაცემი ადასტურებს, რომ ებრაელები იმჟამად ნახევარ მილიონზე მეტი არ ყოფილან.

საიდან განჩნდა ეს ფანტასტიკური რიცხვი?

ზოგიერთი მეცნიერი ასე ფიქრობს: ბიბლიის რედაქტორებმა შეცდომა დაუშვეს; აქ ლაპარაკია ექვსი ათას შეიარაღებულ მამაკაცზე. თუ მათ დაეუმატებთ ქალებსა და ბავშვებს, ჯამს ოცდახუთი ათასს შეადგენს. ყურადღება მიაქციეს აგრეთვე ძველ ებრაულ არსებით სახელს „ელეფის“, რომელიც არა მართლ „ათასს“, არამედ „რაზმს“, „ოჯახურ წრეს“, „თაობასაც“ ნიშნავს. სიტყვა „ელეფის“ ასეთი განმარტების შედეგად უფრო მცირე რიცხვს ვღებულობთ, რადგან იგულისხმება არა ექვსასი ათასი მეგრძოლი, არამედ მხოლოდ ექვსასი ოჯახი. როგორც ჩანს, ეს ბოლო რიცხვი ყველაზე უფრო ახლოსაა ჭეშმარიტებასთან. ამას ამტკიცებს ის ფაქტი, რომ ეგვიპტეში ყველა ებრაელ მელოგინე ქალს ორი ყრმის ამქმელი აუდიოდა და უვლიდა.

ცხადია, ასეთი მცირე ძალებით ებრაელები ვერ დაიპყრობდნენ იორდანის იქითა მხარეს და ქანაანს. ამიტომ, სავარაუდოა, რომ ორმოცი წლის მანძილზე უდაბნოში ხეტიალის დროს ისინი სხვა ტომებს შეუერთდნენ.

ბიბლიაში აღნიშნულ ისრაელიტელთა რაოდენობის საკითხს არსებითად დიდი მნიშვნელობა არა აქვს. სამაგიეროდ, ამას ვერ ვიტყვით ზუთი წიგნის კანონთა კრებულზე. XIX საუკუნემდე არსებობდა მოსაზრება, რომ ებრაულ კანონთა უძველესი კრებულის, ეგრეთ წოდებული აღთქმის წიგნების ავტორი თვით მოსე იყო. ტიქსტის თანამედროვე ანალიზმა უცილობლად დაამტკიცა ამ შეხედულების უსაფუძველობა. დღეს უკვე მნელია უარყოფა იმისა, რომ საკანონმდებლო და რელიგიური დადგენილებანი (მიუხედავად იმისა, რომ ისინი საკმაოდ უწესრიგო-

დაა თავმოყრილი ხუთ წიგნში) სხვადასხვა ეპოქებს განეკუთვნება და ძველი აურიდიული აზროვნების მრავალსაუკუნოვანი განვითარების შედეგია.

ზოგიერთი კანონის სიმკაცრე მის სიძველესე მეტყველებს. ასეთია, მაგალითად, ბიბლიისეული პრინციპი: „თვალი თვალისა წილ, კბილი კბილისა წილ“. ხშირ შემთხვევაში გათვალისწინებულია სიკვდილით დასჯა ჩაქოლვეით. გარდა ამისა, ხაზგასმულია, რომ ქალი თითქმის მონურ მდგომარეობაში უნდა ყოფილიყო.

ამ ბარბაროსული სიმკაცრის გამოსახულებაა ერთ-ერთი წესი, რომელიც ამბობს: თუ ადამიანს მოკლავს ხარი, რომლის პატრონმაც იცოდა, რომ იგი საშიში ცხოველია, მაგრამ წინასწარ თადარიგი არ დაუჭერია, რათა ხარს არავინ მოეკლა, მაშინ ხარსაც და პატრონსაც სასჯელად ჩაქოლვეით სიკვდილი მოეკლეს.

მეორე მხრივ, ხუთწიგნეულში გვხვდება საკმაოდ ჰუმანური კანონები. უპირველეს ყოვლისა, ეს ეხება მონებსა და მხველებს. მონა დაუყოვნებლივ უნდა გაეთავისუფლებინათ, თუ მეპატრონე მას თვალს დაუკსებდა, ან კბილს ჩაუმტვრევდა. კანონი მდიდრებისა და მეკვანძეების შეურაცხყოფისაგან იცავდა ქვრივებს, ობლებსა და ღარიბებს. აი, რამდენიმე მაგალითი: „შეიყვარე მოყვასი შენი, ვითარცა თავი შენი,“ „ნუ გაამრუდებ სასჯელსა მწირისასა, ნუცა ობლისასა და ქვრივისასა. ნუ დაიტოვებ გირაოდ სამოსელსა ქვრივისასა“ (მეორე სჯულ. თ. 24, მ. 17). „და ასეთი არს ბრძანება მიტევებისა: ყოველმან, რომელმან ავალა მოყვასსა თვისსა, მიუტევოს მას ვალი და არა წაართვას მახლობელსა თვისსა და ძმასა თვისსა“ (მეორე სჯულთ. თ. 15, მ. 2)

მოსეს ხუთი წიგნის კანონებში უპირატესად გამოხატულია საზოგადოებრივი მდგომარეობა იმ პერიოდისა, როცა ისრაელიტელებმა ქანაანში უკვე მკვიდრი ცხოვრება დაიწყეს და მიწათმოქმედებასა და ხელოსნობას მიჰყვეს ხელი. მასასადამე, არ შეიძლება ეს კანონები შექმნილიყო უდაბნოში ზეტიალის დროს; სხვანაირად რომ ვთქვათ, მათი ავტორი მოსე ვერ იქნებოდა. რელიგიური წეს-ჩვეულებების, რიტუალებისა და მღვდლების მიმართ მოქალაქეთა ვალდებულებების განმსაზღვრელი მრავალი კანონი კიდევ უფრო გვიანდელია, რადგან ისინი მჭიდროდ უკავშირდებათ თეოკრატიულ წყობილებას, რომელმაც იერუსალიმში ფეხი მოიდგა მხოლოდ ბაბილონის ტყვეობიდან განთავისუფლების შემდეგ. ერთი სიტყვით, ეგრეთ წოდებული ალთქმის წიგნი გვიხატავს სურათს ებრაული კანონმდებლობის ევოლუციისა, რომელიც მიმდინარეობდა რამდენიმე საუკუნის განმავლობაში.

გარდა ამისა, დადგენილია, რომ ალთქმის წიგნში წარმოდ-

გენილი ყველაზე აღრინდელი ებრაული კანონები ნასესხები სხვა ძველი ხალხების კანონმდებლობიდან და შესაბამისადაა გადამუშავებული. გერმანელმა მეცნიერმა ა. ალტმა შრომაში, რომელსაც ეწოდება „ისრაელიტელთა სამართლის წყაროები“, ნათელყო; რომ ეს კანონები შექმნილია ხამურაბის ბაბილონური კოდექსის, აგრეთვე ხეთური, ასურული, ეგვიპტური და ქანაანური კანონმდებლობის მიხედვით. ათი მცნებაც კი არ არის ისრაელიტელთა ორიგინალური შემოქმედება. იტალიელმა ისტორიკოსმა ჯუზეპე რინიოტიმ, „ისრაელის ისტორიის“ ავტორმა, დეტალურად შეუდარა ერთმანეთს რამდენიმე ძველი ტექსტი და აღმოაჩინა, რომ ათი მცნება საოცრად ჰგავს ეგვიპტურ „მიცვალებულთა წიგნს“ და შურბუს ბაბილონურ ლიტურგიულ ტექსტს. ამრიგად, ბიბლიის კომპილატორებმა აქაც ისარგებლეს მესობოტამიისა და ეგვიპტის შემკვიდრებით.

ახლა შევეხებით საკითხს, თუ როგორ შექმნა მოსემ ებრაული რელიგია. ამ პრობლემის მკვლევარები ძალიან საინტერესო დასკვნებამდე მივიდნენ.

ბიბლიური თქმულების მიხედვით, — ამბობენ ისინი, — მოსემ ლტოლვილობის ორმოცი წელი მადიამელებთან გაატარა. ეს ტომი წარმოშობით ახლოს იყო ისრაელიტელებთან. ბიბლიის მიხედვით, მადიამელები იყვნენ ჩამოსავლები აბრაამის ერთ-ერთი ვაჟის მადიამისა და მისი მეორე ცოლის ქეტურასი. ეს ტომი დასახლებული იყო აქაბის ყურის აღმოსავლეთ მიდამოებში, ახლანდელ არაბეთში. მოსე აქ ისე გრძნობდა თავს, როგორც საკუთარ სახლში: მან ადვილობრივი მღვდლის ერთ-ერთი ქალიშვილიც კი შეირთო; მადიამის მიწაზე, ვულკანური მთის ქორების ძირში. პირველად გამოეცხადა მას ღმერთი იაჰვეს სახელით: გამოსულათა წიგნში ძველი ებრაულიდან თარგმნილი ტექსტი ასეთია: „მე ვარ უფალი. ვერეენე მე აბრაამს, ისააკსა და იაკობს „უძლიერესი ღმერთის“ (ელ-შადდაის) სახელით. და სახელი ჩემი „უფალი“ არა ვაუწყე მათ“ (გამოსულათა, თ. 6, მ. 2-3). მართალია, ხუთი წიგნის წინა თავებში შეგვხვდა სახელი „იაჰვე“, მაგრამ ახლა ჩვენთვის უკვე ცნობილია, რომ ეს სახელი აქ გაცვილებით გვიან ჩაწერეს ბიბლიის კომპილატორებმა.

ბევრი მეცნიერი ვარაუდობს, რომ იაჰვე მადიამელთა ომის ღმერთი იყო და მოსე მისი მიძღვეარი გახდა. ეგვიპტეში დაბრუნებისთანავე მან განიზრახა იაჰვეს კულტი დაენერგა ისრაელიტელთა შორის. თავისი მოძღვრების ყველაზე გულმოდგინე მომხრეები მოსემ გამოიწვია ლევის ჩამომავალთა ტომში, რომელსაც თვითონ ეკუთვნოდა. ამით აიხსნება ის ფაქტი, რომ იგი

¹ „უფალი“ — ე. ი. იაჰვე (რუს. შთარგმნილის შენიშვნა).

ესოდენ განსაკუთრებულ როლს ანიჭებდა ლევიტელებს ებრაელი ხალხის ცხოვრებაში. მართალია, მოსემ მათ არაფერი არგუნა ქანაანის განაწილების დროს, მაგრამ, სამაგიეროდ, ათეულის აკრეფის უფლება მიაკუთვნა და მატერიალურად უზრუნველყო. ისინი ღვთის ტაძარში ასრულებდნენ მღვდელმსახურთა, მცველთა, ხაზინადართა, მწერალთა, მგალობელთა და მსახურთა მოვალეობებს.

ლევიტელთა ეს პრივილეგიურ-ზეტომობრივი როლი მოწმიბს, რომ მათ ეკისრებოდათ იაჰვიზმის ქადაგება ხალხში, რომელიც იოლად ითვისებდა კერპთაყვანისმცემლობას, ეგვიპტისა და ქანაანის ღმერთების კულტს; ეს იმიტომ ხდებოდა, რომ მაღიამელთაგან ახლასან გადძოლებულ იაჰვიზმს ჯერ კიდევ ღრმად ვერ გაედგა ფესვები. სინას მთასთან ხალხი ძველი ღმერთების დაბრუნებას მოითხოვდა. სწორედ მაშინ დააწესა აპრონმა ოქროს ხბოს კულტი. ხბო არის ხარის (აპისის) დამაქნიებელ-შეურაცხყოფელი სახელი. ბიბლიის თანახმად, ესრაელიტელები ოდესღაც ეგვიპტეში თავყვანს სცემდნენ აპისს. შესაძლოა, ამ მხრივ ისინი ქანაანელთა გავლენას განიცდიდნენ.

ლევიტელთა პრობლემა საკმაოდ რთული და ბუნდოვანია. ზოგიერთი მეცნიერის აზრით, ლევიტელები წარმოადგენდნენ კადემის ქურუმთა კასტას და არა ცალკე ტომს. მაღიამის ყოფილი ტერიტორიის აღმოსავლეთით (დღევანდელი არაბეთის ტერიტორიაზე მდებარე ელ-ოლის მიდამოებში) ნაპოვნ წარწერებში ღმერთ უადდის ქურუმი ქალები აღნიშნულია „ლვ“-ით, ქურუმი მამაკაცები კი „ლვტ“ სიტყვათა ძირებით. თითქოს ამ სიტყვებიდანაა წარმოქმნილი სახელწოდება „ლევიტელი“. მოსემ ცოლად შეირთო მაღიამელი ქურუმის ქალიშვილი, მიიღო მისი რელიგიური რწმენა და შემდგომ თვითონვე გახდა ქურუმი, ესე იგი, ლევიტელი. მერე ლევიტელი მღვდლების ჯგუფს სათავეში ჩაუდგა და ეგვიპტეში გაემგზავრა, რათა თანამემამულენი იაჰვიზმისაკენ მიექცია. მაშასადამე, იგი მისიონერად მოველინა ისრაელიტელებს, რომლებიც ეგვიპტელ ღმერთებს სცემდნენ თავყვანს.

პიპოთეზა თავისთავად საინტერესოა, მაგრამ, სამწუხაროდ, მეთისმეტად სუსტ საფუძველს ემყარება და ხელალებით მისი დაჯერება არ შეიძლება. მით უმეტეს, რომ ამ საკითხზე მეორე მოსაზრებაც არსებობს. ზოგიერთმა მეცნიერმა ყურადღება მიაქცია იმ ფაქტს, რომ სახელწოდება „ლევი“ ენათესაება ძველ-ებრაულ სიტყვას, რომელიც „გველს“ ნიშნავს. სხვათა შორის, „ლევი“ შედის მითიური ურჩხულის, ლევიათანის სახელწოდებაში. გარდა ამისა, დადგენილია განსაკვიფრებელი ფაქტი: ლევიტელებში გავრცელებული იყო სახელები, რომელთა ძირებაც „გველის“ მნიშვნელობა აქვს.

რა დასკვნის გამოტანა შეიძლება აქედან?

ამ თეორიის მიხედვით, ლევიტელები ეგვიპტეში თაყვანს სცემდნენ გველის ღმერთს და თავისი კულტი არ ეთმობოდათ. არქეოლოგიურმა გათხრებმა ცხადყვეს, რომ გველის კულტმა ბალესტინაში კიდევ რამდენიმე საუკუნის მანძილზე გაძლო და რომ ისრაელიტელთა შორის მას მრავალი თაყვანისმცემელი ჰყავდა. ამ აღმოჩენით შუქი ეფინება საიდუმლოებით მოცულ ეპიზოდს: მოსემ ბანაკში გველის გამოსახულება დადგა, რათა ჯანმრთელობა დაებრუნებინა შხამიანი გველების მიერ დაკე-ნილი ადამიანებისათვის. ჩანს, ლევიტელებმა ეს იმიტომ ჩაიდი-ნეს, რომ სჯეროდათ: გველის ღმერთმა განდგომის გულისთვის ხალხი დასაჯა და უბედურება მოუვლინაო. მოსემ შეისმინა მათი დაჟინებითი მოთხოვნა და დასტური მისცა, რომ იაჰვესთვის საც ვცათ თაყვანი და ძველი ეგვიპტური კულტიც შეენარჩუნე-ბინათ. ასეთი სინკრეტული კომპრომისები ხშირად იჩენდა ხოლმე თავს სხვა რელიგიებშიც. ასე რომ, ისრაელიტელთა-თვის ეს მოვლენა გამონაკლისი არ ყოფილა. მაგალითისათვის შეიძლება დავასახელოთ მეფე სოლომონი. მართალია, იგი თა-ყვანს სცემდა იაჰვეს, როგორც ღმერთს, მაგრამ ამავე დროს ბრძანებდა, იერუსალიმში ქანაანელი ღმერთების ქანდაკებებიც დაედგათ.

დიდი მორალური ავტორიტეტისა და წმინდანის შარავენ-დედის მიუხედავად, მოსე ვერ გაექცა განაწყენებული იაჰვის-ტების საყვედურებს — გველის ღმერთის კულტი რომ დაუშეი, ამით ებრაულ რელიგიას ჩირქი მოსცხეო. ეს ნათლად ჩანს მე-ფეთა მეოთხე წიგნში. აქ ვკითხულობთ, რომ იუდეველთა მეფემ ეზეკიამ (721—693 წ.წ. ძვ. წ.-ად.) „დაამსხვრია გველი რვა-ლისა, რომელი შექმნა მოსე, რამეთუ ვიდრე იმ დღემდე ძენა ისრაელისანი უკმევდეს მას და უწოდდეს მას ნეხუშთანს“ (მეო-თხე მეფეთა, თ. 18, მ. 4).

ამ სტრიქონებიდან შეიძლება დავასკვნათ ორი რამე:

1. ჰიპოთეზა, რომლის მიხედვითაც ლევიტელები გველს თაყვანს სცემდნენ, საუკუნით დამაჯერებელია. 2. გველის კულ-ტმა ქანაანში ხუთას წელზე მეტ ხანს გასტანა. ეს კულტი ნება-დართული იყო თვით მოსეს მიერ.

მოსე მაღიამს მეორე სამშობლოდ თვლიდა; მან ხომ აქ თავი-სი ცხოვრების ორმოცი წელი გაატარა და გამოჩენილი მღვდლის ქალიშვილთან შეუღლებით დაუკავშირდა ამ ქვეყანას. ამრიგად, უაზრობა იქნებოდა, რომ მას ისრაელიტელები პირდაპირ თავის ნაცად მეგობრებთან და ახლობლებთან არ წამოეყვანა ეგვიპტი-დან. იგი დაიმედებული უნდა ყოფილიყო, რომ მხოლოდ აქ მი-იღებდნენ მათ დიდი პატივით და დაესმარებოდნენ დასახულა გეგმის განხორციელებაში. და მართლაც, ჩვენს ხელთაა გარკვე-

ული დამამტკიცებელი მოხატვები იმისა, რომ მოსე ნამდვილად მადიამში გაემგზავრა და არა სინას ნახევარკუნძულის კონცხზე, რომ მან იაჰვესთან კავშირი შეკრა ქორებზე და არა სინაზე. როცა მოსე ექსორიის დროს მადიამის მთის პირში აღმოჩნდა, იაჰვემ მას ასეთი მითითება მისცა: „ოღეს გამოიყვანო ერი ჩემი ქვეყანით ეგვიპტით, მსახურებდენ ღმერთსა მთასა ამასა ზულა“. (გამოსვლათა, თ. 3, მ. 12). ამ უთუოდ აპოკრიფულ სიტყვებში სავსებით გარკვეულად ჩანს, რომ ებრაული ტრადიცია „საღმრთო წერილის“ კომპილატორთა ეპოქამდე თაყვანს სცემდა ქორებს, როგორც წმინდა მთას. ამ მუხლის სხვაგვარი განმარტება არაფრით არ შეიძლება.

გვერდს ვერ ავუვლით კიდევ ერთ არგუმენტს ამ საკითხის განხილვისას. ბიბლიაში სიტყვასიტყვით ვკითხულობთ: „ხოლო მთა სინა კუმოდა ყოვლად, რამეთუ გარდამოსრულ იყო ღმერთი მას ზზედა ცეცხლითა და აღვიდოდა კვამლი, ვითარცა სახმედიისა, და ირყოდა ყოველი იგი მთა ძლიერად და ხმა სახვირისა აღვიდოდა და უძლიერეს იქნებოდა ფრიად. მოსე იტყოდა და ღმერთი მიუგებდა მას ხმითა“ (გამოსვლათა, თ. 19, მ. 18—19).

უგეჰვლია, რომ ესაა აღწერა ვულკანური მთისა, ყურთასმენის წამლები ხმით რომ აფრქვევდა ცეცხლს. ეს ცეცხლი კი იხრაელიტელებმა იაჰვეს ზებუნებრივ გამოსინებად მიიღეს. ცნობილია, რომ სინის ნახევარკუნძულზე ვულკანები არასოდეს ყოფილა. აქაბის ყურის აღმოსავლეთ მხარეზე, ესე იგი, მადიამის ტერიტორიაზე კი გაბმულია ვულკანური მთების ვაჭვი. ეს ვულკანები, მართალია, ახლა კარგა ხნის ჩამქრალია, მაგრამ მოსეს დროს კი მოქმედებდა.

ახლა ერთიც ვკითხვით: იყო თუ არა მოსე მონხრე ერთღმერთიანობისა, ამ სიტყვის ზუსტი მნიშვნელობით? მასუხის გაცემა ჭირს, უპირველეს ყოვლისა იმიტომ, რომ არ ძალგვიძის დაეადგინოთ, რამდენად შეაღამაზეს ბიბლიის ტექსტი გვიანდელმა კომპილატორებმა იმისათვის, რომ მოსე მონოთეისტად წარმოეჩინათ. თუმცა, სავსებით შესაძლებელია, რომ მას გააჩნდა მონოთეისტური იდეების ჩანასახი. ამ მხრივ მოსე ერთადერთი არ ყოფილა. ამერიკელმა ორიენტალისტმა ოლბრაითმა ლურსმული საბუთების საფუძველზე ნათელყო, რომ ძველი წელთაღრიცხვის 1500—1200 წლებში დასავლეთ აზიის ქვეყნებში მონოთეისტური ტენდენციები ფართოდ გამოვლინდა. საერთო განწყობილება შეიძლება მოსესაც გადასდებოდა, თუ დავუშვებთ, რომ იგი განათლებული კაც იყო და, რომ მას ახალი რელიგიური და ფილოსოფიური იდეები აინტერესებდა. მაინც შეიძლება ვივარაუდოთ: ყველაზე მეტი გავლენა მოსეზე მოახდინა ეგვიპტის ფარაონმა ახნატონმა — მონოთეიზმის წინამორბედმა

და ღმერთ ატონის რელიგიის შემქმნელმა ატონს თაყვანს სცემდნენ, როგორც მზის სიმბოლოს. მოსე, ჰელიოპოლისში სწავლობდა „ეგვიპტურ სიბრძნეს“ და გამოირიცხული არაა, რომ მისი რელიგიური დოქტრინა როგორც დაკავშირებულია ყოფილიყო ატონის კულტთან.

ეხნატონი მეფობდა ძვ. წ. XIV ს. შუა წლებში, ესე იგი მოსემდე დაახლოებით ასი წლით ადრე. ფარაონის სიკვდილის შემდეგ, ჰელიოპოლისის ქურუმები მკაცრად სდევნიდნენ ახალ კულტის თაყვანისმცემლებს და იმდენი ქნეს, რომ ეს კულტი მოსპეს. მაგრამ არქეოლოგიური აღმოჩენების წყალობით დღეს ვიცით, რომ ძვ. წ. აღ. XIII საუკუნემდე არსებობდა ატონის გასაიდუმლოებული სექტები, რომლებშიც მეტწილად გაერთიანებულნი იყვნენ განათლებული ადამიანები, რადგან მხოლოდ მათ შეეძლოთ დაეფასებინათ ამ კულტის უბრალოება და ერთი ღმერთის (ქვეყნის შემოქმედისა და კაცობრიობის კეთილი მფარველის) არსებობის აბსტრაქტული იდეა.

მაშასადამე, სავარაუდოა, რომ მასეს რაღაც ურთიერთობა ჰქონდა სექტანტებთან; შესაძლოა იგი იმ საიდუმლო ცერემონიალებშიც მონაწილეობდა, რომლებსაც ისინი მზის ღმერთის, ატონის, პატივსაცემად მართავდნენ. მან ალბათ იცოდა, რომ ეხნატონის ღმერთს ჰქონდა მეტი სიმეტა გონებაჰერეტიით კონცეფციის, რომელიც უბრალო ხალხისათვის ზედმიწევნით ძნელი გასაგები იყო და ებრაელთა ფართო მასებში გავრცელებას ვერ ჰპოვებდა. ამიტომ მოსე იძულებული გახდა, სხვადასხვაგვარ კომპრომისებზე წასულიყო, თორღე ებრაელთა შეკმატაში მონოთეიზმის თუნდაც პირველი ნიშნები გაეღვივებინა. იგი თანამემამულეთა ცრუმორწმუნეობრივ ფანტაზიას იშველიებდა, როგორც სასწაულმოქმედო, მაგიური ხერხების გამოყენებისას კი ერთნაირად სარგებლობდა. ქურუმების მიერ ეგვიპტის ტაძარში ამოკრებილი ცნობებით და უდაბნოში მადიამელთაგან შექმნილი გამოცდილებით.

მოსე ცდილობდა გველის კულტს იაჰვიზმთან შეეერთებინა. მისი ღმერთი უხილავი არსება არ არის. იგი მადიამელთა ომის ღმერთის ყველა ატრიბუტს იძენს, ამ ღმერთის კონცეფცია ისეთივე პრიმიტიულია, როგორიც ისრაელიტელების ინტელექტი იყო. ხუთწიგნულში წარმოსახული იაჰვე ცხადად მოგვაგონებს ბელუინ ბელადს, მთელი მისი ავითა და კარგით: იგი ყოველთვის წინ მიუძღოდა ისრაელიტელთა კოლონას, ცხოვრობდა კარავში, ომის დროს ხელმძღვანელობდა მხედრობას და ისეთი განრიხება იცოდა, რომ ათასობით კაცის მოკვლა შეეძლო, თუკი ისინი მას ეურჩებოდნენ. გარდა ამისა, მან მაინცდამაინც ის თვისებები გააჩნდა, რომლებიც უდაბნოში მომთაბარეთათვის იყო დამახასიათებელი; დაუნდობლად ებრძო-

და უზნეობას და მოითხოვდა, რომ ებრაელები სტუმართმოყვარულად შეხვედროდნენ უცხოელებს, თანაგრძნობით ღარიბები, სათვის და ღირსეულად მოქცეოდნენ ტყვე ქალებს. ცხოველებსაც კი იცავდა იგი ადამიანთა სიმკაცრისაგან.

ეხნატონის გავლენა მოსეს რელიგიურ შეხედულებებზე მხოლოდ სავარაუდოა და იგი მარტოოდენ გონების თვალთგანჭვრეტილ თეორიას წარმოადგენს. სამაგიეროდ, თვალნათელივ შეგვიძლია დავინახოთ ეგვიპტის გავლენის ზოგი სხვა ნიშანი. ასე მაგალითად: ძველ ებრაელებს მღვდლების განცალკევებული კასტა არ ჰყავდათ, ასეთი კასტა ვერ თავსდებოდა ძველ ებრაელ მომთაბარეთა პატრიარქალურ წყობაში. გესემში დამკვიდრებული ისრაელიტელები კი მიახლოებით იცავდნენ ეგვიპტური ღმერთების კულტს.

მხოლოდ მოსემ ჩამოაყალიბა ქურუმთა განცალკევებული კასტა, რომელსაც სათავეში ჩაუყენა ქურუმთმთავარი. მეფის ასულის შვილობილი ახლო იცნობდა ეგვიპტელ ქურუმთა ინსტიტუტს. იგი დარწმუნდა, რომ ეს იყო ხელისუფლების დიდა ბურჯი და ნილოსის მიდამოებში გავრცელებული პროვინციული კარნაკეტილობის ნიველირების ფაქტორი. ეს გამოცდილება მან გამოიყენა ქანაანზე ლაშქრობის დროს, ისრაელიტელთა შორის ჯერ კიდევ არსებული ტომობრივი ინსტიტუტის დასაძლევად და მათგან მონოლითური საზოგადოებრივი ორგანიზაციის ჩამოსაყალიბებლად. ამ ორგანიზაციის შემამტკიცებელ ძალად უნდა ქცეულიყო ქურუმთა კასტა, რომელსაც აპრონი ზელმძღვანელობდა. ზეტომობრივი კასტა, რომელსაც სხვადასხვა პრივილეგიები ჰქონდა მინიჭებული, ამ პრივილეგიათა და იაჰვეს ავტორიტეტის წყალობით ძალაუფლებით იყო მოსილი. როგორც კორეს აჯანყება მოწმობს, ისრაელიტელები წინააღმდეგობისა და პროტესტის გარეშე არ დამორჩილებიან ახალ ხელისუფლებას. თეოკრატიული წყობილების შემოღებას ხომ კლასობრივ განსხვავებათა გაღრმავება მოჰყვა. წარმოიშვა განსაკუთრებულ პრივილეგიათა მქონე საზოგადოებრივი ფენები: ეგვიპტური გავლენა აშკარად გამოსჭვავის ბიბლიის იმ ეპიზოდში, სადაც აღწერილია ტანსაცმელი, რომელსაც მღვდლები იცვამდნენ ლიტურგიის (მღვდელმსახურების) დროს. ეს ტანსაცმელი ჰელიოპოლისელი ქურუმების სამოსლის ზუსტა ასლია. განსხვავება მხოლოდ ის იყო, რომ ისრაელიტელი მღვდლები წვერს ატარებდნენ, ეგვიპტელები კი თმასაც იპარსავდნენ და წვერსაც. მხოლოდ ამ შემთხვევაში ვერ გაბედა მოსემ ძველისძველი სემიტური წესის დარღვევა.

შვეულის კიდობანიც ეგვიპტიდანაა გადმოღებული. თებელ და ჰელიოპოლისელ მღვდლებს პროცესიის დროს პატარა ყუთები დაჰქონდათ. ამ ყუთში ისინი კულტის რომელიმე საგანს

დებდნენ. ყოველ ყუთზე ამოკვეთილი იყო ორი გენიის, ან მფარ-
ველი სულის ფრთაგაპლილი ფიგურა. ფრთები სკივრის სახუ-
რავს ფარავდა. ამრიგად, ალთქმის კილობნის შემამკობელი ქე-
რუბიმებიც კი ეგვიპტური წარმოშობისაა.

უადგილო არ იქნება აღვნიშნოთ ერთი მეტად საინტერესო
ფაქტი. შჯულის კილობანი და საწამებლის კარავი ისრაელი-
ტელთაგან გადაიღეს ბედუინთა ტომებმა. პალმირის ნანგრევებ-
ში აღმოჩენილ რომის ეპოქის ბარელიეფზე გამოსახულია აქ-
ლემი, რომელსაც ზურვით პატარა წმინდა კარავი მიაქვს. ამ
ეგვიპტურ-ებრაული წესის კვალი დღემდე შემორჩა რუბალის
ტომის ბედუინებს, რომლებიც მომთაბარე ცხოვრებას მისდევენ
სირიის უდაბნოში. მათ აქლემით დააქვთ თავისებური სკივრი.
ამ სკივრს ჰქვია მარქაბი ანუ ისმაილის კილობანი და იგი ტომის
თავისებურ წმინდა რელიკვიას წარმოადგენს.

ბიბლიის ტექსტში ეგვიპტის გავლენის სხვა მაგალი-
თებსაც ვხვდებით. გავიხსენოთ ეპიზოდი, რომელშიც მოსემ სახე
საბურველით დაიფარა, და სიწმინდის ნიშნად თავზე რქების
ფორმის ნათლის შარავანდელი დაედგა. ტაძარში რელიგიურა
რიტუალის სახეიმო შესრულებისას, აგრეთვე წინასწარმეტყვე-
ლებათა დროს ეგვიპტელი ქურუმებიც ასევე იფარავდნენ სახეს
რიდით. რქები არის გადმონაშთი ეგვიპტური კულტისა; ეგვიპ-
ტელები თაყვანს სცემდნენ ზარს აპისს და მისმა კულტმა ისრა-
ელიტელთა სულში ღრმა კვალი დატოვა. ამას მოწმობს ოქროს
კერპის — ხბოს ამბავი. რქები ებრაელთა შეგნებაში სიწმინდის
სიმბოლოდ დარჩა. ბიბლიურ თქმულებებში გამოყვანილი ნათ-
ლის რქების მქონე მოსე არის ღვთისაგან მირონცხებული და
ღვთიური საიდუმლოების შარავანდელით გაცისკროვნებული.
სწორედ ასეთი ღიადი, დაღვრემილი და თავზე რქებდადგმული
წარმოგვისახა იგი მიქელანჯელომ თავის გენიალურ ქანდაკე-
ბაში.

უნდა გაგვაკვიროვოს თუ არა იმან, რომ მოსე ეგვიპტის ძლი-
ერ გავლენას განიცდიდა და სხვადასხვაგვარ ეგვიპტურ სიბრ-
ძნეს იყო ნაზიარები? მისი სახელი (ძველებრაულად მოშე)
ისრაელიტური წარმოშობისა არაა. იგი ეტიმოლოგიურად უკავ-
შირდება უგართულ „მ-ვ-შ-ს“, რაც „ახალშობილ ბავშვს“ ნიშ-
ნავს, ან ეგვიპტურ „მეი“ ზმნას, რომელსაც „შობის“ მნიშვნე-
ლობა აქვს. ყოველივე ამის გამო ზოგიერთი მეცნიერი ვარაუ-
დობს, რომ მოსე ეგვიპტელი იყო, ღვენიის დროს ძველებრაულ
ტომებს შეეკედლა და დროთა ვითარებაში მათი ბელადი გახდა.

ჩვენ უკვე აღვნიშნეთ, რომ მოსეს რელიგია თავისებურად
სინკრეტული იყო. მასში ერთადაა შერწყმული ძველთაძველი,
პატრიარქების დროინდელი ებრაული რწმენა, მაღიამელი ომი-
აღმერთის კულტი, ეგვიპტელთა რელიგიური წარმოდგენები და
წესები. არ უნდა დავივიწყოთ, აგრეთვე, მესოპოტამიისა და ჩა-

ნანის სერიოზული გავლენაც. ამრიგად, მოსემ შექმნა სინთეზი, რომელიც ებრაელი წინასწარმეტყველების გვიანდელი ეთიკური მონოთეიზმის შემოქმედებითი საფუძველი გახდა.

ეგვიპტიდან გამოსვლის ისტორიაში წამდაუნუმ ვხვდებით განსაკვიფრებელ ამბებს. განსაკუთრებით საინტერესოა მოსეს მემკვიდრის, ქანაანის დამპყრობლის ისე ნავეს საიდუმლოებით მოცული სახე. იერიქონის გათხრებში მონაწილე მეცნიერები, როგორც ვიცით, გადაჭრით ამტკიცებენ, რომ ეს ციხე-სიმაგრე ხელთ იგდეს რომელიღაც დამპყრობლებმა XIV საუკუნეში ჩვენს წელთაღრიცხვამდე, ეგვიპტიდან ისრაელიტელთა აქ მოსვლამდე დაახლოებით ასი წლით ადრე. მაშასადამე, ბიბლიური ისე ნავე არ შეიძლებოდა ყოფილიყო იერიქონის დამპყრობი.

ბიბლიის ზოგიერთი ცნობილი მკვლევარი ცდილობს ეს დილემა შემდეგნაირად გადაჭრას: მთელი თავისი არსებობის მანძილზე ებრაელი ხალხი იყოფოდა ორ, ერთმანეთისაგან მკვეთრად განსხვავებულ, ჯგუფად: ისრაელიტელებად (ე. ი. ისრაელის ჩამომავლებად), რომელთაც პალესტინის ჩრდილოეთ ნაწილი ეკავათ, და იუდეველებად, რომლებიც სამხრეთით ცხოვრობდნენ. მათ შორის ღრმა ანტაგონიზმი იყო. მხოლოდ ცოტა ხნით, და ისიც იძულებით, გაერთიანდნენ ისინი მონოლითურ სახელმწიფოდ. ეს მოხდა საულის, დაეითისა და სოლომონის მეფობის დროს. სოლომონის სიკვდილის შემდეგ სახელმწიფო მალე ორ ნაწილად გაიყო. მათ შორის ისეთი გააფთრებული ბრძოლა მიმდინარეობდა, რომ თითოეული მხარე უსინდისოდ ამყარებდა კავშირს საერთო, ძველთაძველ მტრებთანაც კი. ჩრდილოელმა ისრაელიტელებმა აიშენეს ახალი დედაქალაქი სამარია. იერუსალიმი კი იუდეველთა სახელმწიფოს დედაქალაქად დარჩა.

სავარაუდოა, რომ ასეთი ანტაგონისტური დამოკიდებულება გამოიწვია არა მარტო ამ სახელმწიფოთა მმართველ ორ სამეფო დინასტიას შორის არსებულმა მეტოქეობამ, არამედ სხვა გარემოებამაც. ამ გააფთრებული შუღლის საფუძველი უფრო ღრმა უნდა ყოფილიყო. ჩანს, მისი მიზეზი რაღაც ეთნიკური სხვაობები იყო.

როგორ ავსნათ ეს სხვადასხვაობა? შესაძლოა, ამ კითხვის პასუხს შეიცავს ლურსმული ფირფიტები, რომლებიც აღმოაჩინეს ფარაონ ეხნატონის დედაქალაქის ნანგრევებში, იმ მიდამოებში, რომლის დღევანდელი არაბული სახელწოდებაც თელამარნა. აქ არის დიპლომატიური მიმოწერა, რომელიც განეკუთვნება ძველი წელთაღრიცხვის XIV საუკუნეს. ეგვიპტის ქანაანელი ვასალები ფარაონს ატყობინებენ — ზაბირუს სახელწოდებით ცნობილი უდაბნოს ტომები ჩვენს პატარ-პატარა სახელმწიფოებს თავს ესხმიან და გეპარცვავენო. თუ „ზაბირუ“-

ში იმალება ძველი ებრაული ტომების სახელწოდება (ებრა-
ები), როგორც ზოგიერთი მეცნიერი ფიქრობს, მაშინ ეს წერი-
ლები ამტკიცებენ, რომ ძველი ებრაული ტომები ქანაანში
შეიჭრნენ ეგვიპტიდან გამოსულ ისრაელიტელებზე. საუკუნეზა-
ხევრით ადრე.

საყურადღებოა ერთი ფაქტიც: დამპყრობელთა წინააღმდეგ
ბრძოლაში დახმარებას ითხოვენ ვასალები ისეთი ქალაქებისა,
როგორებიცაა: მეგილო, გეზერი, ასკალონი, ლაქიში და იერუ-
სალიმი. წერილებში მოხსენებული არ არის ქალაქები სიქემი,
სილოქი, ვიბეაქი, მისფაქი და იერიქონი. რატომ? წუთუ ამ
დროს ებრაელები უკვე ფლობდნენ ამ ქალაქებს? საინტერესოა
რომ ერთ-ერთ წერილში ნახსენებია მხედართმთავარი ისუ. ის-
ნის კითხვა: ხომ არ არის იგი შემთხვევით, ჩვენთვის ხუთი
წიგნიდან ნაცნობი ისუ? ამერიკელმა ორიენტალისტმა ფოუელ
დევისმა, ზოგიერთ სხვა მეცნიერთან ერთად, აქედან ასეთი დას-
კვნა გამოიტანა: ძველ ებრაელთა რომელიღაც შტომ ან მოსემ-
დე საუკუნეზახევრით ადრე დატოვა ეგვიპტი, ან აღმოსავლეთი-
დან შემოიჭრა ქანაანში და ჩვენთვის უცნობი ვინმე ისუ. ხელ-
მძღვანელობით, სხვა ქალაქებთან ერთად, XIV საუკუნეში იე-
რიქონიც დაიწვია. მოსემ კი, ამ ვერსიის მიხედვით, ეგვიპტი-
დან გამოიყვანა მხოლოდ ლევიტელთა ტომი. ფოუელ დევისის
პირობების სასარგებლოდ ლაპარაკობს ის გარემოებაც, რომ
ლევიტელები, ისევე როგორც მოსემ, ატარებდნენ ტიპურ
ეგვიპტურ სახელებს (ფინეზ, ური, ოფნი, ფასურაი). უდაბ-
ნოში ლევიტელებს შეუერთდნენ სხვა ტომებიც და შეიქმნა და-
დი შეიარაღებული ძალა იმის გამო, რომ ლევიტელებს სწამ-
დათ თავიანთი ეგვიპტური წარმოშობა და სისხლით მოსესთან
იყვნენ დაკავშირებულნი, ამ ტომობრივ ერთიანობაში მათ
მაინც შეინარჩუნეს მმართველი, პრივილეგიური კასტის მდგო-
მარეობა.

ეს ფაქტები შუქს ჰყენს ქანაანში შექმნილ ვითარებას. ქვეყ-
ნის ჩრდილოეთ ნაწილში დასახლდნენ იმ ებრაელთა შთამოშა-
ვალნი, რომელნიც არასოდეს ყოფილან ეგვიპტეში, ანდა უხსო-
ვარი დროიდან დატოვეს იგი. მათ შეითვისეს აქაური კულტუ-
რა და ქანაანელთა ღმერთების თაყვანისცემა დაიწყეს. ქვეყნის
სამხრეთი ნაწილი, იუდეა, კი დაიკავეს ეგვიპტიდან წამოსულმა
ისრაელიტელებმა. ეს ორი ჯგუფი ტრადიციებით, წეს-ჩვეულე-
ბებითა და რელიგიური რწმენით ისე ღრმად განირჩეოდა ერთ-
მანეთისაგან, რომ ასეული წლების მეზობლობამ და პოლიტი-
კურმა ურთიერთობამაც კი ვერ წარხოცა ეს სხვაობა. აქედან
მომდინარე ანტაგონიზმმა და სისხლისმღვრელმა სამოქალაქო
ომებმა, რომლის დროსაც მმა ძმას არ ინდობდა, ბოლოს და ბო-
ლოს დაღუპვის კარამდე მიიყვანა ისრაელიტელები.

ქანაანის ჩრდილოეთ ნაწილში დასახლებულ ისრაელიტელებს ჰყავდათ თავისი ნაციონალური გმირი, რომელსაც ისუ ერქვა. იგი იერიქონის ძლევამოსილ დამპყრობად ითვლებოდა. სამხრეთის მცხოვრებლები კი თაყვანს სცემდნენ მოსეს — თავიანთ ბელადს, სჯულმდებელსა და წინასწარმეტყველს.

მოგვიანებით, სახელმწიფოებრივი გაერთიანების ეპოქაში, საულის, დავითისა და სოლომონის გამგებლობისას, იერუსალიმის ქურუმებმა ისარგებლეს იუდეველთა ჰეგემონიით და ომი გამოუცხადეს ქანაანელ ღმერთებს. ერთიანი სახელმწიფო რელიგიის შექმნის მიზნით ისინი ცდილობდნენ, ჩრდილოეთის მცხოვრებთათვის თავს მოეხვიათ იაჰვეს კულტი. იაჰვიზმის ბრძოლა ბაალსა და ასტარტესთან ბიბლიური თქმულებების ერთ-ერთი დიდი ნაწილია. მონარქიის განმტკიცებისა და სხვა ქვეყნებზე იუდეველთა ბატონობის შენარჩუნების მიზნით, ქურუმებმა ქანაანში ყველა ტაძარი გააუქმეს, იერუსალიმის ტაძარი კი იაჰვეს კულტის ერთადერთ ცენტრად აქციეს. გარდა ამისა, ისინი ცდილობდნენ, მოსახლეობის ორივე ჯგუფში აღმოეფხვრათ ტრადიციასა და კულტურაში არსებული განსხვავებანა და ამით მიეღწიათ სულიერი ერთიანობისათვის. ამ მიზნით გააერთიანეს ებრაელმა მღვდლებმა ორი, ერთმანეთისაგან დამოუკიდებელი, ციკლი ლეგენდებისა: ჩრდილოური ციკლი ისუ ნავეზე და სამხრეთული მოსეს შესახებ. ასეთი ხერხით გადამუშავებულ თქმულებებში ისუ ნავე, რა თქმა უნდა, დაიკავებდა მეორე ადგილს მოსეს შემდეგ, როგორც მისი თანაშემწე და მეგვიდრე; ბუნებრივია, რომ ეგვიპტიდან წამოსულ ისრაელიტელთა შთამომავლებმა ისუ ნავესთან ერთად თავის თავი გაასაღეს იერიქონის დამპყრობლებად. ახალმა ვერსიამ ფეხი მოიკიდა და დამკვიდრდა იმის გამო, რომ ასურელებმა ისრაელიტელთა ჩრდილო სამეფო დაიპყრეს და გააპარტახეს. იუდეველთა სახელმწიფო გახდა ნაციონალური ტრადიციების ერთადერთი მემკვიდრე და განმგრძობი მაშინ, როცა ჩრდილოეთის ტომებმა, რომელთა მეტი წილი განადგურებული იყო, ერთი ნაწილი კი — ტყვედ ჩაპარდნილი, ფაქტიურად არსებობა შეწყვიტეს.

ამ ჰიპოთეზის თანახმად ისუ ნავეს ბიოგრაფია ასე თუ ისე გარკვეულია, აპრონის ამბავი კი ჯერ კიდევ არაა მთლად ნათელი. ზუთწიგნეულის უძველეს ნაწილებში იგი საერთოდ არაა ნახსენები, გვიანდელ ტექსტებში კი უფრო მეორეხარისხოვან როლს ასრულებს. ამ ფაქტის ახსნა შეიძლება ორგვარად: ან ისუ ისტორიული პიროვნება იყო (ამ შემთხვევაში კი იგი მოსეს ძმა ვერ იქნებოდა და არც მოსეს შეეძლო მისი დანიშვნა მღვდელმთავრად), ან ყველაფერი, რაც მის შესახებაა თქმული ბიბლიაში, შეთხზულია ამ ნაწარმოების ავტორთა მიერ.

ფოუელ დევისმა მახვილგონივრულად გადაჭრა ეს დილემა.

იგი ამტკიცებს — აპრონის მიერ ოქროს ხბოს კულტის დაწესება ნამდვილი ამბავიაო. ჩრდილოეთში მცხოვრები ძველი ებრაული ტომები საუკუნეების განმავლობაში ქადაგებდნენ ხარის კულტს. თავდაპირველად მას ნაყოფიერების ღმერთად მიიჩნევდნენ, მოგვიანებით კი, იუდეველთა გავლენის გავრცელების დროს, იაჰვეს სიმბოლოდ. განხეთქილების შედეგად იუდეველებთან კავშირის გაწყვეტის შემდეგ ისრაელის მეფემ იერობოამმა ამ კულტის მნიშვნელობა კვლავ განამტკიცა. მან ბეთელსა და დანში ხარის ქანდაკებები აღმართა. ღვეისი ფიქრობს, რომ აპრონი ოდესღაც ამ კულტის რჩეული ქურუმთმთავარი იყო და იქაური ქურუმების კასტა მას თავყანს სცემდა, როგორც თავის მამამთავარს.

ისმის კითხვა: ბიბლიის კომპილატორებმა თავის თქმულებაში აპრონი რატომღა მიიჩნიეს მოსეს ძმად და იაჰვეს ქურუმთმთავარად? ჩრდილოეთში გავრცელებული ხარის კულტის ქურუმს უპირატესად ხომ გაკიცხვა უნდა დაემსახურებინა მათგან. და მართლაც: აპრონი გამოყვანილია სუსტი ნებისყოფის კაცად, რომელიც მოსეს არ ყოფნის დროს ბრბოს ნებას დაემორჩილა და კერპთაყვანისმცემლობით დაიმცირა თავი. ამ დახასიათებაში უთუოდ შეიგრძნობა მტრული ტონი. წმინდა წიგნებში ამ დრამატული ინციდენტის შეტანის ფაქტიც კი ფრიად ბევრს გვეუბნება. იგი მოწმობს, რომ ისრაელიტელებს არ დაეიწყებიათ აპრონის წარმოშობა და მისი როლი ჩრდილოეთში გავრცელებული ხარის კულტის საქმეში. ბიბლიაში აღწერილი როკვა ოქროს ხბოს გარშემო უკანასკნელი მაგალითია იმისა, რომ ებრაელებს აპრონის წინაპრები და ხარის კულტა ახსოვდათ.

ბიბლიაში წარმოდგენილმა საოცარმა დეტალებმა ფოუნელ ღვეისს საფუძველი მისცა საინტერესო დასკვნების ჩამოყალიბებისათვის. იაჰვეს ქურუმები, ამბობს იგი, თავდაპირველად შეიძლებოდა ყოფილიყვნენ მხოლოდ ღვეის შთამომავალნი, რომლებიც მოქმედებდნენ არა მარტო იუდეველთა ტერიტორიაზე, არამედ ქანაანის ჩრდილოეთ ნაწილშიც. აქ ისინი ადგილობრივ ძველებრულ ტომებს მოსეს რელიგიის მისიონერებად ევლინებოდნენ, მაგრამ ღვეიტელებთან ერთად აქ მოქმედებდა ქურუმთა სხვა კასტა; მისი ქურუმები თავყანს სცემდნენ ხარის სახით ხორცშესხმულ იაჰვეს და თავის ძალაუფლებას ასაბუთებდნენ იმით, რომ მღვდელთმთავარ აპრონის შთამომავალნი იყვნენ. ასე ყალიბდებოდა ორი, ერთმანეთისაგან განკერძოებული, ერთმანეთის მიმართ მტრულად განწყობილი კორპორაცია ქურუმებისა. თითოეულს საკუთარი ტრადიციები ჰქონდა და საკუთარი წინაპრები გააჩნდა.

ისრაელის ჩრდილოეთ სახელმწიფოს დაცემის შემდეგ ქუ-

რუმებს მოინდომეს კულტის მონოპოლიზაცია იერუსალიმის ტაძარში. მათ ქანაანის ყველა საკულტო ცენტრი გაანადგურეს და ტაძრებიდან განდევნილ ქურუმებს იერუსალიმში მოღვაწეობის უფლება მისცეს. ცხადია, ქურუმები ბევრი იყვნენ. ამიტომ ამ პრივილეგიებით სარგებლობდა მთვანე ყველაზე გამოჩენილი და მდიდარი: რიგით ქურუმებს ტაძრის მსახურთა უმნიშვნელო როლი დააკისრეს. ამრიგად, ლევიტელთა უმრავლესობამ დაკარგა მღვდლის წოდება და სასულიერო იერარქიაში დაბალი საფეხური დაიკავა.

ამ ძირეულ გადაჯგუფებას თან სდევდა ბრძოლა. რამდენიმე საუკუნით აღრინდელი კონფლიქტების ამკარა გამოძახილი იგრძნობა ლევიტელების, მარიამისა და აპრონის, ამბოხებაზე. შექმნილ თქმულებაში: რიცხვთა წიგნში ვკითხულობთ: „ნუთუ მოსეს მარტოსა უბრძანებდა უფალი; ანუ ჩვენცა არა გვიტყობდა?“ (რიცხვთა, თ. 12, მ. 2.). ცხადია, მოსეს ხუთი წიგნის შემდგენლები ცდილობდნენ ეჩვენებინათ, რომ ქურუმთა ახალი გაერთიანება თვით იაჰვეს ნებით იყო შექმნილი. ამის ცხადსაყოფად ისინი იმოწმებდნენ სასწაულებს, რომელთაც: ეს ნება უნდა დაემტკიცებინათ. აპრონის არგანი აყვავდა და ნუში მოისხა; ლევიტელები მიწამ ჩაყლაპა, მარიამი კი მიძიმე, სენმა — კეთრმა შეიპყრო. მხოლოდ და მხოლოდ აპრონს ასცდა სასჯელი. იოლი გასაგებია, რატომ: ქურუმებისათვის ხელსაყრელი არ იყო, ხალხის თავღში აპრონის ავტორიტეტის შელახვა; იგი ხომ მათი მამამთავარი, უზენაესი ქურუმი იყო და მათ თავისი უფლებები და პრივილეგიები მისი წყალობით მოიპოვეს. იაჰვემ შეუნდო აპრონს შეცოდება, რადგან აღრევე მიანიჭა მას საპატრიო ადგილი თავის მიმდევართა შორის.

ქურუმთა ახალი კასტა საბოლოოდ ყალიბდებოდა სამხრეთელი ლევიტელების რჩეულ მოთავეთა და ჩრდილოელ აპრონიდთა შორის მიღწეული კომპრომისის შედეგად. საჭირო იყო პრივილეგიური პოზიციის გამართლება დაბალი რანგის მდებიო ქურუმთა უკმაყოფილო მასის წინაშე. ტრადიციული ლევიტური უფლებამოსილების დამოწმება არ შეიძლებოდა, რადგან ლევიტელთა უმრავლესობა ამ პრივილეგიას გამოეთხოვა. გარდა ამისა, ახლად შექმნილ კასტაში მიიღეს ქანაანის ჩრდილო რაიონების ქურუმთა არისტოკრატია, რომელსაც არაფრით არ შეეძლო დაემტკიცებინა თავისი თუნდაც შორეული ნათესაური კავშირი ლევიტელებთან.

ბიბლიის შემდგენლებმა ოსტატურად დააღწიეს თავი ამ სიძნელეს. მოსეს ხუთწიგნეულში მათ წამოაყენეს ვერსია, თითქოს აპრონი იყო ძმა მოსესი, რომელმაც იგი იაჰვეს მღვდელთმთავრად დანიშნა. აპრონი რომ ესოდენ დიდი ავტორიტეტით შემოსეს, ქურუმებმა ამით თავიანთი პრივილეგიები განამტკი-

ცეს, რადგან ამბობდნენ — აპრონის პირდაპირი მთამომავალნი ვართო. ამით ქურუმთა ახალი კასტა, რომელმაც ხალხის სარწმუნოებრივ ცხოვრებაში ყველაზე საპატიო ადგილები დაიკავა, ცდილობდა თავისი საგანგებო, განსაკუთრებული მდგომარეობის გამართლებას პირშიჩალაგამოვლებული ლევიტელების თვალში. ამის შედეგად ხარის კულტის უზენაესი ქურუმი უგვიპტიდან გამოსვლის ისტორიაში მოხვდა, თუმცადა მას მოსესთან საერთო არა ჰქონდა რა. იგი ცხოვრობდა სხვა ეპოქაში და ქანაანის სხვა მხარეს.

როგორც ვხედავთ, მოსეს ხუთი წიგნი საცხეა საიდუმლოებით: მოცული მოვლენებით. მოსეს სიკვდილიც კი ათასგვარ ეჭვს ბადებს. ბიბლია გვეუბნება, რომ მოსე გარდაიცვალა მთაზე, რომელიც მთაბის ზეგანზე მდებარეობს. თურმე არავინ იცის, სად ასაფლავია იგი; ხეულმდებელი და წინასწარმეტყველო უკვალოდ გამქრალა. არ ყოფილა და არც ახლა არის სადმე მისი აკლდამა, რომლის თავყანისცემა შესაძლებელი იქნებოდა მადლიერი ხალხისათვის.

ზოგიერთმა მეცნიერმა, რომელიც ამ გამოცანის პასუხს ეძებდა, ყურადღება მიაქცია იმ ფაქტს, რომ ძველ მითოლოგიაში ნაციონალური გმირები ხშირად იღუპებიან საიდუმლოებით მოცულ ვითარებაში. საკმარისია, დავასახელოთ ჰერაკლე, თეზევსი და კორინთის ვაჟი ბელეროფონტი; ელია და რომელიც ცეცხლის ეტლებმა აიტაცა ცაში, ოდიპოსი კი დაიღუპა შურისძიების უღმობელი ქაღალმერთების ეგვიპტელების წმინდა ტალაში.

ბიბლიური ვარიანტი ყველა მკვლევარს როდი მიაჩნია გმირის შესახებ მითის შექმნის ერთ-ერთ ტიპურ მაგალითად. მოსეს დაღუპვის ამბავში ისინი რეალური ტრაგიკული მოვლენების კვალს ეძებენ. მათ მიერ წამოყენებულ ჰიპოთეზათგან მოკლედ მოვიყვანოთ რამდენიმეს.

მოსეს ხუთწიგნულში ნართაულადაა მოხსენებული მოსეს მიერ ჩადენილი რადიციოზება. როგორც ჩანს, დანაშაული ფრიად სერიოზული უნდა ყოფილიყო, რაკი იპქემ მოსე ესოდენ დასაჯა — უფლება წართვა ქანაანში ისრაელიტელ ხალხთან ერთად შესვლისა. ბიბლიის რამდენიმე გადაკრული ფრაზა მიგვითითებს, რომ მოსემ დანაშაული ჩაიდინა კადემში. შესაძლოა შეცოდება ის იყო, რომ მისი დაუდევრობის გამო ისრაელიტელებმა უგულვებლად ყვეს თავიანთი მოვალეობა — არა სწირავდნენ იპქეს მსხვერპლს და წინადაცვეთაზეც უარს ამბობდნენ.

იოლი სავარაუდებელია, რომ დანაშაულისა და დასჯის გვიან მეთხზული ვერსია იუდეველმა მღვდლებმა ადრინდელად გაასაღეს, უნდოდათ მოსეს მაგალითზე ეჩვენებინათ, თუ რაო-

დენ დიდი სასჯელი მოელოდა მას, ვინც იაჰვეს კანონებსა და მითითებებს ყურად არ იღებდა. შესაძლოა ისიც, რომ ამ ვერსიის ავტორი იყო თვით ისრაელიტელი ხალხი და, რომ ეს ლეგენდა ასეული წლების მანძილზე გადაეცემოდა თაობიდან თაობას. იქნებ ამით ისრაელიტელებმა გამოხატეს თავიანთი განაწყენება, რაღაც ძველი პრეტენზია მოსეს მიმართ და ამასთან ერთად თავისი საქციელის გამართლებაც სცადეს. მაინც რა აწყენინა მათ ასეთი მოსემ? ბიბლიის მიხედვით თუ ვიმსჯელებთ, ისრაელიტელებს მოსესთან იდილიური დამოკიდებულება არ ჰქონიათ; დავასახელებთ თუნდაც იმ კონფლიქტებსა და სისხლიან ბრძოლებს, რომელმაც მრავალი ათასი ადამიანი შეიწირა. ამ საქმეში დამნაშავე იყო თვით მოსე, რომელიც უჩვეულო სიმკაცრითა და ფანატიზმით სჯიდა იაჰვესაგან განდგომის ყოველ შემთხვევას. ამ გარემოებას ღრმა კვალი უნდა დაეჩინა მრავალი მომდევნო თაობის სულზე. ბიბლიის ზოგიერთ მკვლევარს ასეთი ვარაუდიც კი გაუჩნდა: მოსე მოკლეს მოაბში, ისრაელიტელ კერპთაყვანისმცემელთა ამბოხის დროს და საერთო საფლავში დამარხეს.

ამ ჰიპოთეზის მომხრენი იმოწმებენ საბუთებს, რომლებიც მართლაც ყოველმხრივ უნდა ავწონ-დავწონოთ. ჯერ ერთი, ბიბლიის ტექსტში დაბეჯითებითაა ნათქვამი, რომ თავისი სიცოცხლის ბოლო ხანებშიც მოსე მხნედ გრძნობდა თავს. მართალია, იგი ძალიან მოხუცი იყო, მაგრამ, როგორც მეორე სჯულის წიგნში ვკითხულობთ: „არა მოაკლდა ხედვა თვალთა მისთა, და არცა წარვიდა სიცოცხლის ძალა მისგან“ (მეორე სჯ. თ. 34, მ. 7). აღსანიშნავია ისიც, რომ მოსეს სიკვდილის შესახებ ყველა დუმს, თითქოს პირი შეუკრავთო. კაცმა რომ თქვას, ეს ერთ-ერთია იმ იშვიათ შემთხვევათაგან, როცა ნაციონალური გმირის სიკვდილს მოკლედ აღწერენ. იქმნება შთაბეჭდილება, რომ პირველი, ვრცელი აღწერა ამოიღეს ტექსტიდან; თითქოს ბიბლიის რედაქტორებს უნდოდათ დაემალათ ის დეტალები, რომლებიც მოსეს გვიან შექმნილ სახეს აყენებდნენ ჩრდილს. ბიბლიის ზოგიერთი სპეციალისტის აზრით, მოსეს ასეთ ბედზე ზოგი რამ გადაკვრითაა გამოთქმული ოსესა და ამოს წინასწარმეტყველთა წიგნებში და ასმეექვსე ფსალმუნში.

თავის თანამედროვეთა თვალში მოსე ნამდვილი დესპოტიც იყო, მაგრამ შემდგომმა თაობებმა დიდი ყურადღება მიაქციეს მის დამსახურებას ებრაელი ხალხის წინაშე. თანდათანობით, მრავალი წლის განმავლობაში მისი სახის გარშემო იქმნებოდა მითებისა და სასწაულების შარავანდედი. ძნელი იყო ამ სახისა და ნაძალადევი სიკვდილის ერთმანეთთან შეთანხმება. მისი ხალხის დანაშაული და უმადურობა მეტისმეტად აშკარა გახდებოდა და შთამომავლობას ნამეტნავად მძიმე ტვირთად და-

აწვებოდა. ამიტომ გაჩნდა ვერსია მოსეს ბუნებრივი სიკვდილისა, ვითომც იაჰვემ ამნაირად დასაჯა იგი რაღაც შეცოდებისათვის. სხვაგვარად რომ ვთქვათ, ებრაელი ხალხის პრაღი არაა ის, რომ ღმერთმა მოსე აღთქმული ქვეყნის საზღვარზე მოკლა ბუნებრივი სიკვდილით.

რა თქმა უნდა, ეს რთული თეორია შეიძლება ვირწმუნოთ, მაგრამ ასევე შეგვიძლია უარეყოთ, რადგან მას საფუძვლად უდევს მეტისმეტად არამყარი დებულებები. ეს თეორია გამოდგება იმის საჩვენებლად, რომ ჩვენ არსებითად, ძალიან ცოტა რამ ვიცით მოსეს შესახებ. ასეა თუ ისე, ვფიქრობთ, ყველაზე სარწმუნო მაინც ის ფაქტია, რომ ნამდვილად არსებობდა კაცი, რომელსაც მოსე ერქვა და რომელმაც ეგვიპტის ტყვეობიდან გამოიყვანა ისრაელიტელები.

თაობიდან თაობაში გარდამავალ ლეგენდაში, ბელადი, რომელიც დიდი ხნის წინათ ცხოვრობდა, ნაციონალური დამოუკიდებლობისათვის ბრძოლის სიმბოლოდ იქცა. თანდათან უფრო და უფრო წაიშალა ისტორიული პიროვნების რეალური ნიშნები. კიდევ რომ ვირწმუნოთ ჰიპოთეზა მოსეს რეალურად არსებობისა, ის მაინც უნდა დაბეჯითებით ვთქვათ, რომ ძველი აღთქმის მოსე ნამდვილ მოსეს ალბათ სულაც არა ჰგავს.

მერიქონი – ბურჯი ქანაანისა. ისრაელიტელებმა აღასრულეს მოსეს უკანასკნელი სურვილი: მოსეს სიკვდილის შემდეგ მთელი ძალაუფლება მიანდეს ისუ ნავეს ძეს¹, კაცს, რომელსაც უდაბნოს ტომებთან ჭიდილსა და იორდანის იქითა მხარის დასაპყრობად განაღებულ ხანგრძლივ ომებში ჭკვიანი და მოხერხებული ბელადის სახელი ჰქონდა მოხვეჭილი. ეს კია, რომ ისრაელის ძეთა რჩეული უთუოდ უნდა ყოფილიყო სამხედრო ხელოვნების კარგად მცოდნე კაცი, რომელიც შეძლებდა მათი დიდი ხნის ოცნების განხორციელებას და ქანაანის დაპყრობას. ისუ ნავეს ძემ იცოდა, რომ ქანაანის მთავართა ქვის ბასტიონების შემუსვრა მოუწევდა, ისიც იცოდა, რომ უნდა პირისპირ შეხვედროდა საუცხოოდ გაწვრთნილ, საომარი ეტლების მფლობელ შეიარაღებულ რაზმებს. ამიტომ თავიდანვე გადაწყვიტა, ჯარში მკაცრი დისციპლინა დაემყარებინა. აქამდე ისრაელის ძენი, უდაბნოს სხვა ნომადებისა არ იყოს, არ იცავდნენ საბრძოლო მწყობრს და წარმოადგენდნენ ანარქიული გუნებაგანწყობის მქონე არაორგანიზებულ მასას. ამ ომში კი გამარჯვების შანსები შეიძლებოდა ჰქონოდა მხოლოდ რეგულარულ არმიას, რომელიც უსიტყვოდ დაემორჩილებოდა ერთი ბელადის ბრძანებებს. სახალხო ლაშქარს, რომელიც ტომების თორმეტი შეიხის წინამძღოლობით იბრძოდა, ახალ პირობებში არავითარი რეალური ძალა აღარ გააჩნდა.

მოსეს სიცოცხლეშივე მოპოვებულმა დიდმა ავტორიტეტმა ისუ ნავეს ძეს საშუალება მისცა სწრაფად მიეღწია თავისი მიზნისათვის. მან მალე შექმნა სამხედრო ხელოვნების წესების მიხედვით ორგანიზებული ორმოცათასიანი არმია. ვერავინ ბედავდა, გამოეთქვა უკმაყოფილება და მის ბრძანებას არ და-

¹ ისუ ნავეს ძეს ქართულ წყაროებში ისუ ნავესაც უწოდებენ (რედ.).

მორჩილებოდა. სიკვდილით დასჯა ელოდა ყველას, ვინც თუნ-
დაც ბეწვისოდენად ეურჩებოდა ისუ ნავეს. ისუ ნავემ შეძლო
ამ დიდი სამსედრო ძალის შართვა და მანევრირება. მან თავისი
ხალხი იორდანის აღმოსავლელ სანაპიროზე მიიყვანა და აბელ-
შიტიმში დაიბანაკა. მდინარის მოპირდაპირე მხრიდან, ქალმე-
ბის ვრცელ წარაფში იერიქონის კოშკები მოჩანდა.

ციხესიმაგრე ზვიადად გადმოჰყურებდა ალაფსა და საშო-
გარზე შეოცნებე ისრაელის ძეთა ბანაკს. აღმოსავლეთიდან მო-
მავალ დამპყრობთა არა ერთი და ორი ტალღა შესკდომია იერი-
ქონის კედლებს და განადგურებულს დაუხვეია უკან თავისი
შორეული ქვეყნისაკენ. საუკუნეთა განმავლობაში იერიქონი
შეუდრეკელ ბურჯად იდგა ქანაანის შესავალში.

ისუ ნავეს ძე ნაცადი ბელადი იყო, ბრმად და წინდაუხედა-
ვად არ გაუშვია თავისი რაზმები ციხესიმაგრეზე იერიშის ში-
სატანად. ჯერ მოინდომა, გარნიზონის ძალა და თავდაცვით
ნაგებობათა ამბავი შეეტყო. მან ქანაანური ტანსაცმლით შემო-
სა ორი მებრძოლი და დასაზვერად გაგზავნა. მზვერავებმა და-
შის წყვლიადში გადაცურეს მდინარე იორდანე. დილით, ჭიმ-
კრის გაღებისას, ქალაქში შეიპარნენ და ხალხს — ვაჭრებს, მო-
ხელეებსა და გლეხებს შეერივნენ. მთელი დღე მიძოლიოდნენ
ქალაქში და მათთვის ხელი არავის შეუშლია. მაგრამ ქალაქი-
დან გასვლა კი დააკვირნათ — ღამით ჭიმკარი უკვე ჩარაზული
დაუხვდათ. გადაწყვიტეს, ღამე გაეთიათ ქალაქის გალავანზე
მიშენებულ სასლში, რომ უცაბედად არავინ წამოსდგომოდათ
თავზე. დიხსასლისი, მეძავი რააბი, ჭკვიანი ქალი გამოდგა. ხე-
ლად მიხვდა, რომ სტუმრები უცხო ტომისანი იყვნენ, ისიც
იაზრა, თუ ვინ იყვნენ უცხოელები. მიუხედავად ამისა, მაინც
მოყვრულად დაუსვდა: რააბი ხედავდა ღამლამობით იორდანის
გალმა დანთებულ მრავალ კოცონს და ამიტომაც მოინდომა,
მომავალი დამპყრობლების ნღობა დაეხეებინა, მაგრამ მაინც
გამოჩნდა კაცი, რომელმაც უცნობები ნახა და ეჭვი აიღო. იერი-
ქონის ამ ფხიზელმა მოქალაქემ ყველაფერი აცნობა მეფეს. მან
ქალაქის შესასვლელში დაუყოვნებლივ გაგზავნა მცველები და
უბრძანა, დაეკავებინათ საეჭვო უცნობები. მცველებს დაეაღე-
ბული ჰქონდათ, რააბისთვის მიემართათ ასეთი სიტყვებით:
„გამოიყვანენ კაცნი, რომელნი მოვიდეს შენ თანა, რამეთუ მო-
სრულ არიან მოხილვად ქვეყანისა“.

რააბმა სარკმლიდან დაინახა მოახლოებული მცველები,
სწრაფად აიყვანა მგზავრები სახლის ბანზე და მზეზე გახანმო-
ბად გაფნილ სელში ჩამალა. მცველებმა მთელი სახლი განზრი-
კეს, მაგრამ სელის კონებისათვის ხელი არ უხლიათ. სელს იე-
რიქონის ყველა მოქალაქე ახმობდა სახლის სახურავზე. ეს
იმდენად ჩვეულებრივი სურათი იყო, რომ ეჭვს არავის აღუძ-

რავდა. რააბს ვველაფერი ჩაციებით გამოჰკითხეს, ის კი თავს ასე იმართლებდა: „ვთქვა მე მართალი: მოვიდეს ჩემდა ორნი, და მე არა ვიცი, თუ ვინ იყვნეს იგინი. და მწუხრი, ოღეს დახშან ბჭენი, განვიდეს და მე არა ვუწვი, სადა წარვიდეს. დევნა უყავთ მათ და ეწიით“. ასე მოატყუა ცბიერმა რააბმა მოუსახრებელი მცველები. ისინი გამალებით დაედევენ უცხოელებს, და იორდანემდე მივიდნენ. მერე კი პირში ჩალაგამოვლებულები გამობრუნდნენ უკან. მათ დაიჯერეს, რომ ჯამუშებმა უკვე მოასწრეს მდინარეზე გადასვლა და თავიანთ ბანაკს შეუერთდნენ.

ამასობაში რააბიც არ მჯდარა გულხელდაკრეფილი. იგი სახლის სახურავზე ავიდა და მსტორებს დახმარება აღუთქვა, ოღონდ დააფიცა, რომ ქალაქის აღების შემთხვევაში ისრაელის ძენი მას, მის დედ-მამას, ძმებსა და დებს სიცოცხლეს შეუნარჩუნებდნენ. მწვერაგებმა სიამოვნებით დადეს ფიცი. ისინი გულწრფელად უმადლოდნენ რააბს გადარჩენას, ურჩიეს — ფანჯარაში, ქუჩის მხრიდან მეწამული ფერის საბელი გადმოკიდე და ომის დროს შენს ოჯახს დავინდობთო. შემდეგ თოკით დაეშენე ქალაქის კედელზე, ახლოს მდებარე მთებს შეაფარეს თავი და მიიმალნენ, რომ მცველებისათვის გზა-კვალი აებნიათ.

სამი დღის შემდეგ მწვერაგებმა მშვიდობიანად გადაცურეს იორდანე და ისუ ნავეს აცნობეს ყველაფერი, ნანახი და გაგონილი. ბანაკში ბრძანება გაიცა: ყველას უნდა მოემზადებინა სამი დღის საგზალი. ღამით ჯარი და მთელი ხალხი მდინარის ნაპირს მიადგა და გადასვლა დააპირეს. ეს იოლი საქმე არ გახლდათ. გაზაფხული დადგა. ერმონის მთებში კოკისპირული წვიმების შემდეგ მდინარე საშინლად აღიღდა, იორდანეს ამ აღვილზე ფონით გახვლა არ შეიძლებოდა. ელდანაცემი ისრაელის ძენი შიშით შესცქეროდნენ ამღვრეულ, აბობოქრებულ მორევს, დახრჩობას რომ უქადა და მპყრობლებს. მაინცდამაინც არც ქალაქის გალავანზე მოფუსფუსე იერიქონელები მოსდიოდათ თვალში. ქალაქის მკვიდრთ სწამდათ, რომ მდინარის ტალღები საიმედოდ იცავდა იერიქონს, ამიტომაც დაუპატიებელ სტუმრებს მუქარითა და ლანძვლა-გინებით დაუხვდნენ.

ისუ ნავე მდინარეზე გადასვლის იმედს არ კარგავდა, რადგან ღამით იაჰვეს ხმა შემოესმა. იაჰვემ კვლავ აუწყა მას ქანახელებზე ისრაელიტელთა გამარჯვების გარდაუვალობა. დანიშნულ დროს ვერცხლის ბუკებმა ხმა გამოცეს და ბელადის ბრძანებით მდინარეში პირველნი ღვეტიტელები შევიდნენ. მათ მხრებზე შჯულის კიდობანი შემოედგათ. ძლივძლივობით მიაპობდნენ აბობოქრებულ ტალღებს, წყალი მხრებამდე სწვდებოდათ, მაგრამ მაინც შეუპოვრად მიიწევდნენ წინ.

შუა წყალში რომ შევიდნენ, მოხდა ისეთივე ხასწაული, რო-

გორიც მეწამულ ზღვაზე გადასვლისას. რამდენიმე მილის დაშორებით, მდინარის ზედა წელში, ქალაქ ადამის მახლობლად, იორდანე უცებ შეჩერდა ქვიან ნაპირებს შუა და მალალ ზღუდედ აღიმართა. კალაპოტში დარჩენილი წყალი სწრაფად გაქანდა მკვდარი ზღვისკენ. ისრაელიტელები ფეხდაუხეველებლად გადავიდნენ მდინარეზე და ორმოცი წლის ხეტიალის შემდეგ აღთქმულ მიწას დაადგეს ფეხი. გადასვლა რომ დამთავრდა, იორდანე კვლავ კალაპოტს დაუბრუნდა.

პირველად გაღგალში შეჩერდნენ. ისრაელიტელთა ბანაკში უჩვეულო სიხარული სუფევდა. მთელ დღეს უგალობდნენ ჰიმნებს იაკვებს. ქალები და ბავშვები მადლობის ნიშნად მხიარულად ცეკვავდნენ ნესტვთა და ებანთა ხმაზე. ისუ ნავემ შეკრიბა თორმეტი კაცი, ყოველი ტომიდან თითო, უბრძანა მდინარის ფსკერიდან თორმეტი ქვა ამოეღოთ და, უდიდესი ხასწაულის სსოვნის ნიშნად, ამ ქვებით წრე შემოეველოთ. გაღგალში ისრაელიტელებმა მეორმოცეჯერ იდღესასწაულეს აღდგომა. ამიერიდან მათ მანანა ადარ დასჭირდებოდათ. იერიქონის დამუშავებული მინდვანები ისრაელიტელებს უსრუნველყოფდა მარცვლეულით, რომლისგანაც ისინი სმიადებს აცხობდნენ. იერიქონის მცხოვრებლები ლაჩრულად ჩაიკეტნენ ციხესიმაგრეთა კედლებში და მრისხანე უცხოელთა შეურაცხყოფას ვეღარ ბედავდნენ.

ისრაელიტელებმა გაღგალში აღადგინეს დიდი ხნის უარყოფილი წინადაცვეთის წესი. ერთ ღროს ეკვიპტიდან წამოსული მოხუცები დაიხოცნენ. ახალგაზრდა თაობამ კი წინაპართა რწმენას ზურგი შეაქცია და ქანაანელ ღმერთებს სცა თაყვანი. ასლა ისუ ნავეს ბრძანებით, ყველა ჭაბუკმა და ყრმამ დაიცვათა. ამრიგად, იაკვესთან დადებული აღთქმა ისევ განაახლეს.

რამდენიმე დღის შემდეგ მეომრებს ჭრილობები მოუშუშდათ და ისუ ნავემ იერიქონს ალყა შემოარტყა. მან უჩვეულო ხერხი იხმარა: ისრაელის ძენი ექვსი დღის განმავლობაში გამოლიოდნენ ბანაკიდან და დღეში ერთხელ საზეიმო პროცესიას მართავდნენ ციხესიმაგრის გაღავნის გარშემო. პროცესიას ღროს ციხესიმაგრიდან დაშორებულნი იყვნენ ისეთი მანძილით, რომ მტრის ნასროლი ისარი და ქვა მათ ვერ სწვდებოდა. ალყაშემორტყმულნი გაღავანსე აღიოდნენ, გოცებულნი და შიშმორეულნი გადმოჰყურებდნენ პროცესიას. ეჭვობდნენ, რომ მახრალაც საზარელი გრძნეული ძალა უნდა ჰქონოდა. იერიქონის მთელი არსებობის მანძილზე არცერთ მომხდურს არ ჩაუდგინია ასეთი უცნაური რამ. ამ მოქმედებაში იყო რალაც შემამფოთებელი, რაც ალყაშემორტყმულთ სულს უფორიაქებდა.

პროცესიას წინ მიუძღოდა შიგარადებულ მებრძოლთა მწყობრი კოლონები. მათ კვალდაკვალ მისდევდნენ წვერიანი,

გრძელტანსაცმლიანი მამაკაცები და თავგამეტებით ახმიანებდნენ ბუკებს. შემდეგ მიდიოდა მამაკაცთა ჯგუფი, რომელსაც ოქროს ლატნებით ოქროს კილობანი მიჰქონდა. კილობანში ეწყო ფრთიანი ქერუბიმების ოქროს გამოსახულებები. პროცესიას ბოლოში მიჰყვებოდნენ საზეიმო სამოსლით მოსილი ქალები, ბავშვები და მოხუცები. ყველა მონუსხულივით ღუმდა, ისმობდა მხოლოდ ბუკების ძლიერი, ამაზრზენი ხმა.

მეშვიდე დღეს ისუ ნავემ გადამწყვეტი შეტევა დაიწყო. განთიადისას მან კვლავ გამოიყვანა ხალხი ბანაკიდან, მაგრამ ამჯერად წრიულ პროცესიას აღარ დახჯერებია. ისრაელიტელებმა, როგორც წინა დღეებში, ექვსჯერ მღუმარედ შემოუარეს გალავანს; მაგრამ მეშვიდე შემოვლისას ნიშანზე მღვდლებმა დაჰბერეს ნესტესა და ერმა დაღადყო ისე ძლიერად, რომ ზღუდე ქალაქისა საძირკვლამდე შეირვა და დაირღვა. ისრაელის ძეთა შემომრები ხსუადასხვა მხრიდან შეიჭრნენ ქალაქში და თავიანთ ხაშინელ საქმეს შეუდგნენ. რააბისა და მისი ოჯახის გარდა ყველა ამოხოცეს. არ დაინდეს არც ქალები, არც ბავშვები და არც პირუტყვი. ბოლოს გადაწვეს სახლები, ხალხის შესაკრები ყველა შენობა და ციხესიმაგრე ფერფლად აქციეს. ცეცხლს გადაურჩა მხოლოდ ოქრო, ვერცხლი, სპილენძი და რკინა, რადგან ძეირფასი ლითონები წინასწარვე იყო ნავარაუდები უფლის სახლისა და იაჰვეს მღვდელმსახურთათვის.

დრამატული მოვლენები აის ციხესიმაგრის

კედლებთან. იერუსალიმის ჩრდილოეთით, პატარა ქალაქ ბეთულის მახლობლად, მთავორიან ადგილზე მდებარეობდა გამაგრებული ქალაქი აი, რომელსაც გარშემო გალავანი ერტყა. ისუმ გადაწყვიტა, ამჯერადაც მზვერავები გაეგზავნა წინ. „აღვედით და მოიხილეთ ქვეყანა იგი!“ — ბრძანა მან. მზვერავები დაბრუნდნენ და ისუს ამცნეს — აი ჩვენს გასავლელ გზაზეა, მისი ადგმა პირდაპირ იერიშით შეიძლებაო. აის ისეთი ძლიერი ციხესიმაგრეები არ გააჩნდა, როგორიც იერიქონს, ამიტომ იფიქრეს, რომ მის დასაპყრობად სამი ათასი მებრძოლი იკმარებდა, მაგრამ აის დამცველები, იერიქონის მცხოვრებლებთან შედარებით, გაცილებით უფრო მამაცურად იქცეოდნენ. ქალაქის კარიბჭესთან გამართულ ბრძოლაში ისრაელელებმა გამანადგურებელი დამარცხება იგემეს და ზარდაცემულებმა დაიხიეს უკან. მოწინააღმდეგეებმა მათ ქალაქ შებარიშამდე მისდიეს. ისრაელის ძეთა ბანაკში სევდამ და გულგატეხილობამ დაიხადგურა. ისუ ნავემ გაითვალისწინა მარცხის მრისხანე შედეგები. აის დამცველებმა ქანაანის სხვა ქალაქებს დაუმტკიცეს, რომ შეიძლება თავს დაცემული მტრის შემუსვრა მაშინაც კი, როცა მას

უძლევების სახელი აქვს, ოღონდ გულისადა და გაბეღულად უნდა დახედო.

მდგომარეობა რომ აწონ-დაწონა, ისუ ძე ნავესი იხეთმა სასოწარკვეთილებამ შეიპყრო, რომ ტანსაცმელი ზედ შემოიხია. იგი მთელი დამე ლოცულობდა და იხანებდა შჯულის კილოზნის წინაშე. იაჰვეს შეევედრა — ამიხსენი, რატომ განძიდევ, დახმარების ხელი რატომ არ გამომიწოდო და საშინელი რამ შეიტყო: რომელიდაც ისრაელიტელს წმიდათაწმიდა სამხედრო ფიცო უგულვებლევო და ტაძრისხოვის განკუთვნილი ნადავლის ნაწილი მიეთვისებინა ამ დანაშაულმა ღმერთი განარისხა. მხოლოდ დამნაშავის სიკვდილით დასჯა მოულობდა გულს მას. მეორე დღეს ისუ მთელი ერი შეყარა დამნაშავის აღმოსაჩენად. ყველა ტომს, გვარსა და ოჯახს უნდა მიეღო წილის გდებაში მონაწილეობა. წილი ყარეს და დანიშნული კენჭი იუღვევლთა ტომის წევრს აქანს შეხვდა. იგი შეძრწუნდა და მაძინვე გამოტყდა: „ჭეშმარიტად შეეცოდე მე წინაშე უფლისა ღმერთისა ისრაელისა“. მას თავისი კარვის ქვეშ ჩაემარხა ძვირფასი ტანსაცმელი, ორასი შეკედი ვერცხლი და ოქროს ზოდი. აქანის ნაჩვენებ ადგილზე მართლაც იპოვეს მის მიერ მითვისებულნი ნადავლები. დამნაშავე ქვებით ჩაქოლეს აქორის სეობაში და მისი ქონება კოცონზე დაწვეს. დასჯის ადგილზე ქვების გროვა აღმართეს. ეს ძეგლი სამარადისო გაფრთხილება იყო ყველასათვის, ვინც კი ოდესმე გაბედავდა. წმინდა სამხედრო ფიცის, თვით იაჰვესაგან დადგენილი კანონის დარღვევას.

მწარე გამოცდილებამ ისუ ნავეს ქალაქ აის დასაპყრობად უფრო წინდახედულად დააწყებინა სამზადისი. ახლა ხერხითა და უშმაკობით დააპირა ისუ ქალაქის აღება. დამით ახლომახლო, მთაგორიან ადგილებში ოცდაათი ათასი მეომარი დამალა. თვითონ განთიადისას დანარჩენ რაზმებს გაუძღვა და ქალაქის გალავნისაკენ დაიძრა, ვითომ პირდაპირ იერიშზე მიდიოდა. ახლახან მოპოვებული გამარჯვებით გამხნეებულმა აის მეფემ კარის გაღება ბრძანა. მან მთელი შეიარაღებული ძალები გამოიყვანა მტერთან საბოლოო და გადამწყვეტი ბრძოლის გასაჩაღებლად. მცირედი შებრძოლების შემდეგ ისუ თავის ძალებს ანიშნა უკან დაიხაიეთო. აის დამცველები დაედევნენ ვითომდა დამარცხებულ მტრებს, რომლებმაც ისინი შორს გაიტყუეს. უკან რომ მოიხედეს, ელდა ეცათ, მათი ქალაქი ხანძარში იყო გახვეული. საფარში შემალულმა მტრებმა ელვის უსწრაფესად დაიპყრეს და ააოხრეს დაუცველი ციხესიმაგრე. მეფემ ჯარს უბრძანა, დაუყოვნებლივ დაესია უკან და ქალაქს მიშველებოდა. მაშინ ისუ მზურგიდან შეუტია, აის დამპყრობმა ოცდაათიათასიანმა არმიამ კი მეფეს წინიდან უყელა. აის დამცველები მარწუსზე მოექცნენ. ისუ ნავეს ლაშქარმა ისინი ერთიანად ამოჟლიტა.

მეფე ცოცხლად შეიპყრეს. სამხედრო ფიცის თანახმად, ისუმ ბრძანა, დედანულიანად ამოეხოცათ აის თორმეტი ათასი მაცხოვრებელი. არ დაენდოთ არც ქალები და არც ბავშვები. მდიდარი ალაფი, პირუტყვისა და ძვირფასი განძეულობის ჩათვლით, ამჯერად შემომრებმა გაინაწილეს. მეფე ქალაქის კარიბჭესთან ჩამოახრჩვეს. მისი გეჰამი ჩამოხსნეს მხოლოდ შხის ჩასვლისას, დამარხეს შუა მინდორში და ზევიდან ქვეები დააყარეს. აის გმირი მთავრის ყორღანი დიდი ხნის განმავლობაში ითვლებოდა ღირსშესანიშნაობად ქანაანის იქითა მხარეს დასახლებულ ისრაელის ძეთათვის.

გამარჯვების შემდეგ ისუ ნავემ ქვაზე ჩამოწერა მოსეს მცნებანი, და გებალის მთაზე წაუკითხა ისინი ხალხს. ისუმ მოითხოვა, რომ ყველანი იაპქეს ერთგულნი ყოფილიყვნენ და არა-სოდეს ეღალატათ მისთვის.

გაბაონელთა მზაკპრობა. იერიქონიდან თხუთმეტი-ოდე მილის დაშორებით, მის სამხრეთ-დასავლეთით მდებარეობდა ქალაქი გაბაონი. ამ ქალაქის მკვიდრნი გულადობასა და ვაჟკაცობაზე დიდად არ სდებდნენ თავს. ამიტომ, ისრაელის ძეთა გამარჯვება რომ გაიგეს, გაბაონელებმა გადაწყვიტეს — რაღაც უნდა დაგვიჯდეს, მათთან შეტაკება თავიდან უნდა ავიცილოთო. გაბაონი ისრაელის ძლევაშემოსილ მოღმას გზად უნდა გაველო. ქალაქის აღებისას მდიდარ ალაფს იგდებდნენ ხელთ. ამიტომაც იყო, რომ გაბაონის მკვიდრნი შიშობდნენ — მრისხანე დამპყრობლები ჩვენთან მოლაპარაკებას არ ისურვებენო. რა გზით უნდა დაეყოლიებინათ თავდამსხმელები, რომ ზავი შეეკრათ? მართალია, გაბაონელები შემომრებად არ ვარგოდნენ, მაგრამ, სამაგიეროდ, მოხერხებულობა და დიპლომატიური ხრიკიანობა არ აკლდათ. მათ სწორად ივარაუდეს, რომ ისრაელელებს მაინცდამაინც არ ეცოდინებოდათ მათი ქვეყნის გეოგრაფია და ასეთი ხერხი იხმარეს; ქალაქის წარმომადგენლები ეახლნენ ისუ ნავეს (იგი იერიქონსა და აიში გამარჯვების შემდეგ გალგალში მყოფ ისრაელის ძეთა ბანაკს დაუბრუნდა) და მეგობრული ხელშეკრულების დადება შესთავაზეს. „მოსრულ ვართ შორით. დადევ აღთქმა ჩვენ თანა“, — თქვეს მათ. ისინი ისუს არწმუნებდნენ — ჩვენი ქალაქი გალგალიდან ძალიან შორსაა და კავშირის შეკერა ორივე მხარისთვის ხელსაყრელი იქნებაო. ელჩები მოქარგული ენით ცდილობდნენ ისუ ნავეს გულის მოგებას: თქვენმა დიდებამ ჩვენს შორეულ ქალაქამდეც მოაღწია და ასეთ განთქმულ ბელადთან კავშირის დამყარება დიდ პატივად მიგვაჩნიაო. ისუ ნავემ ელჩებს ახედ-დახედა და დაიჯერა, რომ ნამდვილად შორიდან იყვნენ მოსულნი — დამაშვრალ ელჩებს მკედრის ფერი

ელთ სახეზე; მათი ფეხსაცმელი, სამოსელი და ტყაეისაგან დამზადებული ღვინის ტიკები დაკონკილი და დაკრებული იყო ჩანთებით წამოღებულ პურს მწვანედ გადაპკროდა ობი. ისუ ნავემაც მოისურვა გაბაონის მეფესთან კავშირის შეკერა. მას უფრო იმიტომ დაუჯდა ჭკუაში გაბაონელებთან კავშირი, რომ იფიქრა, ამით დანარჩენი ქანაანელი მეფეების ერთიანობას შევასუსტებო. (ხმა დადიოდა, რომ ისინი გაერთიანებულნი იყვნენ საიერიშო-თავდაცვით კოალიციაში). კავშირის ხელშეკრულება დადეს. ისუ ნავემ საზეიმო ფიცით დაამოწმა და განამტკიცა იგი.

სამწუხაროდ, მან მალე შეიტყო ელჩების თაღლითობა. გაბაონი ძალიან ახლოს იყო იერიქონსა და აისთან. ნაღავლს მოწყურებული მებრძოლები დაჟინებით მოითხოვდნენ — ნება მოგვეცით, ქალაქის მზაკვარი და ცბიერი მოსახლეობა სანიმუშოდ დაესაჯოთო. ისუ ნავემ ფიცი არ გატეხა და თანამემამულენ უარით გაისტუმრა. გაბაონელები სიკვდილს გადაურჩნენ, მაგრამ სამუდამო მონობის უღელი კი დაიდგეს. ამიერიდან, საუკუნეთა განმავლობაში ისინი ასრულებდნენ ყველაზე შეურაცხ მოვალეობას — ისრაელიტელ ბატონებს შემას უჩეხდნენ დ წყალს უზიდავდნენ.

სუთი მეფის კოალიცია. იერუსალიმის მეფეს აღონი სედეკს გაბაონელთა ლაჩრობის ამბავი მიუვიდა. შეეშინდა. ვაითუ მათ ქანაანის სხვა ქალაქებმაც დაუჭიროთ მხარი და დააწყვიტა ჭკუა ესწავლებინა მსდალი გაბაონელებისათვის. ამ მიზნით, მან კავშირი შეკრა ქებრონის, ლაქიშის, ეგლონის, იარმუთის მეფეებთან და ერთიანი შეიარაღებული ძალით მიადგა ქალაქს, რომელმაც დამპყრობლებთან მამაცურ ბრძოლას შეურაცხყოფილი და დამცირებული სიცოცხლე არჩია. გაბაონის მცხოვრებლებმა მოასწრეს და მოხალღნელი საფრთხე ისუ ნავეს აცნობეს. ისრაელის ძეთა ჯარი დაუყოვნებლივ გამოვიდა გაღვალადან, მთელი დამე სწრაფად იარა და მოულოდნელად გაჩნდა გაბაონის მასლობლად. გაჩაღდა საშინელი ბრძოლა კოალიცია დამარცხდა. ერთიანად განადგურებული ქანაანელები თავსარღაცემულები გაიქცნენ და ბრძოლის ველზე უამრავი გვამი მიატოვეს. ამ უბედურებასთან ერთად მათ თავს დაატყდართ სამხრელი სეტყვა. მსოლიოდ დამის სიბრუნემ იხსნა ქანაანელები ისრული განადგურებისაგან. მაშინ ისუ ნავემ დაღადყო და წმინდა წიგნის სიტყვები წარმოთქვა: „დადგე, მსუო, გაბაონს ზელა და მოაჩრე, აიადონის სევსა ზელა!“ მწე და მთვარე მართლაც შეჩერდნენ დამე; ხანამ ისრაელიტელები საბოლოოდ არ გაუსწორდნენ მტრებს და მათი ქალაქები არ დაიკავეს, მნათო-

ბებს ადგილი არ შეუცვლიათ. ხუთივე გაქცეულმა მეფემ აღი-
ქოთში დრო იხელთა და ქალაქ მაკედის ახლოს მდებარე
გამოქვაბულს შეაფარა თავი. ისუ ნავეს ბრძანებით გამოქვაბუ-
ლის შესასვლელი ქვევით ჩახერგეს. ბრძოლის შემდეგ ტყვეები
ისრაელის ძეთა ბელადს წარუდგინეს. ისუ ნავემ ტომთა უფრო-
სებს უბრძანა, გამარჯვების ნიშნად მეფეთათვის „ქელსა ზელა
დაეღვათ ფეხნი“. მერე კი, სამხედრო წესის მიხედვით, ტყვე მე-
ფეები ჩამოასრჩვეს. დღე რომ გავიდა, შშის ჩასვლის შემდეგ
ხმოხსნეს და გვაშები შეყარეს იმ გამოქვაბულში, სადაც მე-
ფეები დაიძალნენ დამარცხების შემდეგ. ღოდებით ჩახერგილი
საერთო საფლავი დიდხანს აგონებდა თაობებს ისრაელის ძეთა
ტრიუმფალურ გამარჯვებას ხუთი მეფის კოალიციაზე.

ისუმ ხელთ იგდო მრავალი ქალაქი: მაკედი, ლიბნა, ლაქი-
ში, ეგლონი, ქებრონი, დებირი და გასწია წინ სამხრეთისაკენ
ელვისებური სისწრაფით დაიპყრო მთელი ტერიტორია კადე-
შიდან ღაზამდე. შემდეგ ბანაკს დაუბრუნდა გალგალში, გადა-
წყვიტა ნაჯაფი მებრძოლები დაესვენებინა და შემდგომი ბრძო-
ლებისათვის მოემზადებინა.

ბრძოლა ჩრდილოეთ ქანაანის მეფეებთან. ჩრდი-
ლოეთ ქანაანის პატარა სახელმწიფოების მეფეებს სულაც არ
ადარდებდა ისრაელის ძეთა წინსვლა. როცა ისრაელმა მოდგამ
დაიპყრო სამხრეთ და ცენტრალური ქანაანის რამდენიმე გამოჯ-
რებული ქალაქი, მაშინდა მოეგენ კონს და მიხვდნენ, თუ რა
დღე ელოდათ. მაშინ იაბინმა, ასორის მეფემ, ხელახლა შექმნა
ახალი კოალიცია. მას მიემხრო თითქმის ყველა მეფე, რომელ-
საც სამფლობელო ჰქონდა ზღვის სანაპიროზე, ქარმელის მთამ-
დე. იაბინს შეუერთდნენ ისინიც, ვისი სამთავროებიც ჩრდილოე-
თით არნონის მთამდე აღწევდა. მოკავშირეთა არმიამ დაიბანა-
ვა მერომის წყლებთან (ელ-ჰულეჰის ტბასთან). მისი მთავარი
ძალა საბრძოლო ეტლები იყო. ოდესღაც ისრაელის ძეთა ლაშ-
ქარს უჭირდა მათთან ბრძოლა, საომარი ეტლები შიშის ზარს
სცემდნენ ყველას. ახლა კი ისუ ნავემ თავისი სამხედრო გა-
მოცდილება გამოიყენა და საომარ ეტლებთან ბრძოლაც
მოახერხა. თავის რჩეულ ჯარს მან იაჰვეს ნაკარნახევი განუ-
მორა: „...ჰქნეთა მათთა დაჰკვეთეთ ძარღვი და ეტლები მათი
დაწვით ცეცხლითა.“ იხუს ლაშქარი სწრაფად დაიძრა მერომის
წყლებისაკენ და მოულოდნელად დაესხა თავს აქ დაბანაკებულ
ქანაანელებს. გააფთრებულ ბრძოლაში ისუ ნავემ მთლად გა-
ანადგურა მტერი, მერე უკან დაედევნა გაქცეულთ და თითქმის
მთლიანად ამოყლიტა ქანაანელები. ბრძოლის უფლი დანახში-
რებულმა ეტლებმა, ადამიანთა და ცხენთა გვაშებმა დაფარა.

ისუ ნავე ქალაქს ქალაქზე იპყრობდა იერიშით, ერთიანად ანგრევდა. მათ და მცხოვრებლებს უღუქდა. აურაცხელ ალაფს — ძვირფას განსეულობას და საქონელს იგი სამართლიანად უყოფდა ისრაელის ძეთა ტომებს.

როზორ მართავდა ისუ ქანაანს, ქანაანის დაპყრობა შვიდ წელს გაგრძელდა. სისხლიან ბრძოლებში დაიდუმა ქანაანის ოცდათერთმეტი მეფე და მათთან ერთად აუარებელი ხალხი. იერუსალიმისა და კიდევ რამდენიმე ზღვის პირად და მთებში მდებარე გამაგრებული ქალაქის გარდა მთელი ქვეყანა, სამსრეთ კიდიდან ლიბანის დაბლობში მდებარე ბაალ-გადამდე ისრაელის ძეთა საბრძანებლად იქცა. ისუ, აქ ნავესი შეუღლა ქანაანის განაწილებას ისრაელის მოდგმის ტომთა შორის. სულ ცამეტი ტომი იყო, რადგან იოსების ჩამომავლობა ორ ჯგუფად გაიყო. ამ ორ ჯგუფს დასაბამი დაუდეს მისმა ვაჟებმა — ეფრემმა და მანასემ. რუბენისა და გადის შთამომავლობასა და მანასეს ტომის ნახევარს წილად ზვდათ იორდანის იქით მდებარე მიწები, ლევიტელებს ცალკე ტერიტორიის ფლობის ნება არ ჰქონდათ. ამიტომ ქანაანის განაწილებაში მონაწილე მხოლოდ ცხრა ტომი და მანასეს ტომის მქორე ნახევარი იყო.

ამრიგად, ქანაანი ათ ნაწილად გაიყო. სამხრეთით დასახლდნენ სიმონის, იუდასა და ბენიამენის შთამომავალნი. დაპყრობილი ქვეყნის დანარჩენი ტერიტორია, სამხრეთიდან ჩრდილოეთით, დაიკავეს ეფრემის, მანასეს, ისაქარის, ზაბულონის, ნეფთალემისა და ასერის ტომებმა. დანის პატარა ტომმა დაიკავა ვიწრო სეობა ზღვასა და მთებს შუა — ბენიამენისა და იუდას შთამომავალთა სამკვიდრო ადგილის-ჩრდილოეთით. დანის ტომის მეზობლად ცხოვრობდნენ ფილისტიელები. ფილისტიელებთან მეზობლობა კარგს არას უქაღდა ებრაელებს, რომელთაც, ჯერ არ ჰქონიათ ამ მრისხანე მეომრებთან შეტაკება.

ეფრემის კუთვნილ ტერიტორიაზე მდებარეობდა ქალაქი სელომი. აქ მიუჩინეს ადგილი საწამებლის კარავს და შჯულის კილობანს. ამრიგად, სელომი გახდა ისრაელის ძეთა პირველი დედაქალაქი, რომელსაც დაქსაქსული ტომები ერთ ერად უნდა გაეერთიანებინა.

ლევიტელებს სამფლობელოდ მიაკუთვნეს ორმოცდარვა ქალაქი, სადაც ისინი, მოსეს მცნების თანახმად, მღვდლობას ეწეოდნენ. ლევიტელების სარჩო იყო საქონელი, რომელსაც ისინი აშენებდნენ და ადგილობრივი მოსახლეობისაგან აკრეფილი ათეული შემოსავლისა.

სისხლის აღების ადათი რომ მოესპოთ, უცაბედად კაცის

მკვლელთ ნება დართეს თავი შეეფარებინათ იორდანის გაღმა მდებარე ექვს ქალაქსა და თვით ქანაანშიც.

ისუ ძე ნავესი ეფრემის მთის მწვერვალზე, პატარა ქალაქ თიმნათსერაში დასახლდა.

რუბენის, გადისა და მანასეს ტომებმა, რაკი მოსეს პირობა შეუსრულეს, ახლა მოისურვეს დაბრუნებოდნენ იორდანის გაღმა მდებარე მიწას, რომელიც მათ ერგოთ. ისუ ნავემ დალოცა ისინი, გზა მშვიდობისა უსურვა და მოსთხოვა, არ უგულუბელყოთ სელომის ტაძარი, სადაც იაჰვემ დაიდო ბინა. გამომშვიდობებისას უთხრა: „საფასითა დიდითა ფრიად მიიქცევით კარვებად თქვენდა, და საცხოვართა მრავლითა, ვეცხლითა, ოქროითა, რვალითა და რკინითა, და სამოსლითა ფრიადითა. განუყავთ თქვენს მოძმეთ ნატყვევნავი მტრისა“.

მაგრამ მალე სელომის მკვიდრთ შემადრწუნებელი ამბავი მოუვიდათ. თურმე იორდანის გადაღმა მიმავალ რუბენის, გადისა და მანასეს მეზობლებს ბორცვზე საკურთხეველი აღმართათ და იაჰვესათვის მსხვერპლი შეეწირათ. ამით მათ ხელყვეს უფლება, რომელიც მხოლოდ და მხოლოდ სელომის მღვდლებს ეკუთვნოდათ. მაშასადამე, მოსეს რელიგიას თავიდანვე წვალება (ერესი) ემუქრებოდა. ამას კი თავის მხრივ შეძლო პოლიტიკური კრიზისის გამოწვევა ქვეყანაში.

ისუ ნავემ გადაწყვიტა გაღვივებამდე ჩაეკლა განხეთქილები-სა და გათიშვის ჩანასახი. დამნაშავეთა დასასჯელად დანარჩენი ტომების ჯარებს სელომისაკენ მოუხმო. მაგრამ ძმათა შორის სისხლისღვრას შეიძლებოდა სავალალო შედეგი მოჰყოლოდა, რაკი ისრაელის მოღვმას ჯერ მკვიდრად არ ჰქონდა ფეხი მოკიდებული ახლად დაპყრობილ ქვეყნებში. ამიტომ გადაწყვიტეს, ჯერჯერობით გალააღში გაეგზავნათ მღვდლის, ელიაზარის, ვაჟი ფინეზი და გაეყოლებინათ მისთვის ათივე ტომის მეთაურები. ფინეზი ჩავიდა გალააღს. რუბენის, გადის და მანასეს შვილებს მან ასე მიმართა: „რა არს შეცოდება, რომელი სცოდნეთ წინაშე ღმერთისა ისრაელისა? უკუიქვით ღმერთისაგან, ჰქმენით ბოძონი და აჲ განდგომილ ზართ უფლისაგან“.

იორდანეს გადაღმა მცხოვრებ ისრაელის ძმთა უზუცესებს შეეშინდათ მოძმეთა წინააღმდეგ ბრძოლის დაწყება და ფიცზე ცა და ქვეყანა დაიმოწმეს, სელომის მღვდელთა უფლება არ მიგვიტაცებიაო. თავს იმართლებდნენ — იორდანეზე სამსხვერპლო იაჰვეს გამარჯვების სამადლობელ ძეგლად აუვგეთო. ასეთი პასუხი მაინცდამაინც ვერაფრად ეჭაშნიკათ ფინეზსა და მის მსლებლებს, მაგრამ მაინც დასჯერდნენ მას, რადგან გულით უნდოდათ, როგორმე აეცილებინათ თავიდან ძმათა შორის სისხლისღვრა. თან დაიჯერეს, რომ იორდანის გაღმა მცხოვრებ

ტომები დაშინდნენ და ვერასოდეს გაბედავდნენ ისრაელთან რელიგიური ერთიანობის დარღვევას.

ისუ ძე ნავესი კიდევ დიდხანს მართავდა ისრაელის მოდგმას. მისი დიდი ავტორიტეტი ერის შემჭიდროებას უწყობდა ხელს. ქანაანის მიწაზე გაფანტული ტომები უსიტყვოდ ემორჩილებოდნენ მის ნებას. სელომის ტაძარი კი იაჰვეს ერთადერთი რეზიდენცია იყო. მაგრამ ისუს არ ასვენებდა ერთი ფიქრი — როგორ წაუვიდოდა მის ხალხს საქმე მისი სიკვდილის შემდეგ? ისუს არ ჰყავდა ღირსეული მემკვიდრე, ამიტომ შიშობდა, ვაითუ ძლიერი ხელმძღვანელის გარეშე დარჩენილი ტომები დაიქსაქსონ და ამით საერთო კეთილდღეობასა და სარწმუნოებას ავნონო. სახელმწიფოს დაცემის თავიდან აცილების მიზნით მან სიქემში შეკრიბა ისრაელის მთელი მოდგმა, კიდევ წაუკითხა მოსეს მცნებანი და უბრძანა, დაეღოთ ფიცა, რომ უცხო ღმერთებს არასოდეს სცემდნენ თავიანთს. იაჰვესთან კავშირის განახლების სამახსოვროდ ისუ ნავემ მუხის ქვეშ დიდი ქვა დაღო და თქვა: „აჰა, ქვა ესე არს მოწმე ჩვენდა, რამეთუ ისმინა მან ყოველი თქმული, რომელი გვითხრა ჩვენ უფალმან და იყოს მოწამე თქვენდა, რათა არაოდეს ეცრუვნეთ ღმერთსა“.

ისუ ძე ნავესი ას ათი წლისა გარდაიცვალა. დაასაფლავა ეფრემის მთაზე, თავის სამფლობელო თიმნათსერაში. მას საფლავში ჩაატანეს ქვის დანები, რომლებიც იხმარეს ისრაელიტელებმა, ქანაანის საზღვარზე გადასვლისას წინადაცვეთის წესის შესასრულებლად.

ისრაელი ქანაანში მკვიდრდება. მოსესა და ისუ ნავეს შემდეგ ისრაელის მოდგმაში აღარავინ გამოჩენილა მათი შესადარი. ისრაელის ტომები ქანაანის მიწაზე გაიფანტნენ თავთავისი წილი მიწების დასაკავებლად და ამისთვის ზოგჯერ ბრძოლაც სჭირდებოდათ. ტომებს შორის თანხმობა არ იყო. წერილმანმა შურმა, განხეთქილებებმა საზღვართა გამო, თანამდებობისათვის ბრძოლამ და პატივმოყვარეობამ დაშალა ერთიანობა, შეარყია ნაციონალური სიმტკიცე, უმისოდ კი დაპყრობილი მიწების შენარჩუნებაც გაჭირდა. ერთმანეთის მოქიშპე ტომებმა, ცალცალკე რომ მოქმედებდნენ და მხოლოდ საკუთარ ძალაზე ამყარებდნენ იმედს, ბოლომდე ვერ დაიპყრეს ქვეყანა. ქანაანელები, რომელთა წინააღმდეგობა საბოლოოდ ჯერ კიდევ არ იყო გატეხილი, ხელსაყრელ შემთხვევას ელოდნენ დაკარგული მიწების დასაბრუნებლად. ქანაანელ ხალხებს კი — ეველებს, ქანაანელებს, ამორეველებსა და იებოსელებს ძალა შესწევდათ მომხდურთათვის საკადრისი პასუხის გასაცემად. ისრაელიტელებისთვის მუდმივ საშიშროებას წარმოადგენდა იერუ-

სალიმი, ღაზა, ასკალონი, ეგლონი და მთებსა და ხეობებში მიმოფანტული სხვა ციხესიმაგრენი, რომელთა დაპყრობა იხუნავემ ვერ მოასწრო.

მრავალწლიანი ხეტიალითა და ომებით არაქათგამოცლილ ისრაელის ტომებს კი სული მისდიოდათ, უნდოდათ, მაშინვე დამტკბაროყვნენ გამარჯვების ნაყოფით. მათ ზომ ბარაქიანი საძოვრები, სახნავი მიწღვრები, ზეთისხილის ბაღები და ვენახები მიისაკუთრეს. როგორც იქნა, აუსრულდათ ოცნება — მესაქონლეები და მიწათმოქმედები შეძლებულად და მშვიდობიანად ცხოვრობდნენ. რაღა დროს ომზე ფიქრი იყო. აკი აღსრულდა იაჰვეს დანაპირები! გარშემორტყმულ ქანაანელ ხალხთან როგორმე შეიძლებოდა საერთო ენის გამოხატვა, მათთან მშვიდობიანი ცხოვრება, რაც ისრაელიტელებს გასაქანს მისცემდა და შეაძლებინებდა დაპყრობილ მიწებზე მეურნეობის წარმოებას.

ასეც მოხდა: ისრაელის ძენი პატარ-პატარა კუნძულებივით გამოიყურებოდნენ ზღვა ქანაანელ მოსახლეობაში. გათიშულობისა და განკერძოების შედეგებმა მალე იჩინა თავი. ისრაელის ძენი მკაცრი, უბრალო, უღაბნოში ცხოვრებას ნაჩვევი ადამიანები იყვნენ. ქანაანელები ბევრად მალა იღვნენ მათზე კულტურით და ცივილიზაციით. ისინი ღიდ ქალაქებს აშენებდნენ და ძველი ებრაულის მონათესავე ენაზე ლაპარაკობდნენ. იაკობის მოდგმას იგივე ღღე ელოდა, რაც ყველა ბარბაროს დამპყრობელს: იგი უნდა გათქეფილიყო მის მიერვე დამორჩილებულ ხალხში, რომელსაც დამპყრობლებზე მაღალი კულტურა გააჩნდა. თანდათანობით იმატა შერეულმა ქორწინებებმა: ისრაელიტელ მამაკაცებს სათაკილოდ და უწყსოდ აღარ მიაჩნდათ სხვა ერის ქალზე დაქორწინება, მათი ქალებიც სიამოვნებით თხოვდებოდნენ ქანაანელებზე.

ამ ახლო, მჭიდრო ურთიერთობას სხვა უფრო საშიში შედეგებიც მოჰყვა. ისრაელის ძენი ყოველთვის თაყვანს სცემდნენ იაჰვეს, როგორც თავიანთ ღმერთს. იაჰვე კი მკაცრი და უღმობელი ღმერთი იყო, რომელიც იშვიათად, საგანგებო შემთხვევებში, თუ მოეწონებოდა ხოლმე თავის რჩეულ ხალხს და მას მხოლოდ საფრთხის დროს უწყევდა ქომაგობას. მას შორს, სელომის ტაძარში ჰქონდა ბინა. მორწმუნენი წელიწადში სამჯერ მიდიოდნენ იქ სალოცავად. მღვდლების შუამავლობით მსხვერპლს სწირავდნენ მას და თაყვანს სცემდნენ, ლოცულობდნენ, გალობდნენ და რიტუალურ ცეკვებს ასრულებდნენ. დანარჩენ დროს ისრაელიტელები ყოველ ფეხის ნაბიჯზე ხვდებოდნენ უფრო მახლობელ ადგილობრივ ღმერთებს, რომლებიც უფრო ახლოს იყვნენ მათთან თავისი ადამიანური თვისებების გამო. ბაალს, ასტარტესა და სხვა ღმერთებს უსწორარი ღროიდან სცემდნენ თაყვანს ქანაანში. ამას მოწმობდნენ ბორცვებზე აღმართული ქვის სვეტები, ჭალები, წმინდა ხეები,

ბრინჯაოსა და გამომწვარი თიხისაგან დამზადებული ქანდაკებები, მითები, სიმღერები, თქმულებები. და ღია ცის ქვეშ აღმართული სამსხვერპლოები, ხალაც იწვოდა მსხვერპლი და საკმეველი. შემოდგომაზე, როცა ხიკელილის ღმერთი შოთი მოსავლის ღმერთს ბაალს იტაცებდა და ქვესკნელში მიჰყავდა, ქანანელები, ტირილითა და გოდებით მისდევდნენ მას, მართავენ სამგლოვიართ პროცესიებს, გაზაფხულის პირზე კი, როცა შოთი საყვარელი ღმერთი მკვდრებით ახალი აღმდგარი იყო, როკვითა და ცეკვით დადიოდნენ ქუჩა-ქუჩა ქალაქებსა და სოფლებში. ასეთი გახლდათ რიტმი ქანაანის ზედმიწევნით კოლორიტული ცხოვრებისა, რომელიც დაკავშირებული იყო მხიარულ, გამამხნეველ წეს-ჩვეულებებთან.

ისრაელიტელებმა ქანანელთაგან ისწავლეს შიწის დამშუშება. მათგანვე შეიტყვეს, რომ ბაალი, ასტარტე და სხვა ადგილობრივი ღმერთები განაგებენ ბუნებასა და წელიწადის დროებს, მათ უნდა შეევედრო, რომ მოვივლინონ წვიმა და მოგცენ უხვი მოსავალი; მათ ძალუბთ აგაცილონ ხეტყვა, გვალვა და მკალის თაფლასხმა.

სკლოში ბინადარი ღმერთი კი შეტისმეტად მიუკარებელი, ქედმაღალი და შედიდური იყო; ასეთი ჩვეულებრივი საქმეების მოგვარებას მას ვერ შეჰკადრებდნენ, მაგრამ იაჰვე მაინც განირისხდა და განდგომილთა დასჯა განიზრახა. იაჰვემ ბრძანა და ცალკეული ისრაელიტელი ტომები რიგრიგობით მოხვდნენ ქანანელთა უღელქვეშ. დამონებული განდგომილები გულმხურვალედ ინანიებდნენ ცოდვებს და ღოცვით იისოვდნენ შებრალებას. იაჰვე მკაცრი, მაგრამ მოწყალე ღმერთი იყო. ასეთ დროს იგი თავის ერს უვლინებდა ღირსეულ ბელადს, რომელიც მსაჯულის მაღალ თანამდებობას იკავებდა და თანამემამულეებს ათავისუფლებდა. მაგრამ ისრაელის ჩამომავალნი მოურჯულბელნი და გამოუსწორებელნი იყვნენ — ცოტა შვება მიეცეპოდათ თუ არა, ისევ თავისი ცრუ ღმერთობას თავგანისცემას იწყებდნენ.

სამხრეთ ქანაანში მცხოვრები ისრაელის ტომები დაიმორჩილა არამის მეფემ ქუშანრეშათიმმა¹ და არვა წელს ამყოფა მონობაში. დიდი ბრძოლების შემდეგ ისინი გაათავისუფლა იუდეველთა ტომის წარმომადგენელმა გოთონიელმა, რომელიც შემდეგომ ორმოც წელიწადს იყო მსაჯულად.

უარესი ბედი ეწია ბენიამენის შთამომავლებს. მოაბელთა

¹ ქუშანრეშათიმი იყო ისრაელში მღებარე არამის მეფე; ამიტომ მოვიერთი მკვლევარი ფიქრობს, რომ იგი არამისაგან უსოდენ დაშორებულ სამხრეთ ქანაანზე ვერ გაილაშქრებდა. როგორც ჩანს, ბიბლიის რედაქტორებმა დაუშვეს შეცდომა და დმ-ს (უღობის) ნაცვლად დაწერეს რმ — არამი... ეღობის სამეფო სამხრეთ ქანაანს ესაზღვრებოდა.

მეფემ ეგლონმა ამონელებსა და ამაღეკელებთან ერთად დაიპყრო მათი მიწები და თურამეტი წლის განმავლობაში მძიმე ხარკს ახდევინებდა. ბენიამენის ტომის მამაცმა შვილმა, ცაცია აოლმა გადაწყვიტა ბოლო მოეღო ჩაგვრისათვის. მან ხმალი მარჯვნივ შემოირტყა, მოსასხამში გაეხვია და გასწია მეფე ეგლონთან, ვითომდა თანამემამულეთაგან მიძღვნილი საჩუქრების მისართმევად. სასახლის მსახურებმა გაჩხრიკეს, რომ დამალული იარაღი ენახათ, მაგრამ მარჯვენა თეძოზე ხელიც არ უხლიათ, რადგან აზრადაც არ მოსვლიათ, რომ აოდს შეეძლო ამ მხარეს იარაღი ეტარებინა. დიპგადმოგდებული დესპოტი სამეფო ტახტზე იჯდა, გარს მსახურები და ხარჭები ეხვივნენ. მეფემ მედიდურად შესედა ისრაელიტელ გადამთიელს, არც კი გაუვლია გუნებაში, რომ მას იარაღი შეიძლებოდა ჰქონოდა თან. აოდი მის წინ პირქვე დაემხო, ძღვენი მიართვა და სთხოვა — მარტო მიძიდეო. მოიძინებოდა, თითქოს მნიშვნელოვანი რამ უნდა ეცნობებინა: „სიტყვა მაქვს ფარულად შენდა, მეფეო“, — უთხრა აოლმა და ცოტა მოგვიანებით დაუმატა: „სიტყვა უფლისა მომაქვს შენთვის“. მეფემ ეჭვის თვალთ შეხედა, მაგრამ მერე იფიქრა, რომ აოდი მრავალრიცხოვან მსტოვართა ჯგუფის ერთ-ერთი წარმომადგენელი იქნებოდა. ასეთები ხომ ბენიამენის მოღვამეც ბევრი ჰყავდა. მეფემ მსახურებს ანიშნა, გადიით და აოდს მიუბრუნდა. აოდი ახლოს მივიდა, თითქოს რაღაც საიდუმლოს თქმა უნდოდა. მიუახლოვდა, მახვილი ელვის სისწრაფით იხადა და უცბად განგმირა დესპოტი. მეფეს დაყვირებაც აღარ დასცალდა. როცა სისხლმა ითქრიალა და დესპოტის ჩაგოდრებული სხეული ქვის იატაკზე დაეშვა, აოლმა სწრაფად ჩარაზა კარი ურდულით და უკანა გასასვლელიდან უჩუმრად გაიპარა.

მსახურები მოთმინებით იცდიდნენ მეზობელ ოთახში, ფიქრობდნენ, რომ მეფე ჩურჩულით ელაპარაკებოდა საიდუმლო სტუმარს. როცა საუბარი მეტისმეტად გაუგრძელდათ, ყველაზე გამბედავმა მსახურებმა სცადეს კარებთან მიყურადება. სამარიტებური სიჩუმისაგან თავზარდაცემულებმა ბოლოს და ბოლოს განგაში ატეხეს. კარი შეღეწეს, გაქცეულ მკვლელს დაედევნენ, მაგრამ გვიანდა იყო. აოდი მშვიდობიანად დაბრუნდა და ეფრემის მთიდან თანამემამულეებს აჯანყების ნიშანი მისცა. ისრაელიტელებმა ისარგებლეს მეფის სიკედილით გამოწვეული არეულობით, შეიჭრნენ მოაბში და მოულოდნელად მეხვიით დაატყდნენ თავს მჩაგვრელებს. გაიმართა ხელისართული ბრძოლა. ისრაელიტელებმა მუსრი გაავლეს მოაბელებს და ათი ათასი მეომარი მოუკლეს. გმირობისა და მამაცობის ჯილდოდ ხალხმა აოდი თავის მსაჯულად აირჩია. იგი ოთხმოცი წლის განმავლობაში მშვიდობიანად უძლოდა ეფრემის შთამომავლობას.

დებორა — ისრაელის შანა ღ'არკი. მძიმე ზვედრი არგუნა ბედმა იეზრეელის ხეობის სამხრეთით დასახლებულ ისრაელიტელებს. ასორის მეფემ იაბინმა და მისმა მხედართმთავარმა სისარამ დაიკავეს ციხესიმაგრე, რომელიც მთებიდან ხეობებსა და გზებს გადმოჰყურებდა. მათ ხელსაყრელი პოზიციით ისარგებლეს. ისრაელიტელ მოსახლეობას კომუნიკაციები გადაუჭრეს, დაამშვიეს და ბოლოს და ბოლოს დაიმორჩილეს კიდევც. ეფრემის, ბენიაშენის, ზაბულონის, ისაქარიის, ნაფთალემის ტომები და მანასეს ტომის ნახევარი სხვის მიწას ამუშავედნენ და ხარკს იხდიდნენ. შეურაცხყოფასა და მონობაში გაატარეს მათ ოცი წელი. იარაღაყრილთ და იმედდაკარგულთ აღარც ეგონათ, თუ თავისუფლებას მოესწრებოდნენ.

სწორედ ამ ხანებში ამობრწყინდა დებორას ვარსკვლავი. დებორა — იაჰვეს ერთგული მსახური — წინასწარმეტყველი და პოეტი ქალი იყო. იგი მკვიდრობდა ეფრემის მთაზე დანაკისკულის ხის ქვეშ, რამასა და ბეთელს შუა გაშავალ გზასთან. დებორა აქ იღებდა მთელი ისრაელის მოციქულებს, აძლევდა მათ ბრძნულ რჩევას, უწინასწარმეტყველებდა მომავალს, წყვეტდა სადაო საკითხებს ტომებს, გვარებსა და ცალკეულ პირებს შორის. ყველას სწამდა, რომ დებორას პირით თვით იაჰვე ლაპარაკობდა, ამიტომ მისი ყოველი რჩევა და მითითება წინასწარმეტყველებად მიიჩნდათ. იმჟამად დებორა ყველასზე დიდი ავტორიტეტით სარგებლობდა ქანაანში.

პატრიოტული გრძნობით გამხნივებულმა დებორამ გადაწყვიტა ხალხი თავისუფლებისათვის საბრძოლველად აემხედრებინა. გრძნობდა, რომ ამისთვის იყო მოწოდებული. სწამდა, რომ ღმერთისაგან შთაგონებული სიტყვით სიმამაცეს ჩაუნერგავდა გულში თავის სასოწარკვეთილ მოძმეთ.

კადეშში, ნეფთალემის შთამომავალთა ქვეყანაში ცხოვრობდა კაცი, რომელსაც სახელად ბარაკი ერქვა. იგი განთქმული იყო სიმამაცითა და ქანაანელებთან ბრძოლაში მიღებული სამხედრო გამოცდილებით. დებორამ გადაწყვიტა, ბარაკი მხედართმთავრად დაენიშნა და მოიხმო. ბარაკმა არ დაიჯერა, რომ გაიმარჯვებდნენ. არ ეგონა, რომ ეჭვითა და შიშით დაუძღურებული ისრაელის ძენი მტერს დასძლევდნენ. მისი აზრით, ერს გაიყოლიებდა ისეთი ბელადი, რომელიც ხალხს ვაჟკაცურ სულს გაუღვივებდა და შთააგონებდა, რომ იაჰვე მისი მფარველი იყო. ასეთი ვინმე კი ყველასაგან პატივცემული დებორას გარდა მას არავინ ეგულებოდა. დებორას წინამძღოლობით მჩაგვრელთა წინააღმდეგ გაჩაღებული ბრძოლა მიიღებდა რელიგიურ ხასიათს, გადაიქცეოდა წმინდა ომად. ბარაკმა ყველაფერი მოიფიქრა; აწონ-დაწონა და დებორას უთხრა: „უკეთუ მოხვიდე შენცა, წარვიდე, უკეთუ არა მოხვიდე, არა წარვიდე“. დებორა აღაშ

ფოთა ბარაკის სიჯიუტემ, მაგრამ დათანხმებით მაინც, დაეთანხმა. ესოდენ აშკარა ურწმუნოებისათვის. ბარაკს სასჯელი მაინც, არ უნდა ასცდენოდა. ამიტომ. მისანმა ქალმა უწინასწარმეტყველა, რომ ქანაანის მხედართმთავარი სისარა დაიღუპებოდა. არა ბარაკის, არამედ სუსტი ქალის ხელით.

წინასწარმეტყველი ქალის მოწოდებას ყველა ტომი არ გამოხატა. მიუხედავად ამისა, ათი ათასმა შებრძოლმა. მაინც, მოიყარა თავი. მართალია, მათ საომარი საჭურველი აკლდათ, მაგრამ უკან დახევას არ აპირებდნენ.

„ისრაელის დედის“ (ასე ეძახდნენ დებორას). გამოჩენამ ერთ-გამოუთქმელი აღტყინება გამოიწვია. ისრაელიტელთა. არმიამ დაიბანაკა თაბორის მთის ფერდობზე. ამასობაში ხეობაში გამოჩნდა ქანაანელთა არმიაც, რომელსაც სისარა მეთაურობდა. ჯარს წინ მიუძღოდა რკინით შეჭვდილი ცხრაასი საომარი ეტლი. ეს ეტლები იმიტომაც იყო საშიში, რომ მათ გვერდებზე. ჰქონდათ ბასრი მახვილები. შეტევის დროს ისინი მოჭრილი თავთავებით მიჰკაფადნენ მტრის. ქვეით ჯარს. ისრაელიტელებს მაინც გაუშართლა ბედმა. კოკისპირული წვიმებისაგან ადიდებულმა მდინარე კიშონმა კალაპოტი გადმოლახა და ბრძოლის ველი საფლობად აქცია. ბარაკს შეტევაზე მიჰყავდა თავისი რაზმები. ხეობაში მომავალი ისრაელიტელების წინააღმდეგ, დაძრული მტრის ეტლები მაშინვე ლაფში ჩაეფლო. ცხენებს. ფეხი უსხლტებოდათ და ეცემოდნენ. ქანაანელები შფოთავდნენ და წრიალებდნენ. ისრაელიტელებმა ისარგებლეს არეგ-დარეგით, გაბედულად ეკვეთნენ მტერს და ერთიანად გაანადგურეს თითქმის ყველა ქანაანელი მეომარი დაიღუპა: ზოგი ომშივე, ზოგი კი შემდეგ, ბრძოლის ველიდან გაქცეული.

სისარა გადმოხტა ეტლიდან, ბრძოლის ველი მიატოვა და კადეშიში გაიპარა, იქ შეგობარი, კენეველთა თემის უფროსი ქებერი ეგულებოდა. იმედი ჰქონდა, რომ იგი შეიფარებდა. მაგრამ ქებერი შინ ვერ შეისწრო. ქებერის ცოლმა იაელმა იგი კარავში შეიპატიჟა და ორსოვა გადააფარა. ბრძოლით მოქანცულ სისარას უნდოდა ძილი და მოსვენება. სისარამ ჩაიძინა, იაელმა კი მაშინვე საფეთქელზე წვეტიანი ძალო დააბჯინა, ძალოს თავზე ჩაქუჩა დაარტყა და სისარას თავის ქალა შეუღლეწა. ძალე ბარაკიც მოვარდა, მაგრამ გვიანლა იყო. აღსრულდა დებორას წინასწარმეტყველება: სისარა მოკლა ქალმა — იაელმა და არა ბარაკმა. მაზვილმა განგძირა აგრეთვე ისრაელის ძეთა მთავარი მჩაგვრელი — ასორის მეფე იაბინი. დებორამ თავის საგალობელში გამოხატა ებრაელთა სისარული ქანაანელებზე გამარჯვების გამო. მას არც იაელის გმირობა დავიწყებია. დებორამ ისიც ჩაუერთო თავის სამადლობელ ჰიმნში, რომ სისარას გვამი ქალის ფეხქვეშ ეგდო მტვერში და რომ სისარას დედა ამ დროს მოუთმენ-

ლად ელოდა შვილის დაბრუნებას: „ხარკმლით გარდამოიხე-
დავს დედა სისარასი და გოდებს: რად არა მოვლენან შეხედარნი
მისნი. რად აყოვნებენ თვალნი სისარას ეტლისანი? ბრძენნი
შთავარნი მიუგებენ მას და იგი იტყვის: ჭეშმარიტად, განყოფენ
ნატყუენაქსა, ქალწულთა ტყვეთა... სამოსელსა მრავალფერსა,
ჭრელსა“.

ამის შემდეგ ისრაელის ტომები ორმოც წელს ცხოვრობ-
დნენ მშვიდობიანად და მსახულად შეავდათ დებორა, რომელსაც
მადლიერი ხალხი სიყვარულითა და პატივისცემით ეპყრო-
ბოდა.

**როზრონ მათამის უშლა ისრაელის ძანი ბაღე-
მისმა.** თავისუფლების მოძიების შემდეგ ისრაელის მოღვაძე
შალე დაივიწყა თავის სიკეთე და ყველავ ქაჩანელ დძერთებს
სცა თაყვანი, რისთვისაც დძერთმა ახალი სახეელი მოუვლინა.
მადიამელებსა, აშალეველებსა და მსგავ მომთაბარე ტომებსა აღ-
მოსხავლეთიდან გადმოლახეს იორდანე და კალიასავით შეესივნენ
ისრაელიტელთა მინდრებს. ისინი ყოველ წელს მაინც და მაინც
ზუსტად მიესდრთნენ გამოჩნდებოდნენ ხოლმე. მათი აქციემები —
საოცარი არსებანი, რომელთა მსგავსიც ვერ არავის ენახა ქა-
ნაანში, მოუდნენ მდილოებსა და მინდრებს, ქელაუდნენ ნათე-
სებს, ბოსტნებს და ვენახებს. უდაბნოს ყაჩაღები არბევდნენ ყეი-
ლაფერს, არაზედაც კი ხელი მიუწვდებოდნენ: მიპქონდათ სარ-
ჩო, მიერეკებოდნენ საქონელსა და საბაღის ვირებს. უთარადო
მიწის მუშები მთებში გარბოდნენ, ხეობებსა და გამოქვაბულებ-
ში იბაღებოდნენ. მოუვლელი მიწა ბოლოს და ბოლოს ცაციალ-
და, ქვეყნად გამეფდა სამინელი უბედურება — მიმშილი და სენი.
მხოლოდ შვიდი წლის განუწყვეტელი ტანჯვის შემდეგ შეიწყა-
ლა იაჰვემ თავისი ერი.

მატარა ქალაქი აფრა მდებარეობდა იმ ტერიტორიაზე, რომ-
ელიც ეკავა იორდანის აქეთ დარჩენილ მანახეს ტომის ნახე-
ვარს. ამ მატარა ქალაქში ცხოვრობდა მიწათმოქმედი, სახელად
იოანსი. მან ბააღს სამსხვერპლო აუგო, თუმცაღა მისი ერთგუ-
ლი მიმღევარი არასოდეს ყოფილა. არც იოანის ვაჟს, გედეონს,
მიუწვედა ღიდად გული ბააღისაკენ, მაგრამ ისრაელიტელთა
უბედურებით დამწყურებულს იაჰვეს ნდობაც დაეკარგა.

ერთხელ გედეონმა საჩქაროდ გალქნა ხორბალი, უნდოდა
ზურსათი მოემარაგებინა და რაც შეიძლება შალე გაქცეოდა მა-
დიამელებს მთებში. უცებ მას ანგელოში გამოეცხადა და ამც-
ნო — იაჰვემ ისრაელის ერის განთავისუფლება მოგანდო.
„უფალო, — დაღადყო გედეონმა, — ვით შეეძლო ხსნა ისრაე-

ლისი? უმდაბლეს არს ტომი ჩემი შორის ტომთა მანასესთა და უმცირეს ვარ მე სახლსა მამისა ჩემისასა“.

ანგელოზი გედეონს არწმუნებდა, რომ მადიამელებს და-
ამარცხებდა, მაგრამ გედეონს მაინც უნდოდა ეხილა იაჰვეს რა-
ღაც სასწაული. მან მუხის ქვეშ შემწვარი თხა დადო და ხშია-
დები დააწყო. ანგელოზმა ურჩია, ეს მსხვერპლი კლდეზე წაი-
ღეო. გედეონი ასეც მოიქცა. ანგელოზმა კვერთხი დაკრა
კლდეს, იფეთქა ცეცხლმა და ხორცი და პური შთანთქა. სასწა-
ულმა რწმენა შექმატა გედეონს და მან თავისი მისია იწამა.

ღამით, როდესაც აფრის მკვიდრთ ღრმად ეძინათ, გედეონმა
თავის მონებში ათი ერთგული კაცი ამოარჩია და მამისეულ
სამფლობელოს მიაშურა. ორი ხარის შემწვობით ბაალის სამ-
სხვერპლო დაანგრია და მის გარშემო წმიდა ჭალაც აჩეხა. შემ-
დეგ იაჰვეს აუგო სამსხვერპლო და ზეარაკიც შესწირა.

ღილით აფრის მცხოვრებლებმა ბაალის განადგურებული
სამსხვერპლო იხილეს, განრისხდნენ და მოითხოვეს, რომ იოასს
სიკვდილით დაესაჯა მკრეხელი გედეონი. იოასი საზრიანი კაც
იყო და მეზობლების დაშოშმინებას შეუდგა: „ნუთუ მწენი ხართ
თქვენ ბაალისნი? ანუ თქვენ იხსნათ იგი? შემწე მისი მოკვდეს
განთიადამდე. უკეთუ ღმერთ არს, იძიოს შური“. აფრის
მკვიდრთ ეს სიტყვები ჭკუაში დაუჯდათ და სახლებში წაიღ-
წამოვიდნენ. ამ დღიდან გედეონს ხუმრობით შეარქვეს იერობა-
ალი. რაც ნიშნავს: „დაე, ბაალი თვითონვე შეეწიოს თავის
თავს.“

არო მიდიოდა და ყველა დარწმუნდა, რომ ქანაანელ ღმერთს
აზრადაც არ მოსვლია შური ეძია თავისი სახელის წაბილწვისა
და შებღალვისათვის. ამ დღიდან გედეონმა ღიდი ავტორიტეტი
მოიხვეჭა ისრაელის ძეთა შორის. გედეონმა მოუწოდა და აბიე-
ზერის ტომის შეიარაღებული მეომრები, მანასეს, ასერის, ზა-
ბულონისა და ნეფთალემის ტომები ეახლნენ მას. აროდის
წყაროსთან ოცდათორმეტი ათასი ისრაელიტელი მეომარი შეი-
ყარა. გედეონმა იცოდა, როგორ უნდა ებრძოლა უდაბნოს ყაჩა-
ღების ურდოებთან. გადაწყვიტა, მოულოდნელად დასხმოდა
მტერს თავს და დაეპყრო იგი შეუპოვარი, გულადი და თავგან-
წირული მეომრებისაგან შემდგარი პატარა რაზმით. მრავალრი-
ცხოვანი, სწრაფად მოძრაობის უნარის არ მქონე და ნაირ-ნაი-
რი ხალხისაგან შემდგარი არმია გედეონს არ გამოადგებოდა.
გედეონმა შინ დააბრუნა ყველა, ვისაც კი გული არ მიუწევდა
საბრძოლველად. ამრიგად, ჯარს დააკლდა ოცდაორი ათასი კა-
ცი. გედეონს დარჩა ათი ათასი მამაცი მებრძოლი, მაგრამ მას
ესეც ებებრა. როგორღა აერჩია ამ მამაცთა შორის უმამაცესნი?

თვით იაჰვემ უკარნასა გედეონს მოქმედების გეგმა. შეღამე-
ბისას ახლომდებარე ბორცვიდან გედეონი ყურადღებით უთვალ-

თვალეზა მდინარეზე წყურვილის მოსაკლავად მიმავალ ჯარისკაცებს. ჯარისკაცთა უმრავლესობამ იარაღი მიწაზე დადო, დაინოქა და წყალი ორივე პეშვით შეხვა. ზოგიერთი ჯარისკაცი კი მუცელზე გაწვა, იარაღი ხელიდან არ გაუგდია და წყალი ძაღლივით პირდაპირ მდინარიდან პირით ამოხვრიბა. ესენი იყვნენ ბრძოლებში გამოწრთობილი, ფხიზელი და მტრის მოულოდნელი თავდასხმის შემთხვევაში საიმედო მეომრები. ასეთები გედეონმა სულ სამასი დაითვალა და გადაწყვიტა, სწორედ მათ გასძლოლოდა მტრის წინააღმდეგ, დანარჩენები კი უკანვე გააბრუნა.

მომთაბარე მადიამელებმა იეზრეელის ხეობაში დაიბანაკეს. შვიდი წლის განმავლობაში ისინი ლაღად დათარეშობდნენ, აოხრებდნენ ქვეყანას და ამიტომ თადარიგი არც ახლა დაუჭერიათ. მათ თითქმის ჩაშლილი ჰქონდათ საყარაულო სამსახური. ბანაკში აუწერელი წრიალი და აურზაური იყო. კარვებს შორის მამაკაცები, ქალები და ბავშვები ირეოდნენ. აქლემებს, ვირებს და ალაფს თვლა არ ჰქონდა.

შელამებისას გედეონმა თავისი რჩეული რაზმი წაიყვანა მთაზე, საიდანაც ხელისგულივით მოჩანდა მთელი ხეობა. ყოველ მებრძოლს მისცა საყვირი და თიხის ჭურჭელი და მამულა ჩირადღანი. მებრძოლები სამ ჯგუფად გაყო და უბრძანა, სამი მხრიდან მიჰპარეოდნენ მტრის ბანაკს. შეალამისას, მადიამელებს ის იყო ჩაეძინათ, რომ გედეონმა თავის მებრძოლებს შეტევაზე გადასვლის ნიშანი მისცა. ისრაელიტელებმა დაღუწეს თიხის ჭურჭლები, ანთებული ჩირადღნები გამოაჩინეს, აახშიანეს საყვირები და საბრძოლო შეძახილებით მთელი არემარე გააყრუეს. მომთაბარენი ყურისწამლებმა ხმაურმა გაადვიბა. ეგონათ, მტრის დიდმა არმიამ ალყა შემოგვარტყაო და შეშინებულებმა იორდანის გადაღმა მხარეს მიაშურეს. გედეონი და მისი მამაცი მეომრები დაედევნენ; გზაში მათ შეუერთდნენ ისრაელის სხვა ტომებიც და ყველამ ერთად ამოჟლიტეს ბედუინები. გედეონმა გადალახა იორდანე, მიწასთან გაასწორა მტერი, ააოხრა მათი ქვეყანა და ოთხი მადიამელი მეფე მოკლა.

მღევრებს შეემთხვათ ერთი უსიამო ამბავი, რომელმაც ცხადყო, რომ ისრაელიტელები მხდალები იყვნენ და ტომობრივი სოლიდარობის გრძნობა არ ჰქონდათ, იორდანის იქით მღებარე ქალაქების სუქოთისა და ფენუელის მცხოვრებლებმა მშვიერ ისრაელიტელ მებრძოლებს საჭმელი დაუკავეს — ვაითუ ბედუინებმა გაიგონ და ჩვენზე შური იძიონო. გედეონმა სანიმუშოდ დასაჯა ლაჩრები. მან ბრძანა და ქალაქის უხუცესები და მთავრები უკანასკნელი მაწანწალებივით გაჯობეს ეკლიანი არგნებით; მერე კი ჯალათმა ხმლით მოუსპო მათ სიცოცხლე. გედეონი უბრალო მცხოვრებთაც მკაცრად გაუსწორდა — ერთიანად

გაელიტა ისინი, შემცოდე ქალაქები მიწასთან გაასწორა, რათა მათი ნანგრევები სამარადისო გაფრთხილება ყოფილიყო მისთვის, ვინც ასეთ ღალატს ჩაიდებდა გულში.

გედეონმა ხელთ იგდო უზარმაზარი ალაფი. აღმოსავლეთის ტომები, განსაკუთრებით კი მადიაელები, მარტო ძარცვა-გლეჯას როდი ეწეოდნენ. ისინი უნარიანი და მოხერხებული ვაჭრებიც იყვნენ და ხელს უწყობდნენ აზიისა და ეგვიპტის ქვეყნებს შორის აღებ-მიცემობას. მათ უყვარდათ თავიანთი სიმდიდრის გამოფენა, სხვის დასანახავად გამოჩენა, იცვამდნენ ძვირფას ტანსაცმელს და ოქროს სამკაულით მორთულ-მოკაზმულები დადიოდნენ. ასე გასინჯეთ, აქლემებსაც კი ოქროს ძეწკვებს ჰკიდებდნენ კისრებზე და მოსართავებსაც ოქროთი უმშვენებდნენ.

ისრაელის ტომებმა თავის მხსნელს მეფის გვირგვინი შეაძლიეს. ისრაელის მოღვმის ისტორიაში ეს პირველი შემთხვევა იყო. გედეონს კარგად ესმოდა, რომ მის თანამემამულეთა შორის ყველა არ იქნებოდა მისი გამეფების მომხრე, ამიტომ ამ პატივზე უარი თქვა. ის კი ითხოვა, რომ სამხედრო ნადავლიდან მისთვის გამოეყოთ ყველა ოქროს საყურე. კარვის წინ გედეონმა გააგო მოსასხამი, რომელზეც მებრძოლები სათითაოდ ყრიდნენ ოქროს საყურეებს. მოგროვდა ათას შვიდასი შეკელი (დაახლოებით ოცდაშვიდი კილოგრამი) ოქრო.

მიუხედავად იმისა, რომ გედეონმა სამეფო გვირგვინზე ფორმალურად უარი თქვა, იგი ნამდვილად მაინც მონარქი გახდა. თავის დედაქალაქად გედეონმა აიჩრია მშობლიური ოფრა, საიდანაც მონობიდან დახსნილ ტომებს ხელმძღვანელობდა. ის იყო ქვეყნად დამკვიდრდა მშვიდობა და კეთილდღეობა, რომ გედეონმა იაჰვე უარყო და ბრძანა — ჩემი კუთვნილი ოქროსაგან ბაალის კერპი ჩამოასხითო. ოფრას ტაძარი სახელმწიფოს რელიგიურ ცენტრად იქცა.

აღმოსავლელი დესპოტების ადათისამებრ გედეონს პარამხანაში ჰყავდა სამოცდაათი ცოლი, რომელთაგან სამოცდაათი ვაჟი შეეძინა. იგი ორმოცი წლის განმავლობაში მეფობდა.

გედეონის სიკვდილის შემდეგ ძალაუფლება მისი ვაჟების ხელში გადავიდა. ისინი კოლეგიალურად მართავდნენ ქვეყანას. ოღონდ ახლოსაც არ გაიკარეს აბიშელექი, რადგანაც იგი დაბადებული იყო სიქემელი ხარჭის ოჯახში და არა პარამხანაში. აბიშელექი დედას ეახლა და დედის ნათესავეებს სთხოვა, დაემხმარეთ, რომ ძმებს მამის ადგილი წავართვათ. „რა არს უმჯობეს თქვენდა, — მიმართა მან სიქემელებს, — გმთავრობდნენ თქვენსამყოფლათნი ძენი იერობაალისნი, ანუ ერთი? მოიხსენეთ, რამეთუ ძვალ ვარ ძვალისა თქვენისა და ხორც ხორცისა თქვენისა“. ნათესავეებმა მებრძოლების დასაჭირავებლად ბაალბერიითის ტაძრის განძეულიდან მისცეს სამოცდაათი შეკელი ვერცხლი. აბი-

მელექი ჯართთ გაემგზავრა ოფრაში, დაამარცხა ძმები და იოთამის გარდა ყველანი დახოცა. იოთამმა შეგობრებთან დაშალვა მოასწრო. შემდეგ იგი კარდაკარ დაეხეტებოდა და ხალხს აჯანყებდა უზურპატორის წინააღმდეგ.

აბიმელექი სისხლიანი ღესპოტი გამოდგა. ღრთთ განმავლობაში ხალხს მოთმინება დაელია, მისი თვითმპყრობელური რეჟიმი ვეღარ აიტანა. სიქემელებმა შეიარაღებული აჯანყება მოუწყვეს ქალაქის უხუცესებს, რომლებაც აბიმელექს ძალაუფლების მოპოვებაში დაეხმარნენ. აჯანყებულებს სათავეში ჩაუდგა ებედის ძე გაალი. მათ ქალაქი დაიპყრეს და ბაალის ტაძარში ღრეობდნენ სოლზე. ააოხრეს გარემო მინდვრები და ხვრები. მეფეს და მის მახლობლებს მთებში უსაფრდებოდნენ.

ქალაქ სიქემის უპირველესმა მთავარმა, აბიმელექის ერთგულმა ზებულმა, მალულად გაუგზავნა მეფეს შიკრიკი და დახმარება სთხოვა. მეფემ გაანადგურა აჯანყებულნი, ამოელიტა მცხოვრებლები და ქალაქი ნანგრევებად აქცია. ათასობით აჯანყებულმა, სიქემში მომხდარი ამბავი რომ შეიტყო, ბაალბერი-თის კოშკს შეაფარა თავი. უზურპატორმა კოშკის დაპყრობა ვერ შეძლო და ბრძანა, ცეცხლი მოუკიდეთო. შემდეგ აბიმელექმა შეუტია კიდევ ერთ აჯანყებულ ქალაქს თებეცს. მისი მცხოვრებლები გამაგრებულ კოშკში ჩაიკეტნენ და შეუპოვრად იცავდნენ თავს. მეფე ციხესიმაგრის კარს მიუახლოვდა, მისი დაწვა უნდოდა, მაგრამ ერთ-ერთმა ქალმა თავში წისქვილის ქვის ნატეხი ესროლა. მძიმედ დაჭრილმა აბიმელექმა ხიკედლის წინ საჭურველმტვირთველს უხმო და უთხრა: „იხადე მახვილი და მომკალ, რათა არა თქვან, ვითარმედ დედაკაცმან მოკლა იგი“. ასე დაამთავრა სიცოცხლე გედეონის ვაჟმა აბიმელექმა ხამი წლის მრისხანე მმართველობის შემდეგ. გედეონის სამოცდარვა ძის სისხლი აღებულ იქნა.

იეფთაე — გალაადის უბედური ბერი.

იორდანის გაღმა მდებარე მთაგორიან მიდამოებში, მდინარე არნონსა და მდინარე იაბოკს შუა, მდებარეობს გალაადის მხარე. აქ მცხოვრები ისრაელის ძენი, რომლებმაც ჯერ კიდევ ისუ ნავეს ღრთ დაიპყრეს ეს კუთხე, უმთავრესად მესაქონლეობას მისდევდნენ. ერთხელ გალაადში გარდაიცვალა ერთი შეძლებული კაცი, რომელსაც ცოლ-შვილი დარჩა. ობლები წამოიზარდნენ და სახლიდან გაავდეს იეფთაე, რადგან იგი მათ მკვიდრ ძმად არ ერგებოდათ — იეფთაე ხარჭის შვილი იყო და არა მათი დელისა. დაემუქრნენ — თუ მამის მემკვიდრეობაში შეგვეცილები და წილს მოითხოვ, სიცოცხლეს გამოგასაღებთო.

იეფთაე წინდახედულად მოიქცა — გაიპარა და თავი შეაფარა

რა იორდანის სათავესთან ახლო მდებარე ტობის ქვეყანას. აქ დაუკავშირდა ბედუინთა რაზმს, რომელიც გარშემო მცხოვრებლებს აშინებდა და ხარკს ახდევინებდა. გავიდა დრო და იეფთაე რაზმის ბელადი გახდა. იგი ყველას შიშის ზარს სცემდა, როცა სათარეშოდ გამოჰყავდა თავისი რაზმი. ამასობაში გალაადელ ისრაელიტელებს შავი დღე დაუდგათ. ოდესღაც განდევნილმა ამონელთა ტომმა თავი წამოკყო. იგი მარტივ გალაადს კი არ მარცვავედა, იორდანზეც გადადიოდა და იუდას, ბენიაშენისა და ეფრაემის ტომთა მიწებსაც აოხრებდა. თვრამეტი წლის განმავლობაში ითმინეს გალაადელებმა. როცა მოთმინების ფილა აევსოთ, სასოწარკვეთილებმა იეფთაე გაიხსენეს. იფიქრეს, მხოლოდ მას, თავზეხელაღებულ, უშიშარ კაცს, ყაჩაღთა რაზმის ბელადს ძალუძს მტრის გამკლავება და თანამემამულეთა განთავისუფლება მძიმე უღლისაგანო.

გალაადის უხუცესებმა იეფთაეს მიმართეს დახმარების სათხოვნელად. მას არ დაჰვიწყებია დიდი ხნის წინანდელი შეურაცხყოფა და მოციქულებს დააყვედრა: „არა თქვენ მომიძულეთ და განმამეტ სახლისაგან მაშისა ჩემისა? და აწ რად მოსრულ ხართ ჩემ თანა, რაჟამს გიჭიარს?“ უხუცესებმა მორჩილად მიუგეს — ოღონდ ჩქარა მოგვეშველ და ყოველგვარ პირობაზე თანახმა ვართო. იეფთაემ მოითხოვა — სანამ ცოცხალი ვარ, ტომის მთავარი და მსაჯული მე უნდა ვიყო. უხუცესები უდრტივნივლად დაეთანხმნენ. იეფთაე მაშინვე გაემგზავრა მშობლიურ ქალაქ მისფას მეამბოხეთა რაზმების შესაქმნელად.

მან ეფრაემის ტომსაც მოუწოდა ამონელთა წინააღმდეგ საბრძოლველად, მაგრამ პასუხი ვერ მიიღო. ამიტომ ვერ გაბედა ამონელებთან იარაღით შებმა და დროის მოგების მიზნით ჯერ მოლაპარაკება არჩია. მან ამონელებს ელჩები გაუგზავნა და შეუთვალა — ისრაელის ძეთა წამება შეწყვიტეთო. ამონელთა მეფემ ასეთი პასუხი დაუბრუნა: „რაჟამს გამოვიდოდა ეგვიპტით, დაიპყრო ისრაელმან ქვეყანა ჩემი არნონითგან ვიდრე იაბოკამდე და იორდანედ. დამიბრუნეთ იგი მშვიდობით“.

მტეი გზა აღარ იყო, ომისა და სისხლისღვრის აცილება აღარ შეიძლებოდა. იეფთაე დახმარებას შეევედრა იაჰვეს და საზეიმოდ აღუთქვა, რომ ლაშქრობიდან დაბრუნებისას მსხვერპლად შესწირავდა თავის სასლეულთაგან პირველსავე შემხვედრს. ომი ამონელთა სრული განადგურებით დამთავრდა. გალაადელებმა ოცი ქადაქი დაიპყრეს, სამოვრები, ზვრები მოაოხრეს და იეფთაე ზარ-ზეიმით დაბრუნდა მისფას.

სახლს რომ მიუახლოვდა, პირველად მხოლოდშობილი უსაყვარლესი ასული გამოეკება. იგი გახარებული მიესალმა მამას, თან დაფის ხმას აყოლებდა ფეხს. იეფთაე უსაზღვრო სასოწარკვეთილებამ მოიცვა. მან ტანსაცმელი შემოიხსია და მოთქმით

შეკლადდა: „ვაი მე, ასული ჩემო, შენ დამთრგუნე მე და შენ შთააგდე განსაცდელსა, რამეთუ აღვუტყვი უფალსა და არა ძალშიმს უკუქცევა“. გოგონამ იცოდა, რომ იაკევისთვის მიცემული აღთქმის ღალატი არ შეიძლებოდა. ოღონდ მამას სთხოვა — მეგობრებთან ერთად გაეშვა ორი თვით მთაში თავისი ხვედრის დასატირებლად. მამამ თხოვნა შეუსრულა. გოგონა რომ დაბრუნდა, იეფთაემ ფიცი აღასრულა — გოგონამ იაკევის შესწირა თავისი სიცოცხლე. ამის შემყურე ხალხი კი საზარლად გოდებდა. იმ დროიდან გალაადში დამკვიდრდა ერთი უცნაური აღათი: ისრაელიტელი ქალწულები ყოველწლიურად სამგლოვიარო პროცესიას მართავენ მთაში და ოთხი დღას განმავლობაში დასტირობენ იეფთაეს ასულის მწარე ხვედრს.

გალაადელებმა იეფრემის ტომს ღალატი არ აპატიეს. ყოველ ფეხის ნაბიჯსე გამოხატავენ მათ მიმართ ზიზღსა და უპატიუცემლობას. იეფრემის ამაყი შთამომავალნი თავს იმართლებდნენ — იეფთაეს ამიხელთა წინააღმდეგ ომის მზადების ამბავი არ უცნობებია. მათი არავის სჯეროდა. განრისხებულმა იეფრემის ტომმა იეფთაესა და გალაადელებს ომი გამოუცხადა. ერთ-მშვენიერ დღეს მათ იორდანე გადალახეს და გალაადში შეიჭრნენ. თავდამსსქელებს ბედმა უმტყუნა და ისინი აქეთ-იქით დაიფანტნენ. ცბიერმა იეფთაემ მდინარე იორდანეზე ყველა ფონი დაიკავა და ლტოლვილებს დაელოდა. ისინი სათითაოდ მიდიოდნენ მდინარესთან და ირწმუნებოდნენ — ჩვენ იეფრემის მოდგმისა არა ვართ, ისრაელის სხვა ტომებს ვეკუთვნითო. გალაადელებმა იცოდნენ, რომ იეფრემის ჩამომავლები თანხმობან „შ“-ს ვერ გამოთქვამდნენ. ამიტომ ყოველ ლტოლვილს „შიბოლეთ“ სიტყვას ათქმევინებდნენ. ვინც „შიბოლეთს“ იტყოდა, მას ან ხმლით კლავდნენ, ან შუბით.

ისრაელის ტომებს შორის გამართულ სისხლისმღვრელ ომში ორმოცდარიოათის იეფრემის ჩამომავალი დაეცა. გამარჯვების შემდეგ იეფთაე გალაადელმა ექვს წელს იცოცხლა. იგი მსაჯულის მოვალეობას ასრულებდა. როცა სახელოვანი გმირი გარდაიცვალა, იგი ჯეროვანი პატივით დაასაფლავეს გალაადის ერთ-ერთ ქალაქში.

ს ა მ ს ო ნ ი. ფილისტიმელები ქანაანში ზღვის მხრიდან მოვიდნენ და დაიკავეს სანაპირო ხეობა სამხრეთით. ხუთ ქალაქს (აშლოფს, ეკრონს, ასკალონს, ღაზასა და გეტს) ხუთი ფილისტიმელი მეფე განაგებდა. ცოტა ხანი რომ გავიდა, მომსვლელებმა ვიწროდ იგრძნეს თავი და ხმელეთის სიღრმისაკენ, იუდასა და დანის ტომებისაკენ დაიძრნენ. ფილისტიმელები მკაცრი, ბრძოლებში გამოწრთობილი, რკინის საჭურველში ჩამ-

სხლარი მეომრები იყვნენ, ქანაანში კი რკინა ჯერ კიდევ ნაკლებად გავრცელებული იყო.

გასაკვირიც არაა, რომ ფილისტიმელებმა დაიმორჩილეს მეზობელი ტომები. ისრაელის ძენი იძულებულნი იყვნენ, ორმოცი წლის განმავლობაში ეთმინათ მათი უღელი.

დანის ტომის წარმომადგენელი მანოე პატარა ქალაქ ცარას მკვიდრი იყო. ცოლ-ქმარს შვილი არ ჰყავდა. ერთხელ მათ ანგელოზი გამოეცხადა და აუწყა — მალე დიდი ხნის ნანატრი ვაჟი შეგეძინებათო. სამაგიეროდ, ანგელოზმა მოითხოვა, მანოეს შვილი ნაზორეველი (ღმრთისადმი შეწირული) ყოფილიყო: აღთქმისამებრ ღვინო არ უნდა დაეღია, და სამართებელი მის თმას არ უნდა შეხებოდა.

ვაჟი, რომელსაც სამსონი დაარქვეს, უჩვეულო სისწრაფით იზრდებოდა და ძლიერთა შორის უძლიერესი გახდა. მშობლების ფიცის ერთგულმა სამსონმა აღთქმა დადო, რომ ნაზორეველი გახდებოდა. დიდად ღეთისმოსავი არ გახლდათ, მაგრამ არც ღვინოს სეამდა და არც თმებს იკრეჭდა. ბუნებამ ამ ქოჩორა ბიჭს არნახული ღონე მისცა, არც ცბიერება და ეშმაკობა დაუკლია მისთვის. სამსონის გულს საობუნად ხედებოდა ზალხის ქება-დიდება და ტაშისცემა, ამიტომ ცდილობდა თავისი ძალღონის ჩვენებას. ხანდახან სულელურ ოინებს იგონებდა და ათახგვარი ხრიკი იცოდა. სამწუსაროდ, უხეში ხუმრობა უყვარდა. ხშირად სამსონი ხარხარით კვდებოდა, როცა მისი თავხედური სისულელის მსხვერპლი თავბელს იწყევლიდა, მაგრამ მის გადაკიდებას ყველა ერიდებოდა. თუ ვინმე შეურაცხყოფდა, სამსონი ცოფებს ყრიდა და აღარავის ინდობდა. გარდა ამისა, ამ გულფიცს, ჩქარსა და ახირებულ ყმაწვილს ერთი ზნეც სჭირდა: ქალებზე გადამკვდარი იყო. ვინმე თავისნათქვამა დედაკაცს რომ გადაეყრებოდა, სულ თავს ევლებოდა, გონებას კარგავდა, თვინიერ კრავს ემსგავსებოდა ზოლმე.

სამსონმა ცოლის შერთვა მოინდომა, სამსონს ხეტიალი უყვარდა. ერთხელ იგი ქალაქ თიმნაში მოხდა; აქ მას გულში ჩაუვარდა მოხდენილი ფილისტიმელი ქალი და მისი ცოლად შერთვა განიზრახა. დაუყოვნებლივ გასწია სახლისაკენ და მშობლებს სთხოვა — სატრფოსთან მოციქულად მიმეგზავნეთო. თავზარდაცემულმა მოხუცებმა თავში ხელები წაიშინეს ისედაც გაჩნის დღეს გვაწყევლინებს და ახლა კიდევ უცხოელის წინადაუცვეთელი ფილისტიმელის ქალის შერთვა მოეპრიანაო. სამსონი თავისას არ იმლიდა, მამას ჯიუტად ეუბნებოდა: „მომგვარე იგი ცოლად, რამეთუ შევნიერ არს თვალთა შინა ჩემთა“.

მშობლებმა ვერაფერი გააწყვეს და გულისტკივილით ადახრულეს წინიანი შვილის ახირებული სურვილი. სამსონი ფილისტიმელი ქალის საქმრო გახდა და ხშირად დადიოდა სტუმრად საცოლის მახლობლებთან.

ერთხელ სამსონი უღარდელად შიბიჯებდა ვენახებშია მიწავალ ბილიკზე. მას გზა გადაუღობა მბრძღვინავეა ლომმა. ღონიერმა სამსონმა ლომი ასო-ასოდ დაგლიჯა და, თითქოს არაფერი მომხდარიყო, კვლავ მშვიდად გასწავა თიშნისაკენ. არც კი გაუმხელია ვინმესთვის, თუ რა გადახდა. შინ რომ ბრუნდებოდა, საოცარია რამ ნახა. მკვდარი ლომის ხახაში ფუტკარი დაბუღებულიყო და უკვე ბლომად დაეგროვებინა თაფლი. სამსონმა მშობლებს გოლეული მიუტანა, თუმცა არ გაუმხელია, ხად იშოვა იგი.

ბოლოს დიდი ხნის ნანატრი ქორწილის დღეც დადგა. ფილისტიმელთა წესის მიხედვით, ქორწილი შეიდ დღეს გაგრბელდა. ერთ-ერთ ნადიმზე სამსონი ოცდაათ ფილისტიმელს შეეჯიბრა გამოცანების შეთხვევა-ამოხსნაში. იგი ფილისტიმელებს წმინდა ტილოს ოცდაათ პერანგსა და ოცდაათ ხელ ტანსაცმელზე დაენადლევა, ჩემს გამოცანებს ვერ გამოიცნობთო. დანადლევენ და სამსონმა თქვა: „მჭამელისაგან გამოვიდა საჭმელი, და ძლიერისაგან გამოხდა ტკბილი“.

ფილისტიმელმა სახტად დარჩნენ. სამი დღის განმავლობაში იმტკრიეს. თავი უცნაურ გამოცანაზე და ვერაფრით ვერ მიხედნენ, რას გულისხმობდა სამსონი. სასოწარკვეთილები მიხვდნენ, რა მივიდნენ და პირდაპირ უთხრეს: „უთხარ ქმარსა შენსა, გვითხრას იგავი იგი, რათა არა დაგწვით შენ და ხახლი მამისა შენისა. ნუთუ მოგვიწოდეთ, რათა გლახაკ-გვეოთ ჩვენ?“

რა ღონე ჰქონდა უბედურ ქალს? მრისხანე მუქარით დაშინებული პატარძალი იძულებული იყო, ეთვალთმაქცა, რომ მშობლების ქონება გადაერჩინა. მივიდა ქმართან და თვალცრემლიანმა შესწივლა: „მომიძულე და არა გიყვარ მე. იგავი უთხარ ძეთა ერისა ჩემისათა, ხოლო მე არა მითხარ იგი“.

სამსონი ვოველნაირად ცდილობდა პასუხის თავიდან აცილებას; უნდოდა ყველაფერი ხუმრობაში გაეტარებინა და სიტყვაბანზე აეგდო. მაგრამ ქალი ტიროდა, ეფერებოდა და ეკეკლუცებოდა; ვიდრე გული არ მოუღებო და საიდუმლოც არ გამოსტყუა.

მორე დღეს სამსონი და ოცდაათი ფილისტიმელი კვლავ შეხვდნენ ერთმანეთს ნადიმზე. ფილისტიმელებმა ქვეშ-ქვეშად წაიცივნეს და მოახსენეს: შენი გამოცანა მკვდარი ლომი და მის ხახაში ნაკოვნი გოლეულიაო. სამსონი უბალ მიხვდა, რომ გააბრიყვეს, იხტიბარი არ გაიტყეს და ფილისტიმელებს მშვიდად უთხრა: თქვენ რომ უღელში ჩემი ძროხა არ შეგებათ, გამოცა-

ნას ვერ გამოიცნობდითო. ყველაფერზე მწარე მაინც ნაძღვევის გადახდა იყო. ოცდაათი პერანგი და ოცდაათი ხელი ტანსაცმელი იოლი საქმე როდი გახლდათ, სამსონის მშობლები ღარიბად ცხოვრობდნენ; ასე რომ მათი დახმარების იმედი არ ჰქონდა. სამსონი ფიქრობდა, როგორ დაეღწია თავი გასაჭირიდან და ბოლოს ადვილი და ხელსაყრელი გზა გამოიხატა.

დილაადრიან ასკალოს წავიდა, მოკლა ოცდაათი ფილისტიმელი, ყველა მოკლულს სათითაოდ გახადა პერანგი და ტანსაცმელი. ვალი გადაუხადა ვერაგ თანამოსუფრეებს და შინ ისე გამობრუნდა, რომ მუხანათი ცოლისთვის ზედაც არ შეუხვდავს.

ცოტა ხანი რომ გავიდა, განრისხებულმა სამსონმა გული მოიბრუნა და მეუღლე მოენატრა. თავი დააჯერა — მას ბოროტი განზრახვით არ მოვეუტყუებივარ, ძალა დაატანეს და ისიც მშობლების სიყვარულმა აცდუნაო. მაშ რატომ უნდა დავსაჯო იგი უმწეობისა და უნებური ღალატისთვისო.

სამსონი მაშინვე თიმნისკენ გაეშურა და შერიგების ნიშნად თან თიკანი წაიყვანა. მაგრამ აქ მას ისეთი შეურაცხყოფა მიაყენეს, რომელსაც სულ არ ელოდა. მოუთმენელმა სამსონმა თავი ვერ შეიკავა და პირდაპირ მიაღდა ცოლის საძინებელ ოთახს, მაგრამ... ოი, საშინელება! მას გზა გადაუღობა სიმაძრემა და აუწყა: ჩემი ასული სხვას მივათხოვე, მეგონა, რომ შენ სამუდამოდ მიატოვეო. სიმაძრემა მაინც კეთილკაცობა გამოიჩინა და სამსონს შესთავაზა უმცროსი ასული, რომელიც უფროსზე ღამაზი იყო. სამსონი საშინლად განრისხდა, მას უმცროსის სახელის გაგონებაც კი არ უნდოდა. მისთვის ნათელი იყო, რომ უკანასკნელ ვიგინდარასავით მოექცნენ, მოატყუეს და აი, დამცირებული და შეურაცხყოფილი ღვას საყვარელი მეუღლის საწოლი ოთახის კართან. გააცურეს და მერე ვინ? უძლიერესი უძლიერესთა შორის, ვისაც ქება-დიდებას ასხამდა ყველა — თავისიანიც და უცხოც. სადღა გამოყოფს თავს ასეთი შერცხვენილი და შეურაცხყოფილი? სისხლის ფასად რომ დაუჯდეს, ჩირქი უნდა ჩამოირეცხოს. ეშმაკობითა და ძალით იძიებს შურს დამცირებისათვის. გულში ავი ჩაიდო, მოიღუშა და ფილისტიმელს დაემუქრა: „ამიერიეთგან უბრალო ვარ წინაშე ფილისტიმელთა, ოღეს ბოროტი ვუყო მათ“.

ასე დაიწყო ომი მარტოხელა სამსონსა და ფილისტიმელებს შორის. სახლში გამოჩნდა ვერ გაბედა. მგელივით დაძრწოდა თიმნის მიდამოებში და საქულველ ქალაქზე შურის საძიებლად ემზადებოდა. ბოლოს შემზარავი და ორიგინალური იდეა გაუჩნდა. მახით დაიჭირა სამასი მელა, ორ-ორი კუდებით გადააბა ერთმანეთს, კუდებს შუა ანთებული ჩირაღდნები მიუბა და დამფრთხალი მელეები ქალაქისაკენ გარეკა. გახელებული მხეცები მირბოდნენ და გზადაგზა ყანებს, ვენახებსა და ზეთისხილის ბა-

ღებს ცეცხლს უკიდებდნენ. ფილისტიმელთა მთელი ქონება ფერფლად იქცა. სასოწარკვეთილებაში ჩაცვივნილმა თიძნელებმა სამსონს ნაცოლარი და სიმაძრი მოუკლეს. იმან უმაღლვე გაიგო ეს ამბავი და დაიფიცა, რომ საშინლად იძიებდა შურს. ფიცი შეასრულა კიდეც. მოულოდნელად აისვეტებოდა ხოლმე შარავნაზე მგზავრის წინ, ხოცავდა ყველას, ვისაც შეეჩებოდა და ისეთ შიშის ზარს სცემდა მცხოვრებლებს, რომ თიძნიდან ცხვირის გამოყოფასაც ვედარავინ ბედავდა. მალე შიმშილობა დაიწყო. ქალაქში ცხოვრება ჩაკედა. ყველა შიშმა მოიცვა. ერთი ვაჟკაცის წყალობით თიძნა ისეთ მდგომარეობაში აღმოჩნდა, თითქოს უზარმაზარ არმიას შემოერთყვას მისთვის ალყა. ფილისტიმელებმა გადაწყვიტეს, ზოლო მოელოთ სამსონის ტერორისათვის. მათი ჯარები იუდეის ქვეყანას შეესივნენ და შიითხოვეს — თუ სამსონს არ ვასცემთ, ქვეყანას ავაოხრებთო.

ლაჩარმა იუდეველებმა მყისვე გაგზავნეს სამი ათასი მებრძოლი ეტამის კლდოვან ხეობაში, რომლის ერთ-ერთ გამოქვაბულშიც იმალებოდა სამსონი. იუდეველთა მხედართმთავარმა მასთან მოლაპარაკება დაიწყო და თან გულისწყრომით უსაყვედურა: „ნუთუ არა იცი, რაშეათ უფლებენ ფილისტიმელნი ჩვენ ზულა? ესე რა გვიქმენ?“ „ვითარცა მიყვეს მე, ესრეთ ვუყავ მათ“, — პირქუშად მიუგო სამსონმა და მაშინვე დაუმატა: „მეფიცვებით, რათა არა მომკლათ“. იუდეველებმა აღუთქვეს, არ მოკვლავთო. სამსონი დაჰყვა მათ ნებას და თავი გაათოკინა. ფილისტიმელები ლანძღვითა და დაცინვით შეხედნენ ტყვეს. სამსონმა ლანძღვა-გინებას ყურიც არ ათხოვა, მაგრამ როცა ზოგმა ყველაზე თავხედმა ფილისტიმელმა ჩქმეტა და მუშტების ცემა დაუწყო, მაშინ კი სისხლი ყელში მოაწვა. სამსონმა ღონე მოიკრიბა, საბელი ერთი ხელის მოქნევით მატყლის ნართივით გაწყვიტა, ხელი დასტაცა იქვე დაედებულ ვირის ყბას და გაშმაგებული დაერიო მტანჯველებს. ეშმაკეულივით აბორგებულმა ვირის ყბა დაატრიალა და ყველა, ვიზეც კი ხელი მიუწვდა, თავგაპაოხილი მიაწვინა მიწაზე.

ფილისტიმელები შიშმა აიტანა. მოთქმა-გოდებით გარბოდნენ ზარდაცემულები. ამასობაში სამსონმა აურზაურში ათასი კაცი დახოცა. უსაზღვროდ კმაყოფილი დაბრუნდა თავის გამოქვაბულში, თან ნაბიჯების რიტმზე მსიარულად მილილინებდა: „მეკლითა ვირისათა შევმუსრე ერი, ძვალთა ვირისათა მოუსრენ კაცი ათასი“.

სამსონი დიდხანს არ დარჩენილა მთებში, რადგან მადლიერმა თანამემამულეებმა იგი მსაჯულად აირჩიეს.

ოც წელს მართავდა მათ სამსონი. მისი სახელი შიშის ზარს სცემდა ფილისტიმელებს, რომლებმაც ჭკუა ისწავლეს და სამსონის აუგად ხსენებასაც ვედარ ბედავდნენ.

სამსონის თავგადასავალი ღაზაში. სამსონს აინუნშიაც არავინ მოსდიოდა ფილისტიმელთაგან და მათ ქალაქებში მხლებლის გარეშე დადიოდა. მიაბიჯებდა ქუჩებში, დინჯად ავლებდა თვალს გასასაციად გამოფენილ საქონელს, ქალაქის ბრბოს კი, რომელიც მოკრძალებით უთმობდა გზას, ზედაც არ უეურებდა. ხანდახან აღებმციემობით განთქმულ ხალხპრავალ ღაზაშიც შეივლიდა ზოლმე. ერთხელ აქ შეხვდა ლამაზ მებავეს. ქალი თვალში მოუვიდა, ამიტომ სტუმრადაც ეწვია. ფილისტიმელებმა მაშინვე გაიგეს, რომ სამსონი ღაზაში ლამის გათეკას აპირებდა. სიხარულით ცას ეწივნენ — როგორც იქნა ხაფანგში გავაბითო. ხალამოჟამს ქალაქის ჭიშკარი ჩაკეტეს და მცველები დაუყენეს. მათ ნაბრძანები ჰქონდათ, გათენებისას მოულოდნელად დასსმოდნენ სამსონს და მოეკლათ. სამსონს გულმა ავი უგრძნო და შუალამისას გაიპარა მებავის სახლიდან. მცველებს არხეინად ეძინათ. ასე აღრე არ ელოდნენ მტერს. სამსონმა დახოცა მცველები, ქალაქის მძიმე კარი ჩამოხსნა, გაიღო მხარზე, ქებრონისაკენ მიმავალ გზას გაჰყვა და ქალაქის კარი მთის მწვერვალზე აიტანა. ამ გმირობამ, რომელმაც დაადასტურა არა მარტო გასაოცარი ძალა სამსონისა, არამედ მისი უჩვეულო ცბიერებაც, მის დიდებას კიდევ უფრო შეჰმატა სხივი, ფილისტიმელები კი მეზობელი ხალხებისაგან აბუჩად ასაგდები გახადა.

სამსონი და დალილა. ქალების მუსუსი სამსონი ახლა სხვა ფილისტიმელი ქალის მახეში გაება. ეს იყო დალილა, რომელიც სორეკის ხეობაში ცხოვრობდა. ცბიერი და ვერაგი ქალი მისი სიყვარულის ღირსი არ იყო. დალილას ფილისტიმელთა მოთავენი ეახლნენ. ასე უთხრეს: „აცთუნე სამსონ და ახილე; თუ საითგან არს ძალი მისი დიდი, რათა შეეძლოთ და შევიპყრათ იგი, შეეკრათ და დავაძაბლოთ იგი. და მოგცეთ შენ კაცად-კაცადმან ათას და ახ შეკელი ვეცხლისა“. ფულის მოყვარულ ხარბ ქალს თვალები გაუბრწყინდა, ამოდენა ფული რომ შეაძლიეს.

დალილამ შემდეგ ნახვაზევე იხელთა დრო, საყვარელს მოეფერა და მიაძიტად სთხოვა, აეხსნა თავისი გოლიათური ძაღლის საიდუმლოება. სამსონს მწარედ ახსოვდა ქალის ვერაგობა, ამიტომ თავის მიჯნურებთან ძალზე ფრთხილად იყო და ენას კბილს აჭერდა. ახლაც იფიქრა, ცნობისმოყვარე ქალს რინს ვუზამო და ვითომ დიდი საიდუმლოება გაანდო — საკმარისია, შეიღი ნედლი ძარღვით შემკრან და ძალას მაშინვე დაეკარგავო.

მუხანათი ქალი მოუთმენლად ელოდა დაღამებას განზრახვის

აღსასრულებლად. სამსონმა დაიძინა. დალილამ იგი საქონლის შვიდი ნედლი ძარღვით შებოჭა, სახლიდან გაიპარა და ფილისტიმელები მოიყვანა. საწოლ ოთახში რომ შევიდა, ვითომდა შეძინებულმა დაიყვირა: „ფილისტიმელნი მოსრულ არიან, სამსონ!“ გოლიათი თვალის უსწრაფესად წამოვარდა სარეკლიდან, დაგლიჯა ყველაფერი, რითაც იყო შებოჭილი და დამძინავი ხარხარი მიაყოლა უკან თავქედმოგლეჯით გაქცეულ შეთქმულებს. დალილა არწმუნებდა, რომ მასაც ეძინა და თავის უღანაშაულობას უმტკიცებდა: აკი დროზე გაგაფრთხილო. სამსონმა თავი მოისულელა და ვითომ ყველაფერი დაიჯერა. გაიძვერა ქალი კვლავ ჩააცვიდა — შენი ძლიერების საიდუმლოება გამანდეო. სამსონმა იფიქრა, ამას თამამას ვაჩვენებ და მეც გავერთობიო. იგი ვითომცდა ქალის ნებას დაჰყვებოდა ხოლმე, უცბად რაღაცას მოუჩამახავდა, საიდუმლოდ გაანდობდა და მშვიდად იძინებდა დაღაილას მკლავზე თავადებული. ასე მაგალითად, ერთხელ უთხრა — ძალას მაშინ დაგვარგავ, თუ ახალი, უხმარი საბლით შემკრავენო. მეორედ გამოუტყდა — იოლად რომ დაბეძლიონ, თმა შეიდად უნდა დამიწნან, საქსოვი დაზვის ქსელში ჩაატანონ და იატაკზე დააჭედონო. დალილამ ყველაფერი სცადა და ყოველ ცდაზე კოვზი ნაცარში უვარდებოდა. ფილისტიმელები კი გასწრებაზე გარბოდნენ თავის გადასარჩენად. სამსონი სიცილით კვდებოდა, მაგრამ ამნაირი თავის შექცევა დიდხანს ედარ გასტანდა. გაიძვერა დალილა გაიბეჭა, ვნება-აშლილი საყვარელი ახლოს აღარ გაიკარა, სამდურავითა და ჭირვეულობით სიცოცხლე მოუშხამა. ბოლოს და ბოლოს შეწუხებული სამსონი გამოუტყდა დალილას: „არა აღსრულ არს საპარსველი თავსა ჩემსა, რამეთუ ნაზორეველ ვარ დედის შუცლით ჩემით. და თუ შემკეცო თმა ჩემი, განვიდეს ჩემგან ძალი ჩემი და დაუძღურდე, და ვიქმნე ვითარცა ერთი კაცთაგანი“.

დალილამ საჩქაროდ კაცი აფრინა თავისიანებთან — მოდიოდა და დაპირებულიც მოიტანეთო. სანამ ფილისტიმელები მოვიდოდნენ, დალილამ თავის კალთაში დააძინა სამსონი და დალაქს უბრძანა, შვიდი ნაწნავი შეაჭერიო. მერე სამსონი გააღვიძა, ზიზღით ჰკრა ხელი და სახლიდან გააგდო. ამ დროს ფილისტიმელებიც მოვიდნენ. სამსონი მტერს ეკვეთა, მან არ იცოდა, რომ ნაზორეველის აღთქმის დარღვევისათვის — თმის შეჭრისათვის — იაკვემ ძალა წაართვა. ცოტა ხნის ბრძოლის შემდეგ ფილისტიმელებმა სამსონს სძლიეს, შებორკეს, თვალები დათხარეს და ზარ-ზეიმით მიიყვანეს ღაზაში.

უძღური და თვალებდავსებული ტყვე ჯერ გამოიყვანეს, რომ ყველას ენახა და შეურაცხვეო იგი, შემდეგ ბნელ ჯურღმულში ჩააგდეს. აქ იგი, რეალის ჯაჭვით შებორკილი, წისქვილის ქვებს აბრუნებდა.

სამსონის გმირული სიკვდილი. ფილისტიმელებმა მონდომეს დაუძინებელ მტერზე მოპოვებული გამარჯვება ეხიმათ. ამისათვის გადაწყვიტეს მსხვერპლის შეწირვა და თავისი ღმერთის დაგონის ტაძარში ნადიმის გადახდა. ამ მაღალი, მსხვილ სვეტებზე დაყრდნობილი შენობის ფართო შიდა ეზოს პირველ სართულზე ისევ სვეტები ზღუდავდა, მეორეზე კი კამაროვანი სტოა. შრაველმა სტუმარმა მოიყარა თავი ტაძარში. ყველანი მხიარულობდნენ და ლალობდნენ. ფილისტიმელებს ზეიმი და ნადიმი თავდავიწყებით უყვარდათ. ისინი მარტო ღვინოს კი არ სვამდნენ, ლუღსაც კარგად ატანდნენ გემოს.

ღრეობა გაგრძელდა. ხმაურმა იმატა. მონები განქარებულნი მიმოდრიოდნენ, რომ სტუმართა სასმისები ზედიზედ აევსოთ. შესარხოშებულმა სტუმრებმა მოითხოვეს, სამსონმა მუსიკით გაგვართოსო. იგი დილეგიდან ამოიყვანეს და ხელში შვიდსიმიანი ქნარი შეაჩეხეს. თავს დატეხილ უბედურებათაგან დამცირებული ბრმა გოლიათი ტაძრის ორ სვეტს შუა იდგა და მორჩილად უკრავდა იმ მელოდიას, ოდესღაც დედა რომ უმღეროდა. ღვინოში ჩამხრჩვალმა მოქეიფეებმა მუსიკას ყურიც არ ათხოვეს. მათ სამსონი მხოლოდ იმიტომ მოიყვანეს, რომ მისი შეურაცხყოფით დამტკბარიყვნენ და განცდილი შიშისა და განაწყენებისათვის სამაგიერო მიეზღოთ.

თვალებდათხრილი სამსონი, რომელსაც მკვდრის ფერი ელო, მოთმინებით იტანდა აბუჩად აგდებასა და შეურაცხყოფას. ყველას ეგონა, რომ იგი უძლური და სულით დაცემული იყო. არავინ იცოდა, რას განიცდიდა იგი ამ წუთში. ისიც ვერავინ შეამჩნია, რომ სამსონს კვლავ წამოზრდოდა თმა, ის თმა, რომელიც მას ძალას ანიჭებდა. ტყვეს ტურები ოდნავ უთრთოდა, სამსონი ვედრებით ჩურჩულებდა: „უფალო ღმერთო ძალთაო! მომიხსენე მე და განმაძლიერე ერთ გზის ოდენ. და ვიძიო შური და მივაგო ფილისტიმელთა შურისგება ერთი ორისა თვალისა წილ“. მან თანმხლებ ყრმას მიმართა: „მიმიყვანე მე, რათა შევეხო სვეტთა, რომელთა ზედა დამკვიდრებულ არს სახლი ესე, და უკუეყრდნო მათ“. ყრმამ თხოვნა შეუსრულა. სამსონმა ორ სვეტს ხელები შემოაჭდო და ხმამაღლა წამოიძახა: „მოკვედ, სულო ჩემო, ფილისტიმელთა თანა!“ დაგონის ტაძარში სიჩუმე გაშეფდა. ყველა ფეხზე წამოიჭრა. ბრმას შეძრწუნებულები შეაცქერდნენ. იმავე წამში სამსონმა ძალ-ღონე მოიკრიბა, სვეტებს მოზიდა: ტაძარი საზარელი ხმაურით ჩამოინგრა. ნანგრევებმა ქვეშ მოიყოლა გოლიათი სამსონი და მასთან სამი ათასი ფილისტიმელი, რომელიც ტაძარში ღრეობდა.

იუდეველებმა გამოისყიდეს ცხედარი გმირისა, რომელმაც დამცირებასა და მონობაში სიცოცხლეს სიკვდილი ამჯობინა.

სამსონი მამამისის, მანოეს, აკლდამაში დაკრძალეს და იმ დღი-
დან მისი ცხოვრების ამბებს სიამაყის გრძნობით ივონებდნენ
ხოლმე.

**როგორ მოიპარეს იაქვეს კერპი დანის ტომის
წარმოადგენლებმა.** ეფრემის მთაზე ცხოვრობდა ქერივი
დედაკაცი, რომელსაც ათას ასი შეკელი ვერცხლი ჰქონდა გა-
დანახული. ერთ დღეს ქერივმა თავისი ზარდახშა ცარიელი ნა-
ხა. ქურდს მთელი ვერცხლი მოეპარა. აღშფოთებულმა და უსა-
სობაში ჩავარდნილმა ქალმა არამზადა დაწყევლა; იაქვეს შე-
ვევდრა, ქურდი სიკვდილით დაესაჯა. ქერივის ძე მიქია შეძრ-
წუნდა, გამოტყდა და ნაქურდალი ვერცხლი დააბრუნა. დედამ
უკან წაიღო წყევლა და შვილს დანაშაული აპატია. ქერივმა ორა-
სი შეკელი გადათვალა, ოქრომჭედელს იაქვეს კერპი ჩამოასხ-
მევირა და შვილს გადასცა, რაკი მან ცოდვა მოინანიო. მიქიამ
საკუთარ სახლში იაქვეს ტაძარი გაუმართა, მღვდლად თავისი
ვაჟი დანიშნა. ასეთი რამ ისუ ნავეს აკრძალული ჰქონდა. მიქიას
მისი ბრძანება არაფრად ჩაუგდია. მაგრამ იმედიც არ გაუმართ-
ლდა — ტაძარი შემოსავალს არ იძლეოდა. ადგილობრივი მო-
სახლეობა არ ცნობდა მღვდელს, რადგან იგი ლევიტელსაა ტომს
არ ეკუთვნოდა.

ერთხელ მიქიას სახლს ვინმე მოხეტიალე ლევიტელი მოადგა
და თავშესაფარი ითხოვა. იგი წარმოშობით იუდეველთა ბეთ-
ლემიდან იყო. სამუშაოს ძიებაში დაეხეტებოდა კარდაკარ. მი-
ქიამ შესთავაზა მღვდლობა თავის ტაძარში. გასამრჯელოდ დაჰ-
პირდა საჭმელ-სასმელს, წელიწადში ათ შეკელ ვერცხლსა და
სამოსელს.

ამ დროს ქანაანის სამხრეთით მცხოვრები დანის ტომი დიდ
გასაჭირს განიცდიდა. მათ მეზობლად სახლობდნენ ფილისტი-
მელები, რომლებიც სულ უფრო კადნიერად და აშკარად ემზა-
დებოდნენ თავდასხმისათვის. დანელებმა თავის გადასარჩენად
ბოლოს და ბოლოს ქანაანის სხვა ნაწილში დასახლება განიზ-
რახეს. ამ მიზნით მათ ხუთი კაცი გაგზავნეს ჩრდილოეთში და
დაავალეს დასახლებლად ასალი მიწების გამოჩაგვა. გზად მი-
მავალმა ელჩებმა მიქიასთან შეიარეს, გაოცებით დააივლიე-
რეს დეთვის სახლი და მღვდელს ყველაფერი წვრილად გამოჰკი-
თხეს. ნახული და გაგონილი ძალიან მოეწონათ. საკუთარი რე-
ლიგიური ცენტრის ქონა მოხერხებულად და ხელსაყრელად
ეჩვენათ. მაშინ ზომ დამოკიდებულნი არ იქნებიან მორევულ სე-
ლომზე. მაგრამ სამხრეთელთა მოციქულებმა არაფერს გაუმხი-
ლეს, თუ რა ჰქონდათ უზურში და გზა განაგრძეს. ასინი მხო-
ლოდ ქანაანის ჩრდილოეთით მდებარე ქალაქ ლაიშში შეჩერ-

დნენ. აქ მიწამ უხვი მოსავალი იცოდა. მოსახლეობაც დიდად ბრძოლებში გამოცდილი არ ჩანდა.

მალე დანის ტომის ექვსასი მეომარი ცოლ-შვილითა და ქონებით დაიძრა ლაიშის დასაპყრობად. გზად მიმავალნი ეფრემის მთაზე შეჩერდნენ და შეღამებისთანავე მიქიას ტაძარში შეიპარნენ. მათ უნდოდათ მოეპარათ იაქვეს კერპი და მღვდელთმსახურებისათვის საჭირო სხვა ნივთები. ლევიტელს, რომელმაც დანაშაულის ადგილზე შეისწრო ისინი, წამსვე გულმა უახრა, რომ წინ უკეთესი ცხოვრების პერსპექტივები ეშლებოდა: შეკრა თავისი ბარგი, აიკიდა და დანელებთან ერთად გაუღვა გზას.

დილით მიქიამ გაიგო ღამის ამბავი, სახლეულები შეკრიბა და გამტაცებლებს დაედევნა. ქურდები შორიდან შენიშნა და შესძახა — ახლავე შეჩერდითო, მაგრამ მალე დარწმუნდა, რომ ისინი თავზეხელალებული ყაჩაღები იყვნენ და რომ მათთან შებმა არ ღირდა. ამიტომ დინჯად აქცია მათ. ზურგი და შინისაკენ გამობრუნდა.

დანელებმა იოლად დაიპყრეს და დაანგრიეს ლაიში, დედაწულიანად ამოულიტეს მცხოვრებლები, ნანგრევებზე კი თავისი დედაქალაქი დანი ააშენეს. აქაურმა ტაძარმა, რომელშიც იაქვეს ვერცხლის კერპი ინახებოდა, მთელს ქანაანში გაითქვა სახელი, თუმცაღა სელომელი მღვდლები გამოდნენ მას და მის არსებობას უკანონოდ მიიჩნევდნენ. მაგრამ იმ ხანებში არსად იყო ისუ ნავეს მსგავსი ბელადი, რომელიც შეძლებდა დაქუცმაცებული ისრაელის ერის ხელახლა გაერთიანებას.

ბენიამენის ტომის დანაშაული. ეფრემის მთის ძირში ერთი ლევიტელი ცხოვრობდა. მას ცოლად ჰყავდა ბეთლემელი დედაკაცი. ცოლ-ქმარი ვერ შეეთვისნენ ერთმანეთს: ბოლოს და ბოლოს ცოლს მობეზრდა გაუთავებელი ჩხუბი, ქმრის სახლ-კარი მიატოვა და მამისეულ სახლში დაბრუნდა.

გავიდა ოთხი წელი ლევიტელი მარტობამ გააბეზრა და ცოლთან შერიგება გადაწყვიტა. ორ ვერს აჰკიდა საგზალი, პურ-ღვინო და მსახურის თანხლებით გზას გაუღვა.

გახარებული სიმამრი ჭერში ქუდის კვრით დაუხვდა სიძეს და რამდენიმე დღე ჩიტის რძე არ დაუქვია მისთვის. ცოლმაც კი ირწმუნა ქმრის სინანული. შერიგებულ ცოლ-ქმარს ერთი სული ჰქონდა, სანამ დაუბრუნდებოდნენ საკუთარ კერას ეფრემის მთის ძირში.

გზაზე მათ იერუსალიმის გალავანთან შემოადამდათ და მსახურმა ცოლ-ქმარს ქალაქში ღამის გათევა ურჩია. მაგრამ აქ იებოსელები ცხოვრობდნენ, ამიტომ ლევიტელმა მსახურს მიუ-

გოი „არა შევიდეთ ქალაქსა უცხოსა, ხადა არავინ არს მეთაგან ისრაელისათა, წარვიდეთ გაბას“.

ხალხმრავალი ქალაქი გაბა ბენიამენელთა მიწა-წყალზე მდებარეობდა. მოგზაურებს ღამის გასათევი ადგილი არ ჰქონდათ და ქუჩაში ჩამოსხდნენ, მაგრამ გამკვლელ-გამომკვლელი ვერც ამჩნევდნენ ტვირთაკიდებულ გადაძთიელებს და თავს მოვალედ არ თვლიდნენ, მათთვის მასპინძლობა გაეწიათ. იმავე ქუჩას მიჰყვებოდა ერთი მოსუცი, რომელიც მინდვრიდან ბრუნდებოდა. მთელი დღის მუშაობისაგან დაღლილი, წლებისაგან წელში მოზრილი კაცი შეჩერდა და მგზავრები ღამის გასათევად მიიპატიჟა. მოსუცი ბენიამენის ტომისა არ იყო, იგი ეფრაემის ჩამომავლებს ეკუთვნოდა, მაგრამ გაბაში ცხოვრობდა და მიწის ნაკვეთსაც ფლობდა.

მან ხტუმრები შინ შეიყვანა. ვირებს ბზე დაუყარა და მგზავრები ვახშამზე მიიწვია. ამ დროს სახლს ქალაქელ გარეწართა ბრბო მოადგა. მომხველეები კარზე მუშტებს უბრასუნებდნენ და მასპინძელს უცხოელების გამოყვანა მოსთხოვეს. „მოგვეც კაცი ეგე, რათა ვცნათ იგი“, — ბობოქრობდნენ ისინი. მასპინძელი ქუჩაში გავიდა და აღვირა ხსნილ არამზადებს. შეევედრა: „არა, ძმანო, ბოროტსა ნუ იქმთ, შემოვიდა კაცი ეგე სახლსა ჩემსა, ნუ იქმთ უგუნურებას. აჰა, ასული ჩემი ქალწული, და ხარკი კაცისა მის; მსწრაფლ გამოვიყვანე ორნივე; დაამადლნეთ ისინი და ჰქმენით რაცა გსურთ, ხოლო კაცსა ამას ნუ უყოფთ საქმესა უგუნურებისასა“.

ბოლოს და ბოლოს ბრბომ ხელთ იგდო ლევიტელის ცოლი და მთელი ღამით მოიტაცა. დილით განაწამებმა ქალმა მოსუცის სახლამდე კი მიადწია და ზედ კართან დალია სული. ლევიტელმა ცოლის ცხედარი ვირს აჰკიდა და სასწრაფოდ დატოვა ქალაქი. შინ რომ მივიდა, ტანჯული ცოლის სხეული თორმეტ ნაწილად დაჭრა და ისრაელის ვველა ტომს დაუგზავნა გაბას მკვიდრთა საშინელი დანაშაულის ნიშნად.

ლევიტელის საჩივრის განსახილველად ებრაელები მიხფას შეიკრიბნენ. გაბას გაგზავნილი ელჩები მოითხოვდნენ, რომ ბოროტმოქმედი მათთვის გადაეცათ, მაგრამ ბენიამენის ჩამომავლებმა მოციქულებს ცივი უარი სტკიცეს. დაიწყო ომი — ისრაელიტელთა ერთიანი დაშქარი მიადგა გაბას გალაგანს, ხადაც თავმოყრილნი იყვნენ ამბოხებულნი.

ომი ხანგრძლივი გამოდგა. მოწინააღმდეგეებმა სისხლის ტბა დააყენეს. ებრაელები ვერაფერს გახდნენ. ორი დამსჯელი ექსპედიცია ზელმოცარული დაბრუნდა. ბრძოლის ველზე ათასობით მკვდარი დარჩა. გაიმარჯვა მხოლოდ მესამე ექსპედიციამ, ცბიერი სერხის წყალობით. ბენიამენელთა მტკიცე წინააღმდეგობისა და მძიმე დანაკლისისაგან გააფთრებულმა თავ-

დამსხმელებმა გაბას მკვიდრნი სისხლში ჩაახრჩვეს. არ დაუნდვიათ არავინ: არც კაცი, არც ქალი და არც ბავშვი. ქალაქი დაცარიელდა, სახლები გადაიწვა, საქონელი განადგურდა. ბენიამენის ტომის რაზმმა, რომელშიც ექვსასი კაცი იყო, რიძონის კლდეს შეაფარა თავი. რაზმი თავგანწირვით იბრძოდა ოთხ თვეს და ბოლოს პატიებაც მიიღო.

ლაშქრობის წინ ისრაელიტელებს ფიცი დაედოთ, რომ თავისი ტომის ქალწულებს არასდროს მიათხოვებდნენ დამნაშავეებს. ახლა კი, როცა ბენიამენის ტომის ქალები და ბავშვები ერთიანად ამოჟლიტეს, ფიცის აღსრულება ისრაელის თორმეტი ტომიდან ერთ-ერთის გარდაუვალ დაღუპვას მოასწავებდა, რადგან ცოცხლად დარჩენილ ექვსას კაცს დაცოლშილებას უკრძალავდა. ისრაელის ტომების უხუცესნი სელომას ტაძარში შეიკრიბნენ. ისინი ხმამაღლა გოდებდნენ და მოთქვამდნენ: „უფალო, ღმერთო ისრაელისაო, რად იქმნა ესე ისრაელს შინა, რად აღიზოცა დღეს ისრაელს შორის ტომი ერთი?“

ბოლოს გამოსავალი იპოვეს ისე, რომ არც მწვადი დაწვეს და არც შამფური. თურმე გალაადის ქალაქ იაბისს ომში მონაწილეობა არ მიუღია და გადაწყვიტეს, განდგომისათვის იგი სამაგალითოდ დაესაჯათ. თორმეტი ათასი მეომარი გაემართა იაბისისაკენ. მათ ამოწყვიტეს ქალაქის მკვიდრთაგან ყველა მამაკაცი და ქალი, რომელსაც მამაკაცი ეცნა. სიცოცხლე შეუნარჩუნეს ქალწულებს, რათა ბენიამენის ტომისათვის რძლებად მიეგვარათ. მაგრამ დამპყრობლებს მხოლოდ ოთხასი ქალწული ერგოთ ნადავლად. ბენიამენის ტომის ჩამომავალთაგან ორასი კაცი მაინც უცოლოდ რჩებოდა. უხუცესები აქაც იოლად გავიდნენ ფონს. დარჩენილები დაარიგეს, უთხრეს დამალულიყვნენ გენახში ქალაქ სელომის კარიბჭის მახლობლად, სადაც სწორედ ამ დროს დიდი ტაძრობა იყო. ძველი წესისამებრ, სელომელი ახალგაზრდა ქალები მინდორში გამოდიოდნენ და იაჰვეს პატივსაცემად ფერხულს მართავდნენ. როცა სელომელ ქალებს ციკვასიძღერამ გულისყური წაართვა, ბენიამენის ტომის ვაჟები საფარიდან გამოცვივდნენ და ყველაზე ლამაზი ქალები დაიტაცეს. შემდეგ მშობლიურ მხარეს დაუბრუნდნენ და ახალ ცხოვრებას შეუდგნენ. აოხრებელი სოფლები თუ ქალაქები სელახლა გააშენეს. აი, როგორ გადაურჩა დაღუპვას ბენიამენის შთამომავალთა ტომი.

სათნო და ერთგული რუთი. მსაჯულთა ზეობის ეპოქაში, ერთხელ ქანაანს შიმშილობა დაატყდა თავს. ბეთლემელმა ელიმელექმა, მისმა ცოლმა ნოომინმა და ორმა ძემ მაალონმა და ქელონმა დახვიეს ხელი თავის აკლადიდებას, იორ-

დანუხე გადავიდნენ და მოაბში დამკვიდრდნენ. ვაჟები ოჯახს მოეყიდნენ, მოაბელი ქალები ურფა და რუთი მოიყვანეს. მაგრამ ელიმელექის ოჯახს მალე გამოეცალა საძირკველი: მამაკაცებს დაიხოცნენ და სამი ქერივი ქალი ულუქმაპუროდ დარჩა.

ნოომინს მოენატრა ბეთლემი, რაკი იქ იყო დაბადებული და ყმაწვილქალობაც იქ გავტარებინა. ჩამოსულთაგან შეიტყო, რომ ბეთლემში ცხოვრებას უკეთესი პირი დასტყობოდა. ნოომინმა სამშობლოში დაბრუნება მოინდომა. ორივე რძალიც თან წაჰყვა. გზაში მოხუცი ქალი ნოომინი საგონებელში ჩავარდა: რა დარჩენიათ ახალგაზრდა ქერივებს უცხო მხარეში, ვინ იცის, რა ბედი ელის მათ ბეთლემში. სჯობს, მოაბში დაბრუნდნენ, იქნებ იქ შეძლონ ხელახლა გათხოვებაო. ქალებს გული აუჩუქდათ, წამოიტირეს და გულკეთილი დედამთილი გადააკონეს.

ნოომინის რჩევა—მოაბს დაბრუნება—მხოლოდ ურფას დაუჯდა ჭკუაში. ცრემლმორეულმა რუთმა კი მიუგო: „ნუ მეტყევი, რათა დაგიტყუო და უკუმივიქციე. სადაცა მიხვიდე, მივიდე მეცა მუნ და სადაცა დამკვიდრო, მეცა დავემკვიდრო. რამეთუ შერი შენი ერი ჩემი და ღმერთი შენი ღმერთი ჩემი არს; და სადაცა მოჰკედე შენ, მეცა მუნ მოვკედე და დავიმარხო. ასე და ასე მიყავი მე უფალმან, და უმეტესი მიყავს, სიკვდილმან ხოლო დაღვივების ზღვარი შორის შენსა და ჩემსა“.

ნოომინმა და რუთმა ბეთლემს მაშინ მიადწიეს, როცა ქალაქის გარეუბნებში ქრთილს მკიდნენ. უქონელ და უპოვარ ქალებს, დღიური ლუკმის სახსარიც არ გააჩნდათ. რუთმა მოგზაურთა და ღარიბთა ძველი პრივილეგიით ისარგებლა და ყანაში მომკვლთა მიერ დატოვებულ თავთავებს ჰკრეფდა. განთიადიდან მწუხრის ჟამამდე წელში მოხრილი ფეხდაფეხ მიჰყვებოდა მომკვლთა, რომ ერთი თავთავიც არ გამორჩენოდა. საღამოობით კი დედამთილთან ბრუნდებოდა და შეგროვილი მარცვლისაგან უბრალო შეჭამადს ამზადებდა.

ერთხელ დილით, როცა რუთი თავთავებს კრეფდა, ბეთლემიდან ყანის პატრონი, ბოოსი მოვიდა. იგი ნოომინის განსვენებულ ქმარს ნათესავად ერგებოდა. რუთს რომ მოჰკრა თვალი, სახლეულებს ჰკითხა: „ვინ არს დედაკაცი ესე?“ მომკვლებმა ამცნეს: „მოაბელი არს და მოვიდა ნოომინის თანა მოაბით“. ბოოსი გულმონყვალე კაცი გამოდგა. უცხო ქალს, რომელსაც მუშაობაში დღე და ღამე გასწორებული ჰქონდა, თავთავის შეგროვებაზე დასტური მისცა და ისიც დასძინა—პურის ჭამაზე ჩემს მსახურებთან იყავიო. რუთის უჩუპრად ისიც უბრძანა მსახურებს, რომ ქალისთვის განზრახ დაეტოვებინათ მეტი თავთავი. „რა არს ესე, რამეთუ ეპოვე მადლი წინაშე შენსა და შემიწენარე და ვარ მე უცხო?“—ჰკითხა რუთმა. ბოოსმა მიუგო: „მითხრეს მე, რა უყავ დედამთილსა შემდგომად სიკვდილისა“.

ქმრისა შენისა: დაუტყვევ მაძა შენი და დედა შენი და ქვეყანა შენი, მოხვედ ერისა, რომელ არა იცოდე“. ამ სიტყვებით ფრთებშესსპული რუთი დედამთილთან დაბრუნდა, ექვსი საწყაო ქრთილი და მისთვის გადანახული კერძის ნახევარი მიართვა. მაშინ ნოომინმა რუთს ამცნო — ბოოსი ელიმელექის ახლო ნათესავი.

ამ ამბის შემდეგ ცოტა ხანი რომ გავიდა, ნოომინი რუთს მოეფერა, დაუყვავა და უთხრა: „ასულო ჩემო, ვეძიებ სამკვიდრებელსა შენთვის, რათა კეთილი გეყოს შენ“. ქანაანში პურის ღეწვა ღამ-ღამობით იცოდნენ. ამ დროს ქროდა ნიავი, რომელიც მარცვალსა და ბზეს ათავთავისებდა. ნოომინმა შეიტყო, რომ ბოოსი სწორედ იმ ღამეს აპირებდა პურის გაღეწვას, ნამუშევარზე კი იქვე ზვინებში ჩაწვებოდა დასადინებლად. ამიტომ ფანდი იხმარა: ნოომინის რჩევით, რუთმა ტანი დაიბანა, სულნელი იცხო, მდიდრულად გამოეწყო და ყანაში წავიდა. ბოოსს ნამჯაში ეძინა და მოსასხამი ეხურა. რუთი მიიპარა, ფერხთით მიუწვა და მოსასხამი ზედ გადაიფარა. ბოოსმა შუადამისას გაიღვიძა და ქალი რომ დაინახა, სახტად დარჩა. ცოტა შიშმაც გაუარა გულში, რადგან სიბნელეში ქალი ვერ იცნო. „ვინ ხარ შენ?“ — შეეხმიანა ბოოსი მწოლარეს. „მე ვარ რუთ, მხვეალი შენი, — ხმის კანკალით მიუგო ახალგაზრდა ქალმა, — გარდამომდეგ ფრთა სამოსლისა შენისა, რამეთუ ნათესავი ხარ შენ ჩემი“.

ბოოსი მაშინვე მიუხვდა ქალს იგავით ნათქვამს. ძველი კანონი ავალებდა მას ახლო ნათესავის უშვილო ქვრივის ცოლად შერთვას, არც საბაბი გააჩნდა უარზე დამდგარიყო, რადგან რუთს შრომისმოყვარე და სათნო ქალად იცნობდა. მაგრამ ბეთლემში ცხოვრობდა ერთი კაცი, რომელიც უფრო ახლო ნათესავად ერგებოდა რუთს და ამიტომ პირველობის უფლებაც მას ეკუთვნოდა. ბოოსს ჯერ უნდა გაეგო, ხომ არ მოინდომებდა იგი თავის უფლებით სარგებლობას. ბოოსმა ათი უხუცესი მოწმე იხმო და მათთან ერთად ქალაქის კარიბჭესთან დაჯდა. რუთის ნათესავი კაცი მიწის მუშა იყო და ყოველღე ქალაქიდან გადიოდა მინდორში სამუშაოდ. ბოოსმა შეაჩერა იგი, გვერდით მოისვა და ათი მოწმის თანდასწრებით საქვეყნოდ აუწყა: ნოომინი დაბრუნდა და ელიმელექის მიწის ნაწილი, მემკვიდრეობით მისი კუთვნილი, გაყიდა. შენ, როგორც მის ახლობელს, უფლება გაქვს პირველმა იყიდო. რუთის ნათესავს თვალეხი წამოეხნო. როგორც ყველა მიწათმოქმედი, ისიც დახარბებული იყო მიწას და დაუფიქრებლად შეაკება სიტყვა: მე გამოვიწყინდიო. ბოოსმა მიუგო: „უკეთუ მოიგო მიწა ნოომინისგან და რუთისგან მოაბელისა, რომელსა მოუკვდა ქმარი, მოიყვანე იგი შენდა ცოლად, რათა აღუდგინო სახელი მკვდარსა, სამკვიდრებელსა

მისსა“. ნათესავს სახე მოელუშა, მიწას კი სიამოვნებით შეიძენდა, მაგრამ რუთის შერთვა აღარ ეჭაშნიკა — წერილშვილის პატრონი იყო. ხელები გაასახუსავა — პირველობაზე უარს ვაძობ, მიწის ყიდვის უფლებაც ბოოსისთვის დამითმიაო.

ისრაელში ძველთაგანვე ასეთი წესი არსებობდა: კაცი, რომელიც ნათესავის ქვრივის ცოლად შერთვასა და ქალის მზითევაზე უარს იტყოდა, ფეხთ იხდიდა და მოწმეთა თანდასწრებით სხვას გადასცემდა ხამლს. ეს სიმბოლური ჟესტი მის მიერ თავის უფლებებზე უარის თქმას იურიდიულ ძალას ანიჭებდა. ბოოსმა იმიტომაც მოიხმო ელიმელექის ნათესავი, რომ მისგან ხამლი მიეღო. მან ხამლი უხუცესებსა და თავშეყრილ ხალხს აჩვენა და უთხრა: „მოწამე ხართ თქვენ დღეს, რაქეთუ მომიგებიეს ყოველივე ელიმელექისი და მაალონისი და ქელონისი: ხელთაგან ნოომინისა; და რუთი მოაბელი, ცოლი მაალონისი, მოვიგე თავისა ჩემისა ცოლად, რათა აღეუდგინო სახელი ძკვდარსა სამკვიდრებელსა შინა მისსა“. უხუცესებმა ერთხმად მიუგეს: „მოწამე ვართ. მიეცინ უფალმან ცოლსა მას შენსა, რომელი შევალს სახლსა შენსა, ვითარცა რაქელს და ლიას, რომელთა აღაშენეს სახლი ისრაელისი. განძიდდრდი ეფრათს და იდიდე ბეთლემს“. ამ რიტუალური ფორმულის წარმოთქმისთანავე ბოოსი რუთის ქმარი და ელიმელექის მემკვიდრეობის კანონიერი მფლობელი განდა. ცოლ-ქმარი სიამტკბილობით ატარებდნენ დღეებს. მოხუცი ნოომინიც მათ შეიფარეს. მალე რუთს შეეძინა ძე, რომელსაც ობედი დაარქვეს. მას — ებრაელი ხალხის უდიდესი გმირის, მეფე დავითის, პაპას — ბედმა სამარადისო დიდება განუშადა.

ბროკლისა და ჰმირობის ეპოქა

არის თუ არა ძველი აღთქმის მეექვსე წიგნი, როგორც ბიბლიის თაყვანისმცემლები საუკუნეთა განძავლობაში ფიქრობდნენ, ნამდვილად ისუ ნავეს ძის თხზულება? შეიძლება თუ არა განვიხილოთ იგი, როგორც უტყუარი ისტორიული წყარო? შეცნიერება უარყოფით პასუხს იძლევა ორსავე კითხვაზე.

ტექსტის ლინგვისტური ანალიზის მეშვეობით აბსოლუტურად ზუსტადაა დადგენილი, რომ ისუ ნავეს წიგნი რამდენიმე ისტორიული დოკუმენტის კონგლომერატია. ეს დოკუმენტება განეკუთვნება სხვადასხვა ეპოქას და საზოგადოების სხვადასხვა ფენათა ინტერესებს გამოხატავს. ამასთან ერთად რედაქტორებს ამ დოკუმენტებში დროთა განმავლობაში უამრავი შესწორება შეუტანიათ. საერთოდ, შეიძლება ითქვას, რომ ისუ ნავეს წიგნში წარმოდგენილია ორი ძირითადი დოკუმენტი: ქანანის დაპყრობის ქრონიკა, რომელიც შედგენილია ძველი წელთაღრიცხვის IX საუკუნის დასაწყისში და ქანანის დანაწილების აღწერა (სოლომონის მეფობის დროს). მოკლედ რომ ვთქვათ, ისუ ნავეს წიგნი მისი სიკვდილიდან რამდენიმე ასეული წლის შემდეგ შეიქმნა.

ჩვენ შეგნებულად ვიხმარეთ ტერმინი „კონგლომერატი“, რადგან ბიბლიის რედაქტორები მათ ხელთ მყოფ დოკუმენტებს კრიტიკულად არ უდგებოდნენ და მათი ლოგიკური გაერთიანება არ უცდიათ. ამის შედეგად ბიბლიურ ტექსტებში გვხვდება უამრავი განმეორება და არათანმიმდევრობა, რომელიც მკითხველს თავგზას უბნევს.

აღქნუსხავთ მხოლოდ რამდენიმე თვალსაჩინო მაგალითს, რადგან ყველას დასახელება შორს წაგვიყვანდა. ბიბლიის დაკვირვებულნი მკითხველი, რომელიც მოინდომებს ამ საკითხების მიყოლას, მაინც იოლად დარწმუნდება, თუ რამდენი არეულ-დარეულობა და შეცდომაა ამ წიგნში. ყოველივე ეს პირველი წაკითხვისთანავე გვეცემა თვალში.

აი, მაგალითიც: ბიბლიაში მოთხრობილია, რომ სამხრეთ ქანანის კოალიციის განადგურების შემდეგ ისრაელიტელებმა იერუსალიმი დაანგრიეს და მისი მცხოვრებლები ამოჟლიტეს.

მაგრამ მომდევნო თავში გულმაეიწყის კომპილატორები ტექსტისა მშვიდად მოგვიტობენ, რომ თურმე იერუსალიმი დაპყრობილი არ ყოფილა, რომ იებოსელები აქ ჯერ კიდევ მათ დროს ცხოვრობდნენ. ამას ამტკიცებს ეპიზოდი, სადაც მოთხრობილია ამბავი ლევიტელისა, რომელიც თავის ცოლს ხან ენხუბებოდა, ხან ურიგდებოდა. მორიგი შერიგების შემდეგ შინისაკენ მიმავალმა ცოლ-ქმარმა იერუსალიმის გაღაფანთან გაიარა. მსახურმა მათ ურნია, ღამე აქ გაეყიათ. ლევიტელმა მიუგო: „არა შევიდეთ ჩვენ ქალაქსა უცხოთა, სადა არავინ არს ძეთაგან ისრაელისათა...“ უნდა გვახსოვდეს, რომ ეს თქმულება წარმოიშვა ისუ ნავეს სიკვდილიდან რამდენიმე წლის შემდეგ. შესაძლოა, ამის შემდეგ ათეული წლებიც კი ყოფილიყო გასული. ისუ ნავეს ძეს კი ბიბლია იერუსალიმის დამპყრობლად მიიხსენებს.

ასევე მრავალი შეუსაბამობა გვხვდება ბიბლიაში ქალაქ სიქემთან დაკავშირებით. ბიბლიის ტექსტის მიხედვით ისუ ნავემ სიცოცხლის უკანასკნელ ხანებში აქ ისრაელის ძენი შეკრიბა და ერთხელ კიდევ მოსთხოვა, რომ იაპქეს აღთქმის ერთგულნი ყოფილიყვნენ.

მაგრამ ჩვენ უკვე ვიცით, რომ ქალაქი სიქემი ისუ ნავეს ძის სიკვდილის შემდეგ კიდევ დიდხანს ეპყრათ ქანაანელებს. ბიბლიის ზოგიერთი მკვლევარი ცდილობდა, თავისებურად განემარტა ეს ფაქტი. მათ მიაჩნდათ, რომ ეს კრება შედგა არა თვით ქალაქში, არამედ მის გარეუბანში, სადაც ისრაელის ძენი თითქოს უკვე დამკვიდრებულნი იყვნენ. ეს ჰიპოთეზა არაა დამაჯერებელია. ბიბლიის ტექსტების კომპილატორებმა უბრალოდ წარსულში გადაიტანეს მათ დროს არსებული სიტუაცია. სიქემი მაშინ ისრაელიტელებს ეკუთვნოდა. ამიტომ მათთვის ძნელი არ იყო იმის ფიქრი, რომ ქალაქი მათ მფლობელობაში იყო ისუ ნავეს ძის დროსაც.

ცხადია, აქედან მხოლოდ ერთი ნაბიჯია იმ ლეგენდამდე, რომლის მიხედვით თითქოს ნამდვილად ამ ქალაქში შედგა ისტორიული კრება. სიქემი ხომ აბრაამის ქალაქია, რომელსაც ისრაელის ძენი ძველთაგანვე პატივს სცემდნენ. ისუ ნავეს ძის უკანასკნელი გამოსვლისა და სინაზე დადებული აღთქმის სახალხოდ აღიარების ადგილად სიქემის დასახელებით ბიბლიის რელაქტორებმა ქალაქს უზარმაზარი რელიგიური და სიმბოლური მნიშვნელობა მიანიჭეს და ერთგვარი კავშირი დაამყარეს ბატრიარქთა ეპოქის უძველეს თქმულებებთან.

საოცრად საწინააღმდეგო ფაქტებს ვხვდებით ბიბლიის იქ თავებში, სადაც ჩამოთვლილია ისრაელის ძეთა მიერ ქანაანში დაპყრობილი ადგილები. იერუსალიმის მეფე აღონისედეკი პირველად ისუ ნავეს ძის ბრძანებით მოუკლავთ. შემდეგ კი იგი მეორედ იღუპება, როცა იუდეველთა ტომს ჩაუყარდება ხელში.

მართალია, პირველ შემთხვევაში მას აღონი-სედეკი ჰქვია (ისუ ნავესი, თ. 10, მ. 1.), მეორეში კი აღონი-ბეზეკი (მსაჯ. თ. 1, მ. 7.), მაგრამ ყველაფერი გვიჩვენებს, რომ საქმე ერთსა და იმავე პიროვნებას ეხება. მსაჯულთა წიგნის პირველი თავის მიხედვით იუდეველთა ტომი იპყრობს ქალაქებს: ლაზას, ასკალონსა და ეკრონს. მიუხედავად იმისა, რომ აღნიშნული ქალაქები სანაპირო დაბლობში მდებარეობდნენ; ბიბლიის რედაქტორები მომდევნო მუხლში გვაუწყებენ, რომ იუდამ „...დაიმკვიდრა მთა იგი, რამეთუ ვერ შეუძლო განდევნად მკვიდრთა მათ ხევისათა, რამეთუ ეტლები რკინისა იყო მათი.“ (მსაჯულთა თ. 1, მ. 19). „მათ“ გულისხმობს ფილისტიმელებს, რომლებიც მაშინ დაპორჩილებულნი არ ყოფილან. პირიქით, მომავალში მათ თვითონ დაიმორჩილეს ისრაელის ძენი.

ასეთი წინააღმდეგობებით გზააბნეულებს ბოლოს და ბოლოს გვებადება კითხვა: რომელი ქალაქები დაიპყრო ისუ ნავემ, რომელი — მისმა თანაშემწეებმა და მემკვიდრეებმა და ქანაანის რომელი ქალაქები დაიმორჩილეს ნამდვილად ისრაელიტელებმა?

თუ ჩვენს ყველა ეჭვს იმასაც დაუმატებთ, რომ ისრაელის ძეთა შემოჭრის დროს იერიქონი და აი უკვე ღიღი ხნის დანგრეული იყო; და რომ ისუ ნავეს ძის პიროვნების რეალურობა მეტად პრობლემატურია; დავრწმუნდებით: ბიბლიის მეექვსე წიგნი აბსოლუტურად არაა სარწმუნო, როგორც ისტორიული წყარო.

ბიბლიის კომპილატორებს არ აინტერესებდათ ისტორიული სიმართლე ამ სიტყვის დღევანდელი გაგებით. ისინი არც ქრონოლოგიას აქცევდნენ ყურადღებას, მათი საზრუნავი მხოლოდ ერთი რამ იყო: უნდოდათ, საგანგებოდ შერჩეული მაგალითებით ეჩვენებინათ, რომ ქანაანის დამორჩილება იაჰვეს ნების აღსრულებას ნიშნავდა და, მამასადამე, რელიგიური მნიშვნელობის მოვლენა იყო. ამ მიზნის მისაღწევად ისინი მეტად თვითნებურად ეპყრობოდნენ ისტორიულ დოკუმენტებს: ზოგს სულაც არ ახსენებდნენ, ზოგს კი სურვილისამებრ გადაამუშავებდნენ ხოლმე. ამის შედეგად ბიბლიის მეექვსე წიგნი რელიგიურ-ხეობრივი ტენდენციის მქონე თქმულებათა კრებულად იქცა. ეს თქმულებები გვასწავლის, რომ ისრაელის ძენი ყველაფერს უნდა უმაღლიოდნენ იაჰვეს — ღმერთს, რომელიც დამპყრობლური კომპანიის მიმდინარეობას თვალყურს ადევნებდა და საჭიროებისამებრ ბასწაულდებით ეხმარებოდა ისრაელიტელებს. ინტერვენციის ხელაღი ისუ ნავე მტრებს მხოლოდ იმიტომ ამარცხებდა, რომ იაჰვეისმის ერთგული მიმდევარი იყო. სიკვდილის წინ მან განამტკიცა სინას აღთქმა და გარდაიცვალა წმინდანის შარაუანდღვით მოსილი, როგორც ხალხის ბრძენი მასწავლებელი და მოსეს მემკვიდრეობისათვის შეუდრეკელი მებრძოლი.

ბიბლიის ტექსტების რედაქტორები ისტორიის ასეთ ინტერ-პრეტაციას ემყარებიან და ქანაანის დაპყრობას უკვე მომხდარ ფაქტად წარმოგვიდგენენ. მათი ვერსიით ქანაანელები ან განად-გურებულნი იყვნენ, ან დაპყრობილნი. ეს გულისხმობდა სრულ გამარჯვებას რჩეული ერისა. გამარჯვებულნი კი უარს ამბობ-დნენ ყოველგვარ კომპრომისზე და დამარცხებულისადმი თანა-გრძნობაზე. იაჰვე, რომელიც ომის მრისხანე და უღმობელ ღმერთად არის გამოსახული, თავის მიმდევრებს მოუწოდებს — არ დაინდონ არც ქალი, არც ბავშვი და არც პირუტყვი. მეორე სჯულის წიგნში წარმოდგენილ დადგენილებებსა და მცნებებ-ში შეტანილი სამხედრო ფიცის თანახმად, დაპყრობილ ქალა-ქებში ქვას ქვაზე არ ტოვებდნენ. ძვირფას სამხედრო ნაღველ-საც კი ცეცხლს უკიდებდნენ. თუკი ვინმე დაარღვევდა წმინდა კანონს და ნაღველის ნაწილს მიითვისებდა, მას კოცონზე წკავ-დნენ. ასე დაეძაროთ, მაგალითად, აქანს.

აქვე უნდა შევნიშნოთ, რომ არავითარ შემთხვევაში არ შეიძლება ბიბლიაში აღწერილი ამბების განხილვა თანამედრო-ვე მორალის თვალსაზრისით. ეს იყო ბარბაროსული ეპოქა. არ-სებული სამხედრო წესები უფლებას იძლეოდა, ამოეწვეითათ ტყვეები და დაპყრობილ ციხესიმაგრეთა მოსახლეობა, შეუბრა-ლებლად დაესახიჩრებინათ ან მოეკლათ მეფეები და მიემართათ ვერაგობისა და ღალატისათვის. აი, ასე ომობდნენ იმ შორეულ ეპოქაში. ამ მხრივ ისრაელის ძენი თავის ეპოქის ნამდვილი შვილები იყვნენ და ძველი სამყაროს სხვა ხალხებისაგან არ გა-მოირჩეოდნენ. ტოტალური ომი ჩვეულებრივი რამ იყო. ასე ომობდნენ ბაბილონელები, ეგვიპტელები, ასურელები, და, რო-გორც ჰომეროსი გადმოგვცემს, ბერძნები.

ერთი რამ კი მაინც უნდა ვთქვათ: ქვემოთ დავრწმუნდებით, რომ რელიგიური ფანატიზმით შეპყრობილი ბიბლიური მემატი-ანეები ისრაელის ძეთა სისასტიკეს მეტისმეტად აზვიადებდნენ. განა ისევ ბიბლიიდან არ ჩანს, რომ ისუ ნავეს გაბაონელებთან დაუმყარებია კავშირი? მსაჯულთა წიგნშიც ნათქვამია — ამ ქვე-ყანაში უწინდებურად მრავალრიცხოვანი ქანაანელი მოსახლე-ობა ბინადრობსო. ამასთან დაკავშირებით ჩნდება კითხვა: ნამ-დვილად დაიპყრო თუ არა ვინმე ისუ ნავეს ძემ ქანაანი? ამ კი-თხვაზე უარყოფითი პასუხი უნდა გავცეთ, რადგან მსაჯულთა წიგნი ნამდვილად ისრაელიტელთა განმათავისუფლებელი ომის ისტორიაა ქანაანელი ხალხების წინააღმდეგ, რომლებიც სულ იმის ცდაში იყვნენ, მორჩილებაში ჰყოლოდათ ისრაელიტელები.

მაშ, სახელდობრ რა გააკეთა ისუ ნავეს ძემ? ეს პრობლემა არქეოლოგიამ მხოლოდ ჩვენი საუკუნის დასაწყისში გადაწყვი-ტა: პირველი სენსაციური აღმოჩენა იყო ეგვიპტური ლარნაკები, რომლებზეც ფარაონები მათ წინააღმდეგ მტრულად განწყობი-

ლი ან ამბობებული პალესტინის ქალაქების სახელწოდებებს აწერდნენ. ამ ჭურჭელს შეჩვენებისა და წყევლის ნიშნად, დიდ რელიგიურ ზეიმთა დროს ამსხვრევდნენ. ძველი ეგვიპტელების წარმოდგენით ეს მარტო სიმბოლური აქტი როდი იყო. ეგვიპტეში სწამდათ, რომ ხალხების, ქალაქებისა თუ ცალკეულ ადამიანთა სახელების მოსპობა მათ გარდაუვალ განადგურებას გამოიწვევდა. ბიბლიის მეკლევართათვის მთავარი მაინც ის იყო, რომ ამ ნამსხვრევებზე ბიბლიაში აღნიშნული ქანაანის ქალაქთა სახელწოდებების წაკითხვა მოხერხდა. მათთვის ეს ფაქტი იმას ნიშნავდა, რომ ბიბლიამ ნამდვილი ამბები ასახა.

ამ აღმოჩენის შემდეგ სხვადასხვა არქეოლოგიური ექსპედიციები შეუდგნენ ქანაანის აღნიშნული ქალაქების იეზას. ასოიკელებმა აღმოაჩინეს ნანგრევები ქალაქ ბეთელისა, რომელიც ქალაქ აიდან კილომეტრნახევარზე მდებარეობდა.

მათ რამდენიმე კულტურული ფენა გაიარეს და მიადგნენ ნანგრევებს, რომლებიც უთუოდ ძველი წელთაღრიცხვის XII საუკუნეს მიეკუთვნება. აქ მათ საშინელი ხანძრის კვალს მიაგნეს. შენობათა ნანგრევებში ფერფლი მეტრის სიმაღლემდე აღწევდა, ხოლო ღმერთების დამსხვრეული ქანდაკებები ადასტურებდნენ, რომ ყველაფერი ეს უცხო დამპყრობლების ნამოქმედარი იყო. უფრო ღრმა გათხრებმა გვიჩვენა, რომ ბეთელა დაარსებული ყოფილა ადრეული ბრინჯაოს ხანაში, დაახლოებით იმ დროს, როცა აი დაანგრიეს. ბიბლიის მეკლევარნი ვარაუდობენ, რომ მემატიანებს ერთმანეთში აერიათ აი და ბეთელი. ვერ კიდევ ისუ ნავემდე რამდენიმე საუკუნით ადრე ქალაქი აა ნანგრევებად იყო ქცეული და იგი არასდროს აღარ აღუდგენიათ. ამასობაში კი ბეთელის ნანგრევებზე ისრაელიტელებმა საკუთარი სახლები ააშენეს.

ამ პირობებში იოლად გაჩნდებოდა ვარაუდი, თითქოს აის ნანგრევები ისუ ნავეს ლაშქრობის ძველი იყო.

გარდა ამისა, გათხარეს ლაქიშის, ეგლონის, დაბირის, ქებრონისა და სხვა ქალაქების ნანგრევებიც. ძველი წელთაღრიცხვის XII საუკუნის ყველა ფენაში აღმოჩენილია ძალადობისა და ხანძრის აშკარა კვალი. 1956 წელს იერუსალიმის უნივერსიტეტის ექსპედიცია უბედური მეფის, იაბინის, დედაქალაქს ასორს წააწყდა. ციხესიმაგრე გალილეის ტბის ჩრდილოეთით მდებარეობდა; მასში დაახლოებით ორმოცი ათასი მცხოვრები უნდა ყოფილიყო. გათხრების საფუძველზე დადგენილია, რომ ძველი წელთაღრიცხვის XVII საუკუნეში ქალაქი ეპყრათ ჰიქსოსებს, რომლებმაც ეგვიპტე დაიმორჩილეს. დატკეპნილი მიწის ვრცელი მოვლასი და საჯინიბოთა ნაშთები ადასტურებს, რომ აქ ეტლებითა და ცხენებით აღჭურვილი ძლიერი გარნიზონი მდგარა.

მაგრამ ჩვენთვის ყველაზე მთავარი ის არის, რომ ასორიცი ქველი წელთაღრიცხვის XII საუკუნეში იმსხვერპლა დიდმა ხანძარმა.

სამაგიეროდ, ქალაქ გაბაონში ხანძრისა და განადგურების კვალი არ აღმოჩნდა, რასაც სწორედ ბიბლიური თქმულება ადასტურებს. გაბაონი ხომ ნებაყოფლობით დანებდა მტერს და განადგურებას გადაურჩა. აღვნიშნავთ საყურადღებო დეტალს — გათხრებმა კიდევ ერთი მხრივ დაადასტურეს ბიბლია. ისუ ნავეს წიგნში სიტყვასიტყვით ვკითხულობთ: „ქალაქი დიდი იყო გაბაონი, ვითარცა ერთი სამეფო ქალაქთაგანი“ (ისუ ნავესი, თ. 10, მ. 2.). ნანგრევები აღმოჩნდა იორდანისის სოფელ ელჯიბში, იერუსალიმის ჩრდილო-დასავლეთით, ქალაქიდან დაახლოებით რვა კილომეტრზე. გაბაონში მრავალი ქუჩა, მოედანი, ტაძარი და საზოგადოებრივი შენობა იყო. მის სიმიდრეს ადასტურებს სამარხებსა და შენობათა ნანგრევებში მიკვლეული ბრინჯაოს მრავალი ნივთი. დადგენილია, აგრეთვე, რომ გაბაონელები ფართო საერთაშორისო ვაჭრობასაც ეწეოდნენ, რადგან დოქებს, თასებს, ლანგრებს, ქანდაკებებს, დანებს, სკარაბებსა და ბეჭდებს შორის აღმოჩენილია კვიპროსული და სირიული ჭურჭლეულის განსაკვიფრებელი რაოდენობა. რით ვაჭრობდნენ გაბაონელები? საწნახლეებისა და ყურძნის წვენიშის შესანახი გამოქვაბულების მიხედვით თუ ვიმსჯელებთ, ისინი ღვინოსაც აყენებდნენ და იგი სხვა ქვეყნებშიც გაჰქონდათ.

აღმოჩენილია ჭურჭელიც, რომელზეც ამოკვეთილია სახელწოდება „გაბაონი“. ისინი ამ ჭურჭლით ღვინოს უგზავნიდნენ საზღვარგარეთელ მუშტრებს.

ამ არქეოლოგიური აღმოჩენების წყალობით ნათელი გახდა, თუ რატომ მიიღეს გაბაონის მცხოვრებლებმა კაპიტულაციის ისეთი პირობები, რომლებიც მათთვის სასახელო არ ყოფილა. მათი საქმე ვაჭრობა იყო და არა სამხედრო ხელოვნება. როგორც ჩანს, მათ მიზანს მიაღწიეს, მაგრამ, სამაგიეროდ, პოლიტიკური დამოუკიდებლობა დაკარგეს. ციხესიმაგრეთა კარგად შემონახული გალავნები, ისევე როგორც სხვა არქიტექტურული ძეგლები, ნათელყოფს: გაბაონს ასცდა ქანანის სხვა ქალაქების ხეივანი და მას ისრაელატიელთა ბატონობის დროსაც არ შეუწყვეტია მშვიდობიანი და უზრუნველი ცხოვრება.

რაკი არქეოლოგია ვახსენეთ, ერთი დეტალიც უნდა გაგაცნოთ. როგორც ბიბლიიდან ვიცით, ისუ ნავეს ძე დაკრძალეს თიმნათსერაში, ეფრემის მთაზე. სეპტუაგინტა (ძველი აღთქმის ბერძნული თარგმანი) გვაწვდის ერთ საინტერესო დეტალს: ისუ ნავეს აკლდამაში ჩაატანეს ის დანები, რომლებითაც გალვალში ისრაელატიელებმა წინა დაიციეთეს. 1870 წელს იმავე რაიონში აღმოჩენილი ერთ-ერთი სამარის მღვიმეში მრავალი ქვის დანა

იპოვეს. ცხადია, შეცდომას დაუშვებდით, თუ ამ ფაქტიდან ნაჩქარევად დავასკვნიდით, რომ მღვიმე ისუ ნავეს აკლამაა. სამაგიეროდ გამორიცხული არ არის შესაძლებლობა, რომ ბიბლიური ვერსია წინადაცვეთის შესახებ ემყარებოდეს ძველ რელიგიურ წესჩვეულებებს, რომლებსაც ამ ადგილებში დამკვიდრებული ქანაანელი ტომი იცავდა. წინადაცვეთის წესი სხვადასხვა უძველესმა ხალხმა ერთმანეთისაგან დამოუკიდებლად აითვისა. ამრიგად, შეიძლება ვივარაუდოთ: ისრაელიტელებმა უღაბნოში ორმოცწლიანი ხეტიალის მანძილზე ისე დაივიწყეს მოსესაგან ნაანდერძევი წინადაცვეთა, რომ მხოლოდ ქანაანელი ტომის გავლენით დაუბრუნდნენ მას თიმნათსერაში.

მაინც როგორ მიმდინარეობდა ისუ ნავეს ლაშქრობა (თუ პირობით ვუწოდებთ ამ სახელს ისრაელის მოდგმის ვინმე დამპყრობელს)? ვცადოთ და რუკაზე ხაზებით შევაერთოთ ის ქალაქები, რომლებიც ძველი წელთაღრიცხვის XII საუკუნეში გადაწვეს და ისუ ნავეს ლაშქრობის გზასაც ზუსტად აღვადგინოთ. ეს, უპირველეს ყოვლისა, საშუალებას მოგვცემს, ბიბლიის რედაქტორთა მტკიცების საწინააღმდეგოდ, დავადგინოთ, რომ ჩვენს პირობით ისუ ნავეს არამც და არამც არ დაუპყრია მთელი ქანაანი. ვერნერ კელერი, ავტორი წიგნისა — „საღმრთო წერილი მაინც სიმართლეს ღალატებს“, აღნიშნავს, რომ იგი „ნაკლებ საზიფათო“ გზით მიდიოდა. ძლიერ ციხესიმაგრეებს გვერდს უვლიდა და უმთავრესად იკავებდა ნაკლებად დასახლებულ მთიან რაიონებს, როგორიცაა, მაგალითად, იორდანის ორივე კლდოვანი ნაპირი. მან ვერ გაბედა დაუფლებოდა იმ ნაყოფიერ ხეობებს, რომლებიც შემდგომ თითქმის ორი საუკუნის მანძილზე ეპყრათ ქანაანელებს. ეფრემის მთებსა და იუდეველთა მთებს შუა კვლავ დარაჯად იდგა იებოსელთა ციხესიმაგრე იერუსალიმი, ზღვისპირა ქალაქები კი ფილისტიმელებმა ჩაივდეს ხელში. შორს, ჩრდილოეთის მიმართულებით გაბაონის ქალაქთა ფედერაციამ შეინარჩუნა დამოუკიდებლობა. ქვეყნის ჩრდილოეთ რაიონებში დამკვიდრებული ისრაელიტელი ტომები სამხრეთით მცხოვრები თავიანთი თანამემამულეებისაგან მოწყვეტილნი იყვნენ ქანაანელთა ციხესიმაგრეების ჯაჭვით. ეს ციხესიმაგრეები იეზრელის ხეობაში მდებარეობდა. მოკლედ რომ ვთქვათ, ხეობებს მალეობ ადგილებთან შედარებით უპირატესობა ჰქონდა. ასეთი მდგომარეობა შეიქმნა ქანაანელთა გაცილებით უკეთესი შეიარაღების გამო. ისინი აღჭურვილნი იყვნენ მრავალრიცხოვანი საომარი ეტლებით, რომელთაც ფეხმარდა ზედაურები მიაქროლებდნენ. ეს ეტლები ძალიან მოძრავი იყო და ტაქტიკური მოქმედების დროს ისრაელიტელთა ქვეით ჯარებს დიდ საფრთხეს უქმნიდნენ.

ამრიგად, ისუ ნავეს ლაშქრობის მიზანი ქანაანის ნაკლებად

დასახლებული და შედარებით სუსტად დაცული რაიონების თან-
დათანობით დაპყრობა იყო. იაჰვეს მხარდაჭერის მიუხედავად,
ლეგენდარულმა გმირმა ამ ქვეყნის მთლიანად დამორჩილება
შაინც ვერ შეძლო. მისი სიკვდილის შემდეგ ისრაელიტელთა
ცალკეული ტომები იძულებულნი იყვნენ, არსებობისათვის
ებრძოლათ და არაერთხელ მოხვედრილან ქანაანელთა უღელ-
ქვეშ, ხოლო მშვიდობიანი არსებობის ჟამს, მათი მალალი კულ-
ტურისა და რელიგიის გავლენას განიცდიდნენ. ქვეყნის მკვიდრ
მოსახლეობასთან ამ ხანგრძლივი ბრძოლების ამბავს გვამცნობს
მსაჯულთა წიგნი.

საოცარია, როგორ მოახერხა პირველყოფილმა, ცუდად შეი-
არაღებულმა ხალხმა თავდასხმა იმ ქვეყანაზე, რომელშიც ცივი-
ლიზაციის დონე საკმაოდ მაღალი იყო და რომელსაც მრავალი
გამაგრებული ქალაქი და საუცხოოდ შეიარაღებული სამხედრო
ნაწილები გააჩნდა. მაგრამ ისრაელიტელთა წარმატება ვასაგებ
იქნება, თუ მას იმდროინდელ პოლიტიკურ სიტუაციას შევეუ-
დარებთ. ქანაანი — აფრიკისა და აზიის დამაკავშირებელი ხი-
ლი — დიდი სახელმწიფოების, — მესოპოტამიისა და ეგვიპტის
პეტოქეობის მუდმივი ობიექტი იყო. ჰიქსოსთა განდევნის შემ-
დეგ იგი სამი საუკუნის მანძილზე ითვლებოდა ეგვიპტელთა
პროვინციად. ფარაონებს ამ ქვეყანაში არსებული წყობილება
არ შეუცვლიათ. გამაგრებულ ქალაქებს ადგილზევე მართავდნენ
მოხელეები, რომლებიც მეტწილად უცხო წარმომშობისა იყვნენ.
ქანაანელები კი, რომლებიც ძველი ებრაულის მონათესავე ენა-
ზე ლაპარაკობდნენ, უპირატესად მიწათმოქმედებას ეწეოდნენ
და პოლიტიკურ უფლებებს მოკლებულნი იყვნენ.

ეგვიპტე ქანაანელ მეფეებს საკუთარ ვასალებად თვლიდა,
მაგრამ გარკვეულ თავისუფლებას აძლევდა. მათ უფლება ჰქონ-
დათ, ჰყოლოდათ სამხედრო ნაწილები და საომარი ეტლებით
აღჭურვილიყვნენ. ეგვიპტე ხელსაც კი უწყობდა მათ შუღლსა
და ომებს. მეფეთა ინტრიგები და კინკლაობა ამტკიცებდა ეგვიპ-
ტის ჰეგემონიას, ამაღლებდა მის ავტორიტეტს, როგორც უმაღ-
ლესი სამედიატორო ინსტანციისა. რომის პოლიტიკურ პრინ-
ციპს — „divide et impera“,¹ — როგორც ვხედავთ, ჯერ კიდევ
ეგვიპტის ფარაონები იყენებდნენ.

ქანაანის დიდ ქალაქებში ეგვიპტელთა გარნიზონები იდგა.
აქვე იყო რეზიდენცია მეფისნაცვლებისა, რომელთა ძირითად
ამოცანას ხარკის აკრეფა შეადგენდა. ხარკი კი მეტად მძიმე იყო.
ყოველივე ამასთან ერთად, ხარკის ამკრეფნი ფულზე დახარბე-
ბული მექრთამეები იყვნენ და სიმდიდრის მოსახვეჭად სახელმ-

¹ გათიშე და იბატონე — ლათინურად.

წიფოს გაქურდვასაც არ ერიდებოდნენ. ეგვიპტელთა არმია სხვადასხვა რასის დაქირავებული ჯარისკაცებისაგან შედგებოდა. მათ ხშირად ჯამაგირს არ აძლევდნენ. სურსათ-სანოვანის ულუფის გაცემის დროსაც ატყუებდნენ; ამიტომ ისინი სოფლებში დაპრწოდნენ და რასაც მოიხელთებდნენ, ყველაფერს იპარავდნენ. ქანაანის მცხოვრებლებს სასახლეებისა და თავდაცვითი სიპაგრეების მშენებლობაზე ამუშავებდნენ. მათ ჯარისკაცები მარცვაევდნენ. ბოლოს ისინი მონათა მდგომარეობაში აღმოჩნდნენ. ქანაანელთა ცხოვრების მატერიალური დონე სულ უფრო ეცემოდა, მცირდებოდა მოსახლეობის რიცხვიც. ამრიგად, ოდესღაც აყვავებული ქანაანი თითქმის მთლად გაპარტახდა.

ქანაანის განადგურებისა და ვალატაკების ეს პროცესი რამდენადმე აისახა ისუ ნავესა და მსაჯულთა წიგნების ზოგიერთ თავში. გარდა ამისა, მის განადგურებასა და დაცემაზე ცნობებს გეაწვდის თელ-ამარნაში აღმოჩენილი ლურსმული ფირფიტება და სხვა არქეოლოგიური გათხრები. იმდროინდელი არქიტექტურა (მათ შორის არისტოკრატიის სასახლეებიც) საკმაოდ საცოდავად გამოიყურებოდა, ქალაქთა თავდაცვითი ნაგებობებიც დაინგრა და დაიქცა. საერთო ვალატაკებას ადასტურებს მიკველულ ფუფუნების საგანთა საოცრად მცირე რაოდენობაც. წერილ-წერილ სამთავროთა გამგებლებისა და მათ ეგვიპტელი სუვეერენების ხელისუფლების ქვეშ მოქცეული ქანაანი ბოლოს მიყრუებულ, ჩამორჩენილ პროვინციად იქცა.

წინა თავებში უკვე აღვნიშნეთ, რომ რამსეს მეორემ მრავალწლიანი ომის შემდეგ ხეთებთან სამშვიდობო ხელშეკრულება დადო. მისი სიკედილის შემდეგ ეგვიპტეში ინდოევროპელები, ეგრეთ წოდებული „ზღვის ხალხები“, შემოიჭრნენ. საბერძნეთსა და მცირე აზიაზე გავლისას მათ ხეთების სახელმწიფო დაამარცხეს, ხმელთაშუა ზღვის სანაპიროები დაიპყრეს და ნილოსის შესართავში შეიჭრნენ. ფარაონმა მერნეპტაჰმა თავდასხმა მოიკრიბა, მაგრამ მძიმე ომმა ეგვიპტე მეტისმეტად დააუძლურა. XIX დინასტიის უკანასკნელ ფარაონთა მეფობის დროს ეგვიპტე ქაოსმა მოიცვა. სწორედ ამ დროს იფეთქა დაბეჩავებული გლეხების, ხელოსნებისა და მონების ერთ-ერთმა აჯანყებამ, ეგვიპტე ერთმანეთისაგან დამოუკიდებელ პატარა სახელმწიფოებად დაიშალა, ხოლო ფარაონის ტახტისათვის ხანგრძლივი და გააფთრებული ბრძოლა გაჩაღდა.

ბილოს ძალაუფლება XX დინასტიამ ჩაიგდო ხელში და მთელი სახელმწიფო დაიმორჩილა. ამ დინასტიის მეორე ფარაონმა, რამსეს მესამემ, „ზღვის ხალხთა“ ახალი შემოტევა მოიგერია და პელუზიუმის მახლობლად გამართულ საზღვაო ბრძოლაში სასტიკად დაამარცხა ისინი. მაგრამ მისი მემკვიდ-

რეები, ეგრეთ წოდებული რამსესიდები, უძლური და უუნარი მმართველები გამოდგნენ. სახელმწიფოში უკმაყოფილებამ იმატა. ხშირად იფუთქებდა ხოლმე ამბოხი და შფოთი. არეულობას უმთავრესად იწვევდა ქურუმების საქციელი: მათ სახნავე-სათესი მიწების უდიდესი ნაწილი ჰქონდათ მიტაცებული და ისე იყვნენ ეგოიზმით შეპყრობილები, რომ მშვიერი მოსახლეობისათვის სურსათ-სანოვავე არ ემეტებოდათ.

ამ მოვლენათა შედეგად ეგვიპტემ ავტორიტეტი სრულიად დაკარგა. სხვა ხალხები მას აღარაფრად ავლებდნენ. პაპირუსი, რომელშიც აღწერილია ეგვიპტელი ელჩის ვენ ამონის მოგზაურობა, ამ გარემოებას თვალნათლივ გვიჩვენებს. თებელ ქურუმთა ელჩს ვენ ამონს ლიბანის კედარი უნდა ეყიდა ღმერთს ამონ-რას წმინდა ნავის ასაგებად. ვენ ამონი ბიბლოსში ზღვით გაემგზავრა. გზად მიმავალი ქალაქ ღორის ნავსადგურში შეჩერდა. ვილაც მეზღვაურმა სავაჭროდ წამოღებული ოქრო-ვერცხლი სულ მოპარა. ცნობილი იყო, რომ დამნაშავე ქალაქში იმაღლებოდა. ეგვიპტელებმა მოითხოვეს — ქურდი მოგვეციტო. როგორც ჩანს, ადგილობრივმა მმართველმა ნადავლის შენარჩუნება ამჯობინა. მან ოდესღაც ძლიერი სახელმწიფოს ელჩი აბუნად აიგლო და განაჩენის გამოტანა სხვადასხვა საბაბით გააჭიანურა. ცხრა დღის ამო ლოდინის შემდეგ პირში ჩალაგამოვლებულმა ვენ ამონმა გზა განაგრძო.

კიდევ უფრო მეტი შეურაცხყოფა და აბუნად ავლება ელოდა მას ბიბლოსში. ფინიკიის ნავსადგურის მმართველმა, შეიტყობთუ არა, რომ ელჩი უფულოდ იყო ჩამოსული, არამცთუ ნისიად მისცა საქონელი, არამედ გემიც ჩამოართვა და ბრძანა — არასასურველ უცხოელს დაუყოვნებლივ დაეტოვებინა ქალაქი. რა თქმა უნდა, უხომალდოდ დარჩენილ ვენ ამონს ამ ბრძანების შესრულება არ შეეძლო. როცა სხვა გემით გამგზავრება გადაწყვიტა, დააპატიმრეს.

ბევრი დაცინვისა და დავის შემდეგ ვენ ამონმა ფულისა და გასაცვლელი საქონლის მოსატანად თებეში კაცი გაგზავნა, რათა ხომალდი გამოეყიდა და კედარის ხეც შეეძინა. ბიბლოსის მმართველმა ეგვიპტის უძლურებით ისარგებლა და საქონელს ცეცხლის ფასი დაადო. ოქროსა და ვერცხლის გარდა მან მიიღო წმინდა სელის ქსოვილის ათი ხელი სამეფო ტანსაცმელი, პაპირუსის ხუთასი გრავინილი, ხუთასი ხარის ტყავი, ხუთასი დახვევა ბაგირი, ოცი ტომარა ოსპნი და ოცდაათი კალათა თებეში.

ეგვიპტის ძლიერების დაცემის პარალელურად აზიაში პოლიტიკური ქაოსი იზრდებოდა. ხეთების სახელმწიფო „ზღვის ხალხებმა“ დაარბიეს.

ბაბილონი, რომელსაც კასიტების დინასტია მართავდა, სუს-

ტი სახელმწიფო იყო. ასურეთისა და ელამის გაძლიერება მას სერიოზულ საფრთხეს უქმნიდა. ძველი სამყაროს ისტორიაში ეს იყო ერთ-ერთი იშვიათი პერიოდი, როცა ქანაანში ერთმანეთს არ უპირისპირდებოდა აზიისა და ეგვიპტის ექსპანსიონისტური მისწრაფებები.

ეგვიპტის ყოფილმა ქანაანელმა ვასალებმა დამოუკიდებელ სუვერენებად იგრძნეს თავი. ისინი თავ-თავისი პატარა სახელმწიფოების საზღვრების გაფართოებას ცდილობდნენ და ერთმანეთს გააფთრებთ ებრძოდნენ მიწის ყოველი მტკაველისათვის. ქვეყანა პოლიტიკურად იმდენად დაქუცმაცებული იყო, რომ უდიდესი საფრთხის დროსაც ვერ შეძლო თავდაცვის ერთიანი ფრონტის შექმნა. ამას ადასტურებს ისუ ნავეს წიგნი, რომელშიც აღნიშნულია, რომ მან ოცდათერთმეტი მეფე მოკლა.

ამ პოლიტიკური ურთიერთობის ფონზე სავსებით გასაგებია ის წარმატება, რომელსაც ბიბლიურ ისუ ნავეს მიაწერენ. აგი მთელი ქანაანის გაერთიანებულ ძალებს კი არ შესჯახებია, არამედ ცალკეულ მეფეებს ან მათ კოალიციებს, რომელსაც სახელდახელოდ ქმნიდნენ ხოლმე საერთო თავდაცვისათვის. ისრაელიტელები მათ სჯობნიდნენ არა მარტო საბრძოლო აზარტით, არამედ რიცხოვნობით უპირატესობითაც. ქანაანის უძლურება პოლიტიკური დაქუცმაცებითაც აიხსნება. პოლიტიკური ურთიერთობა, რომელსაც ისუ ნავემ მოუხწრო, ბევრ რამეში რომის დიდი იმპერიის დაცემის პერიოდს მოგვაგონებს. გადასახადებით შევიწროებული და გადატაკებული ხალხის მასები ისე ხვდებოდნენ გერმანულ ტომებს, როგორც განმათავისუფლებლებს. აგრესორებს თან მოჰქონდათ სოციალური რევოლუცია და დაპირება უკეთეს მერმისზე. ყოველ შემთხვევაში, მათ მოსპეს მმართველობა მექრთამეობით გარყვნილი ბიუროკრატიისა, რომელიც უსაზღვროდ გაიზარდა უქანასკნელ კეისართა დროს და საზოგადოებას სასიცოცხლო ძალას აკლიდა.

ახლა წარმოვიდგინოთ, რა სიტუაცია იყო ისრაელიტელების შემოჭრის დროს. შინაომებით საკმაოდ გატანჯულ, დაზარალებულ გლეხებსა და ხელოსნებს ომი აღარ სურდათ. ისინი ჯარში ძალით იყვნენ გაწვეულნი, უგულოდ იბრძოდნენ და ბრძოლის ველადან ხალხისით გარბოდნენ. ეს იყო არა მათი ომი, არამედ ბატონებისა; რომელთაც ბევრი რამ ჰქონდათ დასაცავი. შეიძლება ვივარაუდოთ, რომ ისრაელიტელი დამპყრობლება ხალხთა მასების ფარული სიმპათიითაც კი სარგებლობდნენ. ისრაელის ძენი მათსავით უბრალო ადამიანები იყვნენ, კიდევ მეტი: მათი ენაც სემიტური იყო და ისე ჰგავდა ქანაანელთა ენას, რომ მომსვლელებსა და დამხედურებს თავისუფლად შეეძლოთ ერთმანეთში საერთოს გამონახვა.

კი მაგრამ, რამ შეაყვარა ქანაანელებს დამპყრობლები, რომ-

ლებიც ბიბლიის ვერსიით, უღმობელ, ტოტალურ ომებს მართავდნენ, უღმობეს ტყვეებს და მოსახლეობას ერთიანად ანადგურებდნენ? უკვე ვთქვით, რომ ბიბლიის რედაქტორებმა ისრაელიტელების სიძაქრე მეტად გააზვიადეს. თუ მსაჯულთა წიგნს წავიკითხავთ, დავასკვნით, რომ დამპყრობლები, შერეულ ქორწინებათა წყალობით, ადგილობრივ მცხოვრებლებს მალე დაუნათესავდნენ და მათი ღმერთების გულმოდგინე თაყვანისმცემლები გახდნენ. ეს ფაქტი ბიბლიის რედაქტორებმაც ვერ მიჩქმალეს. მათ მხოლოდ აგვიხსნეს: იაჰვემ იმიტომ გადაარჩინა ამდენი ქანაანელი, რომ ისრაელიტელები დაესაჯა განდგომისა და მოსეს მცნებათა დარღვევისათვის.

ამრიგად, ყველაფერი იმას ადასტურებს, რომ ქანაანელი ხალხის ფართო მასები დამპყრობლებს ნამდვილად კარგი თვალთ უყურებდნენ, დაბოლოს ეთვისებოდნენ კიდევ.

როგორც ჩანს, ეს განწყობილება იყო ერთ-ერთი მთავარი მიზეზი იმისა, რომ ისრაელიტელებმა ქანაანის ცალკეული რაიონები შედარებით იოლად დაიმორჩილეს. ბიბლიის თანახმად, ისუ ნავეს გამარჯვებაში თვით იაჰვეს ხელიც ურევია. იგი სასწაულებით ეხმარებოდა ისრაელიტელებს. ალბათ ამით ტექსტის რედაქტორებს უნდათ, რომ ხაზი გაუსვან ამ აგრესიის ზებუნებრივ ხასიათს. მაგრამ ამჯერადაც, ისევე როგორც წინა შემთხვევაში, აღწერილი მოვლენები მათი გამოგონილი არ არის. ისინი მხოლოდ თავიანთი განზრახვების შესაბამისად თავისებურად განმარტავდნენ დამპყრობლური კამპანიის დროს ნამდვილად მომხდარ ფაქტებს. ისუ ნავეს წიგნში გვხვდება სამი სასწაული. ყოველი მათგანი ბუნებრივად აიხსნება,

პირველი სასწაული მოხდა მაშინ, როცა უეცრად შეჩერდა მდინარე იორდანე. ისუ ნავეს წიგნში ამ მოვლენის შესახებ შემდეგს ვკითხულობთ: „და დადგა წყალი, მავალი ზემოთგან და აღემართა ვითარცა ზღუდე დიდი, ვიდრე აღამადმდე, ქალაქად. რომელი ახლო არს სართანთან; ხოლო წყალი, ქვე შთამავალი ზღვასა მარილოვანსა, მოაკლდა და განხმა (ისუ ნავე, თ. 3, მ. 16.).“

სწორედ ტექსტში მოხსენებული ქალაქი ადამი დაეხმარა ბიბლიის მკვლევარებს ამ სასწაულის ახსნაში. იერიქონის ჩრდილოეთით ოცდახუთი კილომეტრის მანძილზე იორდანეზე გადასასვლელ ფონს, დღესაც. ელ-დამიეს უწოდებენ. გარდა ამისა, მდინარის აღმოსავლეთ ნაპირზე აღმართულია პატარა ბორცვი თელ-ელ-დამიე.

ორივე სახელწოდება უთუოდ აღომისაგანაა (ადამი) წარმომდგარი. ამ ქალაქის ნანგრევები ახლახან მართლაც აღმოაჩინეს ზემოთ დასახელებული ბორცვის ქვეშ.

აქ იორდანე ღრმა ხევი მოედინება კირქვისა და თიხნარი

მიწის შევეულ კედლებში. ორივე ნაპირი ხშირად განიცდის ვულკანური წარმოშობის მიწისქეშა ბიძგებს. არაერთხელ ჩაქცეულა კლდოვანი ნაპირები მდინარის კალაპოტში, კაშხალივით ჩაწოლილა შიგ და შეუჩერებია მდინარე. ასე მოხდა 1927 წელს, როცა იორდანე თითქმის მთელი დღე-ღამის განმავლობაში იყო ჩახერგილი. წყალი ელ-ღამიეს ჩრდილოეთით დაგუბდა და მდინარის სამხრეთ მონაკვეთი ისეთი თავთხელი გახდა, რომ მასზე თითქმის ფეხდაუსველებლად შეიძლებოდა გადასვლა.

აღნიშნული ფაქტების მიხედვით შესაძლებელი ხდება დავასკვნათ: თუ არაჩვეულებრივი მოვლენა იორდანის გადალახვისას ნამდვილად მომხდარა, მაშინ იაჰვე არაფერ შუაშია, ესაა ამ მიდამოებში ხშირი ამბავი, ბუნების კაპრიზი.

რატომ არ იხსენიებენ მიწისძვრას ბიბლიის შემდგენლები? ვფიქრობ, მათ ეს განზრახ ჩაიდინეს. იორდანის მთიან მიდამოებში მცხოვრებმა ისრაელიტელებმა კარგად იცოდნენ, რომ კლდის ზევეს მდინარის კალაპოტის ჩახერგვა სწორედ ქალაქ ადამასთან შეეძლო. მაშასადამე, მათ იოლად ვერ დაარწმუნებდი, რომ მდინარის შეჩერება სასწაულის წყალობით მოხდა. ბიბლიის შემდგენლებს ესმოდათ, რომ ფაქტების თეოლოგიური განმარტება ეჭვს აღძრავდა. ამიტომ გამოტოვეს თავიანთ აღწერაში ყოველივე ის, რაც მათ ხელს არ აძლევდა. ტექსტის შემდგენლები ბევრს ეცადნენ, მაგრამ ხალხური გადმოცემა მიწისძვრაზე მთლიანად არ გამქრალა და ბიბლიის სხვა ფრაგმენტებში გვხვდება. ასე მაგალითად: წინასწარმეტყველი ქალი დებორა გამარჯვების დიდებულ საგალობელში ამბობს: „უფალო, გამოსლვასა შენსა სიერით და სლვასა შენსა ველსა ედომისასა, შვირყა ქვეყანა“. ასმეცამეტე ფსალმუნში კი, რომელიც ალბათ ისუ ნავეს თქმულებების დროინდელია, ვხვდებით ასეთ პოეტურ სტრიქონებს: „იორდანე უკუიქცა, მთები ხტოდნენ, ვითარცა ვერძნი, და ბორცვნი ვითარცა კრავნი“. როგორც ვხედავთ, ბიბლიის რედაქტორთა მიერ აღწერილი ნაკლული სურათი შეივსო იორდანე მიწისძვრამ შეაჩერა. ხეობის კედლებიდან ჩამოცვენილმა ქვებმა კალაპოტი ჩახერგა.

მეორე სასწაულია იერიქონის კედლების ჩამონგრევა. ბიბლიის მკვლევარებმა ამ ლეგენდაშიც მიაგნეს ნამდვილად მომხდარ ფაქტებს. მაგრამ ვიდრე მათი ჰიპოთეზების მოკლე მიმოხილვას შევუდგებოდეთ, დავუბრუნდეთ იმას, რაც სხვა საბაბით უკვე ითქვა. ყველაზე კომპეტენტური ადამიანები — არქეოლოგები, რომლებმაც იერიქონი აღმოაჩინეს, გადაჭრით ამტკიცებდნენ, რომ ეს ქალაქი ჯერ კიდევ ისრაელიტელთა შემოჭრამდე ასი წლით ადრე დაეცა სხვათა შემოსევის შედეგად და ბიბლიური ისუ ნავე არ შეიძლებოდა ყოფილიყო მისი დამპყრობელი. ამასთან დაკავშირებით სავარაუდოა, რომ იერიქონი რომე-

ლიდაც სხვა ძველმა ებრაულმა ტომებმა დაანგრიეს. ამ ტომებს მეთაურობდა კაცი, რომელიც ძველი აღთქმის ისუზე გაცილებით ადრე ცხოვრობდა, მაგრამ მისი სეხნია იყო. შემდგომ, რუდის ჰეგემონიის ეპოქაში, ეს ორი პიროვნება გააიგივეს. იუდეველები ამ გზით ცდილობდნენ, ჩრდილო და სამხრეთ ქანაანის ძველებრეულ ტომთა პოლიტიკური და სულიერი უნიფიკაციისათვის მიეღწიათ. ცხადია, ჩრდილო ტომების გმირთან ერთად ისტორიულ გადმოცემათა საუნჯეში შევიდა მისი გმირობის გამომხატველი თქმულებების მთელი კომპლექსი, მათ შორის თქმულება იერიქონის დაპყრობაზეც. ამიტომაც, რომ ამ კონცეფციის თანახმად, ისუ ნავეს სახე ბიბლიაში ორ ფენას შეიცავს. იგი შედგება ისეთი ელემენტებისაგან, რომლებიც ეკუთვნის სხვადასხვა ეპოქასა და განკერძოებულ ძველებრეულ ცენტრებს.

ყველა ამ აუცილებელი შენიშვნის შემდეგ მოვისმინოთ, რას ამბობენ არქეოლოგები და ისტორიკოსები იერიქონში მომხდარ სასწაულზე. იერიქონის აღმოჩენთა აზრით ეს ციხესიმაგრე, მიწისძვრამ და ხანძარმა იმსხვერპლა. ამას ადასტურებს გაჭვარტლული ქვებისა და აგურების გროვა, დანახშირებული ხის ნაჭრები, ფერფლის სქელი ფენა, რომელიც ზედა კულტურულ შრეს ფარავს. გარდა ამისა, ციხესიმაგრის გალავნის შემონახულ ნაწილებში მოჩანს ღრმა ბზარები, ხოლო სახლების სახურავები, როგორც ჩანს, მოულოდნელად ჩამონგრეულა და ყოველდღიური მოხმარების ნივთები ნანგრევებზე დაჩაუქარხავს. მაგრამ ასეთი ვერსია ეწინააღმდეგება ისუ ნავეს წიგნს, რომელშიც ნათქვამია: ციხესიმაგრის კედლები ბუკების შეძახილმა და მოიერიშე ჯარის ყვირილმა ჩამოანგრიათ. ბიბლიის მკვლევარები, რომელთაც სურდათ არქეოლოგიური დასკვნების შეხამება ბიბლიურ ვერსიასთან, სხვა, უფრო დამაჯერებელ, ჰიპოთეზას გვთავაზობენ.

ღერსმული დოკუმენტების წყალობით ვიცით, რომ ციხე-სიმაგრეთა კედლების დანადგვა საალყო ტექნიკის ერთ-ერთი უძველესი საშუალებაა კაცობრიობის ისტორიაში. დამისწყვდიადს შეფარებულ მეომრებს ციხესიმაგრის საძირკველქვეშ გაჰყავდათ თხრილები და შიგ მსხვილ მორებს აწყობდნენ. გარკვეულ მომენტში მორებს ცეცხლს უკიდებდნენ, საძირკველგამოცლილი კედლები თხრილებში ეშვებოდა, ალყაშემორტყმულებს შიში იპყრობდა და მოიერიშეებს ქალაქში შესასვლელი გზა ეხსნებოდათ.

შეიძლება ვივარაუდოთ, რომ იერიქონის აღების დროსაც ასეთი საალყო ტექტიკა გამოიყენეს. იმ დროს, როცა ციხესიმაგრის გალავანს ძირს უთხრიდნენ, მოიერიშეები, ალბათ, ალყაშემორტყმულთა ყურადღების მიპყრობასა და მიწისქვეშა

სასანგრე სამუშაოთა ხმაურის ჩახშობას ცდილობდნენ. ამ მიზნით მათ ცბიერი ხერხი გამოიყენეს: შეიარაღებული რაზმებო ბუკის ხმაზე საბრძოლო შეძახილებით მარშით მიმოდრიდნენ გალავნის გარშემო. გათხრების დროს აღმოჩენილი ხანძრის კვალდი ამ ჰიპოთეზას სრულებითაც არ ეწინააღმდეგება. ისუ ნავეს წიგნში ხომ აღნიშნულია — ისრაელიტელებმა, ქალაქის დაპყრობის შემდეგ, „ყოველი, რომელი იყო მას შინა, დასწვეს ცეცხლითა“.

ყველაზე დიდი დავა გამოიწვია ისრაელიტელთა ლაშქრობის დროს მომხდარმა მესამე სასწაულმა. სამხრეთ ქანაანში, ხუთი მეფის არმიას რომ უკან დაედევნა, ისუ ნავემ ვითომდა მზე და მთვარე შეაჩერა, რათა მტრისთვის ღამის წყვდიადში შეფარების საშუალება არ მიეცა. ყველაზე თავგამოდებული ფიდეისტებიც კი ვერ ბედავდნენ იმის მტკიცებას, თითქოს ისუ მზისა და მთვარის მბრძანებელი იყო. ამიტომ, ისინი ამ სასწაულის ასახსნელად სხვადასხვა გზას ეძებდნენ და ამოსავლად იყენებდნენ დებულებას: „ბიბლია მართალია“ და ამტკიცებდნენ, რომ ამიტომაც მასში აღწერილი ბუნების მოვლენა ნამდვილად მოხდებოდაო. ჩვენ ყველა ჰიპოთეზის ჩამოთვლის საშუალება არა გვაქვს. მაგალითისათვის განვიხილავთ მხოლოდ ერთს, რომელსაც თავის დროზე ყველაზე მეტი მომხრე ჰყავდა. ამ ჰიპოთეზის მიხედვით, სიბნელე თითქოსდა სქელ, სეტყვის მომასწავებელ ღრუბელს მოჰყვა. ჰორიზონტს მოფარებულმა მზემ მოულოდნელად გაარღვია ღრუბლები და სხივების ათინათმა უცებ გაანათა მოქურხებული ცა. მოულოდნელი გამონათებით ისარგებლეს ისრაელიტელებმა და ქანაანელები ერთიანად დაამარცხეს. შემდგომში ხალხის ფანტაზიამ ამ ეპიზოდს „მიუმატა ლეგენდა, თითქოს ისუ ნავემ სასწაული ჩაიდინა — მზე და მთვარე შეაჩერა, რომ საბოლოო გამარჯვებამდე ბრძოლის საშუალება ჰქონოდა“.

მაგრამ მოგვიანებით აღმოჩნდა, რომ მთელი ეს ამბავი, კაცმა რომ თქვას, გაუგებრობას ემყარება. სიხარულით აღგზნებულმა ისუ ნავემ წამოიძახა: „დადგე, მზეო, გაბაონსა ზედა, და მთოვარეო, ხევსა ზედა. აიალონისსა! და დადგა მზე და მთოვარე დადგომით, ვიდრემდის სძლო ღმერთმან მტერთა მათთა“ (ისუ ნავე, თ. 10. მ. 12-13).

როგორც ვხედავთ, სასწაულის აღწერას გარკვევით პოეტური აპოსტროფის ხასიათი აქვს. ამ სტრიქონების ავტორს სწავლია, პოეტური მეტაფორის საშუალებით ხაზი გაუსვას, თუ რა დიდი მნიშვნელობა ჰქონდა ისუ ნავეს გამარჯვებას, გვიჩვენოს, რომ გამარჯვება იმდენად ელვისებური და სრული იყო, რომ მზეცა და მთვარეც გაოცებული შეჩერდნენ. მსგავსი პოეტური ჰიპერბოლები ხშირად გვხვდება ძველ პოემებში, სხვათა შორის,

პომეროსთანაც; ამიტომ ბიბლიაში აღწერილი სასწაული სიტყვისადაც არ უნდა გავიგოთ. უბრალოდ რომ ვთქვათ, ეს სტილისტიკური ფიგურაა, ამაღლებული და ეგზალტირებული საგალობელი ისუ ნავეს განსაზღვრებლად.

მოგვიანებით ჩატარებულმა ლინგვისტურმა კვლევა-ძიებამაც გააქარწყლა ყოველგვარი ეჭვი ამ ადგილის შესახებ. აღმოჩნდა, რომ ზემოთ მოყვანილი სტრიქონები ზუსტადაა ამოღებული „მართლის წიგნიდან“. ეს ციტატა საკმაოდ გვიან შეიტანეს ისუ ნავეს შესახებ გავრცელებულ თქმულებაში ბიბლიის მემატიანეებმა. „მართლის წიგნი“ წარმოადგენს ებრაელთა შორის მეტად პოპულარული ჰიმნებისა და მოკლე ეპიკური პოემების კრებულს. ამ ძველი ანთოლოგიიდან ამოღებულ მუორე ციტატა აღმოჩნდა მეფეთა მუორე წიგნში (თ. 1, მ. 18). ასე გაქარწყლდა საბოლოოდ ლეგენდა მზის სასწაულებრივი შეჩერების შესახებ.

მსაჯულთა წიგნი ისუ ნავეს წიგნის გაგრძელებაა და დაახლოებით ძველი წელთაღრიცხვის 1200—1050 წლებს მოიცავს. ბიბლიის თარიღების თანახმად, ეს პერიოდი ისუ ნავეს სიკვდილიდან სამოელის მიერ შემოღებული მონარქიული წყობილების დასაწყისამდე გრძელდება.

მაგრამ ბიბლიის რედაქტორებს ამ პერიოდის სრული ისტორია არ დაუწერიათ. მათ არც ფაქტები და მოვლენები დაუკავშირებიათ ერთმანეთთან ქრონოლოგიური თანმიმდევრობით. ისევე, როგორც წინა წიგნებში, რედაქტორები ამ წიგნშიც ცდილობენ, საგანგებოდ შერჩეული მაგალითებით გვიჩვენონ, თუ როგორ ისჯებოდნენ ისრაელის ტომები იაჰვესაგან განდგომისა და უცხო ღმერთების თაყვანისცემისათვის. ამრიგად, მივიღეთ ეპიკურ თხზულებათა ანთოლოგიის მსგავსი რამ, რომელიც ცხადად მოგვაგონებს სკანდინავურ საგებს. ეს თქმულებები აღსავსეა შეუბრალებლობით, სამხედრო განგაშებით, ხანძართა საშინელებით და გამანადგურებელი კატასტროფებით; მაგრამ ამავე დროს ისინი გვიჩვენებენ პირად გმირობასაც, კეთილშობილურ მისწრაფებებს და მწვავე კონფლიქტებს ჭეშმარიტი ადამიანურობისათვის. ბიბლიურ თქმულებებში სხვა წყაროებიდან ჩვენთვის კარგად ცნობილ მოტივებსაც ვხვდებით. დებორა ხოი ისრაელიტელთა ჟანა დ'არკად გვევლინება, იეფთაეს ქალიშვილი ისევე იღუპება, როგორც აგამემნონის მიერ მსხვერპლად შეწირული იფიგენია; სამსონს ბევრი აქვს საერთო ჰერაკლესთან, ხოლო ბენიამინელთა გროტესკულ და ამავე დროს კომპარულ თავგადასავალში თითქოსდა ვხედავთ რომაული ლეგენდის პირველსახეს საბინელ ქალთა მოტაცების შესახებ.

ერთ წიგნში ამდენი უმოწყალობის, უღირსი საქციელისა და დაუჯერებელი ამბების თავმოყრის შემდეგ ბიბლიის ტექსტის

რედაქტორები თითქოსდა უცებ გონს მოვიდნენ. შემთხვევითი არაა, რომ ამ ნაღვლიან საგათა კრებულში მთავრდება ოპტი-
მისტური აკორდით — მომხიბვლელი თქმულებით ერთგულ
რუთზე. ეს თქმულება ბიბლიაში შედარებით გვიან შეიტანეს,
იგი მსაჯულთა ეპოქის დროინდელია. აი, იდილიური, მომხიბვ-
ლელი სიმყუდროვით აღსავსე სურათი: ალოობა, მომკვლემი
ერთად სადილობენ; დიდსულოვანი მხვენელ-მითესველები და კდე-
მამოსილი, მოსიყვარულე ქალები, — რა მკვეთრი კონტრასტია
საერთო ანარქიის, უხეშობისა და ბარბაროსობის ფონზე! ამ
თქმულების ავტორებს თითქოსდა სურდათ ეჩვენებინათ: მსა-
ჯულთა ეპოქაშიც კი, ყველაფრის მიუხედავად, არსებობდა ჩვეუ-
ლებრივი სამყარო პატიოსანი ადამიანებისა, რომლებმაც საერ-
თო ქაოსის დროსაც კი შეინარჩუნეს ზნეობრივი სიწმინდე,
ალალმართლობა და ადამიანური ღირსება.

მართალია, ბიბლიის რედაქტორებმა ისტორია თავიანთ რე-
ლიგიურ ტენდენციებს შეუგუეს, მაგრამ მსაჯულთა წიგნი მაინც
საშუალებას გვაძლევს, მოვხაზოთ პოლიტიკური ურთიერთო-
ბის საკმაოდ ზუსტი სურათი, ქანაანში ისრაელიტელი ტომების
შეჭრის შემდეგ რომ შეიქმნა. უპირველეს ყოვლისა ჩვენ ვი-
გებთ, რომ რასობრივი მთლიანობის იდეამ, რომელიც ბიბლიუ-
რი ვერსიის მიხედვით, ისრაელიტელებს თავს მოახვია მოსემ
და განამტკიცა ისუ ნავემ, დროის გამოცდას ვერ გაუძლო. ძვე-
ლი სემიტური ტომობრივი ორგანიზაცია, რომელიც სისხლით
ნათესაობას ემყარებოდა, ვერ კიდევ ძალზე სიცოცხლისუნარი-
ანი იყო და ბინადარი ცხოვრების ახალ პირობებშიც არ იხევდა
უკან.

ყოველ ტომს თავისი განსაკუთრებული საყოფაცხოვრებო
ტრადიციები ჰქონდა და საკუთარ კილოზეც კი ლაპარაკობდა.
ისუ ნავეს სიკვდილის შემდეგ, როცა საერთო ბელადი უკვე
აღარ ჰყავდათ, კვლავ იჩინა თავი ძველმა შუღლმა, სხვისმა
ათვალწუნებამ და სეპარატისტულმა მიმდინარეობებმა. ამას ხე-
ლი შეუწყო იმან, რომ პირველყოფილი ერთიანობის დაშლისა
და კლასობრივ განსხვავებათა გაღრმავების შედეგად წინათ არ-
ჩეული გვარის უხუცესები მემკვიდრეობით არისტოკრატებად
იქცნენ. ტომის ან გვარის ბელადები იჩიმებდნენ თავადის ან
უფროსის ტიტულს და თავს იმკობდნენ ეპითეტებით: „უძლე-
ველი“ ან „კეთილშობილი“. სწორედ ეს პრივილეგიური ფენები
ექიმებოდნენ ერთმანეთს, რითაც ხელს უწყობდნენ არა მარტო
ისრაელის მთლიანობის დარღვევას, არამედ ძმათამკვლელ
ომებსაც.

ამრიგად, ისრაელის ხალხს პოლიტიკური ქაოსისა და თვით-
ნებობის ხანა დაუდგა. მსაჯულთა წიგნში ვკითხულობთ, რომ
ისრაელს მაშინ მეფე არ ჰყავდა და ყველა ჩადიოდა იმას, რაც

მართებულად შიანსდა. დანიელ როფსი წიგნში „აბრაამიდა“ ქრისტიმდე“ მახვილკონსერუდად შესამნავს: ამ პერაოდში ისრაელს იმდენი ისტორია გაანსია, რამდენი ტომიც ქუვლია.

ისრაელის ერის დაშლა თარმეტ ერთმანეთს შორის მტრულად განწყობილ ტომად მით უფრო სახიფათო იყო, რომ ისუ ნავეს მხოლოდ ნაწილობრივ ჰქონდა ქანაანი დაპყრობილი. ქვეყნის ცენტრში დამოუკიდებლობა შეინარსუნეს ქანაანის ძლიერმა ტომებმა, რომლებიც ფლობდნენ ხელშეუვალ გამაგრებულ ქალაქებსა და ყველაზე ნაყოფიერ მიწებს. ისრაელელები პირველად მკვიდრდებოდნენ თხლად დასახლებულ მთიან ადგილებში. აქ ისინი მესაქონლეობასა და ნახევრად მომთაბარე ცხოვრებას ეწეოდნენ. ახალმოსახლეები ქვის სახლებს არ აშენებდნენ. მათი ბინა იყო კარვები და ხის ქიხები. სამკვიდრებელ ადგილებს ისინი იშვიათად თუ იპყრობდნენ იარაღის ძალით. მეტწილად ეს იყო მომთაბარე მესაქონლეთა მშვიდობიანი, თანდათანობითი შეღწევის პროცესი უცხო ქვეყანაში.

ცხადია, ისრაელის ცალკეული შეუკავშირებელი ტომები მუშობელი ქანაანის პატარა სახელმწიფოების მფლობელთა წინააღმდეგ გალაშქრებას ვერ ბედავდნენ. ახლომახლი მიდამოებში დასახლების უფლებისათვის მათ ქანაანის მთავართა ჰეგემონია უნდა ეცნოთ და მათთვის ხარკი ეხადათ. ეკონომიურ და პოლიტიკურ დამოკიდებულებას ხშირად ჩაგვრა, ხარკი და მონობა მოსდევდა.

მსაჯულთა წიგნი, არსებითად, თქმულებათა კრებულია ისრაელის ჩაკრულ ტომებზე, რომლებიც მრავალი წლის მანძილზე იტანდნენ მონობას და ბოლოს თავიანთი ეროვნული გმირების, ეგრეთ წოდებულ მსაჯულთა ხელმძღვანელობით განმათავისუფლებელი ბრძოლისათვის აღდგნენ. ბიბლია დაწერილებით მოგვითხრობს ექვს გამორჩენილ ბელადზე და იხსენიებს კიდევ ამდენივე ნაკლებად მნიშვნელოვან ბელადს, რომელთა შესახებ მათი სახელების გარდა არაფერი ვიცით.

მსაჯულებს ძველებრულ ენაზე „მოფეტიმს“ უწოდებდნენ. ეს სიტყვა წარმოდგება „შფაფტ“ ზმნიდან, რაც „განსჯას“ ნიშნავს, მაგრამ მათი მოვალეობა მხოლოდ მსაჯულთა ფუნქციებით არ ამოიწურებოდა. სემიტთა შორის უძველეს დროშივე არსებულ ამ წოდებას ადმინისტრაციის უმაღლეს მოხელეებს ანიჭებდნენ. ფინიკიელთა ქალაქებში ყოველწლიურად ირჩევდნენ ეგრეთ წოდებულ სუფეტესებს, ანუ მეფის ნაცვლებს კოლონიებისათვის. როცა კართაგენი ფინიკიის მეტროპოლიას გამოეყო და სუვერენულ სავაჭრო სახელმწიფოდ იქცა, მისი ხელმძღვანელები უწინდებურად სუფეტესები იყვნენ. მათ ყოველწლიურად სავაჭრო პლუტოკრატია ირჩევდა. ზოგჯერ, უმეფობის დროს, მათ ირჩევდნენ ფინიკიის ქალაქ-სახელმწიფოებში.

მაგალითად, ქველი წელთაღრიცხვის 563—556 წლებში მათ ტერიტორიის მართვა-გამგებლობა ანდეს.

ბიბლიაში კი ეს ამბავი ცოტა სხვანაირად გამოიყურება. მასში ისრაელიტელი მსაჯულები მეტწილად ამბობებთან მამაც ბელადებად ან პარტიზანებად გვევლინებიან და შემთხვევით თუ წარმოგვიდგებიან სამოქალაქო ადმინისტრატორების როლში. ბიბლიას თუ დაუფუკრებთ, ისინი სამხედრო დიქტატორები უფრო იყვნენ, პირადი ღირსების წყალობით თვისტომთა შორის დიდი ავტორიტეტით სარგებლობდნენ და სათანადო მომენტში მათ განმათავისუფლებელ ბრძოლას ხელმძღვანელობდნენ. მსაჯულთა ძალაუფლება მეტწილად მხოლოდ ერთ ტომზე ვრცელდებოდა, თუმცა ქანაანელ დამპყრობთა წინააღმდეგ საბრძოლველად ზოგიერთმა მსაჯულმა რამდენიმე ტომის დროებითი კოალიციის შეკოწიწებაც კი მოახერხა. დამოუკიდებლობის დაბრუნების შემდეგ მსაჯულებს, როგორც ეროვნულ გმირებს, სიკვდილამდე ეყურათ ძალაუფლება. მაგრამ ამა თუ იმ მსაჯულის სიკვდილის შემდეგ მის მართვა-გამგებლობაში მყოფი ტომი ხშირად კვლავ ქანაანელთა უღელქვეშ ექცეოდა.

პოლიტიკურ ქვეშევრდომობაზე უფრო სახიფათო ის იყო, რომ ისრაელიტელები იოლად ხვდებოდნენ ქანაანელთა კულტურისა და რელიგიის გავლენის ქვეშ, რაც მათ ნაციონალურ ხასიათს სრულ გადაგვარებას უქადდა. მსაჯულთა წიგნში საკმაო სიცხადით არა ჩანს, რატომ ხდებოდა ეს ამბავი. ბიბლიის რედაქტორები, რომლებიც მკაცრი იუდაიზმის პოზიციებს იცავენ, ქანაანელებს გახრწნილებად, ბარბაროსებად, უხეიო და სამაგელი რელიგიური კულტის მიმდევრებად გვიხატავენ. ამასთან დაკავშირებით ბუნებრივად გაჩნდა ერთი კითხვა: როგორღა მოხდა, რომ მოსეს მორალურ მცნებებზე აღზრდილი ისრაელის ტომები ასე იოლად ასცდნენ სწორ გზას და შესცოდეს?

ამ კითხვაზე პასუხის გაცემა ძნელი იყო, სანამ ჩვენი ცოდნა ქანაანელების შესახებ უმთავრესად ბიბლიის ცნობებით ამოიწურებოდა. ამ საკითხს მხოლოდ პალესტინაში მოპოვებულმა არქეოლოგიურმა აღმოჩენებმა მოჰფინა ნათელი. ახლა ვიცით, რომ ქანაანელებს ჰქონდათ მაღალგანვითარებული მატერიალური კულტურა, რომელიც ეგვიპტის, სირიისა და მესოპოტამიის კულტურას არაფრით ჩამოუვარდებოდა. ქანაანელთა მრავალრიცხოვანი ქალაქები საზოგადოებრივი შენობებითა და სასახლეებით იყო განთქმული: ამ ქალაქებს სავაჭრო და კულტურული ურთიერთობა ჰქონდათ სხვა სახელმწიფოებთან. მათი მოსახლეობა წარმატებით მისდევდა ალებ-მიცემობასა და ხელოსნობას. მიწათმოქმედებასა და მესაქონლეობასთან ერთად აქ მებაღეობაც იცოდნენ. ქვეყანა დაფარული იყო დანაკისკუდის (ფინიკის პალმის), ზეთისხილის, ლეღვისა და ბროწეულის კარგად

მოვლილი ბალებით. მთის ფერდობებზე, მზის სხივებში გადაშლილიყო ვენახები, ხეობებში კი ყოველნაირი ბოსტნეული მოჰყავდათ. ცნობილია, რომ ქანაანელებს ეგვიპტეში შეჰქონდათ ღვინო, ზეთისხილი და ბოსტნეული.

არქეოლოგიური მონაპოვრები ქანაანელთა დიდად განვითარებულ ხელოვნებასა და შინამრეწველობასაც მოწმობენ. ქანაანის ქალაქთა ნანგრევებში აღმოჩენილია ორიგინალურად გამოძერწილი ქანდაკებები ღმერთებისა, მაღალი წრის წარმომადგენელთა პორტრეტები, ოქროსა და ვერცხლის საიუველირო ნაკეთობანი, სპილოს ძვლებზე ამოჭრილი ბარელიეფები, სახიანი და ორნამენტით დამშვენებული ქაშანურის ჭურჭლეული და აგრეთვე ოსტატურად ამოკვეთილი ყოველდღიური მოხმარების ნივთები (კოლოფები, შუბები, სტილეტები, ცულები, იარაღები და ყოველგვარი კერამიკული ნაწარმი). ფარაონი თუტმოს III ერთ-ერთ ჩვენამდე მოღწეულ ჩანაწერში გადმოგვცემს — პალესტინიდან მდიდარი ნადავლი, ოქროსა და ვერცხლის უამრავი ჭურჭელი წამოვიღეო. ბეთ-შანში ნანგრევებიდან ამოიღეს ქვის დიდებული ქანდაკება, რომელიც გამოხატავს ღომების ორთაბრძოლას. გარდა ამისა, ქანაანი განთქმული იყო ადგილობრივი წარმოების ძვირფასი მეწამული საღებავით შეღებილი საფეიქრო ნაწარმითაც.

როგორც ადრე აღვნიშნავდით, ძველი წელთაღრიცხვის XII საუკუნე ქანაანური კულტურის დაცემის პერიოდს წარმოადგენს. მიუხედავად ამისა, მას დიდი შთაბეჭდილება უნდა მოეხდინა მომთაბარე ისრაელიტელებზე, რომლებიც ორმოცი წლის მანძილზე უდაბნოს პირველყოფილ პირობებში ცხოვრობდნენ. ქანაანელთა ხალხმრავალი ქალაქები, დიდებული შენობები და ქულბაგები უთუოდ მოეწონებოდათ უბრალო მესაქონლეებს. ამიტომ გასაკვირი არაა, რომ ისრაელიტელები, როგორც ბიბლია ამტკიცებს, სიამოვნებით ირთავდნენ აქაურ ქალებს, ხოლო თავის ასულებს ქანაანელებს ატანდნენ, რადგან ასეთი ნათესაური კავშირი მათთვის უფრო საპატიო იყო.

მაგრამ ქანაანის პატარა სახელმწიფოებისათვის, რომლებმაც ვერ შეძლეს თავის დაცვა, ისრაელიტელთა შემოჭრა კატასტროფას ნიშნავდა. გათხრებმა დაადასტურეს, რომ ამ დროს აქ ხელოსნობა და, უპირველეს ყოვლისა, მშენებლობა, საოცრად დაქვეითებული იყო. ქანაანელთა ქალაქების ნანგრევებზე დამპყრობლები აგებდნენ ქოხმახებს, რომელთაც ნაწვიმარი წყლის სადენი პრიმიტიული მოწყობილობაც კი არ გააჩნდათ. ცხადია, ისრაელიტელ ტომებს გამოცდილება აკლდათ. მშენებლობას უდაბნოში ვერ ისწავლიდნენ. სხვას რომ თავი დავანებოთ, ამ საქმეში მათ პატრიარქალური დემოკრატიული წყობილებაც აფერხებდა. იმ დროს დიდი შენობებისა და თავდაცვითი ნაგე-

ბობების შექმნა შეიძლებოდა მხოლოდ დამონებული ხალხის მასების კოორდინირებული შრომის გამოყენებით. ისრაელიტელები კიდეც დიდხანს დარჩნენ თავისუფალ მესაქონლეებად. მართალია, მათ ტომებში უხუცესთა წოდება უკვე შემკვიდრებით გადადიოდა, მაგრამ მათ ისეთი განუსაზღვრელი ძალაუფლება არ ჰქონდათ, როგორც ქანაანელთა ქალაქების მმართველებს.

გასათვალისწინებელია ისიც, რომ ქანაანელთა სამკვიდრო მიწა-წყალზე უცხო ტომების შემოჭრას დიდი ეკონომიური ძერა უნდა გამოეწვია. ქანაანის ქალაქების აღმავლობა უმთავრესად საერთაშორისო ვაჭრობის შედეგი იყო. ამიტომ, როგორც კი გადაჭრეს დამპყრობლებმა საქარავნო გზები, ვაჭრობაც შეფერხდა და, ცხადია, მატერიალური კეთილდღეობის დონეც დაეცა. ეკონომიური კრახის შედეგები რამდენიმე საუკუნის განმავლობაში იგრძნობოდა. სოლომონი იძულებული იყო, იერუსალიმის ტაძრის მშენებლობაზე ფინიკიის ტვიროსიდან მოეწვია ხელოსნები, მხატვრები და მშენებლები. მხოლოდ ამ ენერგიული და შეუპოვარი მეფის წყალობით გამოცოცხლდა ვაჭრობა და კვლავ აყვავდა ქალაქები. ზოგიერთი მათგანი, მაგალითად, იერუსალიმი სირიისა და ეგვიპტის ქალაქებსაც კი უწევდა მეტოქეობას.

არქეოლოგიურმა გათხრებმა დაადასტურა, რა როლი შეასრულეს ისრაელიტელმა დამპყრობლებმა ქანაანში. მაგრამ უპასუხოდ დარჩა ერთი კითხვა — რატომ მოხდა, რომ ისინი ასე გაიტაცა ქანაანელთა რელიგიამ, რომელსაც ბიბლიის რედაქტორები ყოველთვის ზიზღით იხსენიებენ და გმობენ? ამ კითხვს ნათელი მოეფინა მხოლოდ 1928 წელს, როცა ჩრდილოეთ სირიაში, ფინიკიელთა ქალაქის უგართის ნანგრევებს მიაკვლიეს. ნანგრევებში აღმოაჩინეს რამდენიმე ასეული დოკუმენტებიანი ლურსმული ფირფიტა, ზოგი მათგანის ტექსტი უგართულ ენაზე იყო დაწერილი. გაშიფრისას აღმოჩნდა, რომ ეს იყო უპირატესად ჰიმნების, ლოცვებისა და მითოლოგიური პოემების შემცველი რელიგიური ტექსტები. მეცნიერებმა დიდ შეფასება მისცეს ამ აღმოჩენას, რადგან მიკვლეული ფირფიტების საფუძველზე ბოლოს და ბოლოს შესაძლებელი გახდა ცალმხრივი ბიბლიური ვერსიის უარყოფა და ქანაანური რელიგიის აღდგენა მისი ნამდვილი სახით.

რა აქვს საერთო ფინიკიელთა რელიგიას ქანაანელებთან? უპირველეს ყოვლისა, დადგენილია, რომ ფინიკია და ქანაანი კულტურულ, რელიგიურ და ეთნიკურ ერთიანობას ქმნიდნენ. ქანაანელი ხალხები უპირატესად ფინიკიურ ენაზე, ან მასთან ძალზე ახლო მდგომ კილოებზე ლაპარაკობდნენ და აღიარებდნენ იმავე ღმერთებს, რომლებსაც თაყვანს სცემდნენ ტვიროსის,

ბიბლოსისა და უგარიითის მცხოვრებლები. მაშასადამე, ყველა-
ფერი, რაც ფირფიტებზე ამოიკითხეს, არსებითად ქანაანში გა-
ვრცელებულ რელიგიასაც უნდა ეხებოდეს.

სემიტური წარმოშობის ფინიკიელები მეზღვაურები, ვაჭრე-
ბი და მოგზაურები იყვნენ; ისინი ჯერ კიდევ ძველი წელთ-
აღრიცხვის მესამე ათასწლეულში დამკვიდრდნენ სირიის სანა-
პიროზე. ფინიკიელთა საპორტო ქალაქები ტვირისი, ბიბლოსი
და სიდონი გაცხოველებულ საზღვაო ვაჭრობას ეწეოდნენ. მა-
თი ხომალდები აფრიკის ჩრდილო-დასავლეთ ნაპირებამდე და
ინგლისამდე მიდიოდნენ. შესაძლოა, მათ აფრიკასაც კი
შეემოუარეს. ფინიკიელი ვაჭრების მიერ ხმელთაშუა ზღვის
სანაპიროზე დაფუძნებულ კოლონიათა შორის კართაგენმა
იმით გაითქვა სახელი, რომ თავისი მეტროპოლიის ძალა-
უფლებებისაგან განთავისუფლდა და როგორც სუვერენულმა სა-
ზღვაო სახელმწიფომ. რომის იმპერიასთან სამკედრო-სახიცო-
ცხლო ომი გააჩაღა.

თავისი ხანგრძლივი ისტორიის მანძილზე ფინიკიელებმა
კულტურული განვითარების მეტად მაღალ დონეს მიაღწიეს.
მესოპოტამიელთა და ეგვიპტეელთა გავლენის მიუხედავად, მათი
კულტურა ორიგინალური იყო. ფინიკიის ქალაქებში მშენებ-
ლობა, ხელოსნობა და ხელოვნება ყვაოდა: ფინიკიური მხატვრუ-
ლი ნაწარმი, ვაცვლითი ვაჭრობის გზით, მაშინდელი მსოფ-
ლიოს შორეულ კუთხეებშიც კი მიდიოდა. მაკრამ ფინიკიელთა
უდიდესი მიღწევა ანბანური სისტემის დამწერლობის შექმნა
იყო.

უგარიითში ჩატარებულმა გათხრებმა გვიჩვენა, რომ ძველი
ქანაანის რელიგია სულაც არ იყო ისეთი უზნეო, როგორადაც
მას გვიხატავენ ბიბლიის რედაქტორები. ღოკუმენტებში წარმო-
დგენილი ღმერთებსა სამყარო მდიდარია და წარმტაცი. იგი
აღსავსეა პოეზიითა და დრამატული დამაბუვლობით. ეს ღმერ-
თები და ქალღმერთები შეპყრობილნი არიან ჩუქულებრავ მოკვ-
დავითათვის დამახასიათებელი ვნებათა დეკლით: მათ იციან სი-
ყვარულიცა და სიძულვილიც. ისინი ერთმანეთს ებრძვიან,
იტანჯებიან და კვდებიან. რა თქმა უნდა, ეს რელიგია მაღალ
მორალურ პრინციპებს არ ქადაგებდა. ანტიკური პოლითეიზმის
ყველა ნაირსახეობათა მსგავსად, ეს რელიგიაც გამოხატავდა
მაშინდელი ადამიანის გულუბრყვილო წარმოდგენებს კოსმოსის
იღუმალებაზე, ასახავდა ადამიანის ცხოვრების დრამატულობას
მისი პირადული და საზოგადოებრივი კონფლიქტებით.

ფინიკიური რელიგიური ეპოსი ზანდახან ამკარად მოგვაგო-
ნებს ჰომეროსს.

აი, ბაალის სადიდებელი ფრაგმენტი:

თასით შესვა მან სასმელი გრძნეული,
წამოდგა სარეცილიდან, აღმოხდა მას ხმა მხიარული,
წინწილის ხმას ააყოლა მან გალობა,
და ხმა მისი იყო მშვენიერი;
ზაპონის მთის მწვერვალზე აღვიდა იგი,
იხილა ნაღრია, ასული თვისი, ქალღმერთი ნათლისა,
იხილა ასული თვისი, თალია, ქალღმერთი წვიმისა.

ფინიკიელთა უმაღლესი ღვთაება იყო სისხლის მწყურვალი, თითქოსდა ნგრევის ჟინით შეპყრობილი, ამავე დროს გულარხეინი და მოწყალე ელი. მაგრამ, როგორც ვიცით, ყველაზე დიდ პატივს სცემდნენ ბაალს — მოსავლის, წვიმისა და საქონლის მფარველ ღვთაებას. მისი მეუღლე იყო ასტარტე, სიყვარული-სა და ნაყოფიერების ღვთაება, ძველი სამყაროს ერთ-ერთი ყველაზე პოპულარული ქალღმერთი, რომელსაც ქანაანში აშურსაც უწოდებდნენ.

ბაალი შუმერულ-აქადური წარმოშობის ღვთაებაა. აღმოსავლეთის ხალხებში იგი სხვადასხვა სახელით იყო ცნობილი. ფინიკიელები მას აგრეთვე თამუზს ან ეშმუნს უწოდებდნენ. ეგვიპტელები — ოსირისს, ხოლო ბერძნებს მარად ჭაბუკი აღონისის სახით წარმოედგინათ.

როგორც ებეკიელის წინასწარმეტყველებიდან ვიცით, თამუზის კულტს ჯერ კიდევ ძველი წელთაღრიცხვის 590 წელს სცემდნენ თაყვანს იერუსალიმის ტაძრის ებოში. მის წინასწარმეტყველებებში სიტყვასიტყვით ვკითხულობთ: „მომიყვანა ბჭეთა თანა-სახლისა უფლისათა, რომელი ჰხედავს ჩრდილოეთით. და აჰა, ისხდეს მუნ დედანი და გოდებდეს თამუზს (ებეკ. 8, 14).

ბაალის (ბალას) პოპულარობას, უპირველეს ყოვლისა, ის ამტკიცებს, რომ მისი სახელი ხშირად პირთა სახელების შემადგენელი ნაწილი იყო ფინიკიაში, ისრაელსა და კართაგენში. ერთ-ერთ მსაჯულს მეტსახელად იერობაალი ერქვა, მეფე საულის ძეს — იეშბაალი, ხოლო კართაგენის უდიდეს გმირებს ჰასდრუბალსა და ჰანიბალს უწოდებდნენ.

ტვიროსში ბაალის სიმბოლოდ იდგა ორი სვეტი — ერთი ოქროსი, მეორე კი ვერცხლისა. შემდგომში ხალხურმა ფანტაზიამ ეს ორი სვეტი შორეულ დასავლეთში, გიბრალტარის სრუტეში გადატყორცნა, ხოლო ბერძნებმა ჰერაკლეს სვეტების სახელწოდებით შეიტანეს თავიანთ ლეგენდებში.

ბაალის კულტთან დაკავშირებული იყო დიდებული დღესასწაულები და რელიგიური პროცესიები, რომლებიც აჩვენებდნენ ამ ღვთაების საოცარ დრამატულ ბედს. შემოდგომის დასაწყისში სიკვდილის ღვთაება მოთი ბაალს იტაცებდა და ქვესკნელის სამეფოში მიჰყავდა, რასაც ბუნების სიკვდილი და ზამთარი

მოპყებოდა ზოლმე. ქანაანელები გარდაცვლილ ღმერთს დასტიროდნენ. სასოწარკვეთილები ტანსაცმელს იხვედნენ, სხეულს ისახიჩრებდნენ და სამგლოვიარო ჰანგებს მღეროდნენ. მაგრამ გაზაფხულობით ნაყოფიერების ქალღმერთი ანათი მოის აპარცხებდა და თავისი მეუღლე დეადამიწის ზედაპირზე ამოკყავდა. ამ დროს მიწათმოქმედები მკვდრეთით აღმდგარი ნაყოფიერების ღვთაების პატივსაცემად მზიარულ პროცესიებს მართავდნენ, დაფდაფების ხმაზე ცეკვავდნენ და ჰიმნებს მღეროდნენ.

მოსავლის ღვთაების სიკვდილისა და მკვდრეთით აღდგომის მითი მარტო ფინიკიელთა და ქანაანელთა ცხოვრებაში როდი ასრულებდა დიდ როლს, გავისხენოთ თუნდაც ოსირისისა და ქალღმერთ ისიდას ეგვიპტური კულტი, დემეტრასა და მის ქალიშვილ პერსეფონესთან დაკავშირებული ბერძნული მისტიერიები, ფრიგიული ქალღმერთი კიბელე და მისი ჭაბუკი მეუღლე ატიისი, აგრეთვე ელინისტური ეპოქის მისტიკური წესჩვეულებანი, რომლებსაც აფროდიტესა და აღონისის პატივსაცემად ასრულებდნენ.

ქანაანში ბაალთან ერთად, უდიდეს პატივს სცემდნენ ნაყოფიერების ქალღმერთ ასტარტესაც. ეს იყო ტიპური ქალღმერთი — დედა, რომელიც სხვა რელიგიურ კულტებშიც წარმოგვიდგება. ბიბლიაში მას მკაცრად გამობენ, რადგან ასტარტეს კულტში ზახვასმულია სექსუალობა, როგორც სიცოცხლის მთავარი ასპექტი, რაც რელიგიის მიერ ნაკურთხ თავაშვებულებაში გამოიხატა. ტაძრები ასრულებდნენ საროსკიპოების როლს, ტაძრის მსახურნი — ქალები და მამაკაცები პროსტიტუციას ეწეოდნენ. მათი სამსახურის სასყიდელი ღვთაებისადმი შეწირულებათა სახით გროვდებოდა სალაროში. არსებითად, კულტის ეს ფორმა უბრალო ადამიანების გრძნობათა გულუბრყვილო გამოხატულება იყო. ისინი სქესობრივ ურთიერთობას ბუნებრივ მოვლენად მიიჩნევდნენ და მასში სამარცხვინოს ვერაფერს ხედავდნენ. ასტარტეს კულტი სრულებითაც არ ადასტურებს ქანაანელთა მორალურ გარყვნილობასა და თავაშვებულობას, რასაც ბიბლიაში წარმოგვისახავენ იაჰვიზმის მკაცრი მიმდევრები.

ფინიკიელებისა და ქანაანელების ღვთაებათა პლეადაში მაინც იყო ერთი ღმერთი, რომელსაც შეეძლო სამართლიანად გამოეწვია აღმფოთება. მას ჰქვია მოლოქი, რაც სემიტური „მელექის“ დამახინჯებული ფორმაა და უბრალოდ მეფეს ნიშნავს. შუმერის ურის მკვიდრნი მას მალქუმს უწოდებდნენ, ამონღლები — მილქს, სირიასა და ბაბილონში მას მალიქი ერქვა, ტვიროსსა და კართაგენში — მელექქარტი, რაც ქალაქის მეფეს ნიშნავს.

ამ კულტის ყველაზე საშინელი მხარე ის იყო, რომ მოღლო-ქის თაყვანისმცემლები მას ადამიანებს და განსაკუთრებით უკი ჩვილ ბავშვებს სწირავდნენ ხოლმე მსხვერპლად. კერძოდ, ეს შემადრწუნებელი რიტუალი ფართოდ იყო გავრცელებული კართაგენში. არქეოლოგიურმა გათხრებმა დაადასტურა, რომ ქანაანში ყრმათა მსხვერპლად შეწირვა ისრაელიტელთა შემოჭრიდან დიდი ხნის შემდეგაც იცოდნენ. გეზერში ახალშობილთა მთელი სასაფლაო აღმოჩნდა. მათ ძვლებს ატყვია ხანძრის აშკარა კვალი. მსხვერპლად შეწირულ ბავშვებს თავდაღმა ათავსებდნენ თიხის ჭურჭელში და მიწაში მარხავდნენ.

ქანაანელთა რელიგია მჭიდროდ უკავშირდებოდა სასოფლო-სამეურნეო სამუშაოთა კალენდარს და ბუნების რიტმული მიძინებისა და გამოცოცხლების ახსნა-განმარტებას ცდილობდა. სწორედ ამიტომ მოექცნენ ისრაელიტელები ამ რელიგიის გავლენის ქვეშ ესოდენ იოლად. მომთაბარე ცხოვრებიდან მიწის დამუშავებაზე გადასვლის დროს მიწათმოქმედება მათ ქანაანელებისაგან უნდა ესწავლათ. მათგანვე გაიგეს, რომ უხვი მოსავლის მოსაწევად საჭირო იყო თაყვანი ეცათ ადგილობრივი ღმერთებისათვის.

ისრაელიტელ მიწათმოქმედს ძალიან სჭირდებოდა ისეთი რელიგია, რომელიც ყოველდღიურ ცხოვრებაში გამოადგებოდა. წარმტაცი სანახაობა, საზეიმო რიტუალი, რომელიც ბაალისა და ასტარტეს კულტთან იყო დაკავშირებული, ისრაელიტელთა ფანტაზიაზე დიდ გავლენას ახდენდა და მათ პრიმიტიულ ბუნებას მოსეს პურიტანულ რელიგიაზე უფრო მეტად შეესაბამებოდა.

ამ რელიგიური განდგომის გამომწვევ ეკონომიურ და ფსიქოლოგიურ მოტივთა გამო იაჰვისტებმა არსებითად ვერასდროს ვერ შეძლეს აღმოეფხვრათ „კერპთაყვანისმცემლობა“. მსაჯულთა წიგნში ვკითხულობთ: ისრაელიტელები „განაგრძობდეს ყოფად ბოროტისა წინაშე უფლისა და მსახურებდეს ბაალთა და ასტაროთთა, ღმერთთა ასურეთისა და ღმერთთა სიდონისათა და ღმერთთა მოაბისთა და ღმერთთა ძეთა ამონისთა, და ღმერთთა ფილისტიმელთასა, და დაუტევეს იაჰვე და არა ჰმონებდეს მას“ (მსაჯულთა, თ. 10, მ. 6).

ვიდრე ისრაელიტელი მიწათმოქმედი ხნავდა და თესავდა, ქანაანელთა ღმერთებისგან განდგომა არც შეეძლო და არც უნდოდა. დროგამოშვებით იგი კუთვნილს მიუზღავდა ხოლმე იაჰვეს, მაგრამ ნამდვილად მისთვის ყველაზე ახლობლები იყვნენ მიწათმოქმედების ღმერთები, რომლებიც უხსოვარი დროიდან ბატონობდნენ ქანაანში. ოსეს წინასწარმეტყველებაში (VII ს. საუკუნე) გვხვდება ერთი ნაწყვეტი, რომელიც შესანიშნავად განმარტავს ამ საჭირბოროტო მოტივებს. აქ სიტყვასიტყვი

გვითხულობთ: „რამეთუ იტყოდა (ისრაელის ძეთა დედა. ზ. კ.): შეუდგე ტრფიალთა ჩემთა, რომელნი მომცემენ პურსა და წყალსა ჩემსა, მატყლსა და სამოსელსა ჩემსა, და ზეთსა და სასმელსა. მაგრამ არა უწყოდა, რამეთუ მე (იაჰვე, ზ. კ.) მივეც მას პური და ღვინო და ზეთიცა. მე ვუმრავლე ვეცხლი და ოქრო, რომლისაგან შექმნეს კერპი ბაალისი“ (ოსე, თ. 2, მ. 5-8).

ეს ნაწყვეტი გვიჩვენებს, თუ რა ღრმად ჰქონდა ფიცი გადგმული ისრაელიტელთა შორის ქანაანელთა ღმერთების კულტს. ბიბლიის ტექსტი გვაფიქრებინებს, რომ ამ კულტმა რამდენიმე საუკუნეს გაუძლო და იერუსალიმის დაცემის შემდეგაც (ძვ. წ. 571 წელს) განაგრძო არსებობა.

მსაჯულთა წიგნში ვკითხულობთ — გმირი გედონის მამას იოასს ბაალის სამსხვერპლო ჰქონდაო. როცა გედონმა ბაალის სამსხვერპლო გაანადგურა და მის ადგილზე იაჰვეს სამსხვერპლო აღმართა, ისრაელიტელები ისე აღშფოთდნენ, რომ მისი მოკვლა მოითხოვეს; მაგრამ თვით გედონმა მტრებზე გამარჯვების შემდეგ ბრძანა, ოქროსაგან ჩამოესხათ ეფუდი, ე. ი. ქანაანური კულტის რომელიღაც საგანი. გარდა ამისა, ამავე წიგნიდან ჩანს, რომ სიქემელებმა აბიმელექს სახელმწიფო გადატრიალების დასაფინანსებლად ბაალის სახლის საღარიდან გამოუყვეს სამოცდაათი შიკელი ვერცხლი.

მისფაში არქეოლოგებმა ბაალისა და იაჰვეს ტაძრების ნანგრევები აღმოაჩინეს. ტაძრები ერთმანეთთან ახლოს დგას და ორივე ძველი წელთაღრიცხვის IX საუკუნეს განეკუთვნება. აი, საინტერესო დეტალიც. ორივე ტაძრის ნანგრევებში ქალღმერთ ასტარტეს მრავალი ქანდაკება აღმოჩნდა. არქეოლოგები დაეჭვდნენ: სიქემის მცხოვრებლებს ასტარტე იაჰვეს მეუღლედ ხომ არ მიუჩნევიათო. ეს ჰიპოთეზა არც ისე ფანტასტიკურია, როგორც ერთი შეხედვით ჩანს. უფრო გვიანდელმა ეპოქამ დაგვიმტკიცა, რომ ამგვარი სინკრეტიზმი ისრაელიტელთა შორის შესაძლებელი იყო. იერუსალიმის დაცემის შემდეგ ლტოლვილ იუდეველთა ჯგუფი დამკვიდრდა ეგვიპტის კონსულ ელეფანტინზე — ნილოსის პირველ ჭორომთან, ასუანის მახლობლად. იუდეველებმა აქ იაჰვესა და მისი მეუღლის ასტარტეს საერთო ტაძარი ააგეს. ასტარტეს აქ ქანაანური სახელი — ანათ-იაჰუ ჰქვია.

შესაძლოა იაჰვიზმის მამინდელ დედაქალაქ სელომში, მღვდელმთავარ ელიას მმართველობის დროს, ასევე სცემდნენ თაყვანს ასტარტეს: მეფეთა პირველ წიგნში ვკითხულობთ: „ხოლო ელი მოხუცებულ იქმნა ფრიად, და ესმა, რასა უყოფდეს ძენი მისნი ყოველთა ძეთა ისრაელისათა, და ვითარ წუებოდეს დედათა თანა, რომელნი იყვნეს ლოცვასა ზედა კართა თანა კარვისა საწამებელისათა“ (I მეფე. 2, 22). ესაია, როგორც მისი წინას-

წარმეტყველებიდან ჩანს, გაეძგზავრა იერუსალიმში ქანაანის ერთ-ერთ ტაძარში, რომ ქალღმერთ ასტარტეს ქურუმ ქალთან ბავშვი ჰყოლოდა (ეს. თ. 8, მ. 3).

სოლომონის მეფობის დროს იერუსალიმის ტაძარში იაკვესთან ერთად თავყანს სცემდნენ ბაალსა და ასტარტეს, რომელთაც საგანგებო სამსხვერპლო აუგეს. იაკვიზმის აღორძინების დროსაც კი იოსიას მეფობის ხანაში და მისი გარდაცვალების (ძველი წელთაღრიცხვის 609 წ.) შემდეგაც არ მოხერხდა ქანაანელთა ღმერთების კულტის ჩახშობა. ეს დაადასტურა წინასწარმეტყველმა იერემიამ, როცა ეგვიპტელთა და ბაბილონელთა მიერ მოხსრებულ იერუსალიმში მივიდა. იგი ქუჩებში შეხვდა ბავშვებს, რომლებიც კოცონთათვის შემას აგროვებდნენ. ეს ბავშვები მამებს ზეცის ქალღმერთის პატივსაცემად უნდა დაეწვათ. ამ დროს ქალები წმინდა კვერებს აცხობდნენ და ზედ ასტარტეს გამოსახულება გამოჰყავდათ. გაოცებული იერემიას საყვედურის პასუხად იერუსალიმელებს უთქვამთ: ქალღმერთს მსხვერპლი უნდა შეეწიროთ, რომ სასმელ-საჭმელი უხვად მოგვეცესო. შემდეგ შესწივლეს: იმ დღიდან, რაც იოსიამ ასტარტეს კულტის მოსპობა განიზრახა, უბედურება მუდამ თან გვდევსო. იერუსალიმი ქალღმელებმა ააოხრეს, მცხოვრებთა ერთი ნაწილი მესოპოტამიაში გარეკეს, მეორე კი იძულებულია, თავშესაფარი ეგვიპტეში ეძებოსო. იერემიას უთქვამს: ყველა ეს კატასტროფა და უბედურება სასჯელია იაჰვეს რელიგიისაგან განდგომისთვისო. მაგრამ სასოწარკვეთილ იუდეველებს ამ სიტყვებისათვის ყურიც არ უთხოვებიათ.

ბუნებრივია, ქანაანური რელიგიის გავლენამ თავისებური დადი დაასვა ბიბლიურ ლიტერატურას. ასე მაგალითად: ძველი უგარითული ჰიმნის კვალი გარკვევით შეინიშნება ოცდამერვე ფსალმუნში. ამაზე მიუთითებს საერთო იდეები, აქ მოხსენებულ სირიის მხარეთა სახელწოდებების განსაცვიფრებელი დამთხვევა და უგარითული ენის გავლენა. წინასწარმეტყველ ესაიას წიგნის მეთხუთმეტე თავის მეთორმეტე და მეთხუთმეტე მუხლები სიტყვასიტყვითაა ამოღებული უგარითული მითოლოგიური პოემიდან, რომელიც უგარითში აღმოაჩინეს. ცნობილია აგრეთვე, რომ ზოგიერთი ბიბლიური გამონათქვამი ზუსტად არის გადმოღებული ქანაანური ნიმუშებიდან. მკვლევართა ერთი ნაწილი იმ დასკვნამდე მივიდა, რომ „ქებათა-ქება“ ღვთაება თამუზის პატივსაცემად შეთხზულ საწესრეულებო საგალობელთა კრებულია.

ამასთან დაკავშირებით უფლება გვაქვს ვიკითხოთ: რა სასწაულმა გადაარჩინა მოსეს რელიგია ასეთ პირობებში? უპირველეს ყოვლისა, უნდა გვახსოვდეს, რომ ისრაელიტელები, რომლებიც თავყანს სცემდნენ ქანაანელ ღმერთებს, თავიანთი ტო-

მის ღმერთს საბოლოოდ არასოდეს განდგომიან. ბევრგან იაჰვე-სა და ბაალის ტაძრები ერთმანეთის გვერდით იდგა. ზოგიერთი მეფე (მაგალითად, აქაბი და სოლომონი) ქანაანელი ღმერთების ტაძრებს აგებდა, მაგრამ კვლავ იაჰვეს მიმდევრად რჩებოდა. ამრიგად, ეს იყო სრულიად აშკარა პოლითეიზმი, რომლის დროსაც, გარემოებათა მიხედვით, იაჰვეს მეტნაკლებად საპატიო ადგილი ეჭირა სხვა ღმერთების პლეადაში.

როგორც ჩანს, იმ უდიდესი შფოთვის პერიოდში არსებობდა იაჰვეს მტკიცე მიმდევართა წრეები, რომლებიც განდგომილთა საერთო ტალღას არ აჰყოლიან და არაერთგზის ცდილან თავისი რელიგიის აქტიურად დაცვას. როცა მეფე აქაბის მეუღლე იეზაბელი იაჰვიზმის მქადაგებლებს სდევნიდა, მეფის მსახურმა აბდიამ „წარიყვანა ასნი კაცნი წინაწარმეტყველნი, და დამალნა იგინი ორმეოცდაათნი ქვაბსა შინა და საზრდოდ მისცემდა მათ პურსა და წყალსა“ (III მეფეთა, თ. 18, მ. 4).

ქურუმთა და ლევიტელთა გარდა მოსეს ძველ სარწმუნოებას რამდენადმე მხარს უჭერდა სხეადასხვა გაერთიანებები, მათი წევრები იყვნენ ღვთისმოსოში ადამიანები, რომლებიც იაჰვეს აღთქმას ამღევედნენ. ჩვენ უკვე ვიცნობთ ნაზორეველებს, რადგან მათ რიცხვს ეკუთვნოდა სამსონი. ისინი ღვინოს არ სევამდნენ, თმას არ იკრეჭდნენ, ახლოსაც არ ეკარებოდნენ იმ კერძებს, რომლებიც რიტუალური თვალსაზრისით უწმინდურად ითვლებოდა და ვერ ბედავდნენ, მიცვალებულს შეხებოდნენ.

განსაკუთრებით საინტერესო იყო რექაბელთა დასი. ისინი რექაბის ძის იონადაბის შთამომავალნი იყვნენ. რექაბი აქაბის მეფობის დროს ბაალის მიმდევრებს ანადგურებდა. რექაბელები ღვინოს არ სევამდნენ, არც მიწას ამუშავებდნენ და არც მევენახეობას მისდევდნენ. ისინი მწყემსთა პირველყოფილი ცხოვრებით ცხოვრობდნენ კარეებში; გმობდნენ ქანაანელთა ურბანიზმს და მისგან გამომდინარე ცუდ საზოგადოებრივ და რელიგიურ შედეგებს. რა თქმა უნდა, მოსეს დროინდელი მწყემსური წყობილების შენარჩუნების ცდა მხოლოდ ანაქორნიზმი იყო და სწორედ ამის გამო იყო, რომ რექაბელთა დასს ისრაელიტელთა შორის განსაკუთრებული პოპულარობა არ მოუხევეჭია.

მოგვიანებით, იუდეის მეფის იოსიას დროს (ძვ. წ. 640—609 წლებში) იერუსალიმელმა მღვდლებმა განდგომილებს სასტიკად შეუტყიეს. ისინი ცდილობდნენ, თეოკრატიული წყობილება დაემყარებინათ და ფაქტიურად ხელთ ეგდოთ ძალაუფლება იაჰვეს სახელით. არსებითად ისინი პოლიტიკურ მიზნებს ისახავდნენ, რელიგიურ ქადაგებაში კი კულტის გარეგანი ფორმების, რელიგიური წესებისა და რიტუალის დაცვას მოითხოვდნენ.

ისრაელიტელებმა მხოლოდ წინასწარმეტყველთა მორალუ-

რი ქადაგებების გავლენით განავითარეს თავის რელიგია წმინდა ეთიკურ მონოთეიზმამდე. მათ იაჰვე სამყაროს უნივერსალურ, ერთადერთ ღმერთად მიიჩნიეს. ამრიგად, ძველებრეული მონოთეიზმი ძნელი ისტორიული გზის — საუკუნეთა მანძილზე განცდილი ტანჯვის, ხეტიალისა და პოლიტიკური კატასტროფების საკმაოდ გვიანდელი და საბოლოო შედეგია.

მსაჯულთა ეპოქაში ისრაელმა სამოქალაქო ომები და რელიგიური ერთიანობის რყევა განიცადა. ამ შინაგან ურთიერთობათა შემადრწუნებელ სურათს გვიხატავს კერძოდ სამი თქმულება: პირველი აღწერს ეფრემის მოღვმის ზოცვა-ჟღერტას, რომელიც იორდანის ფონთან მოხდა; მეორეში მოთხრობილია ბენიამინელთა თითქმის მთელი ტომის განადგურების ამბავი, მესამე შეეხება აბიმელექის სისხლიან სახელმწიფო გადატრიალებას.

ბოლო თქმულება განსაკუთრებულ ყურადღებას იმსახურებს, რადგან იგი დამატებით ცნობებს გვაწვდის ისრაელიტელთა საზოგადოების კლასობრივ სტრუქტურასა და პოლიტიკურ მიმდინარეობებზე, რომლებიც მომდევნო მონარქიული წყობილების მათწყებელია. მსაჯულთა წიგნში ვკითხულობთ:

„და ჰრქვეს კაცთა ისრაელისათა გედეონს: მთავრობდი შენ ჩვენ ზედა, და ძენი შენნი და ძენი ძეთა შენთანი, რამეთუ შენ გვიხსენ ჩვენ ხელთაგან მადაამელთა“ (მსაჯ. თ. 8, მ. 22.).

გედეონმა უარი თქვა შემოთავაზებულ სამეფო გვირგვინზე, თუმცა ფაქტიურად მემკვიდრეობითი მბრძანებელი გახდა. იგი დედაქალაქში იჯდა და სახელმწიფოს მართავდა ისე, როგორც აღმოსავლეთის ტიპიური დესპოტი. ჰარამხანაში ჰყავდა ხარჭები, რომელთაგან სამოცდაათი ძე შეეძინა.

მაშ რატომ არ მოისურვა მან მიეღო ფორმალურად მეფის ტიტული? უეჭველია, რომ იმ დროს ისრაელიტელთა შორის იყვნენ ადამიანები, რომლებიც ერთადერთ გამოსავალსა და ანარქიისა და დაღუპვისაგან ხსნის გზას მონარქიულ წყობილებაში ხედავდნენ. მათი აზრით, მხოლოდ ცენტრალურ ხელისუფლებას შეეძლო ისრაელის ტომთა გაერთიანება ერთიან ფრონტად მათდამი მტრულად განწყობილი ქანაანელი ხალხების მზარდი მუქარის წინააღმდეგ. მაგრამ, როგორც ჩანს, მონარქისტები უმცირესობას წარმოადგენდნენ. ხალხის ფართო მასებს დესპოტიზმისა ემინოდა და ტომობრივი სეპარატიზმი არ ეთმობოდათ. გედეონი ალბათ ანგარიშს უწევდა ამ განწყობილებას და ამიტომ განაცხადა უარი სამეფო გვირგვინზე. ეს კია, რომ მას შეეძლო მისი მიღება, რადგან საკუთარი ავტორიტეტის წყალობით ისედაც განუსაზღვრელი უფლებებით სარგებლობდა თავის მორჩილ ტომებზე.

აბიმელექის ამბავი ადასტურებს, თუ რა ძლიერი იყო მო-

ნარკიული იდეის წინააღმდეგ მიმართული ოპოზიცია, გვიჩვენებს იმასაც, თუ ყველაზე ღრმად რომელ საზოგადოებრივ ფენებში გაიღმა მან ფესვები. არსებითად, აბიმელექი იყო არა მუფე, არამედ უზურპატორი, რომელმაც ნათესავეების დახმარებით მოიპოვა ძალა-უფლება. სიქემში მათგან მიღებული სახსრებით მეომრები დაიჭირა, თავისი ნახევარძმები ამოხოცა და არნახული სისხლიანი რეჟიმი დაამყარა.

მაგრამ აბიმელექმა ტახტზე მხოლოდ სამ წელს გაძლია. აჯანყება წამოიწყო სწორედ იმ სიქემმა, რომელიც ესოდენ აქტიურად დაეხმარა მას სახელმწიფო გადატრიალებაში. რატომ აჯანყდა მაინცდამაინც მისი მშობლიური ქალაქი? თუ ბიბლიის სათანადო სტრიქონებს ყურადღებით წავიკითხავთ, ამ კითხვაზე ამომწურავ პასუხს მივიღებთ.

მსაჯულთა წიგნში ნათქვამია: „და შეკრბეს ყოველნი კაცნი სიქემისნი, და ყოველი სახლი მაალოსი, და მივიდეს და მეყუდ ყვეს აბიმელექ...“ (მსაჯულთა, თ. 9, მ. 6.).

სინამდვილეში მაალო სახლი (ე. ი. ტომი) კი არ ყოფილა, არამედ არისტოკრატიული უბანი, რომელიც ცოტად თუ ბევრად ბერძნულ აკროპოლს შეესაბამებოდა. არქეოლოგებმა ასეთი უბნები აღმოაჩინეს არა მარტო სიქემში, არამედ იერუსალიმსა და პალესტინის სხვა ქალაქებშიც. ეს იყო ქვით მოკირწყლული და გალავანშემოვლებული მოედანი, რომელზეც დიდებულთა და არისტოკრატთა სასახლეები იდგა.

ამრიგად, გამოცანის გასაღები ნაპოვნია. უპირველეს ყოვლისა, ჩვენთვის ნათელია, თუ როგორი კლასობრივი დაყოფა არსებობდა ისრაელიტელთა იმდროინდელ საზოგადოებაში. ამავე ცნობიდან უცილობლად გამომდინარეობს, რომ მონარქისტებს მეტწილად პრივილეგიური ფენების წარმომადგენლები იყვნენ და სწორედ მათ აიყვანეს ტახტზე აბიმელექი. ამ მხრივ ყოველგვარ ეჭვს აქარწყლებს მსაჯულთა წიგნის ზემოთდასახელებული თავის ოცდამესამე და ოცდამეოთხე მუხლები. აქ ნათქვამია: „და აღდგეს კაცნი სიქემელნი სახლისა მიმართ აბიმელექისა, რათა მოეწია შურისგება მასზე და სამეოცდაათთა მეთათვის იერუბაალისათა და სისხლი მათი მიექცა თავსა აბიმელექისა ძმისა მათისა, რომელმან მოსრნა ივინი და კაცთა სიქემელთა, რამეთუ განაძლიერნეს ხელნი მისნი“ (მსაჯულთა, თ. 9, მ. 23-24.).

ერთი სიტყვით, ქალაქ სიქემის ამბოხი იყო სახალხო აჯანყება, მიმართული არა მარტო უზურპატორის, არამედ ოლიგარქიული რეჟიმის წინააღმდეგაც. მაშასადამე, იგი მკვეთრად გამოკვეთილ სოციალურ რევოლუციად უნდა მივიჩნიოთ. როგორც აჯანყების აღწერიდან ჩანს, ხალხი უჩვეულო გამშაგებით იბრძოდა და სიკვდილს არად აგდებდა. აჯანყების საერთო სა-

ხალხო ხასიათზე ისიც მიგვივითბებს, რომ მარტო მამაკაცები არ იზრდოდნენ. აბიმელექს ალყაშემორტყმული კოშკიდან ქალმა ესროლა დოლაბის ნატეხი და სასიკვდილოდ დაჭრა იგი.

აბიმელექის სიკვდილის შემდეგ დიდი დრო გაიდა, მაგრამ ისრაელიტელები მეფის არჩევას ვერ ბედავდნენ. მათ მხოლოდ მაშინ გაბედეს ეს, როცა ფილისტიმელთა თავდასხმის საშიშროობამ ძალზე იმატა. მაგრამ როგორც სამოელის ისტორიიდან ჩანს, მონარქიის საწინააღმდეგო ოპოზიცია უწინდებურად ძლიერი და აქტიური იყო.

მართალია, მსაჯულთა წიგნი ჩვენამდე მოღწეული სახიბ შედარებით გვიანდელი ნაწარმოებია, მაგრამ ტექსტში ბევრი რამ ამტკიცებს, რომ მას არაერთგზის დაედო საფუძვლად ძველი ისტორიული დოკუმენტები.

მაგალითისათვის დავასახელებთ თქმულებას ისრაელიტელ წინასწარმეტყველსა და პოეტ ქალ დებორაზე. ამ თქმულების წყარო იყო ორი სხვადასხვა, ერთმანეთის საწინააღმდეგო შინაარსის დოკუმენტი: პროზაული თქმულება ისრაელიტელთა მტანჯველ მეფე იაბინსა და მის მხედართმთავარ სისარაზე და წინასწარმეტყველ დებორას გამარჯვების საგალობელი. პროზაულ თქმულებაში ასორის მეფე იაბინი ისრაელის მთავარ მოწინააღმდეგედ წარმოგიადგება, სისარა კი მხოლოდ მის ზეღქვეითად. დებორას ჰიმნში კი იაბინი საერთოდ არაა ნახსენები. სუვერენულ მბრძანებლად გვევლინება სწორედ სისარა. სრულეები არ ეთანხმება ერთმანეთს ვერსიები სისარას დაღუპვის შესახებ: პროზაული ტექსტის მიხედვით, შემადრწუნებელმა სიკვდილმა სისარას ძილის დროს უწია; პოემაში კი მას ზურგიდან მიეპარებიან და სიცოცხლეს გამოასალმებენ მაშინ, როცა სისარა რძეს სვამს.

ტექსტის ლინგვისტურმა ანალიზმა გვიჩვენა: გამარჯვების სევდანარევი ჰიმნი, რომელსაც დებორას მიაწერენ, ძველებრადული ლიტერატურის ერთ-ერთი ყველაზე ადრინდელი ძეგლია; მიუხედავად იმისა, რომ მასში იარაღის ჟღარუნი ისმის, იგი მაინც უაღრესად ადამიანური მელოდიით მთავრდება იქ, სადაც აღწერილია სისარას დედის ტანჯვა და მოუსვენარი მოლოდინი. ვარაუდობენ იმასაც, რომ ეს საგალობელი მასში აღწერილი მოვლენების დროინდელია; ამიტომ იგი ისრაელიტელთა ცხოვრების ნამდვილ სურათს გვიხატავს, პალესტინის კოლონიზაციის ყველაზე ადრეული პერიოდისას.

მეტად ძველი წყაროები უდევს საფუძვლად თქმულებას იეფთაეს ტრაგედიის შესახებაც, იეფთაემ აღთქმისამებრ თავისებ საყვარელი ასული შესწირა მსხვერპლად იაჰვეს. ეს რიტუალური მსხვერპლის შესწირვა უდავოდ კაცობრიობის ძველთაძველი წინარეისტორიის ხანას მიეკუთვნება.

ბიბლიური გმირის ესოდენი ბარბაროსობით შეცბუნებულმა ზოგიერთმა მკვლევარმა წამოაყენა ჰიპოთეზა, თითქოს იეფთაეს ასული კი არ მოუკლავთ, არამედ იაჰვეს ერთ-ერთ ფარულ ტაძარს შესწირეს მსახურად. ამავე მკვლევართა აზრით, ისრაელიტელ ქალთა სამგლოვიარო პროცესია და იეფთაეს ასულის დატირება სინამდვილეში ქანაანელთაგან ნასესხები წესჩვეულებაა, რომელსაც ნაყოფიერების ქალღმერთ ასტარტეს პატივსაცემად ასრულებდნენ.

მაგრამ ბიბლიის ორთოდოქსალური კომენტატორები იეფთაეს მსხვერპლს არასდროს არ განიხილავდნენ, როგორც სიმბოლურ აქტს. ებრაელი ისტორიკოსი იოსებ ფლავიოსი (რომელიც ჩვენი წელთაღრიცხვის პირველ საუკუნეში ცხოვრობდა) და ეგრეთ წოდებული ბაბილონური თალმუდი (შექმნილია ჩუ. წელთაღრიცხვის მეექვსე საუკუნეში) იეფთაეს მსხვერპლს მიიჩნევენ ნამდვილ, ისტორიულ ფაქტად. მართალია, ბიბლია ადამიანის მსხვერპლად შეწირვას მკაცრად გმობს და მას შემადრწუნებელ ბოროტმოქმედებად მიიჩნევს, მაგრამ იეფთაეს საქციელი გამონაკლისი არ ყოფილა. ასე მაგალითად: წინასწარმეტყველმა სამოელმა მეფე ავაგი ნაკუნ-ნაკუნ აკაფა იაჰვეს სამსხვერპლოსთან, ხოლო დავითმა, შიმშილის თავიდან აცილების მიზნით, საულის შვიდი ძე ჩამოახრჩო. ცხადია, უაზრობა იქნებოდა, რომ ეს ფაქტები დღევანდელი მორალის ან მონოთეიზმის დროინდელ წინასწარმეტყველთა ეთიკური ნორმების მიხედვით გაგვეზილა. არ უნდა დავივიწყოთ, რაოდენ ძველ ეპოქაზეა აქ ლაპარაკი. ეს ხომ ძველი წელთაღრიცხვის XII, XI ან X საუკუნეა, საუკუნე იფიგენიასი და კლიტემნესტრასი, ტროას ომისა და ამ ომის მონაწილე კრეტის მეფე ილომენევისა, რომელმაც პოსეიდონს საკუთარი ძე შესწირა მსხვერპლად ზღვის ქარიშხლისაგან ხსნის სამადლობლოდ. სულიერი განვითარების მხრივ მაშინდელი ძველებრაული ტომებიც თავისი ეპოქის ხალხთა (მათ შორის დორიელთა და აქეველთა) დონეზე იდგნენ. მათზე არც უარესნი იყვნენ და არც უკეთესნი.

ძველი და ახალი მოტივების ერთ თქმულებაში გაერთიანების საინტერესო მაგალითია მშვენიერი ლეგენდა ერთგულ რუთზე. ტექსტის უამრავი არამეული კონსტრუქცია ადასტურებს, რომ ლეგენდა წარმოიშვა ძალიან გვიან — დაახლოებით ბაბილონის ტყვეობის შემდეგ. ბიბლიის ზოგიერთმა მკვლევარმა დაასკვნა, რომ რუთის ამბავი თავისებური პოლიტიკური პამფლეტია, რომელიც ალევორიულად გამოხატავს პროტესტს ეზრასა და ნეემიას უსასტიკესი გამგებლობის წინააღმდეგ. ეზრა და ნეემია არა მარტო უარყოფდნენ შერეულ ქორწინებას, არამედ იერუსალიმიდან აძევებდნენ ყველა უცხოელ ქალს, რომე-

ლიც ებრაელს ცოლად გაჰყვებოდა. ლეგენდის ავტორს სურდა, შეეხსენებინა იუდეველი ფანატიკოსებისათვის, რომ რუთი — ისრაელიტილთა მეფის დავითის პაპის დედა — მოაბელი ქალაიყო და, რომ მაშასადამე ისინი შერეულ ქორწინებას უსამართლოდ გამოხდნენ.

თუკი ეს ნამდვილად ასე იყო, ლეგენდის ავტორს მაინც ალბათ მოუხდა ბევრად უფრო ძველი მსგავსივე თემის მქონე ლეგენდის გამოყენება, რადგან ბაბილონის ტყვეობის შემდეგდროინდელ ეპოქაში რუთის თქმულებაში აღწერილი წეს-ჩვეულებანი სულ აღარ არსებობდა, ან დავიწყებას ეძლეოდა.

კიდევ ერთი მაგალითი: ნაწვერალზე დატოვებული თავთავების აკრეფა ღარიბების, ქვრივ-ობლებისა და მგზავრების ძველი პრივილეგია იყო. ეს წესი ჯერ კიდევ მოსეს კანონებში განამტკიცეს. მაგრამ როცა ისრაელიტელები ქალაქებში დამკვიდრდნენ და კლასობრივი განსხვავება გაძლიერდა, ამ ძველ წესს იშვიათად თულა მისდევდა ვინმე. ზოგიერთი წინასწარმეტყველი, განსაკუთრებით ამოსი, ესაია და მიქია, ღარიბთა ჩაგვრისათვის ამხილებდნენ მდიდრებს: „ისმინეთ ესე, რომელნი იძიებთ შთანთქმასა გლახაკთასა და წარწყმელასა უპოვართასა“, — ამბობს ამოსი (თ. 8, მ. 4). ლეგენდაში აღწერილი იდილიური საზოგადოებრივი ურთიერთობა, როდესაც მიწათმოქმედნი თავის სახლეულებთან პატრიარქალური ჰარმონიის პირობებში ცხოვრობდნენ და ღარიბებს თანაუგრძნობდნენ, მაშინ უკვე ანაქრონიზმი გახლდათ.

ამავე ლეგენდაში აღწერილი მეორე დაკანონებული წესი კიდევ უფრო მოძველებული იყო. ჩვენ ვგულისხმობთ ეგრეთ წოდებულ ლევირატს, რომლის მიხედვით გარდაცვლილი ქმრის ძმას უშიელო ქვრივი ცოლად უნდა შეერთო. თუ მაზლი უარს განაცხადებდა, ქვრივს სასამართლოს მეშვეობით შეეძლო თავისი უფლებების მოპოვება. რუთი ლევირატის კანონის ძალით გაჰყვა ცოლად ბოოსს. ლევირატმა ისრაელიტელებში ძველი წელთაღრიცხვის პირველ საუკუნემდე იარსება.

მაგრამ ბაბილონის შემდეგდროინდელ ეპოქაში უკვე აღარ არსებობდა ლევირატთან დაკავშირებული პროცედურა. ამ წესის მიხედვით, კაცს, რომელიც უარს ამბობდა ცოლის შერთვაზე, ვეხსაცმელი უნდა გაეძრო. ეს იმის ნიშანი იყო, რომ იგი თავის უფლებას შემდეგ უახლოეს ნათესავს გადასცემდა. დიდხნის წინათ მივიწყებულ ფორმალურ რიტუალს ყოფაცხოვრებაში საფუძველი და გამართლება გააჩნდა იმ დროს, როცა ჯერ კიდევ არ არსებობდა დამწერლობა და ფიქსირებული იურიდიული აქტები. რაკი სიტყვამ მოიტანა, ისიც უნდა ვთქვათ, რომ ამ წესის ყველაზე უძველეს ფორმას მეტად არასასიამოვნო შედეგები შეიძლებოდა ჰქონოდა: თუ ნათესავი უარს ამბობდა თა-

ვისი მოვალეობის შესრულებაზე, ქერივი ძალით ხდიდა ფეხსაცმელს, პირში აფურთხებდა და ამრიგად საზოგადოების სასაცილოდ ხდიდა.

ჩვენ შევებთ მსაჯულთა წიგნის ყველაზე საგულისხმო ასპექტებს, სამსონის სახის განხილვა კი განზრახ გადავდეთ, რადგან მისი თავგადასავალი სამოელის, საულისა და დავითის ისტორიისათვის ერთგვარ შესავალს წარმოადგენს.

უეჭველია, რომ სამსონი ლეგენდარული ყიგურაა. ზოგიერთი თვისებით იგი შუმერ გილგამეშსა და ბერძენ ჰერაკლეს მოგვაგონებს. მეცნიერები იმასაც კი ვარაუდობენ, რომ თავდაპირველად სამსონი მზის თაყვანისმცემელი ტომების მითოლოგიური ღვთაება იყო. ამ კულტს ქანაანში ბევრი მიმდევარი ჰყავდა. სამსონის სახელი ეტიმოლოგიურად უკავშირდება ძველებრაულ „შემეშ“ და ბაბილონურ „შამშუ“ სიტყვებს, რომელიც „მზეს“ ნიშნავს. გარდა ამისა, ცნობილია, რომ ბეა-შემეშში, სამსონის მშობლიური სოფლის ახლოს, იყო მზის ღვთაებისადმი მიძღვნილი ტაძარი. მაშასადამე, გამორიცხული არ არის, რომ სამსონის პირველსახე ყოფილიყო ქანაანელთა შორის პოპულარული რომელიმე ღმერთი.

ყოველივე ზემოთ აღნიშნული სრულებითაც არ ნიშნავს იმას, რომ ამ ბიბლიური გმირის სახე ძველებრაული ფანტაზიის ნაყოფი არაა. მეუბოვარი, შფოთისთავი, ათასგვარი ოინის ჩამდენი მარჯვე და ბრვე ვაჟკაცი, ბავშურად გულუბრყვილო გოლიათი — რა დიდებული და ტიპიური ხალხური ფიგურა! მის ფანდებსა და თავგადასავალში ელინდება ძველი ებრაელი მწყემსების უხეში იუმორი და აღმოსავლეთისათვის დამახასიათებელი სწრაფვა სათავგადასავლო, ზღაპრული თქმულებებისადმი.

ხალხს სამსონი უყვარდა, სიამოვნებით ჰყვებოდა მის სატრფიალო თავგადასავლებს და გულს იოხებდა, როცა გმირი საძულველ ფილისტიმელებს უსწორდებოდა. სამსონის პიროვნებაში თავისებურად აირეკლა ისრაელიტელთა მაშინდელი, ჯერ კიდევ სუსტი პოლიტიკური თვითშეგნება. სამსონი ბელადი არ არის, რომ სხვა მსაჯულებივით დარაზმოს ხალხი მჩაგვრელთა წინააღმდეგ. მისი შეხლა-შემოხლა ფილისტიმელებთან ინდივიდუალური პარტიზანული ბრძოლაა ფანჯტიკოსისა, რომელსაც სურს შური იძიოს ნამდვილი ან მოჩვენებითი შეურაცხყოფისათვის. სამსონის მოქმედება უფრო პირადი ანგარიშის გასწორების სურვილით არის ნაკარნახევი, ვიდრე პატრიოტულა გრძნობით. მისი სახე მხოლოდ თქმულების ბოლოში მალღდება, გმირული და ჭეშმარიტად ტრაგიკული ხდება. ეს შემზარავი ფინალი თითქოსდა მაუწყებელია ახალი დროისა, როცა ფილისტიმელთა მზარდმა საფრთხემ ბოლოს და ბოლოს შეაგნები-

ნა ერთმანეთის მოკინკლავე ისრაელის ტომებს, რომ თავისუფ-
ლებისათვის საბრძოლველად აუცილებელია გაერთიანება.

მშობელთა სურვილისამებრ, სამსონს ჯერ კიდევ ყრობი-
დანვე ჰქონდა დადებული ნაზორეველის აღთქმა, რომელსაც იგი
მხოლოდ გარეგნულად იცავდა — არ იკრეჭდა თმას და ღვინოს
არ სვამდა. სხვაფრივ კი მისი საქციელი არასდროს ყოფილა
შეპირობებული რელიგიური მოტივებით. ამრიგად, არ შეიძლე-
ბა ითქვას, რომ იგი იაჰვიზმისთვის იბრძოდა. ფილისტიმელ
ქალებთან სასიყვარულო ავანტიურებში, ერთპიროვნულ პარტი-
ზანულ გამოხდომებსა და მორალური თვალსაზრისით უკიდუ-
რესად საეჭვო სისხლიან თავგადასაქვლებში იგი ველურ კაცად
და წარმართად წარმოგვიდგება. სამსონი არც ბრძენი მსაჯული
ყოფილა, არც თავისი ტომის ბელადი და არც ღვთისმოსავობით
გამორჩეული მორწმუნე.

ამიტომ საოცარია, რომ ბიბლიის რედაქტორებმა მისი თავ-
გადასავალი კანონიკურ წიგნებში შეიტანეს და იგი ასე თუ ისე
მისაბამ მაგალითად წარმოგვიდგინეს; ამასაც არ დასჯერდნენ და
უხეში ნატურალიზმით აგვიწერეს ისეთი ამბები, რომლებიც,
გულახდილად რომ ვთქვათ, „წმინდა წიგნებს“ სულაც არ შე-
ეფერება. კიდევ მეტიც, თქმულებაში ისინი იშვიათი ლმობიე-
რებით აღწერენ ისრაელიტელი ნაზორეველის რომანებს უცხო
ტომის ქალებთან და მის ველურ ოინებს ისე იწონებენ, რომ
კმაყოფილებასაც ველარ ფარავენ.

როგორ მოხდა, რომ ხალხური გადმოცემების ხეპრე და
გაუთლელი გმირი ბელადების, მეფეებისა და წინასწარმეტყველ-
თა რჩეულ საზოგადოებას მიაკუთვნეს? ვფიქრობ, რომ ამ კი-
თხვაზე პასუხის გაცემა ძნელი არაა. სამსონი გახდა ფილისტი-
მელების წინააღმდეგ ისრაელიტელთა ბრძოლის ეპოქის გმირუ-
ლი. სიმბოლო და ამ სახით იმდენად შეუსისხლბორცდა ეროვნულ
ტრადიციებს, რომ მისი უგულვებელყოფა აღარ შეიძლე-
ბოდა.

ისრაელიტელები ფილისტიმელებს ებრძოდნენ ეროვნული
მყოფობის დასაცავად. ეს კი რელიგიის შენარჩუნებასაც გუ-
ლისხმობდა. აი, რატომ ჰქონდა იაჰვეს მიმღევართა თვალში
სამსონის საქციელს რელიგიური აზრი და მნიშვნელობა.

უკვე ვთქვით, რომ სამსონი ლეგენდარული ფიგურაა, მაგ-
რამ თქმულების ფაბულა ისტორიულ მოვლენათა მასალებს
ემყარება: ისრაელიტელთა შეიარაღებული შეტაკებები ფილის-
ტიმელებთან ორი საუკუნის განმავლობაში გაგრძელდა და ბო-
ლოს ბრძოლა დავეითის გამარჯვებით დამთავრდა.

არც ისე დიდი ხნის წინათ ძალზე ცოტა რამ ვიცოდით
ფილისტიმელთა შესახებ. უკანასკნელი ათეული წლების არქე-
ოლოგიური გათხრების, ეგვიპტისა და მესოპოტამიის ლურსმუ-

ლი წარწერების გაშიფერის წყალობით, შედარებით სრული ინფორმაცია მივიღეთ იმის შესახებ, თუ ვინ იყვნენ და საიდან წარმოიშვნენ ისინი.

თუ გვსურს, მათზე წარმოდგენა ვიქონიოთ და გავიგოთ, რა ვითარებაში გაჩნდნენ ისინი ქანაანში, უპირველეს ყოვლისა, უნდა გავეცნოთ იმ ეპოქას, რომელშიც ფილისტიმელები ცხოვრობდნენ და მოქმედებდნენ. პელოპონესის მიკენში, კრეტაზე, ტროაში, ანატოლიაში, სირიაში, პალესტინასა და ეგვიპტეში ჩატარებული არქეოლოგიური გათხრები უამრავ ცნობას გვაწვდის ამ შორეულ და ადრე სრულიად შეუსწავლელ ეპოქათა შესახებ.

ძველი წელთაღრიცხვის მეორე ათასწლეულში კრეტაზე ცხოვრობდა ხალხი, რომელსაც ნატიფი კულტურა გააჩნდა. მათ ეგეოსის ზღვაზე უძლიერესი სავაჭრო სახელმწიფო შექმნა. ამავე დროს პელოპონესში მკვიდრობდნენ ტომები, რომელთა წარმოშობა და ენა ჩვენთვის უცნობია. ისინი ბრინჯაოს ჯაშანასხმულმა მეომარმა აქაველებმა დაიპყრეს.

აქაველებმა მიკენში, ტირინთსა და არგოლიდის სხვა ადგილებში ქვის ბლოკებისაგან ციხესიმაგრეები ააშენეს. ბერძენი ისტორიკოსი თუკიდიდე ვეამცნობს: აქაველები მეკობრეები იყვნენ და ისეთი ძლიერი ფლოტი ააგეს, რომ კრეტელებს სამშიშველო მატარებლად უწევდაო.

ძველი წელთაღრიცხვის XV საუკუნიდან აქაველებმა ატრიდების (ატრიდების დინასტიის აგამემნონი ეკუთვნოდა) ხელმძღვანელობით თანდათან განდევნეს კრეტელები თავისი კოლონიური სამფლობელოებიდან — ეგეოსის კუნძულებიდან და მცირე აზიის ნაპირებიდან. ძველი წელთაღრიცხვის 1400 წელს ისინი კრეტას იპყრობენ და ანადგურებენ მინოსის ძლიერ კულტურას, რომელმაც სახელწოდება მითოლოგიური მეფის მინოსის სახელის მიხედვით მიიღო. ძველი წელთაღრიცხვის დაახლოებით 1180 წელს, ათწლიანი ალყის შემდეგ, მათ ტროა ნანგრევებად აქციეს.

მაგრამ აქაველებს არ დასცალდათ თავისი წარმატებებით გახარება. ევროპის სიღრმიდან მოვიდნენ სხვა ბარბაროსული ბერძენი ტომები, რომლებიც დორიელთა საერთო სახელწოდებით იყვნენ ცნობილი. მათ დაიპყრეს პელოპონესი, კრეტა, ეგეოსის კუნძულები და მცირე აზიის სანაპიროები.

ამ ტომების გაელენით ეგეოსის ზღვაზე მოხდა ერთ-ერთი იმ ეთნიკურ რევოლუციათაგანი, რომლებიც ხალხთა დიდ გადასახლებას იწვევდა. ბალკანეთის, ილირიისა და ეგეოსის კუნძულების მკვიდრნი, რომლებსაც საკუთარი სამფლობელოებიდან დევნიდნენ, დასახლებული ადგილების საძებრად ზედიზედ დაიძრნენ სამხრეთისკენ. მათ გადაიარეს ანატოლია, მცირე

აზია, სირია, ქანაანი და ნილოსის შესართავამდე მიაღწიეს. აქ ისინი ფარაონმა მერნეპტაჰმა სასტიკად დაამარცხა და უკან დაახვეინა.

ყველაზე მრისხანე იყო ბერძენ ტომთა თავდასხმა ეგვიპტეზე. ეს მოხდა 1191 წელს ჩვენს ერამდე. მეომართა აურაცხელი ურდოები ოჯახებითა და აელადიდებით მიჰყებოდნენ სირიისა და ქანაანის სანაპიროს. მათ ზღვის მხრიდან იცავდა აურებიანი ზომალდების მრავალრიცხოვანი ფლოტილია. მათ დაანგრის ხეთების სახელმწიფო. მისი დედაქალაქი ხათუსა, რომელიც მდინარე ღალისის ნაპირზე მდებარეობდა, სამუდამოდ იქცა ღორღისა და ფერფლის გროვად. შემდგომ მათ დაიპყრეს კილიკია, რომელიც თავისი ჯიშინი ცხენებით იყო განთქმული, და ურიცხვი ჯოგები იგდეს ხელთ. ფინიკიელთა ქალაქები ბიბლოსი, სიდონი და ტვიროსი მტერს ნებაყოფლობით დანებდნენ და განადგურებას გადაურჩნენ. დამპყრობლებმა ზღვის სანაპიროთი გაიარეს ქანაანი, ეგვიპტეში შეიჭრნენ და მისი ჩრდილო რაიონები დაარბიეს. ფარაონ რამსეს მესამეს ყოველი ღონის ხმარება მოუხდა, რომ მტრის შემოტევა შეეჩერებინა. ბოლოს და ბოლოს მან აგრესორები ხმელეთსა და ზღვაზე დაამარცხა და მათი ფლოტი პელუზიუმთან გაჩაღებულ საზღვაო ბრძოლაში გაანადგურა. ეგვიპტელებმა თავის ისტორიაში ყველაზე დიდი განსაცდელი მოიგერიეს, მაგრამ რამსეს მესამეს ძალა არ იყო, რომ დაუპატიჟებელი სტუმრები ქანაანიდან და სირიიდანაც განედევნა. აი, როგორ მოხდა, რომ დამპყრობელთა ვადარჩენილმა ნაწილმა სამხრეთ ქანაანის ნაყოფიერი ზღვისპირა ხეობა შეუფერხებლად დაიპყრო და აქ სამუდამოდ დამკვიდრდა.

ბედნიერი შემთხვევის წყალობით ვადარჩენილია ეგვიპტური დოკუმენტი, რომელიც ამ იდუმალებით მოსილი მომთაბარე ხალხების შესახებ უძვირფასეს ცნობებს გვაწვდის. მედინეთ-გაბუში, თებედან ცოტა დაშორებით, ღვთაება ამონის ტაძრის ნანგრევები აღმოაჩინეს. მისი კედლები ერთიანადაა დაფარული წარწერებითა და სურათებით, რომლებიც გვიჩვენებენ ფარაონის ბრძოლას აგრესორებთან: ეგვიპტელთა ქვეითი ჯარი გააფთრებით ებრძვის უცხოელ მეომრებს ხმელეთზე, ფარაონის ზომალდები კი საზღვაო ბრძოლაში იმარჯვებენ. სურათებზე ჩანს, თუ როგორ ცვივიან მკვდრები ცეცხლმოდებული და ჩასაძირავად განწირული იალქნიანი გემებიდან, როგორ ხტებიან ზღვაში ზარდაცემული მეზღვაურები.

ერთ-ერთ ფრესკაზე გამოსახულია ქალებით, ბავშვებითა და სამხედრო ალაფით დატვირთული ხარებშებმული მძიმე საზიდრები. მამასადამე, ეს იყო ხალხთა გადასახლება, ამ სიტყვის სრული მნიშვნელობით. მამაკაცები ტანმალაღნი და წვერგაპარსულნი არიან, მათ სწორი, ტიპიური ბერძნული ცხვირი და მახ

ღალი შუბლი აქვთ. მეომრებს ახურავთ ფრინველის ბუმბული-საგან გაკეთებული თავისებური მუზარადები, სწორედ იმ მუზარადების მსგავსი, ჰომეროსის გმირებს რომ ამშვენებს ძველ ზარელიეფებზე. ფართო, მოკლე მახვილები და მომცრო მრგვალი ფარებიც ბერძნული წარმოშობისა უნდა იყოს.

კედლის წარწერები გვამცნობს, რომ ეგვიპტელები დამპყრობლებს „ზღვის ხალხებს“ უწოდებდნენ. მათ შორის განსაკუთრებული ადგილი უჭირავთ „დიონისა“ და „აქაიის“ ტომებს. შესაძლოა, რომ ამ სახელწოდებებში ჩვენთვის ძველი ბერძნული ისტორიიდან ცნობილი დანაელები და აქაელები იგულისხმებიან. აქვე გვხვდება ფილისტიმელთა ეგვიპტური სახელწოდება — „ფელესეტ“ ანუ „ფრესტ“. ამ მონაცემთა მიუხედავად, მეცნიერები აგრესორთა ეთნიკური წარმოშობის განსაზღვრისას ვერ შეთანხმებულან. აქ ერთმანეთშიც რომ იყვნენ არეული სხვადასხვა ეთნიკური წარმოშობის ტომები, როგორც ზოგიერთი მკვლევარი ფიქრობს, ერთი რამ მაინც უდავოა: ისინი ბერძნული კულტურის გავლენას განიცდიდნენ; მათ შორის იმყოფებოდნენ აქაელებიც, რომლებიც დორიელებმა გამოადევნეს მცირე აზიიდან, ბალკანეთის ნახევარკუნძულიდან, და ეგეოსის ზღვის კუნძულებიდან.

ეგვიპტეში უშედეგო ლაშქრობის შემდეგ ფილისტიმელები თითქმის ისრაელიტელებთან ერთად დამკვიდრდნენ ქანაანში. ბიბლიიდან ვიცით, რომ მათ დაიკავეს ნაყოფიერი სანაპირო ზოლი ქარმელის მთის სამხრეთით. ფილისტიმელებმა დააარსეს ფედერაცია ქალაქ-სახელმწიფოებში: ლაზაში, ასკალონში, აზოთში, გეთსა და ეკრონში. ამ ფედერაციას ბერძნულად „პენტარქია“ ეწოდებოდა. მათ ექსპანსია მატერიკის სიღრმისაკენ მიმართეს და მალე ისრაელის ტომებს — იუდეველებსა და დანელებს შეეჯახნენ. სწორედ ეს პირველი შეტაკება უქმნის ისტორიულ ფონს თქმულებას სამსონის შესახებ.

„ზღვის ხალხებს“ შორის ფილისტიმელები წარმოადგენდნენ განსაკუთრებულ, ეთნიკურად არც თუ ისე მრავალრიცხოვან ჯგუფს. ბიბლიის მკვლევრები და არქეოლოგები ყოველნაირად ცდილობენ, ფილისტიმელებზე რაიმე ახალი გაიგონ და კიდევ მიაღწიეს მთელ რიგ წარმატებებს ამ მიმართებით. მოკლედ გვაცნობთ დღემდე ჩატარებული კვლევა-ძიების შედეგებს.

თუ ბიბლიას დაუჯერებთ, ფილისტიმელები წარმოშობით კრეტიდან იყვნენ. წინასწარმეტყველი ამოსი იაჰვეს სახელით კითხულობს: „... არა ისრაელი აღმოვიყვანე ქვეყანისაგან ეგვიპტისა, და უცხო ტომნი ქაფთორითვან“? (ამ. თ. 9, მ. 7.).

ქაფთორში იგულისხმება კრეტა (ბაბილონური ლურსმული წარწერების ტექსტში აღნიშნულია კაფტარა). რომ ასეთი გა-

გება სწორია და რომ ქაფთორი მართლაც მაინცდამაინც კრეტას აღნიშნავს, ეჭვმიუტანლად გვიჩვენებს წინასწარმეტყველი ეზეკიელი, რომელიც პირდაპირ აიგივებს ერთმანეთთან ფილისტიმელებსა და კრეტელებს. მაშასადამე, თუ ბიბლიურ თქმულებას დავუჯერებთ, დავრწმუნდებით, რომ ფილისტიმელები იყვნენ იგივე აქაველები, რომლებმაც კრეტა დაიმორჩილეს, ხოლო შემდეგ ისინი თავის მხრივ დორიელთა მიერ იყვნენ განადევნილნი.

სამწუხაროდ, ასეთი სახის თქმულებები ხშირად მაცდუნებელია: მათ მეცნიერული დამაჯერებლობა არ გააჩნია. მკვლევარებმა ყურადღება მიაქციეს ერთ ღირსშესანიშნავ ფაქტს: ფილისტიმელთა ზოგიერთი სახელი ილირიული წარმოშობისა იყო და ილირიაში ქალაქი პალესტე არსებობდა. რაკი დორიელ ხალხთა გადასახლება სწორედ აქ დაიწყო, გამორიცხული არ არის, რომ ფილისტიმელები ბერძნებზე ადრე ცხოვრობდნენ ილირიაში, საიდანაც მორიგმა დამპყრობლებმა გამოდევნეს.

ახლა კი ვნახოთ, როგორ აშუქებს ამ საკითხს არქეოლოგია სირიასა და პალესტინაში ჩატარებული გათხრების საფუძველზე. ქალაქ უგარითში აღმოჩენილია სამარხები, რომლებაც ეგვიპტოსური, კვიპროსული და მიკენური კულტურის ტიპისაა. სამაგიეროდ, ყოფილი ქანაანის ხუთი ფილისტიმური ქალაქის ნანგრევებში აღმოჩენილი კერამიკა უპირატესად მიკენურია. თავისებსა და ღოქებს ამშვენებს ღია ყვითელი ჭიქურის ფონზე ამოკვეთილი შავი და წითელი სახიანი ორნამენტი. ასეთ კერამიკულ ჭურჭელს სწორედ მიკენში, აგამემნონის ქალაქში იყენებდნენ.

უფრო მნიშვნელოვანია სხვა არქეოლოგიური აღმოჩენები. სამსონზე შექმნილ თქმულებებში ბიბლია ფილისტიმელებს ხალხმრავალი ნადიმების მოყვარულებად გვიხატავს. მასში სიტყვასიტყვით ვკითხულობთ: „რაჟამს მხიარულ იყო გული მათი, თქვეს: მოუწოდეთ სამსონს, რათა იმღერდეს. და მოუწოდეს სამსონს სახლისაგან საპყრობილისა და იმღერდა იგი. და დაადგინეს იგი შუა სვეტებსა... ხოლო სახლი აღაესეს მამაკაცთა, და დედაკაცთა, და იყვნეს მუნ ყოველნი მთავარნი ფილისტიმელთანი. და იყვნეს სართულსა ზედა სამ ათას მამაკაც და დედაკაც, და ხედვიდეს სამსონს“ (მსაჯულთა, თ. 16, მ. 25.).

მხიარული ნადიმის ეს ცოცხალი სურათი არქეოლოგიამ რამდენიმე მოულოდნელი აღმოჩენით შეავსო. ფილისტიმელთა ქალაქების ნანგრევებში ნაპოვნია ლუდის მრავალი ღოქი. ღოქებს ტურნებზე ჰქონდა ფილტრი, რომელიც ახალ მოდულებულ ლუდს ჩენჩოსაგან წმენდდა. ამრიგად, აღმოჩნდა, რომ ღვინის ქვეყანაში ფილისტიმელები ბერძენ მეომართა ტრადიციულ სასმელს — ლუდს ამჯობინებდნენ.

რა დასკვნები გამოდინარეობს ამ ფაქტებიდან?

არ შეგვიძლია გადაჭრით ვამტკიცოთ, თითქოს ფილისტიმელები¹ ბერძენი ტომების დიდ ოჯახს ეკუთვნოდნენ, მაგრამ უდავოა, რომ ისინი დიდხანს განიცდიდნენ ბერძნული კულტურის გავლენას და მათი წეს-ჩვეულებანი აითვისეს. ისიც შესაძლოა, რომ მათ შორის იყვნენ არგოლიდან, ილირიიდან, მცირე აზიიდან, კრეტიდან და ეგეოსის კუნძულებიდან გამოქცეული აქაველებიც. მოსალოდნელია, რომ ისინი იყვნენ ბერძნული და არაბერძნული წარმოშობის მომთაბარე ტომები, რომლებიც ეგვიპტეში დამარცხების შემდეგ ქანაანის დასაპყრობად გაერთიანდნენ.

მართებული იქნებოდა, თუ ვიკითხავდით: როგორ მოხდა, რომ ასე მცირერიცხოვანმა აგრესორებმა არა მარტო შეინარჩუნეს დაპყრობილი მიწები, არამედ დროთა განმავლობაში ისრაელიტელებთან ერთად თითქმის მთელი ქანაანიც დაიმორჩილეს? თურმე მათი უპირატესობა ის ყოფილა, რომ ფილისტიმელებს რკინის დამუშავების საიდუმლოება სცოდნიათ და მოუტანიათ თან. რკინის იარაღისა და ინსტრუმენტების წყალობით მათ აჯობეს იმ ქვეყანას, რომელიც ჯერ კიდევ ბრინჯაოს ეპოქაში იმყოფებოდა.

დავიხიოთ რამდენიმე საუკუნით უკან, რომ გავიგოთ, თუ როგორ დაეუფლნენ ფილისტიმელები რკინას. სადღაც სომხეთის მთებში ცხოვრობდა ქიცუვათნას ტომი, რომელსაც ძველი წელთაღრიცხვის XIV საუკუნეში აუთვისებია რკინის გამოდნობა. ამ ტომს ახალი არაფერი აღმოუჩენია, მან უბრალოდ მიაგნო რკინის დიდი რაოდენობით დამზადების ხელსაყრელ მეთოდს. ეგვიპტესა და მესოპოტამიაში რკინას ჯერ კიდევ ძველი წელთაღრიცხვის მესამე ათასწლეულში იცნობდნენ, მაგრამ ეს ლითონი იმდენად იშვიათი იყო, რომ ოქროზე მეტად ფასობდა.

ქიცუვათნა ხეთებმა დაიმორჩილეს და, რა თქმა უნდა, გამოგლიჯეს მათ რკინის გამოდნობის საიდუმლოებაც, რომელსაც ისინი თვალისწინივით უფრთხილდებოდნენ. როცა ერთერთმა ფარაონმა მეგობარ ხეთელ მეფეს სთხოვა — საიდუმლოება გამანდეთ, პასუხად მხოლოდ რკინის სტილეტი მიიღო ყოველგვარი კომენტარის გარეშე.

ძველი წელთაღრიცხვის XII საუკუნეში „ზღვის ხალხებმა“ ხეთები დაამარცხეს და რკინის გამოდნობის მკაცრად დაცულ საიდუმლოებას დაეუფლნენ.

ეს უძვირფასესი განძი ფილისტიმელებს ერგოთ. მეფეთა ბირველ წიგნში ვკითხულობთ: „მჭვედელი რკინისა არა იყო ყო-

¹ ქართულ წყაროებში მათ ხშირად „უცხოთესლნი“ ეწოდება (რედ).

ველსა ქვეყანასა ისრაელისასა, რამეთუ იტყოდეს ფილისტიმელნი: ნუუკვე ქმნან ებრაელთა ხრმალი და შუბი და ვიდოდნენ ყოველნი ძენი ისრაელისანი ქვეყანასა ფილისტიმელთასა ჭკადად თავისა თავისათვის სახნისისა, მანგლისა და ცულისა მათისა... დღესა ბრძოლისასა არა იყო ხრმალი და შუბი ხელთა შინა ყოველთა ერთასა, რომელნი იყვნეს საულისა და იონათანის თანა..." (1 მეფ. თ. 13, მ. 19-22).

როგორც ამ სიტყვებიდან ჩანს, ფილისტიმელებს მორჩილებაში ჰყავდათ ისრაელიტელები და მკაცრად იცავდნენ თავის მონოპოლიას რკინაზე. ეს იყო სამხედრო და ეკონომიური მონოპოლია, რადგან ქანაანში ხელოსნებისა და სოფლის მეურნეობისათვის საჭირო რკინის იარაღისა და ინსტრუმენტების დამზადება მათ გარდა არავის ეხერხებოდა. მართალია, ისრაელიტელებს შეეძლოთ იარაღი შეეძინათ ფილისტიმელთაგან, მაგრამ მის გასამართლად თუ გასალესად უნდა მისულიყვნენ იმავე ფილისტიმელებთან, რომლებიც თავისი სამსახურისთვის დიდ გასამრჯელოს მოითხოვდნენ.

არქეოლოგიამ დაადასტურა ბიბლიაში აღნიშნული ფაქტები. ფილისტიმელების ყოფილ პატარა სახელმწიფოთა მთელ ტერიტორიაზე რკინის უამრავი ნაკეთობა ამოიღეს მიწიდან, ქანაანის სხვა რაიონებში კი ასეთი აღმოჩენა იშვიათია. სურათი მაშინვე მკვეთრად შეიცვლება, თუ თვალს გადავაკლებთ კულტურულ ფენათა გათხრებს, რომლებიც ქანაანში ფილისტიმელთა ბატონობის დამხობის პერიოდს განეკუთვნება. ამ დროიდან რკინა დიდი რაოდენობით გვხვდება. იგი გავრცელებულია ქანაანის მთელ ტერიტორიაზე.

ისრაელიტელთა გამარჯვება ამავე დროს ეკონომიურ გადატრიალებასაც მოასწავებდა. ეს გადატრიალება განაპირობა ფილისტიმელთა ჰეგემონიის დამხობამ და ქანაანელი სემიტი ხალხების გადასვლამ რკინის ეპოქაში.

მართალია, ორსაუკუნოვანი ბრძოლის შედეგად ფილისტიმელები დამარცხდნენ და მას შემდეგ პოლიტიკურად მეორეხარისხოვან როლს ასრულებდნენ, მაგრამ ისტორიის ფურცლებიდან არ გამქრალან. სწორედ მათგან მოდის სახელწოდება პალესტინა, რომელიც მოგვიანებით ხშირად იხსენებოდა რომის ოფიციალურ ისტორიულ მასალებში. ამრიგად, ფილისტიმელებმა მოულოდნელი გამარჯვება მოიპოვეს: თავისი თავი უკვდავყვეს იმ ქვეყნის სახელწოდებით, რომელსაც დიდხანს ებრძოდნენ, მაგრამ ვერ დაიმორჩილეს.

მღვდელთმთავარი ელი და სამოელის დაბადე-
ბა. ეფრემის მთის ძირში გადაშლილა ქალაქი რამათაიმი. აქ ცხოვრობდა ერთი კაცი, რომელსაც სახელად ელკანა ერქვა. მას ორი ცოლი ჰყავდა ანნა და ფენანა. ფენანა ვაჟების დედა იყო და მუდამ დასცინოდა უშვილო ანნას. წელიწადში ერთხელ, როცა მთელი ოჯახი სელომს, უფლის ტაძარში მსხვერპლის შესაწირავად მიემგზავრებოდა, უბედური ქალი იაჰვეს სულ ამას ევედრებოდა: ოღონდ ძე მომეცი და სიკვდილის დღემდე ტაძარში ვამსახურებო. იმ ხანებში უზენაესი ქურუმი იყო ელი — ღვთისმოსავი კაცი, რომელსაც ყველა პატივს უყოფდა. მაგრამ იგი უკვე ხანში შესული და უძლური იყო.

ერთხელ კარიბჭესთან მჯდომმა ელიმ ლოცვაში გართული ანნა შენიშნა. ელკანას საბრალო ცოლი მხურვალედ ლოცულობდა და ბაგეები უთრთოდა. ამან ძლიერ გააკვირვა მოხუცი ელი. იგი შეჩვეული იყო მლოცველთა ხმამაღლა გოდებას და მათი გასაჭირის საქვეყნოდ განცხადებას. ამიტომ გაიფიქრა — ქალი ტაძარში მთერალი მოსულაო და გაკიცხა. ანნამ მოკრძალებით მიუგო: „არა, უფალო, მე დედაკაცი ვარ, ურვილი გულითა, ხოლო ღვინო და სასმელი სათრობელი არა მისევამს, არამედ განვფენ სულსა ჩემსა წინაშე უფლისა“.

ელის გულს მოხვდა ქალის მწუხარება, ანნა შინ გაუშვა და უთხრა: „წარვედ მშვიდობით და ღმერთმან ისრაელისამან მოგცეს შენ ყოველი თხოვნა შენი“.

დაახლოებით ერთი წლის შემდეგ ანნამ ძე შვა და ახალშობილს სამოელი უწოდა. როგორც კი სამოელი წამოიზარდა, დედამ, რომელსაც თავისი აღთქმა ახსოვდა, შვილი წაიყვანა სელომს, სადაც სიკვდილამდე იაჰვეს მსახური უნდა ყოფილიყო. ანნამ ელის მიართვა სამი ხბო, სამი ხაწყაო ფქვილი, ერთი ტიკი ღვინო, ილოცა და გახარებული დაბრუნდა რამათაიმში. სა-

მოელი კი ტაძარში მსახურებას შეუდგა და ქურუმაღ კურთხევისათვის ემსაღებოდა.

წღველთმთავარ ელის ტკბილი სიბერე არ ღირსებია. მისი ქურუმი ვაჟიშვილები — ოფნი და ფინეზი უკეთურად იქცეოდნენ და მამას ბევრ უსიამოვნებას აყენებდნენ. უძლები იყვნენ და მლოცველთაგან უზომო საწირავს მოითხოვდნენ. არც მრუჯ შობას ერიდებოდნენ ტაძრის ბჭესთან მყოფ დიაკებთან. როცა შემწირველნი ხორცს ხარშავდნენ, ძმები ქებაიდან ჩანგლებით იღებდნენ ხოლმე უკეთეს ნაჭრებს. მათმა გაუმაძღრობამ, თვითნებობამ და გარყვნილებამ ისრაელში საყოველთაო აღშფოთება გამოიწვია. ელი კიცხავდა შვილებს, უქადაგებდა ჭეშმარიტ გზაზე დაბრუნებას, მაგრამ მის შვილებს არად მიაჩნდათ მამის რჩევა, ელი კი ვერაფერს აწყობდა მათთან, ამიტომ ყველას ეგონა, მამა შვილების საქციელს ხელს აფარებდა.

ამ ბილწ გარემოში ყოფნამ სამოელს ვერაფერი დააკლო. იგი უმწიკვლოდ იქცეოდა და ერთგულად ემსახურებოდა იაჰვეს. მალე იგი ქურუმი გახდა და მლოცველებმა მთელ ქვეყანას მოჰფინეს მისი სათნოების ამბავი. ელისაც კი, რომელსაც მაინც უყვარდა თავისი გარყვნილი შვილები, საიმედოდ მხოლოდ სამოელი ჰყავდა — გულის სიდრმეში იგი თავის მემკვიდრედ მიაჩნდა.

სამოელი ისე გულმხურვალედ ემსახურებოდა ღმერთს, რომ ღამეებსაც კი ტაძარში ათენებდა. ერთხელ მას მოესმა, რომ ვიღაც უხმობდა. იფიქრა, ელი მეძახისო და მოხუცისაკენ გაეშურა. მაგრამ ელის ეძინა და არა იცოდა რა. მეორე ღამეს იგივე განმეორდა. მხოლოდ მეხამე ღამეს მიხვდა ელი, რომ სამოელს იაჰვე უწოდებდა. მან სამოელს ურჩია, თუ როგორ უნდა მოქცეულიყო ასეთ შემთხვევაში. სამოელმა ელის გაუგონა. როცა ძახილი კვლავ განმეორდა, სამოელი პირქვე დავარდა და ისე იკითხა იაჰვეს ნება-სურვილი. იაჰვეს ნათქვამმა შეაძრწუნა სამოელი. დილით ელიმ გამოჰკითხა იმდამინდელი საუბრის ამბავი. სამოელმა ჯერ კი თავი აარიდა პასუხს, მაგრამ შემდეგ შეძრწუნებულმა უთხრა: უკეთურ ძეთა დასასჯელად აღშფოთებულ იაჰვეს გადაუწყვეტია, რომ მთელი შენი მოდგმა მიწასთან გაასწოროს. ზარდაცემულმა ელიმ მდაბლად მიუგო: „უფაღვარს იგი, რაცა ჰნებავს, აღასრულებს მას“.

მთელს ქანაანში სწრაფად დაირხა ხმა, რომ სამოელს იაჰვე გამოეცხადა. ისრაელის ტომებმა იგი წინასწარმეტყველად მიიზნინეს. მათთვის სამოელი იყო ღვთის მიერ ცხებულის და ბრძენი. მისი ღვთისმოსავობა ერთადერთ ზნეობრივ საყრდენად იქცა ხალხისათვის, რაკი მღველთმთავარმა და მისმა შვილებმა ყველას თვალში დაკარგეს ნდობა.

წლის პოღბის მოსაობა. ფილისტიმელებმა დაიპყრეს იუდას ტომი და ეფრემის ტომის წინააღმდეგაც ამხედრდნენ. აფექთან ბრძოლაში მათ ოთხი ათასი ისრაელიტელი დახოცეს და გამარჯვება მოიპოვეს. ისრაელის ძეთა მხედართმთავრებს მოაკონდათ, რომ მოსესა და ისუ ნაევს არასდროს უბრძოლათ შჯულის კილობნის გარეშე, რომელიც იაკევს სამყოფელი იყო. აფექთან დამარცხება მათ აღთქმის კილობნის უქონლობას დააბრალებს და მყისვე წარგზავნეს მის მოსატანად სელომში ლევიტელები, რომელთაც ელის ძენი — ოფნი და ფინეზი მიუძღოდნენ წინ. გამორჩნდა თუ არა ისრაელის ძეთა ბანაკში ფრთოსანქერუბიმებიანი ოქროს კილობანი, მეომრებს გული მიეცათ და გამხსნევდნენ. ომი კვლავ გაჩაღდა, მაგრამ ისრაელიტელებს კვლავ საშინელი დამარცხება ხელათ წილად. ბრძოლის ველზე დარჩა ოცდაათი ათასი მოკლული, დანარჩენები კი გაიქცნენ. ყველაზე დიდი უბედურება ის იყო, რომ შჯულის წმინდა კილობანი ხელთ იგდეს საძულველმა და უღმერთო ფილისტიმელებმა.

ელი ამ დროს ოთხმოცდათერთამეტი წლისა იყო. მიხრწნილი, ნახევრად ბრმა მოხუცი გზის პირას იჯდა სკამლოგინზე და ბრძოლის დასასრულს ელოდებოდა. მას ძალზე აწუხებდა კილობნის ბედი. თუმცა კი ღრმად სწამდა მისი სასწაულმოქმედი ძალა, მაგრამ წუხდა, შვილებმა ტაძრიდან მის წაღებაზე რომ დაიყოლიეს.

და აი, მოვარდა მაცნე — ერთ-ერთი გადარჩენილი მეომართაგანი. დამარცხების, ორივე მის დაღუპვისა და მტრის მიერ წმინდა კილობნის ხელში ჩაგდების ამბავი რომ გაიგო, ელიმ გრძნობა დაკარგა, ტახტიდან გადმოვარდა და სული განუტყუა.

შჯულის კილობნის საოცარი ბედი. აფექთან გამარჯვების შემდეგ ფილისტიმელებმა ხელთ იგდეს ეფრემის ტომის მიწები, დაანგრეს სელომი — ისრაელიტელთა ყველა ტომის რელიგიური და ეროვნული დედაქალაქი. ხანძარმა შთანთქა უდიდესი სიწმინდე — მოსეს კარავი. ისრაელიტელებს დაუდგათ მონობის, ჩაგვრის, უძლურებისა და სასოწარკვეთილების ხანგრძლივი პერიოდი, მაგრამ მალე იმედის პირველი სხივი აკიაფდა. ფილისტიმელთა ქალაქებიდან უცნაური და ამაღელვებელი ხმები მოდიოდა. ფილისტიმელებს სჯულის კილობანთურმე აზოთში ჩაეტანათ და თავიანთი უზუნაესი ღმერთის დეკონის ტაძარში დაედგათ. მეორე დღეს ტაძარში შესვლისთანავე ზარდაცემულებმა იხილეს დაგონის კერპი იატაკზე, კილობნის წინ დანარცხებული. ქანდაკება თავის ადგილას აღმართეს, მაგრამ მეორე დღეს კვლავ ძირს, მიწაზე დაუხვდათ.

კერძს თავი და ხელები მოკვეთილი ჰქონდა. ამავე დროს აზოთის მიდამოებს უამრავი თავი შემოესია, ისინი აჩანაგებდნენ მოსავალს მინდვრებში და ეპიდემიას ავრცელებდნენ. აზოთელები ფილისტიმელთა მბრძანებლებს ეახლნენ და შეევედრნენ: რაღაც უნდა დაგვიჯდეს, სახიფათო ნადავლი აქედან უნდა გავარიდოთო. კიდობანი ქალაქ გეთში გადაიტანეს, მაგრამ მალე იქაც იფეთქა საშინელმა ეპიდემიამ, რომელმაც აუარებელი ადამიანი იმსხვერპლა. მაშინ ნადავლი ქალაქ ასკალონში წაიღეს, მაგრამ იქაურები უარზე დადგნენ: „მოიღეს ჩვენდა კიდობანი ღმრთისა ისრაელისა მოსასრველად ჩვენდა!“ ფილისტიმელთა მბრძანებლები სათათბიროდ შეიყარნენ, მაგრამ არცერთმა ქალაქმა არ ისურვა ძვირფასი კიდობნის შეფარება. ხალხს შიშის ზარს სცემდა მისი ჯადოსნური ძალა. ბოლოს წინასწარმეტყველებმა ურჩიეს, კიდობანი ისრაელიტელთათვის დაებრუნებინათ. იგი დადევს ურემზე, რომელშიც ახლად ხბომოგებული ფურები შეაბეს. კიდობანთან ერთად ურემზე დადეს აგრეთვე ფილისტიმელთა ზუთი მთავარი ქალაქის მიერ გამოღებული შესაწირავით სავსე ზარდახშა. ძროხებისთვის არავინ გაუყოლებიათ, მაგრამ მოხდა სასწაული: ფურებმა დედობრივი ინსტინქტის მიუხედავად, ბოსლებში ჩაკეტილი ხბოები მიატოვეს და ისრაელის საზღვრისაკენ გაეშურნენ.

შვილი თვის ტყვეობის შემდეგ შჯულის კიდობანი სამშობლოში დაბრუნდა. ისრაელიტელები ბეთშემეშში პურს მკიდნენ, როცა წმინდა კიდობანი იხილეს და სიხარულით ცას ეწიენ. მათ იქვე, მინდორში დიდ ღოდზე აღმართეს კიდობანი, ურემი შესად დააპეს, ხოლო ფურები დაკლეს და იაჰვეს შესწირეს მსხვერპლად. მაგრამ ამასთან ერთად მკრეხელობა ჩაიდინეს სულმა წასძლიათ და ზარდახშაში ჩაიხედეს, სურდათ გაეგოთ, რა იყო შიგ. განრისხებულმა იაჰვემ ბეთშემეშის ორმოცდაათი ათასზე მეტ მკვიდრს მოუსწრაფა სიცოცხლე.

შჯულის კიდობანი კარიათ-არიმში გადაიტანეს. იქ მას მცველად დაუდგინეს ამინადაბი და მისი ვაჟი ელიაზარი. ისინი იცავდნენ შჯულის კიდობანს, ვიდრე დავით მეფემ დიდი ზეიმით არ გადაიტანა იგი იერუსალიმს.

სამოელი – მმართველი. დადგა მონობისა და დამცირების მძიმე წლები. სელომი დაანგრევს და სამოელი თავის მშობლიურ ქალაქს რამათაიმს დაუბრუნდა. მისი სახელი და დიდება თანდათან იზრდებოდა. ჩვენებათა მხილველი სამოელი წინასწარმეტყველებდა და ქანაანის ღმერთებს ებრძოდა. მას ჰქონდა სკოლა, სადაც თავის მოსწავლეთ წინასწარმეტყველებას ასწავლიდა. მათთან ერთად ისმენდა მუსიკასა და დაფდაფების

ხმას. მუსიკისა და როკით რელიგიურ ექსტაზში შესული წინასწარმეტყველებდა, რომ იაპვე მალე გაიმარჯვებდა ისრაელის ძეთა მხაგვრელებზე. თანდათანობით მთელი ქვეყანა მოიცვა ფანატიკურმა სიძულვილმა ფილისტიმელთა მიმართ.

სამოელი არც მუომარი ყოფილა და არც სარდალი; იგი გახლდათ მმართველი, ხალხის ბრძენი მოძღვარი, უზუნაესი ქურუმი და მსაჯული. წელიწადში სამჯერ ჩადიოდა ბეთელს, გაღალს და მასეფას და სამართალს წყვეტდა. მისი განაენი და ბრძანება ურევეი იყო. სიტყვის შებრუნებას ვერც ერთი ტომის წარმომადგენელი ვერ შეუბედავდა. ისრაელიტელებს კვლავ გაუჩნდათ ბელაფი, რომელმაც ქვეყანა შინაგანი აღორძინებისა და პოლიტიკური გაერთიანების მძიმე გზასე დააყენა.

გავიდა ოცი წელი. საშოელმა მასეფაში შეყარა ყველა ისრაელიტელი და უბრძანა, გაერთიანებულიყვენენ მომავალი გამათავისუფლებელი ბრძოლისათვის. შემფოთებულმა ფილისტიმელებმა მათ დიდი ლაშქარი შეაგებეს, რომ ჩაეჭროთ აჯანყების პირველი ნაპერწყალი. ბრძოლამდე უცებ საშინელი ქარიშხალი ამოვარდა, ჭექა-ქუხილმა თავზარი დასცა ფილისტიმელებს. ისრაელიტელები გამხნეულნენ და თავს დაესხნენ მათ. დარბეული დამპყრობლები უკუიქცნენ და თავის ქვეყანაში დაბრუნდნენ.

მოულოდნელმა მარცხმა ფილისტიმელებს ისე გაუფუჭა გუნება, რომ დიდი ხნის განმავლობაში ამგვარი ლაშქრობა აღარ მოუნდომებიათ.

ამიერიდან სამოელს დამშვიდებით შეეძლო განემტკიცებინა თავისი ძალაუფლება. რამათაიმი ისრაელის რელიგიური და ეროვნული დედაქალაქი გასდა. დიდმა წინასწარმეტყველმა და მსაჯულმა აქ იაპვეს ახალი ტაძარი დააარსა. იგი ოცნებობდა, მის მიერ შექმნილი წყობილება განმტკიცებულიყო და რელიგიური და სამოქალაქო ძალაუფლება მის მოღვმას შემკვიდრობით გადასცემოდა. სამოელმა მართვა-გამგებლობა ასწავლა თავის ვაჟებს და ბერშებას მსაჯულებად დანიშნა. თვითონ უკვე მოხუცი იყო და შვილების დახმარებას საჭიროებდა, მაგრამ ბედის უცნაურმა ირონიამ მასაც ელის ზვედრი არგუნა. სამოელის შვილები უკეთურნი გამოდგნენ. ხარბნი და ანგარებით სავსენი ქრთამს იღებდნენ და უსამართლო განაენი გამოქაჩონდათ. მალე ხალხის ნდობა დაკარგეს და პატივისცემა აიყარეს. ღრმად მოხუცი სამოელი კი იწყნარებდა შვილების საქციელს, ძალა აღარ შესწევდა, რომ შვილების საწინააღმდეგოდ მოქცეულიყო და მათი ბოროტება აღეკვეთა.

ისრაელიტელებმა ღრტვინვა დაიწყეს ამგვარი ყოფის გამო. ფილისტიმელებს კი კვლავ გაეღვიძათ აგრესიული ზრახვები და ისევ შეტევაზე გადმოვიდნენ. ამიტომ საჭირო გასდა ძლიე-

რე ბელადი, რომელიც ხათავეში ჩაუღებოდა თავისუფლებისა-
ფობი მებრძოლ ხალხს. მეზობელ ხალხთაგან ყველას ჰყავდა
შეფე და ისრაელიტელებიც იმ დასკვნამდე მივიდნენ, რომ მხო-
ლოდ მონარქიულ წყობილებას შეეძლო მათი ხსნა. ისინი ისე
დიდ პატივს სცემდნენ სამოელს, რომ მეფის არჩევა მას მიან-
დეს. სხვადასხვა ტომთა წარმომადგენლები მივიდნენ მასთან
რამათაიმში და უთხრეს: „აჰა, შენ დაბერებულ ხარ და ძენი
შენნი არა ვლენან გზათა შენთა. აწ მოგვეც მეფე, რათა ხჯიდეს
სამართალსა, ვითარცა არს სხვაგან“. ასეთმა მოთხოვნამ სამოე-
ლი ძალიან გაანაწყენა. მან პასუხის მიცემა ხვალისთვის გადა-
უდო და მეორე დღეს ელჩებს მოასხენა: ღამით იაპვე გამოძე-
ცხადა და გულნატკენმა მითხრა: „ისმინე სიტყვა ერისა და იხ-
მინე ყოველი, რომელი გითხრან შენ; რამეთუ არა შენ უარ-
გვევს, არამედ უარ-მევეს მე, რათა არა ვიყო მეუფედ მათ ზედა.
და ქმნეს ესე იმ დღითგან, ოდეს გამოვიყვანე იგინი ეგვიპტით:
დღემდე მსახურებდეს კერპთა უცხოთა და ეგრევე გიყვეს შენ“.

სამოელმა იგრძნო, რომ მისი სიტყვები მოციქულებმა არად
ჩააგდეს. ახლა მათი შეშინება სცადა. აუწერა ხიფათი, რომე-
ლიც მეფის ყოლას სდევდა თან. „ეხე არს წესი მეფისა: მოგ-
თხოვოს მან შეილნი თქვენნი და ყვნეს იგინი მეეტლეებად და
მხედრებად და წინა მსრბოლად ეტლისა. და დაადგინნეს იგინი
ათასის თავებად და ორმოცდაათის თავებად, და სხვანი — მხენე-
ლებად და მოძკალად. და იქმნენ იგინი მოქმედნი საჭურველისა
და ეტლისა. და წარიყვანნეს მან ასულნი თქვენნი და ყვნეს
იგინი საცხებლის მგბოლველ, მზარეულ და მცხობელ პურისა.
და წარიღოს ყანები და ვენახები და ზეთისხილი თქვენგან და
მისცეს მონათა თვისთა. და ყანათა და ვენახთაგან აღიღოს მან
ათეული და მისცეს იგი მსახურთა თვისთა. და მონანი და მხე-
ფაღნი თქვენნი და ჭაბუკნი თქვენნი კეთილნი და ვირნი წარი-
ყვანნეს მან და დაადგინნეს საქმესა თვისსა. და ათეული აღი-
ღოს ცხოვართა თქვენთაგან და იყვნეთ თქვენ მონა მისდა“.

მაგრამ სამოელმა ვერც ახლა გააწყო რამ. მოციქულები
შაინც თავისას გაიძახოდნენ. სამოელმა გულისტკივილით აღუ-
თქვა, რომ ტახტისათვის მეფის კანდიდატურას შეარჩევდა.

როგორ აპურისხან მეფედ საული. ბენიამენის მი-
დამოებში ცხოვრობდა ერთი კაცი, რომელსაც კისი ერქვა. მისი
შვილები მამაცობითა და თვალტანადობით იყვნენ განთქმულნი.
მათ შორის განსაკუთრებით ირჩეოდა საული, პირმშვენიერი,
ახოვანი ჭაბუკი. საულს ისეთი ტანი ჰქონდა, რომ ყველა ისრა-
ელიტელს ზემოდან დასცქეროდა.

კისის ოჯახი მიწათმოქმედებასა და მესაქონლეობას მის-

დევდა. მისი ოჯახის წევრები იყვნენ უბრალო გლეხები, სულითა და ხორციით ჯანმრთელნი და ქალაქური ცხოვრებისაგან გაუწყენლნი.

ამასთან ერთად, მათ სახელი გაითქვეს, როგორც კარგმა ისრავალიტელებმა: გადამთიელთა უღელს ვერ ურიგდებოდნენ და უფალ იაქვეს ერთგულნი დარჩნენ.

ერთხელ კისს ვირები დაეკარგა. მან საულს უბრძანა, მსახური წაეყვანა და საძებნელად წასულიყო. საულმა და მსახურმა გადაიარეს ეფრემის მთა, მოვლეს შალეშის, შაალიმის, ბენიამენისა და სეფას მიდამოები, მაგრამ ვირები ვერ იპოვეს. ქალაქ რამათაიძამდე რომ მიიღწიეს, საულმა შინ დაბრუნება მოინდომა — მამას არ შეეშინდესო, მაგრამ მსახურმა ურჩია — დახმარებისათვის რამათაიძში მცხოვრებ ქურუმსა და წინასწარმეტყველს მივმართოთო. საულს ჭკუაში დაუჯდა ნათქვამი, მაგრამ ქურუმთან ხელცარიელი მისვლა ითაკილა. მაშინ მსახურმა თქვა: „მაქვს მე მეოთხე ნაწილი შეკელი ვეცხლისა, მივცე იგი კაცსა ღმრთისასა და გვიჩვენოს მან გზა ჩენი“.

ისინი ქალაქის კარიბჭესთან შეხვდნენ სამოელს. იმ ღამეს სამოელმა ასეთი ჩვენება იხილა: იაქვემ აღუთქვა, ბენიამენის მიწა-წყლიდან ისეთ კაცს გამოგიგზავნი, რომელიც ისრაელის ერს ფილისტიმელთა უღლისაგან გაათავისუფლებსო.

მაღალი, პირმშვენიერი საული რომ იხილა, სამოელი დარწმუნდა, რომ მის წინ სამეფო ტახტისთვის ღირსეული კაცი იღვა. მან საული სადილად იხმო და აღუთქვა — დაკარგული ვირები მოინახებაო. ქურუმის ყურადღებით შეცბუნებული საული უარზე დადგა: ასეთი პატივის ღირსი არა ვარ, რადგან წარმოშობით ყველაზე პატარა ტომის ყველაზე უბრალო ოჯახიდან ვარო. მაგრამ სამოელმა დაამშვიდა საული. შინ შეიყვანა, სხვა ოცდაათ მეინახეთ შორის საპატიო ადგილზე დასვა და საუკეთესო საჭმელი მიართვა. შემდეგ საული სახლის ბანზე აიყვანა და გვიანობამდე ესაუბრა.

ღილით ადრე კი სამოელმა გააღვიძა საული და ქალაქგარეთ წაიყვანა. უბრძანა, მსახური გაეშვა. მარტო რომ დარჩნენ, სამოელმა ჭურჭელი აიღო, საულს წმინდა ზეთი სცხო და მეფედ აკურთხა. ჭაბუკი შეძრწუნდა: მას არ სჯეროდა, რომ ასეთი იყო იაქვეს ნება. იგი მხოლოდ მაშინ დარწმუნდა, როცა უკან დაბრუნებისას ზუსტად აღსრულდა სამოელის წინასწარმეტყველება: რაქელის საფლავის მახლობლად საულს ორი კაცი შემოხვდა. მათ უთხრეს, ვირები ვიპოვეთ და მამა მოუთმენლად გელოდებო. შემდეგ თაბორის მუხნართან რამათაიძში მსხვერპლის შესაწირავად მიმავალი სამი მლოცველი შემოეყარა და ორი პური მისცეს. ყველაზე მთავარი მაინც მესამე შეხვედრა იყო. საულმა მთიდან ჩამომავალ წინასწარმეტყველთა კრებულს მოჰკრა თვა-

ლი. ისინი ქნარის, სტიერისა და ჩანგის ხმაზე ცეკვავდნენ, გალობდნენ და წინასწარმეტყველებდნენ. საული მონუსხულივით შესცქეროდა წინასწარმეტყველთა დასს და თანდათან გრძნობდა, რომ მას ღვთიური სული ეუფლებოდა. იგი აჰყვა საერთო რელიგიურ ექსტაზს და ვერც კი შენიშნა, როგორ იწყო როკვა, გალობა და მისნობა. ამასობაში შეიყარა მინდვრებში მომუშავე ხალხი, რომლებიც საუღლს უბრალო გლეხის შვილად იცნობდნენ. ისინი განცვიფრებით ეკითხებოდნენ ერთმანეთს: „რა ექმნა ესე კისის ძესა? აწ საულცა წინასწარმეტყველთა თანა არს?“ ეს კითხვები საულის პატივისცემას არ მოახწავებდა. მაშინდელი წინასწარმეტყველები, რომელთა შორის ბევრი მატყვარა და თაღლითი ერიცა, კარდაკარ დაეხეტებოდნენ, თავზედურად მათხოვრობდნენ და საჭმლისა თუ სხვა მოწყალების ფასად მისნობდნენ. ცრუმორწმუნე ხალხს მათი ეშინოდა. არსებითად კი მათ ყველა აბუჩად ივდებდა. მათ შესახებ დაცინვით იკითხავდნენ ხოლმე: „ვინ არს მამა მათი?“ არც საულს მოუხვეჭია დიდება. გესლიანი კითხვა: „აწ საულცა წინასწარმეტყველთა თანა არს?“ ანდასადაც კი იქცა.

საულის მეფედ კურთხევა საიდუმლოდ მოხდა. საულმა სახლელეულებსაც კი არ გაუმხილა, თუ რა შემთხვა რამათაიმში. საჭირო იყო, რომ საულის მეფედ არჩევისათვის მხარი დაეჭირათ ისრაელიტელებს. ამ მიზნით სამოელმა შეერიბა ხალხი მასეფაში და დასამტკიცებლად წარუდგინა თავისი კანდიდატი მისი რეკომენდაციით საული მეფედ აირჩიეს.

დიდი ღონისა და მამაცობის მიუხედავად, საული მორიდებული და თავმდაბალი ჭაბუკი იყო. მეფედ არჩევამ ისე შეაცბუნა, რომ ურმებში და საპალნიან პირუტყვთ შორის დაიწყო სამალავის ძებნა. იგი ძალით გამოიყვანეს. როცა ხალხს წარუდგია, ძლიერი და სხეებზე მთელი თავით მაღალი, გამხნეებულმა ისრაელიტელებმა წამოიძახეს: „დღევრპელ იყავნ მეფე!“

შემდეგ სამოელმა მეფის უფლებები განმარტა, ჩაიწერა და ფეელანი შინ გაუშვა. საული მრავალრიცხოვან მხედრობას წაუდგა სათავეში და გაეშურა შინ — გებას.

არჩევნების დროს ბევრმა ისრაელიტელმა ხმა არ მისცა საულს. მეფედ არჩევის შემდეგაც ბევრს იმდენად სძულდა, მასთან არც კი მისულან, რომ თავყვანი იცათ. მაგრამ ჭკვიან და მომთმენ საულს თავი ისე ეჭირა, თითქოს ვერც ამჩნევდა ამ ამბავს და ურჩებზე შურს არ იძიებდა.

საულის პირველი გამარჯვება. გადიოდა წლები. საულს არ შეეძლო აშკარად ემართა ქვეყანა და მთლიანად მისი ბატონ-პატრონი ყოფილიყო, რადგან გებაში, ისევე როგორც

ისრაელიტელთა ბევრ სხვა ქალაქში, ფილისტიმელთა დამ-
ცველი ჯარები იღვა. საული ისევ მიწათმოქმედებას მისდევდა
და დასოლშვილდა კიდეც. უკვე ორი მოზრდილი ვაჟის მამა
იყო. ერთ-ერთი მათგანი, იონათანი, ძლიერებითა და მამაცო-
ბით გამოირჩეოდა.

მდინარე იორდანის აღმოსავლეთით, გალაადის მთებში,
მდებარეობდა ისრაელის ქალაქი იაბისი. ქალაქისთვის ალყა შე-
მოერტყა ამონელთა მეფეს ნაასს და გადამწყვეტი იერიშისთვის
ემზადებოდა. იაბისის მცხოვრებლებმა მოლაპარაკება გამართეს
ნაასთან. მან განაცხადა: კაპიტულაციის მიღებაზე თანახმა ვარ,
მაგრამ ყველას მარჯვენა თვალი უნდა ამოეთხარო. ამითვე
ემუქრებოდა იგი ყველა ისრაელიტელს.

ამ პირობების ასაწონ-დასაწონად იაბისის უზუცესებმა
შეიღდიანი დაზავება მოითხოვეს. მათ ისარგებლეს შესვენე-
ბით, საულს მოციქულები გაუგზავნეს და დანძარება სთხოვეს.
მათმა ნათქვამმა საული განარისხა; იგი კვლავ წინასწარპე-
ტყველურმა ექსტაზმა შეიპყრო. საულმა დაკლა ორი ხარა,
რომლებიც გუთანში ჰყავდა შებმული, ასო-ასო აკაფა, ნაწილე-
ბი ისრაელის ყველა ტომს დაუგზავნა და შეუთვალა: ხარების
ბედი ეწევა ყველას, ვინც წმინდათაწმინდა ომში მონაწილეობას
არ მიიღებსო. ისრაელიტელები შეაშინა მუქარამ. მალე ბეზეკის
მახლობლად შეიკრიბა აურაცხელი ლაშქარი, რომელიც საულ-
მა ამონელთა წინააღმდეგ დაძრა. იგი შეიჭრა ამონელთა ბანაკ-
ში იაბისთან და შურისძიების ცეცხლი დაატრიალა.

საულმა ეროვნული გმირის სახელი მოიხვეჭა; მაგრამ მის-
მა პოპულარობამ კინაღამ ძმათაშორისი ომი გამოიწვია, რად-
გან მის თაყვანისმცემლებს სწყუროდათ გასწორებოდნენ ყვე-
ლას, ვინც მასეფაში საულის მეფედ არჩევის წინააღმდეგი იყო
და მის სამტროდ ხალხს ამხედრებდა. მაგრამ საულმა არ დაუ-
შვა ახალი სისხლისღვრა. იგი ამბობდა: გამარჯვების საზეიმო
ღღის დანრდილვა არ შეიძლებაო.

სამოელმა კვლავ შეკრიბა ხალხი გალგალში. აქ ერთხელ კი-
დევ დაადასტურეს საულის მეფედ არჩევა, ხოლო გამარჯვების
აღსანიშნავად ღმერთს მსხვერპლი შესწირეს და ნადიმი გამარ-
თეს.

სამოელს მსაჯულის საერო ძალაუფლებაზე უარის თქმის
ნაღვლიანი წუთი დაუდგა. იგი ახალგაზრდობიდანვე ხელმ-
ძღვანელობდა თავის ხალხს, დაბერდა და გაჭაღარავდა ამ თა-
ნამდებობაზე. შვილებმა იმედი გაუცრუეს, სასოწარკვეთილების
მეტი არაფერი მოუტანიათ მისთვის. იგი თავშეყრილი ისრაე-
ლიტელების წინაშე წარსდგა და ნაწყვეტ-ნაწყვეტ წარმოთქვა:
„აჰა, აქა ვარ; მიწამეთ მე წინაშე ღმრთისა და ცხებულისა მი-
სისა. თქვით, თუ მოვიდე ვისგანმე ხარი ანუ კარაული, ანუ თუ

შევაჭირვე ვინმე, ანუ თუ ხელთაგან ვის რა გამოვსტაცე, ანუ თუ ქრთაში მოვიდე, დაეხუჭე თვალი და არა განვიხილე საქმე თქვენი? შემწამეთ მე და ყოველივე მოგაგო თქვენ“. ხალხმა მიუგო: „არცა რა ვის ჩვენგანსა აჭირვე, არცა რა მიიხვეჭე ჩვენგან და არცა რა მიიდე ხელთაგან ჩვენთა“.

საულს რომ ძალაუფლებას აბარებდა, სამოელი სრულებითაც არ ამბობდა უარს სახელმწიფოში თავის მთავარ როლზე. როგორც უზენაესი ქურუმი და იაპვეს წარმომადგენელი მიწაზე, იგი ფიქრობდა, რომ წინანდებურად შეეძლო ისრაელიტელთა ბედ-იღბალზე გამგებლობა, დარწმუნებული იყო, რომ აღზევებული იყო ხალხსა და ახალ მეყეზე და რომ მეფე მისი მორჩილი უნდა ყოფილიყო. მიუხედავად იმისა, რომ მკის დრო იყო, თავისი ღვთაებრივი ძალის დასამტკიცებლად მან ჭეჭა-ჭეხილი და წვიმა მოუვლინა ხალხს. ამ სასწაულის მნახველ ისრაელიტელებს შეეშინდათ არა მარტო იაპვესი, არამედ სამოელისაც. „ილოცე უფლისა მიმართ მონათა შენთათვის, — შევედრნენ სამოელს, — რათა არა მოვწყდეთ ყოველნი, — შეგარდავპმეტეთ ყოველთა ცოდვათა ჩვენთა, ოდეს ვითხოვეთ მეფე“.

ამრიგად, სამოელმა ისრაელის ყველა პოლიტიკურ და რელიგიურ საქმეში გადაწყვეტი სიტყვის უფლება დაიტოვა და უზენაესი ქურუმის მაშინდელ რეზიდენციაში — რამათაიმშა დაბრუნდა.

როგორ განარისხა საულმა სამოელი. საულმა ჯარი გაუშვა და მხოლოდ სამი ათას* მეომარს დაუტოვა იარაღი. აქედან ათასი კაცი თავის ფიცხ და მეომარ ვაჟს იონათანს ჩააბარა. ერთხელ, ღამით იონათანი ამ ლაშქრით თავს დაესხა ფილისტიმელთა დამცველ რაზმს, რომელიც გებაში იდგა, დაამარცხა იგი და ასისთავი მოკლა. საულის სამშობლო ქალაქმა თავისუფლება დაიბრუნა. სასიხარულო ცნობა ელვის სისწრაფით გავრცელდა მთელს ისრაელში და საყოველთაო აჯანყების საბაბად იქცა. საულმა იხმო ისრაელიტელი მეომრები გალგალში, სადაც შეამბოხეთა არმია შეიქმნა. ფილისტიმელებმა იგრძნეს, რომ ცუდად წაუვიდათ საქმე და თავის ლაშქარს მაქმამში, ბეთ-ავენის აღმოსავლეთით მოუყარეს თავი. ეს იყო შესანიშნავად შეიარაღებული ჯარი, რომელიც აერთიანებდა არა მარტო ქვეით რაზმებს, არამედ ისრაელიტელთა ქვეითი ჯარისათვის განსაკუთრებით საშიშ მრავალ ათას საბრძოლო ეტლსაც. საულის ჯარს არ ჰყოფნიდა კარგი იარაღი. მხოლოდ მას და იონათანს ჰქონდათ რკინის ხმლები და შუბები. ამიტომ გასაკვირი არაა, რომ ფილისტიმელთა ლაშქრის გამოჩენამ პანიკა გამოი-

წვია. ხალხი ტოვებდა თავის საცხოვრებელს და გამოქვაბულებსა და ციხესიმაგრეთა კოშკებში იმალებოდა. ზოგი კი იორდანეზე გადადიოდა და თავშესაფარს გაღისა და გალაადის ქვეყნებში ეძებდა. საული ამ დროს გალგალში იმყოფებოდა, ელოდა სამოელს, რომელიც უნდა მოსულიყო და იაქვესთვის მსხვერპლი შეეწირა. საული შვიდ დღეს ელოდა სამოელს. სასოწარკვეთილებაში ჩაყარდნილი არმია ყოველდღიურად იღვოდა, ბოლოს კი მეფეს მხოლოდ ექვსასი ყველაზე ერთგული მებრძოლი შერჩა. მდგომარეობა მეტად დაიძაბა. ყოველ წუთს მოსალოდნელი იყო მოწინააღმდეგესთან პირველი შეტაკება, იაქვეს დაუხმარებლად ბრძოლა კი კარგს არაფერს უქადდა ისრაელიტელებს. საულმა ისეთი რამ მოიმოქმედა, რაც კაცს შეიძლებოდა უზუნაესი ქურუმის უფლებების ხელყოფად მიეჩნია. მან ბრძანა, სამსხვერპლო აღებართათ და თვითონ შესწირა ღმერთს მსხვერპლი. ბანაკში ჩამოსულმა სამოელმა ეს ამბავი გაიგო და განრისხდა, საულს დაემუქრა, იაჰვე სამეფო გვირგვინს წაგართმევს და უფრო გამგონე მეფეს აირჩევსო. საულს ბოღიშის მოხდამ ვერ უშველა. სამოელმა ისე დატოვა ბანაკი, არც კი გამომშვიდობებია.

იონათანის ბმირობა. ქურუმებთან უთანხმოებამ საული აადლევა, მაგრამ ვერ გატეხა. თითქმის ყველასაგან მიტოვებული, პატარა რაზმთან ერთად დარჩა გალგალში. ამ პირობებში შეუძლებელი იყო ფილისტიმელებთან აშკარა შეხვედრა. მან პარტიზანულ ომს მიმართა და მტრის რაზმებს მოულოდნელად ესხმოდა თავს. თავდასხმებში განსაკუთრებით გამოიჩინა თავი საულის ძემ — თავზეხელაღებულმა და მამაცმა იონათანმა. ერთხელ თავის საჭურველმტვირთველთან ერთად იონათანი მოულოდნელად შეიჭრა მტრის ბანაკში, ოცი გუშაგი მოკლა და ისეთი აურზაური გამოიწვია, რომ დანარჩენები თავზარდაცემულნი გაიქცნენ. საულმა არა იცოდა რა შეიღის სასიფათო გამოხლოების შესახებ. მტრის ბანაკში განგაშს რომ მოკერა ყური, ბრძანა ენახათ, ვინ აკლდა რაზმს. შეამოწმეს და იონათანი არ აღმოჩნდა. საული დაუყოვნებლივ დაიძრა შვილის დასახმარებლად და ლტოლვილი მტერი დაარბია. მას მიემხრნენ მტრის ჯარში ძალით გაერთიანებული ისრაელიტელთა რაზმები. ხოლო როცა მას ახლომდებარე მთებსა და გამოქვაბულებშია გადაძალული ისრაელიტელებიც შეუერთდნენ, ფილისტიმელებმა უსასტიკესი დამარცხება იგემეს. მტერს თვით ბეთ-ავენამდე სდიეს.

ისრაელიტელებს ილაჯი გაუწყდათ, მაგრამ დაღამებას ბევრი უკლდა და საულმა ბრძოლის გაგრძელება გადაწყვიტა.

„წყველ იყავნ ყოველი კაცი, რომელმან ჭამოს პური ვიდრე მწუხრამდე, ვიდრე არა სრულად ვიძიო შური მტერთა ჩემთა ზედა“, — უთხრა მან მეომრებს.

ისრაელიტელ მეომრებს დიდი შიში და კრძალვა ჰქონდათ მეფისა და საჭმლისთვის პირიც არ დაუკარებიათ. გრამ იონათანის ყურამდე მამის ბრძანება არ მისულა. იონათანამ ხის ფულუროში ფუტკარი შენიშნა, გოლეულში ჯოხის წვერი ჩააწო და თაფლს გემო უნახა. მხოლოდ ამის შემდეგ მოახსენეს მას საულის ბრძანება. იონათანი მაინც და მაინც დიდად არ უწყუხებულა. პირიქით, მამის ბრძანებას აკრიტიკებდა და ამტკიცებდა: ისრაელიტელთა გამარჯვება უფრო სრული იქნებოდა, ბრძოლა რომ მშიერ-მწყურვალებს არ გვიხდებოდა.

სალამო ხანს დაღლილი და მშიერი გამარჯვებული ისრაელიტელები ალაფს დაერივნენ. ისინი პირდაპირ ბრძოლის ველზე ხოცავდნენ ცხვრებს, ხარებსა და ხბოებს, ხარბად ყლაპავდნენ უმ, სისხლიან ხორცს. როგორც კი გაიგო საულმა ეს ამბავი, სასტიკი ბრძანება გასცა — საქონელი დაეკლათ ქვებსზე, რომ სისხლს თავისუფლად ედინა მიწაში.

დადამდა. მეფემ განკარგულება გასცა, სამსხვერპლო აღემართათ. ღმერთს მსხვერპლი შესწირა და ქურუმს დაავალა, გაეგო, განეგრძო თუ არა ფილისტიმელთა დევნა. მაგრამ იაჰვე ღუძღა. საული მიხვდა — ვიდაცა გადასულიყო მის ბრძანებას და ამით ღვთის რისხვა მოველინებინა ჯარისთვის. როცა გაირკვა, რომ დამნაშავე იონათანი იყო, მას სიკვდილი მიუსაჯა. მაგრამ ისრაელიტელმა მეომრებმა არ ინდომეს გმირის სიკვდილი: „არა დავარდეს თმა ერთი იონათანისი მიწისა ზედა, რამეთუ უფლისა მიერ იქმოდა იგი ღღეს ამას!“ — ყვიროდნენ აღშფოთებულები. საული იძულებული გახდა, მტრის შემდგომი დევნისათვის თავი დაენებებინა და ამგვარად ფილისტიმელები საბოლოო დამარცხებას გადაურჩნენ. ისინი, მართალია, დაბრუნდნენ თავიანთ ქალაქებში, მაგრამ ისრაელზე თავდასხმის მუქარას მაინც არ იშლიდნენ.

საბოლოო განხეთქილება სამოელთან. თავის მშობლიურ ქალაქს გებას რომ დაუბრუნდა, საული განცხრომას არ მისცემია. მან იცოდა, რომ აღრე თუ გვიან ფილისტიმელებთან გადამწყვეტი შეტაკება მოუხდებოდა და ბრძოლისთვის ემზადებოდა. მთელ თავის ენერგიას ახმარდა ჯარების ჩამოყალიბებას. ჯარში იწყვედა ვველას, ვისაც გაბედულებასა და სიმამაცეს ატყობდა. ზურგის გამაგრების მიზნით, წარმატებით ებრძოდა მოაბელ, ამონელ და ედომელ მეფეებს. ჩრდილოეთით დაიპყრო არამეველთა სამეფო სობა, ხოლო ქანაანის დამოუკიდებელი

ქალაქების დამორჩილებით ქვეყნის შიგნით ჰოზიციები განიმტკიცა. ამრიგად, საულმა შექმნა ისრაელის ძლიერი სახელმწიფო.

იონათანის გარდა საულს ორი ძე და ორი ასული ჰყავდა. მეფე მიწათმოქმედის უბრალო ცხოვრებას ეწეოდა და ერთი ცოლის მეტი არასოდეს ჰყოლია.

ჯარების მთავარსარდლად დანიშნა თავისი ბიძაშვილი და მეგობარი აბინერი.

საულს მოსავლელი დარჩა ერთი საქმე: სინას მთასა და ქანაანის სამხრეთ საზღვარს შორის მდებარე უნაყოფო მიწებზე ცხოვრობდნენ ამაღლეკლები. ესენი იყვნენ ყაჩაღთა ტომები — ესავის შვილიშვილის ამაღლეკის ჩამომავალნი. ისრაელიტელებს მუდმივი შეხლა-შემოსლა უხდებოდათ მათთან. ამაღლეკელთა ბრბოები არბევდნენ სამხრეთ ქანაანის მხარეს, ჟლეტდნენ მცხოვრებლებს და მაშველი ძაღის გამოჩენამდე უდაბნოს აფარებდნენ თავს. ყველაზე უარესი ის იყო, რომ ამაღლეკლები ემხრობოდნენ ფილისტიმელებს ისრაელიტელთა წინააღმდეგ. სხვა ომებში ჩაბმულ საულს მათთან ანგარიშის გასასწორებლად აღარ ეცალა. ამ ამბავმა სამოელი აღაშფოთა. იგი გაეშურა გებას და საულს შეასხენა — ძეფედ იმიტომ ავირჩიე, რომ ისრაელიტელები დაგეცვაო. უბრძანა, სასწრაფოდ დაძრულიყო თავის ჯარით ამაღლეკელთა წინააღმდეგ: „წარვიდ და მოსპე ამაღლეკი და ყოველი, რაიცა იყოს მათი. არა შეიწყალო არავინ, არცა მამაკაცი და დედაკაცი, არცა ყრმა და ძუძუმწოვარი, არცა ხარი და ცხოვარი, არცა აქლემი და სახეღარი“. საული დაემორჩილა, დაძრა თითქმის მთელი თავისი არმია და ამაღლეკლები ნეგებში დაამარცხა. დახოცა ყველა ტყვე, არ დაუნდვია არც ქალი, არც ბავშვი და ამაღლეკელთა მეფე ავაგაც დაატყვევა. მაგრამ ბოლომდე ვერ შეასრულა სამოელის ბრძანება და ამით მიუტყვებელი ცოლდა ჩაიღინა: დაენანა და ვერ გაანადგურა მდიდარი სამხედრო ალაფი — ცხვრები, ვერძები, ხარები და ამაღლეკელთა დანარჩენი ავლა-დიდება. ამასთან, ავაგის მამაცობით მოხიბლულმა ამაღლეკის მეფეს სიცოცხლე შეუნარჩუნა.

სამოელს რომ მიუვიდა ეს ამბავი, მყისვე გაეშურა ქარმეელის მთისაკენ, სადაც საული ძეგლს ღვამდა თავისი გამარჯვების აღსანიშნავად. მათი შეხვედრა მეტისმეტად ქარიშხლიანი გამოდგა. განრისხებული სამოელი უსაყვედურებდა საულს ბრძანების შეუსრულებლობას და ეუბნებოდა: „შურაცხგეოს შენ უფალმან, რამეთუ შურაცხყავ შენ იგი და არღარა იყო შენ მეფედ ისრაელსა ზედა“. ეს უკვე გვირგვინის ფაქტიურ დაკარგვას მოასწავებდა. საული ანგარიშს უწევდა წინასწარმეტყველის დიდ მორალურ ავტორიტეტს და მორჩილად სთხოვა პატიება. ეშინოდა, რომ მათი განხეთქილების ცნობა არევდარევას

შეიტანდა ხალხში. შეევედრა — ბანაკში დარჩი და გალგალში ერთად წავიდეთო. სამოელმა კვლავ მიუგო: „არა მივიდე შენ თანა, რამეთუ უარყავ შენ სიტყვა უფლისა და უფალმა უარგყო შენ, რათა არღარა ჰმეფობდე ისრაელსა ზელა“. ასეთი მკვახე პასუხის მიჩუმათება აღარ შეიძლებოდა, მაგრამ საულმა მოიწადინა საიღუმლოდ შეენახა განხეთქილების ამბავი და სცადა, ძალით გაეჩერებინა სამოელი: ხელი ჩასჭიდა მის სამოსელს და ტანსაცმლის ნახევი შერჩა ხელში. მაშინ სამოელმა თქვა: „აწ განხეთქა უფალმა სამეფო ისრაელისა და მისცა იგი მოყვასსა შენსა, რომელი უმჯობეს არს შენსა“.

მაგრამ მან მაინც არ გააწბილა საული და გალგალში წაჰყვა. ხალხის ყურამდე მათი განხეთქილების ამბავი არ მისულა.

იქ დაბრუნებისას სამოელმა ბრძანა, მეფე ავაგი იაჰვეს სამსხვერპლოსთან მიეყვანათ და საჯაროდ თავისი ხელით ასო-ასოდ აკუნა. სამოელი ძალე რამათაიმში დაბრუნდა და საულის ნახვა აღარ ინდომა. უფრო მეტიც, ხშირად იტყოდა ხოლმე ყველას გასაგონად: შეცდომა დაეუშვი, საული მეფედ რომ ავირჩიო. ისიც ბევრჯერ უთქვამს, რომ იაჰვესაც სანანებლად დაუურჩა საულის კაცის ძებნას შეუდგა. იგი ძალიან ფრთხილობდა, საულმა შეთქმულების მოწყობა და სახელმწიფო ღალატი არ დამაბრალოსო და საიღუმლოდ ინახავდა ამ ამბავს.

ერთხელ სამოელი ბეთლემში ჩავიდა თითქოსდა მსხვერპლის შესაწირად. ამ ქალაქის უხუცესებს ყური უკვე მოეკრათ სამოელისა და საულის განხეთქილების ამბისათვის. მათ საულისა ეშინოდათ და ქურუმს დიდი ხალისით არ შეხვედრიან. პირდაპირ ჰკითხეს ჩამოსვლის მიზანი. მან დაარწმუნა უხუცესები, რომ მხოლოდ რელიგიური მიზნებით იყო ჩამოსული. ღამით კი საიღუმლოდ გაემგზავრა ბეთლემში იესესთან, რომლის მოდგმა იუდას ტომს ეკუთვნოდა და დიდი პატივისცემით სარგებლობდა ქალაქში. იესეს შვიდი ძე ჰყავდა. სამოელმა მათი გაცნობა მოისურვა. შეათვალღერა იესეს ექვსი უფროსი ვაჟი, მაგრამ არჩევანი არცერთზე არ შეუწერებია და ყველაზე უმცროსის, დავითის მოყვანა ბრძანა. დავითი ჯერ კიდევ ყმაწვილი იყო და მამა მას ცხვარს ამწყემსინებდა. იესე გააკვირვა სამოელის მოთხოვნამ, მაგრამ უარი ვერ შეჰკადრა და გაგზავნა კაცი სამოვარზე დავითის მოსაყვანად. ყმაწვილი თვალში მოუვიდა სამოელს. ტანმოჩინი, კონტად ჩამოსხმულ ქერა ყმაწვილს ლამაზი და ჭკვიანი თვალები ჰქონდა. მასთან ხანმოკლე საუბრის შემდეგ სამოელი დარწმუნდა, რომ დავითი საოცრად მკვირცხლი, აზრიანი და თავაზიანი ყმაწვილი იყო. თანაც სამოვრებზე მოცლილად ყოფნისას დავითს ქნარზე ოსტატურად დაკვრაც ესწავლა. იგი ისე კარგად და გულში ჩამწვდომად

უკრავდა ქნარს, რომ წინასწარმეტყველს გული აუჩუყდა. როცა შეიტყო, რომ დავითის მიერ შესრულებული დვითის სადილებელი სიმღერები მისივე შეთხზული იყო, უკანასკნელი ეჭვიც გაუქარწყლდა. ტახტის უკეთეს შემკვიდრეს ვერც ისურვებდა. საცხებლით საესე რქის ჭურჭელი აიღო და ძმების თანდასწრებით დავითი მეფედ აკურთხა. მეფედ კურთხევა ოჯახურ წრეში მოხდა და ბეთლემში არავის შეუტყვია, რომ ისრაელის მომავალი მეფე მათი ქალაქის მკვიდრი იყო.

საული კი ამ დროს გებაში იყო, საღაც მიუღგომელი ციხესიმაგრე ააშენა კლდეზე. სამოელმა იგი ფაქტიურად ჩამოაგდო ტახტიდან და აშკარად განუცხადა, რომ იაჰვე სხვა მეფეს აირჩევდა. საულს სასო წარუკვეთა თავისმა მარცხმა. ყოველ ნაბიჯზე ელანდებოდა შეთქმულება და მტრობა, რომელთა მოთავედ სამოელი მიაჩნდა. დღედაღამ იგონებდა განცილდ შურაცხყოფას და ბოლოს ისე აეწეწა ძარღვები, რომ მეღანქოლია მოეძალა. მისმა მოღუშულმა, უძილობისაგან ჩაწითლებულმა თვალებმა და გონდაკარგულმა გამოხედვამ ყველაზე ერთგულ ადამიანებსაც კი აფიქრებინეს, რომ იგი უფალმა მიატოვა და ბოროტმა სულმა შეიპყრო. იმჟამად ასეთი ავადმყოფობის საუკეთესო წამლად მუსიკა ითვლებოდა. და აი, ვიღაცამ, შესაძლოა, სამოელის წაქეზებით, ურჩია, მოეწვია ქნარის შესანიშნავი დამკვრელი, უბრალო მწყემსი, ბეთლემელი დავითი. იგი სასწრაფოდ მოკგვარეს საულს გებაში. მეფემ დავითი ძალზე გულთბილად მიიღო. სახეზე დიდი ხნის მივიწყებული ღიმილი აუთამაშდა. ხოლო როცა ჭაბუკს მოუსმინა, იგრძნო, რომ ძალ-ღონე ემატებოდა. მას შემდეგ, როგორც კი სევდა შემოაწვებოდა გულზე, საული ბეთლემიდან მოაყვანიებდა ხოლმე დავითს სამკურნალოდ.

როგორ დაამარცხა დავითმა გოლიათი. ფილისტიმელები კვლავ დაძრწოდნენ საომრად ისრაელის წინააღმდეგობის სამზადისს შეუდგნენ და ქალაქ სოქასთან დაბანაკდნენ. საული მათ შესახვედრად გაემართა, რათა მტრისთვის თავის სახელმწიფოში შესასვლელი გზა ჩაეკეტა. ბრძოლისთვის გამზადებული მოწინააღმდეგეთა არმიები ერთმანეთის პირდაპირ იდგნენ ორ მთაზე. შუაში, ხეობაში მტრები ერთაბრძოლაში ხვდებოდნენ ერთმანეთს, მაგრამ ისრაელიტელთაგან ვერავინ ბედავდა შემას გოლიათთან, რომელიც ფილისტიმელთა ქალაქ გეთიდან იყო. მძიმე ჯავშანში ჩაჭედილი, უზარმაზარი ხმლითა და გრძელი შუბით შეიარაღებული გოლიათი ყოველდღე გამოდიოდა საზღვარზე და ექებდა მოწინააღმდეგეს. როცა დარწმუნდებოდა, რომ მასთან მებრძოლი არავინ ჩანდა, ისრაელიტე-

ლებს ლანძღვა-გინებითა და დაცინვით იკლებდა, მეფე საული, მისი სარდლები და მთავარსარდალი აბინერი შურააცხყოფილნი და შერცხვენილნი კარვებიდან თავს ვეღარ აყოფდნენ. ორმოცი დღე გავიდა. გოლიათი ვერ მორჩა ლანძღვა-გინებას. მათ ყოველ ფეხის ნაბიჯზე თან სდევდათ გოლიათის ქირღვა და დაცინვა. საული ვერაფერს უხერხებდა მტერს და ბოღმით იხრჩობოდა. აღთქმა დადო, რომ იმ ვაჟკაცს, ვინც გოლიათის გამოწვევას მიიღებდა, აურაცხელ სიმდიდრეს უბოძებდა, გადასახადებს აღუკვეთავდა და თავის უფროს ასულს მიათხოვებდა. მაგრამ გოლიათმა ისეთი შიშის ზარი დასცა ყველას, რომ ბრძოლის ველზე ვერავინ ბედავდა გამოსვლას.

ისრაელიტელ მეომართა შორის იესეს სამი უფროსი ძეც იმყოფებოდა. დავითი კი, როგორც ყველასზე უმცროსი, შინ დაეცოვებინათ. იგი ლაშქარს მყოფ ძმებს ბანაკში საჭმელს უსილავდა. ერთხელ იგი გოლიათისაგან ისრაელიტელთა ლანძღვა-გინებას შეესწრო. თავისი თვალთ ნახა, რომ გადამთიელი ლაფს ასხამდა ყველაფერს, რაც ისრაელიტელთათვის წმიდათა-წმიდა და სათაყვანო იყო. დავითი მისმა თავსელობამ განარისხა და ძმებს განუცხადა — გოლიათის გამოწვევას ვიღებო. გამოცდილ მეომრებს სასაცილოდ არ ეყოთ მისი ნათქვამი, მაგრამ როცა დავითმა არ დაიშალა, ძმებს მართლა მოუვიდათ გული და უბრძანეს, დაუყოვნებლივ გასცლოდა იქაურობას კანნიერი მწყემსის გადაწყვეტილებამ საულიც ბევრი აცინა. მან დავითი კარავში იხმო და მამაშვილურად უთხრა: „ვერ შემძლებელ ხარ შენ ბრძოლად ფილისტიმელისა და წინა-დადგომად, რამეთუ ყრმა ხარ, ხოლო იგი მბრძოლ არს სიჭაბუკით გან“. გაჯიუტებული დავითი თავისას გაიძახოდა, უამბობდა საულს, რომ მას უბრძოლია ფარაში შემოჭრილ ლომებთან და დათვებთან, რომლებიც მის ცხვარს ეპარებოდნენ. არწმუნებდა, ღონე და სიმარჯვე არ მაკლიაო. ბოლოს, როგორც იქნა, დაიყოლია. მეფემ ჭაბუკს თავისი აბჯარი ჩააცვა, თავისი მუზარადი დაახურა, საკუთარი ხმალი შემოარტყა და უბრძანა, კარავში გაიარ-გამოიარე, მინდა დავრწმუნდე, შესძლებ თუ არა ფარხმალ ასხმული სიარულსო. მართლაც, დავითმა ვერ იგუა მძიმე საჭურველი და განაცხადა, ბრძოლა ჩვეულებრივად, მწყემსურად ჩაცმულს მიჩვენებიაო. საულს სიცილი წასკდა და დავითი თავის ნებაზე მიუშვა.

დავითის ბრძოლის სამზადისი ის იყო, რომ მხოლოდ თავისი კომბალი და შურდული წაიყოლა თან. გზად მდინარესთან შეჩერდა, ხუთი სიპი ქვა აიღო, ღვთის სადიდებელი საგალობელი წამოიწყო და გაეშურა ხეობაში გოლიათთან შესახვედრად. დაინახა თუ არა გოლიათმა დავითი, ისეთი ხარხარი ატეხა, რომ მთებიც კი შეიძრნენ; გოლიათმა ლანძღვა-გინება დააყარა და-

გიოს, დასცინოდა მის წითურ თმას და სუსტ აგებულებას. კომბლის დანახვაზე კი სიცილისაგან სული შეუგუბდა. თითქოს მტებისმეტად აღშფოთდაო, შესძახა: „რად მოხედა არგნით ჩემ ზედა? ნუთუ ძალი ვარ?“ მაგრამ მაშინვე ეჭვმა უკბინა ალბათ ისრაელიტელები აბუნად მიგდებენ და იმიტომ გამოიგზავნეს უსუსური ყმაწვილიო. გოლიათი გინებასა და წყევლას მოჰყვა. დავითს დაემუქრა: თავხედობისთვის შენს გვამს ყვავე-ყორნებს და მხეცებს მივუგდებ საჯიჯგნადო. დავითი არ შეჰყვა ლაპარაკში, ოღონდ სერიოზულად გააფრთხილა: სიკვდილისთვის მოემზადე, იაკვეს ნებით ახლავე წუთისოფელს უნდა გამოესალმოო.

ორივე მთაზე მყოფი ხალხი მიჩუმდა და გაქევედა. ფილისტიმელებს მოთმინება აღარ ჰყოფნიდათ, ეგონათ, რომ გოლიათს ერთი ხელის მოქნევა ეყოფოდა მტრის მიწასთან გასასწორებლად. ისრაელიტელები კი გულის კანკალით აღევნებდნენ თვალს მამაც ჭაბუკს, რომელიც ასეთი შიამიტი თავდაჯერებულობით ხედებოდა უეჭველ სიკვდილს. გოლიათმა უხარმაზარი ხმალი მოიმარჯვა და საბრძოლველად მოემზადა. იგი იმდენად დარწმუნებული იყო თავის უპირატესობაში, რომ დავითისკენ არც კი გაუხედავს. ამასობაში ყმაწვილმა მალულად ამოიღო ჩანთიდან ქვა და, რაც ძალი და ღონე ჰქონდა, შურადულით სტყორცნა გოლიათს. ქვამ ჰაერში გაიზუზუნა და გოლიათს შუბლის ძვალი შეუღწია. ვეება ასმახი მოცელილივით დაეცა მიწაზე. დავითი ელვის უსწრაფესად ეცა გონდაკარგულ გოლიათს, გამოსტაცა ხელიდან ხმალი და ერთი დარტყმით მოჰკვეთა თავი.

გოლიათის მოულოდნელმა დამარცხებამ ენით აუწერელი არეულობა შექმნა ფილისტიმელთა ბანაკში. ამით ისარგებლეს ისრაელიტელებმა და ისეთი რისხვით დაატყდნენ მათ, რომ ფილისტიმელთა ჯარი თავქუდმოგლეჯილი გაიქცა. ისრაელიტელებმა მისდიეს მტერს და მხოლოდ ფილისტიმელთა ქალაქებთან — გეთსა და ეკრონთან შეჩერდნენ. ფილისტიმელთა მთელი ბანაკი, დიდძალი პირუტყვი და ისრაელიტელთა ალაფი საულმა დაინარჩუნა. დავითმა საულს მიართვა გოლიათის თავი, მისი იარაღი კი თავის კარავში დაკიდა.

მაგრამ ამ ორთაბრძოლაში დავითისთვის ყველაზე ძვირფასი მონაპოვარი სამხედრო ღიდება და ისრაელიტელთა შორის პოპულარობა იყო.

ს.

დავითი, საული და იონათანი. მოპოვებული გამარჯვების ჯილდოდ დავითს მეომართა მოზრდილი რაზმის მეთაურობა მიანდეს. იგი ყველაზე ახალგაზრდა მხედართმთავარი იყო ისრაელის ისტორიაში. საულის ძემ, ტახტის მემკვიდრე

იონათანმა, პირველივე შეხვედრისთანავე შეიტკბო იგი და სიყვარულის ნიშნად თავისი სამოსელი, ზმალი და სარტყელი უბოძა.

სიყმაწვილის მიუხედავად დავითი შესანიშნავად ართმევდა თავს მხედართმთავრის მოვალეობას. რამდენჯერმე დალაშქრა ფილისტიმელთა სამფლობელო და ყოველთვის გამარჯვებული დაბრუნდა. მას ისრაელის ქალაქებში ალტაცებით ზელებოდნენ ქალები, მოხუცები და ახალგაზრდები. ისინი როკვა-თამაშით, სიმღერებითა და დაფდაფებით ეგებებოდნენ ხოლმე დავითს. მის სადიდებლად შეთხზეს ერთი სიმღერა, რომელსაც ქუჩებში მღეროდნენ და რომელმაც მალე გებამდეც კი მიაღწია.

„სმლო საულ ათასთა,
და დავით — ბევრულთა“.

სიმღერის სიტყვები გულზე ეკლად ესობოდა საულს. ძალიან ითაკილა, რომ დავითის სამხედრო გამარჯვებას მის მიერ მრავალი წლის მანძილზე ისრაელის ერისათვის გაწეულ სამსახურზე მალლა აყენებდნენ. ეს იყო სასტიკი და უსამართლო შეურაცხყოფა. ორი დღე-ღამე იბორგა საულმა: გულს უღრღნიდა ეჭვი, რომ სიმღერის სულისჩამდგმელი სამოელი იყო და რომ დავითთან სწორედ მას ჰქონდა პირი შეთქმული. მეფე გრძნობდა, რომ ხალხმა თანდათან აიცრუა მასზე გული, სწორედ იმ ხალხმა, რომელიც სულ ცოტა ხნის წინათ მას სცემდა თაყვანს. ვისი ზრიკები უნდა ყოფილიყო ეს, თუ არა მღვდელთმთავრისა, რომელმაც ერთხელ პირში მიახალა — სამეფო ტახტს წაგართმევო. ნერვიულმა აშლილობამ, უძილობამ და გულში ჩახვეულმა ჯავრმა იქამდე მიიყვანა, რომ დროდადრო გონება ემღვრეოდა. მისი აზრობლები ჯავრში ჩაცვივდნენ. ვერავის გაებედა სხამადლა თქმა, მაგრამ მალულად ყველა ჩურჩულებდა: „მოუვლინა ღმერთმან სული ბოროტი საულს; და ბორგავს იგი სახლსა შინა თვისსა.“

კვლავ გაგზავნეს კაცი დავითის მოსაყვანად, იქნებ მუსიკამ არგოს რამ მეფესო. ყრმა მეფეს ეახლა და ქნარი დაუკრა. საული გაოგნებული შესცქეროდა დავითს. მერე უცებ მოეგო გონს, თვალეებში სიძულვილის ცეცხლმა გაუელვა, შუბს ზელი წაავლო და დავითს ესროლა. დავითი სწრაფად გაერიდა და შუბი კედელში ჩაერჭო.

საული მიხვდა, რომ კიდევ ცოტაც და გამოუსწორებელ დანაშაულს ჩაიდენდა. სახელგანთქმული გმირის მოკვლას შეიძლება საბედისწერო შედეგი მოჰყოლოდა. გულის მოსაგებად ათასის თავად დანიშნა და ფილისტიმელთა წინააღმდეგ საბრძოლველად გაგზავნა. ჭაბუკმა მხედართმთავარმა ახლაც ზედიზედ რამდენჯერმე გაიმარჯვა, დიდება და ხალხის სიყვარული მოი-

ხევეჭა. ამავე დროს საულსაც სულ უფრო ერეოდა ეჭვი, დავი-
თის წინააღმდეგ აშკარა გალაშქრება ვერ გაბედა, მაგრამ საი-
ღუმლო მოქმედების გეგმა შეადგინა. ბრძანა, დავითოსთვის გა-
დაეცათ, რომ თავის უფროს ასულს მერობს მიათხოვებდა, თუ ას-
ფილისტიმელს მოკლავდა და მათი წინადაცვეთილების ნიშან-
საც მოუტანდა. მეფეს იმედი ჰქონდა, რომ მისი მეტოქე ამ სა-
ხიფათო დაპტლების შესრულებისას დაიღუპებოდა. დავითმა
უმალვე გამოიცირო საულის ზრახვები. ღირსი არა ვარ, მეფის
სიძე ვიყო, — მოიძიზეზა და ცდილობდა, თავი აერიდებინა ამ
ლაშქრობისათვის, მაგრამ საული დაჟინებით მოითხოვდა
ბრძანების შესრულებას. დავითი გზას გაუდგა მცირე რაზმით,
რომელიც მისი ყველაზე ერთგული თანამებრძოლებისაგან შედ-
გებოდა. მალე დახოცა არა ასი, არამედ ორასი ფილისტიმელი
და მეფეს ნიშანიც მოართვა. საული სასოწარკვეთილებას მიეცა
და დავითის დამცირება განიზრახა: პირი გატეხა და უფროსი
ასულის მაგივრად უმცროსი მიათხოვა — მელქული. ქალიშვი-
ლი ცას ეწია სიხარულით, რადგან დიდი ხანია უყვარდა ახალ-
გაზრდა გმირი. დავითს გულზე ცეცხლი წაეკიდა, როცა საულ-
მა პირში ჩალაგამოვლებული დატოვა. უფროსი ასულის ქმრობა
უფრო ხელს აძლევდა: ტახტის ხელში ჩაგდება მაშინ სათუო
აღარ იქნებოდა*. საულს კი ეჭვი ჰქონდა, რომ დავითსა და ხამო-
ელს მის წინააღმდეგ პირი ჰქონდათ შეკრული და დავითს
სიკვდილით ემუქრებოდა.

დავითი გადაარჩინეს მელქულმა და იონათან-

მა. ამ სახიფათო ჟამს იონათანმა ნამდვილი მეგობრობა გაუ-
წია დავითს. თუმცა კარგად იცოდა, რომ დავითი სამეფო ტახ-
ტის საშიში პრეტენდენტი იყო, მაგრამ მამის რისხვას არ მოე-
რიდა და დავითს მოსალოდნელი ხიფათი შეატყობინა. იონა-
თანმა მას მთაში გახიზვნა ურჩია, თვითონ კი შუაკაცობა იკის-
რა მამასთან. ბევრი ხეყვნა-მუდარის შემდეგ საულმა შეიწყნარა
დავითი და უკან დაბრუნების უფლება მისცა. მაგრამ მათი ზავი
მოკლე დღისა გამოდგა. დავითმა ფილისტიმელებთან ბრძოლაში
კიდევ ბევრი გამარჯვება მოიპოვა. ეს კი საულს ეკლად ესობო-
და გულზე. განრისხების ჟამს მეორედ სტყორცნა დავითს შუბი,
მაგრამ კვლავ ააცდინა. ახლა კი მიხვდა დავითი — სანამ გვიან
არ იყო, უნდა გასცლოდა იქაურობას. დაღამდა თუ არა, მეფის
სასახლე დატოვა და შინ გაიქცა. მაშინ საულმა მკვლელები
მიუგზავნა. მელქულმა ძლივს მოასწრო მეუღლის ხსნა. დავითი
სარკმლიდან გააპარა, თვითონ კი ქმრის სამოსლით შემოსა
კერპის ქანდაკება, დავითის ლოგინში ჩააწვინა და საბანი გადა-
აფარა*. მეფის ებგურები სახლში შეცვივდნენ. მელქულმა ლო-

გინზე მიუთითა და უთხრა — დავითი მძიმე ხენითაა შეპყრობილი და ფეხზე ვერ დგებაო. განრისხებულმა საულმა ბრძანა „მოძვეარეთ აქა ცხედრითა, რათა მოვკლა იგი!“

სიცრუე გამოაშკარავდა. შელქული მამასთან მიიყვანეს, ქალმა სასჯელისაგან თავი დაიძვრინა, ყველაფერი დაეთოს გადააბრალა; დამემუქრა, მოგკლავ, თუ არ გადამარჩინო.

ამასობაში დავითი სამოელს ეახლა და თავისი გასაჭირი მოუთხრო. უცებ ხმა დაირხა, რომ რამათაიმში მეფის მცველები მოდიოდნენ ლტოლვილის შესაპყრობად. სხვა წინასწარმეტყველებთან ერთად მათ სამოელი გამოეგება როკვით, გალობითა და ღაღადით. ყველა რელიგიურმა ექსტაზმა შეიყრო. მორწმუნე ჯარისკაცები ჯერ შიშით შესცქეროდნენ მათ, მაგრამ მალე თავადაც შეუერთდნენ წინასწარმეტყველთა თავდავიწყებულ ფერხულს. ამ ოინის წყალობით დავითმა მიძალვა მოასწრო, ჯარისკაცები კი ხელცარიელები დაბრუნდნენ გებას. საულმა კიდევ ორჯერ გაგზავნა ჯარისკაცები დავითის შესაპყრობად, მაგრამ ორჯერვე წინასწარმეტყველებმა თავის ჭკუაზე წაიყვანეს და მეფის ბრძანება ვერ შეასრულეს. მაშინ საული თვითონ გაემგზავრა რამათაიმს მოუსხელთებელი მეტოქის შესაპყრობად. შევიდა თუ არა ქალაქში, სამოელი წინასწარმეტყველებთან ერთად როკვა-სიმღერითა და დაფდაფების ხმით შეეგება მეფეს. საულმა ჯერ გულგრილად შეავლო მათ თვალი, მაგრამ მერე თანდათანობით ახალგაზრდობის რელიგიური აღტყინება მოეკვინა. აღგზნებული თვითონაც ჩაება ფერხულში. პირზე ღუჟმომდგარი ბუტბუტებდა და ტანსაცმელს იხვედა. ბოლოს მთლად შემოიძარცვა სამოსელი და უგონოდ დაცა მიწაზე. მთელი დღე ეგდო უსულოდ. გონს რომ მოეგო, დავითი უკვე ქალაქში აღარ იყო. ლტოლვილი გებას დაბრუნდა და ყველაფერი თავის ერთადერთ მეგობარს იონათანს შესჩივლა: „რა შეეცოდე, ანუ რა ბოროტი ვუყავ მამასა შენსა, რამეთუ მძიებს მე მოკლვად?“ იონათანმა ანუგეშა დავითი, პირობა მისცა, რომ შეეწეოდა და აღრევე გააგებინებდა ხოლმე მოსალოდნელ სიფათს, რადგან მამა მისთვის ყველა განზრახვის განდობას იყო ჩვეული. მაგრამ დავითმა სიტყვა მოუჭრა: „იცის მამამან შენმან, რამეთუ ვპოვე მადლი წინაშე თვალთა შენთა და ასრე იტყვის, ნუშცა იცის იონათან ესე, რათა არა შეჭმუნდეს იგი“.

ყველაზე უარესი კი ის იყო, რომ მეორე დღეს საულს დანიშნული ჰქონდა ნადიმი. ასეთ წვეულებას იგი ყოველი თვის დასაწყისში უმართავდა თავის უახლოეს თანაშემწეებს. ნადიმი ამავე დროს უშადლეს სახელმწიფო თათბირადაც ითვლებოდა და ყველა მიწვეული უთუოდ უნდა ხლებოდა მეფეს. მოუსხლელობა არ შეიძლებოდა; იგი შეუწყნარებელ დანაშაულად ეთვლებოდა ყველას და მას შეიძლება საბოლოო განხეთქილება

მოკყოლოდა. დავითს საულთან შერიგების იმედი ჯერ კიდევ ჰქონდა და ამიტომ ყველა უკანდასაბრუნებელი გზის მოჭრა არ უნდოდა. მაგრამ საულის თავშეუკავებლობის ამბავიც არ იყო მისთვის უცხო და ამიტომ ნადიმზე გამოცხადებაც ეშინოდა. იონათანს შესთხოვა: მამაშენს უთხარი, რომ მე ბეთლემში გამგზავრება მომიხდა ოჯახურ დღესასწაულზეო. მეგობრები შეთანხმდნენ, რომ დავითი გაიხიზნებოდა მთაში, გებას მახლობლად, ვიდრე იონათანი არ შეატყობინებდა, როგორ მიიღებდა საული მეტოქის ნადიმზე კლებას. თუ საული სიმშვიდეს შეინარჩუნებდა, ხომ კარგი. ხოლო თუ დავითისთვის მიჩენილ ადგილს ცარიელს ნახავდა და განრისხდებოდა, მაშინ შერიგებაც აღარ იყო მოსალოდნელი.

იონათანმა მეგობარს თხოვნა შეუსრულა და გამწყრალმა საულმა მიუგო: „ძეო ჩემო, უკეთურო და ბოროტო! ანუ არა ვიცი, რამეთუ შეიყვარე შენ ძე იესესი სარცხვინელად ჩემდა და დედისა შენისა? ვიდრე ცხოველ იყოს ძე იესესი, არა ვანგემარჯვოს შენ, არცა სამეფოსა შენსა. აწ შიავლინი და შეკურობად მიეც და მოყვანებად, რამეთუ მოკედეს იგი“. მამის დაფროსილება — სამეფო გვირგვინის დაკარგავ, თუ დავითს დაეხმარებო, ვერ შეარყია უმწიკველი და კეთილშობილი იონათანის მეგობრული გრძნობა. შეწუხებულმა მამას ჰკითხა: „რაიხათვის მოკვდების დავით, რა შეუცოდებიეს?“ საულს რისხვისაგან გონება წაერთუა. შვილს შუბი სტყორცნა, მაგრამ ააცლინა. შუბის წვერი ხის კედელში ჩაერჭო. გამწყრალმა იონათანმა სუფრა მიატოვა და წავიდა. მეორე დღეს აღელვებულს ლუკმაც არ ჩაუდევს პირში. დაღამებისას კი მალულად წავიდა დავითთან და გააფრთხილა, რომ მეფეს აღარასოდეს დანახებოდა თვალით.

დადგა გამოთხოვების წუთიც. დავითი სამჯერ ქედმოდრეკით დაემშვიდობა იონათანს, ხოლო იონათანმა გულში ჩაიკრა მეგობარი და გადაკოცნა. გამომშვიდობებისას ორივე ტიროდა და ერთმანეთს სამუდამო მეგობრობას აღუთქვამდა. იონათანმა უთხრა: „წარვედ მშვიდობით და ვითარცა ვეფუცეთ ერთმანეთსა სახელითა ღმერთისათა: იყავნ ღმერთ მოწამე შორის ჩემსა და შენსა, შორის ნათესავსა ჩემსა და ნათესავსა შენსა — ვერეთ იყავნ საუკუნოდ!“

მურუმთა ღასოცვა და ღავითის შიშოსკლა უცხო მხარეს. დავითი გაემართა ნობას ცნობილ ქურუმ აქიმელექთან. რაკი აქიმელექის ვაჟკაცობის დიდი იმედი არ ჰქონდა, აღარ გამოტყდა, რომ მეფისგან შერისხული იყო და უთხრა — საულის საიდუმლო დაჯალებით ჩამოვედიო. აქიმელექს ლუკმა საჭმელიც არ გააჩნდა, ამიტომ დავითს შესაწირა-

გად განკუთვნილი პურით გაუმასპინძლდა და ტაძარში შენახული გოლიათის ხმალიც კი აჩუქა.

დავითი შემთხვევით გადაეყარა ვიღაც მგზავრებს და გაიგო, რომ საული თავად წამოსულიყო მის შესაპყრობად. მან მიაშურა ფილისტიმელთა ქალაქ გეთს, სადაც მეფედ ანქუში იჯდა. დავითს ეგონა, რომ იქ ეერავინ იცნობდა, მაგრამ მისი იმედი ამაო გამოდგა. ყველა — გამვლელი თუ გამომვლელი — უშალვე მისვდა, რომ მათ წინ გოლიათის მძლეველი კაცი იდგა. ფილისტიმელთა შურისძიებისაგან თავის დასაღწევად დავითმა სიგიჟე მოიგონა, რადგან სულით სწულ კაცს ხელს ვერავინ ახლებდა. დავითი ქუნა-ქუნა დაეხეტებოდა, თავისთვის ბუტბუტებდა, პირიდან ღორბლი გადმოსდიოდა და ჭიშკრებზე რაღაც მაგიურ ნიშნებს ხატავდა. შიშით შეპყრობილი ცრუმორწმუნე გეთელეები დიდხანს დასდევდნენ ფეხდაფეხ, ბოლოს კი გაბედეს, შეკრეს და თავის მეფეს მიჰგვარეს. ანქუშმა ზიზლით გადახედა შესლილს, ვერაფერი უქნა და გააშვებინა. გეთიდან გაქცეულმა დავითმა იერუსალიმის სამხრეთ-დასავლეთით ოცდახუთ კილომეტრზე მდებარე ქალაქ ოდოლამის მახლობლად მთის მიუვალ გამოქვაბულში ჰპოვა თავშესაფარი. მას ძალიან აწუხებდა ახლობელთა ბედი. ბოლოს კაცი გაგზავნა და ისინიც მოაყვანიდა.

დავითთან თავს იყრიდა ხალხი ქვეყნის ყველა მხრიდან. ესენი იყვნენ სხვადასხვა ჯურის ადამიანები: თავგადასავალთა მაძიებლები, კანონგარეშე გამოცხადებული ლტოლვილები, ბეგარისა და ვალის გადაუხდელობისათვის დევნილი ღარიბები და ბრძოლაში სახელის მოპოვებაზე მეოცნებე ახალგაზრდები. ეს ჭრელი ბრბო დავითმა აქცია დისციპლინირებულ რაზმად, რომელშიც ექვსასი თავზხელადებული კაცი გააერთიანა. ყოველი მათგანი მზად იყო, დავითისთვის გაეწირა თავი. მისი მეთაურობით რაზმი უეცარ თავდასხმებს აწყობდა — იტაცებდა სურსათ-სანოვაგეს, არბევდა მეფის პატარ-პატარა რაზმებს და მოსახლეობას, რომელიც მათ უხვად ამარაგებდა, ფილისტიმელთაგან იცავდა. ერთი სიტყვით, იგი ყაჩაღთა ნამღვილი ბრბოს მეთაური გახდა.

გაცოფებული საული სულ უფრო და უფრო მეტი გააფთრებით დევნიდა დავითს. მან ფეხზე დააყენა მთელი თავისი ჯარი. დადგა წუთი, როცა დავითმა იგრძნო, რომ თავშესაფარი აღარსად გააჩნდა. იგი დაუსხლტა საულს, მოაბელთა მეფეს ეახლა და ოჯახი მას შეაფარა. შემდეგ იუდეველთა მხარეში დაბრუნდა და ქერეთის ტყეში დაიმალა.

ამასობაში საულს ამბავი მოუვიდა, რომ აქიმელექმა თავის დროზე სურსათით მოამარაგა დავითი და გაქცევაში დაეხმარა. ენის მიმტანი აღმოჩნდა ერთ-ერთი მსახური, სახელად დოეკი, მეფეს ეჭვი აღარ ეპარებოდა, რომ ქურუმები დავითთან იყვნენ

შეთქმულნი და გზას უკაფავენდენ სამეფო ტახტისაკენ. სასწრაფოდ დაძრა ჯარი ქალაქ ნობის წინააღმდეგ, რათა დაესაჯა აქიმელექი და სხვა იქაური ქურუშები სახელმწიფო ღალატისათვის. აქიმელექი ამოოდ არწმუნებდა, რომ დავითმა მოატყუა და ისე მიიღო მისგან დახმარება. მეფემ ყურად არ იღო აქიმელექის თავის მართლება და მუდარა; საულმა მეომრებს მისი მოკვლა უბრძანა, მაგრამ პირველად წააწყდა ურჩობას. მისი პირადი გეარდიის მეომრებმა, ჯარისკაცებმაც და უფროსებმაც, ყველამ უარი თქვა ბრძანების შესრულებაზე. მათ ეშინოდათ, რომ ქურუმის მოკვლით ცოდვას ჩაიდენდნენ. საული მეტისმეტად გაჭირვებულ მდგომარეობაში აღმოჩნდა. იგი იხსნა მამუხლარა დოეკმა. მეფის გულის მოსაგებად მან თავისი დაქირავებული ყაჩაღები მოიყვანა და ბრძანების შესრულებაზე თანხმობა განაცხადა. საულის მითითებით, დოეკის ბანდა თავს დაესხა ქალაქს, სიცოცხლეს გამოასალმა ყველა ქურუმი, მათ შორის აქიმელექიც, შემდეგ კი მთელი მოსახლეობა გაწყვიტა. არ დაუნდვიათ არც ქალი და არც ყრმა. მხოლოდ აქიმელექის ძე, ქურუმი აბიათარი გადაურჩა სიკვდილს. იგი ღამეს შეეფარა, ცეცხლმოკიდებული ქალაქიდან გაიქცა, დავითს ეახლა და მისი უახლოესი თანაშემწე გახდა.

როზორ დაინდო დავითმა საული და შვიყვარა აბიბაილი. დავითმა ყური მოჰკრა, რომ ფილისტიმელებს ალყა შემოერტყათ ქალაქ კეილისათვის. დიდხანს არ უფიქრია, საშველად გაეშურა და ქალაქი გადაარჩინა, მაგრამ უმადურმა მცხოვრებლებმა უღალატეს დავითს: მათ შეატყობინეს საულს, რომ დავითი ქალაქში იმალებოდა; დაჰპირდნენ, რომ ხელში ჩაუგდებდნენ, ოღონდ სასწრაფოდ უნდა მოსულიყო. საბედნიეროდ, დავითმა დროზე შეიტყო შეთქმულების ამბავი და აბიათართან ერთად გაქცევა მოასწრო. მას შემდეგ დავითი და მისი თანამებრძოლები სამყოფლად ირჩევდნენ მთასა და უკაცრიელ მიდამოებს, სადაც მღევრები ადვილად ვერ მიაგნებდნენ.

ერთხელ ზიფის უდაბნოში დავითს ძალუღლად ეწვია იონათანი, შეატყობინა მეფის ბოროტი ზრახვები და მარადიული მეგობრობა აღუთქვა. ზიფელები საულს ემხრობოდნენ და მეფეს დავითის ადგილსამყოფელი აცნობეს. საულმა ლაშქარი შეყარა, გაეშურა მთისკენ, სადაც დავითი იმალებოდა თავისი რაზმით და მას ალყა შემოარტყა. დავითისა და მასთან ერთად ექვსასი კაცის ბედი უკვე გადაწყვეტილი ჩანდა, მაგრამ უეცრად მაცნემ ცუდი ამბავი მოიტანა — ფილისტიმელები ისრაელის ტერიტორიაზე შემოჭრილიყვნენ. საულს ალყის მოხსნა და მოწინააღმდეგის შესახვედრად გალაშქრება მოუხდა. ფილისტიმელთა თავდასხმა მოიგერია და კვლავ დავითს დაედევნა. მეფეს სა-

მი ათასი კაცი ახლდა. გადაწყვეტილი ჰქონდა, რაღაც უნდა დაჯღომოდა, ხელში ჩაეგდო საძულველი მეტოქე.

დავითის დევნისას საული ერთხელ მოსასაქმებლად შევიდა რომელიღაც გამოქვაბულში. გამოქვაბულის ბნელ კუთხეში კი დავითი იყო მიმაღული. მას რამდენიმე მეომარიც ახლდა თან. დავითს სულ იოლად შეეძლო საულის მოკვლა, მაგრამ არ ისურვა დვითის მიერ ცხებული კაცის სისხლში ხელის გასვრა. იგი მიეპარა საულს და წამოსასხამის კიდე შეაჭრა. შემდეგ კი, როცა მეფე თავისი რაზმით გზას დაადგა, კლდის ქიმზე გადმოდგა და დაცინვით ჰკითხა: „აწ ვის შეუდგს და სდევნის მეუფე ისრაელისა, ძაღლსა ერთსა მკვდარსა ანუ თუ რწყილსა?“

შემდგომში კი დავითი უფრო გაკადნიერდა. თავის საჭურველმტვირთველებთან ერთად ღამით შეიპარა მეფის ბანაკში, შევიდა კარავში, სადაც საულსა და მის მხედართმთავარს აბინერს ეძინათ. საჭურველმტვირთველმა მეფის მოკვლა დააპირა, მაგრამ დავითმა მეტოქის მიპარვით მკვლელობა არ იკადრა. მან მხოლოდ შუბი და წყლის ჭურჭელი გამოიყოლა კარვიდან და უკან გამობრუნდა. მისი შეშფოთებული რაზმი დავითის გამოჩენას შოუთმენლად ელოდა. გათენებისას დავითი ერთხელ კიდევ ავიდა მიუვალ მთის წვერზე და იქიდან დასცინოდა აბინერს, რომელსაც მეფის დაცვისას ზედ თავზე წამოადგა მტერი, გული რომ მოიჯერა, მერე გადასძახა — მეფის შუბისა და ტოლჩის წასაღებად გამოგზავნეთ ვინმეო. მომხდარმა ამბავმა საული შეაცბუნა, დავითის სულგრძელობამ კი გული მოუღბო. ამიტომ საულმა დევნა შეწყვიტა და გეზას დაბრუნდა.

დავითის საზრუნავი ის იყო, რომ თავისი რაზმისთვის სარჩოს შოვნაზე ეფიქრა. ცხვარს, ხარსა და თხებს უმთავრესად ფილისტიმელებს ართმევდა, ერთხელაც არ უხლია ხელი თანამემამულეთა საქონლისათვის. ისრაელიტელთაგან იღებდა მხოლოდ სასმელ-საჭმელს, რადგან მათ პირუტყვსა და საცხოვრებელს იცავდა ბედუინებისა და ფილისტიმელთა თავდასხმისაგან.

მაონის მახლობლად მინდორზე თავის ფარას ამოკებდა ერთი მდიდარი კაცი, რომელსაც ნაბალი ერქვა. მას სამი ათასი ცხვარი და ათასი თხა ჰყავდა. დავითს არასდროს აუღია მისგან სასყიდელი, თუმცა ნაბალის ფარასაც იცავდა. მისი ერთი დაუნახვაც კი აფრთხოდა მძარცველებს. ერთხელ დავითმა შეიტყო, რომ ნაბალს ცხვარი გასაკრეჭად ამოეყვანა ქარმელის მთაზე. მან ნაბალთან ათი კაცი გაგზავნა სურსათის სათხოვნელად და დააბარა: „მივედით ნაბალისა, მიუგეთ სიტყვა კეთილი სახეულითა ჩემითა და უთხარით: იფავნ მშვილობა შენდა და სახლეულითა შენთა და ვოველთა, რომელ არს შენი“.

მაგრამ ნაბალი ძუნწი და გაუთლელი კაცი იყო. მან ხელცაურთიელი გამოუშვა მოციქულები და გულმოსულმა უთხრა: „ვიმ

ბრს დავით, ვინ არს ძე იესესი? აწ დღეს მრავალ არიან, რომ ჭელთა დაუტყვებიან უფალნი მათნი. ნუუკვე პური, წყალი და ხორცი, რომელი განძიმზადებიეს მათთვის, რომელნი რისკენ ცხოვართა ჩემთა, მივსცე მათ?“

ამ უარმა მეტად აღაშფოთა დავითი. მვისევე შეყარა ოთხასა კაცი, რაზმს სათავეში ჩაუდგა და თავხედის დასასჯელად გაეშურა. მაშინ ნაბალის ჭკვიანმა და მშვენიერმა ცოლმა აბიგაილმა ქმარს უსაყვედურა, მერე სახედრებს აჰკიდა ორასი პური, ორი ტიკი ღვინო, ხუთი შემწვარი ცხვარი, ხუთი საწყაული მონალული ხორბალი. ასი აცმა ქიშმიში და ორასი ლედვის კვერი და მრისხანე მხედართმთავრის შესახვედრად გაეშურა. დავითის დანასივამე ჩამოხდა, თაყვანი სცა მას და შეევედრა: „უფალო ჩემო! უგულვებელ ჰყავ ბოროტი კაცი ევე ნაბალ; რაჰეთუ შემსგავსებულ არს სახელისა თვისისა, ნაბალ! სახელი მისი — და უგუნურება მისი მის თანა არს. ხოლო მე, მხევალმან შენმან, არა ვიხილენ მსახურნი შენნი, რომელნი მოაგლინენ!“

აბიგაილის სილამაზემ მოხიბლა დავითი. გული მოუღბა და ქალს ასე მიმართა: „კურთხეულ იყავ უფალი ღმერთი ისრაელისა, რომელმან მოგავლინა შენ დღეს აქა“. შემდეგ დაჰპირდა — ნაბალს არაფერს ვავენებო და ასეთი სიტყვებით გამოეთხოვა: „წარვედ მშვიდობით, აჰა, შევისმინე სიტყვა შენი და პატივი გიყავ შენ“.

ამასობაში ნაბალმა ცხერის კრეჭის აღსანიშნავად ნაღიმი გადაიხადა და სახლში უგრძობლად გაიღეშა. როცა გამოფხიზლდა, აბიგაილმა უამბო, რა საშინელი სიფათი ეშუქრებოდა. ამ ცნობამ ნაბალს თავზარი დასცა; გულის შეტევა დაემართა, ათი დღე იავადმყოფა და გარდაიცვალა.

დავითმა გაიგო ეს ამბავი და აბიგაილს ცოლობა სთხოვა. ქვრივი უყოყმანოდ შეჯდა სახედარზე და ხუთი მხევლის თანხლებით დავითის ბანაკისაკენ გაეშურა. თაყვანი სცა დავითს და უთხრა: „აჰა, მხევალი შენი მზა ვარ მსახურებად მონათა უფლისა ჩემისათა და დაბანად ფერხთა მათთა“.

დავითს უკვე ჰყავდა ორი ცოლი. მეღქეული, რომელიც შემდგომში მას საულმა წაართვა და ერთ-ერთ თავის მახლობელ კაცს ფალტიას გაატანა; მეორე კი ისრაელიტელი ქალი აქინოამი. მაგრამ ნამდვილი სიყვარულით მას მხოლოდ აბიგაილი უყვარდა.

დავითი ფილისტიმელთა სამსახურში. საულის ტრაგიკული სვედრი. დავითს ესმოდა, რომ მეფე არ დამ-

1 ნაბალი — ნიშნავს ებრაულად „გიჟს“ (რუს. მთარგ. შენიშვნა).

შვიდდებოდა, ვიდრე მას ხელში არ ჩაიგდებდა მკედარსა თუ ცოცხალს. მეტი ღონე არ ჰქონდა, ისრაელის საზღვრები უნდა დაეტოვებინა და ისეთ ადგილას და ალულიყო, სადაც საულის ძალა-უფლება არ ვრცელდებოდა. ხეტიალმა და გაჭირვებამ დავითი ძალიან შეაწუხა და ჯავრში ჩააგდო. მოგვიანებით ნიჭიერი პოეტი დრმა ტკივილებით გამსჭვალულ სტრიქონებს ათქმევინებს დავითს:

„მიწყალე მე, ღმერთო,
რამეთუ მღევნა მე კაცმან,
მარადლე ბრძოლითა მაჭირვა მე,
მტერნი მბრძვიან მე,
და მრავალნი აღდგეს ჩემ ზედა,
ღმერთო მაღალო!“

დავითს შეურაცხყოფელი და დამამცირებელი ნაბიჯის გადადგმა მოუხდა: ფილისტიმელთა ქალაქ გეთის მეფე ანქუშს სამსახური შესთავაზა. ვოფილ მტერს ეს ძალიან ეამა და ადვილად დათანხმდა. მეფეს უხაროდა, რომ ბრძოლებში გამობრძმედილი ექვსასი თავზეხელადებული მეომარი იშოვა. გარდა ამისა, ანქუშს ხელს აძლევდა ისიც, რომ ისრაელი შინაგანი შფოთისაგან სუსტდებოდა. იგი დავითს ხელს უწყობდა საულის წინააღმდეგ ბრძოლაში და უფრო ამწვეაებდა ამ შინაგან აშლილობას.

ანქუშმა დავითს უბოძა ღაზის მახლობლად მდებარე ქალაქი სიკლაგი, სადაც იგი დასახლდა თავის რაზმთან ერთად. თან ჰყავდა ორივე ცოლი, აბიგაილი და აქინოამი. მეფემ დავითს უბრძანა, ისრაელის მიწა-წყალი დაეღაშქრა, მაგრამ დავითს თანამემამულეთა განაწყენება არც კი უფიქრია. სამაგიეროდ, ისრაელის ოდინდელი მტრების — ამალეკელთა მიწებს აოხრებდა. იგი ისე ვლეტდა მოსახლეობას, რომ თავდასხმის მოწმესაც არ ტოვებდა. ხარებს, სახედრებს, აქლემებსა და სხვა ნადავლს ანქუშს აძლევდა და ეუბნებოდა — ყოველივე ეს ისრაელიტელებს წავართვიო. ფილისტიმელთა მეფეს სჯეროდა მისი. იგი გაზარებული ხელებს იფშენებდა და ტრახანით იმეორებდა: „მოიძაგა ერმან მისმან ისრაელმან დავით და იყოს იგი ჩემდა მონა საუკუნოდ“.

ფილისტიმელები საულთან ახალი ომისთვის ემზადებოდნენ. ანქუშმა სალაშქროდ დავითი და მისი რაზმიც იხმო. მაგრამ ფილისტიმელი მთავრები არ ენდობოდნენ ისრაელიტელებს და მტკიცედ მოითხოვეს მათი გამოყვანა ჯარიდან. დავითი დაბრუნდა სიკლაგში. უხაროდა, რომ თავისიანებთან ბრძოლა არ მოუწევდა. მაგრამ რაკი დავითი იქ არ იყო, ამალეკელებმა დრო იხელთეს და სიკლაგი მიწასთან გაახსორეს. ქალაქის მკვიდრნი,

მათ შორის დავითის ოჯახიც, ტყვედ წაიყვანეს. ისინი, კი, ვინც ტყვეობას გადაურჩა, გოდებოდა და წყველა-კრულით შეხვდნენ დავითს და მისი ჩაქოლვა მოინდომეს. დავითი მყისვე დაედგინა მოწინააღმდეგეს, დაამარცხა იგი და ყველა ტყვე გაათავისუფლა. ალაფი თავისიანებს — იუდეველებს გაუყო, რათა ტახტისათვის მომავალ ბრძოლაში მათი მხარდაჭერის იმედი ჰქონოდა.

ამასობაში წინასწარმეტყველი სამოელი გარდაიცვალა და რამათაიმი გლოვამ მოიცვა. ამრიგად, საული კიდევ ერთი შრისხანე მოწინააღმდეგისაგან განთავისუფლდა. მას სურდა, ქურუმები ერთიანად შიშში ჰყოლოდა, ამიტომ ბრძანა ქურუმების ყველა ხელქვეითი — ყოველნაირი წინასწარმეტყველები, მკითხავები, ჯადოქრები შეეპყროთ და დაეხოცათ. ასეთი კი ისრაელში მაშინ უამრავი იყო. ხალხი დაჩვეული იყო მათთან სიარულს. ამიტომ მათი გაწყვეტის შემდეგ სახელმწიფოში ტერორისა და შიშის ატმოსფერო გააშფოდა.

საული წინანდებურად უბრალო ცხოვრებას ეწეოდა. არავინ უარყოფდა მის საბრძოლო დამსახურებასა და თავდადებას ისრაელის საკეთილდღეოდ. ისრაელიტელთა უმეტესობა ჯერ კიდევ პატივითა და სიყვარულით ეპყრობოდა მას. საულის ავტორიტეტი იმდენად დიდი იყო, რომ დავითმაც კი ვერ გაბედა მისი მოკვლა, თუმცა ორჯერ ჰქონდა ამის საშუალება.

მაგრამ ქურუმების მუდმივმა ზრიკებმა და ხმებმა — სამოელმა დავითი მეფედ აკურთხაო, საულს სულიერი სიმშვიდე დააკარგინეს და საშინელი, დესპოტური დანაშაულისაკენ უბიძგებდნენ. განაწყენებული, ეჭვებისაგან გაწამებული და განმარტოებული მეფე გების მიუვალ კლდეზე გაშენებულ ქვის ციხესიმაგრეში ცხოვრობდა. ამასობაში ისრაელის ახალგაზრდა სახელმწიფოს დიდი გასაჭირი დაადგა. მისი საზღვრები გადმოლახა ფილისტიმელ მთავართა გაერთიანებულმა, მძლავრმა არმიამ. ასობით საბრძოლო ეტლი და რკინის ჯაშანში ჩაჭედოლი ათასობით მეომარი დაბანაკდა შუნამში, იეზრეელის ველზე — ისრაელის სახელმწიფოს შუაგულში. საულმა თავის ჯარებს ბანაკი გააშლევინა გელბუის მთის ფერდობებზე, საიდანაც მთელი ზეობა ხელისგულზე გადაშლილი ჩანდა. ფილისტიმელთა უზარმაზარი ბანაკის დანახვაზე იგი შიშმა აიტანა და შეძრწუნებულმა დამარცხების გარდუვალობა იგრძნო. სახეზე შეეტყო სასოწარკვეთილება. დაახლოებულ პირებს ჰკითხა: ახლო-მასლო ზომ არ გეგულებათ ისეთი მისანი ქალი, მომავლის წინასწარმეტყველება რომ შეეძლოსო. განცვიფრებულმა კარისკაცებმა მიუგეს — განა შენი განკარგულება არ იყო, რომ ყველა მისანი დაეხოცათო? შემდეგ კი აღმოჩნდა, რომ ენდორის მახლობლად ცხოვრობდა ერთი მოხუცი ქალი, რომელსაც მკვდარი სუ-

ლების გამოძახება და მათგან მოშავლის გაგება შეეძლო. ხაულ-
მა ტანსაცმელი გამოიცვალა და გრძნეულ ქალთან წასვლა გა-
დაწყვიტა. ღამით სამგსავრო მოსასხამში გაეხვია და ორი სა-
ჭურველმტვირთველის თანხლებით ბანაკი დატოვა. მისან ქალს
მეფისა ემინოდა და უცნობების შინ შეშვება არ უნდოდა. და
მხოლოდ მას შემდეგ, რაც საულმა დაიფიცა — არაფერს გაენებ-
თო, ქალმა ჰკითხა, ვისი სული გინდა, რომ მოგვევარო? საულ-
მა საძოვლის გამოძახება სთხოვა. და აი, გამოხსნა წინასწარმე-
ტყველის აჩრდილი და მისანი მიხვდა, რომ მის წინ საული
იყო. „რად მეცრუეე მე? შენ თვით სარ საულ!“ — წამოიძახა
თავზარდაცემულმა ქალმა. საულმა კვლავ დაამშვიდა იგი. და
რადგან აჩრდილი თვითონ ვერ დაინახა, ქალს ჰკითხა, ვინ გა-
მოგვეცხადაო. ქალმა აუწერა იგი და საული მიხვდა, რომ ეს იყო
თავად მისი დიდი ხნის დაუნდობელი მტერი საძოვლი. ახლა
საულმა მორჩილად სცა თავვანი მას და შეევედრა — მირჩიე,
როგორ მოვიქცე, ფილისტიმელების თავდასხმის საფრთხე რო-
გორ ავიცილოო. მაგრამ საძოვლი სიკვდილის შემდეგაც ულ-
მობელი იყო. მან კიდევ ერთსელ წამოაყვედრა საულს ქურუმთა
პრივილეგიების უზურპაცია და ამით იაჰვეს ნება-სურვილის
უგულებელყოფა. საძოვლმა ამ დანაშაულისთვის სასჯელიც
უწინასწარმეტყველა საულს; უთხრა, რომ ფილისტიმელებთან
ბრძოლაში თავის შვილებთან ერთად ისიც დაიღუპებოდა, შემ-
დგომ კი მთელი მისი მოდგმა ამოწყდებოდა. ამ საშინელმა
ცნობამ იმდენად შეაძრწუნა საული, რომ გონება დაკარგა და
ძირს დაეცა. გონს რომ მოვიდა, მიუხედავად სისუსტისა, საჭ-
მელზე უარს ამბობდა. მხოლოდ ჯადოქარი დედაბრის დიდი
ხვეწნა-მუდარის შემდეგ შეჭამა მან ხმიალის ნატეხი და მოხარ-
შული ხბოს ხორცი.

მეორე დღეს დაიწყო ბრძოლა. ისრაელიტელები სასტიკად
დამარცხდნენ. სიკვდილს გადარჩენილი მეომრები გაიქცნენ
საულის შვილები, მათ შორის იონათანიც, სხვა ათასობით მეო-
მართან ერთად ბრძოლის ველზე დაიღუპნენ. დაჭრილმა საულ-
მა გაქცევა მოახერხა, მაგრამ ფილისტიმელები კვალდაკვალ მის-
დედნენ. როცა დარწმუნდა, რომ გაქცევით თავს ვერ უშველი-
და, საჭურველმტვირთველს უხმო და სთხოვა მომკალიო. ჭა-
ბუკმა ვერ გაბედა მეფის მოკვლა. მაშინ საული წამოეგო თავი
მახვილს და თავი მოიკლა. ერთგულმა მსახურმაც მის მაგა-
ლითს მიჰბაძა.

ფილისტიმელებმა საულს თავი მოჰკვეთეს და მეფის იარაღ-
თან ერთად საქვეყნოდ გამოფინეს ასტარტესა და დავონის ტა-
ძარში. ხოლო თავმოჭრილი სხეული ბეთ-შანის გალავანზე და-
კიდეს.

ფილისტიმელთა მიერ მეფის ცხედრის შეურაცხყოფის ამბა-

ვი ოდესღაც საულის მიერ ამაღლეკლთა უღლისაგან განთავი-
სუფლებული ქალაქის იაბისის მცხოვრებლებმა შეიტყვეს. ქალა-
ქის მადლიერმა მცხოვრებლებმა მოიპარეს მეფის ცხედარი და
პატივით დაკრძალეს თავის სასაფლაოზე. ფილისტიმელებმა
ხელთ იგდეს იეზრეელის ხეობა და ამრიგად მთელი ქანაანის და-
საპყრობად მოხერხებული სტრატეგიული პოზიცია დაიკავეს.
საულის მიერ ესოდენი წყალებით შექმნილმა სახელმწიფომ არ-
სებობა შეწყვიტა.

დავითი საულსა და იონათანს ბლომობს. იეზრე-
ელის ხეობაში მომხდარი ტრაგიკული ამბები დავითმა მაშინ
გაიგო, როცა ამაღლეკლთა განდევნის შემდეგ სიკლაგს დაბრუნ-
და. მას ეახლა ჭაბუკი, რომელსაც საძოსელი შემოეხია და
თავზე მიწა დაეყარა გლოვის ნიშნად. იგი დავითს ფეხებში ჩაუ-
ვარდა და ქვითინით აუწეა საულის, იონათანისა და მისი ორი
ძმის დაღუპვა. ამბების მომტანი გამოდგა ამაღლეკელი ჭაბუკი,
რომელიც ისრაელიტელთა ჯარში მსახურობდა და საბედისწე-
რო ბრძოლის მონაწილე იყო. ყმაწვილმა უთხრა — მიხივე
თხოვნით მეფე მოეკალიო და დასტურად განსვენებულის გვირ-
გვინი და სამაჯურები მიართვა. ყმაწვილმა იმიტომ შეთხზა
მთელი ეს ამბავი, რომ ეგონა — მეტოქის მოკვლისთვის დავითი
უხვად დამაჯილდოებსო. ნამდვილად კი ბრძოლის ველიდან
გაქცევისას იგი მეფის ცხედარს წააწყდა და ვიდრე ფილისტი-
მელები საულის გვამს იპოვნიდნენ, გვირგვინი და სამაჯურები
აართვა. მაგრამ მას იმედი გაუცრუვდა: დასაჩუქრების ნაცვლად
დავითმა ბრძანა, ღვთის მიერ ცხებული კაცის მოკვლისთვის
ყმაწვილი სიკვდილით დაესაჯათ.

საულის სიკვდილმა დავითი საგონებელში ჩააგდო, რადგან
ეს ამბავი ისრაელის პირველი გაერთიანებული სახელმწიფოს
დაცემასაც მოასწავებდა. იონათანის დაღუპვამ კი მას უზომო
მწუხარება მიაყენა პირადად: დავითმა დაკარგა ერთადერთი
ნამდვილი და უანგარო მეგობარი. ამიერიდან ვერაეინ დაიკავებ-
და იონათანის ადგილს მის გულში. დავითმა გოდება მორთო,
ტანსაცმელი შემოიხია და თავს ახლიდა კედელს. მასთან ერ-
თად ტიროდნენ და ვაებდნენ მისი თანამებრძოლი მეგობრები და
მთელი ოჯახი. საღამომდე ლუკმის-გემოც არ უნახავთ. თეთრად
გაათენეს ღამე. მეორე დღეს პირქუში და მწუსარებისაგან დაო-
სებული დავითი ოთახიდან დადიოდა მოუსვენრად, მე-
რე საყვარელი ქნარი აიღო, თითებით მოსინჯა სიმები და თავი-
სი მწუხარება ასეთ ელევიაში გამოთქვა:

მშვენება შენი, ისრაელ, დაცა სიმაღლესა ზედა,
დაეცნეს ძლიერნი!

ნუ მოუთხრობთ მაგას გეთს,
ნუცა მოუთხრობთ გზათა ასკალონისათა,
რომელ არა ისმინონ და მხიარულ იყვნენ ასულნი უცხო თესლთანსი,
ნუცა იზახებენ ასულნი იგი წინადაუცეველთანნი.
მთასო გელბუისნო
ნუ გარდამოვალნ თქვენ ზედა ცვარი და ნუცა გარდამოვალნ წვიმა,
ნუცა იქმნებიან მუნ ველნი ნაყოფიერნი;
რამეთუ მუნ სირცხვილულ იქმნა ფარი ძლიერთა,
ფარი საულისი, ვითარმცა არა იყო იგი ცხებულ.
ისარნი იონათანისნი არა უკუმოქცეულ იყვნეს,
მახილი საულისი არა მოქცეულ იყო ცულად.
იონათან და საულ საყვარელნი და შვენიერნი,
რომელ არა განიყვნეს ცხორებასა მათსა,
არცაღა განიყვნეს სიკედილსა მათსა,
უმაღლესნი ორბთანი და უმხნესნი ლომთანი.
ასულნო იუდაისნო,
იგლოედეთ საულს,
რომელი შეგმოსდათ მეწამულსა,
და დაგდებდა სამკაულთა ოქროსათა სამოსელსა თქვენსა ზედა.
დაეცნეს ძლიერნი იგი ბრძოლასა,
დაეცა იონათან ბორცეთა შენთა ზედა.
იონათან! ძმაო ჩემო, მელმას შენტვის,
საყვარელ იყავ ჩემთვის,
უმჯობეს იყავ უფროის სიყვარულისა მის დედათასა.
ვითარ დაეცნეს გმირნი, წარწყმდა საჭურველი მათი

**დავითი არჩეულია იუდეველთა მფუად და იხ-
რამლის ტახტისთვის იბრძვის.** დავითი წარმოშობით
იუდას ტომს ეკუთვნოდა. ლტოლვილობაში ყაჩაღთა ბანდის მე-
თაურად ყოფნისას იგი არა მარტო იცავდა თავის თანამემამუ-
ლეებს მტერთა თავდასხმისაგან, არამედ ნადავლსაც უნაწილებ-
და. ამით მან იუდეველთა დიდი პატივისცემა და კეთილი გან-
წყობილება დაიმსახურა. ამიტომ გასაკვირი არაა, რომ საულის
სიკედილის შემდეგ თანამემამულეებმა ქებრონში მიიწვიეს და
იუდეველთა მეფედ აირჩიეს. ამავე დროს იორდანის გაღმა
მდებარე ქალაქ მაქანაიმში მხედართმთავარმა აბინერმა ჩრდი-
ლოეთის ათი ტომის მხარდაჭერით მეფედ გამოაცხადა საულის
მეოთხე ვაჟი იშბოშეთი. იგი უძლური და ზუსტი ნებისყოფის
კაცი იყო. აბინერის მორჩილი იარაღად იქცა და ფაქტიურად იგი
იუდას ტომის გარდა მთელ ისრაელს მართავდა. დავითმა იშბო-
შეთი მეფედ არ ცნო. ამას კი მოჰყვა განხეთქილება სახელმწი-
ფოში. საულს ხალხის უმრავლესობა უჭერდა მხარს და ამიტომ

მისი დინასტიის წინააღმდეგ გალაშქრება ადრე თუ გვიან ხამოქალაქო ომს გამოიწვევდა. დავითმა თადარიგი დაიჭირა და ომისათვის ემზადებოდა. იგი იყო არა მხოლოდ მამაცი და გამოცდილი მხედართმთავარი, არამედ მოხერხებული და შორსმჭვრეტელი პოლიტიკოსიც. მან იცოდა, რომ განხეთქილების ნამდვილი მიზეზი იყო დიდი ხნის შუღლი სამხრეთისა და ჩრდილოეთის ტომთა შორის. ამიტომ იმთავითვე ცდილობდა ჩრდილოეთის ტომთა გულის მონადირებას. მან ელჩები მიუგზავნა იაბისელებს და საულის დაკრძალვისათვის მადლობა შეუთვალა. შეეცადა, მთელ ქვეყანაზე გაეერცელებინა ხმა საულის სიკვდილის გამო თავისი გლოვისა და იმ ამაღლეკელი ყმაწვილის დასჯის შესახებ, რომელმაც მეფეზე ხელი აღმართა. ამ საქმიანობაში დავითს გულმოდგინედ ეხმარებოდნენ ქურუმები. სამოელსა და საულს შორის მომხდარი განხეთქილებისა და ნობაში გამართული ზოცვა-ჟღერის შემდეგ ქურუმები საულის ოჯახის დაუძინებელი მტრები იყვნენ და დავითს თავის ნება-სურვილის მორჩილ აღმასრულებლად თვლიდნენ.

ქებრონში შეიღწახევარი წლის მეფობა დავითმა ძლიერი არმიის შესაქმნელად გამოიყენა. არმიის სათავეში იღვა მამაცა მხედართმთავარი იოაბი. ფილისტიმელები, რომელთა სიფხიზლის მოღუწება დავითმა უკვე მოასწრო, ვერაფერს ხელებოდნენ. ისინი საიმედო და სასარგებლო ვასალადაც კი მიიჩნევდნენ დავითს, რადგან მან ისრაელიტელთა ერთიანობა შეარყია.

სამოქალაქო ომი ისრაელში დაიწყო სისხლისმღვრელი ბრძოლით გაბაონის ტბასთან. უძველესი ადათის თანახმად, ომს წინ უძღოდა წყვილთაბრძოლა — ერთმანეთს შეხვდა იშბოშეთის თორმეტი ბენიამენელი და თორმეტი იუდეველი მებრძოლი. ბრძოლა იმდენად გააფთრებული იყო, რომ მისი ყველა მონაწილე სიცოცხლეს გამოესალმა. შემდეგ გაჩაღდა მთავარი ბრძოლა, რომელმაც მთელ დღეს გასტანა. იუდეველთა ჯარმა იოაბის ხელმძღვანელობით სრული გამარჯვება მოიპოვა. იშბოშეთის მეომრები ბრძოლის ველიდან გაიქცნენ. საძულველ მტერს, აბინერს, დაეღვენა იოაბის ძმა ასაელი. იგი მამაცი ყმაწვილი იყო, მაგრამ საომარი გამოცდილება აკლდა. აბინერმა სამგზის ურჩია, სხვა მოწინააღმდეგეს დაეღვენო. „უკუღებ, — უთხრა მან ასაელს, — რათა არა გცე და დაგამხო მიწასა ზედა. და ვითარღა შევადგნე თვალნი ძმასა შენსა იოაბს?“ ჭაბუკმა ყურად არ იღო მისი გაფრთხილება და აბინერი იძულებული გახდა, შეებოდა. მან უეცრად ჩასცა შუბი ასაელს და იოლად გაიმარჯვა. დაინახა თუ არა იოაბმა ძმის ცხედარი, სასოწარკვეთილებამ მოიცვა, ტანსაცმელი შემოიხია და ფიცი დასლო, რომ აბინერს სამაგიეროს გადაუხდოდა.

ისრაელის ტახტისთვის ბრძოლა ხანგრძლივი და მძაფრი გა-

მოდგა. ისრაელიტელებს თანდათან ეცლებოდათ წიდაგი, შოლო და ვითი სულ უფრო იმტკიცებდა პოზიციებს. მისი ჯარის რიგები თანდათან ივსებოდა. მას შეუერთდნენ ჩრდილო ტომთა წარმომადგენლებიც. მათ შორის იყვნენ გულწრფელი პატრიოტები; მათ სჯეროდათ, რომ მხოლოდ დავითს შეეძლო ისრაელის დაცვა ფილისტიმელთაგან. მაგრამ იყვნენ აგრეთვე სხვადასხვაგვარი შემთანხმებლებიც, რომლებიც ხელსაყრელ დროს არჩევდნენ და გამარჯვებულის მხარეზე გადადიოდნენ.

მუდმივმა მარცხმა ძლიერ შეარყია აბინერის გავლენა მაქანაიმში. აბინერის ძალაუფლებას საფუძვლად ედო საყოველთაო რწმენა, რომ მთელს ისრაელში იგი იყო სწორუპოვარი მხედართმთავარი და თვით დავითსაც კი არ შეეძლო მას გამკლავებოდა. ახლა კი აბინერს იმდენად გაუტყდა სახელი, რომ ჯარის მხარდაჭერის იმედიც აღარ ჰქონდა. მარიონეტული მეფე იშბოშეთი და მისი მსახურები აბინერს არაფრად აღარ აგდებდნენ. ამ ამბავმა აშკარა განსეთქილება გამოიწვია. აბინერი გრძნობდა, რომ ძალაუფლება ხელიდან ეცლებოდა და მდგომარეობის გამოსასწორებლად დაიასლოვა საულის ხარჭი რესფა. ამან შეაშფოთა იშბოშეთი. ძველი ადათის მიხედვით, გარდაცვლილი მეფის ჰარამსანით სარგებლობა მხოლოდ ტახტის მემკვიდრეს შეეძლო. აბინერის საქციელი იმას მოასწავებდა, რომ იგი სახელმწიფო გადატრიალებას ამზადებდა. ამის გამო მეფესა და მხედართმთავარს შორის დავა ატყდა. აბინერმა იშბოშეთს შეახსენა — სამეფო ტახტზე ჩემი წყალობით ახვედიო. შემდეგ კი წონასწორობიდან გამოსულმა პირდაპირ განუცხადა — ჩემი აზრით, საულის მემკვიდრეებს დავითი დაამარცხებსო. უძლურმა და მხდალმა მეფემ აბინერის სიტყვებში ღალატის საფრთხე იგრძნო და შეშინებული შინ წავიდა. აბინერმა გადაწყვიტა დაუყოვნებლივ ემოქმედა. მაშინვე ელჩები გაუგზავნა დავითს და შეუთვალა: მთელი ჩემი ჯარით შენს მხარეზე გადამოვალ, თუ არ მიმტრობ და მხედართმთავრად დამნიშნავო. დავითი თანახმა იყო, იმ პირობით, თუ აბინერი დაუბრუნებდა მელქულს, რომელიც საულმა წაართვა და სხვას მისცა. აბინერმა ძალით წაართვა მელქული ახალ ქმარს — ფალტიას. ქმარი სასოწარკვეთილებას მიეცა. საყვარელ მეუღლეს ქვითინითა და თავში ხელების ცემით მისდევდა უკან, სანამ მოთმინებიდან გამოსულმა აბინერმა სიკვდილის მუქარით არ გააბრუნა უკან. ფალტია დაემორჩილა.

რადგან ქურუმებს დიდი ხნის წინათ ჰქონდათ გამოცხადებული — დავითი ისრაელის მეფედ იაჰვემ აირჩიაო, აბინერმა იოლად დაიყოლია ტომების ბელადები მოლაპარაკებაზე. ჩრდილოეთის ტომთა ელჩები კარგად მიიღეს ქებრონში. შეთანხმებისთანავე დავითმა დიდებული ნადიმი გადაიხადა ელჩების პა-

ტივსაცემად. მხედართმთავარი იოაბი ამ დროს ბანაკში იმყოფებოდა არმიასთან ერთად. შეიტყო თუ არა შეთანხმების ამბავა, დავითთან გაემართა და გულისწყრომით უთხრა: „ესე რა ქმენ? მოვიდა შენდა აბინერი და შენ განუტყევე იგი და წარვიდა მშვიდობით. ანუ არა უწყვი უკეთურება აბინერისა, ძისა ნერისი? მოვიდა იგი შეტყუვილად შენდა და განცდად შესაველგამოსავლისა შენისა და გულისხმისყოფად ყოვლისა, რასაცა ექმ შენ“.

ცხადია, იოაბს არ სიამოვნებდა დავითისა და აბინერის მოლაპარაკება. აბინერი მისი საშიში მეტოქე იყო, თანაც მისი ძმის მკვლელი. მეფესთან ამ შფოთიანი საუბრის შემდეგ იოაბმა განიზრახა ემოქმედა. აბინერი უკან გაბრუნდა მაქანაიში. იოაბმა ქებრონში დააბრუნა იგი, მოიმიზეზა, მეფეს შენთვის კიდევ რაღაცა აქვს სათქმელიო და სიცოცხლეს გამოასალმა. დავითს არ დაუსჯია იოაბი ამ მკვლელობისათვის. არსებითად, იგი მოხარულიც კი იყო, ასეთი საშიში მოკავშირე რომ ჩამოიწორა. ესეც რომ არ იყოს, სისხლის აღება მოგვარის მკვლელობისათვის წმინდა მოვალეობად ითვლებოდა ისრაელში; და ბოლოს, დავითს საერთოდ არ სურდა ურთიერთობის გაფუჭება იოაბთან, რომელიც ხალხში დიდი პატივისცემით სარგებლობდა.

დავითთან შეთანხმებამ თავსარი დასცა ყველას მაქანაიში. იშბოშეთს შიშით გული შეუწუხდა, მისმა მოძხრეებმა კი თავს უშველეს და სასახლიდან ჩუმად გაიქცნენ. ერთხელ, დღისით, როცა ყველასაგან მიტოვებული იშბოშეთი საღილის შემდეგ თვლემდა, პურით მოვაჭრეთა ტანსაცმელში გადაცმული ორა ბენიაშინელი სასახლეში შეიპარა. ისინი მეფის საწოლ ოთახში შეცვივნენ და იშბოშეთი ხმლებით აჩეხეს. მათ მეფის თავი დავითს მიართვეს, იმედი ჰქონდათ, რომ ჯილდოს მიიღებდნენ, მაგრამ დავითმა ბრძანა, მკვლელებისთვის ხელ-ფეხი დაეჭრათ, გვაშები კი ქებრონს ტბაზე დაეკიდებინათ იმათთვის ჭკუის სასწავლებლად, ვინც ღვთის მიერ ცხებული კაცის მოკვლას განიზრახებდა. იშბოშეთის თავი კი ზეიმით დაკრძალა აბინერის სამარხში.

მაქანაიმის სასახლეში ცხოვრობდა იონათანის ძე, რომელიც ორივე ფეხით კოჭლობდა. როცა იონათანი იეზრეელის ხეობაში დაიღუპა, ყრმა მხოლოდ ხუთი წლისა იყო. დამარცხების ამბავი რომ გაიგო, ძიძა შინიდან გაიქცა, ბავშვი ხელიდან გაუსხლტა და მიწას დაასკდა. დავითმა შინ წაიყვანა მეგობრის შვილი და მამობრივ მზრუნველობას უწევდა. საულის კოჭლ მკვიდრეს მთელი სიცოცხლის განმავლობაში უფლება ჰქონდა დავითის სუფრასთან მჯდარიყო. მას ოჯახის წევრად თვლიდნენ.

აბინერის სიკვდილისა და საულის დინასტიის დამხობის შემდეგ ისრაელის სამეფო ტახტის ერთადერთი სერიოზული პრეტენდენტი დავითი გახდა. — არა მარტო იმიტომ, რომ სათავეში ედგა გამარჯვებულ ჯარს, არამედ იმიტომაც, რომ იგი საჭოელმა აკურთხა ოდესღაც მეფედ. ფილისტიმელთა გაძლიერებით შესინებებული ჩრდილოეთის ტომთა წარმომადგენლები ჩაშოვიდნენ ქებრონში და ოფიციალურად შესთავაზეს დავითს სამეფო ტახტი. ამრიგად, ქებრონში შეიღი წლის მეფობის შემდეგ დავითი მთელი ისრაელის სახელმწიფოს მეფე გახდა. მან კიდევ ოცდაცამეტი წელი იმეფა. ამ ხნის განმავლობაში დაიმორჩილა ფილისტიმელები და ებრაელი ხალხის ისტორიაში უძლიერესი სახელმწიფო შექმნა.

დავითის ძალაქი. ფილისტიმელებს ამბავი მიუვიდა, რომ მათი ვასალი მთელი ისრაელის მეფე გახდა. გადაწყვიტეს შეეპყროთ იგი და დაესაჯათ, როგორც მეამბოხე. ფილისტიმელთა ძლიერი არმია შეიჭრა რეფაიმის ხეობაში, იერუსალიმის დასაქლეთით და ერთმანეთისაგან გათიშა სახელმწიფოს ჩრდილოეთი და სამხრეთი. დავითი მეტად შიშვე მდგომარეობაში აღმოჩნდა. მართალია, მისი ჯარი ჩრდილოეთის ტომთა მეთაურებით იყო შევსებული, მაგრამ ფილისტიმელთა სომარეუტლებს მაინც ვერ გაუშკლავდებოდა. გადაწყვიტა, საულის შეცდომა არ გაეძეორებინა, თავი აარიდა აშკარა შეტაკებას და ბარტიზანული ომი არჩია. ამ საქმეში დავითს დიდი გამოცდილება ჰქონდა, რაც ხეტიალის დროს შეიძინა. გარდა ამისა, მას გააჩნდა ერთი უპირატესობაც — ფილისტიმელების ვასალად ფოფენისას კარგად შეისწავლა მათი სამხედრო ტაქტიკა.

ისრაელიტელ პარტიზანთა მიერ განაწამებ ფილისტიმელთა რაზმებში საბრძოლო სულისკვეთება თანდათან ეცემოდა. უმნიშვნელო განგაშის დროსაც კი გარბოდნენ ხოლმე. ხელსაყრელ მომენტში დავითი აშკარა შეტევაზე გადადიოდა და ამრიგად ორი მნიშვნელოვანი გამარჯვებაც იწვიდა. ყოველი მხრიდან შევიწროებულმა დამპყრობლებმა ბოლოს საკუთარ ტერიტორიაზე დაიხიეს. მათ დამარცხებაზე ისიც მიგვითითებს, რომ ხერიშზე გადასულმა ისრაელიტელებმა ფილისტიმელთა ქალაქ გეთამდეც კი შიდაწიეს. ამიერიდან ფილისტიმელებმა ვეღარ შეძლეს ყოფილი ძლიერების აღდგენა, ხოლო დროთა ვითარებაში ისრაელის ჰეგემონიის აღიარებაც კი მოუხდათ.

დავითის გაერთიანებულ სამეფოს საკუთარი დედაქალაქი არ ჰქონდა. ქებრონი მეტისმეტად შორს მდებარეობდა სამხრეთიდან. ამასთან ერთად, ჩრდილოეთის ტომებს მაინცდამაინც არ სურდათ, რომ მათი დედაქალაქი იუდეველთა ქალაქი ყოფილი-

ყო. ღავითმა ანგარიში გაუწია ამ ვანწყობილებას და ყურადღება იერუსალიმზე შეაჩერა. იერუსალიმი ოთხასი წლის განმავლობაში ეკუთვნოდათ იებოსელებს და ეჭვიან ჩრდილოეთის ტომებს ქალაქი ნეიტრალურად მიაჩნდათ. იერუსალიმის დაყრობა იოლი არ იყო. სამ ბორცვზე გაშენებული ქალაქი, რომელსაც სიონის მიუვალ კლდეზე მდებარე ციხესიმაგრე იცავდა, წარმატებით იგერიებდა მტრის ყველა შემოტევას. საკუთარ უძლეველობაში დარწმუნებული იერუსალიმელები ხუმრობით იტყოდნენ ხოლმე — ჩვენი ქალაქის დაცვა ბრძებისა და ხეიბრებისაგან შემდგარ რაზმსაც კი შეუძლიათ. ამიტომ გასაკვირი არაა, რომ ისრაელიტელთა შემოტევას იერუსალიმელები დაცინვითაც კი შეხვდნენ. ღავითს იერიში იერიშზე მიჰქონდა, მაგრამ ამაოდ. მარცხით შეწუხებულმა მეფემ განაცხადა: ვინც იებოსელებს დაამარცხებს, მთავრის ტიტულსა და ჯარის უფროსობას ვუბოძებო. ეს საქმე იოაბმა იკისრა. ქალაქის აღება მხოლოდ რაიმე ხერხის წყალობით შეიძლებოდა. იოაბი დაეხეტებოდა ქალაქის მიდამოებში, გამველელ-გამომველელს ეკითხებოდა იქაურ ამბავს და ბოლოს ციხესიმაგრეში შესასვლელი საიდუმლო გზაც აღმოაჩინა. იერუსალიმის აღმოსავლეთით მდებარე ხეობაში ერთი წყარო ამოდიოდა. წყაროდან ქალაქისაკენ მიემართებოდა კლდეში ამოკვეთილი ვერტიკალური გვირაბი. იებოსელები არ ელოდნენ ამ მხრიდან თავდასხმას და ისრაელიტელები რომ შენიშნეს, მათკენ გაექანენ. ქალაქის გაღავანი კი უპატრონოდ დარჩა. ღავითმა უძალევე ისარგებლა ამით და ერთი მძლავრი დარტყმით აიღო ქალაქი. მან იერუსალიმის სამხრეთით მდებარე ბორცვზე გაშენებული ციხესიმაგრე ისრაელის დედაქალაქად გამოაცხადა და მას „ღავითის ქალაქი“ უწოდა. მეფემ მაშინვე მშენებლობა წამოიწყო და ღიდი მონარქისათვის შესაფერი სასახლის აგებას შეუდგა. ამ მიზნით საუკრო ურთიერთობა დაამყარა ტვიროსის მეფე ქირამთან, რომელმაც მშენებლობისათვის საჭირო ხის მასალა, ხუროთმოძღვრები და ხელოსნები გამოუგზავნა. მათი დახმარებით ისეთი შენობა ააგო, რომ მეზობელ სახელმწიფოთა ყველაზე ძლიერი მეფეების სასახლეებსაც არ ჩამოუვარდებოდა. ღავითი კიდევ ერთ რამეში კბაძავდა მეზობლებს: მან ღიდი საკუთარი ქარამხანა გაიჩინა. იმ დროს მეფეთა ღიდების საზომად სწორედ ეს იყო მიჩნეული. რამდენიმე წლის შემდეგ მრავალრიცხოვანი ოჯახის მამა გახდა. მისი სასახლის ყველა კუთხეში ისმოდა ბავშვების ხმაური, სიცილისა და ჩხუბის ხმა.

ღავითს სურდა, რომ იერუსალიმი რელიგიურ ცენტრად გაეხდა. ამისათვის კი საჭირო იყო, რომ სჯულის კიდობანი, რომელიც საულის დროიდან პატარა ქალაქ კარიათ-არიმში ინახებოდა, იერუსალიმში გადმოეტანათ. ღავითი მსახუ-

რებითა და ოცდაათიათასიანი არმიითურთ გაეშურა კილობნის მოსატანად.

კილობანი ურემზე დადეს და შიგ ხარები შეუბეს. მას მოჰყვებოდნენ ქურუმები და უამრავი ხალხი. საზეიმო პროცესია ცეკვა-თამაშით, სიმღერებით, ქნარების, სალამურების, დაირების, დაფდაფებისა და წინწილების ხმით გამოსატავდა სიხარულს. პროცესიას მიუძღოდა ქურუმის თეთრი ტილოს ტანსაცმლით შემოსილი დაეითი, მაგრამ იერუსალიმში შესვლამდე იაჰვემ ავისმომასწავებელი ნიშანი მისცა მოზეიმეებს. ხმაურმა დააფრთხო ხარები, ისინი ადგილს მოსწყდნენ და გზას გადაუხვიეს. ურემი გადაიხარა და კილობანი კინალამ გადმოვარდა. უკანასკნელ წამს ვინმე ოზიამ შეაკავა იგი. მაგრამ კილობნისთვის ხელის ხლება საშინელ მკრეხელობად ითვლებოდა, იაჰვემ არ შეიწყენარა ოზიას კეთილი განზრახვა და იმწამსვე სიკვდილით დასაჯა.

შემწუნებულმა დავითმა პროცესია დაუყოვნებლივ შეაჩერა და კილობანი ერთ ისრაელიტელ კაცს, ვინმე ობედომს მიაბარა. მხოლოდ სამი თვის შემდეგ გადაწყვიტა მეფემ კილობნის გადატანა დედაქალაქში. ხალხი კვლავ გამხიარულდა, ცეკვა-თამაშს შეუდგა. პროცესიას კვლავ ქურუმის ქათქათა ტანსაცმელში გამოწყობილი დავითი წაუძღვა წინ. მეფის თავზე სამეფო გვირგვინი ბრწყინავდა, დავითს ხელთ ქნარი ეკურა და უკრავდა, უკან ქურუმები მოჰყვებოდნენ. მათ ხელაპყრობით მოქონდათ კილობანი, რომლის ქერუბიმთა გაშლილი ფრთები ჩირაღდნებივით ელვარებდნენ.

პროცესიას სარკმლიდან გადმოჰყურებდა დავითის ცოლი მელქული. როცა ბრბოს შუა მომავალი მეფე დაინახა, შესძაგდა იგი და არც დაუმაღლავს თავისი ზიზღი.

კილობანი დაასვენეს საგანგებოდ გაწყობილ წმინდა კარავოში. დავითმა მსხვერპლი შესწირა უფალს, სასმელ-საჭმელი გასცა, ნადიმი გადაიხადა და სასახლეში დაბრუნდა. მელქული შეეგება მეუღლეს და გაკილვით უთხრა: „რაოდენ დიდებულ იყო დღეს მეფე ისრაელისა, ოდეს განკვართული მოვიდოდა წინაშე მხევალთა და მონათა, ვითარცა კაცი უგუნური!“

შეურაცხყოფილმა დავითმა სამუდამოდ დაკარგა მიხი სიყვა-რული. მელქული სიკვდილამდე ათვალწუნებული ჰყავდა და მან მეფეს ვაჟი ვერ შესძინა. მას დასცინოდნენ აბიგაილი, აქინოაში და მრავალრიცხოვანი ხარჭები, მეფის ძეთა და ასულთა დედები.

ერთხელ დავითმა წინასწარმეტყველი ნათანი იხმო და უთხრა: „აჰა, მე დამკვიდრებულ ვარ სახლსა ნაძვისასა და კილობანი უფლისა კარავსა შინა დგას?“ შემდეგ კი განაცხადა — იერუსალიმში ისეთი დიდებული ტაძარი უნდა ავაშენო, რომ

ჩემს სასახლეს აჯობოსო. ნათანმა პირველად კვერი დაუკრა, მაგრამ მეორე დღეს უთხრა — ღამით იაკვემ ძიხმო და ტაძრის მშენებლობა ამიკრძალა. მისი სურვილია, წინანდებურად მწევემს-თა ღმერთი იყოს და კარავში ცხოვრობდესო.

დავითი დაემორჩილა ძალაღი ღმერთის ნებას და გადაიფიქრა ღედაქალაქის დამშენება დიდებული ტაძრით. ასეთი ტაძარი შემდგომ დავითის მემკვიდრემ სოლომონმა ააგო.

დავითი — დიდი სახელმწიფოს დამაარსებელი.

ისრაელის ყველა ტომის გაერთიანებისა და ფილისტიმელთა დამორჩილების შემდეგ დავითი თავისი სახელმწიფოს გაფართოებას შეუდგა და ახალი მიწები დაიპყრო. ჯერ მოაბელები და ედომელები დაიმორჩილა. შემდეგ, მის უნებურად, ამონელებთან მოუხდა ბრძოლა. გარდაიცვალა ამონელთა მეფე ნაასი და ტახტზე ავიდა მისი ვაჟი ანონი. დავითმა მას ელჩები გაუგზავნა, სამძიმარი შეუთვალა და ბედნიერი მეფობა უსურვა. მაგრამ ამონელმა მთავრებმა ახალგაზრდა მეფე დააფრთხეს და უთხრეს: *„ნუუკვე გგონივს, ვითარმედ სადიდებლად მამისა შენისა მოავლინნა დავით ნუგეშისმცემელნი ესე? მსტოვრად მოავლინნა, რათა ცნას შესავალ-გამოსავალი ქალაქისა შენისა და გამოიხილოს იგი და აღძრას იგი“*. ანონმა დაუჯერა მთავრებს, ბრძანა, ყველა ელჩისთვის ნასევრად გაეპარსათ წვერი, წელამდე შეეჭრათ ტანსაცმელი და ასე შერცხვენილები გაებრუნებინათ იერუსალიმში. დავითმა იუკადრისა შეურაცხყოფა და ანონის წინააღმდეგ გაგზავნა ნაცადი არმია, რომელსაც იოაბი მეთაურობდა. ომი მძიმე და სახიფათო გამოდგა, რადგან ამონელებმა არამეველთა ხუთი მეფე მოიშეველიეს. მიუხედავად ამისა, გადამწყვეტი ბრძოლა ისრაელიტელთა გამარჯვებით დამთავრდა. ამრიგად, დავითმა სირიის მნიშვნელოვანი ნაწილიც დაიპყრო. ამიერიდან დამასკოში ისრაელიტელთა მძლავრა რაზმი იდგა და მეფის ნაცვალი იმყოფებოდა.

დიდი ტერიტორიის დაპყრობის წყალობით დავითმა შექმნა დიდი სახელმწიფო, რომლის საზღვრები ვადაიჭიმა აქაბის ყურიდან ეფფრატამდე, ხოლო იორდანის გაღმა—არნონიდან ერპონამდე. დავითის მიერ დამარცხებული ფილისტიმელები თანდათან კარგავდნენ პოლიტიკურ დამოუკიდებლობას. ისრაელმა საბოლოოდ დაამარცხა მტერი; ამით დაიწყო ერთადერთი პერიოდი ისრაელის ისტორიაში, როდესაც იგი დიდ სახელმწიფოს წარმოადგენდა.

დავითი სახელმწიფოს საშინაო საქმეების მოწესრიგებას შეუდგა. მეფის ძლიერების საფუძველი არმია იყო და, უწინარეს ყოვლისა, მას მიაპყრო ყურადღება. მაგრამ შეიარაღების დარგ-

ში არავითარი სიახლე არ შეუტანია. არმია წინანდებურად შედგებოდა ქვეითი ნაწილებისაგან, რომლებიც შუბებით, შურდულებითა და მახვილებით იყვნენ შეიარაღებულნი. ფილისტია მელთა მრისხანე იარაღი — საომარი ეტლები — დავითს რატომაც ჭკუაში არ დაუჯდა. მას იოლად შეეძლო, საგანგებო ხარჯების გარეშე აღეჭურვა ჯარი, საომარი ეტლებით. არამეველებთან ბრძოლაში ხომ ათასი შეიდასი საომარი ეტლი ჩაიგდეს ხელში ცხენებიანად; მაგრამ იმის მაგივრად, რომ ამ ნადავლით არმია გაემაგრებინა, ბრძანა ეტლები დაეწვათ, ცხენები კი დაესახინრებინათ. მხოლოდ ასი წყვილი დაატოვებინა სასახლის საჭიროებისათვის. ამ ეტლებით მისი ვაჟიშვილები და სასახლის დიდებულები დახეირნობდნენ. ხოლმე იერუსალიმის ქუჩებში, ჯარის ბირთვის შეადგენდა ექვსასკაციანი „მამაცთა რაზმი“, რომელიც დავითს ექსორიის დროიდან შემორჩა. მეფე მრავალ პრივილეგიას ანიჭებდა „მამაცთა რაზმის“ მეომრებს; საჩუქრად აძლევდა დაპყრობილ მიწებს და მაღალ თანამდებობებსაც ნიშნავდა. ჯარის ეს რჩეული ნაწილი დაქირავებულთა ორი მოზრდილი რაზმით შეავსეს. ომის შემთხვევაში ხალაშქროდ იწვევდნენ ყველა მამაკაცს, ვისაც კი იარაღის ხმარება შეეძლო. ჯარის მეთაურობა იოაბს ებარა. მას უშუალოდ ემორჩილებოდა სამი უფროსი მხედართმთავარი და ოცდაათი მათზე დაბალი წოდების სამხედრო პირი. ყველანი ერთად შეადგენდნენ მთავარ სამხედრო საბჭოს, რომელიც მეფეს ემორჩილებოდა. დავითმა ეგვიპტურ ყაიდაზე გარდაქმნა სამოქალაქო აღმინისტრაციაც. სახელმწიფოს სათავეში უხუცესთა საბჭო და კანცლერი ჩააყენა. ყველაზე მსხვილი მოხელეები იყვნენ მეფის ორი საზინადარი, ოლქის მეზვერენი — გადასახადთა ამკრეფნი, კანცელარიის მწერლები და შვიდი მთავარი მმართველი. მათ გამგებლობაში შედიოდა მინდვრები, ვენახები და მეფის ბაღები; მისი ცხვარი, ძროხა, სახედრები და აქლემები... სამეფოში კეთილდღეობა და წესრიგი სუფევდა. მეფე აურაცხელი სამხედრო ნადავლით — ოქროთი, ვერცხლითა და სპილენძით ამდიდრებდა საკუთარსა და იაკვებს ტაძრის. ხაზინასაც ტყვეებს ცოცხალს ტოვებდა, მონებად აქცევდა და თავის მამულებსა და სასახლეებში ამუშავებდა.

დავითმა მოაგვარა რელიგიური საქმეებიც — ქურუმთა შორის მტკიცე იერარქია დააწესა. უზენაესი ქურუმის თანამდებობის გამო კი, ცოტა არ იყოს, საქმე გაუმწვავდა. მთავარ რელიგიურ ცენტრში — გაბაონში, უზენაესი ქურუმი იყო ელიაზარის შთამომავალი სადოკი. იგი დანიშნა საულმა მას შემდეგ, რაც სობაში ქურუმები გაწვივდა. იერუსალიმში იმყოფებოდა აბიათარი — სობაში გადარჩენილი, ერთადერთი ქურუმი, დავითის განუერგელი მეგობარი, ლტოლვილობის დროს. დავითს არ შეეძ-

ლო სადოკის გადაყენება, რადგან ჩრდილოეთის ტომთა განაწყენებას ერიდებოდა. მან გადაწყვიტა ისრაელში ყოფილიყო ორი უხენაესი ქურუმი: სადოკი და აბიათარი.

დავითმა ურიას ცოლი მოსტაცა. სანამ იოაბი ამონელებს ებრძოდა და ქალაქ რაბაზე ალყა აკეონდა შემორტყმული, დავითი იერუსალიმში იმყოფებოდა თავის სასახლეში. ერთხელ მან სარკმლიდან გადაიხედა და შოპირდაპირე სახლში მობანავე ღამაზე ქალს მოჰქრა თვალი. მეფეს ვნების ალი შემოენტო და ქალის ვინაობის გასაგებად მსახურები გაგზავნა. მსახურებმა მოახსენეს, რომ ეს იყო, ოცდაათიდან ერთ-ერთი მხედართუფროსის, ურია, ქეტკლის ცოლი ბერსაბე. ურია იოაბთან ერთად იბრძოდა ამონელთა წინააღმდეგ. დავითმა ისარგებლა ქმრის შინ არ ყოფნით და ბერსაბე შეაცდინა. რამდენიმე ხნის შემდეგ გამოირკვა, რომ ბერსაბე ფესმშიმედა. მეფემ ბილწი სწრახვა ჩაიღო გულში — მოინდომა შეურაცხყოფილი ქსალს თავიდან მოშორება. იოაბს უბრძანა, ურია გამოეგზავნა და ოპის მსვლელობის ანგარიში წარმოედგინა. ძამაცი მხედართმთავარი გამოცხადდა სასახლეში და მეფეს ყველაფერი მოახსენა. დავითმა ნაძალადევი ღიმილით მიიღო ურია, სუფრაზე მიიბატიყა და საღამოსანს შინ გაისტუმრა — ნამგზავრი ხარ და დაიხვეწეთა მაგრამ ურია იატაკზე დაწვა სასახლის მცველებთან ერთად. დილით აკითხეს — ცოლთან რატომ არ წახვედიო, ურიამ ღირსეულად უპასუხა: „კილობანი შჯულისა და ისრაელი და იუდა დაძკვიდრებულ არიან კარეებითა; უფალი ჩემი იოაბ და მონანი უფლისა ჩემისანი ველსა გარე არიან, და მე ვითარ შევიდე სახლსა ჩემსა, ვსვა, ვჭამო და დავწვე ცოლისა ჩემისა თანა?“

დავითმა უკანვე გააბრუნა ურია იოაბთან და დაბეჭდილი წერილი გაატანა, რომელშიც სხვათა შორის ეწერა: „წარგზავნეთ ურია საბრძოლსა ძნელსა და უკუიქეცათ თქვენ, რათა სცენ მას და მოკლან“.

იოაბმა მორჩილად შეასრულა ეს ხამარცხვინო ბრძანება და უბედური, ბრძოლის ველზე ყველასაგან მიტოვებული ურია, მარტოღმარტო დაიღუპა რაბის კედელთან. ბერსაბე, რომელიც გულწრფელად დასტიროდა მეუღლეს, დავითმა პარამხანაში წაიყვანა. მალე მას ვაჟი შეემინა.

მეფის საქციელმა იერუსალიმში საყოველთაო აღშფოთება გამოიწვია. დავითთან გამოცხადდა წინასწარმეტყველი ნათანი, რომელიც დიდი ავტორიტეტით სარგებლობდა სალსში. მეფემ განსაკუთრებული პატივით მიიღო იგი და გვერდზე მოისევა; ნათანმა მწუხარე ხმით მოუთხრო დავითს ერთი შემთხვევა:

„კაც ორ იყვნეს ქალაქსა ერთსა, ერთი იგი მდიდარ იყო და ერთი გლახაკი. მდიდრისა იყო არვე და მროწეული ფრიად, ხოლო გლახაკისა არა იყო, გარნა ტარიგი ერთი მცირე, რომელი მოეგო და განუხარდა შვილთა თანა. ბურსა მისსა ჭამდა, და სასმელსა მისსა სვამდა, და მკერდსა მისსა ზედა განისვენებდა და იყო იგი მისა, ვითარცა ასულ. და აჰა, დღესა ერთსა მოვიდა კაცი მოგზაური მდიდრისა სტუმრად; და ინანა მდიდარმან მოღებად არეისა ანუ მროწეულისა მისისაგან და მომზადებად მოგზაურისა პურად; არამედ მოილო ტარიგი გლახაკისა და დაკლა იგი და საჭმელი განუმზადა სტუმარსა“. აღშფოთებულმა დავითმა წამოიძახა — მდიდარი სიკვდილის ღირსიაო. ნათანმა მეფეს თვალი თვალში გაუყარა და მრავალმნიშვნელოვნად უოხრა: „შენ ხარ კაცი იგი!“ შემდეგ განუცხადა — იაჰვე განგირისხდა და სასჯელად ბერსაბესაგან შექენილ შვილს მოგიკლავსო.

დავითმა შეიგნო თავისი საქციელის უკეთურება და გულწრფელად ნანობდა, მაგრამ იაჰვემ არ შეიწყალა იგი. მალე ბავშვს მძიმე ხენი შეეყარა. იგი შვიდ დღეს ებრძოდა სიკვდილს. მეფე სასოწარკვეთილებამ შეიპყრო. მარხულობდა და მიწიდან თავაუღებელივ შესთსოვდა მოწყალეებას უფალს. ახლობლები და მსახურები ამოდ სთხოვდნენ, ამდგარიყო და პური ეჭამა. როცა ბავშვი გარდაიცვალა, ვერავინ გაბედა მეფისათვის გაემხილა მისი სიკვდილი. დავითმა შეამჩნია, რომ ყველა თავზარდაცემული იყო და კუთხე-კუთხე ჩურჩულებდნენ. უბედურება რომ შეიტყო, იგი მაშინვე წამოდგა, ხელ-პირი დაიბანა, ნელსაცხებელი იცხო და ტაძარში სალოცავად გაემართა. ხასხლეში რომ დაბრუნდა, სუფრის გაშლა ბრძანა და მაღიანად შეექცა საჭმელს. შინაურები განცვიფრებულნი იყვნენ. მოულოდნელი საქციელის მიზეზი ჰკითხეს მეფეს, მან მიუგო: „ვიდრე ყრმა ცოცხალ იყო, ვიმარხულევი და ვტიროდი, რამეთუ ვთქვი გულსა შინა ჩემსა: ნუთუ წყალობა მიყოს უფალმან და ცოცხალ იქმნეს ყრმა! აწ მკვდარ არს იგი და რად მარხვა ვყო მე? ნუთუ შემძლებელ ვარ, მოვაქციო იგი აქვე? მე მივიდე მის თანა, არა თუ იგი მოქცევად ჩემდა არს“.

ბერსაბე დავითის ყველაზე საყვარელი ცოლი გახდა. ერთი წლის შემდეგ მან კვლავ უშვა მეფეს ძე. ეს იყო ისრაელის მოსავალი მეფე სოლომონი.

ახალი სამარცხვინო ამბები მეფის სასახლეში.

დავითს მრავალრიცხოვანი და ჭირვეული მემკვიდრეები ჰყავდა. მისი ცოლებისა და ხარჭების ვაჟები და ასულები ვოველნაირად დიდობდნენ მამის გულის შონადირებას. ამისთვის ინტრიგებსა და ცილისწამებასაც კი არ ვრიდებოდნენ. დავითმა ვერ შეძ-

ლო ოჯახში წესრიგის დამყარება და კინკლაობის აღკვეთა. მისი სასახლე ბიწიერებისა და გარყვნილებას ბუდედ იქცა. ერთხელ სასახლეში აღმაშფოთებელი ამბავი მოხდა. დავითის პირმშომ ამნონმა შეიყვარა თავისი ნახევარ ძმის აბესალომის მკვიდრი და, პირმშვენიერი თამარი. ქალიშვილმა ძალიან შორს დაიჭირა ამნონის არშიყობა და ქალწულობას უფრთხილდებოდა. ვნებით შეპყრობილი ამნონი სულ უფრო ილეოდა და ვითოდებოდა. ეს შეამჩნია მისმა მეგობარმა იონადაბმა და ჰკითხა: „რად განილევნი დღითი-დღე, ძეო შეფიხაო?“ „შიყვარს თამარი, და ძმისა ჩემისა აბესალომისა“, — გამოუტყდა ამნონი. მეგობარმა მზაკვრული რჩევა მისცა — მოეავადმყოფებიანა თავი და მამისთვის ეთხოვა, მოშველელად თამარი მიეჩინა. თამარს გულში ეჭვი არ გაუვლია, საჭმელი მოამზადა და ამნონს ლოგინში მიუტანა. მაგრამ იგი მოულოდნელად მოეხვია ქალს და უთხრა: „დაწვე ჩემთან, დაო ჩემო“. ქალიშვილმა წინააღმდეგობა გაუწია: „არა, ძეო, ნუ შეურაცხყოფ, არასადა ყოფილ არს ესე ისრაელსა შორის, ნუ იქმ ბილწებასა — არა იყოს ადგილი, სადა არა მიიწიოს სირცხვილი ჩემი და შენცა გამოინდე, ვითარცა ერთი უგუნურთაგანი. და აწ თუ ეგრე გნებაეს, უთხარ მეყესა და უნებელსა არას გიყოფს შენ“. ამნონმა არ შეისპინა თამარის თხოვნა და ძალა იხმარა. წადილი რომ აისრულა, ამნონმა გული აიყარა თამარზე და უბრძანა, წასულიყო. გაუბედურებულმა ქალმა შესტირა: „უდიდეს არს უსჯულოება ეგე უკანასკნელი უფროის პირველისა მის საქმისა, რომელი მიყავ“. პასუხად ამნონმა მსახური იხმო და უბრძანა: „გააძეთ ეგე და დაუხამთ კარი“.

ნამუსახდილმა თამარმა თავზე მიწა დაიყარა, ტანსაცმელი შემოიხია და ისე მოთქვაძა, რომ მთელმა სასახლემ შეიტყო მისი შერცხვენის ამბავი.

დავითს ძლიერ უყვარდა ამნონი და დასასჯელად ვერ გაიმეტა, თუმცა ძალიან კი იყო განაწყენებული. მაგრამ აბესალომის საქციელმა ყველა გააკვირვა. მან გულგრილად გადაიტანა შეურაცხყოფა, მიუხედავად იმისა, რომ მისი და თამარის დედა გეშურის მეფის თაღმის ქალიშვილი იყო და მთელი ოჯახი ამასობდა თავისი ჩამომავლობით. ადათი სისხლის აღებას მოითხოვდა. ამასობაში ორი წელი გავიდა; აბესალომი კი არაფერს აპირებდა. პირიქით — ძალზე თავაზიანად ეპყრობოდა ამნონს. ზოგიერთებმა აითვალწუნეს კიდევ ასეთი საქციელისთვის; მაგრამ რა იცოდნენ, რომ აბესალომის ღიმილში სიმუღვილი და შურისძიების წყურვილი იმალებოდა. ამნონიც მოტყუებდა და ძმას აღარ ერიდებოდა.

და აი, ერთხელ, ცხერის კრეჭის დრო რომ დადგა, აბესალომმა მეფის მთელ ოჯახს მიიწვია ნადიმზე თავის მამულში

ბაალ-ასორში. დავითმა რაღაც მოიმიზეზა და უარი უთხრა; შვილებს კი, მათ შორის. ამონსაც, წასვლის ნება დართო. ეს იყო მახე. როგორც კი დაითრო ამონი, აბესალომის მსახურებმა იგი ხმლებით აჩეხეს. სანოვაგითა და ღვინით სავსე სუფრაზე აღიქოთი ატყდა. დავითის დანარჩენი ვაჟები: ჯორებზე ამხედრდნენ და იერუსალიმს მიაშურეს. მაგრამ იერუსალიმში: მათი ჩაასწრო ხმამ — აბესალომმა მეფის ყველა ვაჟიშვილი დახოცაო, დავითი და მისი ახლობლები სასოწარკვეთილებამ მოიცვა, მათ: ტანსაცმელი შემოიხიეს პირქვე. დაემხვნენ და ხმამალა სტიროდნენ მეფის ყველა მემკვიდრე მამაკაცის: დაღუპვას. საბედნიეროდ, მალე გამოირკვა, რომ ცნობა ყალბი იყო, მეფის: ვაჟი-შვილები სასახლეში დაბრუნდნენ. კარისკაცები, მათ აღტაცებით მიეგებნენ. დავითს სიხარულისაგან ტირილი აუვარდა: და შვილები გრძნობამორეულმა სათითაოდ ჩაიკრა გულში.

ამასობაში აბესალომი თავის პაპას, გეშურის მეფეს. თაღმის შეეხიზნა. აქ მან სამი წელი დაჰყო. მამისაგან პატიებას ელოდა: აბესალომს იოაბმა უშუამდგომლა და როგორც იქნა, დაიყოლია მამა იერუსალიმში მის დაბრუნებაზე. მაგრამ მამას არ უნდოდა შვილის დანახვა და სასახლეში შესვლა აუკრძალა. გავიდა კიდევ ორი წელი. აბესალომს მოთმინების ფიალა აეწო. მან კიდევ ერთხელ სთხოვა იოაბს დახმარებოდა: მაგრამ იოაბმა ამჯერად მტკიცე უარი უთხრა. მაშინ აბესალომმა იოაბის ბედლესისათვის ცეცხლი წააკიდებინა მსახურებს, თანაც დაემუქრა — უარესს გიზამ, თუ ჩემს თხოვნას არ შეასრულებო. იოაბმა დაუთმო. მეფე დიდ ანგარიშს უწყევდა მის აზრს და მალე აბესალომი და დავითი შერიგდნენ. დავითი გაახარა კიდევ ამ ამბავმა. და დიდი ხნის გადახვეწილ ძეს ალერსიანად მოეხვია.

აბესალომის ამბოხება. აბესალომი ისრაელში ყველაზე ლამაზ მამაკაცად მიაჩნდათ. იგი შესახედავად მშვენიერი იყო. წარმოსადგეი აღნაგობა, მეტყველი თვალები და სახის ვაჟკაცური, სწორი ნაკეთები: ჰქონდა. განსაკუთრებით უხდებოდა სწორი და მზინვარე თმა.

იგი ყველას, მღაბიობსაც: კი, თავაზიანად ექცეოდა და მალე შეაყვარა ხალხს: თავი. როცა გამოწყობილი: ძვირფასი და ელვარე სამკაულებით დაშმვენებული აბესალომი ორმოცდაათი: კაციანაგან შემდგარი პირადი გვარდიის თანსლებით ეტლს მიჰქროლებდა ქალაქში, ხალხი აღტაცებით ესალმებოდა მეფის ძეს. ქალებს ზღაპრულ უფლისწულად მიაჩნდათ, მამაკაცებს კი — სხრაელის სიამაყედ და იმედად. დროთა განმავლობაში აბესალომი მამის სავარელი და სიამაყეო შვილი გახდა. დავითი ყველაფერზე თვალს ხუჭავდა, არად აგებდა. მის ქარაფშუტობას:

ამპარტაენობას, მფლანგველობას და არაფერს უშლიდა. ვაჟის სიყვარულმა მეფე ისე დააბრმავა, რომ ყურად არ იღებდა მხლობელთა გაფრთხილებასა და ქარაგმებს. მის გუნებაში ერთხელაც არ გაუვლია აზრს, რომ ბრწყინვალე გარეგნობის მქონე აბესალოში ვერაგი და მოღალატე გულის პატრონი შეიძლება ყოფილიყო. აბესალომს უკვე ოცდაათი წელი შეუსრულდა და მოუთმენლად ელოდა ტახტზე ასვლას. თავისი მიზნების მიხედვით და ხალხის გულის მოსაგებად არაფერს ერიდებოდა. ქუჩებში სეირნობისას ესევოდა ყველას, ვინც კი ხალაშს მიცემდა. ხალხი აღტაცებით ამბობდა: ჩვენი გუნების კაცი ესააო. ვგი ხშირად დადიოდა ქალაქის კარიბჭესთან, სადაც დავითი სასამართლოს მართაედა ზოლმე, გვერდზე გაიყვანდა ხარხელში გაცრუებულს და ნააგონებდა — შეუქმ შეურაცსგეო, მე კი საქმეს შენს სასარგებლოდ გადავწყვეტდით. ამრიგად, აბესალოში მეფის სიძულვილს თესავდა ხალხში, თვითონ კი პოპულარობას იხვეჭდა. თანდათან მთელი სახელმწიფო გააჩვიო. თავის ინტრიგების ქსელში. საიდუმლო მსტოვრების: შეშვეობით: გადააბრია ნრდილოეთის ტომები, რომლებმაც აჯანყების შემთხვევაში შეიარაღებული მხარდაჭერა აღუთქვეს. ამ ტომებს ვერა: და: გერეპატიებიანთ დავითისათვის. საულის დინახტიის დამხობა, იხინი უზურპატორად მიიჩნევენენ მეფეს. სამხრეთის მკვიდრთ იუდას ტომი ოდიტგანეე სძულდათ: და ეზიზღებოდათ. ამიტომ ვერ შეერიგებოდნენ იმ ფაქტს, რომ ამ ტომიდან გამოსული კაცი მთელ ისრაელში მეფობდა.

აბესალომმა მოიმიზეზა, ლტოლვილობიდან იერუსალიმში ჩემი დაბრუნების სამადლობლად მსხვერპლი უნდა შევწირო. იამკვესო და მამას ქებრონში წასვლის უფლება სთხოვა. დავითი ვერ მიუხვდა განსრახვას, თანხმობა მისცა და აბესალოში ორასი მომხრის თანხლებით ქებრონს გაემგზავრა. ქებრონში რომ ჩავიდა, შეთქმულების ყველა მონაწილე იხმო და მალე შეკრაბა მრავალრიცხოვანი არმია, რომლის შემადგენლობაში გაერთიანდნენ ჩრდილოეთის თითქმის ყველა ტომის მეომრები. აჯანყებულებმა აბესალოში მეფედ გამოაცხადეს და იერუსალიმისკენ დაიძრნენ.

დავითმა უკანასკნელ წუთს შეიტყო აჯანყების ამბავი და თავზარდაცემული გაიქცა იერუსალიმიდან. ქვეითად მიმავალ მეფეს უკან გაჰყვა გვარდია — ექვსასი ძველი თანამებრძოლი და დაქირავებულ ფილისტიმელთა ორი ერთგული რაზმი. დავითმა მთელი თავისი ოჯახი წაიყვანა თან. მხოლოდ ათი ხარჭი დატოვა სასახლის მოსავლელად.

ქურუმები სადოკი და აბიათარიც შეუერთდნენ ლტოლვილებს და შჯულის კიდობანიც თან წაიტანეს.

მაგრამ მალე დავითმა გული გაიმაგრა, ღონე მოიკრიბა და

მოქმედებას შეუღდა. უპირველეს ყოვლისა, ქურუმებს უბრძანა, იერუსალიმში გაბრუნებულიყვნენ და მისთვის იქაური ამბები ეცნობებინათ. განშორება მეტად მძიმე იყო. მეფე და მისი ახლობლები ტიროდნენ. გლოვის ნიშნად თავზე მოსასხამები წაშლიხურეს, ფეხშიშველები ავიდნენ ზეთისხილის მთაზე, საიდანაც ჩანდა, თუ როგორ ეფარებოდა თვალს შჯულის კილობანი. მათ ყველაფერი დაკარგეს: დედაქალაქიც, მშობლიური სახლიც და წმიდათაწმიდა სალოცავიც. წინ გაურკვეველი ცხოვრება და ზეტიალი ელოდათ.

ცოტა მოგვიანებით დავითმა შეიტყო, რომ აბესალომს მრჩევლად ჰყავდა დიდად ნიჭიერი კაცი აქიტოფელი. ამ ამბავმა ძლიერ შეაშფოთა იგი. აბესალომი, რომელიც აქიტოფელის რჩევით სარგებლობდა, შესაძლოა, მეტად საშიში გამხდარიყო. ამიტომ როგორმე ხელი უნდა შეეშალა. გადაწყვიტა, შპიონაჟისთვის მიემართა. თავის ყველაზე ერთგულ მრჩეველს ქუშს უბრძანა, იერუსალიმში დაბრუნებულიყო და აბესალომის ნდობა დაემსახურებინა. აბესალომს რომ დაუახლოვდებოდა, უნდა უარეყო აქიტოფელის რჩევა და მეფისთვის აჯანყებულთა გეგმები ეცნობებინა.

დავითი გზას განაგრძობდა. ერთხელ ქალაქ ბაჰურიმის გავლისას საულის შთამომავალი, ვინმე სემიე შემოხვდა. მან მეფეს ქვების სროლა დაუწყო და მიაყვირა: „განვედ, განვედ, კაცი-მკვლელო და უსჯულლო! აჰა, ღმერთმან მოაქცია შენ ზედა სისხლი სახლისა საულისი, რამეთუ კმეფობ შენ მის წილ. აწ ძესა შენსა აბესალომს უბოძა უფალმან მეფობა და აღასრულა შენ ზედა ყოველი უკეთურება, რამეთუ კაცი მოსისხლე და უსჯულო ხარ შენ!“

ეს სიტყვები რომ გაიგონა, მეფის ერთგულმა მსახურმა აბესამ თქვა: „ვინ არს ესე ძალდი ერთი მკვდარი, რომელი აგინებს უფალსა ჩემსა მეფესა? მივიღე და წარუკვეთო თავი მისი!“ მაგრამ დავითმა შეაჩერა აბესა, რადგან არ უნდოდა ჩრდილოეთის ტომებთან კიდევ უფრო გაემწვაებინა ურთიერთობა. მეფემ გზა განაგრძო. გათავზნებული სემიე კი ღრიალებდა, იგინებოდა და ისე გამძალებით ისროდა ქვებს, რომ მეომრებს მოუხდათ დავითის დაცვა — ქვებს ფარები შეაგებეს. ხანამ იორდანეზე არ გადავიდნენ, იქამდე სდია სემიემ ლტოლვილებს, მერე კი დანება თავი და შინისაკენ მიბრუნდა.

ამასობაში აბესალომმა მომავალი გეგმების განსახილველად სამხედრო საბჭო მოიწვია იერუსალიმში. აქიტოფელი ურჩევდა, შენ მეფის ხარჭებს მიხედვით, მე კი დავითს ხასწრაფოდ დაშედევნებო. მაგრამ ქუში, რომელსაც უკვე მოპოვებული ჰქონდა აბესალომის ნდობა, უარზე დადგა და აქიტოფელს შეედავა მან შეასხენას: დავითი გამოცდილი მხედართმთავარია და პარტი-

ზანულ ბრძოლებში გაწაფული მეომარი, მიუხედავად რიცხო-
ბრივი უპირატესობისა, შეიძლება აქტიუფელის არმია დამარცხ-
დეს და შეშინებული ჩრდილოელი ტომები აბესალომს განუდ-
გნენო. ქუშმა ურჩია, მთელ სახელმწიფოში შეეკრიბათ სახალ-
ხო რაზმები და ძლიერი, კარგად ორგანიზებული არმიით დამ-
რულიყვენ გადამწყვეტი შეტევისათვის. ეს გეგმა აბესალომმაც
მოიწონა და სამხედრო საბჭომაც. აქტიუფელი მიუხედა, რა
ჰქონდა ქუშს გუნებაში, მაგრამ, რაკი არაეინ დაუჯერა, თავის
ჯორს მოაჯდა, შინისკენ გასწია და სასოწარკვეთილებით შეკყ-
რობილმა თავი ჩამოიხრჩო. ქურუმებმა დავითს სამხედრო საბ-
ჭოს გადაწყვეტილება აცნობეს. მან ისარგებლა შესვენებით და
ჯარის შეკრებას შეუდგა. სამეფოში მას ჯერ კიდევ ბევრი მომ-
ხრე ჰყავდა. ჯარის რიგები შეავსო ახალგაზრდა მეომრებით;
ხოლო მდიდარი მომხრეები სობი, მაქირი და ბარზილაი
დავითს ამარაგებდნენ ქვეშაგებით, თიხის ჭურჭლით, ხორბ-
ლით, ქერით, ღერძილით, ცერცვით, მარცვლეულით, ოს-
პით, მოხალული მარცვლეულით, თაფლით, ერბოთი, ცხვრები-
თა და ხბოებით.

რამდენიმე ხნის შემდეგ გადამწყვეტი ბრძოლისთვის მომზა-
დებულმა აბესალომმა იორდანე გადალახა. დავითს ჯერ კიდევ
უყვარდა თავისი მეამბოხე ძე და საგანგებოდ ბრძანა: არ მოკ-
ლათ, სიცოცხლე შეუნარჩუნეთო.

ბრძოლა მეამბოხეთა სრული განადგურებით დამთავრდა.
ჯორზე მჯდარი აბესალომი თმებით გაეხლართა მუხის ტოტებ-
ში; ჯორი გაიქცა, აბესალომი კი თმით დაკიდებული დარჩა. აქ
მას იოაბი წააწყდა და, მამის ბრძანების მიუხედავად, სიცო-
ცხლეს გამოასალმა. აბესალომის ცხედარი ტყეში, ერთ დიდ
ორმოში ჩააგდეს და ორმო ქვებით ამოხერგეს.

ძის სიკვდილმა ძალიან შეაწუხა დავითი. თავში ხელებს
იციმდა და ტირიდა: „შვილო ჩემო, აბესალომ! შვილო ჩემო,
შვილო, აბესალომ! ვინმემცა მომაკვდინა მე სიკვდილისა შენი-
სა წილ, შვილო, აბესალომ!“ — ასე მოთქვამდა იგი მთელი დღე,
ვიდრე მოთმინებადაკარგულმა იოაბმა არ განუცხადა — როგორც
ჩანს, შენთვის მტრები უფრო ახლობლები არიან, ვიდრე მე-
გობრები, რომლებმაც შენთვის თავი გასწირესო.

დავითმა დედაქალაქში დაბრუნება გადაწყვიტა. მისმა მომ-
ხრეებმა თავი მოიყარეს და ყოველი მხრიდან მოვიდნენ მის გა-
საცილებლად, ტრიუმფალურ მსვლელობაში მონაწილეობის მი-
საღებად. პატიების სათხოვნელად ეახლნენ ისინიც, ვინც ცოტა
ხნის წინათ ემტერებოდნენ დავითს. მათ შორის იყვნენ საულის
მსახური სიბა თორმეტი ვაჟის თანხლებით, სემიე, რომელმაც
გაქცევის დროს ესოდენ შეურაცხყო მეფე. დავითმა ყველაფერი
აპატია მათ და აღუთქვა, რომ სიცოცხლეს შეუნარჩუნებდა. მან

დაჯილდოვა ყველა, ვინც ერთგულება დაუმტკიცა მძიმე წუთებში. განსაკუთრებით კი ბარზილას უმაღლიერებოდა ჯარის უხვად მომარაგებისათვის. „წარმოვედ ჩემ თანა, იერუსალიმს, და უზრუნველგეო შენ“, — უთხრა მეფემ ბარზილაიმ უპასუხა: „აწმე ოთხშეოცის წლის ვარ; არღარა უწყვი გამოჩევეა კეთილისა და ბოროტისა; ანუ თუ ვიცი მონამან თქვენმან გემოის სილვა ჭამადისა და სასმელისა? ანუ თუ მიძლავს სმენად მგალობელთა და ქალთა მელოდართა? აწ რად ტვირთგეყო მონა შენი უფალსა ჩემსა მეფეს? მცირედ წიად გევე იორდანეს მონა შენი; რად მომანიჭებ ნიჭსა ეგოდენსა? მიძაქციე მონა შენი ქალაქსა ჩემსა და მოკვედე, სადა არს საფლავი მამისა ჩემისა და დედისა ჩემისა“. მან მეფეს სთხოვა, ჩემი ვაჟი ქაშაპი წაიყვანეო.

გამოთხოვებისას მეფე მოხუცს მოეხვია, იორდანეზე გადავიდა და დედაქალაქისკენ გაეშურა. გზაში ისრაელიტელ და იუდეველ ტომებს შორის უთანხმოება ჩამოვარდა, ვერ მორიგდნენ და ტრიუმფალურ მსვლელობაში ადგილები ვერ ვინაწილეს. ცოტა ხნის წინანდელი მოწინააღმდეგეებოდელი რიცხოვრივი უპირატესობის გამო წინა ადგილებს იჩემებდნენ. იუდეველები არაფერს თმობდნენ და ერთი ნაბიჯითაც კი არ იხვედნენ უკან.

მაღე ისრაელიტელები მეორედ აჯანყდნენ. შეამბოხეთა ბელადი ამჯერად ბენიამინელი საბიე იყო. ამბოხების ჩაქრობა და ვითმამ შედარათმთავარ ამესას დაავალა, რამაც იოაბი შურით აღავსო. ერთხელ იგი შეხვდა თავის მეტოქეს, გადაეხვია, ხელმობვეულმა მასვილი ჩასცა და ცხედარი გზაზე დაავლო. იმ ხანებში იოაბს უკვე ისეთი გავლენა ჰქონდა, რომ დავითმა მისი დასჯა ვერ გაბედა, გულში კი რისხვამ ჩაიძარხა.

საბიე აბელ-ბეთ-მაქეს ციხესიმაგრეში შეიხიზნა შეამბოხებთან ერთად. ციხესიმაგრის მცხოვრებლებს განადგურების შეეშინდათ. საბიე მოკლეს და მისი თავი ყუელელზე გადაჰკიდეს კაპიტულაციის ნიშნად. ასე დამთავრდა ჩრდილოეთის ტომთა მეორე ამბოხი იუდეველთა მეგემონიის წინააღმდეგ.

იერუსალიმში რომ დაბრუნდა, დავითმა იოახის საქმე მოაწესრიგა. აბესალომის მიერ გაუპატიურებულათ ხარჭს ცალკე ხანლში მიუჩინეს ბინა. აქ მათ ვარჩაკეტილებმა ქვერივობაში გაატარეს მძელი სიცოცხლე.

რესუა — ისრაელის ანტიგონა. ისრაელში სამ წელს ბობოქრობდა შიმშილი. დავითმა მიმართა ქურუმ წინასწარმეტყველებს და ჰკითხა — იაჰვეს რისხვა როგორ დავაცხროო და უბედურების მიზეზს მიავნო. თურმე ისუ ნავეს ვაბაონელთათვის ფიცვი მიეცა, რომ ისრაელის ძენი არასოდეს აიღებდნენ

მახვილს მათ წინააღმდეგ, მაგრამ საულს დაურღვევია ფიცი — გაბაონელების დახოცვა და მათი ქალაქების დაპყრობა უცდია ახლა დახოცილთა სისხლი საულის შთამომავლებს უნდა ეზღოთ. დავითმა იხმრ დარჩენილი გაბაონელები და ჰკითხა, რა გზით გამოესყიდა საულის დანაშაული. გაბაონელებმა მოითხოვეს, რომ მეფეს მათთვის საულის შვილი შთამომავალი მამაკაცი მიეცა გებას კარიბჭესთან ჩამოსახრჩობად. მეფემ თხოვნა შეუსრულა და საულის შვილი შთამომავალი ჩამოახრჩვეს. გვაშემები მტაცებელ ცხოველებსა და ფრინველებს მიუყარეს მინდორში. ეს იყო ხაშინელი სახეელი, რადგან, მაშინდელი რწმუნის მიხედვით დაუმარხავი ადამიანი სიკვდილის შემდეგ ვერასოდეს ეღირსებოდა განსვენებასა და სიმშვიდეს.

სიკვდილით დასჯილთა შორის საულის ხარჭის რესფაო რი ძეც ვრია. უბედურმა დედამ სამგლოვიარო სამოსი ჩაიცვა, შვილების გვაშემებს მიუწვა და დღედაღამ მხეცებსა და ფრინველებს უგერიებდა.

ასე იწვა იგი აპრილის თვიდან — ალოობის დაწვებიდან — ოქტომბრამდე — პირველ წვიმიან თვემდე.

მცხუნვარე მზე წვაელა მინდვრებს, ყვავილებსა და ბალახს ყველა ჩრდილს აფარებდა თავს. მხოლოდ რესფა არ სცილდებოდა დახოცილ შვილებს. მისი სახელი ცნობილი გახდა მთელ ისრაელში. დავითს შეეშინდა მზარდი უკმაყოფილებისა და განკარგულება. გასცა, სიკვდილით დასჯილთა ცხედრები დაემარხათ. ამან ისიც გაახსენა მეფეს, რომ საულისა და მისი შვილების გვაშემები იმ დღემდე გალაადის იაბისში იყო ჩრდილოეთის ტომთა გულის მოსაგებად მან ყველას ნუშტი გადმოასვენა საულის საგვარეულო აკლდამაში და დიდი აშბით დაკრძალა.

სასახლის ინტრიგები. სიცოცხლის უკანასკნელ წლებში დავითი ძალიან მოტყდა. მიხრწნილ მოზუცს სისხლი ისე უცივდებოდა, რომ ლოგინშიც ველარ თბებოდა. კარისკაცებმა გადაწყვიტეს, მოენახათ ქალწული, რომელიც მეფესთან დაიძინებდა და გაათბობდა. ეძებეს მთელ ისრაელში და ბოლოს შუნამში წააწყდნენ ერთ ლამაზ ქალიშვილს აბიშაგს. მშვენიერი შუნამელი ასული დამდამობით ათბობდა მეფეს, დღისით კი უვლიდა.

ეჭვი არავის ეპარებოდა, რომ დავითის დღეები დათვლილი იყო და ტახტისთვის ბრძოლა გაჩაღდა. პრეტენდენტები იყვნენ მეფის ვაჟები აღონია და სოლომონი. აღონია, ავითის ძე, ლამაზი და ქედმაღალი ჭაბუკი გახლდათ. მას მხარს უჭერდნენ ჩრდილოეთის ტომები და გავლენიანი პირები; იოაბი და უზუნაყს ქურუმი აბიათარი. მას ეჭვიც არ ეპარებოდა გამარჯვებაში და

სამეფო ეტლით დასეირნობდა ხოლმე ქალაქის ქუჩებში. მას სასახლის სუთასკაციანი გვარდია ახლდა თან.

სოლომონი ნაკლებად პოპულარული იყო, მაგრამ გავლენიანი პირების მხარდაჭერა არც მას აკლდა. მის მომხრეებს უზუნაესი ქურუმი სადოკი და წინასწარმეტყველი ნათანი მეთაურობდნენ. გარდა ამისა, მის მხარეზე იყო ჯარის რჩეული ნაწილები, დავითის ძველ თანამებრძოლთა გვარდია (ექვსასი კაცი) და დაქირავებულ ფილისტიმელთა ორივე რაზმი. სოლომონი დავითის ყველაზე საყვარელი ცოლის — ბერსაბეს ძე იყო. მამა სოლომონს სხვა შვილებში არჩევდა და მას წარმატების დიდი შანსი ჰქონდა.

სასახლეში, მომაკვდავი მეფის სასთუმალთან, ერთი შესლაშემოხლა ატყდა; ტახტის მოპოვების წყურვილით შეჰყრობილა. ადამიანები ინტრიგების ქსელს ქსოვდნენ. აღონიამ გადაწყვიტა, ტახტისკენ დროზე გაეკაფა გზა. მან თავის თანამებრძოლებს როგელის წყაროსთან გადაუხალა დიდი ნადიმი. ნამღვილად კი აღონიამ სამხედრო თათბირისთვის შეყარა ხალხი. ნადიმში მონაწილეობდნენ იოაბი, აბიათარი, მეფის შვილები სოლომონის გამოკლებით, და ჩრდილოეთის ტომთა მრავალი ბელადი. ეს ამბავი სასახლემდე მივიდა. წინასწარმეტყველი ნათანი ბერსაბესთან გაეშურა და უბრძანა, დაუყოვნებლივ ეცნობებინა დავითისთვის, რომ აღონიამ თვითნებურად გამოაცხადა თავი მეფედ და თვითონ კი აღუთქვა — ცოტა მოგვიანებით მეც მოვალ და შენს სიტყვებს დავადასტურებო. ბრალდება უსამართლო, ყოველ შემთხვევაში, ნაჩქარევი იყო, მაგრამ ძალაუფლებისათვის ბრძოლა ისე გამწვავდა, რომ ერთმანეთისადმი მტრულად განწყობილი მხარეები აღარაფერს ერიდებოდნენ. ბერსაბე დაიხარა ავადმყოფი მეფის სასთუმალთან და უთხრა: „უფალო ჩემო, მეფეო! ჰფუცე მხევალსა შენსა უფალი ღმერთი შენი, ვითარმედი „ძე შენი სოლომონ მეფობდეს შემდგომად ჩემსა და იგი დაჯდეს საყდარსა ჩემსა“. აწ დაჯდა მეფედ აღონია და შენ, უფალო ჩემო, მეფეო, არა უწყი ესე. დაწყვიდა მან ზროხა და საცხოვარი დიდძალი და მოუწოდა მეფისა ძეთა, აბიათარს მღვდელსა და იოაბს სპასპეტსა. ხოლო სოლომონს, მონასა შენსა არა მოუწოდა მან“.

ამ დროს შემოვიდა ნათანი და ბერსაბეს სიტყვები დაადასტურა. მეფემ ძალა მოიკრიბა და თქვა: „წარიყვანეთ თქვენ თანა მსახურნი უფლისა თქვენისანი, აღსვით ძე ჩემი სოლომონ ჯორსა ჩემსა და შთაიყვანეთ გეონს. და სცხონ მას სადოკ მღვდელმან და ნათან წინასწარმეტყველმან და აკურთხონ მეფედ ისრაელსა ზედა. დაჰბერეთ ნესტესა და დაღადყავთ: „ღღეგრძელ იყავნ მეფე სოლომონ!“ ასეც მოიქცნენ. სოლომონმა სამეფო გვირგვინი დაიდგა და ზეიმიით დაბრუნდა სასახლეში.

გაიგეს თუ არა ეს ამბავი აღონიას მომხრეებმა, რომელნიც როგორღაც წყაროსთან ნადიმობდნენ, თავზარდაცემულები მიმო-
ფანტნენ, აღონიამ კი ტაძარს შეაფარა თავი და საკურთხეველს
წასჭიდა ხელი.

სოლომონმა დაიფიცა, რომ თითსაც არ დააწებდა აღონიას,
ოღონდ მას სამეფო ტახტის მიტაცება უნდა ამოეღო გულიდან.
აღონიამ თავყვანი სცა ახალ მეფეს და შინ დაბრუნდა.

დავითი გრძნობდა, რომ მისი აღსასრული მოახლოებული
ყოფიდა. იხმო სოლომონი და უბრძანა: ერთგულად ემსახურე იაკ-
ვებს, იერუსალიმში ტაძარი ააგე და ჩემ მიერ მომარაგებულია
თქრო-ვერცხლი და საშენი მასალა მის შენებას მოახმარეო.

სიცოცხლეში დავითი ანგარიშს უწევდა იოაბს, რომლის
წყალობითაც ბევრი გამარჯვება მოიპოვა. ახლა, სიკვდილის
პირზე მისულმა, გაიხსენა მის მიერ ჩადენილი ყველა ბოროტე-
ბა: აბესალომის მოკვლა, ამესას ვერაგული მკვლელობა, ახლან-
დელი შეთანხმება აღონიასა და აბიათართან. ყველაფერი გაუ-
ფიქრად იოაბს, რადგან დავითს ვერ გაებედა მისი დასჯა. ახლა
კი უანდერძა მეფემ სოლომონს, იოაბისთვის ძველი ანგარიშები
გაესწორებინა და სიკვდილით დაესაჯა. დავითი ვერც იმას შე-
რიგებოდა, რომ სემიე ცოცხალი გადარჩა; მან ზომ თავხედურად
შეურაცხყო მეფე ქალაქ ბაპურიმთან აბესალომის ამბოხების
დროს. მართალია, დავითმა დაიფიცა, რომ სემიეს არ დასჯიდა,
მაგრამ მაშინ ჩრდილოეთის მეამბოხე ტომებთან ურთიერთობის
გამწვავებას ერიდებოდა. ეს ფიცი კი მის მემკვიდრეს ვერ და-
აბრკოლებდა. დავითმა სოლომონს უბრძანა, შეურაცხყოფელი
სიკვდილით დაესაჯა სემიე.

არც მეგობრები დაივიწყა მომაკვდავმა მეფემ. განსაკუთრე-
ბით ემადლიერებოდა ბარზილაის. ბარზილაი სარჩოს არ აკლებ-
და დავითს, როცა იგი, ყველასაგან მიტოვებული, მთებში იყო
გახიზნული და ემალებოდა აბესალომს. დავითმა პირობა დაადე-
ბინა სოლომონს, რომ ერთგული მოხუცის მემკვიდრეებს უზ-
რუნველყოფდა: მათ უნდა რგებოდა დიდძალი ქონება იერუსა-
ლიმში და საპატიო ადგილი მეფის სუფრაზე.

მალე სოლომონს დედაქალაქში საზვიამოდ დაადგეს გვირ-
გვინი. სამსხვერპლოზე შესაწირავად მოიყვანეს ათასი ხარი,
ათასი ვერძი და ათასი ბატკანი. მირონის ცხების წესი შეას-
რულა ახალი მეფის ერთგულმა მომხრემ, უზენაესმა ქურუმმა
ხადოკმა.

დავითი გარდაიცვალა სამოცდაათი წლისა. მან ორმოც
წელს იმეფა და შეიღს მემკვიდრეობით დაუტოვა უზარმაზარი
სახელმწიფო, რომლის საზღვრებიც გადაჭიმული იყო დამასკო-
დან ეგვიპტემდე, ხმელთაშუა ზღვიდან იორდანის აღმოსავლე-
თით მდებარე მიწებამდე.

ისრაელისა და იუდეის მეფე სოლომონი ტახტზე

ასვლისას სოლომონი მხოლოდ ოცი წლისა იყო. იგი ენერგიული მმართველი და საზრიანი დიპლომატი გამოდგა. იმედი გაუცრუვდათ. მის მოწინააღმდეგეებს, რომლებსაც ახალი მეფის ახალგაზრდობისა და გამოუცდელობის გამოყენება სურდათ. ხელისუფლებას მოცილებული აღონია, იოაბი და აბიათარი იერუსალიმში იმყოფებოდნენ და შეიძლებოდა ცუდიც არა დაპარტონოდათ რა, რომ ამპარტავან აღონიას შეცდომა არ მოსვლოდა. ამ შეცდომას კი საბედისწერო შედეგები მოჰყვა. ერთხელ მან ბერსაბეს მოაკითხა. თავისი დაუძინებელი მტერი რომ დაინახა, განცვიფრებულმა და შეშფოთებულმა ბერსაბემ კითხვა: „მშვიდობით არს შემოსლვა შენი?“ აღონიამ მიუგო „მშვიდობით“ და ნაღელიანად დაუმატა: „შენ უწყვი, რამეთუ ჩემი იყო მეფობა, და ჩემ ზედა დადვა პირი ყოველმან ისრაელმან მეფობად... აწ თხოვასა ერთსა მცირესა ვითხოვ და ნუ გარე-მიიქცევ პირსა შენსა“. მართალია, აღონიამ თავი ვერ შეიკავა და კვლავ ზახვასმით აღნიშნა — ტახტი მე შეკუთვნოდაო, მაგრამ კეთილი ქალო მაინც დათანხმდა მოესმინა. მისი თხოვნა. აღონიამაც აუხსნა მოსვლის მიზეზი: „გვედრებ, უთხარ სოლომონს — რამეთუ არა მიიქციოს პირი. მისი შენგან, — და მომცეს მე ცოლად აბიშაგ შუნამიტელი“. ბერსაბემ ცოტა კი გააკვირვა. ამ თხოვნამ, მაგრამ მაინც დაპირდა, ვეტყვი სოლომონს. და ვეცდები რაიმე გავაწყვო.

სოლომონმა მოკრძალებით მოუსმინა დედას, მაგრამ, რომ გაიგო, რაში იყო საქმე, აღშფოთდა და მტკიცე უარი უთხრა. მან ეჭვი აიღო, რომ აღონიას თხოვნის მიღმა რაღაც ცბიერი ზრახვა იმალებოდა. დავითის ერთ-ერთ ხარჯთან ქორწინება აღონიას ტახტისათვის ბრძოლის განახლების საშუალებას მისცემდა; ძველი ჩვეულების მიხედვით — ხომ გარდაცვლილი მეფის პარამხანით სარგებლობა მხოლოდ მის კანონიერ მემკვიდრეს შეეძლო.

ამ ინციდენტით განრისხებულმა სოლომონმა მამის ანდერძი გაიხსენა და გადაწყვიტა ანგარიში გაესწორებინა მის მიმართ მტრულად განწყობილი დაჯგუფების წინამძღოლისათვის.

ასლად დანიშნულ მხედართმთავარს ბანეას უბრძანა, მოეკლა აღონია და იოაბი. ბანეამ ტახტის მოცილეს შინ შეუსწრო და მოკლა. იოაბმა კი ტაძრის ეზოში დამალვა მოასწრო. კანონის მიხედვით აქ თავშეფარებული კაცის ხელგოფა არ შეიძლებოდა, მაგრამ ბანეამ შებიღწა წმინდა ადგილი და ზედ იაპყეს ხაკურთხეველთან განგმირა ხმლით იოაბი.

ამგვარად, სოლომონმა ორი ვეელაზე საშიში მტერი წამოიცილა. ქურუმთმთავარ აბიათარს სიცოცხლე შეუნარჩუნა, მაგრამ პატივი აჰყარა და ხამულამოდ გააძევა დედაქალაქის მრდილო-დასავლეთით მდებარე პატარა ქალაქ ანათოთში.

ამ დროიდან იზრავლში კვლავ ერთადერთი უზენაესი ქურუმი დარჩა. ეს გახლდათ სოლომონის ერთგული თანაშემწე სალოკი.

გადარჩა აგრეთვე სემიე, რომლის დასჯა უნდოდა დავითს. სოლომონმა მას ნება დართო, აეშენებინა სახლი იერუსალიმში და სიცოცხლე შეუნარჩუნა იმ პირობით, რომ ნებართვის გარეშე ქალაქს არასოდეს დატოვებდა. მაგრამ სემიე კადნიერი იყო და დიდად არ დაგიდევდათ აკრძალვას. ერთხელ მას რამდენიმე მონა გაექცა ფილისტიმელთა ქალაქ გეთში, რათა თავშესაფარი ეთხრავთ მეფე ანქუშისათვის. სემიე მათ უნებართვოდ დაეღვენა. დედაქალაქში რომ დაბრუნდა, სოლომონმა მას თავის მართლება არ აცალა და ბანეას უბრძანა სიკვდილით დასაჯო.

ორი დედის ამბავი: ისრაელის მთავარი სამსხვერპლო გაბაონში იყო, სოლომონ მეფე გაემგზავრა იქ და სახეიმოდ შესწირა მსხვერპლად ათასი სული საქონელი. დასაძინებლად რომ დაწვა, იაჰვე გამოეცხადა და ჰკითხა: მითხარი რა გსურს და აგისრულებო, მეფემ სთხოვა მიეცა. მისთვის „გული გულისხმისყოფელი“ — ე. ი. სიბრძნე, რომ თავისი ქვეშევრდომების საშარტლიანი მსაჯული ყოფილიყო. იაჰვეს მოეწონა მეფის თავმდაბლობა და არა მარტო სიბრძნე უბოძა, არამედ შეჰპირდა — ყველაზე მდიდარ და გამოჩენილ მეფედ გაგხდი მთელს დედამიწაზეო.

სოლომონი გახარებული დაბრუნდა იერუსალიმში. უხვად შესწირა მსხვერპლი შჯულის კილობანთან და ნადიმი გაუმართა მთელ ქალაქს. შემდეგ ქალაქის ბჭესთან დაადგმევინა მოსამართლის საჯდომი და სჯას შეუდგა.

მას ორი ქალი მოჰვეარეს. მათი საქმე ძალზე რთული და უცნაური იყო. ერთ-ერთმა მათგანმა, რომელიც ტირიდა და თან იფიცებოდა, მართალს ვამბობო, თქვა: „მე და ესე დედაკაცი მეოფე ვიყვენით ერთსა სახლსა და ვშვევ მე შვილი და ესე დედაკაცი მუნ იყო და სამისა დღისა შემდგომ შვა დედაკაცამან ამან...“ და მოკვდა ყრმა; დედაკაცისა ამის დამე, რამეთუ დააწვა ზედა და აღღბა ესე დედაკაცი შუველაზე და მომპარა ყრმა ჩემი, ოდეს მე, მხევალსა შენსა, მეძინან და დააძინა იგი უბესა თვისსა, ხრლო ყრმა თავისი მკვდარი შემომიწვიანა უბეთა ჩემთა და აღვდეგ დილით, რათა ძემე ვაწყო ყრმასა და აპა, მომკვდარ იყო იგი. ვიხილე და არა იყო იგი ჩემი შვილი, რომელი ვშვევ“.

ბრალდებული ყველაფერს უარყოფდა. ორივე დედაკაცი ხმა-მალლა კიოდა და ილანძღებოდა. წუთიერი ფიქრის შემდეგ მეფემ მახვილს დაავლო ხელი და ბრძანა: „განკვეთეთ ყრმა ცხოველი ორად და მიეცით ნახევარი ერთსა და ნახევარი მეორესა!“

მაშინ ბრალმდებელმა ქალმა შეპრწუნებულმა შესძახა: „უფალო ჩემო მიეცით მას ყრმა ცხოველი და ნუ მოაკვდინებთ მას!“ მეორე ქალმა კი მშვიდად განაცხადა: „ნუმცა ჩემთვის არს იგი, ნუმცა მისთვის, განკვეთეთ იგი ორად!“

მეფემ მოუსმინა მათ, მიუთითა ქალზე, რომელიც იხვეწებოდა, სიცოცხლე შეენარჩუნებინათ ბავშვისთვის და ბრძანა: „მიეცით ამას ყრმა ცხოველი და არა მოაკვდინოთ იგი. ესე დედაკაცი არს დედა ყრმისა“.

ამ დღიდან ისრაელიტელებს დიდი შიში და კრძალვა ჰქონდათ მეფისა, რადგან დარწმუნდნენ, რომ მის სიბრძნეს არაფერი დაემალებოდა.

სოლომონი – ნიჭიერი მმართველი.

სოლომონმა მემკვიდრეობით მიიღო ძლიერი და მდიდარი სახელმწიფო, სადაც ხალსი მშვიდობიანად და უზრუნველად ცხოვრობდა. დაბყრობილი მეზობელი ხალხებისაგან ისრაელს საფრთხე უკვე აღარ ელოდა. ტვიროსის მდიდარ მეფესთან ქირამთან ისრაელს ჯერ კიდევ საულის დროს ჰქონდა დადებული მეგობრობის ხელშეკრულება. ახალგაზრდა მეფემ სოლომონმა დიპლომატიური გამარჯვება მოიპოვა იმით, რომ ფარაონის ასული შეირთო ცოლად და მზითევში ფილისტიმელთა მიერ მიტაცებული ქალაქი გეზერი მიიღო. ეგვიპტის დინასტიასთან დანათესავებამ უზრუნველყო ისრაელის სამხრეთ საზღვრების უშიშროება და ქვეყნის პოლიტიკური ძლიერების განმტკიცება. ებრაელ ტომებს, უსსოვარი დროიდან ბრძოლასა და შფოთში ყოფნის შემდეგ, ახლა პირველად შეეძლოთ ეცხოვრათ და ეშრომათ მშვიდობიანად და დაუბრკოლებლად. თაობიდან თაობას გადაეცა ხსოვნა ამ ნეტარ დროზე. ერთ-ერთი მემატიანე შემდეგ ჩაიწერს: „და იჯდა იუდა და ისრაელი მშვიდობით დანიტგან, ვიდრე ბერშებამდე, ყოველი კაცი ვენახსა თვისსა თანა და ღვინოსა თვისსა ქვეშე ყოველთა დღეთა სოლომონისთა“.

სოლომონი მშვენიერი ადმინისტრატორიც გამოდგა. ყველა უმაღლესი თანამდებობა თავის მომხრეებსა და მეგობრებს დაუნაწილა. ამგვარად, საიმედო, მეფისთვის თავდადებულ ადამიანთა ხელში აღმოჩნდა კანცლერის, მთავარსარდლის, მეფის პირადი გვარდიის უფროსის, მწერლების, მღვივნებისა და მთავარი მებაჟის თანამდებობები.

მწარე გამოცდილებამ ჭკუა ასწავლა სოლომონს. იგი ისრაელიტელთა ტომების დასუსტებით თავისი ხელისუფლების განმტკიცებას ცდილობდა. ამისათვის მან ქვეყანა დავო თორმეტ ადმინისტრაციულ ოლქად, რომელთა საზღვრები მხოლოდ ნაწილობრივ ემთხვეოდა ცალკეული ტომების ტერიტორიებს.

თითოეული ოლქის სათავეში დასვა თავისი ნაცვალი და გარნიზონის უფროსი. თითოეული ოლქი, რიგრიგობით, ყოველ წელს ერთი თვის განმავლობაში ამარაგებდა სურსათით სამეფო კარსა და არმიას.

არმიამაც დიდი რეორგანიზაცია განიცადა. დაეთოს, როგორც ცნობილია, მხოლოდ ქვეითი ჯარი სწამდა, თვითონ კი ვირით მგზავრობდა. ამგვარად, სოლომონმა მემკვიდრეობით მიიღო მოძველებული არმია, რომელიც არ შეეფერებოდა ეპოქის მოთხოვნებს. ისრაელიტელები ძველთაგანვე ეჭვის თვალით უყურებდნენ ცხენოსან ჯარს. სოლომონი არ აპყვა ძველი წესების მომხრეთ და შექმნა ცხენოსანთა მძლავრი კორპუსი, რომელიც თოთხმეტი ათას საომარ ეტლს აერთიანებდა. სოლომონმა სიახლე შეიტანა არმიულ აღალშიც. მას ოთხთვალეები და ცხენების საზიდრები დაუმატა. გარდა ამისა, ისრაელის მთელ რიგ ქალაქებში ააგო საჯინიბოები. ყველაზე დიდი საჯინიბოები იყო მეგილოში, სადაც ახალი ცხენოსანი ჯარის უდიდესი რაზმიც იდგა. ქერი და ბზე ცხენებისთვის აღმინისტრაციულ ოლქებს მოჰქონდათ რიგრიგობით.

ამ სიახლეთა წყალობით ისრაელის სახელმწიფოს ძლიერება განმტკიცდა, სოლომონს კი დიდი ბრძენის სახელი გაუვარდა.

სოლომონი აბებს ტაძარს. თავისი მეფობის მეოთხე წელს სოლომონმა გადაწყვიტა, აღესრულებინა მამის უკანასკნელი სურვილი და იერუსალიმში აღემართა დიდებული მონარქის საკადრისი ტაძარი. მას არც კარგი ხის მასალა გააჩნდა და არც დახელოვნებული მშენებელი ოსტატები ჰყავდა, ამიტომ დახმარებისათვის მიმართა ტვიროსის მეფეს ქირამს. მალე ხელშეკრულებაც დაიდო. ქირამმა სოლომონი მოამარაგა კედრითა და კვიპაროსით. მასალა იაფამდე ზღვით მოჰქონდათ, აქედან კი ისრაელიტელები ტვირთს ზურგით ეზიდებოდნენ იერუსალიმში. ლიბანის მთებში ტყის ჭრის დასაჩქარებლად სოლომონმა აღონირამს უბრძანა, ქანაანიდან იძულებით წამოყვანილი მუშებისაგან შეექმნა არმია. იგი ოცდაათი ათასი კაცისაგან შედგებოდა და იყოფოდა ათიათასიან ჯგუფებად. ეს ჯგუფები რიგრიგობით მიდიოდნენ ტვიროსში რამდენიმე თვით, ეხმარებოდნენ ფინიკიელებს ხეების ჭრასა და ტივების შეკვრაში.

მეფე ქირამმა ისრაელში გამოგზავნა საუკეთესო ოსტატები. მათი უფროსი იყო უბადლო ოსტატი, რომელსაც აგრეთვე ქირამი ერქვა. ქირამი ოქრომჭედელი იყო. იცოდა ოქროს, ვერცხლის, ბრინჯაოს ჩამოსხმაცა და ჭედვაც.

სამშენებლო მასალების სანაცვლოდ სოლომონმა იკისრა ფო-

ველწლიური გადასახადი: რცი ათასი საწყაო ხორბალი, ღვინო და საუკეთესო ზეთუნის ზეთი. ამავე დროს ისრაელში შეიქმნა მუშათა არმია, რომელსაც იძულებით ამუშავებდნენ მშენებლობაზე. არმიაში შედიოდნენ მხოლოდ ისრაელიტელთა მიერ დამონებული ქანაახელები. მუშათა არმია ას ორმოცდაათი ათასი კაცისაგან შედგებოდა. ოთხმოცი ათასი ქვას ათლიდა იორდანის იქეთა მთებში, დანარჩენს კი გათლილი ქვა გადმოჰქონდა იერუსალიმის სამშენებლო მოვლანზე. მათ ხელმძღვანელობდა სამი ათას სამასი ისრაელიტელი ზედახედველი.

ტაძარს ამენებდნენ ოფელის ბორცვზე, რომელსაც მწვერვალი წაჰკვეთეს და მოასწორეს. ამოვლანს გასაფართოებლად შემოაყლეს გათლილი ქვის ლოდების ვერტიკალური კედელი. ლოდები ერთმანეთზე კალით დაადუღეს. ტაძრის მენებას შვიდ წელზე მეტი დრო მოანდომეს. ბორცვის მწვერვალისაკენ მიდიოდა გზა, რომლითაც გარე ეზოში შედიოდნენ, აქ ყოველთვის ირეოდნენ იერუსალიმის მცხოვრებლები და ქანაანიდან მოსული მლოცველები. მეორე კედელი ვრცეა. შიდა ეზოს რელიგიური წესების აღსასრულებელ ძირითად ადგილს ეზოს შუაგულში იდგა სამსხვერპლო, რომელზედაც მარადიული ცეცხლი ენთო. მის გვერდით იყო „სპილენძის ზღვა“ — წყლით სავსე სპილენძის ცისტერნა შესაწირავი ცხოველების განსაბანად. ეს ვეებერთელა ჭურჭელი, რომელიც ქირამა იორდანის გადაღმა მთებში ჩამოასხმევინა, სპილენძის თორმეტ ხარზე იდგა. მათგან სამს ჩრდილოეთისკენ, მქონდა პირი, სამს — დასავლეთისკენ, სამს — სამხრეთისკენ და სამს — აღმოსავლეთისაკენ. გარდა ამისა, ეზოში იდგა სპილენძისაგან ჩამოსხმული ათი ბორბლიანი ურიკა წყლის გადასახადად.

ტაძარი მომცრო ზომისა იყო. სულ ოცდაათერთმეტი მეტრის სიგრძისა და ათნახევარი მეტრის სიგანისა. ორ გვერდით და ერთ უკანა კედელს ეკვროდა სამი ნაგებობა. ამ შენობებში ცხოვრობდნენ ქურუმები. აქვე იყო პატარ-პატარა სახლები, საკუჭნაოები და სხვა. ტაძრის შიდა ნაწილი სამად იყოფოდა: კარიბჭე, მთავარი დარბაზი და წმიდათაწმიდა. სამლოცველო — პატარა, უსარკმლო ნაგებობა, სადაც იღუმალ სიბნელეში განსვენებდა შჯულის კიდობანი. აქ შესვლის უფლება მქონდა მართო უზენაეს ქურუმს და ისიც წელიწადში ერთხელ.

კარიბჭის შესასვლელის ორივე მხარეზე ცადა აზნდულიყო სპილენძის თორმეტმეტრიანი სვეტები შესანიშნავად ნაჩუქურთმევი გვირგვინებით — ძალისა და სიდიადის მისტიკური, სიმბოლოებით.

სამივე ნაგებობა სიმიდრიოზა და დიდებულებით აოცებდა ადამიანს. კედლები და ჭურვი კედარის ხით იყო მოპირკეთებულნი. იატაკი კვიპაროსის გაპრიალებული ფიცრისა მქონდა, ქე-

რუბიმების, პალმებისა და ვეავეილების შარელიეფებით შემკული პანელები ოქროსფრად ბრწყინავდნენ. ცენტრალურ დარბაზში იღვა პურის შესაწირავად განკუთვნილი კედრის ხის მოოქრული მაგიდა, ოქროსაგან ჩამოსხმული საკურთხეველი საკმეველის საკმეველად, ათი ოქროს შანღალი და სხვა ჭურჭელი. თაღის ქვეშ გამოყვანილი სარკმლებიდან დარბაზში მკრთალი ნათელი შედიოდა. აქ ქურუმები საკმეველს აკმევენ, პურს სწირავდნენ და თვალყურს ადევნებდნენ, რომ შანღლებში სანთლები არასოდეს ჩამქრალიყო.

წმიდათაწმიდა სალოცავი მოოქრული კედრის ხის კედლის უკან იყო. ქერუბიმებით დამშვენებული ჭედური კარები მუდამ ღიად რჩებოდა, მაგრამ შესასვლელს ფარავდა ქერუბიმებით, ვეავეილებითა და პალმებით მდიდრულად მოქარველი ტილოს ყვარდა. ფარდის მიღმა სიბნელეში იღვა სჯულის კილობანი. შიგ ილო ქვის ორი ფიცარი, რომელზედაც მოსემ იაპვეს მცნებები დაწერა. კილობანს იცავდა ზეთისხილის ხისაგან გამოთლილი, სქელი ოქროფურცლით დაფარული ვეებერთელა ფიგურა ქერუბიმებისა. მათი გაშლილი ფრთები ერთმანეთს ეხებოდა, მეორე მხარეს კი ტაძრის ორ მოპირდაპირე კედელს სწვდებოდა.

მშენებლობის დასასრულს, როცა სჯულის კილობანი ტაძარში დადგეს, დავითმა დიდი ზეიმი გამართა. კიდევ უფრო აღრე მან შექმნა ქურუმთა კასტა. მისი ბრძანებით, ოცდათექვსმეტ ათას ლევიტელთაგან ოცდაათხი ათასმა მიიღო ქურუმის წოდება, დანარჩენებს კი მცველის, მწერლის, მოსამართლისა და მგალობლის თანამდებობები აკმარებინეს. აპრონის შთამომავლებმა რომელთა წარმომადგენელიც საღოკი იყო, ხელთ აგდეს მონოპოლია უზენაესი ქურუმის თანამდებობაზე.

ზეიმზე ხალხით აივსო გარე ეზო, შიდა ეზოში კი ამ დროს კილობნის კურთხევისა და დადგმის ცერემონია მიმდინარეობდა. სამსხვერპლოს ირგვლივ შეიყარნენ ისრაელიტელ ტომთა უხუცესნი, ტილოს თეთრსამოსიანი ქურუმები, სამეფო კარის დიდებულები, მგალობლები, მუსიკოსები ქნარებითა და წინწილებით და ას ოცი ქურუმი ნესტეებით. სოლომონი, შემკული მუწამული, მდიდრულად ნაქარგი წამოსასხამითა და სამეფო გვირგვინით, ტახტზე იჯდა. უკან რიგით იღვა მეფის პირადი გვარდიის ხუთასი მხედარი. მათ ხელთ ეყვრათ ბაჯალლო ოქროს ფარები. ზეიმის დასაწყისში იმდენი მსხვერპლი შეწირეს, რომ მისი დათვლა შეუძლებელი გახდა. ყოვლადდასაწველს — სამსხვერპლოზე მიტანილ სორცს — ცეცხლი წაეკიდა და ტაძარში ზრაკის ხუნი დადგა. დამწვარმა სორცმა კვამლი აუშვა, საყვირებმა იჭექეს და ლევიტელებმა მხრებზე დადგმული შემოიტანეს სჯულის კილობანი. მისი ოქროსფერი ელვარებით აღტაცებულმა მგალობლებმა ქნარებისა და წინწილების სმაზე დაიჯუ-

გუნეს ჰიპნოზი, რომლის შინაარსიც ისეთივე იყო, როგორიც მოგვიანებით შექმნილი ოცდამეხუთე ფსალმუნისა:

„განიხარეთ, ბჰენო,
განიხარეთ, ბჰენო საუკუნენო,
მოვალს მეუფე დიდებისა!“

აქ გუნდი ორ ჯგუფად გაიყო და დაიწყო შემდეგი სტროფი
„ვინ არს იგი, მეუფე დიდებისა?“

მეორე ჯგუფმა კი ხმაძაღლა, მხიარულად მიუგო:

„მეუფე ძლიერი და მტკიცე,
უფალი, ძლიერი ბრძოლასა შინა“.

კითხვა-პასუხი მანამდე გრძელდებოდა, სანამ ოქროს კილო-ბანი თავის ადგილზე არ დადგეს. მოქარგული ფარდა დაეშვა და მას შემდეგ უზუნაესი ქურუმის გარდა კიდობნის ხილვის ნება აღარავის ჰქონდა.

სოლომონი ტახტიდან წამოდგა და ზეცისაკენ ხელაპყრო-ბილმა დალაღყო:

„უფალო, შევიყვარე საყოფელი სახლისა შენისა,
და ადგილი სამკვიდრებელი დიდებისა შენისა!“

ჩამოვარდა სიჩუმე. ყველა მოწიწებით უგდებდა ყურს მეფის ხმას. სოლომონი დადუმდა, თითქოს საკუთარი სიტყვების გამო-ძახილს უსმენსო, შემდეგ კი მდაბალი ლოცვა აღუეღინა იაკ-გეს, — შესთხოვა — ისრაელს მოწყალებას ნუ მოაკლებო.

დაიწყო თოთხმეტდღიანი დღესასწაული. მთელი ქვეყანა მხიარულობდა და ღრეობდა. ამ დღეებში სამსხვერპლოზე და-წვეს ოცდაორი ათასი ხარი და ასოცი ათასი ცხვარი. ისრაელში არ დარჩენილა ადამიანი, რომელსაც მონაწილეობა არ მიეღოს ამ გრანდიოზულ მსხვერპლის შეწირვაში და თითო ხარი ან ცხვარი მაინც არ გაეღოს.

სოლომონის სიძლიერა. სოლომონმა მარტო ტაძრის აშენება არ იკმარა. მომდევნო ცამეტი წელი მან სამშენებლო საქმეს შეაღია. იგი ცდილობდა, გაემლიერებინა ქვეყნის თავ-დაცვისუნარიანობა და თავისთვის ღირსეული სამეფო რეზი-დენცია შეექმნა.

სახალისი კომპლექსი ზედ გვეროდა ტაძრის შიდა ეზოს. იგი ხამი შენობისაგან შედგებოდა. საკუთრად მეფის რეზიდენციას ორი ფრთა ჰქონდა ერთი სოლომონსა და მის ძარაძანას ეკავა; მეორე კა, რომელიც ფარაონის მოთხოვნით ააგეს, განკუთვნი-

ლი იყო ეგვიპტელი მთავრის ამაყი ასულისა და მისი მრავალრიცხოვანი აძალისათვის. ხალხის თავყრილობისა და დიდი სახელმწიფოებრივი დღესასწაულებისათვის გამოყოფილი იყო „ლიბანის სახლი“. ეს იყო ვეებერთელა დარბაზი, რომლის ჭყრიც ლიბანის კედრის ორმოცდახუთ სექტს ეყრდნობოდა. მეორე დარბაზში შეფეს სამსჯავრო ჰქონდა, აქვე იღებდა უცხოელ ელჩებს. აქ ამადლებულ ადგილზე იდგა სპილოს ძეგლის მოიქრული ტახტი.

საზღვრებისა და მთავარი სავაჭრო გზების დასაცავად სოლომონი ქალაქთა მისადგომებს ამაგრებდა და ახალ ციხესიმაგრეებს აგებდა. მაგალითად: ჩრდილოეთის ქალაქებს ასორსა და შევიდოს და ქვეყნის შუაგულში მდებარე გეზერს, ბეთორონსა და ბალათს მაგარი გალავნები შემოარტყა და ქალაქების გარშემო კოშკები ააგო. ამ ციხესიმაგრეებში ცხენოსანი და ქვეითი ჯარის რაზმები საბრძოლოდ მუდამ მზად იყვნენ.

შეიარაღებისა, მშენებლობისა და ფუფუნების საგნებისათვის გადებულ დიდ ხარჯებს სოლომონი ფარავდა იმ შემოსავლით, რომელიც უწყვეტ ნაკადად მოედინებოდა სხვადასხვა წყაროებიდან. ისრაელიტელებისაგან მიღებულ ნატურალურ ბეგარაზე რომ აღარაფერი ვთქვათ, გადასახადები, სავაჭრო ბაჟები და ვასალების სარკი მას ყოველწლიურად ექვსას სამოცდა ექვს ტალანტს, ანუ ოცდაორი ათას რვაას ოცდახუთ კილოგრამ ოქროს აძლევდა.

სოლომონი ვაჭრობაშიც მარჯვე გამოდგა. მას გაცხოველებული აღებ-მიცემობა ჰქონდა მეზობელ სახელმწიფოებთან. იგი კილიკიაში ყიდულობდა ცხენებს და მესოპოტამიაში და ეგვიპტეში ყიდდა. ეგვიპტიდან კი მოჰქონდა საუკეთესო საომარი ეტლები სხვა ქვეყნებში გასაყიდად. გარდა ამისა, სოლომონმა ხელი მიჰყო ძალზე სარფიან საზღვაო ვაჭრობას. ისრაელიტელებმა გემთმშენებლობისა და ზღვაოსნობისა არა იცოდნენ რა. სოლომონმა ამჯერადაც ქირამს სთხოვა დახმარებოდა და აქაბის ყურეში ააგო პორტი ესიონ-გებერი. აქედან ყოველ სამ წელიწადში ერთხელ მისი ფლოტი მიემართებოდა იღუმალებით მოცული ოფირის ქვეყნისაკენ. სპილენძის მადნის სანაცვლოდ, რომელსაც ისრაელის საბადოებში იღებდნენ და საგანგებო ღუმელებში ადნობდნენ, სოლომონის გემებს მოჰქონდათ ძვირფასი საქონელი: ოქრო, ვერცხლი, სპილოს ძვალი, სანდალოზის ხე; მოჰყავდათ მაიმუნები და ფარშავანგები. მეფემ ბრძანა, მის სახსლეში სანდალოზის ზისაგან გაეკეთებინათ კიბეები და მოაჯირი.

მაგრამ მთელი ეს სიმდიდრე არ კმაროდა მშენებლობის, შეიარაღებისა და მეფის სასახლის ფუფუნების ხარჯების დასაფარავად. სოლომონმა ქირამისაგან ისესხა ას ოცი ტალანტი

ოქრო და გირაოდ გალიღვის ოცი ქალაქი: მისცა. ტვიროსის მფეემ დაათვალიერა ეს ქალაქები და დაასკვნა, რომ გარიგება ხელს არ აძლევდა, რადგან დიდი ხარკით წელში გასწვრილ ქალაქებს სიღარიბეში ხდებოდათ ხული.

იბრ

შეზას დედოფალი. სოლომონის სიბრძნისა და მისა ხასახლის ბრწყინვალეობის ამბავი მთელ მსოფლიოს მოედო. შეზას დედოფალმაც მოჰკრა ყური ამ სმებს. მან გადაწყვიტა, წახულიყო იერუსალიმს და თვითონ დარწმუნებულიყო, რამდენად მართალი იყო ეს მითქმა-მოთქმა.

დედოფლის შესვლა იერუსალიმში ჭეშმარიტად დიდებული ხანახაობა განსდდათ. ოქროთი შემკულ ჭრელყაჯრებიან აქლემების გრძელ ქარავანს მოჰყავდა უდაბნოს მრისხანე მეომრები, ხამფოთ კარის დიდებულები, ქალები; მოჰქონდათ ურიცხვი ხანუქარი: ოქრო, ძვირფასეულობა და სუნნელი. დედოფალი დაბრძანებულიყო ტახტრევანზე, რომელიც აქლემზე ისე ირწოვდა, როგორც გემი ზღვის ტალღებზე. მოწვეულითა და ოქროთი შემოსილი სოლომონი სეფე დარბაზში დახვდა დედოფალს. ამ ეგზოტიკური ქალის დანახვისთანავე სოლომონი ტასტიდან წამოიჭრა და დედოფალს შეეგება. მან თვალი ვერ მოსწვვიტა დედოფლის ნატიფ ფიგურას, თხელ, ოქრომკედით ნაკერ კაბაში რომ გამოსჭვიოდა.

მეფე მოხიბლა მისმა შავგვრემანმა, ნაზი ნაკვთების მქონე; ხანემ, ფარული ცეცხლით ანთებულმა დიდმა შავმა თვალებმა ფარშავანგის ბოლოსავით გადმოუშალა მან, დედოფალს მთელი თავისი სიბრძნე და სიმდიდრე. საათობით ესაუბრებოდა მას, პასუხს აძლევდა შეკითხვებზე და უძვირფასეს რჩევა-დარიგებას არ აკლებდა. შეზას დედოფალი დარწმუნდა სოლომონის სიბრძნესა და სიმდიდრეში. იგი განაცვიფრა ხასახლის არნახულმა ბრწყინვალეობამ, კედარის ხისკედლებიანმა დარბაზებმა, ძვირფასმა ფარდებმა, სპილოს ძეღის მოვარაყებულმა ტახტებმა და ოქროს ჭურჭლის უანგარიშო სიმრავლემ. ერთ-ერთი საუბრის დროს აღელვებულმა ქალმა უთხრა მეფეს: „ჭეშმარიტყო სიტყვა, რომელი მესმა ქვეყანასა ჩემსა საქმეთა, შენთათვის და სიბრძნისა შენისათვის. და არა მრწმენა მთხრობელთა მათ, ვიდრე არა მოვედ და ვიხილე თვალითა ჩემითა და აჰა, ნახევართი არა იყო, რომელსა მითხრობდეს. ჰმატებს სიბრძნე და სიმდიდრე შენი ყოველსა მას, რომელი მესმა მე“.

გამოთხოვებისას შეზას დედოფალმა სოლომონს უძღვნა ფასდაუდებელი განძი; კერძოდ, ას ოცი ტალანტი ოქრო. მეფემაც არანაკლები საჩუქრებით გაისტუმრა იგი.

სოლომონის პარამხანა და უცხო ღმერთები.

სოლომონს სხვა მეფეებივით თავის პარამხანაში მოჰყავდა სხვა-დასხვა: ტომებისა და ხარწმუნოების ქალები: ეგვიპტელები, მობელები, ამონელები, ილუმიელები, სიდონელები და ხეთები. ვაი, რომ შებერებული მეფე ერთობ იოლად ექცეოდა თავისი ფაფორი-ტი ქალების გავლენის ქვეშ. მათ შემოადებინეს სოლომონს იერუსალიმში უცხო ღმერთების კულტი. მათ პატივსაცემად ბრძენმა მეფემ იაჰვეს ტაძრის ეზოშიც კი შესწირა მსხვერპლი. გარდა ამისა, მან ცალ-ცალკე აუგო ტაძარი ასტარტეს, ბაალს, მოლოქსა და მოაბელთა ღმერთს ქამისს.

იაჰვე განურისხდა სოლომონს და გადაწვიტა, მისი ქვეყანა ორ დამოუკიდებელ სახელმწიფოდ გაეთიშა.

არეულობის პირველი ნიშანი იყო აჯანყება ილუქეაში. ამბოსებას სათავეში უდგა ადადი — ილუქეის სამეფო საგვარეულოს წარმომადგენელი. ადადი დამარცხდა და გაიქცა ეგვიპტეში, სადაც ფარაონმა არა მარტო შეიფარა იგი, არამედ თავისი ასულიც მიათხოვა. ფარაონს ეშინოდა ისრაელის ძლიერებისა, ამიტომ გადაწვიტა, მხარი დაეჭირა მისი მტრებისათვის და, რაღაც უნდა დასჯდომოდა, დაესუსტებინა იგი.

მეორე დარტყმა სოლომონს სუბის მეფის ადრაზარის ყოფილმა მხედართმთავარმა რაზონმა აკემა. მან მეფის სამსახური მიატოვა და დიდი ზნის განმავლობაში ავსაკთა ბანდას მეთაურობდა; რაზონმა დრო იხელთა და თავს დაესხა დამასკოს, განადგურა იქ მყოფი ისრაელიტელთა გარნიზონი და თავი მეფედ გამოაცხადა. ამგვარად, სოლომონმა დაკარგა სირია. იგი უკვე მოხუცი იყო და ვერ შეძლო ამბოხების ჩახშობა იარაღით. ამ დროიდან დამასკოს გამგებელნი გამუდმებით ესხმოდნენ თავს ისრაელის ჩრდილოეთ საზღვრებს.

მაგრამ ყველაზე უარესი ის იყო, რომ ჩრდილოეთისათვის ტომს შორის უკმაყოფილებამ იმატა. დიდმა გადასახადებმა და იძულებითმა შრომამ ხელახლა გააღვივა შური იუდას ტომთა მიმართ, ამან კი აჯანყება გამოიწვია. მისი წამომწყები იყო ჩრდილოელი მეზვერე — ხარკის ამკრეფი იერობოამი. თავის ტომის წარმომადგენელთა შეწყურე იერობოამი სოლომონის მოწინააღმდეგე წინასწარმეტყველმა აქიამ ადვილად გადაიბირა თავის მხარეზე. იერობოამმა ხალხი ააჯანყა, მაგრამ ძალე დამარცხდა და ეგვიპტეში გაიქცა, სადაც იგი ადადის მსგავსად ფარაონმა შეიხიზნა.

სოლომონი გარდაიცვალა ორმოცი წლის მეფობის შემდეგ. იგი იერუსალიმში დაკრძალეს. ტახტზე ავიდა მისი ვაჟი რობოამი.

სივართლე და ლეგინდა ისრაელის სამეფოს შემქმნელთა შესახებ

ისრაელის ისტორიის ყველაზე ბრწყინვალე პერიოდი ემთხვევა ძველი წელთაღრიცხვის 1040—932 წლებს; მაშასადამე, იგი ას წელზე ცოტა მეტ ხანს გრძელდება. ამას რომ დაემატოთ მოსეს შემდეგ ყველაზე დიდი წინასწარმეტყველისა და მონარქიის ფაქტიური ფუძემდებლის სამოელის მმართველობის წლები, დიდი-დიდი, საუკუნენახევარი გამოვა. დროის რა უმნიშვნელო მონაკვეთია ისრაელის მთელ ისტორიასთან შედარებით!

გაერთიანებული სახელმწიფოს ეპოქა — არსებითად, არის მმართველობის ხანა სამი ისრაელიტელი მეფისა: საულისა (ძვ. წ. 1040—1012 წლები), დავითისა (ძვ. წ. 1012—972 წლები) და სოლომონისა (ძვ. წ. 972—932 წლები). ძველი წელთაღრიცხვის 932 წელს სახელმწიფოს გამოეყო ათი ჩრდილოელი ტომი, რის შედეგადაც წარმოიქმნა ერთმანეთისადმი მტრულად განწყობილი ორი სამეფო: იუდეა და ისრაელი.

თითქმის ყველა ცნობა ამ ეპოქის შესახებ ამოკრეფილია ბიბლიიდან, უფრო სწორად, მეფეთა **ჯგუფი** და მატთანეთა ორი წიგნიდან, რომლებსაც პარალიპომონის უწოდებენ.¹ ეს ბერძნული სიტყვა „უყურადღებოდ დატოვებულს“ ნიშნავს, რადგან ბიბლიის ბერძენი მთარგმნელები შეცდომით ფიქრობდნენ, რომ მატთანეთა წიგნები შეიცავდნენ აღრიხდელ წიგნებში გამოტოვებულ ცნობებს.

ბიბლიის მკვლევარნი სხვადასხვა აზრისა არიან ამ წიგნთა შექმნის დროის შესახებ. დიდხანს მიაჩნდათ, რომ მეფეთა წიგნების ავტორები იყვნენ მეფე სოლომონი და წინასწარმეტყველები გადი და ნათანი. თალმუდის თანახმად, ამ წიგნების ავტორია იერემია წინასწარმეტყველი. ამ შეხედულებას ბიბლიის ზოგიერთი მკვლევარიც იზიარებს.

მატიანეთა წიგნები, როგორც ჩანს, შეიქმნა ძველი წელთაღ-

¹ ქართულად მათ ნუსხთა წიგნები ეწოდება (რედ).

რიცხვის IV საუკუნის მეორე ნახევარში. ამაზე მეტყველებს, კერძოდ, არამეიზმების სიმრავლე მათ ენაში.

ერთი რამ უეჭველია: ტექსტის საბოლოო ვარიანტის ავტორები იყვნენ გადაძვერი ქურუმები, რომლებიც მეფე ოსიას (ძვ. წ. 640—609) მიერ გატარებულ რელიგიურ რეფორმებს ემხრობოდნენ. ამას მოწმობს მკვეთრად გამოხატული მისწრაფება ყველა ისტორიული მოვლენის თეოკრატიული სულისკვეთებით შეფასებისა. ბიბლიის შემდგენელთა აზრით, მეფეთა უპირველესი მოვალეობა იყო ღმერთ იაჰვეს სამსახური და უზენაეს ქურუმებისადმი მორჩილება. მთელი მათი მოღვაწეობის ავად თუ კარგად მიჩნევა მთლიანად იმაზეა დამოკიდებული, თუ რამდენად ასრულებდნენ ისინი ამ მოთხოვნებს.

საულს კონფლიქტი ჰქონდა უზენაეს ქურუმ სამოელთან და ამის გამო შემდგენლებს მაინცდამაინც თვალში არ მოსდით იგა. სამაგიეროდ, ქურუმთა წოდების ერთგული მეგობრის, დავითისათვის არაფერი ეშურებათ. ისინი ცდილობენ, დავითის ზოგიერთი დანაშაული გარემოებათა საბედისწერო დამთხვევის შედეგად მოგვარდნონ, ზოგს კი რელიგიური მოსაზრებებით აპართლებენ. აი, მაგალითიც: მათი სიტყვით, საულის შეიდი შთამომავალი დავითს იაჰვეს პირდაპირი მითითებით გაუნადგურებია.

ამ ეპოქის ისტორია დაიწერა ძალიან დიდი ხნის შემდეგ. მისი ერთი ნაწილი კი რამდენიმე საუკუნის შემდეგ იქნა აღწერილი. ამიტომ, რა თქმა უნდა, ბიბლიის ზემოთ ჩამოთვლილ წიგნებში მოთხრობილ ამბებში ყველაფერი როდია ჭეშმარიტი და მართალი. მიუხედავად ამისა, ამ წიგნებში მაინც ბევრია ისეთი ცნობა, რომელიც ისტორიულ სინამდვილედ შეიძლება მივიჩნიოთ. უპირველეს ყოვლისა, ეს ეხება იმ მოვლენებს, რომლებიც აღწერილია დაწერილებით, უპირავე, საოცრად რეალისტური, მკვეთრი და დრამატული დეტალებით. ასეთი აღწერა კი უტყუარი ფაქტების გადმოცემისას ხდება ხოლმე.

ბიბლიის შემდგენლებს არ მიუჩუმათებიათ მთელი რიგი მოქმედებანი და დანაშაულებანი, რომელთა ხსენება თავს ლაფს ასხამდა ნაციონალურ გმირებს — დავითს თუ სოლომონს. ეს ფაქტი კი ადასტურებს, რომ შემდგენლებს ხელთ უნდა ჰქონოდათ რაღაც უტყუარი ისტორიული წყაროები. ამასთან ერთად, ცხადია, მათ სულაც არ ამოძრავებდათ მიუკერძოებელი ისტორიული ობიექტურობის იდეა. ასეთი ცნებები სრულიად უცხო იყო იმ ეპოქის ადამიანებისათვის. ალბათ შემდგენლებმა ამ სახირცხო ფაქტებს იმიტომ ვერ აუარეს გვერდი, რომ ხალხი მათ ძალიან კარგად იცნობდა. საულის შთამომავალთა განადგურება, თუ სოლომონის კერპთაყვანისმცემლობა იერუსალიმში უთუოდ მრავალ თაობას დაამახსოვრდა.

საბოლოოდ მაინც მოხერხდა მრავალი ლეგენდიდან, მითი-

დან და ხალხური გადმოცემიდან ზოგიერთი ძირითადი ფაქტის გამოწველია. ამ ფაქტებმა შეგვაძლებინა (ნაწილობრივ-მანისც) ისრაელიტელი ხალხის მაშინდელი ცხოვრების ნამდვილი სურათის აღდგენა.

მეფეთა პირველი წიგნი მღვდელთმთავარ ელისა და მის შვილების მოკლე, მაგრამ ძალზე დრამატული ბიოგრაფიით იწყება. რამდენი სიმართლეა ამ ტრაგიკულ სახეში! შონი, ზემეტ სითამამეში არ ჩამოგვართმევს, თუ დავუშვებთ ვარაუდს, რომ მღვდელთმთავარი ელი ნამდვილად არსებობდა. ეს იყო კაცი, რომელსაც ღვთისმოსაობით ისრაელიტელი ტომების პატივისცემა ჰქონდა დამსახურებული.

ქვეყნის შინაგანი პოლიტიკური ურთიერთობანი ელისათვის ძალზე ხელსაყრელად წარიმართა. ისრაელის რელიგიური დედაქალაქი — ხელომი მდებარეობდა ეფრემის მრავალრიცხოვანი და ძლიერი ტომის ტერიტორიაზე. ამასთანავე, ეს ტერიტორია ქვეყნის ცენტრში იყო და, მაშასადამე, მტრის შემოსევებისაგან თავისუფალი იყო, მაშინ, როცა ჩრდილოეთში, აღმოსავლეთსა და სამხრეთში მცხოვრები ტომები იძულებულნი იყვნენ, თავანწირული წინააღმდეგობა გაეწიათ მეზობელი ხალხების შემოტევისათვის. იუდას ტომი, რომელიც ისრაელში თავისი გავლენის დამკვიდრებისათვის ძველთაგანვე ებრძოდა ეფრემის ტომს, ფილისტიმელთა გამგებლობაში მოექცა და დროებით დაკარგა პოლიტიკური როლი.

აქედან იწყება ეფრემის ტომის ჰეგემონია, რომლის შედეგად იყო საერო და რელიგიური ხელისუფლების თავმოყრა უზენაესი ქურუმის ელის ხელში.

მოსეს გარდაცვალების შემდეგ პირველად განხორციელდა იაკებს შიმდეუართა სანუკვარი ოცნება: ისრაელში თეოკრატიული რეჟიმი დამკვიდრდა. მაგრამ ცალკეული პიროვნების მორალურ ავტორიტეტზე დაყრდნობული რეჟიმი მტკიცე ვერ იქნებოდა. ელიმ იცოდა, ეს, ამიტომაც ცდილობდა მიეღწია იმისათვის, რომ უზენაესი ქურუმის თანამდებობა მემკვიდრეობით გადასცემოდა მის ოჯახს. მას გეგმები ჩაუფუშეს შვილებმა, რომელთა გარყვნილობამ და უპატიოსნებამ ხალხი აამხედრა თვით ელი კი ძალზე მოხუცი იყო და შვილებთან ბრძოლის თავი აღარ ჰქონდა.

მისი ოჯახის გავლენის დაცემასა და სჯულის კიდობნის დაკარგვას შეიძლებოდა თეოკრატიის საბოლოო განადგურება მოჰყოლოდა, რომ იგი კვლავ არ გაემლიერებინა წინასწარმეტყველ სამოელს.

მეფეთა წიგნები ღრმელით უვლიან გვერდს აფეთქან ისრაელიტელთა დამარცხების სამხედრო და პოლიტიკურ შედეგებს. მაგრამ ზოგიერთი შენიშვნების მიხედვით, რომლებიც ბიბლიის

სხვა წიგნებში გვხვდება, შეიძლება დავასკვნათ, რომ გამარჯვებულია ფილისტიმელებმა მთელს ისრაელში დაიწყეს პარპაშ. ქვეყნის მთელი ცენტრალური ნაწილი მათ კონტროლქვეშ იმყოფებოდა. ისრაელის მრავალ ქალაქში ფილისტიმელთა რაზმები იდგნენ. ეს მდგომარეობა ოც წელს გრძელდებოდა, სანამ ისტორიის ასპარეზზე მეფე საული არ გამოჩნდა.

ნიშანდობლივია ისიც, რომ ბიბლიის შემდგენლებს მეფეთა წიგნებში კრინტიც არ დაუძრავთ ისრაელის მაშინდელი დედაქალაქისა სელომის ბედის შესახებ. დაკვირვებული მკითხველი ყურადღებას მიაქცევს საოცარ ფაქტს: ელის შემცველი წინასწარმეტყველი სამოელი არ დამკვიდრებულა წმინდა ქალაქში, სადაც მოხეს კარავი და სჯულის კიდობანი იყო. იგი რამათაიმში გადაბარგდა.

რა ბედი ეწია სელომს? ამ კითხვაზე არაპირდაპირ პასუხს ვხვდებით იერემია წინასწარმეტყველის წიგნში; სადაც ნათქვამია: „მივედით ადგილსა ჩემსა სელომს, სადა დაუამკვიდრე სახელი ჩემი პირველად და იხილეთ. რა უყავ მას პირისაგან უკეთურებისა. ერისა ჩემისა ისრაელისა.“ (წინასწარმეტყველება იერემიასი, თ. 7; მ. 12).

ამ ინფორმაციის შესავსებად გამოდგება მეორე ადგილი იმავე წიგნიდან: „ვითარცა სელომი იყოს სახლი ესე და ქალაქი ესე იყოს ცარიელ და მოხსრდეს მკვიდროთაგან.“ (წინასწარმეტყველება იერემიასი, თ. 26; მ. 9).

ეს ციტატები ნათელჰყოფს, რომ ფილისტიმელებმა დაანგრიეს სელომი. იგი უკვე აღარ არსებობდა, როგორც ისრაელის დედაქალაქი. ეს მოვლენა ისე მკვიდრად ჩარჩა ხალხის გონებაში, რომ იერემია მას თხასი წლის შემდეგაც კი იმოწმებს, როგორც ღვთის რისხვის მაგალითს. ბიბლიის შემდგენელმა ქურუმებმა მოზერხებულად აუარეს გვერდი ამ საკითხს და ძირითადი ყურადღება მიაქციეს სჯულის კიდობნის ტრიუმფალურ სვლას ფილისტიმელთა ქალაქებში.

საკითხი: საბოლოოდ ახსნა არქეოლოგიამ 1926—1929 წლებში დანიის ექსპედიციამ შიაკვლია სელომის ნანგრევებს ქალაქ სიქემის სამხრეთით; დაახლოებით ოცდამდე კილომეტრზე ერთ-ერთ ბორცვზე აღმოაჩინეს ადგილი; სადაც ალბათ იდგა წმინდა კარავი, რომელშიც იაჰვეს სამსხვერპლო და სჯულის კიდობანი იყო რაც მთავარია. — ნანგრევებს, რომელთაც გკუთვნის XI საუკუნეს ჩვენს ერამდე, აშკარად ატყვია ხანძრისა და ნგრევის ნაკვალევი. ამგვარად, ზუსტად დადგინდა, რომ სელომი ფილისტიმელ დამპყრობთა მსხვერპლი გახდა.

ჩანს, ცეცხლმა შთანთქა მოხეს კარავი — ისრაელის უძვირფასესი ნაციონალური ძეგლი; მაგრამ რა მოუვიდა სჯულის კიდობანს? ყველაფერი, რასაც ბიბლია მოგვითხრობს ამის შესა-

ხებ, იმდენად ფანტასტიკურია, რომ მართალი არ შეიძლება იყოს.

თუკი ფილისტიმელებმა მართლაც ხელთ იგდეს სჯულის კილობანი, რატომღა თქვეს მასზე უარი შეიდი თვის შემდეგ? შეიძლება ვივარაუდოთ, რომ ფილისტიმელებს იმ დროს თავს დაატყდათ რაღაც სტიქიური უბედურება ან ეპიდემია. ხალხურმა ცრურწმენამ კი იგი ისრაელიტელთა ღვთაების შურისძიებად მიიხსნია. ეს სავსებით შეესაბამება ჩვენს ცნობებს ძველი ხალხების რელიგიურ წარმოდგენებზე. საკუთარი ღმერთების კულტი სრულებითაც არ გამორიცხავდა მაშინ უცხო, მტრულად განწყობილი ღმერთების არსებობისა და ძლიერების რწმენას. ამიტომ სჯულის კილობნის საოცარ ბედზე გავრცელებულ ამბავში იქნებ მართლაც არის სიმართლის ნატამალი.

ამ ამბავში განსაკუთრებით გაუგებარია ერთი ეპიზოდი. ბეთშემეშში იაჰვემ დახოცა ორმოცდაათიათას სამოცდაათი ისრაელიტელი იმიტომ, რომ ზოგმა მათგანმა სჯულის კილობანში ჩახედვა გაბედა. ეს, რასაკვირველია, ურჯუკ ფანატიკოსთა ვერსიაა. მაგრამ, შესაძლოა ამას საფუძვლად უდევს თაობათა მუხსიერებაში შემონახული რომელიმე ნამდვილი ამბავი.

მკვლევარებმა ამ გაუგებარი ინციდენტის ასახსნელად მრავალი ვარაუდი გამოთქვეს. ზოგიერთის აზრით, ისრაელიტელებმა სჯულის კილობანი დაგონის ტაძრიდან მოიპარეს. მათ ფილისტიმელები დაედევნენ და ბეთშემეშთან დაეწიენ. აქ მომხდარ ბრძოლაში დაიღუპა იმდენი მეომარი, რამდენიც ბიბლიაშია დასახელებული. კილობანი კი გადაარჩინეს და კარიათ-არიმში დამალეს. მაგრამ ამ თეორიას აქვს სუსტი მხარეც. იმის კითხვა: რატომ წარმოგვიდგინეს ბიბლიის შემდგენლებმა აღთქმის კილობნის დაცვისას დაღუპული მებრძოლები დამნაშავეებად, მკრეხელებად და იაჰვეს მიერ დასჯილებად?

არსებობს სხვა ჰიპოთეზაც, რომლის მიხედვითაც სჯულის კილობანი არასოდეს ჩავარდნილა ფილისტიმელთა ხელში და აფეკთან დამარცხებისთანავე იგი კარიათ-არიმში გადაიტანეს. ბეთშემეშის მკვიდრნი კი იმიტომ ამოჟლიტეს დედა-ბუდიანად, რომ ისრაელის ძეთა სხვა ტომებმა შური იძიეს მათზე, რადგან ამ ქალაქის მცხოვრებლებმა უარი თქვეს ფილისტიმელების წინააღმდეგ გამართულ ომში მონაწილეობაზე. სწორედ ამით აიხსნება ბიბლიის ავტორთა ცუდი დამოკიდებულება მათ მიმართ.

რა თქმა უნდა, ძნელია იმის დადგენა, თუ რამდენად შეეფერება სინამდვილეს ეს ჰიპოთეზა სამოქალაქო ომის შესახებ, მაგრამ მართლაც საოცრად გვეჩვენება ბეთშემეშის მცხოვრებთა მოქმედება. ისინი ფილისტიმელებთან მრისხანე ომის დროს მშვიდად გავიდნენ სამკალში, თითქოს დამოუკიდებლობისათვის

ზროლა და სჯულის კიდობნის დაცვა მათ სულაც არ ეხებოდათ.

ელის შემდეგ მართვა-გამგებლობა სამოელის ხელში გადავიდა. მაგრამ ეს აფეკთან დამარცხებისთანავე არ მომხდარა. რამდენიმე წლის შემდეგ სამოელის გავლენა იმდენად განმტკიცდა, რომ იგი ისრაელის ფაქტიური მმართველი გახდა და შერყეული თეოკრატიული რეჟიმი აღადგინა.

ებრაელები სამოელს აკუთვნებდნენ თავის უდიდეს წინასწარმეტყველთა რიცხვს. კათოლიკური ეკლესიაც კი მას თვის წმინდანად და ქრისტეს მაუწყებლად. წმინდა იერონიმე ამტკიცებს, რომ იმპერატორმა არკადიმ (ჩვენი წელთაღრიცხვის 378—408 წლები) რამათაიმიდან თრაკიაში გადაიტანა სამოელის ნეშტი, ხოლო მისმა ასულმა პულქერია (ჩვენი წელთაღრიცხვის 405—453 წლები) იგი კონსტანტინოპოლში წაიღო და დიდი ამბით დაკრძალა საგანგებოდ აგებულ მავზოლეუმში.

დროთა განმავლობაში სამოელზე იმდენი ლეგენდა შეიქმნა, რომ ბიბლიის შემდგენლები ვეღარ გაერკვნენ, ვინ იყო იგი და რაში გამოიხატებოდა მისი მოღვაწეობა.

რასაკვირველია, ხალხის ფანტაზიის ნაყოფია მოთხრობების მთელი ციკლი დედამისზე, მის დაბადებაზე, იაქვესთან საუბარსა და წინასწარმეტყველებაზე.

ბიბლიის ტექსტში გვხვდება ისეთი ცნობები, რომლებიც ერთმანეთს ეწინააღმდეგება და ბურუსით მოსავს ისტორიული სინამდვილის სურათს. აი, მაგალითად: ლეგენდის დასაწყისში სამოელი მთელს ქვეყანაში ცნობილ კაცად არის გამოყვანილი, მეცხრე თავში კი იგი ერთი უბრალო წინასწარმეტყველია, რომელსაც მხოლოდ თავის კუთხეში იცნობენ და რომლის ამბავსაც საულს მსახურები აგებინებენ. ამრიგად, გამოჩენილი ქურუმი უცებ რატომღაც დამდაბლებულია და გამოყვანილია უბრალო მკითხავეად, რომელიც მცირეოდენი საზღაურის ფასად გირჩევს, როგორ იპოვო დაკარგული ვირები.

ახლა, ცხადია, უკვე შეუძლებელია ჭეშმარიტების აღდგენა. წინააღმდეგობა ალბათ იმით არის გამოწვეული, რომ ბიბლიის შემდგენლები ერთ სიუჟეტად აერთიანებდნენ ორ სხვადასხვა ხალხურ თქმულებას და არ ზრუნავდნენ მათ ლოგიკურ შეთანხმებაზე.

ამრიგად, ჩვენ ისღა დაგვრჩენია, რომ სრულ სიმართლედ წივილთ ყველაფერი, რაც ბიბლიურ თქმულებაში შედარებით უფრო დამაჯერებლად მოგვეჩვენება. თითქმის არაა საეჭვო, რომ სამოელი იყო უზენაესი მღვდელთმთავარი და მსაჯული, რომლის სიკვდილისა და სელომის დანგრევის შემდეგ მან თავის რეზიდენციად რამათაიმი აირჩია და საული მეფედ აკურთხა. შემდეგ კი მათ უთანხმოება მოუვიდათ ქურუმითა კუთვნილად.

ბრივილეგიების გამო. ამიტომ სამოელი საულის მოწინააღმდეგე გახდა და ტახტის პრეტენდენტად დავითი წამოაყენა. ეს ფაქტები სრულიად შეესაბამება იმას, რაც ჩვენთვის ცნობილია. საზოგადოებრივ-პოლიტიკური ურთიერთობის შესახებ ძველ მსოფლიოში. არქეოლოგების მიერ მიკვლეული მასალებიდან ვიცით, რომ ქურუმები ცდილობდნენ, თეოკრატიული რეჟიმი დაემყარებინათ აგრეთვე შუმერში, ასურეთსა და ეგვიპტეში. ამ სიდაგზე წარმოქმნილი განსეტქილებანი საერო ხელისუფლებასა და ქურუმთა ზედა ფენებს შორის საკმაოდ გავრცელებული და კანონზომიერი მოვლენა იყო სოციალური პროცესების შესაბამისად.

თავისი მორალური ავტორიტეტის წყალობით სამოელმა ისრაელში თეოკრატიული რეჟიმის აღდგენა მოახერხა. ელის მსგავსად, ისიც იმაზე ოცნებობდა, რომ ძველეთმთავრისა და მსაჯულის თანამდებობა მისი ოჯახისათვის მემკვიდრეობად ქცეულიყო.

ბიბლიის თანახმად, ამ გეგმების განხორციელებას ხელი შეუშალეს სამოელის სულმდაბალმა და მექრთამე შვილებმა. ასეთი ახსნა, რა თქმა უნდა, უკიდურესად პრიმიტიულია და უფრო დასამოძღვრავად გამოთქმულ იგავს მოგვაგონებს. თეოკრატიის დაცემისა და მონარქიის აღმოცენების ნამდვილი მიზეზი გაცილებით უფრო ღრმადაა საძებარი — მაშინდელ პოლიტიკურ და სოციალურ მდგომარეობაში.

აფუკთან დამარცხების შემდეგ, სამოელის მმართველობის დროს, ქვეყანას ფილისტიმელთა უღელი ტანჯავდა. სწორედ მაშინ დამკვიდრდა რწმენა, რომ მხოლოდ უდიდესი სამხედრო ტალანტის მქონე ბელადი შეუძლია იხსნას ხალხი დამპყრობლებისაგან. ეს ბელადი მეზობელი სახელმწიფოების მეფეთა მსგავსად. სამეფო ტახტზე უნდა ასულიყო.

ერთი სიტყვით, ისრაელიტელებმა ყოველგვარი უბედურებისაგან ხსნის ერთადერთ საშუალებად მიიჩნიეს ტომთა გაერთიანება ერთიან სახელმწიფოდ ძლიერი მონარქის ხელისუფლების ქვეშ. ამ საღ პოლიტიკურ რეალიზმს სულ ახალ-ახალი მომხრეები შეემატა, რაკი ხალხი თანდათანობით რწმუნდებოდა, რომ უზენაესი ქურუმი ნამდვილად უძლურია და, რომ მისი მსხვერპლის შეწირვა, ლოცვა და მონანიებისაკენ მოწოდება ვერაიის შევლის.

ამ განწყობილების ზრდას ხელს უწყობდა მაშინდელი კლასობრივი ურთიერთობანი. ქანაანის დაპყრობის შემდეგ ბევრი ისრაელიტელი ქალაქებში დასახლდა. ამის შედეგად გაჩნდა მდიდარ ვაჭართა, მიწათმოქმედთა, მოხელეთა, მხედართმთავართა და ტომების უზუცესთა ფენა. სწორედ ასეთი მდიდარი იყო ის ნაბალი, რომელმაც უარი განაცხადა დავითის სურსათით მო-

მარაგებაზე. მას სამი ათასი ცხვარი და ათასი თხა ჰყავდა. მეორე მხრივ კი იზრდებოდა გადასახლებითა და ვალებით წელში გაწყვეტილი ხალხის ფართო მასების სილატაკი.

პრივილეგიების მქონე ახალ ფენას თავისი ქონება უნდა დაეცვა. ვაუბედურებულ თვისტომთა შემოტევისაგან. ამას კი მხოლოდ მონარქიული წყობილება უზრუნველყოფდა. გავიხსენოთ, რომ აბიმელექმა ქალაქ სიქემის მმართველთა მხარდაჭერით იგდო ხელთ ძალაუფლება, რომელიც მას სახალხო აჯანყებამ დააკარგვინა.

კლასობრივ წინააღმდეგობათა გამწვავებისთან ერთად იზრდებოდა ძალაუფლება მეფისა, რომელიც ბოლოს და ბოლოს აღმოსავლური ტიპის დესპოტად გადაიქცა. საუდი ჯერ კიდევ პატრიარქალური მეფე, მეფე-გლეხი იყო. იგი ძველებურ უბრალო ადათ-წესებს მისდევდა და თავისუფალ დროს თვითონვე მწყემსავდა საქონელს. დავითს კი უკვე დიდი სამეფო კარი და ჰარამხანა ჰქონდა; თავის ქვეშევრდომებსაც იგი ხშირად თვითნებურად ექცეოდა. და ბოლოს, სილიძისნი ამყარებს წესებს, რომლებიც დიდებული პირამიდების მშენებლობის დროინდელ მონათმფლობელურ ეგვიპტეს მოგვაგონებს. იგი აიძულებს ათეულ ათასობით ქვეშევრდომს, მონურად იპრომონ ლიბანის ტყეების ჭრაზე, იორდანის იქით მდებარე მადაროებში და იერუსალიმის სამშენებლო მოედნებზე.

უკვე სამოელის დროს მდიდარმა ზედა ფენამ, ოპონტიციის მიუხედავად, ისეთი პოლიტიკური გავლენა მოიპოვა, რომ მეფის არჩევასაც მიაღწია. საარჩევნო კრებები მასეფასა და გალ-გალში, როგორც ჩანს, ძალზე მღვლვარედ მიმდინარეობდა. ბიბლიაში ხომ საგანგებოდ არის ხაზგასმული — საულმა შური არ იძია იმ ადამიანებზე, რომლებმაც მის წინააღმდეგ მისცეს ხმაო.

სრულიად გასაგები მიზეზების გამო სამოელიც მონარქიის წინააღმდეგი იყო. მეფის არჩევის მოთხოვნა მან პირად შეურაცხყოფად და დამარცხებად მიიჩნია, რადგან იმედი ჰქონდა, რომ ორივე ხელისუფლება — რელიგიურიცა და საეროც — მისი საგვარეულო მონოპოლია იქნებოდა და მამისაგან შეიღს გადაეცემოდა. ტომების წარმომადგენლებს იგი ნაღვლიანად ეკითხებოდა. — რაში ვარ დამნაშავე, ხელისუფლებას რატომ მართმევთო, თან მეტად მუქ ფერებში უხატავდა სამიშროებას, რაც მათ მეფისაგან ელოდათ. ამანაც რომ არ გაჭრა, სამოელმა მათ განუცხადა — უზენაესი ქურუმის თეოკრატიული ძალა-უფლებაც უარყოფით თვით იაპვეს უარყოფთო.

ბოლოს და ბოლოს სამოელმაც შეისმინა დაჯინებითი მოთხოვნები და დათმობაზე წავიდა, მაგრამ გულშიც არ გაუვლია ფაქტურ ძალაუფლებაზე ხელის აღება და საქმე ისე წაიყვანა, რომ მომავალი მეფე მისი მორჩილი იარაღი ყოფილიყო. სწო-

რედ ამის გამო დაადგა თვალი სამოელმა უბრალო ოჯახიდან გამოსულ ჭაბუკს, ისრაელიტელთა ყველაზე პატარა ტომის წარმომადგენელს. სამოელმა დააარსა წინასწარმეტყველთა სკოლა და, თუ ბიბლიას დაუფერებთ, ამ სკოლაში წვრთნიდა თავის კანდიდატს, უნერგავდა მას უზენაესი ქურუმისადმი მორჩილების გრძნობას, მოსეს კანონებისა და იაკვებს ერთგულებას.

როგორც ცნობილია, სამოელს მოლოდინი გაუცრუვდა. მოკრძალებული ჭაბუკი ბრწყინვალე მხედართმთავრად და ენერგიულ მმართველად იქცა. იგი დამოუკიდებლად წყვეტდა საქმეებს. ამის გამო საულსა და სამოელს შორის მძაფრი კონფლიქტი მოხდა და სამოელი გარეგნულად ვითომ ჩამოშორდა პოლიტიკურ მოღვაწეობას. ნამდვილად კი მან გააფთრებული ფარული ბრძოლა გაუმართა თავის ურჩ ალზრდილს. სამოელმა მოინდომა მისი ტახტიდან ჩამოგდება და მეფედ დავითი აკურთხა კონფლიქტი ამჟამად ბრძოლაში გადაიზარდა, როცა საულმა ბრძანა, ნობას ტაძარში დაეხოცათ ყველა ქურუმი, რადგან ისინი დავითს დაეხმარნენ. ამგვარად, ჩვენს წინაშეა კაცობრიობის ისტორიაში გავრცელებული ტიპიური კონფლიქტი საერო და საეკლესიო ხელისუფლებას შორის.

სურათი რომ სრული იყოს, უნდა შევიჩერდეთ თავისებურ ინსტიტუტზე, რომელსაც ჩვენ წინასწარმეტყველთა სკოლას ვუწოდებთ. ეს გახლდათ უკიდურეს რელიგიურ ფანატიკოსთა გაერთიანებანი, რომლებიც პირველად გამოჩნდა ისრაელში დაახლოებით 1000 წელს ჩვენს ერამდე. ეს გაერთიანებები, ჩვეულებრივ, არსებობდნენ ისეთი მსხვილი რელიგიური ცენტრების მახლობლად, როგორიც იყო გება, ბეთელი, რამათაიმი, შემდეგ კი სამარიაც.

რელიგიური ექსტაზი უცხო არ ყოფილა არც სამოელისთვის, არც საულისა და დავითისათვის. რამათაიმიდან შინ მიმავალი საული წინასწარმეტყველთა ჯგუფს შეუერთდა და მონაწილეობა მიიღო მათ აღტყინებულ როკეა-სიმღერაში. მან მეორედ დაკარგა გონება, როცა ქალაქ იაბისისათვის ალყის შემორტყმის ამბავი გაიგო. მაშინ საულმა აჩეხა ორი ხარი, რომლებიც სახნავში ჰყავდა გამოყვანილი*. მესამედ ასეთი რამ შეემთხვა რამათაიმში, როცა დავითს დაედევნა. მას გამოეგება სამოელი თავის წინასწარმეტყველებთან ერთად; მონუსხა იგი როკვით, სიმღერით, შეძახილებით და საერთო ფერხულში ჩაითრია.

მეფეთა პირველ წიგნში ნათქვამია: „და ოდეს აღხვიდე მუნ ქალაქად, და შეგემთხვიოს დასი წინასწარმეტყველთა, გარდამომაგალი მალლით, და წინაშე მათსა ქნარი, და წინწილი და ებანი და ნესტვი და იგინი წინასწარმეტყველებდენ“ (პირ. მეფეთა, თ. 10, მ. 5). ეს აღწერა ამტკიცებს, რომ ქვეყნად ფანატიკოსე-

ბისა და რელიგიური მისტიკოსების ჯგუფები დაეხეტებოდნენ. ისინი საოცრად ჰგავდნენ ისლამის დერვიშებს. ეს ისრაელი-ტელი წინასწარმეტყველები ატარებდნენ ტილოს ტანსაცმელს, საგანგებო ქამრებს და, დერვიშების მსგავსად, მოწყალებას ითხოვდნენ. მათი რელიგიური წესები მარტო სიმღერით, როკვითა და წინასწარმეტყველებით როდი ამოიწურებოდა. მათ ჩვეულებად ჰქონდათ აგრეთვე საკუთარი თავის ტანჯვა, სხვადასხვა საწამებელი იარაღით იგვემდნენ სხეულს. ნიშანდობლივია, რომ ეს წინასწარმეტყველები საკმაოდ მოგვიანებით გამოჩნდნენ ისრაელის რელიგიური ცხოვრების ასპარეზზე. ეს იმას მოწმობს, რომ ერთობლივი ალტყინებული წინასწარმეტყველება არ ყოფილა ადგილობრივი, ისრაელში წარმოშობილი მოვლენა. მისი სადაურობის საკითხი ჯერ კიდევ ღიად რჩება. თუმცა გაბატონებულია აზრი, რომ ისრაელიტელებმა იგი ბაალის, ასტარტესა და ფინიკიის სხვა ღვთაებათა კულტთან ერთად ქანაანელებისაგან გადმოიღეს.

წინასწარმეტყველთა ასეთი სკოლების სამშობლოდ ფრიგია (მცირე აზია) მიიჩნიათ. აქედან სკოლებმა ფინიკიასა და ქანაანში შეაღწიეს. მეფეთა მესამე წიგნში ნათქვამია, რომ დედოფალი იეზაბელი ოთხას ფინიკიელ წინასწარმეტყველს ინახავდა.

აღსანიშნავია, რომ ეს მოვლენა სხვა ხალხებისთვისაც არ ყოფილა უცხო. საკმარისია გავიხსენოთ აპოლონისა და დიონისეს პატივსაცემად გამართული ძველი ბერძნული ორგები. ქეროლოტე გვიამბობს შთაგონებულ ადამიანებზე, რომლებიც საბერძნეთში დადიოდნენ და ლექსად წარმოთქვამდნენ წინასწარმეტყველებას.

ისრაელში წინასწარმეტყველთა მოძრაობამ ფანატიკური ფორმები მიიღო. წინასწარმეტყველ ოსეს (VII საუკუნე ჩვენს ერამდე) სურდა, იუდეველთათვის დაემტკიცებინა, რომ სხვათა ღმერთების თაყვანისცემა უმძიმესი ცოდვაა და იგივეა, რაც სიძება. ამიტომ იგი სამი წელი ცხოვრობდა გარყვნილ ქალთან, სხვის ცოლთან. წინასწარმეტყველი ესაია (VIII საუკუნე ჩვენს ერამდე) ქალაქში შიშველი დადიოდა. ამით იერუსალიმის მცხოვრებლებს აფრთხილებდა — იაჰვე ასე განძარცავს თქვენს ცოდვილ ქალაქს და მთელ სიმდიდრეს წაგართმევთ.

რამდენიმე ასეული წლის მანძილზე ქანაანში ჩვეულებრივი მოვლენა იყო მოხეტიალე წინასწარმეტყველთა ჯგუფები, რომელთაც ცრუმორწმუნე ისრაელიტელები შიშითა და პატივისცემით ექცეოდნენ, უსმენდნენ მათ წინასწარმეტყველებას და მოწყალებაზე უარს არ ეუბნებოდნენ. დროთა განმავლობაში წმინდა ადამიანთა რიგებში ყველა ჯურის თაღლითები შეიპარნენ. ბიბლიაში ისინი ცრუწინასწარმეტყველებად იხსენიებიან. მათ გამო ხალხი მტრულად განეწყო წინასწარმეტყველებისად-

მი და შეიძულა კიდევ ისინი. ამას მოწმობს, კერძოდ, ის კითხვები, რომლითაც ერთმანეთს მიმართავდნენ გებას მცხოვრებნი: „ნუთუ აწ საულცა წინაწარმეტყველთა თანა არს?“ როცა ღაკითი როკით მოუძლოდა აღთქმის კიდობანს, მისმა მეუღლემ მელქულმა ზიზლით განაცხადა — მეფეს ასეთი საქციელი არ შეჰფერისო. ბრძენი და ხალხის მოძღვარი ამოსი დიდად თაკილობდა წინასწარმეტყველობას და ითხოვდა, ამას ნუ მიწოდებთო.

წინასწარმეტყველთა მოძღვრების გავლენით, აგრეთვე პოლიტიკურ უბედურებათა და ჩაგვრის გამო ებრაელები თანდათანობით აღრმავებდნენ თავის რელიგიას, ვიდრე ბაბილონის ტყვეობის შემდეგ მან წმინდა მონოთეიზმის სახე არ მიიღო.

ბუნებრივია, ამ ევოლუციას კოლექტიური წინასწარმეტყველების პრიმიტიული ფორმების ლიკვიდაცია უნდა მოჰყოლოდა. უმაღლესი რანგის წინასწარმეტყველებს, რომელთა ნაწარმოებებიც ბიბლიაში შევიდა, საერთო არა ჰქონდათ რა ქვეყნად მოხეტიალე მისნებთან. მაგრამ ისინი ისრაელის ისტორიულ ასპარეზზე ისე კი არ გამოჩენილან, როგორც „deus ex machina“, მათი მივლინება უეჭველად კოლექტიური რელიგიური წინასწარმეტყველების მრავალსაუკუნოვანი განვითარების ნაყოფი იყო.

საულის ტრაგიკულ ისტორიას ჩვენ მხოლოდ ბიბლიიდან ვიცნობთ, და არსებითად, არ ძალგვიძს ვთქვათ, თუ რამდენად მართალია იგი. ამიტომ აღმოჩენა რაიმე რეალური საბუთისა, რომელიც რამდენადმე მაინც დაადასტურებდა ბიბლიის ვერსიას, ნამდვილად ამაღელვებელი მოვლენაა. ასეთი რამ მოხდა 1922 წელს — ამერიკელმა არქეოლოგმა და აღმოსავლეთმცოდნემ ოლბრაითმა თელ-ელ-ფულეში, იერუსალიმიდან ხუთ კილომეტრზე, საულის დედაქალაქის გებას ნანგრევები აღმოაჩინა. გათხრებმა ნათელყო, რომ იგი იყო მთაზე აგებული ძლიერი ციხესიმაგრე, კონსტრუქციულად სადა და უბრალო, მაგრამ სრულიად მიუდგომელი. მას იცავდა კუთხის კოშკები და ქვის ბლოკებით ნაგები ორმაგი გალავანი. გალავნებს შორის ფარული გადასასვლელები და სურსათის საწყობები იყო. ნანგრევებში დიდი რაოდენობით იპოვეს ბრინჯაოსაგან ჩამოსხმული ისრის ბუნიკები და შურდულით სასროლი ქვა. მეცნიერებმა დაადგინეს, რომ ნანგრევები ეკუთვნის ძველი წელთაღრიცხვის XI საუკუნის მეორე ნახევარს — ისრაელის პირველი მეფის მმართველობის ხანას.

აღმოჩნდა აგრეთვე ნანგრევები ბეთ-შანისა, სადაც ფილისტიმელებმა შეურაცხვეს საულის გვამი. ბიბლიის თანახმად, მათ ბელუკუმართი მეფის თავი დაგონის ტაძარში მოათავსეს,

საჭურველი — ასტარტეს ტაძარში, ტანი კი ქალაქის გალავანზე გადმოჰკიდეს. ქალაქის ნანგრევები ოცდასამ მეტრზე მაღალი იყო და შედგებოდა თვრამეტი ფენისაგან, რომლებიც სხვადასხვა ეპოქას განეკუთვნებოდა. ყველაზე ქვედა ფენა თარიღდება მეოთხე ათასწლეულით ჩვენს ერამდე; მაშასადამე, ბეთ-შანა ქანაანის ერთ-ერთი უძველესი ქალაქი იყო.

მაგრამ ჩვენთვის ყველაზე მეტად საინტერესო ის არის, რომ საულის დროინდელ ფენაში აღმოჩენილია ნანგრევები ერთმანეთის გვერდით მყოფი ორი ტაძრისა (დაგონისა და ასტარტესი), რომელთაც ბიბლია იხსენიებს.

ეს ორი ტაძარი მოწმე იყო ფილისტიმელთა და ისრაელიტელთა კონფლიქტისა, რომელიც გულადი მეფისა და მისი სამი ძის დაღუპვით დამთავრდა. გზადაგზა არქეოლოგებმა აღმოაჩინეს ისტორიული დეტალი, რომლის შესახებაც ბიბლიის ავტორებს კრინტიც არ დაუძრავთ. ფერფლის სქელი ფენა, გაჭვარტლული ქვები და ღვთაებათა დამსხვრეული ქანდაკებები უეჭველს ხდიან, რომ ქალაქი იმსხვერპლა მოულოდნელმა თავდასხმამ და ხანძარმა. ეს გვაძლევს საფუძველს, ვივარაუდოთ, რომ დავითმა თავისი წინამორბედის გვამის შეურაცხყოფისათვის იძია შური და მოაოხრა ბეთ-შანი.

ბიბლიის სხვა ნაწილებზე საუბრისას ჩვენ არა ერთხელ გეითქვამს, რომ დავითის ამბავი აგებულია ხალხურ თქმულებებზე, რომლებიც თაობიდან თაობას გადაეცემოდა ასეულა წლების განმავლობაში. ამ თქმულებათა ბიბლიაში ჩართვისას შემდგენლებს არ შეუნიშნავთ, ან არაფრად ჩაუვდიათ ის წინააღმდეგობანი, რომლებიც მათში გვხვდება.

ამ წინააღმდეგობათაგან მაგალითისათვის ზოგიერთს დაეასახელებთ იმის საჩვენებლად, თუ როგორ სიმნელეებს აწყდებიან ბიბლიის მკვლევარნი ისტორიული სიმართლის დადგენისას.

თუ შევეცდებით, ეუბასუხოთ კითხვას, რა გზით მოხვდა დავითი საულის სამეფო კარზე, საყოყმანოდ გაგვიხდება საქმე, რადგან ბიბლია ამის შესახებ ორ სრულიად სხვადასხვა ერი-სიას გვაწვდის. მეფეთა პირველი წიგნის მეთექვსმეტე თავიდან ეიგებთ: დავითი იმიტომ მოუყვანიათ სასახლეში, რომ ეპარჯებოდა ქნარზე დაკვრა და ამით მეფის გული მოუგია. მენიღმეტე თავი კი გვამცნობს, რომ დავითმა გოლიათზე გამარჯვებით მიიპყრო საულის ყურადღება. გოლიათი უცნობმა მწყემსმა დაამარცხა. საულმა მოაყვანინა იგი და იკითხა: „ვისი ძე არს ჭაბუკი ესე?“ მაშასადამე, იგი მას ადრე არ იცნობდა.

კიდევ უფრო საყურადღებო მაგალითია გოლიათის მოკვლის ამბავი. გავრცელებული ვერსია, რომ გოლიათი დავითმა მოკლა ორთაბრძოლაში, მეფეთა პირველ წიგნს ეყრდნობა. მეფეთა მეო-

რე წიგნის კითხვისას კი გაოცება გვიპყრობს. იგი გვამცნობს, რომ გოლიათი თურმე მოუკლავს არა და ვითს, არამედ ვინმე ბეთლემელ ელქანანს.

ბიბლიის მკვლევარებმა არა ერთხელ სცადეს ამ წინააღმდეგობათა ახსნა და გაქარწყლება. ახალმა აღმოჩენამ გოლიათის შესახებ მეცნიერები მოულოდნელად დააკვლიანა. გამოიკვია, რომ თურმე, არც კი გეცოდნია, რა ერქვა საულის მომდევნო მეფეს ისრაელის ტახტზე. „დავითი“, ისევე, როგორც „დავით-ო-უმი“, მარის ტექსტებში, საკუთარი სახელი კი არაა, არამედ წოდება ან მეტსახელი, რომელიც წინამძღოლს, ან მზრუნველს ნიშნავს. ეს რომ გამოიკვია, ბიბლიის მრავალმა მკვლევარმა დაასკვნა, რომ დავითი და ელქანანი ერთი და იგივე პიროვნებაა.

ამგვარად, თუ ვივარაუდებთ, რომ გოლიათი მოკლა ბეთლემელმა მწყემსმა ელქანანმა, რომელსაც შემდეგ მაღლიერმა ისრაელიტელმა ხალხმა დავითი უწოდა, წინააღმდეგობა ქრება, თითქოს მას ჯადოსნური კვერთხით შეეხებოთ.

მაგრამ ამ ჰიპოთეზას მთლიანადაც რომ დავეთანხმოთ, რჩება კიდევ მრავალი წინააღმდეგობა, რომლებიც ამცირებს ბიბლიურ თქმულებათა ისტორიულ ღირებულებას. ბიბლიაში ერთმანეთშია არეული ფაქტები და ლეგენდები, ძველი ხალხური გადმოცემები შევსებულია გვიანდელი დამატებებით. მაშასადამე, მეცნიერები, ძალიანაც რომ ეცადონ, ვერასოდეს შეძლებენ სრული ჭეშმარიტების დადგენას. ასეთი შეუსაბამობის ტიპური მაგალითია იმის მტკიცება, თითქოს დავითმა გოლიათის თავი იერუსალიმში წაიღო. ეს, რა თქმა უნდა, გაცილებით გვიანდელი დამატებაა. ცნობილია, რომ დავითმა იერუსალიმი დაიპყრო უფრო გვიან, როცა უკვე ისრაელის მეფე იყო.

ლეგენდა გახლავთ აგრეთვე ის ტრადიცია, რომელიც დავითს მიაწერს ბიბლიაში თავმოყრილ ფსალმუნთა უმრავლესობის ავტორობას. ეჭვი არ არის, რომ მომდევნო თაობათა შეგნებაზე ფსალმუნებმა უფრო დიდი გავლენა მოახდინეს, ვიდრე ძველი ალექსის სხვა წიგნებმა. ესაა რელიგიური ლირიკა, რომელიც გამოირჩევა წარმტაცი და მდიდარი განწყობილებით. იგი გამოხატავს გრძნობათა მთელ გამას: უსასობას, მორჩილებასა და უიმედობას, იმედსა და რწმენას, მაღლიერებასა და მხიარულებას. დიდებულმა უბრალოებამ, ლაკონიზმმა, სადა სტილმა და გულში ჩამწვდომმა ღრმა რელიგიურმა გრძნობამ ფსალმუნები აქცია მრავალი პოეტის, მხატვრისა და კომპოზიტორის შთაგონების დაუსრუტელ წყაროდ.

ამ რელიგიური ჰიმნების მთავარი იდეაა მონოთეიზმი. ისინი თავისებური აპოთეოზია იაჰვეს დიდებულებისა და ძლიერებისა. იაჰვე მოწყალეა, მას შეუძლია ადამიანებს მიუტევოს უმძიმესი

შეკოდებანი, მაგრამ, ამავე დროს, მრისხანების ჟამს, იგი ულ-
მობელია და დაუნდობლად სჯის ყველას. ეს უკვე უმაღლესი
რანგის ღვთაების კონცეფციაა, ღვთაებისა, რომელიც ადამიანს
ზნეობრივ კანონებს კარნახობს. მაგრამ ამ პოემების კოსმოლო-
გია ისეთივე პრიმიტიულია, როგორც აბრაამის დროს იყო.
იაჰვე ზეცაში ზის ტახტზე, მის გარშემო დგანან ანგელოზები.
ძიწა ბრტყელია და ოკეანით გარშემორტყმული, ქაოსისა და
ბოროტების საშინელი ურჩხულები ებრძვიან წესრიგსა და შე-
მოქმედ ძალებს. მხოლოდ მოგვიანებით იმარჯვებს იაჰვე, ქვეყა-
ნას კი დავითის შთამომავალი მეფეები განაგებენ.

ფსალმუნთა სახელწოდება წარმომდგარია ბერძნული სი-
ტყვისაგან. „ფსალმინ“ ნიშნავს სიმებზე თითების შეხებას,
ხოლო „ფსალმოსი“ — სიმებიან ინსტრუმენტს (რომელიც, აღ-
ბათ, ფინიკიური წარმოშობისაა), ანდა მისი აკომპანეჟენტით
შესრულებულ სიმღერას. მეექვსე და მეთერთმეტე ფსალმუნებო
იწყება შენიშვნით: „რეასიმიან საკრავზე“. უეჭველია, ეს იმას
ნიშნავს, რომ ფსალმუნი უნდა შესრულდეს რეასიმიანი საკრა-
ვის აკომპანეჟენტით. ფსალმუნებში ბევრი რამ გვიჩვენებს, რომ
ტექსტი იყოფოდა სოლოსა და გუნდის პარტიებად. თითოეული
პოემა მსგავსი იყო ლიტანიისა თუ ანტიფონისა — სხვადასხვა
ლიტურგიული ცერემონიების ამ განუყრელი კომპონენტებისა.

როგორც ზემოთ აღვნიშნეთ, დავითის ავტორობა ლეგენდაა.
ფსალმუნთა ტექსტის ანალიზი უდავოს ხდის, რომ მათი უძრავ-
ლესობა ვერ შეიქმნებოდა ბაბილონის ტყვეობამდე. ფსალმუნე-
ბი ბიბლიაში შეიტანეს მხოლოდ და მხოლოდ ძვ. წ. III საუკუ-
ნეში. მათი შინაარსი გამოხატავს ისეთ რელიგიურ წარმოდგე-
ნებსა და სოციალურ-პოლიტიკურ ურთიერთობებს, რომლებიც
დამახასიათებელია ებრაული ისტორიის ბოლო, ბაბილონისა
ტყვეობის შემდგომი პერიოდისათვის. ელეგიური მოთქმაც კი,
რომელიც თითქოსდა დავითს შეუქმნია საულისა და იონათანის
სიკვდილის შემდეგ, სინამდვილეში ნასესხებია ჰიმნთა უძველე-
სი კრებულიდან — „მართლის წიგნიდან“.

ეს სულაც არ ნიშნავს, რომ დავითი არ ყოფილა პოეტი და
მუსიკოსი. ისრაელიტელები, როგორც აღვნიშნეთ, განსაკუთრე-
ბული მუსიკალურობით გამოირჩეოდნენ. ბენი-ჰასანში აღმოჩე-
ნილ ფრესკაზე ებრაელ მწყემსთა შორის გამოსახული არიან
მუსიკოსები, რომელთაც ქსარები უჭირავთ. ეგვიპტისა და მე-
სოპოტამიის წარწერები გვაძინებენ, რომ ისრაელი ამ ქვეყნებ-
ში გზავნიდა ორკესტრებსა და მოციქვავე ქალთა ანსამბლებს.
არსებობდა აგრეთვე ქალთა ორკესტრებიც.

იუდეველთა მეფემ ეზეკიამ (ძვ. წ. ა. 721—693 წლები) ასუ-
რეთის მეფეს სინაქერბს, მისი გულის მოსაგებად, მომღერალ
მამაკაცთა და ქალთა გუნდები გაუგზავნა.

ასეთი მდიდარი მუსიკალური ტრადიციის მქონე ხალხში ზოგიერთი მეფე მართლაც შეიძლება გამომდგარიყო ნიჭიერი ბოეტი ან კომპოზიტორი. ეს არავის გაუკვირდებოდა.

არქეოლოგიის სიკეთე სწორედ ის გახლავთ, რომ იგი ხანდახან მოულოდნელად გადააქცევს ხოლმე უტყუარ მეცნიერულ ჭეშმარიტებად ისეთ ისტორიულ თქმულებას, რომლის გამო ეჭვში ვიყავით და არ ვიცოდით — სინამდვილეა იგი თუ ლეგენდა. ასე დაეშართა ბიბლიაში აღწერილ ამბავს, რომელიც დავითის მიერ იერუსალიმის აღების ფაქტს ეხება. ერთი სენსაციური აღმოჩენის წყალობით ჩვენ ახლა დანამდვილებით ვიცით, რომ დავითმა დაიპყრო იერუსალიმი. ისიც ვიცით, თუ რა სასწაულმა ჩააგდებინა ხელში დავითს იებოსელების ეს ციხესიმაგრე.

ჩვენ შეგნებულად ვიხმარეთ სიტყვა „სასწაული“, რადგან იერუსალიმი მიუდგომელი კლდის მწვერვალზე მდებარეობდა და ოთხასი წლის განმავლობაში წარმატებით იგერიებდა ყველა მტრის თავდასხმას. მისი დაპყრობის ამბავი ბიბლიაში ლაკონურია და ბუნდოვანი. იგი გვამცნობს, რომ იოაბს ეშმაკობით მოუხერხებია ციხესიმაგრის აღება. მან შეაღწია შიგ რაღაც საიდუმლო გვირაბით და ზურგიდან მოუარა იებოსელებს.

როგორც ხშირად ხდება ხოლმე არქეოლოგიური აღმოჩენებისას, საიდუმლოება სრულიად მოულოდნელად გამჟღავნდა. 1867 წელს ინგლისელი ოყიცერი, კაპიტანი უორენი, იერუსალიმსა და მის ახლომახლო შემოგარენს ათვალთვრებდა. იგი დააინტერესა კედრონის ხეობაში მდებარე აინ-სითი-მარიაამის წყარომ. ეს ხეობა ბიბლიაში გეონის სახელით არის ცნობილი. მუსლიმანური მეჩეთის ნანგრევებში უორენმა აღმოაჩინა მიწის სიღრმეში მიმაჯალი ხერელი. იგი კლდეში გამოჭრილი საფეხურებით დაეშვა და წააწყდა მიწისქვეშა წყალსაცავს, რომელშიც წყაროს წყალი ამოდიოდა. სიბნელის მიუხედავად, უორენმა ზევით კლდეში მრგვალი ნახერეტი შეამჩნია. მონახა კიბე, თოკი და სიღრმეში შეძვრა. ეს იყო კედელში გამოკვეთილი გვირაბი, რომელიც ჯერ ჰორიზონტალურად მიემართებოდა, შემდეგ კი ვერტიკალურად. უორენი დიდი წვალებით მიიკვლევდა გზას ზევით და ცამეტი მეტრის სიმაღლეზე ნახა გასასვლელი; ქვაში გამოჭრილი საფეხურები ოდნავ განათებული გამოქვაბულისაკენ მიემართებოდა. აქედან უორენმა ვიწრო ნაპრალით გარეთ გამოაღწია და, თავისდა გასაოცრად, დარწმუნდა, რომ ქალაქის უძველესი გალავნის შიგნით იმყოფებოდა.

როგორც მეცნიერებმა დაადგინეს, გვირაბი გაყვანილია ძვ. წ. მეორე ათასწლეულის ბოლოს. სწორედ ეს არის ის გზა, რომლითაც იოაბმა შეაღწია ქალაქში. ძნელი არ არის იმის წარმოდგენა, თუ როგორ მოხდა ეს. ჯერ თვითონ შეიპარა გვირაბ-

ში თოკით, შემდეგ კი თავისი ჯარისკაცები შეიყვანა და შიგნი-
დან დაესხა მეციხოვნეებს. დავითი კი ამ დროს გარედან
უტყედა.

იერუსალიმი ქანაანის ერთ-ერთი ყველაზე ძლიერი სიმაგრე
იყო, მაგრამ მასაც ჰქონდა თავისი აქილევსის ქუსლი: ქალაქს
წყალი არ გააჩნდა. მშვიდობიანობისას მცხოვრებნი გეონის
წყაროთი სარგებლობდნენ, ალყაშემორტყმულებს კი წყაროსკენ
მიმავალი გზა მოჭრილი ჰქონდათ; ამიტომ მათ კლდეში გამო-
კვეთეს საფეხურებიანი გვირაბი. მასში თოკით უშვებდნენ ჭურ-
ჭლებს, ხოლო ქვედა გამოქვაბულში დაძალული კაცი წყალსა-
ცავიდან ავსებდა მათ.

გასასვლელის არსებობას ძალზე საიდუმლოდ ინახავდნენ.
ჩვენ არ ვიცით, როგორ მიაგნო მას იოაბმა. შეიძლება მისი ამ-
ბაეი როშელიმე ტყვემ გაამხილა, ან იქნებ ისრაელიტელმა
მებრძოლებმა შემთხვევით გაიგონეს წყლიანი ჭურჭლის კლდე-
ზე მიხლის ხმა.

მოთხრობა ისრაელის პირველ ორ მეფეზე შეიძლება მსოფ-
ლიო ლიტერატურის შედევრებს მივაკუთვნოთ. საულის ბრძო-
ლა ქურუმებთან ტახტის დასაცავად, ნალელიანი, შემზარაეი
სცენა აენდორში გრძნეულ ქალთან, მთელი მისი სიცოცხლის
მიზნებისა და მისწრაფებების მარცხი და თვითმკვლელობა,
შემდეგ ქარიშხლიანი ცხოვრება დავითისა, ამბოხებუბითა და
სასახლის ინტრიგებით მოწამლული მისი სიბერე — ყველაფე-
რი ეს მართლაც რომ შექსპირული ტრაგედიის ძალათ ეძღვრს.

ორივე მეფე არაჩვეულებრივ პიროვნებადაა დახატული. ისი-
ნი ღრმად ადამიანურნი არიან თავ-თავისი ავ-კარგიითა თუ და-
ნაშაულით. ორივეს ბევრი სიკეთე ჩაუდენია, ორივენი გეაღელ-
ვებენ თავისი ძალითა და გრძნობათა გზნებით. ბიბლიურ თქმუ-
ლებებში, რომლებიც ზოგჯერ გულუბრყვილოა და მიაპიტი,
ცოცხლად გვეხატება სისხლმარღვიანი, ძლიერი და მრავალფე-
როვანი ადამიანური ხასიათები. რა შესანიშნავი ფსიქოლოგი-
ური ეტიუდია, მაგალითად, ეჭვისა და შურის შხაპით მიწამ-
ლული საულის თანდათანობითი სულიერი დაცემა.

გვაოცებს ის რეალიზმიც, რომელიც დავითის აღწერაში
ჩანს. დავითი ქურუმთა ერთგული მსახური და მათი უსაყვარ-
ლესი გმირი იყო, მაგრამ ბიბლიის შემდგენლები მაინც არ დაე-
რიდნენ დავითის ბევრი სიავკაცის ჩვენებას. მათი პირადი სიმ-
პათიები უძღური აღმოჩნდა უცილობელი ისტორიული დოკუ-
მენტების წინაშე და შემდგენლები იძულებულნი იყვნენ, ანგა-
რიში გაეწიათ მათთვის.

ბიბლიის ტექსტში ამკარად გამოსჭვივის შემდგენელთა და-
მოკიდებულება ორივე მეფისადმი. იაჰვეს მღვდელთა მტერი

საული წარმოდგენილია უარყოფით პიროვნებად, მიუხედავად იმისა, რომ მას მის სიცოცხლეში სასირცხო თითქოს არაფერი ჩაუდენია. სამაგიეროდ, დავითი, ქურუმთა საყვარელი ადამიანი, ცაშია აყვანილი, მისი ყოველგვარი დანაშაულება და უხეირო ქცევა ან მიჩქმალულია, ან არასვეულებრივი შემწყნარებლობით არის გამოხატული.

დავითი უზურპატორი იყო და ტახტზე ასასვლელად გვაგმებით მოფენილი გზა მოიტოვა უკან. მიუხედავად ამისა, მაინც არ შეიძლება უარყოფით, რომ იგი ერთ-ერთი ყველაზე გამოჩენილი და ღვაწლმოსილი პიროვნებაა ისრაელის ისტორიაში. როგორც სარდალი, სახელმწიფოს დამპყრობელი და ფუძემდებელი, იგი დამსახურებულად არის მიჩნეული თავისი ერის საამაყო შვილად. მაგრამ დავითი საოცრად სწრაფად შეიცვალა. იგი იქცა აღმოსავლურ დესპოტად და აზიზ სიბარიტად. მრავალრიცხოვანი ჰარამზანა, ვერცხლისმოყვარე, სინდისგარეცხილი, ინტრიგებსა და კინკლაობას გადაყოლილი კარისკაცები და ფავორიტების — კაცებისა თუ ქალების გავლენა — ასეთი გაზღავთ ამ უდიდესი სახელმწიფო მოღვაწის თანდათანობითი ზნეობრივი დაცემის შემამრწუნებელი სურათი.

საეჭვოდ მიგვაჩნია, აგრეთვე, მტკიცება იმისა, რომ დავითა იყო ერთგული იაჰვისტი; თუ მხოლოდ იაჰვეს სცემდა თაყვანს, მაშ საიდან გაჩნდა მის სახლში კერპი, რომელიც მელქულმა მეუღლის ტანსაცმელის შემოსა და ლოგინში ჩააწვინა? ეს ხომ ჩვენთვის კარგად ნაცნობი ფუძის ღვთაებაა — წარმართული კულტის საგანი, რომელსაც იაჰვისტები კრძალავდნენ და ღვენიდნენ.

რაც შეეხება დავითის დამოკიდებულებას ქურუმებისადმი, გვაქვს საფუძველი, ვივარაუდოთ, რომ იგი მხარს უჭერდა მათ მხოლოდ და მხოლოდ პოლიტიკური მოსახრებებით. იუდას ტომიდან გამოსული უზურპატორი, რომელმაც საულის კანონიერ დინასტიას ძალაუფლება წაართვა, ჩრდილო ისრაელის ტომების უმრავლესობაში პოპულარობით ვერ სარგებლობდა. დავითი გრძნობდა, რომ ტახტი მას ფეხქვეშ ერყვოდა. ამას მოწმობს თუნდაც ის, რომ მის პირად გვარდიაში სულ დაქირავებული უცხოელები, უმეტესად ფილისტიმელები ჰყავდა.

დავითი არაფერს იშურებდა, ოღონდ კი ჩრდილოელ ტომთა გული მოეგო. ამიტომ იყო, რომ მან ბრძანა, ყველას ეგლოვა საულის გარდაცვალება, ამითვე აიხსნება მეფის მდიდრული დაკრძალვა და აგრეთვე განკარგულება, რომ მიწისათვის მიებარებინათ გარდაცვლილი მეფის ჩამოხრჩობილი ნათესავებიც. ეს მაშინ მოხდა, როცა რესფას საქციელმა შეძრა და ააღელვა ხალხი.

მაგრამ აბესალომისა და სიბას ამბოხებები მოწმობენ, რომ

დავითს ცდამ ამაოდ ჩაუარა. სწორედ ამის გამო მიმართა მან ქურუმებს და სცადა მათი მხარდაჭერის მოპოვება. ქურუმებთან კავშირს, რა თქმა უნდა, მთელი რიგი კომპრომისები მოჰყვა. ეს დათმობანი ზოგჯერ ერთობ უცნაური იყო. ამის მაგალითად შეიძლება დავასახელოთ უზენაესი ქურუმის თანამდებობის აბბაი. კანონიერი უზენაესი ქურუმი, რომელსაც გაბაონსი (ჩრდილოეთ ქანაანში) ჰქონდა რეზიდენცია, იყო სადოკი. დავითმა იუდეველთა მეფედ ყოფნის დროს მღვდელთმთავრობა უბოძა თავის მეგობარსა და მრჩეველს აბიათარს. როცა მეფემ თავის ხელისუფლებას დაუმორჩილა ქანაანის ორივე ნაწილი, წამოიჭრა საჩოთირო კითხვა, თუ ვის უნდა დარჩენოდა ეს მაღალი თანამდებობა. დავითს ერთგული მეგობრისა და თანაშემწის აბიათარის გადაყენება არ უნდოდა, მაგრამ ვერც სადოკს წაართმევდა თანამდებობას, რადგან ჩრდილოეთის ტომები გადაუდგებოდნენ დავითს. ამის გამო ისრაელის არსებობის მანძილზე პირველად გადაწყდა, რომ ორივე უზენაესი ქურუმი პოსტზე დარჩენილიყო. ეს არანორმალური მდგომარეობა მხოლოდ სოლომონმა შეცვალა. მან განდევნა აბიათარი, რაკი მან აღონიას დაუჭირა მხარი სამეფო ტახტისათვის ბრძოლაში. მას შემდეგ უზენაესი ქურუმის თანამდებობა მამიდან შვილზე გადადიოდა სადოკის მოდგმაში. შემდეგ აქედან წარმოდგა სადუკეველთა პარტია, რომელსაც იერუსალიმის ტაძარში მრავალი საუკუნის განმავლობაში ეპყრა ხელთ მონოპოლია უმაღლესი ქურუმისა და ყველა სხვა მაღალ თანამდებობაზე.

ბიბლიაში ზოგჯერ გვხვდება ლაკონური შენიშვნა, რომელიც ნათელს ჰფენს ზოგ საკითხს. ამის მაგალითად მოვიყვანთ დავითთან დაკავშირებულ ერთ ამბავს. ჩვენ გვახსოვს, რომ მას განზრახული ჰქონდა, იერუსალიმში ტაძარი აეგო. წინასწარმეტყველმა ნათანმა განუცხადა — იაჰვე კარავში ცხოვრებას არის ნაჩვევი და ქვის სახლი არ უნდაო. ბიბლიის თანახმად, დავითმა მორჩილად თქვა უარი თავის გეგმებზე, თუმცა მშენებლობისათვის უკვე გამზადებული ჰქონდა ხის მასალა და ოქრო-ვერცხლი.

მაგრამ აი, ვკითხულობთ მეფეთა მესამე წიგნის მეხუთე თავს და გაოცება გვიპყრობს. ამ თავის მესამე მუხლში ნათქვამია, რომ სოლომონი წერს წერილს ფინიკიელთა მეფეს ქირამს და უხსნის, რომ ტაძრის აგებაში მას ხელი შეუშალოს მუდმივმა ომებმა.

ამგვარად, ყველაფერი ნათელი ხდება. ამჯერადაც, როგორც სხვა დროს, დავითი წინასწარმეტყველთა ბრძანების უბრალო აღმსრულებელი კი არ ყოფილა, უპირველეს ყოვლისა, იგი პოლიტიკური მოსაზრებებით ხელმძღვანელობდა. საჭიროა აღინიშნოს, რომ კარვის მცველი ნათანი გამოხატავდა აზრს რე-

დღიგური პურისტების გავლენიანი დაჯგუფებისა. იგი ცდილობდა, შეენარჩუნებინა მოსესდროინდელი პატრიარქალური წესწევულებანი, იყო ქალაქების ზრდის წინააღმდეგი და ა. შ.

დავითი მკაცრი და უღმობელი მმართველი იყო. ამასთანავე იგი გახლდათ გამოჩენილი სახელმწიფო მოღვაწე და შორსმჭვრეტელი დიპლომატი, რომელსაც შეეძლო რელიგიური ინსტიტუტები და განწყობანიც კი თავისი პოლიტიკური მიზნებისათვის გამოეყენებინა. მისი დამსახურება ისრაელის სახელმწიფოს მშენებლობაში უდავოა. ამიტომ გასაკვირი არ არის, რომ მომდევნო თაობები მას აიდეალებდნენ. დავითის ოჯახთან ნათესაობა უდიდეს ღირსებად ითვლებოდა. ამიტომ გასაგებია ისიც, თუ რად იმეორებდნენ დაჟინებით მახარებლები ანუ ევანგელისტები ნაზარეთიდან გამოსული უბრალო მოძღვრის იესო ქრისტეს ისტორიული მისიის დასაბუთებისას, რომ იგი იყო შთამომავალი ისრაელის მეფეთა შორის უდიდესი მყუისა.

სოლომონი იყო ისრაელის პირველი მეფე, რომელმაც მეკეიდრეობით მიიღო მეფობა, მაგრამ მასაც ბრძოლა და ინტრიგები დასჭირდა ტახტზე ასასვლელად. მის დედას, პატივმოყვარე და ენერგიულ ბერსაბეს, წინასწარმეტყველ ნათანის ჯგუფის მხარდაჭერა რომ არ ჰქონოდა და მეფისათვის ძალა არ დაეტანებინა, ალბათ სოლომონიც იქნებოდა ერთ-ერთი მეფის მრავალრიცხოვან უსახელოდ ნახსენებ შვილთაგან, რომელთა შესახებაც თითქმის არაფერი ვიცით. ეჭვი არ არის, ტახტის მოპოვებისათვის ყველაზე მეტი უფლება ჰქონდა დავითის მეოთხე ვაჟს ადონიას, რომელსაც ემხრობოდნენ უმაღლესი ქურუში აბიათარი და მხედართმთავარი იოაბი. სოლომონმა შეიწყნარა აბიათარი და ბრძანა, მოეკლათ იოაბი და ადონია, თუმცა ადონიას ადრე აღუთქვა, სიცოცხლეს შეეინარჩუნებო. თავის მხრივ იგი მართალი იყო. ტახტის განმტკიცებისათვის სოლომონს უთუოდ უნდა ჩამოეცილებინა საშიში მეტოქე და დაეშინებინა მისი მომხრეები.

ასეთი ვითარება მართო ისრაელისათვის როდი იყო დამახასიათებელი. აღმოსავლელ დესპოტთა ვეებერთელა ჰარამხანებმა, მამრობითი სქესის მრავალრიცხოვანმა შთამომავლებმა და ტახტის მემკვიდრეობის უფლებათა საკითხებში იურიდიულ ნორმათა უქონლობამ საქმე იქამდე მიიყვანა, რომ ტახტის პრეტენდენტთა ძალით ჩამოცილება ხშირად გარდაუვალი ხდებოდა. ასეთივე სასტიკი აღათი არსებობდა ბიზანტიის იმპერატორთა კარზეც, სადაც იგი ლამის იქცა კორონაციის თანმხლებ ლეგადურ სახელმწიფო აქტად.

სოლომონს მშვიდობიანი მმართველობა შეხვდა. მან მამი-

საგან შემკვიდრეობით მიიღო დიდი და ძლიერი სახელმწიფო, რომელსაც იგი მართავდა ორმოცი წლის (ძვ. წ. 972—932 წლები) განმავლობაში. ამ ხნის მანძილზე სოლომონს არც ერთი დიდი ომი არ გადაუხდია. მან თავის ნებაზე მიუშვა არამეველი რაზონიც, რომელმაც დამასკოდან განდევნა ისრაელის გარნიზონი და თავი მეფედ გამოაცხადა. ეს მაშინ წერილმან ინციდენტად ითვლებოდა. სოლომონი შეცდა, მან ვერ გაითვალისწინა, რომ მომავალში არამეველთა ახალი სამეფო სერიოზულ საფრთხეს გაუჩენდა ისრაელს.

სოლომონის ისტორიული დამსახურება იმაში მდგომარეობს, რომ პატრიარქალურ-ტომობრივი წყობილების მქონე ღარიბი სამიწათმოქმედო ქვეყანა მან აქცია ერთიან, ეკონომიურად ძლიერ და ბრძოლისუნარიან სახელმწიფოდ, რომელსაც დიდი საერთაშორისო ავტორიტეტი გააჩნდა. სოლომონი იყო კარგი ადმინისტრატორი, დიპლომატი, მშენებელი და მოვაჭრე. მის დროს ისრაელის დედაქალაქის დიდებულება და სამეფო კარიის თვალისმომჭრელი სიმდიდრე საქვეყნოდ იყო განთქმული.

სოლომონის ავტორიტეტს თუნდაც ისიც მოწმობს, რომ გოროზმა ფარაონმა მას თავისი ასული მიათხოვა. სოლომონის ძალასა და გავლენიანობას გვიდასტურებს მისი საოცარი დიდი ჰარამხანა, უსაზღვრო ფუფუნება და უზომო ქედმაღლობა ხელქვეითებთან, რომელთაც სოლომონი მონებევით ეპყრობოდა.

მაგრამ ამ ნაკლოვანებებთან ერთად არ შეიძლება უარყოთ სოლომონის მეფობის დადებითი მხარეები. სწორედ მან ააშენა იერუსალიმი და აქცია იგი ნამდვილ დიდებულ დედაქალაქად. მის მიერ აგებული ტაძარი გახდა ებრაული რელიგიის ერთადერთი ცენტრი და სიმბოლო. უდავოა სოლომონის დამსახურება ქვეყნის თავდაცვისუნარიანობის ამაღლებაში. მოვიგონოთ გამაგრებული ქალაქების მშენებლობა და არმიის რეორგანიზაცია — საომარი ეტლების შემოღება.

სოლომონი აგრეთვე ცდილობდა ისრაელში ხელოსნობისა და საზღვაო ვაჭრობის განვითარებას. ამ მიზნით მას ფინიკიიდან მოჰყავდა საპეციალისტები. ფინიკიელების, სირიელებისა და ეგვიპტელების წესზე გამართულმა სამოხელეო იერარქიამ უზრუნველყო სახელმწიფო ადმინისტრაციის ზუსტი მოქმედება. სოლომონი უბადლო დიპლომატიც იყო. მისი უდიდესი მიღწევა იყო ფარაონის ასულზე დაქორწინება და თანამშრომლობა მეფე ქირამთან, რომლის დახმარების გარეშეც იგი მიზანს ვერ განახორციელებდა.

სოლომონის გამჭრიახობის წყალობით ისრაელი აყვავებულ სახელმწიფოდ იქცა. ამასთან დაკავშირებით მეფეთა მესამე წიგნში ნათქვამია: „და ქმნა მეფემან ვეცხლი იერუსალემს შინა, ვითარცა ქვა, და კედარის ხე ქმნა, ვითარცა ლეღვი, რომე-

ლი ველთა ზედა არს" (მესამე მეფეთა, თ. 10, მ. 27). ეს, რასაკვირველია, აღმოსავლური სტილიისათვის დამახასიათებელი გაზვიადებაა, მაგრამ გვაქვს საიმისო მონაცემები, რომ ეს პიპერბოლა არც თუ მთლად ტყუილია. ცნობილია, რომ სოლომონის წლიური შემოსავალი ექვსას სამოცდა ექვს ტალანტს (დაახლოებით ოცდამეორე ათას რუბლს) ოცდახუთ კილოგრამ ოქროს) შეადგენდა; ამ შემოსავალს აძლევდა მას ვაჭრობა, გადასახადები და არაბ ვასალთა ხარკი. ისრაელის მოსახლეობისაგან ნატურით მიღებული სურსათ-საქონელი კიდევ სხვა იყო.

ისრაელში მიწათმოქმედების აყვავებას მოწმობს ის ფაქტი, რომ სოლომონი ყოველწლიურად აწვდიდა ქირამს ოცი ათას საწყაო ხორბალს და ოცი ათას საწყაო ზეთს. ცხადია, მიწათმოქმედნი სასტიკ ექსპლოატაციას განიცდიდნენ, მაგრამ ასეთი კოლოსალური რაოდენობით სასოფლო-სამეურნეო პროდუქტების გაცემა მხოლოდ ქვეყნის კეთილდღეობის პირობებში იქნებოდა შესაძლებელი.

არქეოლოგიურმა მონაპოვრებმა გაგვაცნო მაშინდელი ყოფაცხოვრების მრავალი მხარე. კერძოდ, ეს მონაპოვარნი მოწმობენ ცხოვრების საკმაოდ მაღალ დონეს. ალებასტრისა და სპილოს ძვლისაგან ნაკეთები ურიცხვი ძვირფასი ფიალები კოსმეტიკისათვის, სხვადასხვა ფორმის შუშები, სარკეები და თმის სამაგრიები მოწმობენ, რომ იმდროინდელი ისრაელიტელი ქალები ბევრს ზრუნავდნენ თავის მორთვა-მოკაზმვაზე. ისინი ხმარობდნენ ნელსაცხებლებს, ფერუმარულს, სუნამოებს, მურს, პინას, კვიპაროზის ფესვებისაგან დამზადებულ ფხვნილს, წითელ საღებავს ფრჩხილებისათვის და ცისფერს — ქუთუთობისათვის. ამ წამლების უმრავლესობა საზღვარგარეთიდან შემოქონდათ; ასეთი იმპორტი კი მხოლოდ მდიდარ ქვეყანას ძალუძს.

გარდა ამისა, არქეოლოგებმა დაადასტურეს ქალაქების სწრაფი ზრდის პროცესი, რის წინააღმდეგაც ჯერ კიდევ დავითის დროს ასე გაშმაგებით იბრძოდნენ კონსერვატორი იაჰვისტები. მიწათმოქმედება ისევ რჩებოდა სახალხო მეურნეობის მთავარ დარგად. მაგრამ მიწათმფლობელები უმთავრესად ქალაქებში ცხოვრობდნენ. ქანაანის ყველა ქალაქს ციხესიმაგრის გალაქანი ერტყა. ამიტომ ისინი სულ უფრო და უფრო მჭიდროდ დასახლებულნი ხდებოდნენ. სახლების მეტი წილი ორსართულიანი იყო. მათ აგებდნენ მიწის ყოველ თავისუფალ ნაკვეთზე — ვიწრო და მჭიდროდ დასახლებული ქუჩების გასწვრივ.

ისრაელის მკვიდრთა საცხოვრებლის მთავარი ნაწილი იყო პირველ სართულზე მოთავსებული დიდი ოთახი, რომელშიც ქალები საჭმელს ამზადებდნენ და პურს აცხობდნენ. მთელი ოჯახი აქ იყრიდა თავს საჭმელად. ავეჯი არ ჰქონდათ. შეძლე-

ბული ადამიანებიც კი ჭილოფებზე ჭამდნენ და იძინებდნენ. ზემო სართულის ოთახებში აღიოდნენ ქვის საფეხურებით ან მისადგმელი ხის კიბით. ზაფხულობით ეძინათ სახლის ბანზე, სადაც მაცოცხლებელი ნიაჲი ქროდა.

უბრალო და მაწიერ საჭმელებში ბევრ ხახვსა და ნიორს ხმარობდნენ. ძირითადი საკვები იყო მოხალული და მოხარშული ხორბალი, სხედასხვა ღერღილი, ოსპი, კიტრი, ლობიო, ხილი და თაფლი; ხორცს მხოლოდ დღესასწაულებზე ჭამდნენ. სასმელად მეტწილად თხისა და ცხვრის რძე ჰქონდათ, ღვინოს კი ზომიერად ხმარობდნენ.

რა იყო სოლომონის სიმდიდრის წყარო?

მეცნიერები დიდხანს საეჭვოდ თვლიდნენ ბიბლიის ყველა ცნობას სოლომონის სიმდიდრის შესახებ, მათი ფანტასტიკურობისა და ბუნდოვანობის გამო. მეფეთა მესამე წიგნში ნათქვამია: „და მოჰკურთხეს სოლომონს ცხენთა ეგვიპტით, იყიდდა კრებული ვაჭართა ვეცხლითა და მოვიდოდეს ეტლნი ეგვიპტით ექვსას სასწორ ვეცხლისა: ცხენი ას ორშეოც და ას სასწორ ვეცხლისა. ეგრეთვე მიჰკურთხეს მათ მეფეთა ქეტელთა და ასურასტანისათა“ (მესამე მეფეთა, თ. 10, მ. 28-29). აქ მხოლოდ ისაა ნათქვამი, რომ სოლომონ მეფე ყიდულობდა ცხენებს და ეტლებს, მაგრამ არაფერია ნათქვამი ძივის შესახებ, რომ იგი კიდევ ჰყიდდა მათ. არქეოლოგიურმა ძიებამ კი ზუსტად გვიჩვენა, რომ სოლომონი ასრულებდა შუამავლის როლს ეგვიპტისა და აზიის სავაჭრო ურთიერთობაში; იგი ვაჭრობდა ცხენებითა და ეტლებით.

1925 წელს ამერიკის არქეოლოგიურმა ექსპედიციამ ისტორიულ იეზრეელის ველზე ქალაქ მეგიდოს ნანგრევები აღმოაჩინა. ამ ქალაქს უდიდესი სტრატეგიული მნიშვნელობა ჰქონდა. იგი ველის ჩრდილოეთ საზღვრებს იცავდა, მასზე გადიოდა სავაჭრო გზა აზიიდან ეგვიპტისაკენ. დაეთმა და სოლომონმა მეგიდო ძლიერ ციხესიმაგრედ აქციეს, მაგრამ ქალაქი არსებობდა ჯერ კიდევ მესამე ათასწლეულში ჩვენს ერამდე.

სწორედ აქ გახდა შესაძლებელი სოლომონის საიდუმლოების ამოცნობა. ნანგრევებს შორის აღმოაჩინეს მის მიერ აშენებული თავლები ოთხას ორმოცდაათი ცხენისათვის. თავლები განლაგებული იყო დიდი მოედნის ირგვლივ, სადაც, ალბათ, ცხენებს ხედნიდნენ და აურევებდნენ. შესაძლოა, მათ აქავე ყიდდნენ. თავლების ზომები და მათი მდებარეობა სავაჭრო გზაზე გვიმტკიცებს, რომ მეგიდო იყო აზიისა და ეგვიპტეს შორის ცხენებით ვაჭრობის ძირითადი ბაზა. სოლომონი კილიკიაში ყიდულობდა ცხენებს და, ალბათ, ყიდდა ეგვიპტეში, საიდანაც, თავის მხრივ, შემოჰქონდა ეტლები მესოპოტამიის ბაზრებზე გასაყიდად.

ბიბლიის მიხედვით, ფინიკიელ სპეციალისტთა და მეზღვაურთა დახმარებით სოლომონმა შექმნა საეაჭრო ფლოტი, რომელიც პორტ ესიონ-გებერში (აქაბის ყურეში) იდგა და ყოველ სამ წელიწადში ერთსელ ოფირში მიდიოდა. ამ ქვეყნიდან მოჰქონდა ოქრო და უცხო საქონელი. ბიბლიის მკვლევარებს ორი საკითხი აინტერესებდათ: 1) სად მდებარეობდა იღუმალებით მოცული ოფირის ქვეყანა? 2) რისი შეტანა შეეძლო ოფირში ისეთი სასოფლო-სამეურნეო ქვეყანას, როგორც ჰანაანი იყო? მეცნიერება დღემდე კამათობენ იმის შესახებ, თუ რომელი ქვეყანაა ბიბლიაში ოფირად წოდებული. ასახელებენ ინდოეთს, არაბეთს, მადაგასკარს. გამოჩენილი ამერიკელი აღმოსავლეთმცოდნე ოლბრაითი იმ დასკვნამდე მივიდა, რომ ლაპარაკია სომალიზე. სხვა მეცნიერებმა ყურადღება მიაქციეს თებეს ერთ-ერთი ტაძრის ფრესკას. აქ გამოსახულია შავგვრემანი ქალი, რომელსაც პუნტის დედოფალი ეწოდება. ფრესკის წარწერაში ნათქვამია, რომ ეგვიპტური ზომალდები ამ ქვეყნიდან ეზიდებოდნენ ოქროს, ვერცხლს, შავ და წითელ ხეს, ვეფხის ტყავს, ცოცხალ მაიმუნებსა და მონა ზანგებს. გაჩნდა ვარაუდი, რომ პუნტი და ბიბლიური ოფირი ერთი და იგივეა.

მეორე კითხვას პასუხი გასცა არქეოლოგიამ. 1937 წელს არქეოლოგი ნელსონ გლიუკი ვადი-ელ-არაბის უდაბნოს ველზე კლდეში გამოკვეთილ სპილენძის საბადოს შახტს წააწყდა. მუშახტეთა საცხოვრებლად აგებულ ქვის ფარღალალა შენობათა ნანგრევებმა და უდაბნოს ავაზაკ ტომთა თავდასხმებისაგან დასაცავმა გალავანმა გლიუკი დაარწმუნა, რომ მან სოლომონის მაღაროს მიაგნო.

აქაბის ყურის მახლობლად, სადაც ქვიშის ფენის ქვეშ ადრე უკვე იყო მიკვლეული პორტ ესიონ-გებერის ნანგრევები, გლიუკმა კიდევ უფრო მნიშვნელოვანი რამ აღმოაჩინა. ციხის გაღვენით გარშემორტყმულ ვრცელ მოედანზე განლაგებული იყო მრავალი სპილენძის სადნობი ქურა. მათ მიღებს პირი ჰქონდათ ჩრდილოეთისაკენ, საიდანაც ზღვის მუღმივი ქარები ქრიან. ამ მარჯვე ზერხით ადვილად ინარჩუნებდნენ დნობისათვის საჭირო ტემპერატურას.

ამ აღმოჩენათა წყალობით ჩვენ გავიგეთ, რომ სოლომონი მარტო ცხენებით კი არ ვაჭრობდა სარფიანად, არამედ მრეწველიც გახლდათ. მას, ალბათ, მონოპოლია ჰქონდა სპილენძის წარმოებაზე, რაც საშუალებას აძლევდა თავის ნებაზე აეწ-დაეწია ფასები და მიეღო ის უდიდესი შემოსავალი, რაც ბიბლიაშია მოხსენიებული.

სოლომონის სიბრძნის, სიმდიდრისა და სასახლის ფუფუნების ამბავი მთელ ქვეყანას მოედო. სხვადასხვა ქვეყნების ელჩები მოდიოდნენ იერუსალიმში, რომ ხელშეკრულებები დაე-

დოთ მეგობრობისა და სავაჭრო ურთიერთობის შესახებ. დელა-ქალაქის მცხოვრებლები თითქმის ყოველდღიურად ხედებოდნენ უცხო სტუმართა ქარავნებს, რომლებსაც მეფისთვის უხვი საჩუქრები მოჰქონდათ. და, უდავოა, ამაყობდნენ იმით, რომ მათი მშობლიური ქალაქი ესოდენ მსხვილ სავაჭრო და დიპლომატიურ ცენტრად იქცა.

ერთხელ ხმა გავრცელდა შორეული არაბეთიდან შებას დედოფლის ქარავნის ჩამოსვლის შესახებ. ხალხი ქუჩაში გამოეფინა და აღტაცებით შეეგება დედოფალს, რომელსაც ახლდა კარისკაცთა და მონათა მრავალრიცხოვანი ამაღა, უკან მოჰყვებოდა სოლომონისათვის განკუთვნილი ძვირფასი, ღიღებულნი საჩუქრებით დატვირთულ აქლემთა გრძელი მწკრივი.

ვინ იყო ეს ლეგენდარული დედოფალი — ბიბლიის ერთ-ერთი ყველაზე მიმზიდველი თქმულების გმირი?

ახლა ეს უკვე ცნობილია. ამ აღმოჩენის ისტორია იმდენად საინტერესოა, რომ ღირს მისი მოყოლა.

ჯერ კიდევ XIX საუკუნეში სანელებელთა და ნელსაცხებელთა ქვეყანა — სამხრეთ არაბეთი, რომელსაც ძველი რომაელები „ბედნიერ არაბეთს“ (Arabia felix) უწოდებდნენ, ევროპელებისათვის შეუვალი იყო. „მუხთალ ქოფაკებს“, თუკი ისინი მუჰამედის ქვეყანაში ფეხის დადგმას გაბედავდნენ, სიკვდილი ელოდა. მაინც გამოჩნდნენ გულადი ადამიანები, რომელთა ცნობისმოყვარეობამ და თავგადასავლების წყურვილმა სძლია შიშს. ფრანგი ჟ. ჰალევი და ავსტრიელი ექიმი ე. გლაზერი არაბულად შეიმოსნენ და აკრძალული ქვეყნისაკენ გაემართნენ. მრავალი თავგადასავლისა და სიმძნელეთა დაძლევის შემდეგ ისინი უდაბნოში წააწყდნენ ვეებერთელა ქალაქის ნანგრევებს. როგორც შემდეგ გამოირკვა, ეს ქალაქი მერიბად იწოდებოდა. აქ აღმოაჩინეს და ევროპაში ჩამოიტანეს მრავალი გამოუცნობი წარწერა. სენსაციურმა აღმოჩენამ სამეცნიერო წრეებში უდიდესი ინტერესი გამოიწვია. არაბმა სოვდაგრებმა დრო იხელთეს და მერიბის წარწერებით გაცხოველებული ვაჭრობა გააჩაღეს. ამგვარად, მეცნიერთა ხელში აღმოჩნდა პალესტინურ ანბანურ სისტემაზე დამყარებული წარწერებით დაფარული რამდენიმე ათასი ქვის ნატეხი. ღმერთებსე, ტომებსა და ქალაქებსე ნაწყვეტ-ნაწყვეტ ცნობათა შორის ამოიკითხეს ოთხი სამხრეთ-არაბული სახელმწიფოს სახელწოდება: მინეა, ჰადრამაუთი, კატაბანი და საბა (შება).

საბას ქვეყანა მოხსენებულია აგრეთვე ძვ. წ. VIII საუკუნის ასირიულ დოკუმენტებში. მათში ნათქვამია, რომ ამ ქვეყანასთან გაცხოველებული აღებ-მიცემობა ჰქონდა მესოპოტამიას, რომელიც აქ უმთავრესად სანელებლებსა და ნელსაცხებლებს ყიდულობდა. საბას მეფეები ატარებდნენ „მუქარბის“ ტიტულს,

რაც „ქურუმთთავარს“ ნიშნავს. მათი რეზიდენცია იყო ქალაქი მერიბი, რომლის ნანგრევებიც იპოვეს არაბეთის ნახევარკუნძულის, დღევანდელი იემენის, სამხრეთ ნაწილში. ქალაქი მთებში მდებარეობდა, მეწამული ზღვის დონიდან ორი ათასი მეტრის სიმაღლეზე.

მრავალრიცხოვან კლდეებსა და სვეტებს შორის მშვენიერებით გამოირჩეოდა მერიბის მახლობლად მდებარე ჰარამ ბილკისის ძველი ლეგენდარული ტაძარი. ეს იყო ოვალური ნაგებობა საუცხოო პორტალით, რომლისკენაც ბრინჯაოთი მოპირკეთებული ქვის საფეხურები მიემართებოდა. მრავალრიცხოვანი სვეტები და პილასტრები, ვრცელ ეზოში მოწყობილი შადრევნები სრულ წარმოდგენას გვიქმნიან ტაძრის ყოფილ მშვენიერებაზე. წარწერებიდან ვგებულობთ, რომ იგი არაბული ღმერთის ილუმეუჰის პატივსაცემად აუგიათ.

გულმოდგინე კვლევამ შესაძლებელი გახადა იმის დადგენა, თუ რა იყო საბას სამეფოს კეთილდღეობის წყარო. ოცი მეტრის სიმაღლის მქონე ვეებერთელა კაშხალი ამალლებდა მდინარე აღჰანათის დონეს. აქედან მიემართებოდა სარწყავი არხების დატოტვილი ქსელი. საბას ნარწყავი მიწები ძალზე ნაყოფიერი იყო და უხვ მოსავალს იძლეოდა.

მცხოვრებლებს უმთავრესად მოჰყავდათ ნაირნაირი ჯიშის ხანელებლები, რომლებიც სხვა ქვეყნებში გაჰქონდათ. ასე გრძელდებოდა ძვ. წ. 542 წლამდე, როცა მუდმივი თავდასხმებისა და ომების გამო, კაშხალი დაინგრა. აყვავებული ბაღი უდაბნოს ქეიშამ შთანთქა.

ახლა გასაგებია, რატომ ესტუმრა სოლომონს შებას დედოფალი. სავაჭრო გზა, რომელსაც „სურნელოვან გზას“ უწოდებდნენ და რომლითაც შებას სამეფოს მცხოვრებლებს საქონელი გაჰქონდათ ეგვიპტეში, სირიასა და ფინიკიაში, მეწამულ ზღვას გასდევდა და ისრაელის ქვეშევრდომთა ტერიტორიაზე გადადიოდა. ამის გამო ქარავანთა მშვიდობიანი მოგზაურობა სოლომონის ნება-სურვილზე იყო დამოკიდებული.

შებას დედოფალი სოლომონს ეწვია წმინდა პრაქტიკული მიზნით, მან მოინდომა უხვი საჩუქრებითა და მოგებაში წილის დადების დაპირებით მოეგო ისრაელის მეფის გული და მასთან მეგობრობის ხელშეკრულება დაედო.

მაგრამ ხალხურმა ფანტაზიამ მდუმარედ აუარა გვერდი ვიზიტის ნამდვილ მიზეზს და ყველაფერს რომანტიკული შეფერილობა მისცა. თითქოს დედოფლის უზადო სილამაზით მოხიბლულ სოლომონს თავდავიწყებით შეჰყვარებია იგი და მასთან ძეც ჰყოლია. აბისინიელები დღესაც ამტკიცებენ, რომ სწორედ იგი იყო ნეგუსთა დინასტიის მამამთავარი.

შევეხოთ სოლომონთან დაკავშირებულ კიდევ ერთ ლეგენ-

დას. აბისინიის ყოფილი დედაქალაქის აქსუმის ტაძრის საგან-
ძურში თითქოს ინახება შჯულის კიდობანი. საიდან მოხედა
იგი იქ? თქმულება მოგვითხრობს, რომ ეს კიდობანი სოლომონ-
ის ტაძრიდან მოუპარავს სოლომონისა და შებას დედოფლის
ქვს, იერუსალიმში კი ყალბი კიდობანი დაუტოვებია.

ამგვარად, გამოდის, თითქოს ნამდვილი შჯულის კიდობანი
აქსუმშია. იგი აბისინიელთა უდიდესი სალოცავია, მისი დანა-
ხვის უფლებას არავის აძლევენ. წვიმის პერიოდის დამთავრე-
ბის აღსანიშნავად გამართულ ეგრეთ წოდებულ მოსკალის დღე-
სასწაულზე ხალხის საჩვენებლად გამოაქვთ კიდობნის ასლი.

ებრაელი ხალხის მრავალ თაობას სოლომონი სიბრძნის გან-
სახიერებად მიაჩნდა. ეს გასაკვირიც არ არის. მისი მეფობის
წლები იყო ისრაელის უმაღლესი ეკონომიური და პოლიტიკუ-
რი აყვავების ხანა, ერთადერთი პერიოდი ძლიერებისა, მშვი-
დობისა და აყვავებისა ქვეყნის ისტორიაში.

მართალია, მომდევნო თაობათა მეხსიერებამ სოლომონის
მმართველობის მხოლოდ ნათელი მხარეები შეიძინახა, ჩრდი-
ლოვანი კი დაეიწყება მისცა, მაგრამ ეს ჩრდილოვანი მხარე-
ები ცოტა არ ყოფილა და მათი გახსენება აუცილებელია, იმისა-
თვის, რომ იმ ეპოქის ამსახველი ნამდვილი სურათი წარმოვიდ-
ვინოთ.

ჩვენ ვიცით, რა ვეებერთელა შემოსავალს აძლევდა სოლო-
მონს ვაჭრობა და სპილენძის წარმოება. მიუხედავად ამისა, მას
მზრუნველ და შორსმჭვრეტელ გამგებელს ვერ ეუწოდებთ. მის-
მა მფლანგველობამ და აღმოსავლური ფუფუნებისაკენ ლტოლ-
ვამ საქმე იქამდე მიიყვანა, რომ ქირამს ას ოცი ტალანტი ვე-
ლარ დაუბრუნა და იძულებული გახდა, ვალში გალილეის ოცი
ქალაქი მიეტა. ეს იყო ფინანსურ ჩიხში მომწყვდეული ბანკრო-
ტის ნაბიჯი.

როგორც ბიბლიური თქმულებებიდან ჩანს, მშენებლობაზე,
შეიარაღებასა და სამეფო კარის შენახვაზე გაწეული ხარჯების
მთელი სიმძიმე უპირველესად ქანაანის მცხოვრებლების მხრებ-
ზე გადადიოდა. საკმარისია, გავიხსენოთ, რომ ყოველწლიურად
ორას ათას კაცზე მეტს მიერეკებოდნენ იძულებით სამუშაოზე
ლიბანის ტყეებში, იორდანის ნაპირას მდებარე ქვის სამტეხ-
ლოებში და სამშენებლო მოედნებზე. მონური შრომის ეს შემ-
ზარავი სისტემა არაფრით განსხვავდებოდა დიად ჰირამიდების
მშენებლობათა ეპოქის ფარაონთა წესისაგან. თუ მხედველობა-
ში მივიღებთ დაეითის მიერ ჩატარებული მოსახლეობის აღწე-
რის მონაცემებს, რომლის მიხედვითაც ისრაელსა და იუდეაში
იმხანად მილიონ ორასი ათასი მამაკაცი ითვლებოდა, ძნელი არ

იქნება წარმოდგენა იმისა, რომ მეფე თავის ხელქვეითთა დიდ ნაწილს უწევდა ექსპლოატაციას იძულებითი სამუშაოებით.

ასეთ ეკონომიურ შევიწროებას არ შეიძლება ღრმა სოციალური ძვრები არ მოჰყოლოდა. ყოველწლიურად იზრდებოდა უფსკრული მდიდრებსა და გადასახადებითა და შრომითი ბეგარით განაწამებ უუფლებო ღარიბთა შორის. დაბალ ფენებში იზრდებოდა უკმაყოფილება. იწყებოდა დრტვინვა და მღელვარება.

ქურუმებსაც კი, დავითის დროს რომ მეფის მოკავშირეები იყვნენ, ჰქონდათ უკმაყოფილების საფუძველი. მომდევნო თაობებს ახსოვთ სოლომონის დიდი დამსახურებანი და ამიტომ აპატიეს კერპთა საქვეყნოდ გამოტანილი თაყვანისცემა თვით იერუსალიმის ტაძრის ეზოში. მაგრამ, რა თქმა უნდა, ეს მისი თანამედროვე ქურუმების აღშფოთებას იწვევდა.

მეფის უზარმაზარი ჰარამხანა საესე იყო ყოველგვარი რასისა და რწმენის ქალებით. აქ იყვნენ ხეთები, მოაბელები, იდუმიელები, ამონელები, ეგვიპტელები, ფილისტიმელები, ქანაანელები და კიდევ ბევრი სხვაც. საკუთარ წეს-ჩვეულებებთან ერთად მათ თავ-თავის ღვთაებათა კულტიც მოჰქონდათ სასახლეში. სოლომონი, განსაკუთრებით სიცოცხლის უკანასკნელ წლებში, თავისი ფავორიტი ქალების ძლიერ გავლენას განიცდიდა: მათ თხოვნას თუ რჩევას ადვილად მიმყოლი მეფე სხვადასხვა კერპთაყვანისმცემლურ კულტს ამკვიდრებდა. მაგალითად, ცნობილია, რომ ტაძრის ეზოში თაყვანს სცემდნენ ბაალს, ასტარტეს და მოლოქს. რადგანაც ხალხთა მასები, განსაკუთრებით ქვეყნის ჩრდილოეთ ნაწილში, ქანაანელი ღმერთებისადმი კეთილად იყვნენ განწყობილნი, მეფის მაგალითი მაინცდამაინც ვერ შეუწყობდა ხელს იაჰვიზმის განმტკიცებას.

მართალია, დავითმა და სოლომონმა ერთიან სახელმწიფოდ შეკრეს ყველა ტომი, მაგრამ სულიერ მთლიანობას მაინც ვერ მიაღწიეს. ჩრდილოეთ და სამხრეთ ქანაანის ტომებს შორის კვლავ პოლიტიკური და რასობრივი ანტაგონიზმი სუფევდა, თვით დავითიც კარგად გრძნობდა განკერძოებას მოსახლეობის ორივე ჯგუფს შორის. ლოგინად ჩავარდნილმა დავითმა სიკვდილის წინ სოლომონზე ასე თქვა: „და მე ვამცნო, რათა იყოს მფლობელად ისრაელსა და იუდასა ზედა“ (მესამე მეფეთა, თ. I, მ. 35).

ამასთან დაკავშირებით სოლომონმა დაუშვა საბედისწერო შეცდომა, რომელიც დიდ სახელმწიფო მოღვაწეს არ ეპატიება, მან ქვეყანა დაყო თორმეტ ოლქად, რომლებიც ვალდებულნი იყვნენ, სამეფო კარის საჭიროებისა და არმიისათვის მიეწოდებინათ გადასახადი, სასოფლო-სამეურნეო პროდუქტების განსახდერული რაოდენობა. ამასთანავე კაცს თვალში ეცქმან ისიც,

რომ ოლქების სიაში არ არის იუდას ტერიტორია. აქედან შეიძლება დავასკვნათ, რომ იუდა — დავითისა და სოლომონის ტომი, განთავისუფლებული იყო და არაფერს იხდიდა. ასეთ პრივილეგია კი აუცილებლად გააგულისებდა სხვა ტომებს, განსაკუთრებით ეფრემის ამაყ ტომს, რომელიც მუდამ მეტოქეობას უწყევდა იუდას პრიორიტეტისათვის.

უკვე დავითის მეფობის დროს სახელმწიფო ხელისუფლებას ბზარი გაუსნდა. ახესალომისა და სიბას ამბოხი არსებითად იყო ჩრდილოელ ტომთა აჯანყება, მიმართული იუდას ქვეყნის წინააღმდეგ. ეს ტომები მხარს უჭერდნენ სამეფო ტახტის პრეტენდენტებს — იშბოშეთს და ადონიას დავითისა და სოლომონის წინააღმდეგ. ეს მოწმობს იმ შინაგანი კონფლიქტების სიმწვავეს, ბოლოს და ბოლოს სახელმწიფო დაძლიაძვე რომ მიიყვანა.

სოლომონის უდიდესი შეცდომა იყო ის, რომ მას არასოდეს გაუწევია ზრუნვა თავისი სახელმწიფოს საფუძვლების განმტკიცებისათვის. სიბეცისა და ეგვიპტის გამო იგი დაუფიქრებლად აღრმავებდა საშიშ ანტაგონიზმს ტომთა შორის, რამაც მიწის სიკეთლის შემდეგ კატასტროფა გამოიწვია. პირველი საზიფათო ნიშნები ჯერ კიდევ სოლომონის სიცოცხლეში გაჩნდა; ეს იყო ეფრემის ტომის აჯანყება იერობოამის მეთაურობით. იერობოამი დამარცხდა, მაგრამ მოახერხა გაქცეულიყო ეგვიპტეში, სადაც ფარაონი სუსაკიმი ძალზე გულთბილად შეხვდა. ეს უკვე მეორე ცუდი ნიშანი იყო: იგი მოწმობდა, რომ ეგვიპტეს რაღაც მტრული განზრახვა ჰქონდა ისრაელის სამეფოს წინააღმდეგ და ამიტომ უჭერდა მხარს ყველას, ვინც მის დასუსტებასა და დაქუცმაცებას უწყობდა ხელს. მართლაც, სოლომონის გარდაცვალებიდან ხუთი წლის შემდეგ სუსაკიმი შეიჭრა იუდეაში და ბარბაროსულად გაძარცვა იერუსალიმის ტაძარი. ეს მოხდა დაახლოებით 926 წ. ჩვენს ერამდე.

სერიოზული ისტორიული შედეგი მოჰყვა აგრეთვე სოლომონის უძღვრებას რაზონის მიმართ. მან ჯერ კიდევ დავითის მეფობის დროს გამოაცხადა თავი დამასკოს მეფედ. მიუხედავად იმისა, რომ უზურპატორმა ზედიზედ მოაოხრა ისრაელის ჩრდილოეთის საზღვრები, სოლომონმა მაინც ეერ გაბედა, მისთვის გადამწყვეტი დარტყმა ეგემებინა. ისრაელსა და იუდეას შორის განხეთქილების შემდეგ დიდად გაძლიერდა დამასკოს არამეული სამეფო. იგი მრავალი წლის განმავლობაში ებრძოდა ისრაელს. ამან გაუადვილა ასურეთს სირიის დაპყრობა ძველი წელთაღრიცხვის VIII საუკუნეში, შემდეგ კი ისრაელის დამორჩილება 722 წელს და ისრაელის ათი ტომის წახსმა ბაბილონის ტყვეობაში. ასურეთის დაცემის შემდეგ ახალ ბაბილონურ სამეფოსა და ეგვიპტეს შორის დაიწყო ბრძოლა სირიისა

და ქანაანისათვის. იგი დამთავრდა 586 წელს იუდეის დაპყრობით და ქალდეველთა მიერ იერუსალიმის დანგრევით.

ამ ფაქტების მიხედვით უნდა ვთქვათ, რომ სოლომონის მეფობა, მთელი მისი ბრწყინვალებისა და მოჩვენებითი სიმდიდრის მიუხედავად, ბედნიერი არ ყოფილა. მეფის დამღუპველი პოლიტიკისა და დესპოტიზმის შედეგად შინაგანი სოციალური კონფლიქტებით შერყეული ისრაელი განუხრელად მიექანებოდა დაღუპვისაკენ. გასაკვირი არ არის, რომ დავითის მიერ ამოღენა ვაი-ვაგლახით შეკოწიწებული სამეფო მეფის გარდაცვალებისთანავე გაიყო ორ სუსტ, ერთმანეთისაგან განცალკევებულ სახელმწიფოდ, რომელთაც მუდმივი შინაომები ჰქონდათ ერთმანეთში.

აუცილებელია, ყურადღება მივაქციოთ ტრადიციულ აზრს, თითქოს ქებათა ქებისა და იგავთა წიგნის ავტორი სოლომონ მეფეა. ბიბლიაში ნათქვამია, რომ სოლომონმა შეთხზა ათას ხუთი საგალობელი და სამი ათასი იგავი, რომლებშიც გამოხატულია მისი არაჩვეულებრივი სიბრძნე.

ქებათა ქება ერთ-ერთი ყველაზე შესანიშნავი და თავისებური ეროტიკული პოემაა მთელ მსოფლიო ლიტერატურაში. ეგზოტიკური მეტაფორებისა და შედარებების ცეცხლით გავარვარებული მშვენიერი რიტმული ფრაზები ნამდვილად აღმოსავლური მგრძნობიარობით გვაოცებენ. გასაკვირი არ არის, რომ პოეტების, მხატვრებისა და მუსიკოსების მრავალი თაობისათვის იგი იყო შთაგონების ამოუწურავი წყარო, პოეზიის ჯადოსნური სასმელით პირამდე სავსე ფიალა.

აი, როგორ მიმართავს თავის შეყვარებულს პოემის ახალგაზრდა გმირი:

„რაბამ შენიერ ხარ და რაბამ ტკბილი ხარ,
საყვარელო, შეენებითა შენითა!
ემსგავსა სიმაღლე შენი ფინიკსა
და სასძეურნი შენნი — ტევანთა ყურძნისათა.
და ვოქვი — აღვიდე ფინიკსა
და დავიპყრნე რტონი მისნი,
იყვნენ ძეძუნი შენნი ვითარცა ტევანნი ყურძნისანი
და სული ნესტეთა შენთა ვითარცა ვაშლისა“.

(ქმბ. 7, 8)

ქალიშვილი კი ასე გვიხატავს თავის სატრფოს:

„თავი მისი — ოქრო წმიდა,
კოწონი მისნი — ყვავილნი დანაკისკუდიხანი,
შაე არიან, ვითარცა ყორანი.
თვალნი მისნი, ვითარცა ტრედნი
წარსადინელთა თანა წყალთასა.“

ღაწენი მისნი — ნერგოვანი ბალახისნისა,
 გოდოლ ნელსაცხებელთა.
 ბაგენი მისნი შრომანნი,
 მწოლვარენი მურისა მღინარისანი,
 მკლენი მისნი — სიმგრველენი ოქროისანი,
 შეჭედლილნი თვალებითა პატიოსნითა.
 მუცელი მისი — ფიცარი პილოსი ძვალელი,
 დაფარულ საფირონითა.
 წიენი მისნი — სვეტნი მარმარილოსნი,
 დამტკიცებულ საღვამელთა ზედა ოქროისათა“.
 (ქმბ. 5, 11)

ჰომემაში გვხვდება აგრეთვე ბუნების საუცხოო სურათები. მაგალითისათვის მოვიყვანთ ქარმელის მთის საგახაფხულო პეიზაჟის აღწერას:

„აჰა, ზამთარი წარხდა,
 წეიმა დასცხრა, წარვილა,
 ყვაიელინი გამოჩნდეს ქვეყანასა ზელა,
 ჟამი სხლვისა მი.იწია,
 ზმა გერიტისა ისმა ქვეყანასა ჩენსა,
 ლელემან მოაშწიფა ნაყოფი თვისი,
 ენახხნი ჩენნი ყვაიანი,
 გამოსცემენ სულნელს.
 აღდებ, მოუელ, საყვარელი ჩემო,
 მშენიერო ჩემო, მოუელ!“

(ქმბ. 2, 11).

მხურვალე სასიყვარულო გრძნობები იშლება სიუჟეტურ ქარგაზე, რომელიც ძველ პასტორალებს მოგვაგონებს. მეფეს შეუყვარდა უბრალო სოფლელი ქალი სულამითი. მან თავის პარამხანაში წაიყვანა გოგონა: მაგრამ მისი გული ვერაფრით მოინადირა. ქალიშვილი თავისი შეყვარებულის — თანასოფლელი მწყემსის ერთგული დარჩა.

სასახლის ფუფუნებაში ბატონის ზრუნვითა და აღერსით გარემოსილი გოგონა გამუდმებით მისტირის იმ ბედნიერ დღეებს, როდესაც თავის შეყვარებულთან ერთად მთებში ცხვრის ფარას მწყემსავდა. დამღამობით კი სატრფოს ძალუმ და საამო ხვევნაზე ოცნებობს.

ბოლოს და ბოლოს სიყვარული იმარჯვებს და შეყვარებულები კვლავ ერთდებიან.

ამ ჰომემას, სატრფიალო ლირიკის შედეგის, სარცარი ბედი ეწია. ჯერ არის და, გაუგებრობას იწვევს ის, რომ იგი ძველი აღთქმის კანონიკურ წიგნებში აღმოჩნდა: როგორ მოხდა, რომ

რელიგიურ ნაწარმოებთა რიცხვს მიაკუთვნეს ესოდენ აშკარა ეროტიზმით გამსჭვალული პოემა? მკვლევარებმა ვერ შეძლეს ამ კითხვაზე საბოლოო პასუხის გაცემა. ალბათ „საღვთო წერილის“ შემდგენლებმა იგი ბიბლიაში იმიტომ შეიტანეს, რომ მის ავტორად სოლომონ მეფე მიიჩნიეს.

იერუსალიმის ტაძრის აგებისათვის სოლომონს იდეალურ მეფედ მიიჩნევდნენ და ეთაყვანებოდნენ. ამიტომ მისთვის ეროტიკული პოემის ავტორობის მიწერა მკრებელობა იქნებოდა. მაშასადამე — ასე იფიქრეს ბიბლიის შემდგენლებმა — ქებათა ქებაში სატრფიალო კი არაა, რელიგიური გრძნობებია გადმოცემული. ავტორმა მას სატრფიალო ალეგორიის ფორმა მისცა მხოლოდ იმიტომ, რომ პოემა უფრო ადვილად გასაგები ყოფილიყო ერთმორწმუნეთათვისო.

მაგრამ ყველა და ყოველთვის როდი იყო დარწმუნებული ამ განმარტების სისწორეში. შემთხვევითი როდია, რომ ერთ-ერთი ყველაზე უფრო ცნობილი ისრაელიტელი რაბინი და მეცნიერი აკიბა (ჩვენი წელთაღრიცხვის 50—135 წლები) ხალხს მოუწოდებდა, არ შეეხილწათ ქებათა ქება და სამიკიტნოებში არ ემღერათ იგი. არაერთხელ წამოჭრილა საკითხი — სწორად არის თუ არა ეს პოემა მიკუთვნებული კანონიკურ თხზულებებს? დროთა განმავლობაში მაინც ტრადიციამ გაიმარჯვა. ქებათა ქება შევიდა ებრაულ ლიტურგიაში და პასეჟის დღესასწაულის პირველ დღეს სრულდება. მას კითხულობენ, როგორც მისტიკურ დრამას და ყოფენ მონოლოგებად, დიალოგებად და გუნდის პარტიებად. პოემის შინაარსი თითქოს გამოხატავს უფალ იაჰვესადმი ისრაელიტელთა დამოკიდებულების თანმიმდევრობით ცვლილებებს ეგვიპტიდან გამოსვლის შემდეგ, სანამ ხალხი თავს დააღწევს მიწიერ ტანჯვას და ღმერთს შეუერთდება.

ჩვენი წელთაღრიცხვის III საუკუნეში პოემამ ძლევამოსილად გადააბიჯა კათოლიკური ეკლესიის ზღურბლს, რასაკვირველია, სახეშეცვლილი განმარტებით. შეყვარებული ვაჟი — ეს თვით იესო ქრისტეა, შეყვარებული ქალი — ეკლესია ან ქრისტიანის სული, გუნდში კი, შეყვარებული წყვილის მეგობრების სახით, ანგელოზები, წინასწარმეტყველები და პატრიარქები იმალებიან.

მართალია, V საუკუნეში კვლავ გაჩნდა ეჭვი პოემის რელიგიური ხასიათის შესახებ. კერძოდ, ზოგნი იმ აზრისა იყვნენ, რომ სოლომონმა პოემა დაწერა ერთ-ერთი თავისი ცოლის დასაცავად. ეს იყო შავკერემანი. ეგვიპტელი ქალი, ფარაონის ასული, რომელიც კანის ფერის გამო არ მოსწონდათ იერუსალიმში.

მაგრამ ეკლესია და ინკვიზიცია ფხიზლად იყვნენ და ამის წყალობით მკვლევარები მხოლოდ XVIII საუკუნეში მიუდგნენ ქებათა ქებას ჭეშმარიტად კრიტიკული თვალსაზრისით. მაგრამ

მაშინაც კი არავის მოსვლია აზრად, დაეჭვებულიყო სოლომონის ავტორობაში. პირიქით, ყველა იმის გამოცნობას ცდილობდა, მეფის რომელი საყვარელი იგულისხმებოდა სულამითის სახეში. რიგრიგობით ასახელებდნენ ხან მეფე ქირამის ასულს, რომელსაც სოლომონი თითქოს პირველად ქარმელის მთაზე შეხვდა; ხან ეგვიპტელი ფარაონის შვილს, ხან შებას დედოფალს, ბოლოს, შუნამელ აბიშაგს, რომელიც თავის დროზე ღრმად მოხუცებულ დავით მეფეს მოკვარეს სხეულის გასათბობად. რომანტიკული ელფერის წყალობით, ყველა ეარაუდი მრავალ მომხრეს პოულობდა, განსაკუთრებით მხატვრებსა და მწერლებს შორის.

მაგრამ ეს ჰიპოთეზები 1873 წელს უარყო პრუსიის კონსულმა დამასკოში ი. გ. ვეცშტეინმა. სირიელ გლეხთა საქორწინო წესებზე დაკვირვებისას მან ყურადღება მიაქცია საოცარ მსგავსებას მათ საწესჩვეულებო სიმღერებსა და ბიბლიურ ქებათა ქებას შორის. აი, რას წერს ვეცშტეინი თავის მეშუაგობაში:

„სირიელი გლეხისათვის საუკეთესო დღეები მის სიცოცხლეში არის ქორწინების პირველი კვირა. ახალდაქორწინებულები წარმოადგენენ მეფეს და დედოფალს, მათ ემსახურება მთელი სოფელი.

ქორწილს უმთავრესად მარტში იხდიან. ესაა წელიწადის საუკეთესო დრო სირიაში. წვიმიანი ამინდები უკვე მოთავებულია, მზე კი ისე უწყალოდ არ აცხუნებს, როგორც შემდგომი თვეებში. დღესასწაული ეწყობა გარეთ, კალოზე, რომელიც ამ დროს მინდურის ყვავილებითაა მოფენილი. ახალდაქორწინებულები საგანგებო ტახტზე სხედან, სტუმრები კი მათ ირგვლივ ცეკვავენ და მღერიან — ხან თითო-თითოდ, ხან გუნდურად, აქებენ ახალგაზრდა წყვილს, მათ სილამაზესა და მშვენიერებას. საქორწილოდ დიდებულად მორთული ნეფე-დედოფალი მთელი კვირის განმავლობაში არაფერს აკეთებენ, სხედან ტახტზე, იმსახურებენ სტუმრებს, უსმენენ სიმღერებს, უყურებენ, თუ როგორ ეჯიბრებიან მამაკაცები ერთმანეთს ეაჟაკობასა და სიმარჯვეში. დედოფალი დროდადრო ადგება და ცეკვავს, რათა საქმროს ყურადღება მიიპყროს თავისი სილამაზით“.

შეპირისპირების გზით მეცნიერები იმ დასკვნამდე მივიდნენ, რომ ქებათა ქება ებრაელი ხალხის საქორწილო წეს-ჩვეულებებთან დაკავშირებული ხალხური სიმღერების კრებულია. ასეთი სიმღერები ყველა ხალხის ფოლკლორში შეიმღება მონაზონს. ჩვეულებრივ, ისინი გარკვეულ საწესჩვეულებო რიტუალს უკავშირდებიან და ამგვარად ერთიან კომპოზიციას ქმნიან. ეს სიმღერები ძველთაგანვე გავრცელებული იყო ახლო აღმოსავლეთში და, როგორც ვეცშტეინი ამტკიცებს, შემონახულია

ჩვენს დრომდე. სირიელი გლეხები დღესაც მღერიან ამ სიმღერებს ქორწილის დროს.

თუ რა შორეულ წარსულში მიდის ამ სიმღერების ფესვება, ვავიგეთ მხოლოდ მაშინ, როცა მესოპოტამიის ლურსმული წარწერების გაშიფვრა მოხერხდა. მკვლევარებმა წაიკითხეს ორი ეროტიკული პოემა. უეჭველია, ეს პოემები იმ სიმღერების ანთროპოლოგიაა, რომელსაც დედოფალი უმღეროდა თავის საქმროს — მეფეს. შუმერული წესის მიხედვით, მეფე ვალდებული იყო, წელიწადში ერთხელ სიყვარულის ქალღმერთის ინანას ერთ-ერთ ქურუმ ქალზე დაქორწინებულიყო, რათა თავის ქვეყანაში უხვი მოსავალი უზრუნველყო. სადედოფლოს მიერ შესრულებული სატრფიალო პოემა საოცრად ჰგავს ქებათა ქების ზოგიერთ ნაწყვეტს. მაგალითისათვის დავიმოწმებთ შემდეგ ოთხტაეპიან ლექსს:

„სატრფოვ, საყვარელო ჩემი გულისა,
შენება შენი ტკბილ არს, ვით თაფლი.
ლომო, საყვარელო ჩემი გულისა,
შენება შენი ტკბილ არს, ვით თაფლი“.

ქებათა ქების ფოლკლორული წარმომავლობა, რა თქმა უნდა, გამორიცხავს სოლომონის ავტორობას და ამით ბიბლიურ ტრადიციას უარყოფს.

თანამედროვე მეცნიერებამ საბოლოოდ დაადასტურა ამ დასკვნის სისწორე. ქებათა ქების ფილოლოგიურმა ანალიზმა ცხადყო, რომ პოემის ენა სოლომონის ეპოქის ძველებრაულ ენაზე გვიანდელია. მათ, სულ მცირე, რამდენიმე საუკუნე მაინც აშორებს ერთმანეთს. მრავალრიცხოვანი არამეიზმები და ელინიზმები უცილობლად ამტკიცებენ, რომ პოემა შეიქმნა ბაბილონის ტყვეობის, ანუ ძვ. წ. 532 წლის შემდეგ, როცა პალესტინაში ძალზე ძლიერი იყო ბერძნული კულტურის გავლენა.

არქეოლოგიურმა აღმოჩენებმა ეგვიპტეში, სირიასა და მესოპოტამიაში უარყვეს აგრეთვე მეორე ტრადიციაც, რომელიც მეფე სოლომონს მიაწერდა იგავთა წიგნის ავტორობას. ბიბლიაში ნათქვამია, რომ სოლომონმა მთელ ეგვიპტურ სიბრძნეს აჯობა. ამ ფრაზის აზრი გასაგები გახდა მხოლოდ ეგვიპტური იეროგლიფების წაკითხვის შემდეგ. აღმოჩნდა, რომ ეგვიპტელების, როგორც ძალზე ბრძენი ადამიანების, რეპუტაციას თავისი საფუძველი ჰქონდა. უკვე ფარაონთა V დინასტიის მეფობის დროს, დაახლოებით 2450-2315 წლებში ჩვენს ერამდე, კარის დიდებულმა პტახოტეპმა თავისი ძისათვის შეადგინა კრებული საყოფაცხოვრებო რჩევა-დარიგებებისა, რომლებიც მოკლე ანდაზების ფორმით იყო გადმოცემული. მასში აისახა ცხოვრების ჭეშმარიტად მდიდარი გამოცდილება, რადგან ავტორს კრებულის შედგენისას ას ათი წელი შეუსრულდა. კიდევ უფრო

საინტერესოა ეგვიპტელი ბრძენის ამენემოპეს დიდაქტიკური სენტენციები, რომელიც XVI საუკუნეს (ჩვენს ერამდე) ეკუთვნის.

ლურსმული ფირფიტებიდან შევიტყვეთ, რომ მსგავსი კრებულები ჰქონიათ აგრეთვე შუმერებს, ასურელებს, ქალდეელებსა და ფინიკელებს. ბიბლიურ იგავთა წიგნის შედარებამ ამ მასალასთან გვიჩვენა, რომ მასში მრავალი რამაა ნასესხები ამ გაცილებით უფრო ძველი კრებულებიდან. აქ გვხვდება სრულად მსგავსი აზრები და გამოთქმებიც კი. ეს სულაც არ ნიშნავს იმას, თითქოს იგავთა წიგნი არ შეიცავდეს ორიგინალურ ანდაზებს; მაგრამ მათი უმრავლესობა უეჭველად უცხოური წარმოშობისაა. ალბათ ეს იგავები გავრცელებული იყო მთელ ახლო აღმოსავლეთში და ქანაანშიც შეაღწია. ისრაელის ხალხმა ისინი თავის საკუთრებად მიიჩნია და შემდგომში მათი სიბრძნე სოლომონს მიაწერა.

როგორ გაითიშა ისრაელისა და იუდეის გზები.

დაეითის სამეფო გვარს იუდეაში დიდი ავტორიტეტი ჰქონდა, ამიტომ სოლომონის ვაჟმა რობოამმა დაუბრკოლებლად დაიკავა იერუსალიმის ტახტი. ახალ გამგებელს მაინც დასჭირდა სიქემში წასვლა, რათა მიეღო ჩრდილოეთის ტომთა თანხმობა თავის გამეფებაზე. თითქოს იქაც იოლად უნდა მოგვარებულიყო საქმე. ჩრდილოეთი მხად იყო, მომავალშიც დამორჩილებოდა იუდეველთა დინასტიას, ოღონდ სოლომონის მიერ შემოღებული მძიმე გადასახადების შემცირებას ითხოვდა. ჩრდილოეთის ტომებმა თავიანთ რწმუნებულად დანიშნეს მეამბოხეთა ყოფილა მეთაური იერობოამი, რომელიც ფარაონისაგან ოქროთი უხვად დასაჩუქრებული დაბრუნდა ეგვიპტიდან. ჩრდილოეთის ტომებმა აიძულეს ჭაბუკი მეფე მოლაპარაკებოდა მეამბოხესა და ლტოლვილს. ამით მეფეს აგრძნობინეს — თუ ჩვენს ნებას არ დაჟეჟები, კვლავ იარაღს მოვკიდებთ ხელსო. უხუცესთა საბჭოზე იერობოამმა შემდეგი სიტყვებით მიმართა მეფეს: „მამამან შენმან დაამძიმა უღელი ჩენი, ხოლო შენ შეგვიმცირე ფიცხელი შრომა მამისა შენისა და უღელი მძიმე, რომელი დაგვდგამან და გმონებდეთ შენ“.

რობოამმა მოფიქრებისათვის სამი დღე ითხოვა. სოლომონის ძველი გამოცდილი მრჩევლები სთხოვდნენ დათმობაზე წასულიყო. მაგრამ რობოამს ტოლ-მეგობრების დარიგება უფრო დაუჯდა ჭკუაში. ისინი კი აგულიანებდნენ და ურჩევდნენ, შორს დაეჭირა კაღნიერი მოთხოვნები. და აი, როცა სამი დღის შემდეგ კვლავ შეიკრიბნენ ტომთა წარმომადგენლები, მეფემ მათ მრისხანე პასუხი მისცა: „მამამან ჩემმან დაგვდგათ თქვენ უღელი მძიმე, ხოლო მე შევკმატო უღელსა თქვენსა. მამა ჩემი გტანჯვიდა თქვენ შოლტითა, ხოლო მე ღრიაკალითა გტანჯოთ თქვენ“.

ამის პასუხად ისრაელიტელებმა უარი თქვეს, ეცნოთ მეფე და სიქეში დატოვეს. რობოამი მაშინაც ვერ მიხვდა, რომ საქმე უკუღმა წაუვიდა და გადაწყვიტა, ძალით დაემორჩილებინა ჩრდილოეთი. დამსჯელი ექსპედიციის ხელმძღვანელად დანიშნა ყველასათვის საძულველი მეზვერე აღორამი, ვისი სახელიც სოლომონის დროს ძრწოლას იწვევდა. ჩრდილოეთის ტომებსა დაარბიეს მეფის რაზმები და აღორამი მოკლეს. შემფოთებული რობოამი ეტლით გაიქცა და იერუსალმის ციხესიმაგრეს შეაფარა თავი.

ამ უგუნური პოლიტიკის შედეგმა მალე იჩინა თავი. ჩრდილოეთის ათი ტომი იუდეას გამოეყო და თავის მეფედ იერობოამი გამოაცხადა.

ამგვარად, დავითისა და სოლომონის სახელმწიფო გაიყო ერთმანეთისაღმეტი მტრულად განწყობილ ორ სუსტ სამეფოდ — ისრაელად და იუდეად.

ჯიუტ რობოამს არასგზით არ სურდა შერიგებოდა ამ მღვთმარეობას. მან შეკრიბა დიდი არმია და დააპირა ჩრდილოეთისკენ დაეძრა იგი, რომ მუამბოხე ტომებს გასწორებოდა, მაგრამ აქ საქმეში ჩაერია მოხუცი წინასწარმეტყველი სამეა, რომელსაც უდიდესი ავტორიტეტი გააჩნდა იერუსალიმში. მან იაკვეს სახელით შეაჩვენა ძმათა სისხლის მღვრელი ომი და მოსთხოვა მეფეს, ხელი აეღო თავის უგუნურ განზრახვაზე. ამგვარად, თავიდან აიცილეს სამოქალაქო ომი, მაგრამ ეს იმას როდი ნიშნავდა, რომ ამ სახელმწიფოთა შორის თანხმობა დამყარდა. ათეული წლობით გრძელდებოდა შეურიგებელი მტრობა, რომელიც თავს იჩენდა ინტრიგებსა და სასაზღვრო ინციდენტებში, ამას კი ბოლოს და ბოლოს ომი მოჰყვა.

განხეთქილების შემდეგ ხუთი წელი გავიდა. ფარაონი სუსაკიმი დარწმუნდა, რომ მუდმივმა უთანხმოებამ ორივე სახელმწიფოს გამოაცალა ძალა. იგი თავს დაესხა ქანაანს, მოაოხრა იუდეა, ისრაელის ნაწილი და მხოლოდ მაშინ გაბრუნდა უკან, როცა რობოამმა უზარმაზარი ხარკი მიართვა — მან სუსაკიმს გადასცა იერუსალიმის ტაძრისა და სამეფო კარის აურაცხელი საგანძური. სოლომონის დიდებული ნაგებობანი გაპარტახდა. ხულ ოციოდე წლის შემდეგ იქ, სადაც ადრე ოქრო ბრწყინავდა, შიშველი კედლები დარჩა. ეგვიპტემ ხელთ იგდო აგრეთვე ოქროს ფარები, რომელიც „ლიბანის ტყის სახლს“ ამშვენებდა. რობოამმა ბრძანა, მათ მაგივრად ჩამოესხათ სპილენძის ფარები; სურდა მათი ცრუ ბრწყინვალეობით დაეფარა თავისი დაცემა.

ისრაელი თაყვანს სცემს ოქროს კერპს. იერობოამმა თავდაპირველად სიქეში აქცია თავის დედაქალაქად. მერე,

ფარაონ სუსაკიმის შიშით, თავისი რეზიდენცია იორდანეს იქით, ქალაქ ფენუელში გადაიტანა, ბოლოს კი თერსას დამკვიდრდა.

ისრაელს ძალიან აწუხებდა რელიგიური ცენტრის უქონლობა. იაჰვეს მღვდლები იერუსალიმში იყვნენ წასული, მორწმუნენი კი სალოცავად კვლავ სოლომონის ტაძარში დადიოდნენ. აქ იყო კულტის ერთადერთი და უწმინდესი საგანი — შჯულის კიდობანი. იერობოამს ძალზე აწუხებდა ის, რომ ხალხი სალოცავად მტრის დედაქალაქში დადიოდა. მას ეშინოდა, რომ დროთა განმავლობაში მისი ქვეშევრდომები კვლავ მოინდომებდნენ იუდეველთა ტომებთან გაერთიანებას, როგორც დავითისა და სოლომონის მეფობის დიდებულ ხანაში იყო. საფრთხის თავიდან ასაცილებლად იერობოამმა გადაწყვიტა, რელიგიურადაც ჩამოშორებოდა იერუსალიმს. ამ მიზნით ბეთელსა და დანში ააგო ტაძრები და იაჰვეს ტახტის კვარცხლბეკად ორი ოქროს კერპი ჩამოასხმევინა. შექმნა ქურუშთა ცალკე კორპორაციაც, დაადგინა თავისი რელიგიური დღესასწაულები და რიტუალური წესები. ამგვარად, ეს გახლდათ ნამდვილი რელიგიური მწვალებლობა, თანაც კერპთაყვანისმცემლობასთან შერწყმული. იაჰვისტები იერობოამის განდგომილებას კიცხვითა და გმობით შეხვდნენ. განსაკუთრებით აღშფოთებული იყო წინასწარმეტყველი აქია, რომელმაც თავისი ავტორიტეტით ხელი შეუწყო იერობოამის გამეფებას ისრაელში. ერთხელ, როცა იერობოამი ბეთელში ოქროს კერპს სწირავდა მსხვერპლს, გამოჩნდა აქია, წარმოთქვა შელოცვა და საკურთხეველი შუაზე გაიპო. განრისხებულმა მეფემ ხელი აღმართა და თავხედი წინასწარმეტყველის შეპყრობა ბრძანა, მაგრამ წმინდა კაცზე აღმართული ხელი წამსვე გაუხმა. იერობოამი შეძრწუნდა და აქიას შეევედრა, ჯანმრთელობა დამიბრუნეო. აქიამ იაჰვეს დასმარებით აღასრულა მისი თხოვნა, მაგრამ იერობოამს ამ შემთხვევამ ჭკუა ვერ ასწავლა. იგი კვლავ კერპთაყვანისმცემლობას უქადაგებდა თავის ქვეშევრდომებს. წინასწარმეტყველი აქია მოუწოდებდა, დაბრუნებოდა ჭეშმარიტი რწმენის გზას, მაგრამ მეფემ ყურად არ იღო მისი სიტყვა. აქია წავიდა ხელომში, სადაც მარტოდ-მარტო ცხოვრობდა. მიზრწნილ, დაბრმავებულ მოხუცს ძალზე სტკიოდა გული: მას იმედი გაუცრუა კაცმა, რომელიც გაამეფა იმ რწმენით, რომ იგი ერთგულად დაიცავდა მოსეს სარწმუნოებას.

თერსაში მეფობის დროს იერობოამს ავად გაუხდა საყვარელი შვილი, პატარა ბიჭუნა აბია. იერობოამმა ცოლს უთხრა: „აღდგე და შეიცვალე სამოსელი და ნუმც ვინ უწყის, რამეთუ ცოლი ხარ იერობოამისა და წარვედ ხელომს. მუნ არს წინასწარმეტყველი აქია და იგი იტყოდა ჩემთვის მეფობასა ერსა ამა-

სა ზედა. მიართვი მას ათი ჰური და კვერი და თაფლი ჭურჭ-
ლითა და გითხრას, რა იყოს ყრმისა ამის“.

მაგრამ ბრმა წინასწარმეტყველმა უმაღლვე შეიცნო დე-
ლოფლის ვინაობა. მისი პირით იაჰვე ამეტყველდა, იერობოამს
უცხო ღმერთების გამოსახულებათა აღმართვა უსაყვედურა და
ბრძანა: „ამისათვის მოვეუვლინო ბოროტი სახლსა იერობოამის-
სა და მოვსპო ყოველი მამაკაცი სახლისა მისისა, დაყენებული
და დაშთომილი ისრაელსა. და აღვგავო სახლი იერობოამისი,
ვითარცა მტკერი, ვიდრე მოისრულოს იგი. რომელი მომკვდარ
იყოს იერობოამისი ქალაქსა შინა, შეჭამონ ძაღლთა, ხოლო
მომკვდარი ველსა შეჭამონ მფრინველთა ცისათა. ასრე ბრძა-
ნებს უფალი: აღდეგ და მიიქეც; შესელასა შენსა ქალაქად
მოკვდეს ყრმა იგი“.

შემრწუნებული ქალი დაბრუნდა თერხას და როგორც კი კა-
რის ზღურბლს გადააბიჯა, ბავშვი უეცრად შემოაკვდა ხელში.

იერობოამმა ოცდარ წელს იმეფა. მისი სიკვდილის შემდეგ
ტახტზე ავიდა მისი ძე ნაბატო.

რა ხდებოდა იუდეაში?. სოლომონის ძე რობოამი
ჩვიდმეტ წელიწადს მეფობდა იუდეაში. მისი მმართველობა ხელ-
საყრელი არ იყო იაჰვეს რელიგიისათვის: მისი მეფობის მესე-
თე წელს ფარაონმა სუსაკიმმა იერუსალიმის ტაძარი გაძარცვა.
ამას ისიც დაემატა, რომ რობოამი თავისი დედის, ამონელი ნა-
ამის გავლენით, კერპთაყვანისმცემელი გახდა. მთელ ქვეყანაში,
ბორცვებზე თუ წმინდა ხეების ქვეშ, მისი ქვეშევრდომები უცხო
ღმერთებს სცემდნენ თაყვანს. რობოამს გაუთავებელი შეიარა-
ღებული შეტაკებები ჰქონდა ისრაელთან. იერობოამის მეომარ-
თა თავდასხმისაგან დასაცავად მან სასაზღვრო ქალაქები გა-
ამაგრა. ამ ციხესიმაგრეში მეციხოვნე ჯარის უფროსობა თავის
ოცდარვა ძეს ჩააბარა. იერუსალიმში დაიტოვა მხოლოდ აბია,
რომელიც მემკვიდრედ გაიხადა. აბიამ მხოლოდ სამ წელიწადს
იმეფა. რელიგიურ საქმეებში იგი მამისა და დედის — მამაქას
კვალს მისდევდა და კერპთაყვანისმცემლობას არ ებრძოდა.

მაგრამ აბია ენერგიული პოლიტიკოსი და სარდალი იყო.
მან კავშირი დაამყარა დამასკოს მეფესთან, რათა მოეპოვებინა
უპირატესობა ისრაელზე და უზარმაზარი არმია დაძრა იერო-
ბოამის წინააღმდეგ. სისხლისმღვრელ შეტაკებაში, რომლის
დროსაც ხუთასი ათასი ისრაელიტელი დაიღუპა, აბიამ სრული
გამარჯვება მოიპოვა. იგი შეიჭრა ბეთელში და ჩრდილოეთის
სხვა ქალაქებში, გააპარტახა ისინი და მრავალი ტყვე წამოას-
ხა. ამის შემდეგ იერუსალიმში დაბრუნდა. მას ჰყავდა თოთხმე-

ტი ცოლი, რომლებმაც ოცდაორი ძე და თექვსმეტი ასული უშვეს.

იუდეველთა ტახტზე აბია შესცვალა მისმა შვილმა ასამ, რომელმაც ორმოცდაერთ წელს იმეფა. თავის წინამორბედთან განსხვავებით, ასა იყო თავგამოდებული იაქვისტი და კერპთაყვანისმცემლობის მტერი. მან ხელისუფლებას უმაღვე ჩამოაშორა თავისი დიდიდედა მააქა, რომელიც ასტარტესა და პრიპოსის კულტს ნერგავდა და იერუსალიმის ტაძარში დადგა ხის კუნძი — ასტარტეს სიმბოლო. ასამ ბრძანა, ეს კუნძი კედრონის ხეობაში დაეწვათ, ბორცვებზე თუ ჭალებში ააღებინა კერპები და ქვეყნიდან გააძევა ყველა უცხოელი, რომლებიც ცრუ ღმერთებს სცემდნენ თაყვანს. იგი ცდილობდა, იაქვეს კულტი დაემკვიდრებინა იერუსალიმის ტაძარში, სადაც ხელახლა აგროვებდა განძეულობას და ტაძარს უბრუნებდა ყოფილ დიდებულებას. მაგრამ არც ისე იოლი იყო იუდეველ მიწათმოქმედთა და მეცხოველეთა მიზიდვა დედაქალაქში. მათ წმინდა ადგილები დაიტოვეს ბორცვებზე და ჭალებში, სადაც მსხვერპლს სწირავდნენ იაქვეს.

ასამ წარმატებით მოიგერია სამხრეთელი ბედუინი ტომების შემოსევა და იმისათვის, რომ ისრაელის სამეფო ორ ცეცხლს შუა მოექცია, კავშირი განაახლა დამასკოს მეფესთან. ამ კავშირისათვის, მოსეს სარწმუნოებას რომ საფრთხეს უქმნიდა, იგი კაღნიერად ამხილა წინასწარმეტყველმა ანანიამ. ამის გამო ასამ იგი დილეგში ჩააგდო. სიბერიის ჟამს ასა მაინც მიხვდა, რა საზიფათო შეიძლებოდა ყოფილიყო ებრაელთა ტომებისათვის სირიის მზარდი ძლიერება და ამიტომ ისრაელთან ურთიერთობის გაუმჯობესება მოინდომა.

ასას ძემ იოსაფატმა ოცდაერთ წელს იმეფა. იგი, მამის მსგავსად, თავგამოდებული იაქვისტი იყო და მის პოლიტიკას განაგრძობდა. მან მოახერხა, თუმცა მცირე ხნით, ზავი შეეკრა ისრაელთან და ეს ურთიერთობა თავისი შვილის იორამისა და ისრაელის უძლიერესი მეფის აქაბის ასულის გოთოლიას ქორწინებით განამტკიცა.

ამბრი — ისრაელის უდიდესი მეფე. იერობოამის შვილმა ნაბატმა სულ ორიოდე წელიწადს იმეფა. ფილისტიმელთა ქალაქის გაბაონის ალყის დროს იგი მუხანათურად მოკლა ისაქარის ტომის წარმომადგენელმა ბაასამ. მეფის მკვლელობა მისი ოჯახიც ამოწვიტა, გაანადგურა იერობოამის შთელი მოდგმა და ტახტს დაუფლა. ბაასა ხერხიანი დიპლომატი და მამაცი მებრძოლი იყო. მან კავშირი შეკრა დამასკოს მეფე ბენადად I-თან და თავს დაესხა იუდეას. მოახერხა ქალაქ რამას

ხელში ჩაგდება, მაგრამ ცბიერებით იუდეველთა მეფემ ახამ აჯობა. მან უხვი საჩუქრებით გადაიბირა ბენადადი, რომელმაც გაწყვიტა კაეშირი ბაასასთან და თავს დაესხა ისრაელს. ბაასა ჩრდილოეთში გაიქცა.

მეფის მკვლელობა და უზურპატორმა ბაასამ ოცდამათხუთს წელს იმეფა და თავისი დღით მოკვდა. მისმა შვილმა ელამ კი მხოლოდ ორ წელიწადს შეინარჩუნა ტახტი. თერსაში, რომელიც მან სატახტო ქალაქად აქცია, გამართულ დიდ ნადიმზე იგი უგრძობლად დათვრა. ამ დროს სასახლეში შეიჭრა საომარი ეტლების უფროსი ზამბრი, მოკლა მეფე და მთელი მისი ოჯახი ამოეღიბა. ასე დაიღუპა ისრაელიტელთა მეორე დინასტია, რომლის მამამთავარი იყო ბაასა. ხელისუფლება ხელთ იგდო ზამბრიმ, მაგრამ არმიამ მას მხარი არ დაუჭირა. მხედართმთავარმა ამბრიმ თავისი რაზმებით თერსას მიაშურა და ალყა შემოარტყა ქალაქს. ზამბრი შვიდ დღეს უწყვეტა წინააღმდეგობას, მერე კი მიხვდა, რომ გამოუვალ მდგომარეობაში იყო, გადაწვა მეფის სასახლე და თვითონაც ცეცხლში დაიღუპა. ჯარმა მეფედ გამოაცხადა ამბრი, რომელმაც დასაბამი დაუდო ისრაელიტელთა მეოთხე დინასტიას. ეს დინასტია ორმოცდაათ წელიწადს იგვა ხელისუფლების სათავეში.

ყველა ისრაელიტელმა მაშინვე როდი აღიარა იგი მეფედ. ზოგიერთმა ტომმა წამოაყენა ვინმე თაბნის კანდიდატურა. მას განსაკუთრებით მხარს უჭერდა ეფრემის გავლენიანი ტომი. ოთხ წელს გრძელდებოდა სამოქალაქო ომი. საბოლოოდ ამბრიმ გაიმარჯვა, თაბნი კი სრულიად გაქრა პოლიტიკური არენიდან.

ამბრიმ ახალი დედაქალაქის აშენება გადაწყვიტა. იგი უსაფურ ადგილს ეძებდა და ბოლოს არჩევანი ერთ-ერთ ბორცვზე შეაჩერა. აქედან მოჩანდა ქანაანის ყველა უმნიშვნელოვანესი სავაჭრო გზა. კარგ ამინდში აქედან შესაძლებელი იყო ყველა მიმავალი ქარავნის დანახვა თვით ხმელთაშუა ზღვამდე. გარდა ამისა, ბორცვის დაცვა ალყის დროსაც ადვილი იყო, რასაც უდიდესი მნიშვნელობა ჰქონდა. სახელმწიფოს მომავალი სატახტო ქალაქისათვის. ამბრიმ ორი ტალანტი ვერცხლი მისცა ბორცვის მფლობელს სემერს და ქალაქსაც მისი სახელი — სამარია უწოდა.

ამბრის ძალზე ბედნიერი მეფობა შეხვდა. ასურელებიცა და ქვიპტელებიც პატივს სცემდნენ მას. ამბრიმ დაიმორჩილა მოაბელები და მოხარკედ გაიხადა, მაგრამ სირიის მეფე ბენადადთან ვერაფერი გააწყო. ბენადადმა წაართვა მას რამდენიმე ქალაქი და დაითანხმა იმაზე, რომ სირიელ ვაჭრებს სამარიაში საკუთარი კვარტალი და თავისუფალი ვაჭრობის უფლება ჰქონოდათ. მიუხედავად იმისა, რომ ამბრი გამოცდილი სარდალი იყო, ომებს მაინც გაურბოდა. მას კარგი ურთიერთობა ჰქონდა სიდო-

ნის მეფე ეთბაალთან. მასთან დადებული ხელშეკრულება ამბრის თავისი შვილის აქაბისა და სიდონის მეფის ასულის იეზაბელის ქორწინებით განამტკიცა. ამბრი იუდეველთა მეფესთანაც მეგობრობდა. ეს მეგობრობა კიდევ უფრო გააძლიერა მისმა ვაყმა აქაბმა, რომელმაც თავისი ასული გოთოლია მეფე იორამს მიათხოვა.

ამბრის თორმეტ წელს იმეფა. მართალია, კერძოთაყვანისმცემლობას არ ებრძოდა, მაგრამ, მიუხედავად ამისა, ბევრი რამ კარგი გააკეთა. მის დამსახურებათა შორის მთავარია დიდებული სატახტო ქალაქის სამარიის მშენებლობა.

წინასწარმეტყველი ელია და იეზაბელი. ამბრის შეიღმა აქაბმა ოცდორ წელს იმეფა. თავისი მეუღლის, სიდონის მეფის ასულის იეზაბელის ჩაგონებით მან უარყო იაჰვე და ისრაელში სახელმწიფო რელიგიად ბაალის კულტი დააწესა. იეზაბელმა ფინიკიელთა ღმერთს მელქარფს სამარიაში ტაძარი აუგო. იგი მისი ერთგული თაყვანისმცემელი იყო, იაჰვისზმის წინასწარმეტყველებს კი ავიწროებდა, სდევნიდა და ხოცავდა. საქმე იქამდე მივიდა, რომ იაჰვეს მიმდევრები იძულებულნი იყვნენ, თავისი რწმენა დაემაღათ. ასეთი ფარული იაჰვისტი იყო მეფის სასახლის მთავარი გამგებელი აბდია. იგი იაჰვეს ას წინასწარმეტყველს დაესმარა — დევნისაგან თავი დააღწევინა, სამარიის მახლობლად მდებარე გამოქვაბულში დააბინავა და წყლითა და პურით ამარაგებდა.

ერთხელ აქაბთან წინასწარმეტყველი ელია გამოცხადდა. იგი წარმოშობით გალაადელი იყო. უდაბნოში მას გამოეცხადა იაჰვე და უბრძანა წასულიყო აქაბთან. ელია მეფეს ეახლა განდევნილის ტანსაცმლით მოსილი, თოკის ქამარშემორტყმული; იგი მეფეს პირისპირ დაუდგა და ამხილა იგი სარწმუნოებისაგან განდგომისათვის. ელიამ უწინასწარმეტყველა, რომ ქვეყანას თავს დაატყდებოდა უბედურება — გვალვა და შიმშილი. „ცხოველ არს უფალი ღმერთი ისრაელისა, რომლისა წინაშე დავდევ მე! — მრისხანე ხმით შეკლადადა ელიამ. — არა იყოს წელთა ამით ცვარი ანუ წვიმა, თუ არა სიტყვითა ჩემითა!“

ამ წინასწარმეტყველების შემდეგ, მეფის შურისძიების შიშით, ელია სატახტო ქალაქიდან გაიქცა და იორდანეს იქით, მთებს შეაფარა თავი. აქ უდაბური ადგილები იყო, მაგრამ ელია მაინც არ შიმშილობდა. ყორნებს დღეში ორჯერ მოჰქონდათ მასთან პური და ხორცი, წყალს კი მდინარე ქორათიდან სვამდა; მაგრამ აი, დადგა ნაწინასწარმეტყველვეი გვალვა, წვიმები შეწყდა და მდინარე სულ დაშრა. ელია სიდონის მახლობლად მდებარე პატარა ქალაქს სარეფთას დასახლდა. აქ იგი ერთმ

ღარიბმა ქვრივმა შეიკელა და თავისი ღარიბული ლუკაც უნაწილა. მოხდა სასწაული: ქვრივთან წინასწარმეტყველანს ყოფნისას ჩანახს ფქვილი არ დაკლებია, ქოთანს კი ერბო.

მაგრამ აი, ქვრივს დაატყდა უბედურება: მის პატარა შვილს მძიმე სენი შეეყარა და გარდაიცვალა. ელიამ თავის ოთახში შეიტანა მიცვალებული, საწოლზე დააწვინა და იაპვეს შეეყვდრა, მკვდართაგან აღედგინა იგი. იაპვეს შეისიხნა წინასწარმეტყველის თხოვნა და ბიჭი გაცოცხლდა. გახარებულმა ქვრივმა შესძახა: „აწ ესე ვცან: კაცი ღმრთისა ხარ შენ და სიტყვა ეფელისა ჭეშმარიტ არს პირსა შენსა!“

ისრაელში სამ წელს მძვინვარებდა შიმშილი. ამ აზბით შეძრწუნებული აქაბი დათანხმდა შეხვედროდა ელიას, რომ გაცივცადათ, რომელი ღმერთი იყო ჭეშმარიტი — იაპვე თუ ბაალი. ქარმელის მთაზე თავი მოიყარა ბაალის ოთხას ორმოცდაათმა წინასწარმეტყველმა, რომელსაც დედოფალი იეზაბელი არჩენდა. მათთან საბრძოლველად კი ელია გამოვიდა მარტოღმარტო. ისრაელიტელთა და ქანაანელთა მრავალრიცხოვანი ბრბო მოუთმენლად ელოდა ამ თავისებური ორთაბრძოლის დასასრულს. ელიამ ბაალის წინასწარმეტყველებს წინადადება მასცა, სამსხვერპლოზე დაედოთ დაკლული ხბო და თავისი ღმერთისათვის ზეციდან ცეცხლას გარდამოვლენა ეთხოვათ. წინასწარმეტყველები სამსხვერპლოს ირგვლივ ტრიალებდნენ, დანებს და შუბებს იხვლეტდნენ და გახელებულნი ყვიროდნენ: „ეჟუად იდე ხმა ჩემი, ბაალი!“ დადგა შუადღე, ხბოს ცეცხლი არ მოეკიდა. ელია მათ დამცინავად ურჩევდა: „უღალადეთ ხმათა დიდითა, რამეთუ ღმერთი არს იგი. ნუეკვე ზრახავს იგი რასჲ, ანუ საქმესა იქმს, ანუ გზად არს, ხოლო სძინავს თუ მას, განიდვიძოს.“

შუადღე მიიწურა. ელიამ სამსხვერპლო აღმართა, მას ირგვლივ თხრილი შემოავლო, შეშა დააწყო, ასო-ასო აქნა თავისი ხბო და ბრძანა, სამსხვერპლოზე წყალი დაესხათ. როგორც კი თხრილი წყლით აივსო, მან ზეცასაკენ აღაპყრო ხელები და ხმამაღლა შეეყვდრა იაპვეს, დაემტკიცებინა, რომ იგია ჭეშმარიტი ღმერთი. უმაღვე ზეციდან გამოჩნდა ცეცხლი, რომელმაც შთანთქა არა მარტო ხბო, არამედ სამსხვერპლოს ქვებაც და თხრილის წყალიც. ამ სასწაულის მზილველი ხალხი პირქვე დაემხო შეძახილებით: „უფალ არს ღმერთი! უფალ არს ღმერთი!“ მაგრამ ელია ამას არ დასჯერდა, ბრძანა, შეეპყროთ ცრუ-წინასწარმეტყველნი და ყველანი სიკვდილით დაესაჯათ მდინარე კიშონზე. შემდეგ იგი ქარმელის მთაზე დაბრუნდა, ქვაზე ჩამოჯდა და ზღვის თავზე წვიმის ღრუბლის გამოჩენას ელოდა. რამდენამე წამის შემდეგ მთელი ცა ღრუბლებით დაიფარა და დიდი ხნის ნანატრი კოკისპირული წვიმა წამოვიდა.

დედოფალმა იეზაბელმა ქარმელის მთაზე მომხდარი ამბავი

რომ გაიგო, დაიფიცა, შურს ვიძიებო. მოურჯულეღელი წარმართი ქალის. რისთვის შიშით ელია იუდეაში გაიქცა. აქ იგი კლდის გამოქვაბულებში იმალებოდა. ელიას კვლავ გამოეცხა და იაჰვე, უბრძანა წასულიყო დამასკოში და სირიის მეფედ ახალი ეკურთხებინა. მეორე, კიდევ უფრო მნიშვნელოვანი დავალება ის გახლდათ, რომ ისრაელის მეფედ ეკურთხებინა იუაქაბის მხედართმთავარი.

გზაზე ელიას შემოხვდა ისრაელიტელი ელისე. მას თორმეტი უღელი ხარი ჰყავდა შებმული და ყანას ხნავდა. ელისე წინასწარმეტყველს თვალში მოუვიდა და თავისი ხალენი წამოახსა მხრებზე, რაც იმის ნიშანი იყო, რომ მოწაფედ მიჰყავდა. ამ მოულოდნელი წყალობით აღელვებულმა ელისემ თქვა: „მიტყვე, ვეამბორო. მამასა ჩემსა და დედასა ჩემსა და მოგდევდე შენ!“ შემდეგ დაკლა ორი ხარი, მეზობლებსა და ახლობლებს ნადიმი გაუმართა, მშობლები დატოვა და თავის ახალ მოძღვარს გაჰყვა.

ნაბოთეს ვენახი. მეფე აქაბს მუდმივი ომი ჰქონდა სირიელებთან. დამასკოს მეფე ბენადად II ოცდათორმეტ მოკავშირე მეფესთან ერთად ისრაელში შეიჭრა და სამარიასაც, კი შემოარტყა ალყა. მაგრამ იგი დამარცხდა და იძულებული გახდა, თავის ქვეყანაში დაბრუნებულიყო. ერთი წლის შემდეგ ბენადადი კვლავ გამოჩნდა ისრაელში და კვლავ დამარცხდა, ამჯერად უკვე აფეკთან. იგი ტყვედ ჩავარდა, მაგრამ აქაბმა გაათავისუფლა, ოღონდ დააბრუნებინა ამბრის დროს მიტაცებული ისრაელის ქალაქები და ისრაელიტელი ვაჭრებისათვის დამასკოში თავისუფლად ვაჭრობის ნება მიაცემინა. ეს კი იყო, რომ იაჰვეს ერთ-ერთმა წინასწარმეტყველმა ასეთი დიდსულოვნება არ მოუწონა.

გამარჯვებით დაგვირგვინებულმა ომებმა და ქვეყნის კარგმა ეკონომიურმა მდგომარეობამ აქაბს საშუალება მისცა, სამარიასთან ერთად თავისი მეორე დედაქალაქის — იეზრეელის გამშენიერებას შესდგომოდა. მან ბრძანა, გაეფართოებინათ და სძილოს ძვლით მოქირკეთებინათ მამამისის აშენებული სასახლე. სასახლის ირგვლივ მდებარე ბაღის გაფართოება და გამშენიერებაც მოინდომა. ამ მიზნით მან მიმართა ნაბოთეს, რომელსაც სასახლის გვერდით ვენახი ჰქონდა. სთხოვა, ნაკვეთი ან მომყიდუ, ან სხვა ვენახზე გადამიცვალეო. ნაბოთემ უარი უთხრა: მამა-პაპათა სამკვიდრებელია და ვერ შეველევიო. აქაბი ძალზე შეწუხებული დაბრუნდა სასახლეში. დაწვა, პირი კედლისკენ იბრუნა და აღარც საჭმელი ინდომა. უმშენიერესი, დიდი სამეფო ბაღის შექმნაზე ოცნება ოცნებად უნდა დარჩენილიყო მისაქვეშევრდომის ჯიუტობის გამო. როგორც ჩვეულებრივ ასეთ

დროს ხდება სოღჲე, სჲქჲეს სელი მოჲკადა ენერგიულმა და ცბიერმა იეზაბელმა. იგი ქმართან მოვიდა და უთხრა: „აღდეკ და ჭამე პური და განიხაროს გელმან შესმან და მოგცე შენ ვენასი ნაბოთესი!“

მან მაშინვე მისწერა წერილი ხანღო კაცს, დააეალა, გამოეძებნათ ორი ცრუ მოწმე, რომლებიც ნაბოთეს სახელმწიფო ღალატს დააბრალებდნენ. ასეც მოიქცენა, ცრუ ბრალდების საფუძველზე ნაბოთე სიკვდილით დასაჯეს, მისი ვენასი კი მეუფეს დარჩა.

მეფე-დედოფალს მთელი ქვეყანა ძრახავდა ამ უნამუსო საქციელისათვის, მაგრამ პროტესტის შმაჲაღლა გამოთქმა ევრაეინ გაბედა. მხოლოდ წინასწარმეტყველი ელია მივიდა აქაბთან და იაჲვეს ბრძანებით ასეთი თამამი სიტყვებით უწინასწარმეტყველა მისი მოჲავალი ბედი: „ასრე ბრძანებს უფალი: შენ მოჲკალ ნაბოთე და დაიძვიდრე ვენასი მისი? ამისთვის, საღა ლოჲნიდეს ძაღლნი სისხლსა მისსა, იქ ლოჲნიდენ იგინი სისხლსა შენსა... ხოლო იეზაბელისთვის ბრძანებს უფალი ძაღლთა შეჭამონ იეზაბელ იეზრეელის ზღუდისა გარე“.

ასეთი წინასწარმეტყველებით თავზარდაცემულმა აქაბმა ტანსაცმელი შემოიხია, ძაძები ჩაეცვა და მარხულობდა. იაჲვემ მისი გულწრფელი მონანიება რომ იხილა, გადაწყვიტა, სამეფო გვარი აქაბის სიკვდილის შემდეგ მოესპო.

„მეფე აქაბის სიკვდილი“. სირიელებთან მშვიდობიანი ურთიერთობა მხოლოდ სამ წელს გაგრძელდა. ხელშეკრულების მიუხედავად, დამასკოს მეფემ უარი განაცხადა ისრაელისათვის გალაადის ქალაქ რემოთის დაბრუნებაზე. მაშინ აქაბმა იუდეის მეფე იოსაფატთან შეკრა პირი და მათ ერთად დაძრეს თავისი საომარი ეტლები სირიის ჯარების წინააღმდეგ. რომ არ ეცნოთ, აქაბი გადაცემული იბრძოდა, მაგრამ, მიუხედავად ამისა, მძიმედ დაიჭრა მშვილდიდან წასროლი იხრით. იგი ბრძოლის ველიდან საშარიაში წაიყვანეს, მაგრამ გზაში გარდაიცვალა. იოსაფატმა კი გაქცევა მოახერხა და თავისი ჯარის დარჩენილ ნაწილებთან ერთად იერუსალიმში დაბრუნდა.

ამგვარად, აღსრულდა ელიას წინასწარმეტყველების პირველი ნაწილი. აქაბის სისხლით გახვრილი უტლი მსახურებმა საშარიაში ტბაში გარეცხეს, ძაღლები ისე ლტოკედნენ მეფის სისხლს, როგორც ოდესღაც სიკვდილმისჯილი ნაბოთეს სისხლი ალოკეს.

აქაბის ძემ ოქოზიამ ხელ ორ წელს იმეფა. ერთხელ იგი თავისი სასახლის აივნიდან გადმოვარდა და მძიმედ დასახინრდა. დახმარების სათხოვნელად მან მოციქულები გაუგზავნა აკარო-

ნელთა ღმერთს ბეელზებულს, რომელიც სნეულთა განკურნებით იყო ცნობილი. მეფის მოციქულები გზაზე წინასწარმეტყველმა ელიამ შეაჩერა და უწინასწარმეტყველა, რომ ოქოზია მალე მოკვდებოდა, თან წარგზავნილნი გაკიცხა რჩევისათვის უცხო ღმერთთან წასვლის გამო. ელჩები სამარიაში დაბრუნდნენ. ელიას თავხედობით აღშფოთებულმა მეფემ მისი შეპყრობა ბრძანა, მაგრამ ბრძანების აღსრულება აღვილი როდი იყო. წინასწარმეტყველმა ზეციური ცეცხლით ზედიზედ გაანადგურა მის შესაპყრობად გაგზავნილი მეფის მცველთა ორი რაზმი. შემდეგ თვითონვე ეახლა მეფეს და უცხო ღმერთების თაყვანისცემისათვის მალე სიკვდილი უწინასწარმეტყველა. ოქოზია მართლაც მალე გარდაიცვალა. ტახტზე ავიდა იორამი — უკანასკნელი მეფე აქაბის დინასტიისა.

ელიას ზეცად ამაღლება. ელია თავისი ყველაზე ერთგული მოწაფის ელისეს თანხლებით ქანაანს მიდიოდა. იერიქონში რომ შევიდნენ, ელიამ ორმოცდაათი წინასწარმეტყველის თვალწინ თავისი მოსასხამი დაახვია და იორდანის წყალს დაჰკრა. წყალი მაშინვე გაიპო შუაზე და ისინი ფეხდაუხეველად გადავიდნენ მეორე მხარეზე. გადასვლისთანავე უძლიერესი ქარი ამოვარდა; გამოჩნდა ცეცხლის ეტლი, რომელშიც ცეცხლის ცხენები ება. ელია ეტლზე ავიდა და ცეცხლის აღმა იგი ცისკენ აიტაცა. ელისემ ტანსაცმელი შემოისნია და სასოწარკვეთით შესძახა: „მამაო ჩემო, მამაო ჩემო, ეტლო ისრაელისაო და მხედრობაო!“ პასუხი რომ ვერ მიიღო, ელიას დატოვებული შოსასხამით კვლავ გააპო იორდანის წყალი და იერიქონში დაბრუნდა. სასწაულის მნახველმა იერიქონელმა წინასწარმეტყველებმა ელისე ელიას შემკვიდრედ გამოაცხადეს.

ელიასს სასწაულები. იერიქონელები წუხდნენ—უვარგისი წყალი და უნაყოფო მიწა გვაქვსო. ელისემ ბრძანა, მოეტანათ მისთვის მარილით სავსე ახალი ჭურჭელი. შემდეგ ადგა, წყაროებს ჩამოუარა, შიგ ყველას მარილი ჩააყარა და წყალი სასმელად ვარგისი გახდა. იმ დღიდან იერიქონში წყალიც კარგი იყო და მიწაც ნაყოფიერი.

რამდენიმე ხნის შემდეგ ელისე ბეთელში გაემგზავრა. იგი უმთავრესად ქალაქებსა და სოფლებში ცხოვრობდა და ამ მხრივ ბრულებით არ ჰკავდა თავის მასწავლებელს, რომელსაც უდაბლოში ყოფნა ერჩია. ერთხელ გზად მიმავალ ელისეს ცელქი ბიჭების ჯგუფი აედევნა. ისინი მას დასცინოდნენ, რადგან მელოტი იყო, ქაჩალს უწოდებდნენ და უყვიროდნენ: „ჩვილოდე, მტიე-

რო!“ წინასწარმეტყველმა შეხედა პატარა მღვერებს და იაპკეს სახელით დასწყევლა ისინი. მაშინვე ტყიდან გამოეარდა ორა ძე დათვი და ორპოცლორი ბავშვი დავლიჯა.

ბეთელიდან ელისე ქარშელის შოაზე წავიდა, იქიდან კი ისრაელის სატახტო ქალაქ სამარიასა. აქ მასთან მივიდა ერთი ქერივი ქალი და შესჩივლა — მევალემ ჩემი ორი ძე მონებად წაიყვანათ. ელისემ შეიბრალა იაპკეს ერთგული თაყვანისმცემელი ქალი. უბრძანა, შეეკრიბა ცარიელი ჭურჭლები და ყველა ერბოთი აუვსო. იმდენი ერბო შეგროვდა, რომ მისი საფასურით ქერივმა შვილები გამოისყიდა.

სონამში ცხოვრობდა ერთი ქალი, რომელაც მასზე ბევრად უფრო ხნიერ კაცს გაჰყვა ცოლად და შვილი არ გაუჩნდა. იგი ყოველთვის კარგ მასპინძლობას უწყევდა წინასწარმეტყველს, მისთვის ყოველთვის მზად ჰქონდა ცალკე ოთახი, ლოჯიანი, მაგილა და სანთელი. მადლიერმა ელისემ უწინასწარმეტყველა — ერთი წლის შემდეგ ნანატრი შვილი შეგეძინებაო. წინასწარმეტყველება აღსრულდა. მაგრამ რამდენიმე წლის შექდგ ბავშვს მძიმე ხენი შეეყარა და გარდაიცვალა. მაშინ წინასწარმეტყველმა იგი თავისი სხეულით გაათბო და სიცოცხლე დაუბრუნა.

გალგალში შიმშილობა იყო. მცხოვრებლები ბოლახითა და სარეველა მცენარეებით საზრდობდნენ. ერთმა მორწმუნე კაცმა, რომელიც ბაალ-შალიშის მკვიდრი იყო, გაიგო გალგალში ელისეს ჩამოსვლა და რომ არ ეშიშნო, ოცი ქერის პური და ერთი ტომარა ხორბალი მიართვა. წინასწარმეტყველმა მადლობა გადაუხადა და სთხოვა, იქვე მყოფი ასი კაცისათვის ჩამოერიგებინა პური. ბაალშალიშელმა მიუგო — სულ ერთია, ყველას მაინც არ ეყოფათ. მაგრამ მოხდა სასწაული: პურები გამრავლდა და იქ მყოფნი არა თუ დანაყრდნენ, პური შინაც წაიღეს.

როგორ განკურნა ელისემ კეთროვანი. სირიას მეფის მხედართმთავარი ნეემანი მდიდარი და ცნობილი კაცი იყო. უბედურება შეემთხვა — კეთრი შეეყარა. ნეემანის მეუღლეს ერთი ისრაელიტელი მხევალი ჰყავდა, რომელიც ბავშვობაშივე წამოეყვანათ ტყვედ. ერთხელ ახალგაზრდა ტყვემ, რომელსაც გულს სტკენდა მისი პატრონის უბედური ბედი, მას უთხრა: სამარიაში ცხოვრობს წინასწარმეტყველი, რომელსაც თქვენა განკურნება შეუძლიათ. ნეემანმა სთხოვა მეფეს, გაეშვა იგი სამარიაში, თან ისრაელის მეფესთან სარეკომენდაციო ბარათი გაეტანებინა. მეფემ შეუსრულა თავის მხედართმთავარს თხოვნა და მეფეს მისწერა: „აწ წარმოვგზავნე წიგნი ესე შენდა და მოვავლინე მონა ჩემი ნეემან, რათა განკურნო კეთრისაგან“. ისრაელის მეფემ წერილი რომ წაიკითხა, ტანსაცმელი შემოიხია და

შესძახა: „ნუთუ ღმერთი ვარ მე? არა ძალშიმს მოკვდინება და განცხროველება. და მოავლინა ჩემდა კაცი, რათა კეთროვნებონ-საგან მისისა განვწმიდო იგი?“ მას ეჭვი შეეპარა, რომ დამას-კოს ცბიერი მმართველი უბრალოდ საბაბს ეძებდა ისრაელისა-თვის ომის გამოსაცხადებლად. ეს ამბავი ელისეს მიუვიდა და მანაც შეუთვალა გაჭირვებაში ჩავარდნილ-მეფეს, ავადმყოფი აქ გამოგზავნეთო. ამაყი სირიელი დიდებული წინასწარმეტყველის სახლთან ბრწყინვალე ეტლითა და მრავალრიცხოვანი ამალით მიბრძანდა. ელისე მათ არ გამოეგება თაყვანისსაცემად. ამას კი ნეემანი არ მოელოდა. წინასწარმეტყველმა მსახურის პირით შემოუთვალა, რომ ავადმყოფი შვიდჯერ ჩასულიყო, იორდანეშიც წყალი გადაეველო ტანზე და სნეულებაც გაუქრებოდა: ნეემანმა იწყინა ელისეს საქციელი და სიტყვებიც. იგი ასეთ მიმართვას არ იყო ნაჩვევი. ამასთანავე ეჭვმაც გაჰკრა, წინასწარმეტყველი ხომ არ დამცინისო. მან აღშფოთებით წამოიძახა: „ნუთუ უმ-ჯობეს არა არიან აბანა და ფარფარი, დამასკოს მდინარენი, ვიდრე ყოველნი წყალნი ისრაელისანი? არა ძალ-მედვა განბანა: წყალთა მათთა შინა განსაკურნებელად?“ შემდეგ კი განრისხუ-ბულმა დატოვა სამარია. გზაში მსახურებმა მაინც, დაიყოლიეს და შეასრულებინეს თავზედი წინასწარმეტყველის ბრძანება. მან გადაუხვია იორდანისაკენ და შვიდჯერ ჩავიდა წყალში. ყველას გასაოცრად, კეთრი თვალის დახამხამებაში გაქრა და ნეემანს ტანი ახალშობილის სხეულივით სუფთა გაუხდა. მადლიერებით აღსავსე ნეემანმა ელისეს სახლს მიაშურა და ოქრო-ვერცხლი და ძვირფასი სამკაულები შეაძლია წინასწარმეტყველს საჩუქ-რად. როცა ელისემ უარი განაცხადა ძღვენის მიღებაზე, ნეემან-მა შესძახა, რომ ამიერიდან თაყვანს სცემს მხოლოდ და მხო-ლოდ იაჰვეს, რომელმაც მას ჯანმრთელობა დაუბრუნა. ელისემ მიუგო, რომ იაჰვეს თაყვანისცემა მხოლოდ და მხოლოდ ისრაე-ლის მიწაზე შეიძლებოდა. ამიტომ ნეემანმა მსახურებს უბრძა-ნა, ამ მიწით ტომრები აევისთ და ორი ჯორისათვის აეკიდები-ნათ — ჩემს სამშობლოში იაჰვეს საკურთხეველის წინ დავეყრი და ამგვარად წესს ზუსტად დავიცავო.

მაგრამ შემდეგ ნეემანი ეჭვმა შეიპყრო. იგი დიდი თანამდე-ბობის მოხელე იყო და ამიტომ მაინც ვერ დააკლდებოდა სი-რიის ღმერთის რიბონის ტაძარში გამართულ-რელიგიურ დღე-სასწაულებს. მეფე რომ რიბონს სცემდა თაყვანს, მასაც იგივე უნდა ექნა. მან წინასწარ სთხოვა თავის მწყალობელს, მიეტყვე-ბინა მისთვის ეს განდგომა. ელისემ დალოცა იგი და მომავალი-შეტოდებანი შეუნდო.

ელისეს მსახურმა მალულად მოისმინა მთელი ეს საუბარი და გადაწყვიტა ხელთ ეგღო რაიმე იმ განძეულობათაგან, რაზეც ასე იოლად თქვა უარი მისმა ბატონმა. იგი ნეემანს გამოუდგა.

დაეწია და უთხრა: ელისემ შემოგიოფლა, ერთი ტალანტი ვერცხლი და ორი ხელი ტანსაცმელი გამოგიგზავნე, ვფრეშის შაიდან სტუმრად მოსული ორი ჭაბუკოსთვის მინდაო. ხირიელმა დიდი სიამოვნებით შეასრულა ეს თხოვნა და ერთი კი არა, ორი ტალანტი ვერცხლი გაატანა. მხაზურმა მოტყუებით მოაოვებული საჩუქრები შინ შეინახა, მაგრამ წინასწარმეტყველს კი ვერ გამოაპარა ეს ამბავი. ელისემ მოიხშო მატყუარა და რისხვით უთხრა: „ნუთუ არს ფაში აღებდა ვერცხლისა და ხამოსლისა, ანუ სეთისხილისა და ვენახისა, ანუ პირუტყვისა და ცხოვარისა, მონათა თუ მხეველთა? და იფოს კეთრი ნეუძანისა შენ თანა და თესლისა შენისა თანა უკუნისამდე“. მართლაც, ელისეს ნათქვამი აღსრულდა.

ამაზის დინასტიის დაღუპვა. ისრაელის მეფე იორამი თოთხმეტ წელიწადს მართავდა ქვეყანას. ტანტზე ასეღისთანავე იგი შეუთანხმდა იუდეველთა მეფეს და ომი გაუქმარა მუშას — მობაბელთა მეფეს. იგი ისრაელის უასალი იყო, მაგრამ ზარკის გადახდაზე უარი თქვა. გაერთიანებულმა ჯარებმა დაამარცხეს მუშა, მაგრამ ის კი ველარ შეძლეს, ისრაელისათვის კვლავ დაემორჩილებინათ იგი.

მალე ისრაელში დამასკოს მეფე ბენადადი შემოიჭრა და სამართას ალყა შემოარტყა. ალყა დიდხანს გაგრძელდა. ქალაქში ისეთი შიშშილობა დადგა, რომ დედებმა საკუთარი შვილები დაჭამეს. საბედნიეროდ, ხირიელთა ბანაკში ხმა გავრცელდა — ისრაელიტელთა დასახმარებლად ხეთები და ეგვიპტელები მოემართებიანო. შემინებულმა ბენადადმა მოხსნა ალყა და სამართა მოულოდნელად გადაურჩა დაღუპვას.

რამდენიმე ხნის შემდეგ მეფე ბენადადს მძიმე ხენი შეეყარა. გაიგო თუ არა, დამასკოს ელისე ეწვიაო, მეფემ მას თავისი კარისკაცი აზაელი გაუგზავნა, მდიდრული საჩუქრები გაატანა და დააბარა — სთხოვე, მიძკურნალოსო. ელისემ მოუხმინა აზაელს და ტირილი მორთო. — რად სტირიო? — ჰკითხა აზაელმა. წინასწარმეტყველმა უპასუხა:

„გტირი, რამეთუ ვუწყვი, რომელი ბოროტი უყო შენ ძეთა ისრაელისათა. ცხენნი მათნი დასწყვა ცეცხლითა და ჭაბუკნი მათნი განგმირო მახვილითა და ძუძუშწოვარნი მოსრნე და დედაკაცნი, მატარებელნი ყრმათა მუცლითა, განაპო“.

აზაელი შეეხიტყვა: „ვინ ვარ მე; მონა შენი, ნუთუ ძადლი ვარ, ესევეითარისა ბოროტისა მქმნელი?“ ელისემ საზვიამოდ განუცხადა მას: „მამცნო უფალმან, რამეთუ ჰმეფობდე შენ ასურასტანსა ზედა“.

ასეთი წინასწარმეტყველების მოსმენის შემდეგ აზაელი სა-

სახლეში დაბრუნდა, საბნით გაგუდა თავისი ბატონი და თავი დამასკოს მეფედ გამოაცხადა.

იორამს უნდოდა ესარგებლა დამასკოში სახელმწიფო გადატრიალებით, არეულობით და დაებრუნებინა სირიელთა მიერ მიტაცებული ქალაქი — გალაადის რამათი, მაგრამ ერთ-ერთ ბრძოლაში დაიჭრა და იეზრეელში დაბრუნდა სამკურნალოდ, სარდლობა კი თავის მხედართმთავარს იუს მიანდო.

იეზრეელში იორამი მოინახულა იუდეის მეფემ ოქოზიამ, რომელიც მასთან შეგობრობდა.

იაკვისტებს სძულდათ იორამი, როგორც აქაბის შვილი და ოქროს კერპის თაყვანისმცემელი. ელისე წინასწარმეტყველმა გადაწყვიტა, ესარგებლა მისი ავადმყოფობით და ტახტიდან ჩამოეგდო. მან თავისი ერთ-ერთი სანდო მოწაფე გალაადის რამათში გაგზავნა, რათა იუ ეკურთხებინა მეფედ. ამ წესის აღსრულებისას ელისეს წარგზავნილმა შეძღვევი სიტყვები წარმოთქვა: „ასრე იტყვის უფალი ღმერთი ისრაელისა: „გცხო შენ მეფედ ზედა ერსა რჩეულსა უფლისა მიერ, ზედა ისრაელსა და დასცე შენ სახლი აქაბისი, უფლისა შენისა, რამეთუ ვიძიო შური სისხლისათვის მონათა ჩემთა, სისხლისათვის წინასწარმეტყველთა და ყოველთა მონათა უფლისათა, რომელნი დაცნეს ხელითა იეზაბელისითა“.

ისრაელის არმიამ იუს მეფედ კურთხევა რომ შეიტყო, ერთხმად აღიარა იგი მეფედ. ასალი გამგებელი ეტლით გაემშურა იეზრეელისაკენ აჯანყებულ მეომართა თანხლებით. იორამმა არაფერი იცოდა შეთქმულების შესახებ და ძალზე გაოცდა, რომ იუმ გალაადის რამათი დატოვა და მისკენ გაემართა. მან ორჯერ გაგზავნა ელჩები იუს შესაგებებლად, მაგრამ უკან არავინ დაბრუნებულა. ყველანი შეამბოხებმა დააკავეს. მოციქულთა მოუბრუნებლობით შეწუხებული იორამი იუდეის მეფე ოქოზიასთან ერთად თვითონ გაემგზავრა თავისი მხედართმთავრის შესახვედრად. შეამბოხენი მას მტრული და შეურაცხყოფელი შეძახილებით შეხვდნენ. იორამი მიხვდა, რაშიც იყო საქმე და გაქცევა დააპირა, მაგრამ უზურპატორის ისრით განგმირული ეტლიდან გადმოვარდა. ოქოზიასაც გაქცევით უნდოდა თავის დახსნა, მაგრამ იუმ ისიც დაჭრა. ოქოზიამ მხოლოდ მეგიდომდე მიაღწია და აქ მოკვდა. მისი ნეშტი მსახურებმა იერუსალიმს წაიღეს დავითის აკლდამაში დასაკრძალავად.

დედოფალი იეზაბელი მიხვდა, რომ აღსასრულის ყაში დაუდგა. მან გადაწყვიტა, სიკვდილს ღირსეულად შეხვედროდა: სახეზე ფერ-უმარილი წაისვა, თმა დაივარცხნა და ამაყად გადმოდგა სასახლის ფანჯარაში. ქუჩაში იუ რომ დაინახა, შეურაცხყოფა და დაცინვა შეაგება. გაცოფებულმა მეფისმკვლელმა ბრძანა, ფანჯრიდან გადმოეგდოთ იგი. მისი გვამი ცხენებმა გა-

თელეს. მთელ დამეს სისხლის გუბეში იწვა იეზაბელი, სასახ-
ლეში კი შეთქმულნი ღრეობდნენ. დილით იუმ ბრძანა, დაე-
საფლავებინათ იეზაბელის ნეშტი. მაგრამ აღმოჩნდა, რომ იგი
ძალღებს შეეჭამათ. ამგვარად, აღსრულდა ელიას წინასწარმე-
ტყველების მეორე ნაწილიც.

სამარიაში აქაბის სამოცდაათი ძე ცხოვრობდა. იუმ ქალაქის
უზუცეებს წერილი მისწერა და შორნიღების ნიშნად მათი მო-
კვეთილი თავები მოსთხოვა. შეშინებულმა სამარიელებმა აღას-
რულეს მეფის მოთხოვნა და თავები კალათებით გაუგზავნეს
იეზრეელში. იუმ ბრძანა, თავები ქალაქის კარიბჭესთან აქეთ-
იქით დაეყარათ, რათა მცხოვრებლებს საკუთარი თვალთ ენა-
ხათ აქაბის მოდგმის დაღუპვა.

სანამ მოკლული მეფის ოქოზიას ნეშტს იერუსალიმში ჩაი-
ტანდნენ, მისი ორმოცდარი ძმა, რომლებსაც ჯერ არ მისე-
ლოდა სახელმწიფო გადატრიალების ამბავი, სტუმრად გაემარ-
თა იორამთან. იუმ შეიპყრო ისინი და ბრძანა, ქასიან სიკვდი-
ლით დაესაჯათ.

მრისხანე უზურპატორი სამარიაში მივიდა და მაშინვე სას-
ტიკად გაუსწორდა იორამის მომხრეებს, მეგობრებსა და მოხე-
ვებს. შემდეგ მთელი ქანაანიდან დედაქალაქში იხმო ბაალის
ქურუმები და განუცხადა — მეფედ კურთხევის გამო მსურს
თქვენს ღმერთს მსხვერპლი შევწირო. მაგრამ იუმ მახე დაუ-
გო მათ: როცა ბაალის ქურუმებმა ტაძარში მოიყარეს თავი, მათ
თავს დაეხსნენ ჯარისკაცები და მთლად ამოჟლიტეს. ბაალის
ქანდაკება დაამსხვრიეს, ტაძარი კი შებიღწეს და ფეხისადგი-
ლად აქციეს. იაჰვემ სძლია ქანაანელთა ღმერთებს, მაგრამ ეს
იყო არასრული გამარჯვება, რადგან იუმ ვერ გაანადგურა ოქ-
როს კერპის კულტი, რომლის ცენტრებიც იყო ქალაქები ბეოი-
ლი და დანი. წინასწარმეტყველები, რომლებმაც იუ ტანტზე
აიყვანეს, აღშფოთდნენ, იაჰვე კი განრისხდა და სასჯელად და-
მასკოს მეფე აზაელს ნება დართო, გაენადგურებინა ისრაელის
მიწები იორდანის აღმოსავლეთით. იუ გარდაიცვალა ოცდარვა
წლის მეფობის შემდეგ. ისრაელის ტანტზე ავიდა მისი ვაჟი იო-
აქაზი, რომელმაც თექვსმეტ წელიწადს იმეფა.

გოთოლია — იუდეის დედოფალი. იუდეის მოკლე-
ლი მეფის ოქოზიას დედა გოთოლია აქაბისა და იეზაბელის
ასული იყო. იგი დედსავით დიდი ნებისყოფით გამოირჩეოდა.
მისი გავლენით ბაალის კულტმა თანდათანობით სძლია იაჰვეს
კულტს. სოლომონის ტაძარში უცხო ღმერთებს უკმევდნენ და
სწირავდნენ მსხვერპლს, მათი ქურუმები და თაყვანისმცემელნი
კი თავს ისე გრძნობდნენ, როგორც საკუთარ სახლში.

შვილის დაღუპვა რომ შეიტყო, გოთოლიამ ჩიხზლიანი სა-
 ხელმწიფო გადატრიალება მოახდინა და ხელთ იგდო ძალაუფ-
 ლება. იგი გვაშებით მოფენილი გზით მიემართებოდა ტახტისა-
 კენ და სამეფო საკვარეულოს ყველა წარმოამდგენელს სპობდა.
 ვერ გაბედა მხოლოდ ოქოზიას დის იოსაბეს მოკვლა; რადგან
 იგი იაპვეს უძლიერესი ქურუმის იოდაეს ცოლი იყო. იოსაბემ
 სიკვდილს გადაარჩინა ოქოზიას შვილი; ერთი წლის იოსაბე და
 დედოფლისაგან ფარულად ზრდიდა თავის სახლში. როცა იოსა-
 სი შვიდი წლისა გახდა, ქურუმმა იოდაემ იაპვისტოა დიდი
 შეთქმულება მოაწყო. თავდაპირველად მან საიდუმლო მოლაპა-
 რაკება გაძარტა ყველა მხედართმთავართან და იოსასიაკენ გად-
 მოიბირა ისინი. შემდეგ მოიმიზუნა შაბათის დღესასწაული,
 რომელიც იერუსალიმში იმართებოდა; მოიწვია დეტონვილები
 იუდეველთა მთელი სამეფოდან და დავითის ზარდაცხნიდან ია-
 რალი დაურია. დათქმულ დღეს, შაბათს, შეთქმულებმა ხელთ
 იგდეს ტაძრის ტერიტორია და იარალი აპყარეს მეფის მცვე-
 ლებს. ცოცხალი არ გაუშვიათ არავინ, ვინც კი მათ შეთქმულე-
 ბაში ჩაბმული არ იყო და ტაძარში შესვლას ცდილობდა. შემ-
 დგე იოდაემ გამოიყვანა პატარა იოსაი და შეფედ აკურთხა; რო-
 ცა ემაწვილს სამეფო გვირგვინი დაადგეს და ტახტზე დასვეს,
 ყველა იქ მყოფმა ერთხმად შესძახა: „ცხოველ იყავნ მეფე!“

გოთოლია მაშინდა ჰიხვდა, რომ ტაძარში რაღაც უჩვეულო
 ამბავი იყო. იგი სასახლიდან გამოეშურა და ტახტზე გვირგვინ-
 ნოხანი იოსაი რომ დაინახა, საზარლად შეჰკივლა: „განდგომი-
 ლება! განდგომილება!“

იოდაემ ბრძანა, გაეყვანათ და მოეკლათ იგი.

სანამ იოსაი სრულწლოვანი გახდებოდა, მისი სახელით გამ-
 გებლობდა უხენაესი ქურუმი იოდაე, რომლის წყალობითაც
 კვლავ იაპვეს თაყვანისმცემლებმა გაიმარჯვეს. მათ იერუსალი-
 მის ტაძარში კერპთაყვანისმცემლობის ფოველგვარი კვალი მოს-
 პეს, დაანერგეს ბაალის სამსხვერპლოები და მისი ქურუმებიც
 განდევნეს. ამასობაში ტაძარი ძალზე დაზიანდა. საჭირო გახდა
 მისი შეკეთება. ამას ისიც დაერათ, რომ კედლებმა რღვევა დაი-
 წყო. ტაძრისთვის მისი პირვანდელი დიდებულების დასაბრუ-
 ნებლად საჭირო იყო დიდძალი სახსრები. მეფე იოსამა გადა-
 წყვიტა, მოსახლეობაში აკერიფა ეს თანხები; ტაძრის კარებში
 დაღვა დიდი ყუთი. ყუთს ჰქონდა ჭრილი, რომელშიც მორწყუ-
 ნენი ყრიდნენ შესაწირავს. თანხის შეგროვება ოცდასამ წელს
 გაგრძელდა; მაგრამ ტაძრის აღდგენას სამუველი არ დაადგა. ქუ-
 რუმები სისტემატურად ცლიდნენ ყუთს და ითვისებდნენ დაგ-
 როვილ თანხას. ბოლოს მეფეს მოთმინების ფიალა ავესო და
 თავის მწერალს დაავალა, ოფალფური ედვენებიანა შესაწირავის
 შეგროვებისათვის. აქედან მოვოლებული შესაწირავს იღებდნენ

და თვლიდნენ მეფის მოხელისა და უზენაესი ქერუმის დასწრებით... მალე აღდგენითი სამუშაოების დაწყება შესაძლებელი გახდა.

უზენაესმა ქერუმმა იოღამ ას ოცდაათ წელს იცოცხლა. მისი სიკვდილის შემდეგ მეფე იოასმა იუდეველთა გავლენიანი დიდებულების ძალდატანებით უარყო იაჰვე და ბაალის თაყვანისმცემელი გახდა; როცა იოღამ შეიღმა, ქერუმმა ზაქარია ამხილა. იოასი სარწმუნოებისაგან განდგომის გამო, მეფემ მასი სიკვდილით დასჯა ბრძანა. იაჰვემ გადაწყვიტა, დაესაჯა იოასი. მალე იუდეას თავს დაესხა დამსკობს მეფე აზაელი; იგი აიხრებდა ქვეყანას და უღეტდა მოსახლეობას. ომში დამარცხებამ ქვეყნად უკმაყოფილება გამოიწვია. ხალხმა იოასს მხარი აღარ დაუჭირა. ამასთანავე მას მძიმე ხენი შეეყარა; ამით ისარგებლეს იაჰვეს ქერუმებმა, რომლებმაც მეფეს ზაქარიას მოკვლა არ ამატიეს. მათი ხელმძღვანელობით სახასლემი გადართალებამ მოხდა. ავადმყოფი იოასი საეუთარმა მსახურებმა მოკლეს.

ისრაელის აღსასრული და დაცემა. იუს მოსახლე

მტერი იყო დამსკობს მეფე აზაელი. როცა დამსკობს თავს დაესხა ასურეთის მეფე ხალდმანასარ III, იუ მას შიქმნო. მაგრამ მანვე შინაური შუღლით დახუსტებულ ასურეთი იძულებული გახდა, უარი ეთქვა ექსპანსიოს პოლიტიკაზე; ამით ისარგებლა აზაელმა და შეური იბია იუზე. იგი უეღისუდ დაესხათავს ასრაელს, ხელთ აგდო. ორდანეს გაღმა მღვანე ტერიტორია და ისრაელის სამფლობელო თითქმის ერთი ნუსამელით შეუჭირა. იუს მეფობა დამარცხებითა და სახელმწიფოს დასუსტებით დაბთავდა. მისი შვილი ითაქასი, რომელმაც ჩვიდმეტ წელიწადს იმეფა, იძულებული იყო ეცნო დამსკობს ქვეყნიისა; ისრაელის არმიამ არაგებობა შეწყვიტა. დამსკობს ითაქასს ნება დართო, ჰყოლოდა მხოლოდ ათი ათასი ქვეყნიის ფარისკაცი, ათი საომარი ეტლი და ორმოცდაათი მხედარი; ქვეყანას თავიდაცობის ძალა აღარ შესწევდა. მეფე აზაელმა თვისი არმიასთან ერთად დაიარა. იგი და ქალაქები და სოფლები გაძარცვა; ისრაელის დასუსტებამ ხელი შეუწყო აზაელს ფალისტიმელთა და იუდეველთა წინააღმდეგ ბრძოლაში. მან ხელთ აგდო ფილისტიმელთა ქალაქი გეთი, შემდეგ იერუსალიმისკენ გაემართა და ალყა შემოარტყა მას. იუდეველთა მეფე იოასმა აზაელის უარებელი ოქრო-ვერცხლით გადაუხადა გამოსასყიდის და მანაც ალყა მოხსნა.

ისრაელის ტახტზე ავიდა ითაქასის ძე ითასი. იგი კარგი ხარდალი და ენერგიული მმართველი იყო. მისი ზეობისას ასურეთი კვლავ დაესხა დამსკობს და სერიოზული დამარცხებაც

აკემა. იოასმა ისარგებლა თავისი ძირითადი მტრის დროებითი სისუსტით და შამის მიერ დაკარგული მთელი ტერიტორია დაიბრუნა. შემდეგ იგი შეიჭრა იუდეაში, გაიმარჯვა და გაძარცვა იერუსალიმი; დაანგრია იერუსალიმის ზღუდე, იუდეის ტახტზე თავის ვასალად ამასია დატოვა და სამარიას დაუბრუნდა.

დამასკოს დასუსტებამ და შინაურმა შეუღლმა ასურეთში მთელ ქანაანს თავისუფლად ამოსუნთქვის საშუალება მისცა. მეფე იერობოამ მეორის დროს აღდგა დაცემული ისრაელი და დიდ ეკონომიურ აღმავლობას მიაღწია. ქვეყანა თითქმის ისევე აყვავდა, როგორც სოლომონის დროს. კვლავ გამოცოცხლდა საერთაშორისო აღებ-მიცემობა, გაჩნდა შეძლებულ მოქალაქეთა დიდი ფენა. ხელახლა აშენდა და დიდ ქალაქად იქცა სამარია. მაგრამ ამ ბრწყინვალე პერიოდს ნაკლიც ბევრი გააჩნდა, წერილ მეურნეობათა ადგილი დაიჭირეს დიდმა სამფლობელოებმა, რომლებშიც მონები და უმიწაწყლო გლეხები მუშაობდნენ. საზოგადოების მცირე ნაწილი ზღაპრულ ფუფუნებაში ცხოვრობდა, დანარჩენ ხალხს კი სიღატაკესა და უუფლებობაში ხდებოდა ხული. მდიდრებს შეწყალება არ ჰქონდათ გლახაკისა, მოვალეებს საპყრობილეში ყრიდნენ, სასჯელ-საჭმელს ცეცხლის ფასად აძლეოდნენ და არაადამიანურ ექსპლოატაციას უწევდნენ. სამხედრო ხარჯების სიმძიმეც ძირითადად ხალხთა მასებს აწვა მხრებზე. მიწათმფლობელები და სახელმწიფო მონელები კი სულ უფრო და უფრო მეტ სიმდიდრეს აგროვებდნენ.

იმ დროს ბეთლემის მახლობლად, თეკოეში, ცხოვრობდა ერთი მწყემსი ამოსი. იგი დღე და ღამე მთასა და ტყე-ღრეში დახეტიალებდა, უყვარდა ბუნება, თავმდაბალი და პატიოსანი კაცი იყო. ერთხელ ამოსმა ჩვენება იხილა: მას გამოეცხადა იაჰვე და უბრძანა, გაესწორებინა ქვეყანა. ამოსმაც აიღო თავისი მწყემსური კომბალი და სამარიისაკენ გაეშურა. იგი შეაძრწუნა ღრეობამ და გარყვნილებამ ქალაქში. შემფოთებული შეჰყურებდა ფერ-უშარილით პირმეგლესილ ქალებს, მორთულ-მოკაზმულ ახალგაზრდებს, გულქვა დიდებულებს, სახლებისა და სასახლეთა ზღაპრულ სიმდიდრეს და ღარიბ-ღატაკთა უბედური ბედი გულს უთუთქავდა. იგი მაშინვე გაემართა ბეთელს. ისრაელის რელიგიურ ცენტრს რომ მიაღწია, დადგა იმ ტაძრის წინ, რომელშიც მოსეს ღმერთი ოქროს კერპის სახით იყო გამოხატული და წინასწარმეტყველებას შეუდგა. ქალაქის მცხოვრებნი და მლოცველები გაკვირვებულები უსმენდნენ შორეული მთებიდან მოსულ მწყემსის მხურვალე სიტყვებს. ამოსს უბირი ენა ჰქონდა, ხშირად ხმარობდა მეტაფორებს, რომლებშიც ჩიტები, დათვები, ღომები და გველები გამოჰყავდა. მას მთიელი კაცის ბირდაპირი მხერა ჰქონდა და ღრმად სწამდა, რომ ხალხს ჭეშ-

მარიტ, ღვთიურ სიტყვას ეუბნებოდა. ამოსი აღწერდა ისრაელის განადგურებას ცით მოვლენილი შეკლისა და ცეცხლის მიერ, აფრთხილებდა ერს, რომ იაჰვე დასჯიდა მათ უღმრთოებისათვის. ამოსი დაჟინებით იმეორებდა, რომ იგი წინასწარპეტყველი არ იყო. მართლაც, იგი მკვეთრად განიჩნოდა მათგან. ამოსი არაფრად აგდებდა რელიგიური რიტუალის გარეგნულ ფორმას, მაგრამ მოუწოდებდა ხალხს, არ შეერაცხეოთ ღმერთი სიძვირითა და მრუშობით, ფუფუნებით, გლახაკაა და უწყნოთა შევიწროებითა და ჩაგვრით. ეს იყო მოძღვრება, რომელიც არასოდეს გაეგონათ თავდადებულ იაჰვისტთა ბაგეთაგან. ამოსი ისრაელისა და სამარიის დაღუპვას წინასწარპეტყველებდა, რადგან გარყვნილი და გულქვა მდიდრები, რომლებიც სპილის ძვლის სარეცლებზე ნებივრობდნენ ფუფუნებაში, შიშვე შრომაში ხდიდნენ სულს დაბეჩავებულ ღარიბ-ღატაკებს. მან შეძრწუნებულმა შექალაქადა: „ისმინეთ ესე ყოველთა, რომელთა გარბავს შემუსვრად გლახაკთა და მძღავრობად დავრდომილთა ქვეყანასა ზედა! და იტყვიით: ოდეს გარდახდეს თვე და განჰყიდოთ პური, და შაბათი, და განვალოთ პურის-ხატავნი, და ვყოთ საწყაული შემეცირებულად, და განვაიდოთ ფასი შეკვლისა და ვქმნათ საწონელი ცრუ, რათა ვიყიდოთ უქონელნი ვეცხლითა და გლახაკნი ხაშლისა წილ და ანაცერი პურისა განჰყიდოთ!“

ეს იყო მძიმე ბრალდება. ამოსი მდიდარ ისრაელიტელებს უსაყვედურებდა ღატაკთა და უქონელთა მოტყუებას პურის ხარისხსა, წონასა და ფასში; ამხილებდა მათ, ვისაც მოვადე უზოგჯერ წყვილი ფეხსაცმელისათვის მიჰყავდა მონად.

საზოგადოების მორალური დაცემის მამსილებელ წინასწარმეტყველს აუშხედრდნენ მდიდრები, რომლებიც მას საშინვე წამქეზებლად თვლიდნენ. უზენაესი ქურუმი აშასია მეფე იერობოამს აფრთხილებდა: „ამბოხს აღადგენს შენ ზედა ამოს შორის ხახლსა ისრაელისასა. ვერ შემძლებელ არს ქვეყანა თქვენად ყოველთა სიტყვათა მისთა“. მეფის ბრძანებით ამოსი ისრაელიდან განდევნეს, რათა ვეღარ წაექეზებინა ხალხი მჩავერელთა და ექსპლოატატორთა წინააღმდეგ.

ამასობაში, თითქოს ამოსის წინასწარმეტყველების დასადასტურებლად, ისრაელსა და იუდეას საშინელი საფრთხე მოევლინა. ასურეთმა მოაგვარა შინაური არეულობა და კვლავ დაიბრუნა ყოფილი ძღვეამოსილება. ტახტზე ავიდა დიდი ხარდალი თიგლათფალასარ მესამე, მან ხელი მიჰყო სამხედრო მიტაცების პოლიტიკას, მაგრამ ისრაელის ხელისუფალნი ვერ გაერკვნენ საფრთხეში, სასახლის გადატრიალებები და შინაომები ვრთმანეთს მისდევდა ისრაელში. გააფთრებით ებრძოდა ვრთმანეთს ორი დაჯგუფება; ერთი ეგვიპტისაკენ მიიწვევდა, მეორე — ასურეთისაკენ. ამას არეულობა და ანარქია მოჰყვა სა-

მარიაში. იერობრამ მეორის შვილმა ზაქარია: ხელ ექესიოდე დევს იმეფა. იგი მოკლა ვინმე შალუშმა, რომელიც თავის მხრივ შემდგომ მანაიშმა მოკლა და ხელთ იგდო ტახტი. ამ უსურნა-ტორს ხუთ წელს ემყრა ხელისუფლება ასურეთის მხარდაჭე-რით. თიგლათფალასარი მამის პირველად შეიჭრა ისრაელის ტერიტორიაზე და ტახტზე თავისი ვასალი დასვა. მან მანაიშს ათასი ტალანტი ვერცხლი გადაახდევინა და ნინევიასი დაბრუნ-და. ამ თანხის შესაგროვებლად მანაიშმა ვეველა ძლიერ ისრა-ელიტელს ორმოცდაათ-ორმოცდაათი შეკელი ხარკი შეაწერა. ამან მთელ ქვეყანაში მღელვარება გამოიწვია. მანაიშის შვილმა ფაკიამ ხელ ორიოდ წელს იმეფა და შეეწირა შეთქმულებას, რომელსაც მეთაურობდა მისი მხედართმთავარი, ეგვიპტის ერთ-ერთი მომხრე ფეკა. ამგვარად, გაიმარჯვა ეგვიპტის მომხრეთა დაჯგუფებამ. ფეკამ ანტიასურული პოლიტიკა დამასკოს მეფე რეხინს პირველთან შეკავშირებით დაიწყო. მაგრამ მოკავშირე-ები თავს არც ისე ძლიერად გრძნობდნენ, რომ ასურეთის წინა-აღმდეგ სამხედრო მოქმედება დაეწყოთ და იუდეველთა მეფე აქაზს შესთავაზეს, შეერთებოდა მათ კავშირს. უარი რომ მი-იღეს, გადაწყვიტეს, ძალით გამოეგლიჯათ თანხმობა. მეფე აქა-ზი მძიმე მღვთმარობაში ჩავარდა. იმ დროს, როცა მოკავშირე-ებმა ჩრდილოეთიდან დაარტყეს იუდეას, სამხრეთიდან მას თავზე დაესხნენ ედომელები, დასავლეთიდან კი ფილისტიმელები. აქაზმა დიდი ბრძოლა წააგო და გამაგრდა იერუსალიმში, რომელსაც ალყა შემოარტყეს სირიისა და ისრაელის ჯარებმა. იგი შევლას შესთხოვდა ღმერთს მოლოქს და მსხვერპლად თავისი პატარა ძეც კი შესწირა. როცა ამანაც არ უშველა, დახმარება სთხოვა ასურეთის მეფეს. აქაზმა მას გაუგზავნა მთელი ოქრო და ვერცხლი, რისი შეგროვებაც კი შეძლო ტამარსა და ხასან-ლემში და მისწერა: „მონა შენი და ძე შენი ვარ მე. მოვედ და მიხსენ ხელთაგან მეფეთასა, რომელნი ფლობენ ასურასტანს და ისრაელს და აღმდგარ არიან ნემ ზედა“.

თიგლათფალასარ შესამემ ელვისებური სისწრაფით დაან-გრია დამასკო და მოკლა მეფე რეხინი. შემდეგ ისრაელში შეიჭ-რა. წვეტიანი მუზარადებითა და რკინის ჯავშნებით შეჭურვი-ლი მისი მეომრები ანადგურებდნენ ქვეყანასა და მოსახლეობას ელექტდნენ. აღმოდებულ ქალაქებსა და სოფლებში ნაწამებ მსხვერპლთა კვნესა-გოდება ისმოდა. დამპყრობლები ტყვეებს თვალებს სთხრიდნენ, ხელ-ფეხს აჭრიდნენ, სარზე აცვამდნენ და ცოცხლად ხდიდნენ ტყავს. გადარჩენილი ისრაელიტელები თიგლათფალასარმა მესოპოტამიის შუაგულში გადაასახლა, მათ აღგილზე კი სხვა დამორჩილებული აზიელი ტომები გამოგზავ-ნა. ასურეთის პროვინციად იქცა მთელი ისრაელი, გარდა იმ ბორცვისა, რომელზედაც სამარია იყო გაშენებული. იუდეა იე-

რუსალიმთან ერთად გადარჩა, მაგრამ ასურეთის ვასალი გახდა და მოჩვენებითი დამოუკიდებლობისათვის ყოველწლიურად უზარმაზარ ხარკს იხდიდა.

სამარია ძლიერი, მიუდგომელი ციხესიმაგრე იყო და ასურელებს არც უცდიათ მისი დამორჩილება. მეფე ფეკა იქ გამაგრდა თავისი არმიის დარჩენილ ნაწილთან ერთად, მაგრამ ტახტი დიდხანს ვერ შეინარჩუნა. თიგლათფალასარის ინტრაგის შედეგად პროასირიულმა დაჯგუფებამ გადატრიალება მოახდინა, მეფე მოკლეს და ხელისუფლება ხელთ აგდო შეთქმულთა მეთაურმა ოსიამ. იგი ასურეთის მეფის მორჩილი იარაღი იყო. რამდენიმე წლის განმავლობაში ოსია უსიტყვოდ უხდიდა მას ხარკს. მაგრამ ანტიასურულმა დაჯგუფებამ ეგვიპტის დახმარებით თანდათანობით წაშოყრა თავი. ეგვიპტის მოძახენი უჩინი ნებდნენ ოსიას, აჯანყებოდა ასურეთის ხელისუფლებას.

ოსიამ ამის აღსრულება გადაწყვიტა. 727 წელს (ჩვენს წელთაღრიცხვამდე), როცა თიგლათფალასარი გარდაიცვალა. მაშინ სირიაში აჯანყებამ იფეთქა და სამარიასაც მოედო. თიგლათფალასარის შემკვიდრემ სალმანასარმა დაუყოვნებლივ დამარაჯარები. აჯანყებულთა წინააღმდეგ, გაანადგურა ისრაელიტელები, ოსია კი ტყვედ წამოიყვანა და შეპორკილი გაგზავნა ნინევიასში. ძვ. წ. 724 წელს სალმანასარმა სამარიას აღყა შემოარტყა. ორი წელი გავიდა და სალმანასარი ისე გარდაიცვალა, რომ ქალაქი ვერ აიღო. მხოლოდ მისმა შემკვიდრემ, მეფე სარგონ მეორემ დაიპყრო და დაანგრია ისრაელიტელთა ეს უკანასკნელი ციხესიმაგრე. ასურული წესის მიხედვით, მან ადგილობრივი მცხოვრებლები ასურეთში გადაასახლა, ისრაელიტელთა გაპარტახებულ მიწებზე კი ჩამოსახლა სხვადასხვა ტომები არაბეთიდან და ბაბილონიდან. ახალმოსულებაც იაკებს თავყანისმცემლები გაზდნენ. მაშინ ასურეთის მეფემ იქ გაგზავნა ერთი ისრაელიტელი ქურუმი, რომელსაც მათთვის მოსეს სარწმუნოების საფუძვლები უნდა გაეცნო.

ამგვარად უკუალოდ დაიკარგა იაკობის ათი ტომი. მათ ადგილზე გაჩნდა სხვადასხვა მოდგმის ადამიანთა კონკლომერატი. ამ ხალხს შემდგომ ერთიანად ეწოდა სამარიელები.

იუდეის სამეფოს ბედი. ოქოზიასა და სიბას ძის იოანის მოკვლის შემდეგ იუდეის ტახტზე ავიდა ამასია მან განადგურა მკედარი. ზღვის სამხრეთით მცხოვრები ილუმეველები, წაართვა მათ კერპები და იერუსალიმის ტაძრის ეზოში დადგა. ამის გამო იაკობისტებმა დედაქალაქში ამბოხება მოაწყვეს. ამასია გაიქცა ლაქიშში, სადაც შეთქმულებმა მოკლეს. მისი ძე აზარია მამაცი სარდალი და კარგი გამგებელი იყო. მან ისრა-

ელთან აღადგინა მეგობრული ურთიერთობა, გაიმარჯვა ფილისტიმელებზე, დაიმორჩილა ქეოპარი არაბი ტომები და ამონელები. ქვეყნის თავდაცვისუნარიანობის გაძლიერების მიზნით გაზარდა არმია და გაამაგრა იერუსალიმი. იღუპეელებზე გამარჯვებისა და პორტ ელაფის გამაგრების წყალობით მან შეძლო შეწამულ ზღვაზე ვაჭრობის განახლება და მოსახლეობის კეთილდღეობის ამაღლება. მაგრამ მმართველობის ბოლო ხანებში აზარიას ქურუშებთან მოუხდა დიდი კონფლიქტი, რადგან მან მსხვერპლის შეწირვის უფლება მიისაკუთრა, თანაც კეთრი შეეყარა და იძულებული გახდა, იერუსალიმი დაეტოვებინა.

ქურუშებმა საქვეყნოდ გამოაცხადეს, რომ იაჰვემ აზარია დასაჯა მათი პრივილეგიის ხელყოფისათვის. აზარიას ქემ იოთამმა სულ ხუთ წელს იმეფა. იგი მხურვალე იაჰვისტი იყო, მაგრამ იუდეაში მაინც სცემდნენ თაყვანს უცხო ღმერთებს, ხეებსა და ქვებს. იოთამის გამგებლობის დროს შეკავშირდნენ ისრაელი და დამასკო, რომლებიც მალე თავს დაესხნენ იუდეას. ტახტზე ავიდა იოთამის შვილი აქაზი. ისრაელიტელი და სირიელი ლაშქრით გარემოცულმა აქაზმა, როგორც უკვე ვიცით, მსხვერპლად შესწირა თავისი პატარა ძე და ასურეთს დახმარება შესთხოვა.

ამ დროს შეუდგა მოღვაწეობას სახელგანთქმული წინასწარმეტყველი ესაია — ძალზე განათლებული კაცი, ბრწყინვალე ორატორი და მწერალი. იგი თავგამოდებით ამხილებდა ქვეყნად დამკვიდრებულ კერპთაყვანისმცემლობას, იუდეველებს მოუწოდებდა ერწმუნათ იაჰვეს მფარველობა და აფრთხილებდა, კავშირი არ დაედოთ ასურეთთან. მაგრამ აქაზმა ბრძენს ყური არ ათხოვა და დასახმარებლად მრისხანე აზიელს მიმართა. შედეგი საბედისწერო გამოდგა არა მარტო მოძმე ისრაელისათვის, არამედ თვით იუდეისთვისაც. უცხოელ მებრძოლთაგან აონრებული ქვეყანა გალატაკდა. ცრუ მხსნელისათვის ხარკის გადახდის შემდეგ ხაზინა დაცარიელდა. იუდეამ დაკარგა დამოუკიდებლობა. აქაზი ნინეფიაში გაემგზავრა ასურეთის მეფის თაყვანისსაცემად. უზარმაზარმა ქალაქმა თავისი გრანდიოზული ნაგებობებით მასზე ისეთი შთაბეჭდილება მოახდინა, რომ მისი კერპების ერთგული თაყვანისმცემელი გახდა. მან იერუსალიმის ტაძრიდან იაჰვეს საკურთხეველი გაატანინა და მის მაგიერად უცხო კერპთა საკურთხეველი დაადგმევინა. დავითის ქალაქში შემოვიდა ასურეთის რელიგია და კულტურა.

აქაზის შვილის მეფე ეზეკიას გამგებლობის დროს სამარია დაეცა. ამან შემადრწუნებელი შთაბეჭდილება მოახდინა იუდეაში. წინასწარმეტყველი ესაია ხალხს საფრთხეს ამცნობდა, ასურეთს ამხილებდა და დალაღებდა: „ისარნი მისნი მახვილ

არიან და ყოველნი მშვილდნი მისნი მორთხმულ; ფერხნი ცხენ-
თა მისთანი ვითარცა მყარი კლდე და ეტლის თუაღნი მისნი ვი-
თარცა ნიაკჳარი; ხმა მისი არს ვითარცა ლომისა და ზახალი
მისი — ვითარცა ლომისა ლეკვისა. და იყვიროს და შეაქურას
ნადირი. და წარიღოს და არავინ იყოს მხსნელ მისა“. ახოკა-
ლიფსური საშინელებით აღსავსე სატყვევით იგი მოეწოდებდა
იუდეველებს, უარი ეთქვათ უცხო ღმერთებზე და იაკვს დაბ-
რუნებოდნენ. ესაია გამოხდა მდიდართა ფარისევლობას. ისანი
მარსულობდნენ და მსხვერპლს სწირავენენ იერუსალიმის ტა-
ძარში, ამავე დროს კი ჩაგრავდნენ ღარიბებს, შეურაცყოფდნენ
ქვრივ-ობლებსა და ჩვილ ყრმებს. ისრაელისა და იუდეას ის-
ტორიაში მან პირველმა იქადაგა, რომ არავითარი მნიშვნელობა
არა აქვს რელიგიურ წესებს, თუ მათი შემსრულებელი ხაზდი-
სიერი და სამართლიანი არ იქნება.

ესაიას გავლენით მეფე ეზეკიამ დაიწყო დიდი ბრძოლა
იაკვიზმის აღორძინებისათვის. იგი წინ აღუდგა ეგვიპტელების-
მცემლობის ყოველგვარ გამოვლინებას, ამხსნერედა ქვეს და
ჭრიდა ხეებს, რომელთაც ხალხი ბორცვებზე თაყვანს სცემდა.
მოსეს განკარგულებით რვალიხაგან ჩამოსხმული გველის დამ-
ტერევატ კი ბრძანა. იაკვიზმის აღორძინება ასურეთის გამო-
წვევასაც ნიშნავდა. ეზეკია ბრძენი მმართველი იყო და ესმოდა,
რომ აღრე თუ გვიან გარდაუვალი იყო ასურეთის სახელმწი-
ფოსთან შეიარაღებული შეტაკება. იგი აგროვებდა ხასხრებსა
და იარაღს, წვრთნიდა არმიას. მან გაამაგრა იერუსალიმი,
ციხესიმაგრეს მეორე ზღუდე შემოარტყა და კუთხეებში კოშკე-
ბი დაატანა. გადაწყვიტა, უპირველეს ყოვლისა, ქალაქი წყლით
მოემარაგებინა. კლდეში გამოაჭრევინა მიწისქვეშა არსი, რომ-
ლითაც წყაროს წყალი პირდაპირ ქალაქში მიედინებოდა. იერუ-
სალიმი გაცხარებული პოლიტიკური მოლაპარაკების ადგილი
გახდა. ამ მოლაპარაკებათა შედეგად შეიქმნა ანტიასურული
კავშირი, რომელსაც შეუერთდნენ: ბაბილონის მეფე ბეროდაქ
ბალადანი, ეგვიპტის ფარაონი და ფილისტიმელთა და ფინი-
კიელთა სახელმწიფოების მმართველები. მოკავშირეებს ყველა-
ზე მეტად ეგვიპტის იმედი ჰქონდათ, მაგრამ გამოცდილმა და
განათლებულმა წინასწარმეტყველმა ესაიამ იცოდა, რომ ეგვიპ-
ტე შინაური შუღლით იყო არაქათგამოცლილი და რომ მასზე
იმედის დამყარება არ შეიძლებოდა; მან ყოველივე ეს ეზეკიას
აცნობა და გააფრთხილა, მაგრამ უკან დასვეა აღარ შეიძლებო-
და. მალე აჯანყებამ იფეთქა ასურეთის ვასალ სახელმწიფოებში.
ასურეთის მეფემ სინაქერიბმა უცბად დაიპყრო ბაბილონი, ჩაახშო
აჯანყება ფინიკიაში და შემდეგ შეეტაკა ეგვიპტის არმიას, რომე-
ლიც მოკავშირეთა დასასმარებლად მიეშურებოდა. აღსრულდა
ესაიას წინასწარმეტყველება. ეგვიპტელები სასტიკად დამარცხ-

დნენ ეკრონთან და ბედის ანაბარად მიატოვეს მოკავშირენი. სინაქერიბმა ხელთ იგდო ლაქიშის ციხე, გააცამტვერა იუდეა და ასურეთში გაირეკა ქალაქებისა და სოფლების მცხოვრებლები. ნანგრევებსა და ნახანძრავებში მტერს მხოლოდ იერუსალიმი აღუდგა წინ. ასურეთის მეფემ მას ალყა შემოარტყა და ორჯერ, ერთხელ მოციქულთა საშუალებით და მეორეჯერ წერილობით, შესთავაზა ეზეკიას, დამნებდიო. მაშინ ესაიამ კვლავ მოუწოდა თანამემამულეებს, მედგრად დაეცვათ თავი და უწინასწარმეტყველა — იაჰვე მტრებს დასჯისო; და მართლაც, ერთხელ დამით მტრის ბანაკს მოევიდნა ანგელოზი და ხმლით გაწყვიტა ასოთხმოცდახუთი ათასი ასურელი მეომარი. სინაქერიბმა უკან დახევა ბრძანა და ნინევიასი დაბრუნდა. იერუსალიმი თავისუფალი დარჩა. ეზეკიამ კიდევ რამდენიმე წელს იმეფა და გაპრტახებული იუდეის ნანგრევებიდან აღდგენა მოასწრო. ქვეყნის მეურნეობა კვლავ კალაპოტში ჩადგა, მოსახლეობას დოვლათი დაუბრუნდა, ხალხი თაყვანს სცემდა მხოლოდ და მხოლოდ იაჰვეს, რომელმაც იგი ასურეთის უღლისაგან იხსნა. წინასწარმეტყველი ესაია, რომელმაც ასე უხუსტად იწინასწარმეტყველა მომავალი, სარგებლობდა უზარმაზარი ავტორიტეტით, როგორც მეფის კარზე, ასევე მოსახლეობის ფართო მასებში.

ეზეკიას გარდაცვალების შემდეგ ტახტზე ავიდა მისი ძე, თორეტი წლის მანახე (687—642 წ.წ. ჩვენს წელთაღრიცხვამდე). მისი სახელით სახელმწიფოს მართავდა სასახლის კარისკაცთა ჯგუფი, რომელიც იაჰვიზმის დაუძინებელ მტრებს აერთიანებდა. მათი გავლენით მეფემ უცხო ღმერთების კულტი აღადგინა. იუდეის ბორცვებზე კვლავ გააღმერთეს ქვის სვეტები და ხეები. იერუსალიმის ტაძარში გაჩნდა ასურელთა, ქანაანელთა, მოაბელთა, სიდონელთა ღმერთების სამსხვერპლოები და კერპები. ყველაზე მეტად ქალღმერთ ასტარტეს სცემდნენ თაყვანს. ტაძრის ტერიტორიაზე ცხოვრობდნენ ასტარტეს ქურუმი ქალები, რომლებიც მის პატივისცემად რიტუალურ მრუშობას ეწეოდნენ. გარდა ამისა, თაყვანს სცემდნენ მზეს, მთვარესა და სხვა პლანეტებს. ტაძრის კარებთან ააგეს თავლა, რომელშიც მზის ღმერთისათვის შეწირულ ცხენებს ინახავდნენ. გეჰინომში მოლოქს მსხვერპლად სწირავდნენ ახალშობილებს; თვით მეფემაც კი შესწირა მას თავისი ძე მსხვერპლად. ამავე დროს მკაცრად სდევნიდნენ იაჰვეს თაყვანისმცემლებს. კერპთმსახურ მანასეს ბევრი წამებულის უდანაშაულო სისხლი დაედვა. იგი განსაკუთრებით უღმობღად სჯიდა იმ წინასწარმეტყველებს, რომლებიც ადანაშაულებდნენ და უწინასწარმეტყველებდნენ — იუდეა მალე დაიღუპებო. წამებაში გარდაიცვალა

მოხუცი წინასწარმეტყველი უსაია, რომელიც სხს ზერბით შეა-
ზე გაჭრეს¹.

მანასე იაჰვისტების ოპოზიციასთან ბრძოლის დროს ასე-
რეთს ვერდნობოდა და მოხი ვასალი გახდა. ასურეთმა აჰ დროს
თაეასი ძლიერების მწვერვალს მიაღწია. ტახტზე ავიდა უდი-
დესი მეფე, განათლებული მმართველი ასურბანიფალი. მან წი-
ნეკია დიდებულ ქალაქად აქცია. თავის ბიბლიოთეკაში შეაგრო-
ვა ათასობით ლურსმული ფირფიტა, რომლებიც გარდასულ
საუკუნეთა დამწერლობის ძვირფას განძს შეიცავდნენ. დახ-
ლოებით 652 წელს ჩვენს წელთაღრიცხვამდე ამბოხება მოაწყო
ბაბილონის გუბერნატორმა — ასურბანიფალის ძმამ. ამავე დროს
ასურეთის ვასალებიც აჯანყდნენ. მანასეზე ეჭვი მიიტანეს, რომ
აჯანყებულებთან შეთქმული იყო. ასურეთის ჯარები იკლდნენ
შვიჭრენ, დაატყვევეს მანასე და ბორკილებშეყრილი წააყვ-
ნეს წინევიასში. აქ მან საპყრობილეში გაატარა რამდენიმე წე-
ლი და ამ საშინელი განცდების ზეგავლენით იაჰვისმის დაუბ-
რუნდა. გათავისუფლებისა და იერუსალიმში დაბრუნების შეჰ-
დევ მანასე ჯერკმსახურებას ებრძოდა და თავიანს სცემდა
მხოლოდ იაჰვეს.

მისმა ძემ ამონმა მხოლოდ ორ წელიწადს იმეფა. უცხო
ღმერთების კულტზე აღზრდილი ამონი შეეცადა. ის მოეშალა,
რაც მამამისმა ბოლოს შემოიღო, ამიტომ იაჰვისტებმა მოკლეს.

ტახტზე ავიდა მანასეს ძე იოსია (640—609 წ.წ. წვენს
წელთაღრიცხვამდე). მისი მეფობის შეექვსე წელს ასურეთს
თავს დაატყდა საშინელი უბედუნება. კავკასიის მთებიდან
დაიძრა სკვითების ველური ტომების უხარმაზარი ტაღლა,
შვიჭრა მიდიასა და ასურეთში, გაიარა ქანაანი, ოლონდ ისე,
რომ იერუსალიმს ასცდა და ნილოსის ნაპირთან შეჩერდა. ასუ-
რეთის მეფემ წინევიას შეაფარა თავი და გადარჩა, მაგრამ ასე-
თი დიდი შემოსევისაგან დაქცეული ქვეყანა წელში ველარ გას-
წორდა, მიუხედავად იმისა, რომ სკვითები რამდენიმე წლის
შემდეგ კვლავ კავკასიის მთებს დაუბრუნდნენ. იოსიამ ასურე-
თის დასუსტებით ისარგებლა და შეუდგა ქვეყნის ძირულ სო-
ციალურ რელიგიურ გარდაქმნას. საზოგადოებრივი სიმშვიცი-
სათვის მებრძოლი მეფე უღმობლად ამხობდა ყოველგვარ
უცხოურ კულტს და იაჰვიზმი ერთადერთ სახელმწიფოებრივ
რელიგიად აქცია. ამ საქმეში მას მხარს უჭერდნენ ქურუმები
და წინასწარმეტყველები ნაუმი და სოფონია. იოსიას მეფობის

¹ ბიბლია დუმილით უელის გვერდს უსაიას ცხოვრების უკანასკნელ
წლებს. ცნობა მისი მოწამებრივი სიკვდილის შესახებ შემონახულია ბაბილო-
ნის თაღმურში. ალბათ იგი ამოღებულია აპოკრიფული ტექსტიდან, რომელ-
საც ეწოდება „უსაიას ამბლება ზეტად“.

მეცამეტე წელს დედაქალაქში გამოჩნდა დიდი წინასწარმეტყვე-
ლი იერემია, შთაბოძავალი ქურუმთა ძველი გვარისა, რომლის
მამამთავრად უზენაეს ქურუმს აბიათარს მიიხნევდნენ. იერემიამ
მოუწონა მეფეს მის მიერ გატარებული რეფორმები, რადგან
მათ იუდეა თეოკრატიული რეჟიმისაკენ მიჰყავდათ. იერემიას
ისიც ესმოდა, რომ ეს მკვეთრი რეფორმები არსებითად მიმარ-
თული იყო ასურეთის გავლენის წინააღმდეგ და ხალხს ეგვიპ-
ტისთან კავშირს უშლიდა. იგი წინასწარმეტყველებდა — ეგვიპ-
ტე იუდეას განსაცდელსა და განადგურებას მოუვლენსო. თავის
ქადაგებებში იერემიამ იწინასწარმეტყველა ჩრდილოელ ტომთა
შემოსევა და იერუსალიმის დამხობა, ეს, რა თქმა უნდა, დიდად
ვერ შეუწყობდა ხელს მის პოპულარობას დედაქალაქის მცხოვ-
რებთა შორის.

კერპმსახურების ორმოცდაათი წლის შემდეგ საჭირო იყო,
ტაძარში აღგავათ უცხო კულტთა კვალი და შენობა განეახლე-
ბინათ. სწორედ მაშინ მოხდა შემთხვევა, რომელმაც ძალზე
აადლევა იაჰვეს ყველა ერთგული მიმდევარი. ტაძრის ერთ-ერთ
კუთხეში იპოვეს გრაგნილი, რომელზეც სჯულის მივიწყებუ-
ლი წიგნის ტექსტი ეწერა. უზენაესმა ქურუმმა ქელკიამ „მა-
ტიანე სჯულისა“ მეფეს წაუკითხა. კერძოდ, აქ სათითაოდ იყო
ჩამოთვლილი ის მკაცრი სასჯელები, რომელთაც მოსეს მიერ
დადგენილი რიტუალური წესების დამრღვევნი იმსახურებდნენ.
რჩევისათვის მიმართეს წინასწარმეტყველ ქალს ულდას. მან
დაუდასტურა, რომ წიგნი ნამდვილია, დაამშვიდა იოსია და და-
არწმუნა, რომ წიგნში ჩამოთვლილი სასჯელები მას არ ეხებო-
და, რადგან იგი იაჰვეს ერთგული დარჩა. საღმრთო წიგნი სა-
ხეიმოდ წაუკითხეს ხალხს ტაძრის ეზოში. ერთგულებმა დაი-
ფიცეს, აღესრულებინათ ყველაფერი, რაც მასში იყო დასახე-
ლებული.

გავიდა კიდევ რამდენიმე წელი და ასურეთში ახალი პოლი-
ტიკური ქარიშხალი ამოეარდა. ასურბანიფალის სიკვდილის
შემდეგ ასურეთის სამეფოს რამდენიმე პროვინცია გამოეყო.
ასურელებს ჩრდილოეთიდან მიდიელები ავიწროებდნენ, სამ-
ხრეთიდან კი ქალდეველთა სემიტური ტომები, რომელთაც ბა-
ბილონი დაიპყრეს. 612 წელს ჩვენს წელთაღრიცხვამდე დამ-
პყრობლებმა დაიკავეს და ერთიანად გაანადგურეს ნინეფია. ასუ-
რეთის არმიის ბელადი, გადარჩენილი მეომრებითურთ, ქარან-
ში გაიქცა. აქ იგი გააფთრებით იცავდა თავს. ქალდეველთა მე-
ფემ ნაბოფალასარმა ბაბილონი თავის დედაქალაქად აქცია და
ასურეთის ნანგრევებში საფუძველი ჩაუყარა ქალდეურ, ანუ
ახალბაბილონურ სამეფოს. იგი უკვე მოხუცი იყო, ამიტომ
სამსედრო კამპანიის წარმართვა თავის ვაჟს ნაბუქოდონოსორს
მიანდო. ეგვიპტის ფარაონს ნეხო მეორეს ესმოდა, რა საშიშრო-

ებასაც წარმოადგენდნენ მისი ქვეყნისათვის ასლი დაქვერობ-
ლები. ასურეთთან მუდმივი მტრობის მიუხედავად, მან გადა-
წყვიტა ქარანში დახმარებოდა ასურელთა რაზმებს, რომლებიც
დაძმარობთა წინააღმდეგ გადამწყვეტი შეტევისათვის ემზადე-
ბოდნენ. იოსია ბეცი და წინდაუსედავი პოლიტიკოსი აღმოჩნდა,
ამ ვითარებას მან ალლო ვერ აუღო. ასურეთის სიძულვილით
დაბრძალებულმა გზა გადაუღობა ეგვიპტის არმიას, რომელიც
ქანაანზე გავლით ქარანში მიეშურებოდა. შევიდოს მახლობლად
გამართულ ბრძოლაში იოსია დამარცხდა და ეგვიპტელა მეოპ-
რის იხრით განემირული დაიღუპა. იოსიას ნეშტი იერუსალიმ-
ში წაასვენეს და სამეფო აკლდამაში დამარხეს. ტახტზე ავიდა
მისი ძე იოაქაზი.

ამასობაში ქარანის მახლობლად ნეხო დამარცხდა და გაიქ-
ცა. უკან მიმავალს წინააღმდეგობა ვერაინ გაუწია. იგი იერუ-
სალიმში შეიჭრა, იოაქაზი ეგვიპტეში წაიყვანა და იუდეის
ტახტზე მისი ძმა იოაკიმი დასვა. იოაკიმი ფარაონის ნებას
ემორჩილებოდა, თავყანს სცემდა უცხო ღმერთებს და იაქვის-
ტებს ღვენიდა. მისი მეფობის დროს მოთავეობდა პროევკატუ-
რი დაჯგუფება, იერუსალიმი კი ახალბაბილონურ საქმეფოს წი-
ნააღმდეგ შეთქმულებათა ცენტრად იქცა.

წინასწარმეტყველ იერემიას ფანატიკურად უყვარდა თავისი
ხალსი. ქვეყნის მორალური დაცემა, სოციალური უთანასწორო-
ბა და მოსახლეობის პოლიტიკური სიბეცე მას თავის პირად
ცრაგედიად მიაჩნდა. განმარტოებით ფიქრს მიჩვეული წინას-
წარმეტყველი ხშირად ვარდებოდა სასოწარკვეთილ მღვთმარე-
ობაში, მიუსხედავად ამისა, იგი მაინც გამოდიოდა ხალხში და
მოუწოდებდა, არ გაეხელებინათ ბაბილონის კოლოსი, რომ სა-
ვალალოდ არ გახდომოდათ ასეთი უგუნური ქცევა. ამ ქადაგე-
ბებით იგი მოტყუებული ბრბოს გულისწყრომას იწვევდა. ერ-
თხელ ჩაიგდეს ხელში და კინაღამ შემოაკვდათ, მაგრამ მეფის
ჯარმა იხსნა. იოაკიმიც მტრულად ეკიდებოდა იერემიას. იერუ-
სალიმის დაღუპვის წინასწარმეტყველებით შეურაცხყოფილმა
მეფემ ბრძანა, დაეწვათ იერემიას ქადაგებები, რომელიც მას ჩა-
წერილი ჰქონდა. ორი წლის შემდეგ იერემიამ კვლავ იგივე
უკარნახა და ჩააწერიან თავის მდივანს ბარუქს.

პირველი დამარცხების შემდეგ ფარაონმა ნეხომ კვლავ
შეკრიბა ლაშქარი და 609 წელს ჩვენს წელთაღრიცხვამდე ბა-
ბილონელთა წინააღმდეგ გაილაშქრა. ქარხემიშის მისადგომეპ-
თან გამართულ ბრძოლაში იგი სასტიკად დამარცხდა. დაღუპეი-
საგან კი ერთმა გარემოებამ იხსნა — ის იყო ნაბუქოდონოსორი
დაედევნა, რომ მამის სიკვდილის ცნობა მიიღო და სასწრაფოდ
გაბრუნდა ბაბილონში. ნაბუქოდონოსორი გამკებლობდა 605—
562 წლებში ჩვენს წელთაღრიცხვამდე. პირველ ხანებში იგი

სახელმწიფოს შინაგანი საქმეების მოგვარებას უნდებოდა და იუდეისთვის ხელი არ უხლავდა. ფარაონის დამარცხებამ ქარხემის მისადგომებთან მძლავრად შეარყია პროევგვიპტური დაჯგუფების გავლენა. იუდეაში და იოაკიმის ხარკს უხდიდა ბაბილონის მეფეს. მაგრამ სამი წლის შემდეგ ეგვიპტისა და ხელახლა მომძლავრებულ პროევგვიპტური დაჯგუფების მიერ წაქეზებული მეფე აჯანყდა და ხარკის შეუწყვიტა ბაბილონს. მაშინ ნაბუქოდონოსორი ელვისებურად გაჩნდა იუდეაში, დაიპყრო იერუსალიმი და ტყვედ წაიყვანა იოაკიმი, რომლის ასავალ-დასავალი მესოპოტამიის ტერიტორიაზე უელარაგინ გაიგო. ტახტზე ავიდა მისი ვაჟი იეჰონია. იგი მამისეულ ანტიბაბილონურ პოლიტიკას აგრძელებდა, ამიტომ ნაბუქოდონოსორი კვლავ გაჩნდა იუდეაში უზარმაზარი არმიით და იერუსალიმს ალყა შემოარტყა. იეჰონია, სიმხდალის გამო თუ იერუსალიმის გადარჩენის მიზნით, ნებაყოფლობით დანებდა მტერს და მიჰგვარა მას დედა, ცოლები, ვაჟიშვილები და კარისკაცები. მან გამარჯვებულ მტერს გულის მოსალობად მიართვა ყოველგვარი ძვირფასეულობა და ოქრო-ვერცხლის ჭურჭლეული, რაც კი მოიძვევებოდა სახახლეხა თუ ტაძარში, და შეწყალება. ითხოვა: მაგრამ ამჯერად ნაბუქოდონოსორი უღმობელი აღმოჩნდა და ყურიც არ ათხოვა მის ვედრებას. მან მეფის ოჯახთან ერთად ბაბილონში წაასხა: შვიდი ათასი გამოჩენილი ისრაელიტელი და ათასი ხელოსანი. მათ შორის იყო წინასწარმეტყველი ეზეკიელი. იქონიამ ოცდაჩვიდმეტი წელი გაატარა ციხეში. იგი გაათავისუფლა ასალი ბაბილონის მეფემ ევილმეროდაქმა. იუდეველთა უზედურმა მეფემ სიკვდილამდე უცხო ქვეყანაში ცხოვრება არჩია და სამშობლოში არ დაბრუნებულა. ბაბილონის სახახლეხა მას თავისთვისა და ხუთი ძისათვის შესაფერი ბინა მიუჩინეს, ჰყავდა მსახურები და საჭმელ-სასმელსაც იღებდა. ნაბუქოდონოსორმა იეჰონიას ნაცვლად იუდეის მეფედ დანიშნა მისი ბაბა მათანია, რომელსაც სახელი გადაარქვა და სელეკია უწოდა. მას ახალგაზრდა აღარ ეთქმოდნენ, მაგრამ სუსტი და გონებაშეზღუდული კაცი იყო. ძალიან მალე მოექცა პროევგვიპტური დაჯგუფების ფანატიკოსთა გავლენის ქვეშ და ქვეყანა კვლავ დააღვა. ბაბილონის საწინააღმდეგო მცდელობის სახეაფათო გზას. ეგვიპტის ტახტზე ავიდა ფსამეტიქ მფორე, რომელსაც დიდ იმელებს ამყარებდნენ. დამონებული ხალხები იერუსალიმში მიმდინარეობდა მათი ელჩების საიდუმლო თათბირები, ქალაქის ქუჩებში ავტიტატორები და ფანატიკოსი იაკვისტები უქადაგებდნენ და აქეზებდნენ ხალხს. იერემია სასოწარკვეთილი და აღშფოთებული იყო. იგი ხშირად მიმართავდა ხალხს მკნებარე სიტყვით და მოუწოდებდა, არ გაეხელებინათ ბაბილონი. ურჩევდა, რომ მაინცდამაინც იმედი არ ჰქონოდათ ეგვიპტის დახმარებისა. იე-

ერუსალიმის ბრბომ შეიძულა იგი ხიშართლის თქმისათვის. სასხლის მმართველმა წრემ მას ღალატი დასწამა და დააბრალო, რომ თავისი ქვეყნის დამარცხება უნდოდა. იერემია სამყრობილეთში შეაგდეს და უმოწყალოდ სცემდნენ, მაგრამ წინასწარმეტყველი ვერ მოტყუებდა თავისუფლება მიიღო თუ არა, კვლავ განაგრძო მოღვაწეობა სამშობლოს ხაზსწელად. როცა ეგვიპტის ტახტზე ფარაონი პოფრა ავიდა, ანტიბაბილონურმა დაჯგუფებამ თავისი განსრავხვა სააშკარაოსე გამოიტანა. ნაბუქოდონოსორმა იფიქრა, მოქმედების დრო დადგაო. შეიჭრა იუდეაში, დაიპყრო ქალაქი, სხვა ციხეხისაგრეები და შემდეგ დელაქალაქი შემოარტყა ალყა. იერუსალიმი გზირულად იცავდა თავს. იარაღი ამისხეს მიზუცებმა; ქალებმა; ბავშვებმა და მონებმა; რომელთაც ჯილდოდ გათავისუფლებას კპირდებოდნენ. იერემია ყოველწინაირად ცდილობდა, ქალაქი და ტაძარი სრული განადგურებისაგან გადაერჩინა. იგი კეთილგონაერებხა და ნებაყოფლობით კაპიტულაციისაგენ მოუწოდებდა ყველას. ამხათვის მას ღალატი დააბრალებს. უნებხისყოფი მკვირ სელეკია მას ხან სამყრობილეთში უკრავდა თავს; ხან კი ათავისუფლებდა; რომ თავის მასლობელთაგან მალულად რჩევა უკითხხა. ქალდეის ჯარი მოკლდნ წელი იდგა იერუსალიმის გალავანთან; მაგრამ მოვიდა აპტაეი, რომ ალყაშემორტყმულთა საშველად უზარმაზარი არმიით მოდიოდა ფარაონი: ნაბუქოდონოსორს ალყის მოხხნა მოუხდა, იგი ეგვიპტის არმიისაგენ დაძძრა და იერუსალიმიც თავისუფლებას ეღირხა; მთელი ქალაქი შეიმობდა. ქალაქის მკვიდრნი ერთმანეთს ეხვეოდნენ და ეგვიპტელ მხსნელებს ლოცავდნენ, მხოლოდ იერემია არ იზიარებდა საერთო სიხარულს. მან იცოდა ნაბუქოდონოსორის ძლიერება, ეგვიპტელთა გამარჯუება არ სჯეროდა და მომავალში სასიკეთოს ვერაფერს ხედვდა. ამას ისიც დაერთო; რომ მდიდრებმა და დიდებულებმა მას პირი უცვალეს; ღარიბებს ფალები არ აპტეხს და მონები არ გაათავისუფლებს. ამის ვამო იერუსალიმში მღელვარებად იფეთქა. ქალაქის მოტყუებული დამცველები აჯანყდნენ. იერემიამ დელაქალაქის გადარჩენის იმელი დაკარგა: გადაწყვიტა, მშობლიურ ქალაქ ანათოში წახულიყო და თავისი ქონებისათვის მარხელა. ქალაქის კართან იგი დაიჭირეს, დეზერტირად ცნეს, მიბეკვეს და ციხეში შეაგდეს. მაგრამ მეფე სელეკიამ ბრძანა — იერემია მომგვარეთო; რადგან გაჭირვების ვამს მისი რჩევა სჭირდებოდა.

მალე ცნობილი გახდა ეგვიპტელების დამარცხება და რამდენიმე ხნის შემდეგ ქალდეველთა ჯარი კვლავ გამოხნდა ქალაქის გალავანთან. ალყა კიდევ რვა თვეს გაგრძელდა. ქალაქში შიმშილი და ეპიდემიები მძვინვარებდა. ქურბი სავსე იყო აღამიანთა გვამებით, რომელთა დამარხვას ვერ ასწრებდნენ. საქმე იქამდე მივიდა, რომ დედები შიმშილისა თუ სხეულებათაგან გარდაცვლილი შეიღების ხორცს ჭამდნენ. 586 წელს ჩვენს წელთაღრი-

ცხამდე ქალღვევლებმა შეტევა დაიწყეს, გაანგრიეს კედელი და ქალაქში შეიჭრნენ. გამძვინვარებული ბაბილონელი ჯარისკაცები ხოცავდნენ ხალხს, ძარცვავდნენ და ცეცხლს უკიდებდნენ ხახლებს. მალე იერუსალიმი ნანგრევების გროვად იქცა. ტაძრისა და მეფის სასახლისაგან დარჩა მხოლოდ კედლები შერუჯული ნანგრევები და დამსხვრეული სვეტები. ქალაქმა არსებობა შეწყვიტა. მეფე სედეკია ოჯახითა და მსახურთა ჯგუფის თანხლებით იერუსალიმიდან გაიპარა და იორდანის მიმართულებით გაიქცა. მღევარმა რაზმმა იგი იერიქონთან შეიპყრო. ნაბუქოდონოსორმა ბრძანა, დაეხოცათ მეფის შვილები, სედეკიას კი თვალები დათხარა და ბორკილებშეყრილი ბაბილონში გაგზავნა. იუდეველთა უკანასკნელმა მეფემ მალე ციხეში დალია სული.

იერემიას კი ნაბუქოდონოსორმა სამშობლოში დარჩენის ნება დართო. წინასწარმეტყველმა ისარგებლა ამით, იერუსალიმიდან შჯულის კიდობანი და იაჰვეს სამსხვერპლო გამოიტანა და გადამალა*. შემდგომში კი მათი პოვნა აღარ მოხერხდა.

მესოპოტამიური წესის მიხედვით, გამარჯვებულებმა იწყეს მცხოვრებლების განდევნა იუდეველთა ქალაქებიდან და სოფლებიდან. ათობით ათასი ტყვე ერთმანეთზე გადააბეს თოკებით და შორეულ უცხო ქვეყანაში გარეკეს. დევნილთა კოლონება მრავალი თვის განმავლობაში მიეხეტებოდნენ უდაბნოში, გზაში ათობით და ასობით გვაში მოიტოვეს უკან. ვინც გზას გადაურჩა, ბაბილონის ახლოს ბანაკებში მოათავსეს. აღზრებულ იუდეაში დარჩნენ მხოლოდ სოფლელი დატაკები, რომელთაც მებატრონეთა მიერ მიტოვებული მიწვრები და ვენახები მიანდევს მოსავლელად თუ სამეთვალყურეოდ. მათ გუბერნატორად ნაბუქოდონოსორმა დანიშნა იუდეველი გოდოლია, რომელმაც თავის რეზიდენციად ქალაქი მასეფა აქცია. მის სასახლეში ბინა დაიდო იერემიამ, რომელიც დარჩენილი იუდეველი მოსახლეობის სულიერი მოძღვარი გახდა. ქვეყანა გაღარიბდა და აოხრდა. მებაჟეები მიწათმოქმედებსა და მესაქონლეებს უკანასკნელ ლუქმას აცლიდნენ პირიდან. პარტიზანები და ყაჩაღთა ბრძოლები ქალაქებსა და სოფლებს ძარცვავდნენ. ასურეთის ფანატრიკურმა მტრებმა ტერორი დაიწყეს. ხოცავდნენ რენეგატებად და შემთანხმებლებად მიჩნეულ თანამემამულეებს. ბოლოს და ბოლოს გოდოლიასაც მისწვდნენ და მოკლეს. ამის შემდეგ ეგვიპტეში გაიქცნენ და ძალით წაიყვანეს იერემია. წინასწარმეტყველი ტაფნისში დასახლდა და წყველა-კრულვით იხსენიებდა თანამემამულეებს კერპთმსახურებისა და იაჰვეს ღალატისათვის¹.

¹ თაღმუდის თანახმად, იერემია გარდაიცვალა ბაბილონში, სადაც იგი მიიყვანა ნაბუქოდონოსორმა ეგვიპტის დაპყრობის შემდეგ. ქრისტიანული ტრადიციის მიხედვით კი იერემია თანამემამულეებმა მოკლეს ეგვიპტეში.

ბაბილონის ტყვეობა. იუდეველი ტყვეები პირველად ცალკე ბანაკებში დაასახლეს. ისინი მუშაობდნენ ქალაქ ბაბილონში მშენებლობაზე, მეფის მამულში სარწყავი არხები გაყავდათ. დროთა განმავლობაში კი, განსაკუთრებით ნაბუქოდონოსორის სიკვდილის შემდეგ, მათ პირადი თავისუფლება დაუბრუნეს. იუდეველები დედაქალაქის გარეუბნებში სახლდებოდნენ და მებაღეობასა და მებოსტნეობას ეწეოდნენ. ბევრმა ვაჭრობას მიჰყო ხელი და დიდი ქონებაც შეიძინა, რადგან ბაბილონი იმჟამად საერთაშორისო ვაჭრობის მნიშვნელოვანი ცენტრი იყო. ზოგიერთი იუდეველი მდიდარი ვაჭარი ან დიდი მიწათმფლობელიც კი გახდა. ზოგს დიდი პოსტი ეჭირა სახელმწიფო აპარატში და მეფის კარზე.

ბაბილონი ხალხმრავალი ქალაქი იყო. მას გარს ერტყა ციხის ორმაგი გალავანი. ეს ზღუდე იმსისქე იყო, რომ მასზე თავისუფლად შეიძლებოდა ოთხცხენიანი ეტლით გაეღა. ექვსასზე მეტი კოშკი იცავდა დედაქალაქის მცხოვრებთა სიმშვიდეს. დიდებულად მოჩუქურთმებული იშთარის ჭიშკრადან მოეპართებოდა ფართო ქუჩა, რომლის კედლები დაშუქვნილებული იყო ღომების ბარელიეფებით. ქალაქის ცენტრში მდებარეობდა ხეჩირამიდას დაკიდებული ბაღი, რომელიც ძველი სამყაროს შეიფსაოცრებათაგან ერთ-ერთად ითვლებოდა. ბაღი გაშენებული იყო ტერასებზე, რომლებიც გამოამწვარი აგურის თაღებს ეყრდნობოდა. წმიდათაწმიდა სალოცავი იყო ბაბილონის მთავარი ღმერთის მარდუქის ტაძარი. მის ახლოს ცამდე ატყვარცნილიყო მესამე საუკუნეში (ჩვენს წელთაღრიცხვამდე) აგებული შვიდსართულიანი კოშკი — ზიკურათი. კოშკის თხემზე მზის სხივებში ბრწყინავდნენ ფილები პატარა ტაძრისა, რომელშიც მარდუქი „ცხოვრობდა“. ვიწრო ქუჩების ლაბირინთში ირეოდა და ყაყანებდა ხალხი. ნელ-ნელა მიიწვედა ხალხის ბრბოში აქლემების ქარავნები, საქონლით დატვირთული ურშები და მლოცველთა ჯგუფები. ვაჭრები გამყივანი ხმით აქებდნენ თავის საქონელს. სახელოსნოებიდან გამაყრუებელი ხმაური გამოდიოდა ქუჩებში. ხალხში მრავალი ენის ვაგონება შეიძლებოდა, რადგან დედაქალაქში მსოფლიოს ყველა ქვეყნიდან მოდიოდნენ მოგსაურები*.

პატარა, მიყრუებული იერუსალიმიდან დიდი სამყაროს შუაგულში მოხვედრილ იუდეველ დევნილებზე ბაბილონი განმაცვიფრებელ და შემადრწუნებელ შთაბეჭდილებას ახდენდა. ბევრმა სწრაფად გადმოიღო ადგილობრივ მკვიდრთა ზნე-ჩვეულებები და მათ დაემსგავსა ზოგნი, რომელთაც დაბრუნების იმედი აღარ ჰქონდათ, ცდილობდნენ, შეკვებოდნენ ახალ ცხოვრებას და რაც შეიძლება კარგად გაეპართათ ახალი სახლ-კარი. უმეტესობას მაინც სტანჯავდა ლტოლვილთათვის ჩვეული ავად-

მყოფობა — სამშობლოს სევდა. ეს ოპტიმიზტები იხე-იქცეოდნენ, თითქოს უკანდასაბრუნებლად უკვე შეკრული აქონდათ ბარგი, ახალი ცხოვრების ყოველგვარ სიკეთეზე თვალს ზუჭავდნენ და მოუთმენლად ელოდნენ, როდის დასჯიდა იაჰვე ბაბილონს და როდის მისცემდა იუდეველებს სამშობლოში დაბრუნების ნებას. იერემიას მუდმივი მიმოწერა აქონდა ბაბილონში. მყოფ იუდეველ ლტოლვილებთან; აფრთხილებდა — ილუზიებს თავი დაანებეთ, სახლები ააგეთ და ბაღები გააშენეთო. წინასწარმეტყველის ფხიზელი ხმა მათ მხოლოდ დარდს უშლიდა. ისინი სწორად ერთად სსდებოდნენ ეეფრატის ნაპირსე და სევედისაგან გულდამწვარნი ნაღვლიან სიმღერებს მღეროდნენ. მოგვიანებით ერთ-ერთმა პოეტმა, ას ოცდამეტქმეტე ფსალმუნის ავტორმა, ასე გამოსატა მათი გრძნობები:

მდინარეთა ზედა ბაბილონისათა
 მუნ დაესხედით და ვტიროდით,
 რაჟამს მოვიხსენეთ ჩვენ სიონი.
 ძეწნათა ზედა შორის მისსა
 დაუკიდენით საგალობლნი ჩვენნი.
 შეეოუ დაგიღწყო შენ, იერუსალემ,
 დამივიწყენ მეცა მარჯვენამან ჩემმანს
 აღუქუნ ენა ჩემი სასასა ჩემსა,
 თუ არა მოვიხსენო შენ!

ასურელების მიერ 722 წელს გაძევებული ისრაელიტელები გაიფანტნენ და ბოლოს და ბოლოს უკვალოდ ჩაინთქნენ აზიის ხალხების ზღვაში; იუდეველები კი ერთად სახლობდნენ ქალაქებსა და დაბებში, იცავდნენ თავიანთ ძველ ადამ-წესებს, ინასავდნენ შაბათს და ყველა სხვა რელიგიურ დღესასწაულს. რადგან ტაძარი არ აქონდათ, უზუცესთა სახლებში იკრიბებოდნენ და ერთად ლოცულობდნენ. ეს კერძო სამლოცველოები მომავალ სინაგოგათა ჩანასახი იყო. იუდეველთა თემებს ძველებურად ჰყავდათ თავიანთი ქურუმები, წინასწარმეტყველები და წინამძღოლები. მათთან ერთად გამოჩნდნენ მეცნიერები, რომლებიც აგროვებდნენ ხალხის სულიერ მემკვიდრეობას და სისტემაში მოჰყავდათ იგი. ლტოლვილებმა მოახერხეს და ცეცხლმოდებული იერუსალიმის ტაძრიდან გამოიტანეს ზოგიერთი გრაგნილი, მაგრამ მრავალი ისტორიული და საკანონმდებლო მასალის ხელახლა ჩაწერა მოუსდამ ზეპირი გადმოცემების მიხედვით. ეს იყო სადმერთო წერილის ტექსტის შექმნის შემდგომი ეტაპი. ეს ტექსტი მათ საბოლოოდ სამშობლოში დაბრუნების შემდეგ დაამუშავეს. ლტოლვილები ჩაუფიქრდნენ უბედურებას მიზეზს და გააანალიზეს თავიანთი ისტორია. ტანჯვა-წამებამ გააღრმავა და გააკეთილშობილა მათი დამოკიდებულება იაჰვესთან. გამოსე-

ლათა და მეორე ხჯულის წიგნებში იაჰვე გამოხატულია რო-
 გორც ღამსჯელი ღმერთი, რომელიც მეოთხე თაობამდე იძიებს
 შურს შვილებზე მამათა დანაშაულისათვის. მაგრამ შეიძლება
 თუ არა ღმერთი იყოს იმდენად უსამართლო, რომ უდანაშაულო
 და დამნაშავე ერთნაირად დასაჯოს? კოლექტიური პასუხისმგებ-
 ლობა. ეწინააღმდეგებოდა იუდეველთა მორალურ პრინციპებს,
 საჭირო იყო მონახულიყო სხვაგვარი ახსნა ხალხის თავზე დამ-
 ტყდარი უბედურებისა. ასე დაიხადა მესიანობის იდეა, იუდევე-
 ლი ხალხი იაჰვემ აირჩია, რათა ცოდვებისაგან წამებით გან-
 წმენდილიყო და ქვეყნისათვის მიეწოდებინა ერთი, ყოვლისშემ-
 ძლე და ყოვლადმოწყალე ღმერთის რწმენა. ამ მესიანური იდე-
 ების მთავარი გამოხატველი იყო წინასწარმეტყველი ეზეკიე-
 ლი, რომელიც ბაბილონში, ჯერ კიდევ 597 წ. (ჩვენს წელთ-
 აღრიცხვამდე) გადაასახლეს. იგი ქადაგებდა პირადი პასუხის-
 მგებლობის პრინციპს, რასაც ასეთი სიტყვებით გამოთქვამდა
 „სულმან, რომელმან ცოდოს, იგი მოკვდეს. ძემან არა იტვირ-
 თოს ცოდვა მამისა მისისა, არცა მამამან ცოდვა ძისა თვისისა.
 სიმართლე მართლისა მის ზედა იყოს და უშჯულოება უშჯულო-
 ისა მის ზედა“; ეს იყო წინ გადადგმული უზარმაზარი ნაბიჯი მო-
 ნოთეიზმის ეთიკური გაღრმავებისათვის, წერილმანებს აყოლი-
 ლი გულღვარძლიანი ღმერთის წარმოდგენის უარყოფა. იუდეველ
 ხალხს უდიდესი ისტორიული მისია უნდა შეესრულებინა; ამი-
 ტომაც მისანი წინასწარმეტყველებდა ყველა მისი მხაგვრელის
 დაღუპვას და იუდეველთა გამარჯვებას. ერთხელ მან მორწმუნე-
 ებს უამბო, რომ იაჰვემ უჩვენა მომავალი — აღდგენილი იერუსა-
 ლიმი. საიდუმლოებით მოცული ვიღაც კაცი ქალაქში გაუძღვა
 ეზეკიელს და ხელახლა აშენებული ტაძრის ეზოში შეიყვანა.
 იაჰვემ უბრძანა მას, ყურადღებით დაეთვალიერებინა, დაემხ-
 სოვრებინა ყველაფერი, რომ დაწერილებით ეამბნა თანამეა-
 მულეებისთვის ბაბილონში. ამრიგად, ეზეკიელი ამხნევებდა
 ლტოლვილებს, ჰპირდებოდა წინაპართა მიწაზე დაბრუნებას;
 აღუთქვამდა, რომ მათი მეფე იქნებოდა დაეთის შთამომავალი,
 რომელიც იაჰვეს სახელით მშვიდობიანად და სამართლიანად
 იმეფებდა.

სამშობლოში დაბრუნება. ნაბუქოდონოსორის გარ-
 დაცვლების შემდეგ ახალი ბაბილონის სამეფო დაცემის გზას
 დაადგა. ახალი მეფე ნაბონიდი არც სარდლად ვარგოდა და არც
 მმართველობა ეხერხებოდა. მას აინტერესებდა მხოლოდ რელი-
 გიური საქმეები და სიძველეთა ძეგლები, რომლებსაც დიდი გა-
 ტაცებით აგროვებდა საკუთარ სასახლეში. სახელმწიფოს გა-
 საძლიერებლად დამონებულ ხალხებს თავიანთი ღმერთების ძეგ-

ლებს ართმევდა და ბაბილონში მიჰქონდა. ამ ამბავმა დიდი უკმაყოფილება გამოიწვია მოსახლეობაში. ბოლოს ნაბონიდმა სულ დაანება თავი სახელმწიფოს საქმეებს და ჩრდილო არაბეთის შორეულ სასახლეში სირიის უდაბნოს მახლობლად დაიდო ბინა. დედაქალაქს მართავდა ნაბონიდის ძე ბალტასარი. ამასობაში მესოპოტამიას კვლავ ცუდად წაუვიდა საქმე. 558 წელს პოლიტიკურ ჰორიზონტზე გამოჩნდა კიროსი, რომელიც პირველად ნაკლებად ცნობილი ბელადი იყო ტომისა, შემდეგ კი ასანიის მეფე გახდა და გენიალური, მრისხანე სარდალი გამოდგა. მან დაიპყრო მიდია და თავი სპარსელთა მეფედ გამოაცხადა. ახალ დამპყრობელთან საბრძოლველად ნაბონიდმა ჩამოაყალიბა კავშირი; მას ახალბაბილონურ სამეფოსთან ერთად მიემხრნენ ლიდია, სპარტა და ეგვიპტე. კიროსმა გამოწვევა მიიღო, ლიდიის მეფე კრეზი დაამარცხა და მცირე აზია დაიპყრო, შემდეგ მთავარი მტრების, ქალდეველების წინააღმდეგ დაიძრა. 540 წელს მან ქალდეველები დაამარცხა, ხოლო ერთი წლის შემდეგ უბრძოლველად დაიკავა ბაბილონი. ამ ძლიერი ციხესიმაგრის კარი მას გაუღეს ღვთაება მარდუქის ქურუმებმა, რომლებიც ნაბონიდის რელიგიური პოლიტიკით შეშფოთებულები იყვნენ. ოც წელზე ნაკლები დროის მანძილზე კიროსმა შექმნა უზარმაზარი სახელმწიფო, რომლის საზღვრებიც გადაჭიმული იყო ინდოეთიდან ხმელთაშუა ზღვამდე. ქალდეველთა მიერ დამორჩილებული ხალხები მას ისე ეგებებოდნენ, როგორც მსხველს. კიროსი ქალდეველთა და ასურელთა მეფეებთან შედარებით სულ სხვანაირი დამპყრობელი და სახელმწიფო მოღვაწე გამოდგა. მათგან განსხვავებით იგი დაპყრობილ ხალხებს არ სპობდა, ქალაქებს არ ანგრევდა და თავის ჯარისკაცებს ძარცვა-გლეჯასა და უწყესობას უკრძალავდა. დაპყრობილი ქვეყნის ცხოვრება ნორმალურად მიჰდინარეობდა, ვაჭრები და ხელოსნები მშვიდად მისდევდნენ თავ-თავის ხელობას. სპარსელთა მეფე კიდევ ერთ რამეშიც გამოირჩეოდა, როგორც ახალი ტიპის მოღვაწე. მან დაპყრობილ ხალხებს დიდი ავტონომია მისცა და დაუბრუნა ბაბილონში წაღებული კერპები. მისი რელიგიური და პოლიტიკური შემწყნარებლობა იმაშიც გამოიხატა, რომ გადასახლებულ ტომებს სამშობლოში წასვლის ნება დართო და დაუბრუნა ქალდეველთა მიერ წართმეული ღმერთების ქანდაკებები და ქონებაც, რომელიც მათი ტაძრიდან ჰქონდათ წაღებული.

იუდეველი ლტოლვილები აუწერელი ენთუზიაზმით ეგებებოდნენ კიროსს. მათთვის კიროსი იყო არა მარტო განმათავისუფლებელი, არამედ იაჰვეს მოციქული, მისი დამსჯელი მარჯვენა. ქურუმებმა და წინასწარმეტყველებმა ხალხს გამოუცხადეს, რომ მათი განმათავისუფლებელი ღვთის მიერ ცსებული

მესია და იაჰვეს რჩეული იყო. მალე მათ იმედი გაუქართლდა. ბაბილონის დაპყრობიდან ერთი წლის შემდეგ კიროსმა საგანგებო დეკრეტი გამოსცა და იუდეველებს იერუსალიმში დაბრუნების უფლება მისცა. მან ისიც კი ბრძანა, რომ მათთვის დაებრუნებინათ მღვდელთმსახურებისათვის საჭირო ნივთები, რომელიც ნაბუქოდონოსორმა იერუსალიმის ტაძრიდან წაპოილა. იუდეველებს დაუბრუნეს საბანელები — ოცდაათი ოქროსი და ათასი ვერცხლისა, ფიალები — ოცდაათი ოქროსი და ოთხას ათი ვერცხლისა, ათასი ცალი სხვა ჭურჭელი.

იუდეველები სამშობლოში დასაბრუნებლად დიდხანს ემზადებოდნენ. დაბრუნების მსურველებს თავი მოუყარეს ბანაკებში, სადაც წამსვლელთა სიებს ადგენდნენ. მაგრამ ბაბილონის დატოვება ყველას როდი ხურდა. მდიდრებს, რომლებიც მიწებს და სავაჭროებს ფლობდნენ, და დიდი თანამდებობის მქონე პირებს მაინცდამაინც აღარ მიუწყევდათ გული გაპარტახებული და მიყრუებული ქვეყნისაკენ. სამაგიეროდ, მდიდრებიცა და ღარიბებიც უზვად იღებდნენ სახსრებს იერუსალიმის ტაძრის აღსადგენად. ასე რომ, სამშობლოში მომავალთ აურაცხელი განძეული მოქონდათ. დაბრუნების სურვილი ორმოცდაათი ათასამდე კაცმა გამოთქვა. მათ შორის იყვნენ ქალებიც, ბავშვებიც და მსახურებიც. უმეტესობას შეადგენდნენ ისინი, ვისაც უცხო ქვეყანაში ბედმა არ გაუღიმა. გარდა ამისა, სამშობლოში მიმავალთა შორის იყვნენ პატრიოტები, იაჰვეს თაყვანისმცემლები, ქურუმები, წინასწარმეტყველები და ლტოლვილები. შორეულ გზაზე მიმავალი ქარავანი რამდენიმე კილომეტრზე გაიჭიმა. ხალხს მიყვებოდა შვიდას ოცდათექვსმეტი ცხენი, ორას ორმოცდახუთი ჯორი, ექვსი ათას შვიდას ოცი სასაპალნე ვირი და ხუთას ოცდათხუთმეტი აქლეში. სამშობლოში დაბრუნებულებს მოუძღოდნენ უზუნაესი ქურუმი იესუ, ზორობაბელი და თორმეტი უხუცესი. მგზავრებმა ძველი, სავაჭრო ქარავანთა მიერ ნავალი და გათელილი გზა აირჩიეს. ისინი ჯერ ეფრატს აჰყვნენ, ნინევიის ნანგრევებს გასცდნენ, მიაღწიეს ქარანამდე, იქიდან აბრაამის გზას დაადგნენ, გაიარეს დამასკო და ერმონის მთები გენესარეთის ტბის მიმართულებით და იუდეველთა ყოფილი სამეფოს ფარგლებში შევიდნენ. და აი, მრავალი კვირის მგზავრობის შემდეგ შორიდან იერუსალიმის ნანგრევებიც გამოჩნდა. დაღლილ-დაქანცული მგზავრები ხან ტიროდნენ, ხან იცინოდნენ და იაჰვეს მადლობას სწირავდნენ.

ტაძრის აღშენება. მეტად მძიმე იყო ყოველდღიური ცხოვრება დანგრეულ იერუსალიმში. სამშობლოში დაბრუნებულებს, უპირველეს ყოვლისა, თავშესაფარზე ზრუნვა და ქალა-

ქის ქუჩების ნანგრევებისაგან გაწმენდა მოუხდათ. ამიტომ იყო, რომ იაპვეს „სამსხვერპლო“ დაბრუნებიდან მხოლოდ მესამედ თვეს აღმართეს. ტაძრის აღდგენას კი მეორე წელს შეუდგნენ. ეს ამბავი სამარიელებმა შეიტყვეს და მოციქულების პირობით ითხოვეს, მშენებლობაში მონაწილეობის უფლება დაგვრთეთო. მაგრამ ზორობაბელმა და იესუმ უარი შეუთვალეს. ისრაელიტელთა განდევნის შემდეგ ჩრდილო ქანაანში დამკვიდრებულ სამარიელებს შიშლით ეპყრობოდნენ, მიუხედავად იმისა, რომ ისინიც იაპვეს თაყვანისცემლები იყვნენ. ამ უარს სავალალო შედეგი მოჰყვა. სამარიელები და სხვა ტომები, რომლებმაც იუდეველთა გაპარტახებული ტერიტორია დაიკავეს, ყოველნაირად უშლიდნენ ხელს მშენებლობას, ესხმოდნენ თავს, ანგრევდნენ აღდგენილ კედლებს და იერუსალიმში არეულობას თესავდნენ. სიძნელეებითა და ხულ უფრო მძიმე ცხოვრებით გაწამებული იუდეველებმა ტაძრის აღდგენითი სამუშაოები შეწყვიტეს და თავის თავსე დაიწყეს ზრუნვა, რომ როგორმე დღიური ლუკმა ემოვნათ. ლუკმაპურის ძეხნაში მათ სარწმუნოების საქმეები მიივიწყეს და ტაძარზე არ ზრუნავდნენ. ამასობაში გავიდა თხუთმეტი წელი. მსოფლიოში დიდი ცვლილებები მოხდა: ძველი წელთაღრიცხვის 529 წელს კიროსი დაიღუპა მისი სასელმწიფოს აღმოსავლეთ საზღვრებიდან შემოჭრილ ტომებთან ბრძოლაში. ტასტზე ავიდა მისი ვაჟი: ვამბიზი. მან მხოლოდ შვიდ წელს იმეფა; მაგრამ ამ ხნის მანძილზე ეგვიპტის დაპყრობა შეძლო და ამგვარად ძველი სამყაროს უდიდესი იმპერია შექმნა. სპარსეთის მომდევნო მეფის დარიოს პირველის (522—485 წწ ჩვენს წელთაღრიცხვამდე) დროს წინასწარმეტყველებმა ანგეამ და საქარიამ იერუსალიმში ქადაგება დაიწყეს, ამხილეს ქალაქის მკვიდრნი უმოქმედობისათვის და იაპვეს სახელით ტაძრის ზელახლა აღდგენა დაწყებინეს. მშენებლებს ამჯერადაც ბევრი ხიძნელე შესვდა. სპარსეთის სატრაპმა: თათნაიმ, რომელსაც ქანაანი ემორჩილებოდა; იერუსალიმში კომისია გაგზავნა; მას უნდა გაეგო, თუ რა უფლების ძალით შეუდგნენ იერუსალიმის ტაძრის აღდგენას. იუდეველებმა კიროსის ღკრეტი დაიმოწმეს. ამიტომ თათნაიმ თავის მბრძანებელს მიმართა და პკითსა — როგორ მოვიქცეო. დარიოსი ღმობიერი კაცი იყო. მისი ბრძანებისამებრ მეფის არქივი გადაქექეს და დეკრეტი იპოვეს. მაშინ დარიოსმა ბრძანა; მშენებლობისათვის ხელა კი არ შეეშალათ, პირიქით — სამშობლოში დაბრუნებულნი სამშენებლო მასალითა და მსხვერპლად შესაწირავი პირუტყვით მოემარაგებინათ. მშენებლობა ოთხნახევარ წელიწადს გაგრძელდა. იაპვეს ახალი სახლი სრულიადაც არ ჰკავდა სოლომონის დიდებულ ტაძარს. ეს საცოდავი, პატარა და ხადა შენობა მთელი ქვეყნის ზილატაკისა და დაცემულობის სავალალო სიმბოლოდ

გამოიყურებოდა. წმიდათაწმინდა ტაძარი, სადაც ადრე ბრწყინ-
ვალებასა და ღიძებულებაში. ინახებოდა შჯულის, კილობანი,
ახლა ცარიელი იყო. იერუსალიმი ჯერ კიდევ ნანგრევების
უზარმაზარ გროვას წარმოადგენდა, მხოლოდ აქა-იქ ჩანდა საჩ-
ქაროდ ამოყვანილი პატარა სახლები, რომლებშიც დედაქალა-
ქის მცირერიცხოვანმა მცხოვრებლებმა კპოვეს თავშესაფარი.

მზრას მისია. ტაძრის აღდგენიდან ორმოცდასამმა წელს-
მა განვლო. სპარსეთის ტახტზე, მეფე არტაქსერქსე, პირველი
(465—424 წწ ძველი წელთაღრიცხვით) იჯდა. იმჟამად ბაბი-
ლონში ცხოვრობდა განსწავლული იუდეველი ეზრა; იერუსალი-
მიდან მობრუნებულებს მასთან გულსაკლავი ამბები მოქჳონ-
დათ: ეზრამ იცოდა, რომ იუდეველებმა უგულებელყვეს თავიან-
თი რელიგიური მოვალეობა; ისიც იცოდა, რომ შეიძლებოდა
ძალე დაეკარგათ თავისი ეროვნებაც, რადგან მეზობელი არაბი
ტომებიდან მოჰყავდათ ცოლები. ეზრა უკვე ღრმა მოხუცი იყო,
მაგრამ მაინც გადაწყვიტა, სამშობლოში დაბრუნებულიყო და
თავისი ხალხი ჭეშმარიტებას გზაზე დაეყენებინა. მან არტაქ-
სერქსეს გამგზავრების ნება სთხოვა. მეფემ შეაწყნარა მისი
თხოვნა, გამგზავრების ნებაც დართო და იერუსალიმის ტაძრის
შესამკობად მრავლად უბოძა ოქრო და ვერცხლი. ვარდა ამისა,
არტაქსერქსემ ქანაანის ნაცვალს დაავალა, ხანდაშუილი რეპატ-
რიანტისათვის ასი ტალანტი ვერცხლი მიეცა და სამგზავროდ
საჭმელ-სასმელი გაეტანებინა.

ეზრამ ბაბილონში მცხოვრებ თავის თანამემამულეებსაც გა-
ალებინა შესაწირავი. ამრიგად, მან უამრავ სახსრებს მოუყარა
თავი და 458 წელს (ჩვენს ერამდე) გზას გაუდგა, მასთან ერთად
გამგზავრა ათას ხუთას სამოცდათექვსმეტი კაცი ცოლ-შვილი-
თურთ. ოთხი თვის მგზავრობის შემდეგ, ახალი რეპატრიანტები
იერუსალიმში ჩავიდნენ. ეზრა ენერგიულად შეუდგა იუდეის
ასაღორძინებლად. გამიზნული რეფორმების გატარებას. იგი
თავზარდაცემული იყო იმით, რაც სამშობლოში ნახა. რაკი
იუდეველი ქალები ცოტანი იყვნენ, ბევრი იუდეველი ირთავდა
ქანაანელ, ქეტელ, ფილისტიმელ, იებოსელ, ამონელ, მოაბელ,
ეგვიპტელ თუ ამორეველ ქალს. ქურუმებსაც და ხალხის ბელა-
დებსაც კი უცხოელი ქალები ჰყავდათ ცოლად. იერუსალიმის
ქუჩებში მრავალ ენაზე ლაპარაკობდნენ. რჩეულ ხალხს გადაშე-
ნების საშიშროება ემოქრებოდა. ეზრას თავზარი დაეცა. მან
ტანზე შემოიხია თავისი მოსახლამი და მთელ ღღეს ელდანაკ-
რავი, გაოგნებული იჯდა. ეზრასთან შეიკრიბა ყველა ვისაც
ღვთის სიტყვისა ეშინოდა, და მასთან ერთად ლოცულობდნენ,
საღამოს, მსხვერპლის შეწირვისას, ეზრა ტაძრის შესასვლელ

თან პირქვე დაემხო და ისე ხმაძაღლა აქვითინდა, რომ ყველანი ატირდნენ. ბოლოს და ბოლოს ეზრამ თავისი გაიჭანა: გამოაცემინა ბრძანება, რომ ყველა იუდეველს, ვისაც ცოლად ჰყავდა უცხო ტომის ქალი, ქონებასა და მოქალაქეობრივ უფლებას წამოართმევდნენ, თუ სამი დღის განმავლობაში თავისივე სამშობლოში არ დააბრუნებდა ცოლს. ამ უმოწყალო დეკრეტმა მრავალი მოსიყვარულე ცოლ-ქმარი გაჰყარა, ბევრი მზრუნველი დედა მოაცილა შვილებს და მრავალი ოჯახი დაამწყურა. გარდა ამისა, დეკრეტი აუარესებდა იუდეველთა მეზობლობას მეზობელ ხალხებთან, რომელთაც ითაკილეს მათი ქალების შეურაცხყოფა. იუდეველმა ხალხმა თავისი რასობრივი და რელიგიური განსხვავება შეინარჩუნა, მაგრამ ამიერიდან განკერძოებული და მტრებით გარემოცული დარჩა.

ნეემიას მისია. არტაქსერქსე პირველის სასახლეში, ხუზაში, იუდეველ ნეემიას დიდი თანამდებობა ეჭირა. ერთხელ მას იერუსალიმიდან უცხო კაცი, ანანი ეასლა და იუდეის ტრაგიკული მდგომარეობა აუწყა. დედაქალაქი დანგრეულია, ვერ იქნა და ვერ ააშენეს, მდიდრები ღარიბებს ჩაგრავენ, ვალებში მინდვრებს, ვენახებსა და ბაღებს ართმევენ, მათ შვილებსაც მონურად ამუშავენ. გადასახადებმა, შევასშეობამ და სიძვირემ მოსახლეობის უმრავლესობა გააღატაკა, ქურუმები და ძალაუფლების მქონენი ფუფუნებაში ცხოვრობენო.

სავალალო ცნობამ ნეემიას თავზარი დასცა. მრავალი დღის განმავლობაში ტიროდა, წუხდა, მარხულობდა და იაპეეს ევედრებოდა, რომ სამშობლოში მცხოვრები მისი თვისტომები შეეწყენარებინა. ბოლოს მეფე არტაქსერქსემ შეამჩნია მისი მდგომარეობა და ჰკითხა: „რად შეჭმუნებულ არს პირი შენი? არა ხარ სნეული და არა არს ესე თვინიერ გულისა სიბოროტისა?“ ნეემიამ გაუმეორა ანანის ნათქვამი: „ცხოველ იყავნ მეფე უკუნითი უკუნისამდე! ვითარ არა შეჭმუნდეს პირი ჩემი? ქალაქი, სახლი და საფლავი მამათა ჩემთა მოიხრებულ არს და ბჭენა მისნი — ცეცხლითა დაჰწვარ!“ მეფემ ჰკითხა: „და რა გინებს შენ?“ ნეემიამ სურვილი გაუმხილა: „და თუ, მეფეო, იხილო ესე კეთილად, და თუ სათნო იყოს ჰონა შენი წინაშე პირისა შენისა, წარმეზაენე მე იუდეას, ქალაქსა, სადა არიან საფლავნი მამათა ჩემთანი და აღვაშენო ქალაქი იგი“. არტაქსერქსეს უყვარდა ნეემია და ეწვლია კიდევ, მან გამეზავრების ნებაც დართო, იუდეის ნაცვლადაც დანიშნა და მეფეთა ტყეების მცველთან წერილი გაატანა. წერილში ნათქვამი იყო: სე-ტყე არ დაუკავოთ და იმდენი მიეცით, რამდენიც სახლებისა და იერუსალიმის გალავნის აღდგენას დასჭირდებაო. მეფემ სპარსეთის ცხენოსანი

და ქვეითი ჯარის ძლიერი შეიარაღებული დაცვაც აასლა ნეემიას. იგა 44^ა წ. (სვეას ვრამდე) ჩაეიდა იერუსალიმში. ქალაქის მცხოვრებთაგან არაივის შეუქმნევია ნეემია. სამ დღეს ათვალიერებდა იგი დანგრეულ გალავანს და ქალაქის დაჰკვარ კარიბჭეს. მხოლოდ ამის შემდეგ გამოაცხადა ჩასვლის მისაღებად: „იხილეთ თქვენი ბოროტება ესე, რაჟელსა შინა ვართ. იერუსალიმში შოოსრებულ არს და ბჭენი მისნი მიცემულ ცეცხლსა. შოვედით, აღვაძესეთ ზღუდესი იერუსალიმისნი და ნუ ვიქმნებით ამიერითგან ყვედრებასა შინა“. ქალაქის დაცვა შეუძლებელი იყო. უდაბნოს ყაჩაღებსა და მტრულად განწყობილ ტომებს, რომლებიც იუდეის დაცარიელებულ რაიონებში დასახლებულ იყვნენ, სულ იოლად შეეძლოთ იერუსალიმის დარბევა. აქემია დაუყოვნებლივ შეუდგა საქმეს. მან ოჯახებს გაუთავთავისა აღსადგენი ზღუდე. ქურუმების ოჯახებიც კი ჩააბა საქმეში. მისმა ეხთუზიანძმმა და ეხერგია მ ფრთები შეასხა ქალაქის მცხოვრებლებს და ისინი მხნედ შეუდგნენ საქმეს. სამარიელთა, ამონელთა, არაბთა და სხვა მტრულად განწყობილ ტომთა ბელადები დასცინოდნენ და ჰკიცხავდნენ იუდეველებს, არაივის სჯეროდა, რომ ისინი იერუსალიმის გალავნის აღდგენას შეძლებდნენ. ამონელთა ბელადმა ტობიამ დაცინვით თქვა: „აღაშენებენ იგინი და აღვიდეს მელი და დაარღვიოს ზღუდე იგი ქვისა“. მაგრამ, როცა გალავანი სანახევროდ ამოიყვანეს, ისინი გააფთრდნენ და იერუსალიმზე თავდასხმა განიზრახეს: ნეემია არ შეშინებულა და წინააღმდეგობის გასაწევად მოემზადა. მან ხმლყებით, შუბებით, მშვილდისრებით და ფარებით შეაიარაღა მშენებლები. ვრს კი ასე აუწყა: „საქმე დიდ არს და ვრცელ, და ჩვენ განყოფილ ვართ ზღუდესა ზედა და შორს არს კაცად-კაცადი მშისა თვისისაგან და აღვილსა, სადა ისმინოთ ხმა საყვირთა, შეიკრიბენით სწრაფით... და ნახევარსა ჩვენსა ეპყრას შუბი განთიადითგან ვიდრე აღმოსვლამდე ვარსკვლავთა“. ამიერიდან იერუსალიმელები გაიყვნენ ორ ცვლად: როცა ერთი მშენებლობაზე მუშაობდა, მეორე დარაჯად იდგა და ყოველგვარი თავდასხმის მოსაგერიებლად მზად იყო. გალავნის გასწვრივ დარაჯად დაყენებულ მებუკეებს საყვირის ხმით იმ უბანზე უნდა მოესმოთ დამცველები, სადაც საშიშროება გამოჩნდებოდა.

მტრებმა ყოველივე ეს შეაქმნიეს, ამიტომ აშკარად შეგზავნენ ვერ გაბედეს და ციხერ ხერხს მიმართეს. ისინი ოთხჯერ ეცადნენ ნეემიას გამოტყუებას ქალაქიდან, თითქოსდა მასთან მოლაპარაკება და კავშირის შეკვრა სურდათ. ეს რომ ვერ მოახერხეს, მოსყიდული იუდეველი რენეგატების დახმარებით ქალაქში პანიკის ატეხა სცადეს, მაგრამ ნეემია ფხიზლად იყო. მან თავისი გაიტანა: იერუსალიმელები მშენებლობაზე დღე და ღამე ასწორებდნენ; ხშირად გამოძინებასა და ტანსაცმლის გამოც-

ლასაც ვერ ასწრებდნენ. იერუსალიმის ზღუდე ორმოცდათორმეტ დღეში აღადგინეს და დედაქალაქმაც შევებით ამოიხსნა.

ნეემია ახლა სოციალური პრობლემების გადაწყვეტას შეუდგა. ღარიბები ბეგარისა და გადასახადებისაგან გაათავისუფლა, მხოლოდ თავისი სახლისათვის ითხოვა მცირედი შესაწირავი. შემდეგ კრება მოიწვია და მდიდრებს უბრძანა, დაეფიცათ, რომ მევახშეობაზე ხელს აიღებდნენ და ღარიბებს ვალეებში ჩამორთმეულ მინდვრებს, ვენახებსა და ბაღებს დაუბრუნებდნენ.

ნეემიამ თავისი მისია აღასრულა და თორმეტი წლის შემდეგ დაბრუნდა ხუზას, სპარსეთის მეფის სასახლეში. რამდენიმე წლის შემდეგ კვლავ გაემგზავრა იერუსალიმს, უნდოდა თავის თვალთ ენახა, თუ რა ხდებოდა იქ. ჩასვლისთანავე დარწმუნდა, რომ ყველაფერი გაუარესებულიყო და აღშფოთდა. განსაკუთრებით ატკინა გული ქურუმთა სიხარბემ. თურმე ისინი ლევიტელებსა და მგალობლებს კუთვნილი ათეულის ნაწილს არ აძლევდნენ, ამიტომ მათ ტაძარში მუშაობისთვის თავი დაენებებინათ და სოფლის მეურნეობისთვის მიეყოთ ხელი. ყველაზე უარესი კი ის იყო, რომ შაბათს სხვა დღეებისაგან აღარავინ არჩევდა. ამ დღეს მიწათმოქმედები ღვინოს აყენებდნენ, სასმელსაჭმელი ქალაქში მოქონდათ გასაყიდად და ქულებავ-სავაჭროებში საქონელს ყიდულობდნენ. იერუსალიმში დასახლებულ ტვიროსეულ ვაჭრებსაც კი აძლევდნენ შაბათობით ვაჭრობის უფლებას.

ნეემიამ ბოლო მოუღო ამ არეულობას ტაძარში და ბრძანა, შაბათის წინაღუდს ქალაქის ჭიშკარი ჩაეკეტათ, რომ სოვდაგრებს ვაჭრობის საშუალება არ ჰქონოდათ. მან ისიც ნახა, რომ იუდეველები კვლავ ირთავდნენ უცხო ტომის ქალებს. საქმე იქამდე მივიდა, რომ ამგვარ ოჯახებში შვილებმა ებრაული ენა არ იცოდნენ. უზენაესი ქურუმის ერთ-ერთ შვილსაც კი უცხოელი ქალი მოეყვანა ცოლად. მოთმინებიდან გამოსულმა ნეემიამ დაძნალები იხმო, საყვედურითა და წყევლით აავსო, სცემა და წვერით ათრია. შემდეგ ფიცით დაადებინა, რომ უცხო ტომის ქალებს უკან გააბრუნებდნენ. გაჯიუტებულნი, და მათ შორის უზენაესი ქურუმის ძეც, ნეემიამ იერუსალიმიდან განდევნა.

„ნუშკვე მცველ ვარ კმისა ჩემისა?“¹

დავითის სახელმწიფოს გაყოფა ისრაელად და იუდეად ებრაელი ხალხის ერთ-ერთ უდიდეს ტრაგედიად იქცა. საკმარისია აღვნიშნოთ რამდენიმე ფაქტი, რომ ამაში დაერწმუნდეთ. სოლომონი გარდაიცვალა 932 წელს (ჩვენს ერამდე), 721 წელს დაეცა სამარია. ამრიგად, ისრაელის სამეფომ მხოლოდ ორას წელს იარსება. იუდეა, რომელმაც ასურეთს მოძმე ისრაელიტელი ტომების წინააღმდეგ ბრძოლაში დახმარება სთხოვა, მხოლოდ იმიტომ გადარჩა, რომ თავისი ცრუ მხსნელის ვასალი გახდა. სამარიის დაცემიდან უკვე ოცი წლის შემდეგ ასურეთის მეფე იერუსალიმის ზღუდეს მოადგა და იუდეველთა სამეფომ დამოუკიდებლობა მხოლოდ ბედნიერი შემთხვევის წყალობით შეინარჩუნა. მან იარსება კიდევ ას თხუთმეტ წელს, ძველი წელთაღრიცხვის 586 წლამდე, როცა ნაბუქოდონოსორმა იერუსალიმი დაანგრია.

ეს ტრაგედია მეტად რთულმა გარემოებამ განაპირობა. როგორც ცნობილია, ჩრდილოეთისა და სამხრეთის ტომებს შორის მუდამ არსებობდა ძლიერი ეთნიკური და პოლიტიკური ანტაგონიზმი. დავითისა და სოლომონის მეფობის დროს ამ ანტაგონიზმს ანელებდა საერთო სახელმწიფოებრივი მიზნები და საერთო რელიგიური ცენტრი — იერუსალიმის ტაძარი. გათიშვის შემდეგ ისრაელმა დაარღვია ეს უმნიშვნელოვანესი ერთობაც და ბეთელსა და დანში საკუთარი რელიგიური ცენტრები შექმნა. ამ ამბავმა ორი ებრაული სამეფო ერთმანეთისაგან სრულიად გათიშა და მათ საშინაო ურთიერთობაზეც საბედისწეროდ იმოქმედა.

ვცადოთ და ანალიზი გაუუკეთოთ ისრაელში მომხდარ ამბებს. რაც შეეხება მოსახლეობას, ისრაელთა ტომები სახელმწიფოში უმცირესობას შეადგენდნენ. ისინი განიცდიდნენ დიდი რელიგიური და კულტურული ტრადიციების მქონე ქანაანელი ტომების ძლიერ გავლენას. იერობოამი და სხვა ისრაელიტელი მეფეები იძულებული იყვნენ, ამ ტრადიციისათვის ანგარიში

¹ კენის სიტყვები დაბადებიდან (დაბ. 4, 9).

გაეწიათ და ამიტომ იაჰვეს კულტმაც კი კერპთაყვანისმცემლური ხასიათი მიიღო. ამას გამოხატულება ჰპოვა ოქროს კერპის დადგმასა და ქვეყნიდან იაჰვიზმის ორთოდოქსალური წარმომადგენლების — ქურუმებისა და ლევიტელების განდევნაში.

სუსტ ისრაელს არ შეეძლო ასცდესოდა აგრეთვე მეზობელი სახელმწიფოების — ფინიკიისა და დამასკოს გავლენას. ამ ქვეყნების რელიგიურმა კულტებმა ისრაელში ღრმად გაიდგა ფესვები, ხანდახან ისე ჩანდა, თითქოს იაჰვიზმი გასაქრობად იყო განწირული. აქაბისა და მისი ფინიკიელი მეუღლის იეზაბელის შეფობის დროს იაჰვიზმთან ბრძოლამ სისხლიანი ხასიათი მიიღო. ბიბლია გვამცნობს, რომ ფინიკიის ღმერთების თაყვანისმცემელი დედოფალი სდევნიდა და ხოცავდა იაჰვეს წინასწარმეტყველებს. მართალია, ამ დროს წინასწარმეტყველ ელიას ხელმძღვანელობით აჯანყებამ იფეთქა, მაგრამ თუ იმის მიხედვით ვიმსჯელებთ, რომ ელია იძულებული იყო, დაეტოვებინა ქვეყანა, აჯანყება მარცხით დამთავრდა. მხოლოდ იაჰვისტების ბელადი იუ შოერია უცხო კულტებს, როცა მეფე გახდა, მაგრამ იაჰვიზმის ზეიმი დიდხანს არ გაგრძელებულა. მალე თვით იუმ, ალბათ თავის ქვეშევრდომთა უმრავლესობაში პოპულარობის მოპოვების მიზნით, კერპთაყვანისმცემლობისაკენ იბრუნა პირი. ისრაელის პირველი მეფე იერობოამიც, რომელმაც ძალაუფლება წინასწარმეტყველ აქიას იაჰვისტური დაჯგუფების დახმარებით ჩაიგდო ხელში, კერპთაყვანისმცემლობას უწყობდა ხელს.

საერთოდ, თუ ისრაელის სამეფოს ისტორიას ამ თვალსაზრისით შევხედავთ, ჩვენდა გასაოცრად დავრწმუნდებით, რომ ბიბლია ყველა მეფეს ან ბრალს სდებს უცხო ღმერთების თაყვანისცემისთვის, ან ღუმილით უელის გვერდს მათ რელიგიურ მოღვაწეობას, რაც აგრეთვე საკმაოდ მჭევრმეტყველურია. სხვანაირად რომ ვთქვათ, მათ შორის არ ყოფილა არც ერთი ერთგული იაჰვისტი, რომელიც ბიბლიის ისტორიული წიგნების შემდგენელთა მოწონებას დაიმსახურებდა.

როგორ იყო საქმე ამ მხრივ იუდეაში? თითქოსდა სწორედ იგი უნდა ქვეუღიყო მოსეს რელიგიის საყრდენად, ეს ქვეყანა, მეზობლებისაგან მთიანი ქედებით დაკული, კულტის ტრადიციულ საგანს — შჯულის კიდობანს ინახავდა და მისი მოსახლეობის დიდ უმრავლესობას იუდეველები შეადგენდნენ. მაგრამ აქაც კი ყოველთვის უცხო ღმერთების კულტს ჰქონდა ფეხი მოკიდებული. ბიბლიამ იუდეის რვა მეფეს დასწამა კერპთაყვანისმცემლობა თუ ქურუმთა დევნა: აქაზმა საკუთარი ძე შესწირა მსხვერპლად, იოასმა ქურუმი ზაქარია მოკლა — კერპთაყვანისმცემლობა რატომ მისაყვედურყო. მანასემ სისხლიანი დევნა დაუწყო იაჰვისტებს.

მაგრამ იაპკვიზმი იუდეაში მაინც გაცილებით ძლიერი იყო, ვიდრე ისრაელში. ისეთი მეფეების წყალობით, როგორებიც იყვნენ ასა, იოსაფატი, იორამი, ეზეკია და იოსია, მოსეს რელიგია სულ უფრო და უფრო მომძლავრდა და ბოლოს გაიმარჯვა სხვა კულტებზე. ეს მოხდა უმთავრესად იოსიას წყალობით, რომელმაც ღრმა რელიგიური რეფორმები გაატარა და ძეორე შჯულის წიგნში მოცემული სამართლებრივი ნორმები აღადგინა.

ამრიგად, ხანგრძლივი და გააფთრებული რელიგიური ბრძოლა განუწყვეტლივ ტანჯავდა ორივე სახელმწიფოს. ამასთან, ამ ბრძოლას ათასი ძაფი აკავშირებდა საერთაშორისო პოლიტიკურ ძალებთან. სამარიასა და იერუსალიმში მეზობელი დაჯგუფებანი ეძებდნენ ხან სირიის, ხან ასურეთის, ხან ეგვიპტის მხარდაჭერას. ამრიგად, ისრაელი და იუდეა პოლიტიკური ინტრიგების ობიექტებად იქცნენ, რამაც ისინი საბოლოო დაღუპვამდე მიიყვანა.

შარესდებოდა აგრეთვე სოციალური ურთიერთობანი ორივე ქვეყნის შიგნით. როგორც ეს ჩვეულებრივ სდება, შინა ომები, რევოლუციები, სასახლის გადატრიალებები და რელიგიური არეულობები არა მარტო ანარქიას იწვევდნენ, არამედ კლასობრივ წინააღმდეგობებსაც ამწვავებდნენ.

გადასახადებსა და ვალებში ჩაფლული ხალხთა ფართო მასები სულ უფრო ლატაკდებოდნენ, მაშინ როცა ერთი მუჭა შეძლებულები უზარმაზარ სიმდიდრეს იხუეჭდნენ.

გამოჩნდნენ ბრძენი წინასწარმეტყველები: ამოსი, იერემია და ნემია, რომლებიც კიცხავდნენ ექსპლოატაციას, მეუხსეობასა და მდიდართა სისასტიკეს, მაგრამ, ვაგლახ, შეგონებებს, ქადაგებებს და მოწოდებებს ძალა. არ შესწევთ ისტორიის მსვლელობის უკან მობრუნებისა.

ამ ურთიერთობათა თვალსაჩინო მაგალითად შეიძლება გამოდგეს უკვე მოხსენიებული ისრაელიტელი გლეხის წერილი, ნაპოვნი 1960 წელს პალესტინის პატარა ქალაქ რიშონ-ლეიონის რაიონში. მეცნიერთა აზრით, ეს წერილი დაწერილა ჩვენს ერამდე VII საუკუნეში და შედგება ქოთნის ნამსხვრეეებზე დაწერილი თოთხმეტსტრიქონიანი ტექსტისაგან. ტექსტი დაზიანებულია, მას შიგადაშიგ აკლია, მაგრამ მისი შინაარსი სრულიად ნათელია. გლეხი, რომელსაც ეს-ესაა აუღია მოსავალი, თავის ბატონს სწერს საჩივარს გადასახადების ამკრეფზე, რომელსაც მისთვის სრულიად უმიზეზოდ წაურთმევია მოსახლამი. თუ მხედველობაში მივიღებთ, რომ ისრაელიტელი ღარიბებისათვის იგი საბანიც იყო, ჩვენთვის ნათელი გახდება მაშინდელი სავადასახადო სისტემის სიმკაცრე. იქნებ ეს მოსახლამი დანაგრული გლეხის ერთადერთი ქონება იყო.

დროთა ვითარებაში თვით მდიდრებმაც იწვნიეს ომებისა და ბოლიტიკური არეულობის სიმწარე. მტრულად განწყობილია ტომების გამუდმებული თავდასხმები სისხლისგან ცლიდნენ ქვეყანას; დიდ ხარკს, რასაც მეზობელ სახელმწიფოებს უზღიდნენ, თავისი ჯიბიდან ფარავდნენ ისინი, ვისაც ჯერ კიდევ შე-მორჩენოდა ოქრო და ვერცხლი, რადგან ვალატაქებულ მასებს აღარაფერი გააჩნდათ. სისხლიანი უზურპატორი მანაიმი, მართვის ტერორისტული მეთოდების მიუხედავად, ძალაუფლების შენარჩუნების მიზნით იძულებული იყო, ასურეთს დაყრდნობო-და. ტივლათფალასარ მესამემ სამსახურისთვის საარაკო საზღა-ური — ათასი ტალანტი ვერცხლი მოითხოვა. მანაიმა თითო-ეულ მდიდარს ორმოცდაათი შეკელი ვერცხლი გამოართვა და თანხა შეაგროვა. ერთი ტალანტი სამი ათას შეკელს უდრიდა; ასე რომ, მან თავის მფარველს სამი მილიონი შეკელი გადაუ-ხადა. მაშასადამე, სამოცი ათას კაცს (ამ რიცხვს მივიღებთ, თუ სამ მილიონს გავყოფთ ორმოცდაათზე) დიდი ხარკი უნდა გაე-ლო იმისათვის, რომ სისხლიან უზურპატორს ტახტი შეენარ-ჩუნებინა.

ამ ფაქტებს თუ გავიხსენებთ, გასაგები გახდება სასახლის მუდმივი ვალატრიალეზანი და მეფეთა მკვლელობანი ისრაელში. იუდეაშიც ხდებოდა მეფეთა მკვლელობები და სასახლის ვალატრიალეზები, მაგრამ იქ ყოველთვის ერთი დინასტია, მეფე და-ვითის შთამომავლობა მართავდა სახელმწიფოს; ისრაელში კი ორასი წლის განმავლობაში შეიცვალა უზურპატორთა მიერ ძა-ლაღობითა და სისხლისღვრით დამკვიდრებული ცხრა დინას-ტია.

დინასტიური შუღლი ისრაელისა და იუდეის მმართველთა შორის და ქურუმთა ბრძოლა ჰეგემონიისათვის ასუსტებდა ორივე სახელმწიფოს, ვნებდა ხალხის ინტერესებს. მართალია, ხანდახან ამ სახელმწიფოების მეფეები ზავს დებდნენ ხოლმე, მაგრამ ეს ხდებოდა იშვიათად, მაშინაც პოლიტიკური მანევრი-რების მიზნით და არა პატრიოტული სულისკვეთების გამო. მეტ-წილად კი ორივე სახელმწიფო გააფთრებით ებრძოდა ერთმან-ეთს და უყოყმანოდ მიმართავდნენ ხოლმე დახმარებისათვის ძველ, დაუძინებელ მტრებს.

დავასახელოთ ორივე ქვეყნის მმართველთა პოლიტიკური სიბეცის სამი თვალსაჩინო მაგალითი. იერობოამი, ვისი მიზე-ზითაც მოხდა განსხეთქილება, უეჭველად ეგვიპტის ფარაონისა-გან ღებულობდა სასყიდელს. მისი ამბოხის უშუალო შედეგი იყო ის, რომ სოლომონის სიკვდილიდან ხუთი წლის შემდეგ, ფარაონმა სუსაკიმ I-მა ააოხრა ქანაანი და წაიღო იერუსალი-მის ტაძრის მთელი განძი. ისრაელის მეფე იოასმაც გაძარცვა იერუსალიმის ტაძარი და ნაწილობრივ დაანგრია ქალაქის ზღუ-

დე. მეფე ფაკიამ კავშირი შეკრა დამასკოსთან. მას უნდოდა იუ-
დეა ანტიასურულ კოალიციას მიმხრობოდა, ამიტომ თავის
მოკავშირესთან ერთად გაემართა მეფე აქაზის წინააღმდეგ, მოა-
ოხრა იუდეა და იერუსალიმს ალყა შემოარტყა. მაშინ მეფე
აქაზმა ქანაანში მიიწვია ასურეთის ჯარები. ასეთი პოლიტიკა
იმ კაცის საქციელს წააგავდა, საკუთარი ხელით რომ იჭრის
ყელს. ადრე თუ გვიან მას დაღუპვამდე უნდა მიეყვანა ორივე
სახელმწიფო.

იმ დროს, როცა ისრაელის ათი ტომი უკვალოდ გაითქვიფა
მესოპოტამიის ხალხთა ჭრელ კონგლომერატში, იუდეველები-
სათვის ეგრეთ წოდებული ბაბილონის ტყვეობა იყო არა ტყვე-
ობა, არამედ უბრალო გადასახლება, ხშირად ძალიან სასარგებ-
ლო მატერიალური თვალსაზრისით. ამასთან, ისტორიული
ამბები მათთვის ძალიან სასარგებლოდ შეტრიალდა. თავისი
მეფობის პირველსავე წელს სპარსეთის მეფემ კიროსმა მათ
სამშობლოში დაბრუნების ნება მისცა. რეპატრიანტების პირ-
ველი ჯგუფი სამშობლოში გაემგზავრა ჩვენს ერამდე 537 წლის
გაზაფხულზე; მასასადამე, ექსორიაში ორმოცდაათი წელიც კა
არ დაუყვიათ. მაგრამ, მიუხედავად ამ მოკლე დროისა, ბევრ
იუდეველს უცხოეთში ცხოვრება გაუტკბა და სამშობლოში
აღარ დაბრუნებულა. ეს იყო სხვადასხვა ხალხი: ვაჭრები, მი-
წათმოქმედნი და ხელოსნები, რომელთაც ახალ სამშობლოში
აკავებდათ საქმიანი მოსაზრებანი. დარჩა აგრეთვე ბაბილონში
დაბადებული თაობის ბევრი წარმომადგენელი, რომლებიც საკ-
მაოდ გულგრილნი იყვნენ წინაპართა რელიგიის მიმართ. მაგ-
რამ მათ ცხოველი ინტერესი შეინარჩუნეს ძველი სამშობლო-
სადმი; ტაძრის აღსადგენად უხვად გაიღეს სახსრები და უცხო-
ეთში ძველ ადათ-წესებს იცავდნენ.

უჭკველია, რომ დაბრუნების სურვილი, უპირველეს ყოვლი-
სა, გამოთქვეს ღარიბებმა, ქურუმებმა და ლევიტელებმა. ესენი
იყვნენ იაჰვეს ერთგული თაყვანისმცემლები, მოსეს რელიგიის
ძიმდევართა ყველაზე კონსერვატიული ნაწილის წარმომადგენ-
ლები, რომლებიც არ შეუშინდნენ შორეულ გზასა და აოხრე-
ბულ იერუსალიმში ცხოვრებას. ამრიგად, იუდეაში მოხდა გან-
საკუთრებით ძლიერი კონცენტრაცია ორთოდოქსი იაჰვისტები-
სა. სწორად ამბობენ, რომ იუდეველებს სამშობლოდან წასვლი-
სას ერის სახე ჰქონდათ, დაბრუნებისას კი — რელიგიური თე-
მისაო.

ამ ფაქტით აიხსნება თითქმის ყველაფერი, რასაც ჩვენ ეზ-
რასა და ნემიას წიგნებში ვხედავთ. უპირველეს ყოვლისა, ჩვენს
გაოცებას იწვევს რელიგიისა და ქურუმების კოლოსალური გავ-
ლენა იუდეველთა ახალ საზოგადოებაზე. ეს იყო წმინდა წყლის
თეოკრატიული რეჟიმი. სათავეში იდგა უზენაესი ქურუმი; მას-

თან სათაობირო ორგანოს სახით არსებობდა უზუცესთა საბჭო, რომელშიც არისტოკრატის წარმომადგენლები იყვნენ. ამ საბჭოსაგან წარმოიშვა შექმდომში მუდმივმოქმედი ორგანო — სინედრიონი.

მაგრამ თეოკრატიულ წყობილებას ხალხისათვის დემოკრატიული თინასწორობა არ მოუტანია. ქურუმები ფინანსებს ფლანგავდნენ, ხალხთა მასები კი უწყალო ექსპლოატაციას განიცდიდნენ.

ნევმიამ, რომელიც სიბერემ ვერ მოტეხა, ხელი მოჰკიდა ქვეყანაში წესრიგის დამყარებას. აი, როგორ აგვიწერს იგი იქაურ მდგომარეობას:

„და იყო ღალატება ერისა და ცოლთა მათთა დიდი ძმათა ზედა თვისთა იუდასათა; და იყვნეს, რომელნი იტყოდეს: ძენს ჩვენსი და ასულნი ჩვენნი მრავალ არიან და გენებაეს, მოვილოთ ფასითა იფქლი და ვჭამოთ და ვცოცხლებდეთ. და იყვნეს, რომელნი იტყოდეს: აგარაკნი ჩვენნი და ვენახნი ჩვენნი და სახლნი ჩვენნი ვსკეთ წინდად, და მოვილოთ იფქლი და ვჭამოთ... და იყვნეს, რომელნი იტყოდეს: სესხით მოვიდებთ ვეცხლსა ზარკისა გამო მეფისა და მივსცემთ აგარაკთა ჩვენთა და ვენახთა ჩვენთა და სახლთა ჩვენთა. აჰა, ძეთა ჩვენთა და ასულთა ჩვენთა მივსცემთ მონებად და არიან ასულნი ჩვენნი მხევლებ და არა არს ძალი ხელთა შინა ჩვენთა. და აგარაკთა ჩვენთა და ვენახთა ჩვენთა ეუფლნეს სხვანი.

და შეეწუხენ ფრიად, ოდეს ვისმინე ღალატება მათი და სიტყვანი მათნი ესე და განიზრახა გულმან ჩემმან და შევრისხენ დიდებულთა და ხელისუფალთა და ვარქუ მათ: აღნადგინებსა მოილებთ ძმათა თქვენთაგან. ხოლო მიაქციეთ მათდა დღეს აგარაკნი მათნი, და ვენახნი მათნი, და ზეთისხილნი მათნი, და სახლნი მათნი, და აღნადგინები ვეცხლისა და იფქლისა და ღვინისა და ზეთისათვის, რომელი მოიღეთ მათგან... და ერისმთავარნი, რომელნი იყვნეს პირველ ჩემსა, დაამძიმებდეს მათ და მოილებდეს მათგან პურსა და ღვინოსა და ვეცხლსა ორმეოციანა შეკეელისა უმეტესსა. და მსახურნიცა მათნი უფლებდეს ერსა ზედა“ (ნეემია, თ. 5, 1 — 7, 11, 15).

ექსპლოატაციასა და შეძლებულთა მიერ თავის სასარგებლოდ ქონების მიტაცებასთან ერთად იმატა დემორალიზაციამ და ეროვნული საქმეებისადმი გულგრილმა დამოკიდებულებამ. კაცი თუ ქალი აღარ ერიდებოდა მეზობელი, უცხო ტომის წარმომადგენლის მეუღლეობას. ასეთი ქორწინების შედეგად დაბადებულმა ბავშვებმა ხშირად მშობლიური ენა არც კი იცოდნენ. იერუსალიმის ქუჩებში უცხო მეტყველება ისმოდა. ამას ისიც დაერთო, რომ ბევრი რეპატრიანტი ლაპარაკობდა ბაბილონში

გავრცელებულ არამეულ ენაზე. ერთი სიტყვით, იუდეველებს ქრონული გაქრობის საფრთხე დაუდგათ წინ.

ეზრა და ნეემია თავგანწირვით შეებრძოლნენ ამ უბედურებას. მათ შემოიღეს მკაცრი საქორწინო კანონები. უცხოელ ქალებზე დაქორწინებულ იუდეველებს ან ცოლ-შვილი უნდა გაეწირათ, ან თავად უნდა დაეტოვებინათ სამშობლო. იუდეველი ისტორიკოსი იოსებ ფლავიოსი მოგვითხრობს დიდგვაროვანი იუდეველის, ვინმე მანასეს ამბავს. მან უმაღლესი ქურუმის პოსტის მიღება მოინდომა, მაგრამ ვერაფერს გახდა, რადგან უცხოელი ცოლი ჰყავდა. მაშინ სამარიის მმართველმა იგი გერიზიმის მთაზე აგებული ტაძრის მთაყარ ქურუმად დანიშნა. აქ მას შეუერთდა იერუსალიმიდან ამავე მიზეზით განდევნილ ქურუმთა და ლეეიტელთა დიდი ჯგუფი.

მეზობელი ხალხებისაგან სრული მოწყვეტისაკენ მისწრაფებამ იუდეველთა რელიგიასზე დიდი გავლენა მოახდინა. იგი გადაიქცა შოვინისტური პოლიტიკის იარაღად; მან შებორკა მცირერიცხოვანი იუდეველები და გარე სამყაროს გავლენას ჩამოაშორა. იუდეველთა ყოფა-ცხოვრების ყოველი ღვთაული განსაზღვრული იყო წერილმანი რიტუალური წესებით. შაბათობით არავის შეეძლო საღმე გამგზავრება, უფლება არ ჰქონდა, თუნდაც ერთი თეთვაი მოეწყვიტა, ძალიანაც რომ მოშაენილად; ორმოში ჩაყარდნელი საპალნიანი სახედრის ამოორევაც კი ცოდვად ითვლებოდა.

ებრაელ მწერლებს ჩამოთოლილი აქვთ ოცდაცხრამეტი საქმე, რომელთა გაკეთებაც შაბათს არ შეიძლებოდა. რიტუალის სიმკაცრის გამო ბევრმა მკვიდრმა დატოვა იუდეა.

ამ უნაყოფო და ფუჭ რელიგიურ ფორმალიზმს, რომელიც ძალზე წააგავდა ფეტიშიზმს, ქურუმები იყენებდნენ ხალხზე თავისი ძალა-უფლების განსამტკიცებლად. თვით მოსეს რელიგია კი ამის გამო კარგავდა თავის ეთიკურ სიღრმეს და უშინაარსო ხდებოდა...

საბედნიეროდ, იუდეაში არსებობდა სხვა რელიგიური მიმდინარეობაც, რომლის იდეები წინასწარმეტყველთა წიგნებშია გამოთქმული.

ბიბლიაში შესულია წინასწარმეტყველთა თექვსმეტი წიგნი, რომელთაგან ყველაზე მნიშვნელოვანია ამოხიკა, ესაიასი, იერემიასი და ეზეკიელისა. ზოგიერთ წინასწარმეტყველს ხალხის ფანტაზიამ სასწაულების ჩადენის ზებუნებრივი უნარი მიანიჭა. მაგრამ ამის გამო იმას ვერ ვიტყვით, რომ წინასწარმეტყველები ლეგენდარული პირები არიან. ამავე დროს არც ისაა საეჭვო, რომ ყველა ტექსტი, რომელსაც ბიბლია ამ წინასწარმეტყველებს მიაწერს, ნამდვილად მათ არ ეკუთვნის. ენათმეცნიერული კვლევის შედეგად ზუსტადაა დადგენილი, რომ ამ წინას-

წარმეტყველთა ქმნილებებად აღიარებული წიგნები ანოლოლო-
გაკაია, რომლებიც, საუკეთესო შემთხვევაში, შედგენილია მათი
თხზულებების ნამდვილი ნაწყვეტებიდან და სხვადასხვა ეპოქა-
ში მცხოვრებ უცნობ ავტორთა ტექსტებიდან.

ამრიგად, შეგვიძლია ვთქვათ, რომ წინასწარმეტყველთა წიგ-
ნები, რომლებიც ბიბლიაში შედის, იუდეველი ხალხის საერთო
საკუთრებაა. მათში გამოხატული იდეები იუდეველთა შორის
ვრცელდება ძველი წელთაღრიცხვის მერვე საუკუნიდან.

წინასწარმეტყველებს არაფერი ჰქონდათ საერთო მოხეტი-
ა-
ლე მქადაგებლებთან, თუმცაღა მათი საქმიანობა რელიგიური
წინასწარმეტყველების მრავალსაუკუნოვანი ტრადიციის უმაღ-
ლეს, დამაგვირგვინებელ ფორმას წარმოადგენს. ჯერ ერთი, წი-
ნასწარმეტყველობა მათი ხელობა არ იყო და ამას ლუკმა-პუ-
რის სასოვნელად როდი მისდევდნენ. წინასწარმეტყველები იყ-
ვნენ ბრძენნი, ხალხის მასწავლებელნი, საზოგადო და პოლიტი-
კური მოღვაწენი, ღმერთის წინაშე აღამიანის ინდივიდუალურა
მორალური პასუხისმგებლობის პრინციპზე დაფუძნებული რე-
ლიგიური კონცეფციის გამომხატველნი. ესაია იყო მდიდარი
მინათმფლობელი, ამოსს ღიდძალი საქონელი ჰყავდა, იერემია
იყო არისტოკრატ ქურუმთა შთამომავალი, ხოლო ეზეკიელი —
იერუსალიმის ტაძრის ქურუმი. ყველანი დარწმუნებულნი იყ-
ვნენ, რომ იაჰვემ მათ მნიშვნელოვანი რელიგიური და სოციალუ-
რი მისია დააკისრა.

წინასწარმეტყველთათვის იუდეველთა რელიგიაში მთავარი
მისი ეთიკური შინაარსი იყო. ამოსი პირდაპირ აცხადებდა,
იაჰვეს კულტში რიტუალი და ცერემონიალი არაფრად მიმაჩ-
ნია, მთავარი ის არის, აღამიანები უნდა სამართლიანები და
ღვთის ერთგულნი იყვნენო. მიქიამ ეს აზრი უფრო მარტივად
გამოხატა. მან თქვა, რომ იაჰვე აღამიანისაგან, უწინარეს ყო-
ლისა, მოითხოვს სიკეთეს, სამართლიანობასა და გულმონწყა-
ლებას. ესაიამ კი იაჰვე აქცია მთელი კაცობრიობის ღმერთად
და უნივერსალური ნიშან-თვისებანი მიანიჭა. მისი მოძღვრების
თანახმად, იუდეველებს შერჩა სახელი რჩეული ერისა, მაგრამ
რჩეული მხოლოდ იმიტომ იყვნენ, რომ მთელი კაცობრიობისა-
თვის უნდა ეხარებინათ მესიის მოვლინება და ამრიგად შესაძ-
ლებელი გაეხადათ ქვეყნიერების ხსნა. ეს მესიანური იდეა სრუ-
ლიად ახალი იყო. შემდგომში მას დიდი გავლენა ჰქონდა აღ-
რეული ქრისტიანობის იდეოლოგიაზე.

საყურადღებოა, რომ წინასწარმეტყველთა თხზულებებში გა-
მოხატულ ღრმა მონოთეისტურ იდეაში ზოგი მეცნიერი ხედავს
ბაბილონის ტყვეობის პერიოდის გავლენას. შესაძლებელია,
იუდეველები თანაგრძნობით ეკიდებოდნენ ზარატუსტრას სპარ-
სელ მიმდევრებს. ზარატუსტრა ქადაგებდა, რომ სამყაროში

მოქმედებს ერთმანეთს მტრულად დაპირისპირებული ორი ძალა: სისათლის ღმერთი ორმუზდი და ბოროტების ღმერთი აპრიმანი. უეჭველია, რომ ორმუზდის კულტს ბევრი საერთო აქვს იაპვიზმთან. სპარსელები; ისევე; როგორც იუდეველები, არ სცნობდნენ საკულტო ქანდაკებებს, რითაც იაპვიზმს ხატომებრძოლთა კეთილგანწყობილება დაიმსახურეს. ქრისტიანობის მთავარი დუალისტური რელიგიური კონცეფციები — ღმერთი და ეშმაკი, ცა და დედამიწა, სინათლე და სიბნელე — სპარსული ეპოქიდან მომდინარეობს. იუდეველებმა ისინი შეითვისეს. სპარსეთის ბაქონობის პერიოდში და თავის მხრივ ადრეულ ქრისტიანობას გადასცეს. ამრიგად, წინასწარმეტყველთა იდეები საკვებით რევოლუციური იყო. მათ მოძღვრებაში რელიგიამ სასოგადოებრივი ინსტიტუტის ფუნქცია დაკარგა და თითოეული ადამიანის პირად საქმედ იქცა. წინასწარმეტყველები ქადაგებდნენ, რომ იაპვე აფასებს არა კულტისა და რიტუალის გარეგან ფორმებს, არამედ ზნეობრივ სიწმინდეს, პატიოსნებას, სიკეთესა და სამართლიანობას. არისტოტელე წერდა: უცნაურობად მოგვეჩვენებოდა, ვინმეს რომ განეცხადებინა, ღმერთი მიყვარსო. ზოგიერთი წინასწარმეტყველი კი სწორედ ღმერთის სიყვარულს ასწავლიდა. მათ ამ იდეით ჩაუყარეს საფუძველი ახალ ერას ზალხთა რელიგიურ ცხოვრებაში.

ამ ზნეობრივ პრინციპთა ლოგიკური შედეგი იყო იუდეასა და ისრაელში არსებულ სოციალურ ურთიერთობათა მკვეთრი კრიტიკა. წინასწარმეტყველნი სამარცხვინო ბოძზე აკრავდნენ თანამემამულეებს რჯულისაგან განდგომისათვის, ზნეობრივა დაცემისა, სიხარბისა და მექრთამეობისათვის. ისინი ამათრახებდნენ ბოროტის ჩამდენ და გარყვნილ მეფეებს, ხალხს კი სილატაკესა და ტანჯვას უწინასწარმეტყველებდნენ, თუ იგი ქვეშარიტ გზას არ დაუბრუნდებოდა.

ჩვენ არაერთგზის ვთქვით, რომ კრიტიკის მიზეზი უამრავი იყო. მდიდრები ფუფუნებაში ცხოვრობდნენ, ხალხის მასები კი ამ დროს დღითი დღე უარეს გასაჭირს განიცდიდნენ. მეფეები ტამბრების, სასახლეებისა და ციხესიმაგრეების მშენებლობაზე იძულებით ერეკებოდნენ ხალხს, თვითონ კი ცხოვრობდნენ დიდებულ სასახლეებში უთვალავი მსახურებითა და მხეველებით გარშემორტყმულნი. ქანაანში ძველთაგანვე იყო მონობა, მაგრამ ვალის გადაუხდელობის გამო მოვალის მონად ქცევა ფართოდ გავრცელდა მხოლოდ მეფეების ეპოქაში და ბაბილონის ტყვეობიდან დაბრუნების შემდეგ. სამხედრო ხარჯები დიდ ტვირთად აწვავთ მიწათმოქმედებსა და მესაქონლეებს; ბოლოს და ბოლოს ყოველგვარ საარსებო სახსარს ართმევდა მათ. მდიდრების ექსპლოატაცია და თვითნებობა, გადასახადები და ვალები აძლიერებდნენ მშრომელი მასების სილატაკეს და ადიდებდნენ ძალა-

უფლების მქონეთა სიმდიდრეს. წინასწარმეტყველი ესაია სასო-
წარკვეთით დაღაღებდა:

„კაი თქვენდა, რომელნი სახლსა შეჰმატებთ სახლსა და აგა-
რაკსა შესძინებთ აგარაკსა, და არა აქეს სსკასა ადგილი. არე
თქვენ მხოლონი დამკვიდრებულ ხართ ქუეყანასა ზედა?“ (ესა-
ია, თ. 5, მ. 8.).

წინასწარმეტყველები შორსმჭვრეტელი პოლიტიკოსებიც
იყვნენ; მაგალითად, ესაია მეფე აქაბს ურჩევდა, სირია-ისრაე-
ლის კავშირის წინააღმდეგ დახმარება არ ეთხოვა ასურელები-
სათვის. იერემია სიცოცხლეს იგდებდა საფრთხეში და აღმყო-
თებით ვძობდა პოლიტიკურ ფანატიკოსებს, რომელთაც ეგვიპ-
ტის დახმარების იმედი ჰქონდათ და იუდეას ქალღევლთა წი-
ნააღმდეგ აქეზებდნენ. მაშინაც კი, როცა ნაბუქოდონოსორმა
იერუსალიმს ალყა შემოარტყა, იერემია კაპიტულაციისაკენ
მოუწოდებდა. მოვლენებმა მალე ნათელყვეს, თუ რაოდენ სწო-
რი და გონიერული იყო მისი პოზიცია.

ეს სულიერი ბელადები, მოძღვარნი, შთაგონებული წინას-
წარმეტყველნი და დიდი პოეტები იუდეველების საუკეთესო
თვისებებს განასახიერებდნენ. მათმა ზნეობრივმა პრინციპებმა,
რელიგიურმა იდეებმა და სოციალური სამართლიანობისაკენ მო-
წოდებებმა წარუშლელი კვალი დაატყვეს მომდევნო ორი ათას-
წლეულის ევროპულ კულტურას.

ბიბლიაში ისრაელისა და იუდეის ისტორია დაყვანილია მე-
ფეთა ჩამოთვლასა და მათი მმართველობის შეფასებაზე იაპ-
ვიზმის თვალსაზრისით. უმეტეს შემთხვევაში ჩვენ ვერც კი ვი-
გებთ, რა ამოქმედებდა მეფეებს ამა თუ იმ შემთხვევაში, როგო-
რი იყო ომების, მეგობრობის ხელშეკრულებათა და სხვა დიპ-
ლომატიურ ღონისძიებათა პოლიტიკური და ფსიქოლოგიური
მიზეზები. ბიბლია მხოლოდ იმას გვაუწყებს, თუ როდის მეფობ-
და ესა თუ ის მეფე. ერთი სიტყვით, ბიბლიური ისტორია არსე-
ბითად წარმოადგენს ფაქტების ლაკონიურ ჩამოთვლას, ყოველ-
გვარი მიზეზობრივი კავშირის გარეშე.

საბედნიეროდ, ისრაელისა და იუდეის ისტორია დაკავში-
რებული იყო ძველი სამყაროს დიდი სახელმწიფოების — მესო-
პოტამიისა და ეგვიპტის ისტორიასთან. ბაბილონში, ასურეთში,
ქალღევლთა ახალ ბაბილონურ სამეფოსა და ეგვიპტეში შემო-
ნახულია კოლოსალური არქივები, აგრეთვე წარწერები საფლავ-
ვის ქვებზე, ტაძრებსა და კლდეებზე. ტექსტებში, რომელიც ამ
სახელმწიფოთა ისტორიას ეხება, მრავალი შენიშვნაა, სენსა-
ციურ შუქს რომ ჰყვენს ისრაელსა და იუდეაში მომხდარ ამბებს.

ამ აღმოჩენათა წყალობით შესაძლებელი გახდა არა მარტო
ბიბლიურ ცნობათა მიზეზობრივი კავშირის დადგენა, არამედ
გაირკვა ისიც, რომ ეს ცნობები მეტწილად უტყუარია. გარდა

ამისა, მოხერხდა ისრაელისა და იუდეის მეფეთა მმართველობის წელთა მიახლოებითი გამოანგარიშებაც და ორივე სახელმწიფოს ისტორიის მნიშვნელოვანი თარიღების დაზუსტებაც. დავასახელებთ ასეთი დაზუსტების ერთ მაგალითს. ბიბლიაში ნათქვამია, რომ კიროსმა, ბაბილონის დაპყრობის პირველსავე წელს დააბრუნა იუდეველები იერუსალიმში. სპარსული წყაროების საფუძველზე ჩატარებული გამოთვლების წყალობით ვიცით, რომ ეს მოხდა ძვ. წ. 539 წლის ბოლოს. რაკი სამშობლოში მიმავალი რამდენიმე თვეს ემზადებოდნენ გასამგზავრებლად, რეპატრიანტთა პირველი ჯგუფი გზას გაუდგა არა უადრეს ძვ. წ. 539 წლის გაზაფხულისა.

უაზრობა იქნებოდა, პირდაპირ მიეყოლოდით ბუნდოვან და უადრესად ლაკონიურ ბიბლიურ ტექსტს და არ გამოგვეყენებინა არქეოლოგიის მიერ მოპოვებული უმდიდრესი მასალა.

ამიტომ ისრაელისა და იუდეისადმი მიძღვნილი თავი წარმოადგენს სხვადასხვა ისტორიული წყაროების კომპილაციას; იგი, უწინარეს ყოვლისა, დაფუძნებულია მეფეთა მესამე და მეოთხე წიგნებზე და შეესებულება ცნობებით, რომლებიც ამოკრებილია ეზრასა და ნეემიას წიგნებიდან, ესაიას, იერემიას და ეზეკიელის წინასწარმეტყველებებიდან, აგრეთვე მესოპოტამია-სა და ეგვიპტეში შემონახული დოკუმენტებიდან. არქეოლოგიური აღმოჩენები ეგვიპტესა და მესოპოტამიაში ადასტურებენ ადრე დასახელებული ბიბლიური ტექსტების სიზუსტესა და უტყუარობას. ეს აღმოჩენები იმდენად მრავალრიცხოვანია, რომ ყველას ჩამოთვლა შეუძლებელია. დავასახელებთ მხოლოდ რამდენიმეს, ყველაზე საინტერესოსა და მნიშვნელოვანს.

ბიბლიაში ნათქვამია, რომ განხეთქილებიდან ხუთი წლის შემდეგ ფარაონი სუსაკიმი შეიჭრა იუდეაში და გაძარცვა იერუსალიმის ტაძარი; და აი, ქალაქ კარნაკის ტაძარში აღმოჩნდა ბარელიეფი, რომელიც ამ ლაშქრობას ასახავს. ბარელიეფზე ვხედავთ ეგვიპტელთა ღმერთს ამონს, რომელსაც მოჰყავს ას ორმოცდათექვსმეტი თოკგამობმული იუდეველი ტყვე. თითოეული ტყვე განასახიერებს ფარაონის მიერ დაპყრობილ და აოხრებულ ერთ-ერთ ქალაქს. ქალაქთა სია გვამცნობს საინტერესო დეტალს, რომელზეც ბიბლია დუმს; ჩანს, თურმე გააფთრებულ სუსაკიმს არ დაუნდვია მეფე იერობოამიც, რომელსაც იგი მფარველობდა და ახლად შექმნილი ისრაელის სამეფოს ტერიტორიაც მოუოხრებია.

ისრაელის უდიდესმა მეფემ ამბრიმ დაიმორჩილა მოაბელთა სამეფო და ორმოცი წლის განმავლობაში უზარმაზარ ხარკს — წელიწადში ასი ათას ცხვარს ახდევინებდა. იორამის ჩეფობის დროს მოაბელთა მეფე მეშა აჯანყდა და უარი თქვა ხარკის გადახდაზე. იორამმა მოიმხრო ედომი, იუდეა და მოა-

ბელთა წინააღმდეგ გაილაშქრა. ბიბლია გვამცნობს, რომ მათმა გაერთიანებულმა ჯარმა დაამარცხა მეშა და გაანადგურა მისი ქვეყანა.

ამიტომ ცოტა უცნაურად გვეჩვენება ბიბლიის ცნობა, რომ გამარჯვებულნი „უკუიქცეს მისგან და მოვიდეს ქვეყანასა თვისსა“. (მეოთხე მეფეთა, თ. 3. მ. 27.).

ეს საიდუმლოებით მოცული ფრაზა არქეოლოგიამ ამოხსნა. 1868 წელს გერმანელმა მისიონერმა ფ. ა. კლეინმა მკვდარი ზღვის აღმოსავლეთით იპოვა ცისფერი ბაზალტის უზარმაზარი ქვა, რომელსაც მოაბურ ენაზე შესრულებული წარწერა ჰქონდა. კლეინმა არაბებს ამ უძვირფასეს ძეგლში ორმოცი დოლარი შეაძლია, მაგრამ, ვიდრე მოურიგდებოდა, საფრანგეთის მთავრობამ შეიტყო ეს ამბავი და არაბებს ათას ხუთასი დოლარი შესთავაზა. ამიტომ მათ იფიქრეს, რომ ბაზალტის ქვას რაღაც მაგიური თვისებები ჰქონდა. არაბები მას ცეცხლს უნთებდნენ ქვევიდან, ზედ კი წყალს ასხამდნენ, სანამ ქვა ჰატარ-ჰატარა ნამსხვრევებად არ იქცა. ამ ნამსხვრევებს ჰყიდდნენ, როგორც თილისმას. ფრანგი არქეოლოგები ბევრს ეცადნენ, ბოლოს დიდი თანხით შეისყიდეს ნამსხვრევები და ქვა აღადგინეს. ამჟამად იგი ლუვრში ინახება.

წარწერიდან ჩანს, რომ პირველად მეშა მართლაც დამარცხებულა, კირ-ჰასერეთის ციხესიმაგრეში ჩაკეტილა და ღმერთ ჯამოსისათვის მისი გულის მოსანადირებლად თავისი ყრმა ძე შეუწირავს. მომდევნო სტრიქონებში კი აღტაცებითაა ნათქვამი, რომ მეშამ გაანადგურა დამპყრობლები და „ისრაელა სამუდამოდ დაიღუპა“.

ამრიგად, როგორც ვხედავთ, ორივე მხარე იკვებნიდა გამარჯვებას; მაგრამ რამდენადაც იორამმა ვერ მოახერხა მოაბის საბოლოოდ დამორჩილება და, როგორც ბიბლია აღიარებს, „სამშობლოში დაბრუნება“, შეიძლება დავასკვნათ, რომ ომის მკაცრი იყო და საბოლოო გამარჯვებას ვერავინ მიაღწია; თუმცა მეშამ მართლაც გაათავისუფლა თავისი ქვეყანა მრავალწლიანი მონობისაგან.

ბიბლიაში მოთხრობილია ინციდენტი, რომელიც დიდხანს სრულიად გაუგებარი იყო. მეფე აქაბმა სასტიკად დაამარცხა დამასკოს მეფე ბენადად მეორე და ტყვედ წაიყვანა იგი, მაგრამ, წინააღმდეგ მაშინდელი ჩვეულებისა, არც თვითონ ბენადადი მოუკლავს და არც მისი დედაქალაქი დაუნგრევია. პირიქით — აქაბი ძალიან ჰუმანურად მოეპყრო ბენადადს, თავის ეტლში ჩაისვა, ძმა უწოდა, კავშირიც კი შეკრა მასთან და გაათავისუფლა.

სავარაუდო იყო, რომ აქაბისათვის, და საერთოდ, იმ ეპოქი-

სათვის უჩვეულო ამგვარი დიდსულოვნების უკან რაღაც საიდუმლო იმალება.

საიდუმლო გაირკვა ასურეთის მეფე სალმანასარ მესამის (ძვ. წ. 859—825 წლები) წარწერის აღმოჩენის შემდეგ. სალმანასარი გვამცნობს, რომ მან დაამარცხა კოალიცია, რომელშიც თორმეტი მეფე შედიოდა. მათ შორის იყვნენ ბენადადი და აქაბი. მან გაანადგურა ოცდახუთი ათასი მოწინააღმდეგე და ალყა შემოარტყა დამასკოს, მაგრამ, ჩანს, ვერ შეძლო ქალაქის აღება, რადგან ნინევიასი დაბრუნდა და ხუთი წლის განმავლობაში აღარ უღაპქრია. წარწერის ტექსტიდან შეიძლება დავასკვნათ, რომ ამ ომში საბოლოო გამარჯვება არავის რეგია. დამასკომ შეძლო თავდაცვა, აქაბი კი საშობლოსაკენ გაემართა ძლიერ დაზარალებული, მაგრამ დაუპარცხებელი.

ამ ახლად აღმოჩენილი ფაქტების შუქზე ნათელი ხდება ბიბლიაში მოთხრობილი ამბავი. რასაკვირველია, აქაბს შვენიებული ჰქონდა ასურეთის სულ უფრო მხარდი ძლიერება და სულაც არ უნდოდა ასურეთიდან ისრაელში მიმავალ ვზაზე მდებარე სირიის მეტისმეტი დასუსტება. როგორც შორსმჭვრეტელმა სახელმწიფო მოღვაწემ, მან აიარჩია ერთადერთი გაწინააღმდეგო პოლიტიკა — კავშირი დამარცხებულ მტერთან. ეს კია, რომ კავშირი მტკიცე არ გამოდგა. გაბრუნდნენ თუ არა ასურელები სინისაკენ, სარინასა და ისრაელს შორის მტრობამ ახალი ძალით იფეთქა. ხელახლა დაიწყო ხშირი შეტაკებები და ერთ-ერთ ბრძოლაში აქაბი დაიღუპა.

მეცნიერულ სამყაროში ძალიან დიდი ინტერესი გამოიწვია იგერეთ წოდებულმა „შავმა ობელისკმა“, რომელიც ინგლისელმა არქეოლოგმა ლეიარდმა აღმოაჩინა 1846 წელს ასურეთის ქალაქის ნანგრევებში, თელ ნიზრუდის ბორცვზე. შავი ბაზალტის ოთხწახნაგოვანი სვეტი ყველა მხრიდანაა დაფარული ბარელიეფებითა და ლურსმული წარწერებით. ერთ მხარესე გამოხატულია მეფე სალმანასარ მესამე თავისი ამალით. ჩამწკრივებულა მონები რივ-რივად მიართვევენ მას ძვირფას საჩუქრებს: სპილოს ძვალს, ქსოვილებს, სურებსა და კალათებს; მეორე ადგილას კი საბლებით მოჭყავთ ცხოველები: სპილოები, აქლემები, ანტილოპები, მაიმუნები, ხარები და ლეგენდარული მარტორქა.

მეორე ბარელიეფზეც სალმანასარია აღბეჭდილი. იგი ამაყად წელში გამართული დგას და მდიდრული მოსასხამით შექოსილი ვიღაც დიდებული თაყვანს სცემს მას.

მხოლოდ რამდენიმე წლის შემდეგ შეძლო ინგლისელმა როულინსონმა წარწერის ამოკითხვა. აღმოჩნდა, რომ მიწაზე გართხმული დიდებული არის ისრაელის მეფე იუდა, რომელმაც აქაბი და იეზაბელი მოკლა. ბარელიეფის ქვეშ ასეთი წარწერაა: „მეფე იუს მიერ ბეთ-უმბრიდან (ესე იგი ამბრის სამეფო საგვა-

რეულოდან) გაგზავნილი ხარკი: ვერცხლი, ოქრო, ოქროს ფიალა, ოქროს ლანგრები, ოქროს სასმისები, ოქროს ჭურჭლები წყლისათვის, კალა, მეფის სკიპტრა და მისგან მიღებული ბალზამის ხე“. სხვა ტექსტი მოწმობს, რომ იუს ეს ხარკი გადაუხდია სალმანასარის მეფობის მეთერთმეტე წელს, ესე იგი, დაახლოებით 842 წელს ჩვენს ერამდე.

ბიბლია დუმილით უვლის გვერდს იმ ფაქტს, რომ იუ იყო ასურეთის მეფის ვასალი. ასურული წარწერა კი გვიხსნის, თუ რატომ შეჭრილა დამასკოს მეფე ისრაელში და რატომ დაუწვია მისი ქალაქები. მან შური იძია, რადგან იუმ უღალატა სირიასთან შეკრულ ანტიასურულ კავშირს და, როცა სალმანასართან ახალი ომი გაჩაღდა, ასურეთს უბრძოლველად დანებდა, თანაც უზარმაზარი ხარკი გადაუხადა — ოქრო და ვერცხლი. ამ მხდალ პოლიტიკას საბედისწერო შედეგები მოჰყვა. დამასკოსთან ხანგრძლივი და გააფთრებული ბრძოლების შემდეგ ისრაელმა იოაკაზის მეფობის დროს სრული მარცხი განიცადა, მისი მძლავრი არმია კი შეამცირებინეს. მასში დარჩა მხოლოდ ორმოცდაათი ცხენოსანი, ათი საომარი ეტლი და ათი ათასა ქვეითი.

„შავმა ობელისკმა“ გვიჩვენა, თუ რამდენად ბეცი და დამღუპელი იყო ისრაელიტელი უზურპატორების პოლიტიკა. მოკავშირეთაგან ბედის ანაბარად მიტოვებული სირია იძულებული გახდა, მარტო შებრძოლებოდა მძლავრ ასურეთს. ამ ბრძოლაში იგი დამარცხდა. თავის ბუნებრივ მოკავშირესთან ომით დასუსტებული ისრაელი ბოლოს და ბოლოს სარგონ მეორე დაიპყრო. სამარია დაანგრის, ხოლო ისრაელის ათი ტომი გარეკეს მესოპოტამიაში, სადაც ისინი უკვალოდ დაიკარგნენ.

სარგონი მხოლოდ ერთხელაა დასახელებული ბიბლიაში ქალაქ აზოთის აღდგენასთან დაკავშირებით. სამარიის დამპყრობლის სახელი კი ნახსენები არაა, მას „ასურეთის მეფეს“ უწოდებენ. ძნელი საფიქრებელი იყო, რომ აქ სარგონი იგულისხმებოდა; მით უმეტეს მაშინ, როცა სამი სტრიქონის ზევით მოხსენებულია მეფე სალმანასარი. მხოლოდ ხორსაბადში მდებარე მეფის სასახლის კედელზე აღმოჩენილმა წარწერამ გაფანტა ყველა ეჭვი. გაირკვა, რომ სალმანასარს დაუწვია სამარიის გარემოცვა, მაგრამ ერთი წლის შემდეგ გარდაცვლილა. ქალაქის აღება მოახერხა მხოლოდ მისმა მემკვიდრემ სარგონმა, რომელსაც ალყა კიდევ ორ წელს გაუგრძელდა. ამრიგად, ქალაქის გარემოცვა სულ სამ წელს გაჭიანურდა და სამარია დაეცა 721 წელს ჩვენს ერამდე.

არქეოლოგების მიერ აღმოჩენილ წარწერაში სარგონი გვაუწყებს: „მე ალყა შემოვარტყი სამარიას და დაეიპყარ იგი. ტყვედ წაიყვანე ოცდაშვიდი ათას ორას ოთხმოცდაათი მცხოვ-

რები, როგორც სამხედრო ალაფი. მე მათგან შეეჩქენ საჩევო ვარი, რომელსაც ორმოცდაათი საომარი ეტლი ჰქონდა... ქალაქი სელახლა აღვაშენე და აღრინდელზე უფრო დავამკვირე იგი; შიგ დავასახლე სემ შიურ დამონებულნი ქვეყნების ხალხები. მათ დაუდგინე მთავარი და დაეკისრე იხეთივე ხარკი, რივორსაც ინდიდენს ასურეთის სხვა ქვეშევრდომები“.

ბაბლიაში სამკვირაა მოხსენებული ფუფუნება, რომლითაც გამოირჩეოდა მეფის სასახლე სამარიაში. მეფეთა შესაქე წიგნმა ნათქვამია, რომ აქაბმა სპილოს ძეღის სახლი ააგო. ამისი წინასწარმეტყველებს: „და შეეშურო სახლია ზაითრისა და სახლია საზაფხული მას თანა, და წარწყმდეს სახლი ჰილოს ძეაღედნი და არღარა იყენეს სახლი სხუანი შრაფაღნი, იტყვეს უყალი“ (ამოსი. თ. 3, მ. 15). ბილის, ორმოცდამეოთხე ფსალმუნში ნახსენებია „ტაძარნი ჰილოს ძეაღედნი“. მეცნიერებანი ფიქრობენ, რომ ეს ფსალმუნი არას აქაბისა და იეზაბელის საქორწინო ჰიქსი.

ბუნებრივია, ეს ცნობები ითვლებოდა განვიადებულად და აღმოხვედრის ხალხთა მდიდარი ფანტაზიის ერთ-ერთ მაგალითად. სამარიის ნანგრევებში ჩატარებულმა არქეოლოგიურმა გათხრებმა ცხადყვეს, რომ ყველაფერი ეს მარტოიდენ ცრუ მონაჩმახი არაა.

1931—1935 წლებში ინგლისელი და ამერიკელი არქეოლოგების ჯგუფმა აქ გათხრები აწარმოვა. საგულდაგულო ძიების შემდეგ ნანგრევების ქვეშ აღმოჩნდა ციხის გაღვენის საძირკველი, კოშკები და წვიმის წყლის შესანახი დიდი ქურჭლები. მთავარი კი მაინც აქაბისა და იეზაბელის სასახლის აღმოჩენა იყო. იგი იდგა მთაზე, ქედის დასაყლეთ მხარეს, საიდანაც ხმელთაშუა ზღვა მოჩანდა. ეზოში იპოვეს ბაბლიაში მოხსენებული ხელოვნური ტბის ნაშთები: ქვით მოპირკეთებული ნაპირები და ფსკერი. ეს ის ტბა იყო, რომელშიც აქაბის ვასისხლიანებული ეტლი გარეცხეს. არქეოლოგებმა ნამსხვრევები ვაცხრილეს და განცვიფრდნენ; აგურებს, ქვებსა და ფერფლს სპილოს ძეღის ფილების ათასობით ნატეხი ერია. ნატეხები დაფარული იყო ბარელიეფებით, რომელზედაც გამოისახული იყო ღოჯოსები, შროშნები, ჰაპირუსები, ჰალმები, ლოქები, ხარები, არწვები, სფინქსები და ფინიკიელთა ღმერთები.

რა თქმა უნდა, სასახლე არ ყოფილა მთლად სპილოს ძეღისაგან აგებული, მაგრამ მის კედლებსა და ავეჯზე სპილოს ძეღის ფილები იმდენი იყო, რომ მართლაც შეიძლებოდა კაცს ჰკონებოდა — სასახლე მართლაც სპილოს ძეღისაგანაა აშენებულიო.

ახლა კი დავტოვოთ ისრაელი და გადავიდეთ იუდაში. თავიდანვე ერთბაშად ვაწყდებით საინტერესო გამოცანას, რომე-

ლიც ეხება ბრძენ და უბედურ მეფეს აზარიას. მეფეთა მეოთხე წიგნში ვკითხულობთ: „და შეახო უფალმან მეფესა და იქმნა იგი კეთროვან, ვიდრე დღემდე სიკვდილისა მისისა: და იყო იგი სახლსა თავისუფალსა“ (მეოთხე მეფეთა, თ. 15, მ. 5).

ბიბლიის მკვლევარები და არქეოლოგები ფიქრობდნენ, რომ აზარია თავისი სასახლის ქვეშ, მიწაში გამოთხრილ სადგომში ცხოვრობდა; ხოლო ქვეყანას მისი სახელით მორიგეობით მართავდნენ მისი შვილი იოთამი და შვილიშვილი აქაზი. მართალია, ბიბლიური სამართლის თანახმად, კეთროვანს იერუსალიმში ღარჩენის ნება არ ჰქონდა, მაგრამ მეფისთვის გამოხატვის დაშვება შეიძლებოდა. ვარაუდი არ გამართლდა. ეს გაირკვა, როცა რამას მიდამოებში აღმოაჩინეს რომელიღაც ციხის ნანგრევები. ამ ციხეს არც ერთი ისტორიული წყარო არ ახსენებს. მას ერტყა თითქმის სამი მეტრი სისქის გალავანი, ხოლო კაშკარი, რამდენადაც შემონახული ნაშთების მიხედვით შეიძლება მსჯელობა, ჩამოსხმული იყო სპილენძისა ან ბრინჯაოსაგან. ფართო ეზოში სამი შენობა იდგა. ერთ მათგანს უკან დატანებული ჰქონდა საიდუმლო კარი, რომლითაც შეიძლებოდა ციხიდან შეუქმნეკლად გაპარვა.

ვისი აგებულია ეს ციხესიმაგრე და რატომ იყო იგი დედაქალაქთან ასე ახლოს? ყველაფერი მოწმობს, რომ ციხესიმაგრე აზარიას თავისთვის აუგია. ნანგრევებში იპოვეს ასტარტეს უპრაპო ქანდაკება. წინასწარმეტყველებიც სწორედ მეფე აზარიას კიციხედნენ ფინიკიის ქალღმერთის თავყვანისცემის გამო. ვარდა ამისა, კერამიკის ერთ-ერთ ნატეხზე გამოსახულია მჯდომარე წიკრიანი კაცის ფიგურა. რაკი დამჯდარს მხოლოდ ღმერთებს ან მეფეებს გამოსახავდნენ, უეჭველია, ციხე მეფის რეზიდენცია იყო.

ახლა ვასაგებია, თუ რატომ უწოდებს ბიბლია აზარიას ადგილსამყოფელს „სახლს, მარტოდ მდგომს“, „თავისუფალ სახლს“ ან „თავისუფლების სახლს“. უბედური მეფე. სხვა კეთროვნებით გამოწყვედული არ ყოფილა და შედარებითი თავისუფლებით სარგებლობდა თავის განცალკევებულ სასახლეში; აქედან, დედაქალაქთან სიახლოვის წყალობით, მას შეეძლო თვალყური ედევნებინა სახელმწიფო საქმეებისთვის.

სამარიის დაცემის შემდეგ იუდეამ შეიგნო საფრთხე, რომელსაც ასურეთი უქადდა. მეფე ეზეკია ემურებოდა იერუსალიმის გალავნის გამაგრებას და ზარადხანაში იარაღს იმარაგებდა. მან იმის თადარიგიც დაიჭირა, რომ ქალაქს წყალი არ დაჰკლებოდა. იებოსელთა ძეგლი არხი, რომლითაც დავითმა ლაშქარი შემოაპარა ქალაქში, იმხანად ალბათ აღარ ვარგოდა, უეჭველია, ამოვსებული იქნებოდა, რადგან ქალაქისთვის საფრთხეს წარმოადგენდა. ბიბლია გვამცნობს, რომ ეზეკიას ბრძა-

ნებით, კლდე გაუჭრიათ და ახალი არხით წყაროს წყალი პირდაპირ იერუსალიმში შემოუყვანიათ. აქ მას ცისტერნაში აგროვებდნენ.

როგორც ეს ხშირად ხდება, ეზეკიას არხი სრულიად შემთხვევით აღმოაჩინეს. 1800 წელს არაბი ბიჭების ჯგუფი სილოეს ტბასთან თამაშობდა. ერთი მათგანი წყალში ჩაყარდა და გაღმა ნაპირისკენ გაცურა. ამ დროს მან კლდეში ვიწრო ხერხელს მოჰკრა თვალი. ეს იყო ნახევარი კილომეტრის სიგრძის არხი, რომელიც კირქვის კლდეში მიიკლაკნებოდა და ბოლოს ქალაქის დასავლეთ უბანში შედიოდა.

საკვირველი ის იყო, რომ საშური საქმე ასე გაიგრძელეს: არხი რომ პირდაპირ გაეჭრათ და შემოვლით არ შეეყვანათ ქალაქში, თითქმის ორას მეტრს მოიგებდნენ. მაგრამ ადგილის ტოპოგრაფიის გულმოდგინე შესწავლის შემდეგ გაირკვა: მშენებლებს ეს იმიტომ ჩაუდენიათ, რომ გვერდი აუვლოთ დავითისა და სოლომონის აკლდამებისათვის, რომლებიც კლდეში იყო გამოკვეთილი.

მხოლოდ 1880 წელს დამტკიცდა ეჭვმიუტანლად, რომ ეს არხი მართლაც ეზეკიასი ყოფილა. არხის შესასწავლად გაემგზავრა რამდენიმე ახალგაზრდა გერმანელი არქიტექტორი. ისინი ძლივს მიიკვლევდნენ გზას, ლაფი და წყალი მუხლაძღე სწვდებოდათ. დიდი გაჭირვებით გააღწიეს შუამდე. უცებ ერთ მათგანს ფეხი დაუცდა და წყალში ჩაყარდა. ამ დროს კედელზე რაღაც საიდუმლო წარწერა მოხვდა თვალში. ეს ამბავი რომ მიუვიდა, წარწერის ასლის გადასაღებად იერუსალიმში ჩავიდა ინგლისელი აღმოსავლეთმცოდნე არჩიბალდ სეისი. სამუშაო მეტად მძიმე იყო. სეისი საათობით იჯდა ტალახსა და წყალში, ხელში სანთელი ეჭირა და ასო-ასო იწერდა ტექსტს. მაგრამ მის წვადებას ამოდ არ ჩაუვლია: წარწერა მართლაც არაჩვეულებრივად საინტერესო გამოდგა. ტექსტი შეიცავდა დრამატულ პოთხრობას იმის შესახებ, თუ როგორ კვეთდნენ მუშები კლდეში გვირაბს ორი მხრიდან. სამი წერთა რომ დარჩათ გასაჭრელი, ერთმანეთის ხმა გაიგონეს. როცა ბოლოს და ბოლოს გვირაბი გაიყვანეს და წყალი პირველად დაიძრა ქალაქისაკენ, სიხარულით ცას ეწივნენ.

წარწერის ებრაული ენა, უდავოდ, ეზეკიას ეპოქას ეკუთვნის.

ასურეთის მეფე სინაქერიბი ერთ-ერთ თავის წარწერაში ისეთ რამეს მოგვითხრობს, რომ ჩვენ ვხვდებით — მას იერუსალიმში ვერ დაუპყრია. მართალია, იგი ტრაბახობს, რომ ააოხრა იუდეა და ეზეკიასაგან ხარკად მიიღო ოცდაათი ტალანტი ოქრო და სამასი ტალანტი ვერცხლი, მაგრამ ამბობს — იუდეის მეფე დედაქალაქში ისე გამოეამწყვდიე, „როგორც ფრინველი გა-

ლაში". რასაკვირველია, სინაქერიბი არ მიუთითებს მიზეზებს, რომელთა გამოც ქალაქს ალყა მოხსნა. ბიბლია მის უკანდახევას სასწაულად წარმოგვიდგენს, — თურმე იაკვეს მიერ გამოგზავნილ ანგელოზს მტრის ბანაკში ას ოთხმოცდახუთი ათასი ასურელი მეომარი მოუკლავს.

მეცნიერები ცდილობდნენ, გამოეცნოთ, მაინც რა იმალება ამ სასწაულის უკან. ეს ამოცანა თითქოს ბერძენმა ისტორიკოსმა ჰეროდოტემ ამოხსნა. ერთ ეგვიპტულ ქურუმს უამბნია მისთვის, რომ სინაქერიბის არმიამ დროებით მოხსნა იერუსალიმის ალყა და ეგვიპტის წინააღმდეგ დაიძრა; მაშინ ასურელთა ბანაკს შეესივნენ შინდურის თავგები და ერთიანად დახრეს მშვილდების ლარები და სხვა ტყავი, თუკი სადმე იყო საბრძოლო საჭურველში. უიარაღოდ დარჩენილი მეომრები იძულებულნი იყვნენ, ბრძოლაზე უარი ეთქვათ.

თავგები ძველ თქმულებებში ხშირად გვევლინებიან ეპიდემიის სიმბოლოდ. ამის საფუძველზე შეიძლება ვივარაუდოთ: სინაქერიბს ალყა იმიტომ მოუხსნია, რომ მის არმიას რაღაც ეპიდემია მოეღო. ამ ჰიპოთეზას ამტკიცებს ინგლისელი არქეოლოგის სტრენჩის მიერ ქალაქ ლაქიშის რაიონში აღმოჩენილი საერთო სამარხი, რომელშიც ორი ათასი მამაკაცის ჩონჩხი იყო.

როგორც ცნობილია, ქარხემიშთან ბრძოლაში ქალდეველებმა სასტიკად დაამარცხეს ფარაონი ნეხო. გამოჩენილმა ინგლისელმა არქეოლოგმა ვუღიმ ამ ქალაქის ნანგრევები გათხარა და წააწყდა დიდი ბრძოლის ნაკვალევს. გარეუბანში ერთ-ერთი სახლის იატაკი ფერფლის ფენით იყო დაფარული, ფერფლის ქვეშ კი ეყარა ასეულობით ისრის ბუნიკი, შუბების დამსხვრეული პირები და ხმლების ნატეხები. ზოგი ოთახის შესასვლელში აუარებელი გაღუნული ბუნიკი აღმოჩნდა. ეტყობა მათ ქვის კარნიზებზე და რკინის კარებზე ურტყამდნენ. დამსხვრევების განლაგება ცხადყოფს, რომ თავდამსხმელები ოთახიდან ოთახში ახეკინებდნენ თავგანწირულად მეგრძოლ თავდამცველებს. ბოლოს და ბოლოს თავდამსხმელებმა გაიმარჯვეს და სახლი დაანგრიეს.

სხვა აღმოჩენები შუქს ჰყვენენ მაშინდელ პოლიტიკურ ინტრიგებს. ლურსმული ფირფიტები, რომლებზეც ასურული ტექსტებია აღბეჭდილი, ამტკიცებენ, რომ ხეთის ქარხემიში ასურეთის ვასალი იყო. მეორე მხრივ, ღმერთების ეგვიპტური ქანდაკებები, ბეჭედი, რომელზედაც ამოტვიფრული იყო ფარაონ ფსამეტიქ პირველის სახელი და მისი შვილის ნეხოს საბეჭდავები, ამტკიცებენ, თუ როგორი ძლიერი იყო ეგვიპტის გავლენა ამ რაიონებში. ეტყობა, ქარხემიშიც, იერუსალიმის მსგავსად, ასურეთსა და ეგვიპტეს შორის მერყეობდა, რამაც

ბოლოს და ბოლოს დალუპვამდე მიიყვანა. ფარაონი ნეხო სულ-
მდაბალა კაცა გამოდგა: მას უღალატა თავის მომხრეებს და
ასურეთს დაუჭირა მხარი ნაბუქოდონოსორის წინააღმდეგ.

შეგახსენებთ კიდევ ერთი საინტერესო აღმოჩენის ამბავსაც:
იარაღებს შორის ვუღიბ იპოვა ბრინჯაოს ფურცელგადაკრული
ბერძნული ფარი. მასზე გამოყვანილი იყო გორგოსას ჰორელიე-
ფი, გარშემორტყმული ცხეხებით, ძაღლებით, ირმებითა და
კურდღლებით. საიდან მოხვდა ქარხეშიმში ბერძნული ფარი?

ვუღიბ გაიხსენა ჰეროდოტე, რომელიც გადმოგვცემს: ბრან-
ქიდეში (ეფესოს ახლოს) აპოლონის ტაძარში აკურთხეს ფა-
რონ ნეხოს ძიერ ღაზაში მოპოვებული სამხედრო ნაღავლი.
ფარაონმა ამ ბრძოლაში იონიელი დაქირავებული მეომრები გა-
მოიყვანა. ალბათ ფარი ეკუთვნოდა დაქირავებულ ბერძენს,
რომელიც ღაზის განადგურების შემდეგ ფარაონის ჯარისკაცა
გამხდარა და დალუპულა ქარხეშიში.

ბაბილონის საბუთები ამტკიცებენ, რომ ნამდვილია აგრე-
თვე ამბავი, რომელსაც მოგვითხრობს ბიბლია. იუდეველ-
თა მეფის იეჰონიას შესახებ. იგი ნაბუქოდონოსორმა ტყვედ
წაიყვანა ბაბილონში. როცა ბაბილონის ტახტზე ვეილმერო-
დაქი ავიდა, იეჰონია ციხიდან გაათავისუფლა და მეფის სასახ-
ლეში დაუდო ბინა.

მეფეთა მეოთხე წიგნში ნათქვამია: „და ეტყოდა მას სიტყვა-
სა კეთილსა და დაუდგა საყდარი მისი უმაღლეს საყდართა მე-
ფეთასა, რომელნი იყვნეს მის თანა ბაბილონს და განძარცვა
სამოსელი მისი საყრობილისა, და ჭამდა ჰურსა მის თანა მა-
რადის და მიეცემოდა საზრდელი მისი სახლისაგან მეფისა
დღითი-დღე, ყოველთა დღეთა ცხოვრებისა მისისათა“ (მეოთხე
მეფეთა, თ. 25, მ. 28—29.).

1933 წელს ბაბილონში იპოვეს სასახლის მმართველის ჩა-
ნაწერები მეფის რეზიდენტებისათვის დღიური სასმელ-საჭმ-
ლის გაცემის შესახებ. სიაში შეტანილია იუდეველთა მეფე იე-
ჰონია, მისი ხუთი ძე და რვა მსახური. ამ საბუთებიდან ირკვე-
ვა, რომ ბაბილონში დატყვევებულ მეფეთა მთელი ჯგუფი
ცხოვრობდა. თითოეული ყოველდღე იღებდა თავის კუთვნილ
უღლუფას, ჰქონდა თავისი ტახტი და თავისი ოთახები სასახლე-
ში. ამ უბედურთა შორის, აწრდილებივით რომ ახლდნენ მე-
ფეს, თავის დღეებს ლევდა მეფე იეჰონიაც.

არქეოლოგიური გათხრების წყალობით დავრწმუნდით
აგრეთვე, რომ ისტორიული პიროვნება ბიბლიაში მოხსენიებუ-
ლი გოდოლია, რომელიც ნაბუქოდონოსორმა იუდეის გუბერნა-
ტორად დანიშნა და მერე თანამემამულეებმა მოკლეს, როგორც
რენეგატი.

ქალაქ ლაქიშის ნანგრევებში ნაპოვია საბეჭდავი ასეთი

წარწერით: „იუდეის მმართველად დანიშნული გოდოლიას საკუთრება“.

ბაბილონის ტყვეობას რომ შეეცხეთ, აღვნიშნეთ: ბევრმა გადასახლებულმა იუდეველმა უცხოეთში დიდი ქონება შეიძინა, ეს არქეოლოგიურმა მონაცემებმაც დაადასტურა. მაგალითად, ერთმა ამერიკულმა ექსპედიციამ ქალაქ ნიფურში თიხის ფილებზე ლურსმულით დაწერილი ას ორმოცდაათი დოკუმენტი აღმოაჩინა. ეს დოკუმენტები თავისებური საბანკო ფირმის („მურაშუსა და ძეთა“) არქივის ნაწილია და ასახავს ამ იუდეველი ოჯახის ფართო საერთაშორისო კავშირებს. აქ წარმოდგენილია კონტრაქტები მიწის, არხების, ბაღებისა თუ ცხვრის იჯარით გაცემაზე, გარიგებები ყიდვა-გაყიდვაზე, ხელშეკრულებები სესხებზე, ხელწერილები დაპატმრებულ მევალეთა გამოსასყიდის მიღებაზე. შუამავლობისათვის ფირმა იმ დროს დადგენილ მაღალ გასამრჯელოს, ოც პროცენტს იღებდა. ხელმოწერებში ბევრია იუდეური გვარი. ეს გვიმტკიცებს, რომ მრავალი გადასახლებული შეძლებულად ცხოვრობდა.

ბიბლია დუმილით უვლის გვერდს იუდეის ისტორიის დიდ პერიოდს. იგი მოიცავს ორას სამოცდახუთ წელს—ნეემიას მიერ იერუსალიმის გალაკების აღდგენიდან (ძვ. წ. 433 წელი) მაკაბელთა აჯანყების დაწყებამდე (ძვ. წ. 168 წელი).

ალბათ ამ ხნის მანძილზე საყურადღებო არაფერი მომხდარა. იუდეა სპარსეთის უზარმაზარი იმპერიის პატარა მიწურუბული პროვინცია იყო. სპარსეთის მეფეებთან შეთანხმებით, იუდეას მართავდნენ ქურუმები. იგი არსებითად იყო არა სახელმწიფო, არამედ პატარა რელიგიური თემი; სამყაროსაგან მოწყვეტილი იუდეველები მხოლოდ თავისი შინაური საქმეებით იყვნენ დაკავებულნი. სწორედ ამ ეპოქაში უნდა შექმნილიყო ძველი აღთქმა იმ სახით, რა სახითაც გვაქვს იგი დღეს. ქურუმები და სწავლელები ანალიზს უკეთებდნენ წარსულს და თავს უყრიდნენ დოკუმენტებს, რომლებიც ეროვნულ უბედურებათა მიზეზის ასახსნელად იქნებოდა გამოსადეგი.

ისინი დარწმუნდნენ, რომ იუდეველები მუდამ ღალატობდნენ იაჰვეს, არღვევდნენ მის აღთქმას, რისთვისაც დაისაჯნენ. ამის შედეგად ბიბლია იქცა მეფეებისა და ხალხის დიდ საბრალმდებლო აქტად, საბუთად, რომელსაც უნდა დაემტკიცებინა, რომ ხსნისა და კეთილდღეობის ერთადერთი გზა მოსეს რელიგიის ერთგულება იყო.

ძვ. წ. 333 წელს ქვეყნად დიდი ამბები დატრიალდა. მაკედონიის მეფემ ალექსანდრემ უდიდესი გამარჯვება მოიპოვა დარიოს მესამეზე ქალაქ ისოსთან. სპარსეთმა არსებობა შეწყვიტა. მის ტერიტორიაზე უზარმაზარი ბერძნული იმპერია აღმოცენდა. გამარჯვებული ალექსანდრე ეგვიპტეს გაეშურა და

წინააღმდეგობის გარეშე დაიპყრო იგი. ლეგენდა გადმოგვცემს, რომ მას გზად იერუსალიმში შეუვლია, რათა იაკობისთვის ეცა საყვანი. ბიბლია ყველა ამ ამბავს დუმილით უვლის გვერდს. მთაში განკერძობებით მცხოვრებ იუდეველებს არ ესმოდათ, რომ ისინი კაცობრიობის ისტორიის ახალ ერაში შედიოდნენ.

ძვ. წ. 332–331 წლებში მსოფლიოს ახალი მბრძანებელი ნილოსის შესართავის ერთ-ერთ კონცხზე აარსებს ქალაქ ალექსანდრიას — მეცნიერებისა და ხელოვნების მომავალ ცენტრს. ბაბილონის ეპოქის ლტოლვილ იუდეველთა შთამომავლებს იგი ისეთსავე უფლებებს ანიჭებს, როგორსაც ბერძნებსა და ეგვიპტელებს. ამ ნაბიჯს შემდგომში უმნიშვნელოვანესი შედეგები მოჰყვა.

ალექსანდრე დიდი გარდაიცვალა 323 წელს ჩვენს ერამდე. მისი იმპერია მისმა მხედართმთავრებმა, ეგრეთ წოდებულმა დიადოხოსებმა გაიყვეს. ამრიგად, სისხლისმღვრელი ომების შემდეგ წარმოიშვა სამი სახელმწიფო: ეგვიპტე, სირია და მაკედონიის სამეფო. პირველს განაგებდნენ პტოლემაიოსები, მეორეს სელევკიდები, მესამეს კი ანტიგონიდები.

ძვ. წ. 320 წელს პტოლემაიოს პირველმა იუდეა თავის სახელმწიფოს შეუერთა. იუდეველ ხალხს მოეწონა სრულიად ახალი, ბევრად უფრო საშიში საფრთხე, ვიდრე ჩაგვრა და ძალმომრეობაა. დადგა ელინიზმის ეპოქა — შემწყნარებლობის, სულის თავისუფლების, ახალი ფილოსოფიური მიმდინარეობების, მეცნიერების, ლიტერატურისა და ხელოვნების აყვავების ხანა. ამ განათლებისა და ჰუმანიზმის ცენტრი გახდა ალექსანდრია. პტოლემაიოს მეორემ შეკრიბა გარდასულ თაობათა ინტელექტუალური მემკვიდრეობის შემცველი დიდებული ხელნაწერები. მისი წყალობით შეიქმნა ბიბლიის ბერძნული თარგმანი, ეგრეთ წოდებული სეპტუაგინტა*.

ბევრ იუდეველს არ შეეძლო თავი დაეღწია ელინიზმის კეთილმოქმედი გავლენისაგან. ამ გავლენას განსაკუთრებით განიცდიდნენ ალექსანდრიის მკვიდრნი. დროთა განმავლობაში ისინი თითქმის მთლად ბერძნებად იქცნენ. მშობლიური ენა დაივიწყეს და მხოლოდ ბერძნულად ლაპარაკობდნენ. მათი წრიდან გამოსულმა მეცნიერებმა, ისტორიკოსებმა და პოეტებმა მსოფლიო სახელი მოიპოვეს.

საბერძნეთის გავლენა იერუსალიმსაც მისწვდა. იუდეველთა ახალგაზრდა თაობა გაიტაცა ბერძნულმა ფილოსოფიამ, ლიტერატურამ და ენამ. ბოლოს შიგ ქალაქის ცენტრში ააგეს სარბიელი, სადაც ახალგაზრდა იუდეველები ბერძენ ათლეტთა მაგალითს ბაძავდნენ და ერთმანეთს ეჯიბრებოდნენ. ჯანმრთელი და ლამაზი სხეულის კულტი, ბერძნული პოეზიის მუსიკა

და ფილოსოფიური იდეების ძალა სძლევდა ფსალმუნთა გალობასა და რიტუალურ შეხლუდვებს.

მაგრამ იერუსალიმში არსებობდა აგრეთვე იაპვეს ორთოდოქსი მიმდევრების მძლავრი დაჯგუფება, რომელიც მთელი ძალით ეწინააღმდეგებოდა უცხო გავლენებს. რა თქმა უნდა, ასეთი განსხვავებული განწყობის მქონე მოსახლეობას შორის მკვეთრი შეჯახებები ხდებოდა. ქალაქი დიდი ხნით იქცა ინტრიგების, უწესრიგობისა და პოლიტიკური ბრძოლის სარბიელად.

ასი წლის შემდეგ იუდეას სელევკიდები დაეპატრონენ. ძვ. წ. 195 წელს ანტიოქოს მესამემ პტოლემაიოს V დაამარცხა და მთელი პალესტინა დაიპყრო. იერუსალიმის მახლობლად გაჩნდა ბერძნული კოლონიები, სამარია ახალი მმართველის მნიშვნელოვან ადმინისტრაციულ ცენტრად იქცა. იაპვეს წმინდა ქალაქში ბერძნულმა წეს-ჩვეულებებმა მოიკიდა ფეხი. აი, რას წერს მაკაბელთა მეორე წიგნის ავტორი:

„რამეთუ არღარა მსახურებათა მიმართ საკურთხეველთა გულს-მოდღისე იყენეს მღვდელნი, არამედ ტაძარი უგულვებელს-ყვეს და მსხვერპლთათვის არა ურვებულნი ისწრაფოდეს ზიარების ყოფად სარკინებელთა უსჯულოთა... (მეორე მაკაბელთა, თ. 4, მ. 14).

კეთილსინდისიერ და ღვთისმოსავ ქურუმ იასონსაც კი ღვთის გმობა და ახალი ერესის თანაგრძნობა დაბრალდა.

ტახტზე ავიდა ბერძნული კულტურის ფანატიკური თავყანისმცემელი ანტიოქოს IV ეპიფანე, რომელსაც გადაწყვეტილი ჰქონდა, თავის სახელმწიფოში ყველა სხვა ჩვეულება და რელიგია აღმოეფხვრა. ძვ. წ. 168 წელს ჩვენს ერამდე მან გაძარცვა იერუსალიმის ტაძარი და მთელი განძი მიიტაცა. როცა ამის გამო ხალხი აჯანყდა, ანტიოქოს IV-მ იერუსალიმში გაგზავნა თავისი მხედართმთავარი, რომელმაც ქალაქი ცეცხლითა და მახვილით მოაოხრა, ციხის ზღუდეები დააქცია და ბევრი მცხოვრები ტყვედ წაასხა.

დადგა ტერიორიისა და ღვთის ჟამი. ტაძარში ძალით დაამკვიდრეს ოლიმპიელი ზეკსის კულტი. სიკვდილით უნდა დასჯილიყო ყველა, ვინც იაპვეს მსხვერპლს შესწირავდა, შაბათს იუქმებდა და ყრმათა წინადაცვეთის წესს შეასრულებდა. წამებასა და ტანჯვით აღსაყესე საკედილს უსჯიდნენ ყველას, ვინც ამ ბრძანებას დაარღვევდა.

ბოლოს იუდეველები ქურუმ მატათიას მეთაურობით აჯანყდნენ. ძვ. წ. 165-135 წლებში, აჯანყებას რიგ-რიგობით ხელმძღვანელობდნენ მატათიას ვაჟიშვილები: იუდა, იონათანი და შიმონი — მაკაბელებად წოდებულნი. აჯანყებულები ისე გმირულად და გააფთრებით იბრძოდნენ, რომ სელევკიდების ჯარი

მძულეული გახდა, პალესტინის მრავალი ქალაქი დაეტოვებინა. ძვ. წ. 164 წელს აჯანყების ბელადი იუდა იერუსალიმში შევიდა და ტაძარში იაპვეს კულტი აღადგინა.

ეპიფანეს ძე, ანტიოქოს V ევპატორი დიდი ჯარით მოვიდა აჯანყების ჩასაქრობად. მაკაბელები ვერ გაუმკლავდნენ ბერძენ ცხენოსანთა ძალას, საბრძოლო სპილოთა რიგებს და ბეთლემის მახლობლად დაყარეს იარაღი. მოულოდნელად კაპიტულაციის პირობები ხელსაყრელი აღმოჩნდა. მამის ამით ცდა რომ იხილა, ახალმა მეფემ იუდეველებს დაუბრუნა სარწმუნოების თავისუფლება და გარკვეული ავტონომიაც კი მისცა; მაგრამ მაკაბელებს არ აკმაყოფილებდათ ეს ცრუ დამოუკიდებლობა. იუდას ძმებმა იონათანმა და შიმონმა განაახლეს ბრძოლა, რომელიც ძვ. წ. 142 წელს სრული პოლიტიკური დამოუკიდებლობის აღდგენით დამთავრდა.

ამ გმირული ბრძოლის ისტორია მოთხრობილია მაკაბელობა ორ წიგნში. პირველი დაწერილია უცნობი იუდეველი ავტორის მიერ ებრაულ ენაზე, მაგრამ ჩვენამდე მხოლოდ მისმა ბერძნულმა თარგმანმა მოაღწია. მეორე, რომელიც სხვა იუდეველ ავტორს ეკუთვნის, დაწერილია მშვენიერ კლასიკურ ბერძნულ ენაზე¹.

იმ დროიდან იუდეაში მეფობდა მაკაბელთა დინასტია, რომელსაც ებრაელი ისტორიკოსი იოსებ ფლავიოსი მატათიას ერთ-ერთ წინაპრის ჰასმონის სახელის მიხედვით, ჰასმონიანთა დინასტიას უწოდებს.

ძვ. წ. 63 წელს პალესტინის ტერიტორიაზე შეიჭრა რომაელი მხედართმთავარი პომპეუსი, ალყა შემოარტყა იერუსალიმს და სამი თვის შემდეგ აიღო იგი. იუდეველთა დამოუკიდებლობას ბოლო მოეღო. პალესტინა რომის პროვინცია გახდა.

რომაელ მოხელეთა თავნებობა და ჩაგვრა თანდათან ისეთი აუტანელი ხდებოდა, რომ პალესტინაში კვლავ იფეთქა აჯანყება. ჩვენი წელთაღრიცხვის 70 წელს იმპერატორმა ტიტემ დიდი არმიით შემოარტყა ალყა იერუსალიმს. ქალაქის მცხოვრებნი ვაჟკაცურად და მტკიცედ იცავდნენ თავს, მაგრამ ბოლოს და ბოლოს დანებდნენ. იერუსალიმის მიერ გაცდილ შეპაძრწუნებულ ტრაგედიას აგვიწერს იოსებ ფლავიოსი. შიმშილითა და აუადმყოფობით დაუძლურებული ადამიანები ქუჩებში იხოცებოდნენ. ზოგჯერ დედები თავიანთ ჩვილ ბავშვებს ჭამდნენ. რომაელმა ლეგიონერებმა ათასობით იუდეველი ტყვე დახოცეს და ჯვარს აცვეს. ქალაქის ალების შემდეგ ტიტემ ბრძანა, მიწასთან გაესწორებინათ გადარჩენილი უბნები; იუდეველებსა

¹ ებრაელებს ეს წიგნები საღმრთო წიგნებად არ მიაჩნდათ, სამაგიეროდ, კათოლიკურმა ეკლესიამ ისინი კანონიკურ წიგნების რიცხვს მიაკუთვნა*.

და ქრისტეს თაყვანიშნობებს არ შეეძლოთ ქალაქში ფეხის დადგმა, რადგან მაშინათვე სიკვდილით ისჯებოდნენ.

სამოც წელს იღვა დანგრეულ იერუსალიმში თავისი უღმობ-
ლობით განთქმული რომის ლეგიონი. ჩვენი წელთაღრიცხვის
117—138 წლებში იმპერატორმა ადრიანემ აქ რომაული კოლო-
ნია შექმნა. იმ ადგილზე, სადაც ძველად ტაძარი იღვა, იუპი-
ტერის ქანდაკება აღმართეს; წმინდა ადგილის შებილწვამ და
ყრმათა წინადაცვეთის აკრძალვამ 132 წ. იუდეველები კვლავ
ამხედრა.

აჯანყებულებს, რომელთა რიცხვმა მოკლე ხანში ნახევარ
მილიონს მიაღწია, მეთაურობდა შიმონ ბარ-ქოხბა. მან მოკლე
დროში გაათავისუფლა იერუსალიმი და პალესტინის ტერიტო-
რიის დიდი ნაწილი. ბრძენი რაბი აკიბა მას მიესალმა როგორც
მესიას და ურჩია, თავი ისრაელის მეფედ გამოეცხადებინა.

ახალმა სახელმწიფომ დიდხანს ვერ იარსება. ადრიანემ
ბრიტანეთიდან გამოიწვია თავისი მხედართმთავარი იულიუს
სევეროსი, რომელმაც კვლავ დაიკავა პალესტინა და 136 წელს
აჯანყებულთა უკანასკნელი ციხესიმაგრე ბეთარი დაიპყრო. აქ
დაიდუბა, თუ თავი მოიკლა ბარ-ქოხბამ. გადარჩენილი აჯანყე-
ბულები ან მონად გაყიდეს, ან ბაბილონში გაიქცნენ.

1961 წელს ისრაელის არქეოლოგთა ექსპედიციამ მკედარი
ნღვის სანაპიროზე ერთ-ერთ გამოქვაბულში იპოვა ციხე-
სიმაგრეში დაღუპულ უკანასკნელ აჯანყებულთა ძვლები და
სახუთები.

ბაბილონის ტყვეობამ და გოდოლიას მკვლელთა გაქცევამ
უკვე დაუღო სათავე ეგრეთ წოდებულ დიასპორას, ესე იგი,
ებრაელთა გაფანტვას მთელ დედამიწაზე. სპარსულ და ბერძ-
ნულ ეპოქებში გავრცელებული იძულებითი განდევნა ნებაყოფ-
ლობით ემიგრაციად იქცა. დიასპორის პირველმა ცენტრმა ბა-
ბილონში გვიან შუასაუკუნეებამდე იარსება. ეგვიპტეში, კუნ-
ძულ ელლფანტინზე და ალექსანდრიაში წარმოიშვა ებრაული
კოლონია, მაკაბელთა და ბარ-ქოხბას აჯანყების შემდეგ უცხო
მხარეს ლტოლვილთა ახალი ტალღები მიაწყდნენ; ამან ებრა-
ელთა ადრინდელი ემიგრანტული სათვისტომოების მკვიდრთა
რიცხვი გაადიდა.

დიასპორა თანდათანობით მოედო კირენაიკას, საბერძნეთ-
სა და მცირე აზიას. ებრაელთა ყველაზე დიდი კოლონია ალექ-
სანდრიაში იყო. იგი დაახლოებით ასი ათას კაცს ითვლიდა.
მეორე დიდ ემიგრანტულ ცენტრს რომი წარმოადგენდა. იოსებ
ფლავიოსის დიასპორის მასშტაბის დახასიათებისას, ბერძენი
გეოგრაფოსის სტრაბონის შრომიდან მოჰყავს შემდეგი ციტატა:
„ებრაელები თითქმის ყველა ქალაქში მკვიდრობენ, ძნელია
მსოფლიოში სადმე იპოვო ადგილი, სადაც ამ ტომის წარმო-
მადგენლები არ ცხოვრობდნენ“.

მეხსი ბიბლიური თქმულება
გმირობასა, წამებასა და ღვთის
სამართლიან მსჯავრზე

გმირი ივლითი. იუდეის ქალაქ ბეთოლში ცხოვრობდა ერთი ქვრივი ქალი, რომელსაც ივლითი ერქვა. ივლითი დიდი ქონების პატრონი იყო, ჰქონდა საუკეთესო სახნავ-სათესი მიწები, საძოვარზე უზარმაზარი ცხვრის ფარები დაუდიოდა, შინ მრავლად ჰყავდა მონა-მხეველები. ივლითის სილამაზე და მშეენების ამბავი მთელს ქვეყანაში კიდიდან კიდემდე იყო განთქმული. ბელს თითქო არაფერი დაუკლია მისთვის, მაგრამ ქმარი მოუკვდა და დამწუხრებულმა ქალმა ამქვეყნიურ ცხოვრებაზე გული აიყარა. სამნახევარი წელი ღოცვასა და სხეულის გვემაში გაატარა. სათნო და უმწიკვლო ქვევის ქვრავს ყველა პატივს სცემდა. იუდეველებმა იგი წინასწარმეტყველადაც კი მიიჩნიეს.

მაგრამ აი, ქანაანში შეიჭრა ნაბუქოდონოსორის უზარმაზარი არმია ოლომფორნეს მეთაურობით. ქალაქის მცხოვრებლებმა პირველ ხანებში ძალიან გამოიღეს თავი და არ დანებდნენ მტერს, რომელმაც ალყა შემოარტყა ბეთოლს, მაგრამ გავიდა ოცი დღე და წყალი შემოაკლდათ. ქალაქის თავის ოსიას სასახლის წინ ხალხმა მოიყარა თავი; შეკრებილებმა ტირილი და გოდება მორთეს და ევედრებოდნენ — ქალაქის ბჭე გაეღო მტრისთვის. ოსიას გული უკვდებოდა, ქალაქის მკვიდრთა ასეთ ტანჯვას რომ ხედავდა, მაგრამ მაინც სთხოვა — ხუთ დღეს კიდევ გაუშელოთ, თან აღუთქვა, იაჰვე გვიხსნისო*.

ივლითმა საქვრივო ძაძა გაიხადა, პირი დაიბანა, ნელსაცხებელი იცხო და თმა დაიხვია. მერე საღღესასწაულო სამოსელი ჩაიცვა, შეისხა ბეჭდები, საყურეები, ოქროს საღტეები —

უპირფასები სამკაული, რაც კი გააჩნდა, მორთულ-მოკაზმულ-მა შიშუნვარი — პირის ფარეში იახლა და შტრის ბახაკისაკენ გაემართა. მსახურს თხიერით ღვინო მიჰქონდა, კოკით — ზეთი, მახალით — ფეკილი, ხელი ხილი და წმინდა პური. გათენებისას იედითი ჩამოდიოდა მთის ფერღობიდან, რომელზეც ქალაქის ბეთლი იყო გაშენებული. იგი შტრის მცველებმა შეაჩერეს, შეიპყრეს და ჰკითხეს: „ვინ ხარ შენ, სადაითგან მოხვალ და სად მიხვალ?“ მან მიუგო: „ასული ებრაელთა ვარ მე და ვივლტი მათგან, რამეთუ მიცემულ არიან ივინი თქვენდა შესაჭყელად“. ივლითი მცველებმა ბანაკში მიიყვანეს და სარდალს შიპკვარეს. ოლომფორნე მიწოლილიყო სარეცელზე, მწერებისაგან მას იცავდა საშუალებადე, მიწით შეპოსილს ტანსაცმელს ოქროს სამკაულები, ზურმუსტი და ძვირფასი თვლები უშეყენებდა.

ივლითმა დაიჩოქა და თაყვანი სცა. უცნობი ქალის მშვენიებით გაკვირვებული სარდალი კი იღუპალ ტკებობდა მისი ცქერით. ბოლოს გონს მოეგო და აღერსიანად ჰკითხა — აქ რამ მოვიყვანაო. ქალმა ამცნო თავისიანებისაგან წამოსვლის მიზეზი და თქვა:

„მსევალი შენი ვარ მე და ოდეს მეუწყა ყოველავე, ვივლტი ოდი მათგან; მომავლიანა ღმერთმან, რათა ვქმნა შენ თანა საქმე, რომელმან განაკრთოს ქვეყანა ყოველი, სადაცა ესმეს იგი“.

ოლომფორნეს ეამა მისი სიტყვები და მსახურთ უბრძანა, ხელი შეაშველეთ და წამოაყენეთო. ივლითი წამოღდა. მისმა მშვენიებამ კარავში მყოფი დიდებულები გააოცა. მათ აღტაცებით შესძახეს: „ვინ შეურაცხოს ერი, რომლისა ასული არს ესე!“ ივლითმა ხერხი მოიგონა — თითქოს შთავთნება ეწვიაო, ისეთი სძით უწინასწარმეტყველა დამყრობლებს სრული გამარჯვება იუღვევლებზე. გახარებულმა ოლომფორნემ ივლითს აღუთქვა, „უკეთუ იქმ ესე, ვითარცა სთქვი, ღმერთი შენი იყო ღმერთი ჩემი“. შემდეგ ბრძანა, ივლითისათვის კარგი ბინა მიეჩინათ.

სამ დღეს ზედიზედ იწვევდა დიდებულ ნადიმზე. ივლითმა პირი არ დააკარა უწმინდურ საქმელს და მხოლოდ მისი მხველის წამოღებულ საგზაღს ჭამდა. ოლომფორნე სამველს არ აძლევდა და დაჟინებით ცდილობდა ქალის გულის მონადირებას. ივლითი მიხვდა, რომ მეოთხე დღეს, ვანშმის შემდეგ, ოლომფორნე მას თავის კარავში დარჩენას სთხოვდა. ძილის წინ მან მსახური დაითხოვა, მთელ ღამეს იაკვეს წინაშე ლოცულობდა და ტირილით ევედრებოდა ღმერთს, რომ ღონე და მსნეობა მიენიჭებინა მისთვის განსრასკის აღსასრულებლად.

მეორე დღეს ოლომფორნემ წინანდელზე უფრო დიდი პურობა გამართა. მომავალ ტკებობათა სასახარულო მოლოდინში

უზომოდ დაღია, შეივდო ხარეცელზე და დაიძინა. მაშინ ივლითმა ხარდალს მისივე მახვილი დაჰკრა ირჯურ და თავი მოაკვეთა, შეახვია სამუშლეში და საგსლის მახალში დაშალა. ფეხაკრფებით გაიპარა ბანაკიდან, ზეთოლისაკენ გასწია და თანამემაძულეებს საძულველი დამპყრობლის იაკი უჩვენა. ქალაქი შეიმობდა. ყველა სადღეს სწირავდა იაკებს გამარჯვებისათვის და ადიდებდა გმირ ქალს, რომელმაც მტერს თავი მოაკვეთა. გამთენიისას ასურელებმა ოლომფორნეს სიკვდილი გაიგეს. შეძრწუნებულებმა მიატოვეს ბანაკი, ურიცხვა განძი, იუდეაში მოპოვებული დავლა და უკან მოუხედავად გაიქცნენ. ქალაქის დამცველები გამძვინვარებულნი დაედევნენ და შესრი გაავლეს მტერს, თითო-ოროლა კაცმა თუ გაასწრო ცოცხალმა. გამარჯვებულებს დარჩათ უზარმაზარი ალაფი: უთვალავი ცხერის ფარა, სახედრები და აქლემები, დიდძალი ოქრო-ვერცხლი, იარაღი და სამოსელი. ოლომფორნეს კეთილი ოქრო-ვერცხლი, პატიოსანი თვლები და ძვირფასი სამოსელი კი ერთიანად ივლიოს გადასცეს გმირობის ჯილდოდ.

ქალაქის მკვიდრნი სამ თვეს ზეიშობდნენ გამარჯვებას; ცეკვავდნენ, მღეროდნენ, ლოცულობდნენ და ქნარებს უკრავდნენ. იერუსალიმიდან თვით მღვდელიმთავარი იოაკიმი მოვიდა, რათა პატივი მიეგო გმირი ქალისათვის და მონაწილეობა მიეღო საერთო სიხარულში.

ივლითმა ასხუთი წელი იცოცხლა; ხალხის პატივისცემა და სიყვარული არასდროს დაჰკლებია. მისი დიდი გამარჯვების დღე კი იმ დღესასწაულებს მიათვალეს, რომლებსაც ებრაელები ყოველ წელს აღნიშნავდნენ.

სპარსეთის დედოფალი ესთერი. სპარსეთის მეფემ არტაქსერქსემ თავისი მეფობის შესამე წელს დადი პურობა გამართა და მოიწვია სპარსეთისა და შიღის ყველა მთავარი და დიდებული. მათთან ერთად ნადიმზე მოიხმო მის მიერ დამორჩილებული ქვეყნების მეფისნაცვალნი, ინლოთიდან დაწყებული ეთიოპიამდე. ნადიმი გრძელდებოდა ას ოთხმოც დღეს შეუსვენებლად; ბოლოს კი მეფემ შეიღდიან ნადიმზე მიიწვია ქალაქ სუზის ყველა მცხოვრები, განურჩევლად სიმდიდრისა და საზოგადოებრივი მდგომარეობისა.

სუფრა გააწყვეს ეზოში და მეფის სასახლის ბაღში. მზისაგან თავდასაცავად ეზო და ბაღი გადახურეს თეთრი, მწვანე და იისფერი ქსოვილებით, რომლებიც დამაგრებული იყო მარმარილოს სვეტებზე. სტუმრებს მხარეთმშვე წამოსაწოლად მაგიდების ახლოს ზურმუხტისფერი და თეთრი მარმარილოს იატაკზე ოქროსა და ვერცხლის სკამლოგინები დაუდგეს. მსახურთ

სასმელ-საჭმელი შემოქონდათ ოქროს სინებითა და თასებით: სასახლის იმ მხარეს კი, სადაც ქალთა სამყოფი იყო, დედოფალი ვაშთი მასპინძლობდა მთავართა, დიდებულთა და კარის-კაცთა ცოლებს.

ნადიმის მეშვიდე დღეს არტაქსერქსემ მოისურვა სტუმრებისათვის ეჩვენებინა თავისი მზეთუნახავი დედოფალი. მეფემ მოითხოვა, ვაშთი სამეფო გვირგვინდადგმული ზღებოდა მას. დედოფალი გაგიჟტა და ბრძანების შესრულება არ ისურვა. განრისხებულმა არტაქსერქსემ იქვე იხმო სპარსეთისა და მიდიის შვიდი მთავარი. მათ უნდა გადაეწყვიტათ, როგორ მოქცეოდნენ თავნება ქალს. დარბაისელი დიდებულები ძალზე შეაშფოთა დედოფლის თავხელობამ. ისინი შიშობდნენ, რომ მას სხვებიც მიჰბაძედნენ და მათ ოჯახებშიც დაირღვეოდა მყუდროება. ერთმა მათგანმა თქვა: „ესმეს ესე ყოველთა დედათა და არღარა პატივ-სცენ ქმართა თვისთა და თქვან: უბრძანა მეფემან მოყვანება დედოფლისა მისისა წინაშე პირსა მისსა, ზოლო იგი არა წარვიდა. ამიერიტგან ესრევე მიუგონ მთავართა სპარსთა და მიდიელთა ცოლთა მათთა და განმრავლდეს შეურაცხება ჩვენა“.

მეფემ გადაწყვიტა, სამუდამოდ მოეკვეთა თავისი მეუღლე. ამავე დროს მან ქვეყნის ყველა კუთხეში დაგზავნა წიგნები, რომელშიც მეფის ყველა ქვეშევრდომს მათსავე ენაზე ასწავლიდა — ყველა ქალი თავისი ქმრის მორჩილი უნდა იყოსო. ამნაირად ჩააქრეს ძირშივე ქალთა ამბოხების საფრთხე.

მაღე მეფემ ბრძანა, მთელ სახელმწიფოში შეერჩიათ ყველაზე ლამაზი ასულები და სასახლეში მოეყვანათ.

ისინი სანდო კაცის, საჭურისის, მეთვალყურეობის ქვეშ თორმეტი თვის განმავლობაში იზელდნენ სხეულს სურნელოვანი მურითა და სხვა ნელსაცხებლებით, ისვამდნენ თმასა და პირზე ნაირნაირ საღებავს და რიგრიგობით წვებოდნენ მეფის სარეცელზე. ოთხი წლის შემდეგ პირმშვენიერ ესთერს მოუწია რიგმა. იგი იუდეველი იყო, მაგრამ ეს აშბავი არავინ იცოდა, მას არავისთვის გაუმხელია თავისი ენაობა. მშობლები ესთერს ბავშვობაშივე დაესოცა. მას ზრდიდა ბიძაშვილი მარდოქე, იერუსალიმიდან გადმოსახლებული იუდეველი. ესთერი ძალიან მოეწონა არტაქსერქსეს, ყველა ცოლზე მეტად შეუყვარდა და სამეფო გვირგვინი დაადგა.

მარდოქე, მისი აღზრდილის თხოვნით, სასახლის მეკარედ დანიშნეს. მაღე მან ისეთი ნღობა მოიპოვა, რომ მეფის საწოლის მცველი გახდა, ამან კი ორი კარის მცველი ძალზე გაანაწყენა. ერთხელ მარდოქემ ყური მოჰკრა მათ ლაპარაკს და შეიტყო, რომ მეფეს მოკვლას უპირებდნენ. ყველაფერი უმაღვე აცნობა ესთერს, მანაც არ დააყოვნა და მეფე გააფრ-

თხილა. შეთქმულები ჩამოახრჩვეს. მეფეს კიდევ უფრო შეუ-
ყვარდა თავისი სატრფო.

მარდოქემ სასახლეში ისეთი გავლენა მოიპოვა, რომ პირ-
ველ მინისტრს ამანსაც არაფერად აგლებდა. ამანი ყოვლისშემ-
ძლე დიდებული იყო. მისი ყველას ეშინოდა. დაინახავდნენ თუ
არა, მუსლს იყრიდნენ მის წინაშე. მარდოქე კი არც იჩივებდა
და არც თაყვანს სცემდა ამანს. ცოფმორეული ამანი უძლეური
იყო მის წინაშე, რადგან მარდოქეს პირადად მეფე შფარვე-
ლობდა, მაგრამ, როცა შემთხვევით გაიგო, რომ მარდოქე იუდე-
ველი იყო, მასთან ანგარიშის გასასწორებლადაც იპოვა გზა.
პირველი მინისტრის დაჟინებით არტაქსერქსემ ხელი მოაწერა
დეკრეტს, რომელიც ითვალისწინებდა საარსეთში მცხოვრები
ყველა იუდეველის განადგურებას, რადგან ისინი თავიანთ სა-
განგებო ზნე-ჩვეულებებს, კანონებსა და რელიგიურ წესებს
აცავდნენ.

ეს რომ გაიგო მარდოქემ, ტანსაცმელი შემოისია, ძაძები
ჩაიცვა, თავზე ნაცარი დაიყარა და ხმაძალალი, სასოწარკვეთი-
ლი გოდებით შემოიარა სუსის ქუჩები.

ესთერმა გადაწყვიტა, რამე ღონე ეხმარა*. მეორე დღეს მან
ნადიმი გამართა; მიიწვია მეფე და მისი პირველი მინისტრი.
სიამაყითა და ასეთი გამორჩევით გაყოფილებული ამანი უფრო
თავდაჯერებული გახდა და ბრძანა აღეჭართათ ორმოცდაათი
წერთის სიმაღლის სახრჩობელა, რომელზეც მარდოქეს უპი-
რებდა ჩამოსწრობას*.

ღამით მეფეს ძილი გაუკრთა და ბრძანა, მოეტანათ მის-
თვის მოსახსენებელი წიგნი. აქ მან იპოვა ძველი ჩანაწერი, თუ
როგორ იხსნა ერთხელ მარდოქემ სიკვდილისაგან. მრავალ სა-
ზრუნავს ეს ამბავი სულ დაევიწყებინა მეფისთვის, სამაგიე-
როდ, ახლა გადაწყვიტა ერთგული მსახურის დაჯილდოება.

მეორე დღეს ამანი მეფესთან გამოცხადდა. მას უნდოდა
მარდოქეს სიკვდილით დასჯის განაჩენი დაემტკიცებინა. არტა-
ქსერქსემ ჰკითხა, როგორ უნდა მოექცე კაცს, რომლისთვისაც
განსაკუთრებული პატივისცემა გინდაო. ამანს ეჭვიც არ გაუვ-
ლია გულში, რომ მეფეს სხვა გუმანი ჰქონდა და მიუგო: „კაცსა,
რომლისა ინებოს მეფემან დიდება მისი, მოართვან სამოსელი
მეფისა, რომელი შეიმოსა მეფემან და ცხენი, რომელსა ზედა
ჯდა მეფე, ოდეს წარვიდოდა დადგმად გვირგვინისა თავსა ზე-
და მისსა. და მისცენ სამოსელი და ცხენი ხელთა ერთსა მთა-
ვართაგანსა მეფისასა და შემოსონ კაცი იგი, რომლისა ინებოს
მეფემან დიდება მისი და შესვან ცხენსა ზედა და მოიყვანონ
იგი უბანსა და ხმობდენ: „ესე ეყოს კაცსა, რომლისა ენებოს
მეფესა დიდება მისი!“ ამანს თავზარი დაეცა, როცა გაიგო, რომ
მეფე მარდოქეს გულისხმობდა. მას კი, საკუთარი რჩევის თა-

ნახმად, მაგალით მტერი უნდა შეეხვა ცხენზე, მოეტარებინა ქალაქი და მეფის განცხადებულ ქვეყნდროშათაივის ეუწყებინა: „გნე ეყოს კაცსა, რომლისა ესებოს მევესა ღიდება მისი!“

ის იყო ამ ღაცვირებით გაბოროტებულ აჰანი შიან ღაბრუნდა, რომ მასთან საკურსები გამოცხადდნენ და აუწყეს მეფის ბრძანება; იგი ნადიშე უხდა ხლებოდა მეფეს. ამასობაში ესთერი მეფეს გამოუტყდა, იუდეველი და მარდოქეს ნათესავი ვარო. ცრემლმორეულად ევეღრებოდა, გაუქმებინა ბრძანება იუდეველთა შესახებ. არჩაკესერქსე მიხვდა აჰანის მუხანათობას. გაძიხნდა თუ არა იგი სასახლეში, ბრძანა, დაუყოვნებლივ აეყვანათ მარდოქესათვის გაშზადებულ სახრჩობელასე.

ესთერის თხოვნით შეეშა საშინელი დეკრეტიც გააუქმა და იუდეველებს იმის ნებაც კი მისცა, მთელ სპარსეთში ეძიათ შური თავის მტრებსე.

ასე ღაიღუჰა საპოცღათოთხმეტი ათასი კაცი, მათ შორის აჰანის ათი ძე. მარდოქეს, აჰანის სიკვდილის შემდეგ, მეფის სასახლეში პირველი მინისტრის პოსტი ღაიკავა, მან იუდეველთა ყველა ტომს ღაუგზავნა წერილები და მოუწოდა — გადარჩენის უკვღავსაყოფად ყოველ წელს საზეიმოდ აღენიშნათ ღღესასწაული ფურიმისა, რაც ნიშნავს „ბედის ღღესასწაულს“, რადგან იუდეველი ხალხის ბედი მაშინ გადაწყდა.

ერთგული ისრაელიტელი ტობი სპარსეთის

მიწაზე. გალილეის ერთ პატარა ქალაქში, საღაც ნეფთალემის ტომი იყო ღაქვიდრებული, ღაიბაღა ტობი. იგი იზრდებოდა ისეთ ოჯახში, საღაც ყველა წინაპართა რჯულისა და აღათ-წესების ერთგული იყო. ასეთივე სულსკვეთებით აღზარდა მან შვილი ტობია. როცა ტობი ასურეთში წაიყვანეს ტყვედ, მან როგორღაც მოასერზა და ცხოვრება მოიწყო. ბეღმა გაუმართლა და გაძღიდრდა, მაგრამ სიძღიდრეს მარტო თავს არ ახმარდა, უნაწილებდა ღარიბ-ღატაკ თანამემამულეებს, რომლებსაც სასტიკად ტანჯავდნენ ასურელები. განსაკუთრებული თავღადებით იხდიდა ტობი უკანასკნელ ვალს თვისტომთა წინაშე და ასაფლავებდა მათ მოხეს რელიგიური რიტუალის შესაბამისად, რისთვისაც იმ ღროს მკაცრი სახჯელი იყო ღაწესებული.

ერთხელ მიცვალებულთა დასაფლავების შემდეგ დაღღაღღ ტობი ეზოში, ღობის ძირას მიწაზე წამოწვა. გაღავანზე ბეღურები იხსდნენ, თეღში ჩიტის სკორე მოხვდა და ბისტი გაღაეკრა. ტობი უღრტვიწველად იტანღა სიბრძავეს, ღმერთს არ უწიოღა და ურჯულოთა ღაციწვასა და აბუწად აგღმბას უღღღების სიძღეიღით ხეღებოღა. სიკვდილის მოახლოება რომ იგრ-

მხო, მოხუცმა შვილი ტობია გაგზავნა ღარიბ გაბაელთან, ვა-
ლი, ათი ტალანტი ვერცხლი უნდა გაჰოერთმია და მრავალტან-
ჯული მაშისთვის მოეტანა*. გამოუცდელი ყმაწვილის შეგზუ-
რობა თვით ანგელოზმა რაფაელმა იკისრა. მან ადამიანის სახე
შიილო. ისინი შორეულ ქალაქში მიდიელთა რაგას უნდა წახს-
ლიყვნენ. ახალგაზრდა ტობიამ ანახლად შენიშნა სამგზავრო
ტანსაცმელით მოსილი ლამაზი ქაბუკი და ჰკითხა: „მაუწყე,
ძმაო, ვისი სახლისა და ტომისაგან ხარ შენ?“ მან მიუგო —
ისრაელის ძეთა ჩამომავალი ვარ და მიდიელთა რაგას მივე-
გზავრებიო. ტობია ასეთ პასუხს არ მოელოდა და ეს სასაჩიოე-
ნო ამბავი მამას ახარა. მან კი შვილს ურჩია, უცნობს დამგზავ-
რებოდა. ახალგაზრდა ტობიას იმედი არ გაუცრუვდა. ანგელო-
ზი რაფაელი მას გაუძღვა და მიდიელთა რაგას მიიყვანა; საცო-
ლედ გამოუძებნა მისივე ტომის ქალი, რაგუელის ასული, ჩო-
ლო ტობიასთან ერთად სახლში რომ დაბრუნდა, მის მოხუც
მამას თვალები აუხილა. უსაზღვროდ მადლიერმა ტობი
შეაღს უოხრა: „მიეც, შვილო ჩემო, ღირსეული სასყიდელია
კაცსა, რომელი იყო შენ თანა, და შეჰპატე სასყიდელსა მას“.
ტობიამ მიუგო: „მამაო ჩემო, არა შეენოს მე, თუ მივსცე ნაწე-
ვარი ყოველისა მისგან, რომელი მომაქვს ჩემ თანა?“ მაგრამ რა-
ფაელი უარზე დადგა, საზღაური არ აიღო და თავისი ვინაობა
ამცნო მამა-შვილს.

ი ო ბ ი. არაბეთში, ესის მსარეს ცხოვრობდა ღვთისშო-
სავი და მართალი კაცი იობი. ყოველმხრივ ბედნიერი იყო. მყავ-
და შვიდი ძე და სამი ასული, შვიდი ათასი ცხვარი, სამი ათასი
აქლემი, სუთასი უღელი ხარი, ტვირთის საზადაუად, ხუთასი
სახედარი და ურიცხვი მსახური. იმ დროს, როცა მისი შვიდე-
ბი ნადიმობდნენ, იობი კი თავის მიწოდორზე ღმერთს
მსხვერპლს — ყოვლად დასაწველს სწირავდა, ღმერთთან შეიკ-
რიბნენ ანგელოზები, რომელთა შორის ეშმაკიც შეიპარა. რო-
დესაც ღმერთმა ჰკითხა — აქ საიდან გაჩნდიო, ეშმაკმა მიუგო:
„მომივლადს ყოველი ქვეყანა“. ღმერთმა ჰკითხა — ხომ არ გი-
ნახავს იობი — კაცი სათნო და მართალი, რომელსაც არასოდეს
ჩაუღენია ბოროტი? ეშმაკმა ღვარძლიანად მიუგო — ღვთისშო-
სავობა ადვილია, თუ მდიდარი და ბედნიერი ხარო და გამოიწვე-
ვად დაუშატა: „მიავლინე ხელი შენი და შეახე ყოველსა, რაცა
აქვს მას, ნუუკეე გაკუროხოს შენ?“ ღმერთი დათანხმდა, გამოე-
ცადა იობი და ეშმაკს ნება დართო, რაც უნდოდა, ის ექნა მის-
თვის.

შალე იობს თავს დაატყდა უბედურება, საბელებმა მოჰპარეს
საქონელი და მწყვეტები დაუხოცეს. ზეციურმა ციციებმა შთან-
თქა ცხვარი და მსახურნი, ქალღვევლებმა აქლემები გაურეკეს,

ულაბნოდან მოვარდნილმა ქარიშხალმა სახლი დაუქცია, მის ნანგრევებში მოჭყენენ იობის შვილები. მოხუცმა ტანსაცმელი შემოიხია, გადაიპარსა თმა და ქედმოხრილმა ღმერთს შექალაქადა: „შიშველი მოვედ მუცლისაგან დედისა ჩემისა და შიშველიცა მივიქცე მუნ. უფალმან მომცა და უფალმანცა წარიღო. კურთხეულ იყავნ სახელი მისი!“

ღმერთი ძალიან კმაყოფილი იყო, მართალი იობის სიკეთეში რომ არ მოტყუვდა და ეშმაკს უსაყვედურა — შენი რჩევით უღანაშაულო კაცს განსაცდელი შევამთხვიეო.

ეშმაკი იხტიბარს არ იტეხდა და ბოროტად თქვა: „მიაველინე ხელი შენი და შეახე იგი ძვალთა მისთა და ხორცთა მისთა, გაკურთხევედეს იგი შენ ანუ არა?“

ღმერთმა ეშმაკს კვლავ დართო მოქმედების ნება და მანაც საშინელი კეთრი შექყარა იობს. ყოველივე ამასთან ერთად, დარდისგან გულმოკლულმა ცოლმა ლანძღვა-გინებით აიკლო იგი. გაცოფებული უკიოდა: „ვიდრემდე დაგიმთენიეს უბიწობასა შინა შენსა? თქვი სიტყვა, საგმობად ღმრთისა, რათა მოკკდე!“ იობმა მშვიდად მიუგო: „იტყვი შენ, ვითარცა ერთი უგუნური დედათაგანი, უკეთუ კეთილი იგი მივიღეთ უფლისაგან, ბოროტი ესე ვერღარა მივიღოთ?“

იობის ტანჯვის ამბავი მის სამ მეგობარს ელიფასს, ბილდადსა და სოფარს მიუვიდა. მათ მაშინვე გასწიეს სნეულთან. სასოწარკვეთილი იობი რომ დაინახეს, ატირდნენ, ტანსაცმელი შემოიხიეს და თავზე მიწა და ნაცარი დაიყარეს; მერე გვერდით მოუსხდნენ, შვიდი დღე და ღამე დაღუძმებულები იზიარებდნენ მეგობრის ტანჯვას. გაოგნებული იობი, როგორც იქნა, გონს მოეგო და გოდებით მოსთქვამდა: „წარწყმდინ დღე იგი, რომელსა ვიშევე და ღამე იგი, რომელსა ითქვა: წული არს! რად არა მოგკვედ მუცელსა შინა, ანუ ჟამსა, ოდეს გამოვედ საშოითგან?.. რამეთუ შიში, რომლისათვის ვზრუნევდ, მოიწია ჩემ ზედა, და რომლისა მეშინოდა, იგი შემემთხვია მე. ვერცა მშვიდობით ვიყავ, ვერცა მყუდროებით, ვერცა განვისვენე და მოიწია ჩემ ზედა რისხვა“.

შეშფოთებულმა ელიფასმა მოისმინა გოდება და იობს უსაყვედურა: „ანუ არა შიში ღმრთისა არს ნუგემისცემა შენი და უბიწოება გზათა შენთა სასოება შენი?“ იობი მაინც ჩიოდა: „მომცა მე უფალმან ხელთა ცრუისათა და შორის უღმრთოთა შთამაგდო მე; მშვიდობით ვიყავ და შემამძრწუნა მე; აღმიღო მე ქედითა და მცა მე და დამადგინა მე ვითარცა სასროლი; გარემომადგეს მე მოისარნი მისნი და განხეთქა მუცელი ჩემი და არა არს შენდობა ჩემდა, და დასთხია მიწასა ზედა ნაღველი ჩემი. განმაპო მე განპებითა მრავლითა და მერკინების მე ვითარცა მებრძოლი; ძაძა შევიკერე მე ტყავისა ჩემისათვის და დაე“

ფალ მიწასა შინა ძალი ჩემი. შეწამულისფერ არს პირი ჩემი ტირილითა და თვალთა ჩემთა ზედა არს აწრდილი სიკვდილისა. და არა იყო ცოდვა ხელთა ჩემთა და ლოცვა ჩემი წმიდა არს“.

მეგობრებმა დიდხანს არწმუნეს — ალბათ რაიმე შესცოდეს, თორემ უცოდველი ადამიანები არ იხჯებიანო. იობმა შექაფცა, ბრალი არა მაქვს რაო; ღმერთი დაიმოწმა, რომ ბიროტება არ ჩაუდენია და უდანაშაულოდ იტანჯება. მათ საუბარს კარგა ხანს უსმენდა ჭაბუკი ელიუ. ბოლოს იგი ოთხი მეგობრის საუბარში ჩაერია და უთხრა: ჩემი აზრით, ყველანი მტყუანი ხართო. ტანჯვა ყოველთვის როდია შეცოდების მოსაგებელი სასჯელი. ხანდახან ღმერთი სწორედ ერთგულებს მოუეღვენს ხოლმე მძიმე განსაცდელს, რათა გამოსცადოს ისინი, დარწმუნდეს მათ სათნობასა და სიკეთეში. მართალია, იობს მეგობრებთან საუბრისას თავისი ბედას წყველა არ შეუწყვიტია, მაგრამ ღვთის განგების მიუწვდომელი სიბრძნე მაინც სწაჰდა.

უსაზღვრო ნდობის სახლაურად ღმერთმა იობს მოუვლინა ქარიშხალი, თან გამოეცხადა მას და აჰცნო: ამაოდ ცდილობ ტანჯვის მიზეზის პოვნას, რადგან ღვთის ძლიერ და სიბრძნით აღსავეს მოქმედებას ადამიანის გონება ვერ მისწვდება. იობმაც შეინანა თავისი სიტყვები და ცოდვები აღიანა, ღმერთმა კი სამაგიეროდ დაუბრუნა მას შეილები* და მთელი ავლა-ღიდება.

ღ ა ნ ი ე ლ ი. ბაბილონის მეფემ ნაბუქოდონოსორმა დაიპყრო იერუსალიმი და ტყვედ ჩაიგდო იუდეის მეფე იოაკიმი. შემდეგ ნაბუქოდონოსორის ბრძანებით, მას სამეფო კარზე მიპგვარეს ისრაელიტელი ჭაბუკები, — მეფეთა და მთავართა შთამომავალნი. მეფემ მოისურვა, რომ მათ ესწავლათ მისი ქვეყნის ენა და მწიგნობრობა და ნამდვილ ქალდეველებად გაზრდილიყვნენ. ამ ლამაზ და ნიჭიერ იუდეველ ახალგაზრდებს შორის იყვნენ დანიელი და მისი სამი ახლო მეგობარი: ანანია, მისაელი და აზარია. ღვთისმოსავმა ყრმებმა უარი თქვეს სამეფო ტაბლის საჭმელზე, რომელიც მათ დაუწესეს, რადგან მის ღამზადებისას მოსეს მცნებას უგულუბელჰყოფდნენ. მათ თავის აღმზრდელს — საჭურისთმთავარს სთხოვეს — ნება მოგვეცით, მხოლოდ პური და ბოსტნეული ვჭამოთო. ახალგაზრდა იუდეველებს მარტო ბაბილონის ისტორიასა და ადათ-წესებს როდი აცნობდნენ, მათ ქალდეველ ულუკთა — მისანთა — ცოდნის საიდუმლოებასაც ასწავლიდნენ, ასტროლოგიასა და სიზმრის ახსნის ხელოვნებაში წვრთნიდნენ. სწავლების ვადა რომ გაუვიდათ, ნაბუქოდონოსორმა ბრძანა და აღზრდილები მას აახლეს გამოსაცდელად. თავისდა გასაოცრად, მეფე დარწმუნდა, რომ

ისინი გონებითა და სიბრძნით ბევრად სჯობნიდნენ ქალღვეულ წინასწარმეტყველებსა და ჯადოსნებს. იუდეველ ახალგაზრდათაგან ყველაზე გონიერი დანიელი აღმოჩნდა.

მდიდარი ვაჭრის იოაკიმის პირმშენიერი და ღვთისმოსოში მიმუღწეულ სუსანა ერთხელ თავის ბაღში ბანაობდა. ბუჩქებიდან მას ორი ავხორცი ბერიკაცი უთვალთვალებდა. ისინი სუსანას შეუჩინდნენ, რომ თავის ნებაზე დაეყოლიებინათ, მაგრამ ქალმა ძალიან შორს დაიჭირა მათი ბილწი ზრახვა. მოხუცებმა ქალს სასამართლოს წინაშე სიძვა დასწამეს; როცა მოსთხოვეს, დაწერილებით აღწერათ ყველაფერი, რაც ნახეს, მათ ურცხვად განაცხადეს: ვილაც ჭაბუკთან მწოლს შევესწარიო, მაგრამ ის კაცი გაიქცა და ვეღარ დავეწითო. სასამართლომ მათი ნათქვამი დაიჯერა და ქალს სიკვდილი მიუსაჯა. ის იყო, სუსანა დასახველად უნდა გაეყვანათ, რომ დანიელიც მოვარდა. იგი აქ მოიყვანა ღვთიურმა ჩვენებამ*. დანიელი სასოწარკვეთილი ხმით შეევედრა, შეჩრდით, არ დასაჯოთ სუსანა, მას ბრალი არაფერში მიუძღვისო. მსაჯულებმა მას საქმის ხელახალი გამოძიების უფლება მისცეს. დანიელმა ცალ-ცალკე დაკითხა ცილისმწამებლები. გამოირკვა, რომ მათი ჩვენებები ერთმანეთს არ ემთხვეოდა. ერთი ირწმუნებოდა — დამნაშავე წყვილი დანამსტაკის ქვეშ დავინახეო, მეორე ამტკიცებდა — მწვანედ შეფოთლილი მუხის ქვეშ შევისწარიო. ნათელი გახდა, რომ ბრალმძღებლები ტყუოდნენ.

სამსჯავრომ მათ ჩაქოლვა მიუსაჯა, ღვთისმოსავი ქალი კი გაათავისუფლა.

ნაბუქოდნოსორმა ერთხელ ისეთი ჩვენება ნახა, რომ შიშმა და ძრწოლამ შეიპყრო. მაშინვე იხმო ქალღვეული წინასწარმეტყველები, ჯადოსნები და ულუკნი. ისინი ვერაფერს გახდნენ, რადგან მეფეს სიზმარი დავიწყებოდა. ნაბუქოდნოსორი მოითხოვდა, მისნებს კიდეც გაეხსენებინათ მისთვის ჩვენება და კიდეც აეხსნათ. ქალღვეულები უმტკიცებდნენ — ადამიანთა სიზმრები მხოლოდ ღმერთებმა უწყიანო. მეფე განრისხდა და ბრძანა, მის ქვეყანაში ყველა ბრძენი დაეხოცათ. განაჩენი დანიელსაც ეხებოდა. ჯალათები უკვე მის შეპყრობას აპირებდნენ, მაგრამ დანიელმა უთხრა — მეფეს ჩვენებას აუეხსნი, ოღონდ მოსამზადებლად და მოსაფიქრებლად ერთი დღის ვადა მომეცითო. მთელი ღამე ლოცულობდა. ბოლოს და ბოლოს იაჰვემ შეიწყალა და საიდუმლო გაანდო.

მეორე დღეს დანიელი ნაბუქოდნოსორს ეახლა და მოახსენა:

„მეფეო, ჩვენება შენი ესე არს: აჰა ესერა კერპი ერთი, და დიდ იყო იგი ფრიად; და საშინელ იყო ხილვა მისი. თავი მიხი — ოქრო წმიდა, მკლავნი და მკერდი მისი — ვეცხლისანი,

მუცელი და ბარკალი მისნი — რეალისანი, წვიენი მისნი. — რკინისანი, ფერხნი — ზოგნი რკინისანი და ზოგნი თიხისანი; და იხილე იგი, ვიდრემდე გარდაპოსკდა ლოდი მთით, თვინიერ ხელისა და დაეცა კერპსა მას, ფერხთა მისთა თიხისა და რკინისათა და შეშუსრა ყოველი სრულიად; და აღირივნეს რკინა და რეალი, თისა და ვეცხლი და ოქრო და იქმნეს ვითარცა მტვერი კალოსა ზედა ზაფხულს და წარიტაცა ქარმან... და ლოდი იგი, რომელი დაეცა კერპსა მას, იგი იქმნა მთა ღიდ და აღავსო ყოველი ქვეყანა“. შემდეგ ტრანსში ჩავარდნილმა დანიელმა ამ უცნაური ჩვენების ახსნა დაიწყო: „შენ ხარ თავი იგი ოქროისა, და შენსა შემდგომად აღდგეს საჰეფო სხვა უდარესი შენსა. და მეფობა მესამე, რომელ არს რეალისა, უფლებდეს ყოველსა ქუეყანასა... და მეფობა მეოთხე იყოს ძლიერი, ვითარცა რკინა. და ვითარცა რკინაჰან შეშუსროს და მტვრად აქცაოს ყოველი... და დღეთა მათ მეფობათასა, — განაგრძო დანიელმა, — აღადგინოს ღმერთმან ცათამან მეუფება, რომელი საუკუნეთამდე არა განიხრწნას“.

მეფემ ბრძნული სიტყვები მოისმინა, პირქვე დაემხო, იუდეველთა ღმერთს ზოტბა შეასსა და დანიელი დაადგინა მთავრად „ყოველსა ზედა სოფელსა ბაბილონისას“. დანიელმავე გამაბთხოვა მეფეს მისანთა და ულუკთა სიცოცხლე, რომლებიც კანალამ სიკვდილით დასაჯეს.

გავიდა რამდენიმე ხანი და მეფემ ბრძანა, რომ დვირის ველზე სამოცი წყრთის სიმაღლის ოქროს კერპი აღემართათ. შემდეგ შეყარა ყველა მთავარი, ერისთავი და დიდებული და უბრძანა, თაყვანი ეცათ კერპისათვის. ახმაურდნენ საყვირები, სალამურები, ებნები, ბარბითები, ნესტვები და ქნარები. მეფას ქვეშევრდომები პირქვე დაემსნენ და თაყვანი სცეს ოქროს კერპს.

მხოლოდ იუდეველი ჭაბუკები სედრაქი (იგივე ანანია), მიხაქი (მისაელი) და აბედნაგო (იგივე აზარია) იდგნენ ქედუხრეულად, არ უნდოდათ თაყვანი ეცათ წარმართთა კერპისათვის. მეფემ ბრძანა, ურჩი იუდეველები დაესაჯათ და ანთებულ სახშილში — ღუმელში — შეეყარათ, თანაც იგი შეადგერ მეტად გაეხურებინათ. მაგრამ ცეცხლი არ მიჰკარებია იაჰვეს ერთგულ მიმდევრებს. დასჯილებს მფარველობდა ანგელოზი, რომელიც მათ დასჯის ადგილამდე მიჰყვა. სახშილის ცეცხლს უკნებლად გადარჩენილი ჭაბუკები მეფემ მაღალ სახელმწიფოებრივ თანამდებობებზე დანიშნა და ამიერიდან სიკვდილით დასჯა აღუთქვა ყველას, ვინც იაჰვეს აუგად ახსენებდა.

მაღე მეფემ მეორე ჩვენება იხილა. მას დაესიზმრა ნაყოფით დახუნძლული ცამდე აშოლტილი ხე. მისი ტოტები დაფარული იყო ღრინველებით, ძირში კი მინდურის ცხოველები ბინადრობ-

დნენ. ციდან დაეშვა ანგელოზი, გააპო ხე, გარეკა ფრინველები და ცხოველები, დატოვა მხოლოდ ფესვები, რომლებიც მიწაზე დაამაგრა რკინისა და სპილენძის ბორკილით.

დანიელს სასახლეში უხმეს. მან იოლად ახსნა გასაოცარი სიზმარი: „ხე იგი, რომელ იხილე... შენ ხარ იგი, მეფეო, რამეთუ განსდიდენ და განძლიერდი და ძლიერება შენი განდიდნა და მიიწია ცად; და უფლება შენი — ვიდრე კიდემდე ქვეყანისა. და რომელი იხილა მეფემან ანგელოზი და წმიდა გარდამომაკალი ზეცითა, რომელმან თქვა: მოკაფენით რტონი ხესა ამას და ფესვი ხოლო დაშთეს მიწასა შინა... და ესე არს ჩვენება შენი, მეფეო; განგდევნონ კაცთაგან და საყოფელი შენი იქმნეს მხეცთა თანა ველისათა, და თივასა, ვითარცა ზროხასა, გაჭამებდენ შენ... და ჟამი შვიდი გარდახდეს შენ ზედა, ვიდრემდე სცნა, რამეთუ უფლებს ღმერთი მაღალი მეფობასა ზედა კაცთასა და ვისაცა უნდეს, მისცეს იგი“.

ასეც მოხდა. მეფეს გონება წაერთვა. იგი დამცირებული და შეურაცხყოფილი ცხოვრობდა პირუტყვთა შორის, ხარივით ძოვდა ბალახს. შვიდი წელი რომ გავიდა და ჯანმრთელობა დაუბრუნდა, მთავერებმა და დიდებულებმა კვლავ დასვეს ტახტზე. ამიერიდან მან უარყო ყველა ცრუ ღმერთი და აღიღებდა მხოლოდ ზეციურ მეფეს, რომელმაც იგი ამპარტავენებისათვის დასაჯა, დაამცირა და შემდეგ კვლავ აღამაღლა.

ბაბილონის სამეფო ტახტზე ავიდა ბალტასარი. ერთხელ მან სასახლეში დიდი პურობა გამართა და ყველა თავისი დიდებული მოიწვია. ტაბლებზე უხვად იყო სასმელ-საჭმელი. ყველანი, მათ შორის დედოფლები და მეფის ხარჭებიც, დათჳრნენ. ღვინოსავამმა ბალტასარმა ბრძანა სტუმრებისათვის მოერთმიათ იერუსალიმის ტაძრიდან ძველად წამოღებული ოქროსა და ვერცხლის ჭურჭელი. ამ დროს გამოჩნდა ხელი, რომელმაც სასახლის კედელზე დაწერა სამი გაუგებარი სიტყვა: „მანე, თეკელ, ფარეზ“. ყველას ენა ჩაუვარდა. მონადიმეებმა საოცარ მოჩვენებას მიაპყრეს თვალები. მეფე გაფითრდა და შიშისაგან კანკალი აუვარდა. სასახლეში კვლავ დანიელი იხმეს. აი, რა უთხრა მან მეფეს: „არა დაიმდაბლე გული შენი წინაშე ღმერთისა და უფლისა ღმერთისა ზეცისა ზედა აღმაღლდი, და ჭურჭელი ტაძრისა მისისა მოიღე წინაშე შენსა. და შენ და მთავარნი შენნი და ხარჭნი შენნი და თანამწოლნი შენნი ძსევმდით ღვინოსა ჭურჭლითა მით; ამისთვის პირისა მისისაგან მოვლინებულ არს ხელი ესე და დაწერილ არს ესრეთ: მანე — აღრაცხა ღმერთმან მეფობა შენი და აღასრულა იგი; თეკელ — აღიწონა სასწორსა ზედა და იყო იგი დაკლებულ; ფარეზ — განიყო სამეფო შენი და მიეცა უციკთა და სპარსთა“.

ბალტასარი მიხვდა, რომ დანიელის პირით ღვთიური სული

ლაპარაკობდა. წინასწარმეტყველი მოწვეულით შემოსა, კიხერზე ოქროს მანიაკი დაჭიდა და დაადგინა „მესამედ სუფევისა მისისა“ — მესამე მბრძანებლად მის სამეფოში. წინასწარმეტყველება იმავე ღამეს აღსრულდა: ბალტასარი მოკლეს და ბაბილონის ტახტზე ავიდა მიდიელთა მეფე დარიოსი. მან პროინციებში დანიშნა ას ოცი სატრაპი, მათ უფროსად კი სამი მთავარი დაადგინა. მათ შორის იყო დანიელიც. მეფეს უნდოდა, მოშავალში დანიელისთვის მთელი სამეფოს მართვა მიეწოდო. შურით აღესიღმა მთავარმა და სატრაპებმა გადაწყვიტეს ჩამოეგდოთ მეფის რჩეული; მაგრამ დანიელი ერთგულად და პატიოსნად ასრულებდა თავის მოვალეობას და მისი ძვირის თქმა მეფისთვის ადვილი როდი იყო. ოღონდ ყველამ იცოდა, რომ დანიელი იაჭვეს სცემდა თავყანს და გულმოდგინედ იცუდა რელიგიურ წესებს. მტრებმა გადაწყვიტეს, აქედან შეეცაათ მისთვის. მათ შეაგულიანეს დარიოსი. მეფემ გამოსცა ბრძანება და ყველა ქვეშევრდომს აუკრძალა ლოცვა ოცდაათი დღის განმავლობაში. დანიელს არ შეეძლო დამორჩილებოდა მოსეს მცნების საწინააღმდეგო ბრძანებას. აღებდა ხოლმე თავისი სახლის ფანჯრებს იერუსალიმის მხარეს და დღეში სამჯერ აღუვინანდა ლოცვას თავის ღმერთს. მოშურნეთ ეს შენაშნეს და მეფესთან დააბეზლეს. მეფეს ძალიან უყვარდა დანიელი და დიდი გულიანობით იგი მთხრებლში — დიდ ორმოსში. ამ გადაწყვეტილებამ ისე დაამწუხრა მეფე, რომ ვახშამი არ უჭამია და მთელი ღამე თვალი არ მოუხუჭავს. დილით ადრე მივიდა ორმოსთან და მწუხარე ხმით ჩასძახა დანიელს. „დანიელ, მონაო ღმერთისა ცხოველისაო, ღმერთმან, რომელსა ჰმსახურებდი შენ მარადის, არა განგარინა შენ პირისაგან ლოშთასა?“ დანიელმა მიუგო: „მეფეო, უკუნისამდე ცხონდი! ღმერთმან ჩემმან მოავლინა ანგელოზი თვისი, რომელმან დახშნა პირნი ლოშთანი და არა შექცამეს წე, რამეთუ წინაშე მისსა იყო სიწრფელე ჩემი და შენ წინაშეცა, მეფეო, შეცოდება არარა მექმნა“.

გახარებულმა მეფემ ბრძანა, მთხრებლიდან ამოეყვანათ დანიელი და დაებრუნებინათ მისთვის ძველი პატივი და თანამდებობა, ორმოსში კი ჩააყრევინა ყველა, ვინც მას დასდო ბრალი. ლომებმა ისინი ასო-ასო დაგლიჯეს და შთანთქქეს.

დანიელი კიროსის მეფობასაც მოესწრო. მას პატივს სცემდნენ, როგორც მეფის კარის დიდებულსა და შთაგონებულ წინასწარმეტყველს. დანიელი ჩვენებაში ხედავდა ხოლმე ცაზე გრიგალთა მიმოქროლას, ზღვიდან ამოსულ საოცარ ურჩხულებს და ებრაელ ხალხს უწინასწარმეტყველებდა: მოვა დთვისგან ცხებუღი — მესია, — რომელიც ებრაელ ერს იხსნის ტანჯვისაგან და ქვეყნად სამართლიანობას აღადგენს. მესია აღით

გარემოცულ ტახტზე დაბრძანდება და მის ფეხთა ქვეშ ცეცხლის მდინარე წარედინება, ათასობით მსახური აღასრულებს მის ბრძანებას, მორწმუნენი დაიცავენ ხალხრობა წიგნებში ჩაწერილ მცნებებს.

როცა კიროსმა გადმოსახლებულ ებრაელებს იერუსალიმში დაბრუნების ნება მისცა, დანიელი უკვე ძალზე მოხუცი იყო და შორი მგზავრობა აღარ შეეძლო. იგი სიცოცხლის უკანასკნელ დღემდე დარჩა ბაბილონში და, როგორც დიდებული ხელისუფალი, ძვირფას სამეფო აკლდამაში დაკრძალეს.

მონა. ერთხელ იაქვემ იონას უბრძანა, ნინევიას წასულიყო და ცოდვილ მკვიდრთათვის ეუწყებინა, რომ ძალე დაილუპებოდნენ. „აღდეგ და წარედ ნინევედ, ქალაქად დიდად და ქადაგებდე მას შინა, რამეთუ აღმალდა ღაღადება უკეთურებისა მათისა წინაშე ჩემსა“. — უთხრა მას ღმერთმა. მაგრამ წინასწარმეტყველი შეაძრწუნა ამ მისიამ. მან ამაო შრომად მიიჩნია ქადაგება და ერის დარიგება ისეთ ქალაქში, რომელთანაც შედარებით იერუსალიმი უბადრუკი სოფელი ჩანდა. იმის მაგიერად, რომ აღმოსავლეთით წასულიყო, იონა იაფაში ჩაჯდა ხომალდში და გასწია საწინააღმდეგო მიმართულებით — თარშისაკენ. თავისი მსახურის ურჩობით განრისხებულმა იაქვემ მგზავრებს საშინელი ქარიშხალი ჰოუელინა. გრივალი ღრიალით ახეთქებდა ხომალდს უზარმაზარ ტალღებს. მეზღვაურები თვალმოუხუჭავად საძაგდნენ წყალს და შეწყალებას სთხოვდნენ თავის ღმერთებს. იონას კი ამ დროს ღრმა ძილით ეძინა ქვევით. მენავემ გააღვიძა და უთხრა: „რად დაგდებულ ხარ და ხვრინავ? აღდეგ და შეევედრე ღმერთსა შენსა, და გვიხსნას და არა მოვწყდეთ“. შემდეგ კი წილი ყარეს, უნდოდათ გაეგოთ, ვინ იყო ამ უბედურების მიზეზი. კენჭი იონას შეხვდა. მეზღვაურებმა მას მოსთხოვეს: „გვითხარ, ვისთვის არს ბოროტი ეს ჩვენ ზედა?“ იონა გამოტყდა — იაქვეს ნებას არ დავემორჩილე და განრისხდაო. აღშფოთებულმა მეზღვაურებმა კითხეს: „რა გიყოთ შენ, და დასცხრეს ზღვა?“ იონამ მდაბლად მოახსენა: „აღმიღეთ მე და შთამაგდეთ ზღვასა და დასცხრეს იგი და არღარა გავნოს თქვენ, რამეთუ მიცნობივს, რამეთუ ჩემთვის არს ღელვა ესე დიდი თქვენ ზედა“.

მეზღვაურებმა გადაწყვიტეს, თავიდან მოეშორებინათ იონა — ამდენი უბედურებისა და უსიამოვნების მიზეზი. ჯერ მოინდომეს ხმელეთზე გადაესვათ და რაც შეეძლოთ, უხვამდნენ ნიჩბებს, მაგრამ ვერ იქნა და ვერ მიაღწიეს ნაპირს; ბობოქარი ტალღები უკან აბრუნებდნენ ხომალდს. მეტი ველარაფერი იღონეს და უიღბლო წინასწარმეტყველი ზღვაში გადააგდეს. იაქვემ ვეშაპს უბრძანა იონა გადაეყლაპა. იონამ სამი დღე და

ღამე დაჰყო ზღვის ურჩხულის მუცელში, ღმერთს ადიდებდა და უგალობდა, რადგან მან იგი დახრჩობას გადაარჩინა.

ეუშაჰმა იონა პირიდან გამოაგდო და ხმელეთზე დასვა. წინასწარმეტყველი მაშინვე შორილად გაეშურა ნინევიას. აქ იგი განთიადიდან დაღამებამდე დაეხეტებოდა ქუჩებში, ღვთის მცნებას აუწყებდა ქალაქის მკვიდრთ და უწინასწარმეტყველებდა, რომ ორმოც დღეში ღმერთი ნინევიას შემუსრავდა. ასურეთის მეფემ დაიჯერა მისი წინასწარმეტყველება და ცოდვები ჰოინანია. თავის ქვეშევრდომებსაც ურჩია, მარხვა არ გაეტეხათ და შინაური პირუტყვიც უხშელ-უჭმელი ემყოფებინათ.

იაჰვემ ნინევიელთა მონანიება შეისმინა, შეიწყალა ისინი და მათი დასჯა აღარ იხდომა. ეს კი იონას არ მოეწონა; სასოწარკვეთილმა და განრისხებულმა დატოვა ქალაქი, რათა სასაცილოდ არ აეგდო ხალხს, რომელსაც დაღუპვა უწინასწარმეტყველდა. უდაბნოში აიშენა კარავი და დაძწუხრებული მოთქვამდა: „უფალო ჩემო, ანუ არა ესე ვთქვი, ვიდრე ვიყავ ქვეყანასა ჩემსა? ამისთვის ღმერთს ვიყავ და წარვედ თარშს, რამეთუ ვაცი, ვითარმედ კეთილ ხარ და მწყალობელ, სულგრძელ და დადამოწყალებ, და შეინანე ბოროტის ყოფა. და აწ, უფალო, მიიღე სული ჩემი, რამეთუ უმჯობეს არს სიკვდილი ჩემი“. იაჰვემ ხმა არ გასცა, მაგრამ მის სასოუმალოთან დადი მტენარე-აყირო — აღმოაცენა და მისანი მზის მწველი სხივებისაგან დაიცვა. მეორე დღეს ღმერთმა აყიროს მატლი შეუხია და მცენარის ფესვები დააჭმევინა. აყირო სწრაფად გახმა და მტკრად იქცა. ამ დროს აღმოსავლეთიდან ხორშაკმა ქარმა დაუბერა, მზეც ისე უმოწყალოდ აცხუნებდა, რომ იონას სული შეეხუთა სიცხისგან. მაშინ იაჰვემ უბრძანა: „შეწუხებულ სარ შენ აყიროსათვის, რომლისათვის არა დაჰმკერ და არცა ჰზარღე იგი... და მე არა შევიწყალო ნინევი, ქალაქი ესე დიდი, რომელსა შინა დამკვიდრებულ არიან უმეტეს ათორმეტისა ათასისა კაცნა და საცხოვარი ფრიად?“

დიდაქტიკური ხალხური თქმულებები

ბაბილონის ტყვეობას მოჰყვა პერიოდი, როდესაც იუდეაში, ბაბილონსა და ეგვიპტეში მცხოვრებ ებრაელთა შორის განვითარდა მიდრამად წოდებულ დიდაქტიკურ თქმულებათა თავისებური ფანრი. ეს არის შეგონებათა შემცველი მოთხრობები, რომელიც ზეპირად გადაეცემოდა თაობიდან თაობას, რომ მსმენელთა პატრიოტული სულისკვეთება გაელვიებინა, ან იმდროინდელი აზროვნებისათვის საყურადღებო იდეები გამოეხატა. ამრიგად, ეს თქმულებები ნამდვილ ფოლკლორს განეკუთვნება. რაბინები ალბათ შეგონებებსა და ბიბლიის კომენტარებში ფართოდ იყენებდნენ ამ ლეგენდებს, რათა მათში წარმოსახულ ალეგორიათა მეშვეობით თავისი ნათქვამი უფრო სარწმუნო გაეხადათ.

როგორც ყოველ ჭკემარიტად ფოლკლორულ ნაწარმოებში, ამ ლეგენდებშიც ჩანს დაძაბული სიუჟეტი, ცხოველი, დრამატული მოქმედება, სახეთა სიმდიდრე, სინამდვილესა და ფანტაზიას, ცხადსა და სიზმრებს შორის მყარი ზღვრის უქონლობა. მიდრამები რამდენადმე მოგვაგონებდნენ ცნობილ არაბულ თქმულებას მეზღვაურ სინდბადზე „ათას ერთი ღამის ზღაპრებიდან“. აქედან გამოსჭვივის ორიგინალური პოეზიის მომხიბლაობა, მისწრაფება ამქვეყნიური სამართლიანობისაკენ. ეს კია, რომ ებრაული თქმულებები, შექმნილი ღრმა რელიგიური მრწამსის მქონე, თავისი ისტორიის მანძილზე დიდი გაჭირვებისა და მძიმე განსაცდელის მნახველი ხალხის მიერ, შეიცავენ უფრო მნიშვნელოვან ფილოსოფიურ აზრებს, სიცოცხლის, სიჭკვილის, უბედურებისა და ბედნიერების, ღმერთისა და ადამიანის ურთიერთობის მარადიულ პრობლემათა შესახებ.

ამ თქმულებათა ფაბულა ვითარდება პირობით-ისტორიულ ფონზე. მათში მოხსენებულია ჩვენთვის სხვა წყაროებიდან ცნობილი ისტორიული ფაქტები, ქვეყნები, ქალაქები და პიროვნებები. მაგალითად: ქალაქები ნინეფია და ბაბილონი, მეფეები: ნაბუქოდონოსორი და ბალტასარი და სხვ. ამ ანონიმურ თხზულებებს ზოგჯერ ისიც ეტყობა, რომ მათ ავტორებს ნამდვილად სცოდნიათ ის ამბავი, რაც, მაგალითად, ბაბილონის

მეფის სასახლეში ხდებოდა. მაგრამ ამ თქმულებებში წარმოსახულ სურათებს მაინც არაერთი კავშირი არა აქვთ რეალურ ისტორიასთან და მათი სიმართლედ მიჩნევა არასეზით არ შეიძლება. მას შემდეგ, რაც მესოპოტამიის მეფეთა საბუთები ამოშიფრეს, ძნელი გახდა დაცვა იმ აზრისა, თითქოს მდინარეში ზუსტ ისტორიულ მონაცემებს შეიცავს. ბიბლიაზე მეტად ტრადიციულ შეხედულებათა მომხრენიც კი დღეს ამ თქმულებებს წმინდა ლიტერატურულ ჟანრს მიაკუთვნებენ.

მაგალითისათვის ავიღოთ ივლითის წიგნი. აქ მოხსენებულია აღმოსავლეთის ხალხთა მჩაგვრელი და ქალაქ ეკატანის დამპარსებელი მითიური მიდიელი მეფე არტაქსადი. ქალდების მეფე ნაბუქოდონოსორი მიჩნეულია ასურეთის მბრძანებლად, მეფის რეზიდენციად კი — ნინეია, რომელიც ჯერ კიდევ მის სიცოცხლეშივე განადგურდა. რა თქმა უნდა, სპარსელი ოლომფორნე ვერ იქნებოდა ასურეთის არმიის სარდალი, ერთი სიტყვით, გულუბრყვილობა იქნება იმის მტკიცება, რომ ეს ისტორიული წიგნია.

მიუხედავად ამისა, შესაძლოა ვივარაუდოთ, რომ წიგნში ნამდვილმა მოვლენებმაც პოვეს გამოძახილი. მკვლევარებია ცდილობდნენ, ამოეცნოთ მის ფაბულაში შეფარული ისტორიული მინიშნებები და მივიდნენ იმ დასკვნამდე, რომ ეს წიგნი უნდა მივაკუთვნოთ სპარსეთის მეფის არტაქსერქსე III ოქის ზეობას. ისტორიული საბუთების მიხედვით, მისი მეფობა ძველი წელთაღრიცხვის 359—338 წლებზე მოდის. ისიცაა ცნობილი, რომ მის მთავარსარდალს ერქვა ოლომფორნე და თანაშემწედ ჰყავდა საჭურისი ბაგოე. ივლითის წიგნში ორივეა ნახსენები.

არტაქსერქსე III სასტიკი და ქედმაღალი კაცი იყო. მისა მეფობის დროს აჯანყდნენ პროვინციათა მმართველი სატრაპები, ეგვიპტეში კი ამბოხებამ იფეთქა. მეფის პირველი ექსპედიცია აჯანყებული ვასალის წინააღმდეგ მარცხით დამთავრდა. ეს ამბავი რომ გახშიანდა, აჯანყებულ ეგვიპტეს შეუერთდა ფინიკია, კვიპროსი და სირიის ნაწილი. არტაქსერქსემ, როგორც იქნა, აზიაში წესრიგი დაამყარა და ქანაანზე გავლით ეგვიპტისაკენ გაემურა. ძველი წელთაღრიცხვის 341 წელს კვლავ დაიმორჩილა იგი და სპარსეთის პროვინციად აქცია.

ეკლესიის ისტორიკოსი ევსევი, რომელიც IV საუკუნეში ცხოვრობდა, ამტკიცებს, რომ ეგვიპტეში ლაშქრობის დროს არტაქსერქსემ ქანაანიდან მრავალი ებრაელი წამოიყვანა და დაასახლა კასპიის ზღვის პირას, ჰირკანიაში. თუ გადასახლება მართლაც მოხდა, იგი უცილობლად დასჯად უნდა მივიჩნიოთ, როგორც ჩანს, ებრაელები საერთო ამბოხებაში მონაწილეობდნენ და ბეთოლის ალყა ამ აჯანყების ერთ-ერთი ეპიზოდია.

ივლითის წიგნი ზეპირი გადმოცემების საფუძველზე დაიწერა. უნდა ვივარაუდოთ, რომ ეს მოხდა მაკაბელ მეამბოხეთა ბრძოლის პერიოდში. სელევკიდთა ჭარბი ძალების წინააღმდეგ ბრძოლის დროს ებრაელები კმინდნენ ასეთ ლეგენდებს; მათ უნდოდათ ისტორიული მაგალითების საფუძველზე დაემტკიცებინათ, რომ ტრაგიკულ მომენტებში, ისტორიულ გარდატეხათა დროს იაჰვე თავის ერს არ მიატოვებდა. მაშასადამე, ეს თავისებური პროპაგანდისტული ლიტერატურა იყო. მისი დანიშნულება გახლდათ მეამბოხეთა გამხნეება, მათში შეუპოვარი წინააღმდეგობის სულისკვეთების დანერგვა.

ივლითის საქციელი გმირული კი იყო, მაგრამ ზნეობის თვალსაზრისით, ცოტა არ იყოს, საეჭვო ჩანდა. ამას ისიც დაერთო, რომ ძველებრადული ორიგინალური ტექსტი დაიკარგა და შემორჩა მხოლოდ თარგმანები ბერძნულ და ლათინურ ენებზე. ამის გამო პალესტინის ებრაელებმა ივლითის წიგნი წმინდა წიგნად არ ცნეს. სამაგიეროდ, კათოლიკურმა ეკლესიამ მიაკუთვნა იგი კანონიკურ თხზულებებსა და ბიბლიაში შეიტანა*.

აღმოსავლური ზღაპრების ჭიბიური ნიმუშია ესთერიისა და მარდოქეს თავგადასავალი, რაც მათ სუზაში, სპარსეთის მეფის კარზე გადახდათ. ავტორის დაუოკებელმა ფანტაზიამ წარმოდგენილად გააზვიადა მის მიერ აღწერილი ყველა ეპიზოდი: მეფის პურობა გაგრძელდა ას ოთხმოც დღეს, სპარსელ გოგონებს თორმეტი თვის განმავლობაში. „წმენდდნენ“ ნელსაცხებლებით და მერე მიჰკვირდნენ მეფეს. ესთერის მთელი ოთხი წლის განმავლობაში ამზადდებდნენ საქორწინოდ, სახრჩობელა, რომელზეც ამანი ჩამოახრჩვეს, რომოცდაათი წყრთის სიმაღლე იყო. ბოლოს, ებრაელები სამოცდათხუთმეტიათას კაცს კლავენ შურისძიების მიზნით.

ამ დრამატულ ამბავში აღწერილი მოქმედება ხდება სპარსეთის მეფის, ბიბლიაში არტაქსერქსედ წოდებული ქსერქსეს (ძვ. წ. 486—465 წწ) დროს. ერთი თავშესაქცევი დეტალიც — მეფის ჭკულლე ვაშთი ალბათ ისტორიაში პირველი სუფრაჟისტის ქალია, რომელმაც თავისი ურჩობით გვარიანად შეაშფოთა სპარსეთის არისტოკრატია მამაკაცები.

ესთერის წიგნის ავტორი უცნობია, მაგრამ, თუ ძველებრადულ ტექსტში არსებული სპარსული რედაქციული ფენებისა და სამეფო კარის საფუძველიანი ცოდნის მიხედვით ვიმსჯელებთ, უნდა დავასკვნათ, რომ ეს წიგნი დაუწერია ებრაელს, რომელიც სუზის მკვიდრი იყო და ცხოვრობდა პალესტინაში მაკაბელთა აჯანყების დროს. უცნობ ავტორს ლიტერატურული ტალანტიც ჰქონია. თქმულების სტილი მოქნილია და ხატოვანი, ფაბულა დრამატულია და დაძაბული. გასაოცარია პლასტიკური და კოლორიტული სახეების სიუხვე. შემდგომში სხვა

ავტორებმაც შეიტანეს თავ-თავისი დამატებები პირველად ტექსტში და საბოლოო სახით ეს წიგნი ჩართეს ბიბლიაში.

ზოგიერთი მკვლევარი ფიქრობს, რომ ავტორს თბრობის ძირითადი ქარგა ნასესხები აქვს ბაბილონური ან სპარსული მითოლოგიიდან, თუმცა ამ მოსაზრების დასამტკიცებლად რაიმე კონკრეტული საბუთი დღემდე არაა ნაპოვნი. ეს მკვლევარები ეყრდნობიან მხოლოდ და მხოლოდ იმ ფაქტს, რომ სახელი ესთერი უკავშირდება ქალღმერთ იშთარის სახელს, მარდოქეკი ბაბილონის ღმერთის მარდუქისას. გარდა ამისა, ისინი ვარაუდობდნენ, რომ მთელი ისტორია მოგონილია ყურიმის დღესასწაულის წეს-ჩვეულებათა დრამატიზებისათვის. ამ დღესასწაულის წარმოშობა და სახელწოდება დღემდე არაა დამაკმაყოფილებლად ახსნილი.

ძნელია ესთერის წიგნი რელიგიურ ლიტერატურას მივაკუთვნოთ. მასში ღმერთის სახელი მოხსენებულია მხოლოდ ერთხელ, ებრაელთა მტრების ხოცვა-ჟლეტა კი უხეშად ეწანა-აღმდეგება იმ პრინციპებს, რომელთაც ქადაგებდნენ წინასწარმეტყველები: იერემია, ესაია და ეზეკიელი. მიუხედავად ამისა, მღვდლებმა ესთერის წიგნი მიაკუთვნეს ბიბლიის დიდაქტიკურ ტექსტს, რომელიც ქეთუბიმის სახელწოდებითაა ცნობილი. ამ თქმულების კითხვა დღემდე ითვლება ფურიმის დღესასწაულის ძირითად ნაწილად. პირველმა ქრისტიანებმა უარყვეს თქმულება ესთერზე, მაგრამ შემდგომ კათოლიკურმა ეკლესიამ ჩართო იგი ბიბლიის კანონიკურ წიგნებში*.

ძველი აღთქმის „ისტორიულ“ და დიდაქტიკურ წიგნთა ზღვარზეა აგრეთვე ტობის წიგნი, რომელსაც ასე ეწოდება იმ გმირის გამო, ვისი თავგადასავალიც უჩვეულო მხატვრული სახეებითაა აღწერილი. შესავალში წიგნის ავტორი მკითხველს აცნობს თქმულების დროინდელ ისტორიულ ვითარებას და აღწერს ასურელი მეფეების სალმანასარისა (უფრო სწორად სარგონისა) და სინაქერიბის გამგებლობას, შემდგომ ასახელებს სპარსულ ქალაქებს რაგას და ეკბატანს. იგი ანგარიშს არ უწევს ქრონოლოგიას და ასი-ორასი წლით დასორებულ აშხებს აერთიანებს. მოხუცი ტობი შვილს აძლევს რწევა-დარჩევას, მისი შეგონებები მოგვაგონებს ცხოვრებისეულ სიბრძნეს, რომლის მაგალითებიც მრავალადაა სემიტ ხალხთა ლიტერატურაში. ანგელოზების, სატანისა და არამიწიერ არსებათა რწმენა კი ნასესხებია სპარსული რელიგიიდან. რომელთანაც ებრაელებს ურთიერთობა ჰქონდათ ექსორიის დროს.

ბიბლიური ლიტერატურის უდიდეს შედევრად ითვლება იობის წიგნი. სტილისა და აღწერილ სურათთა სიცხოველე,

მოქმედების დრამატული სიმძაფრე, ფილოსოფიური აზრის სითამამე და გრძნობის მგზნებარება — აი, ამ ნაწარმოების ღირსება. იობის წიგნში შერწყმულია ფილოსოფიური ტრაქტატის, პოემისა და დრამის ელემენტები. ღვთის მოწამის სახელი ყოველგვარი უბედურებისა თუ კატასტროფის გავრცელებულ სინონიმად იქცა.

წიგნი შედგება სამი ძირითადი ნაწილისაგან: ჯერ არის პროლოგი პროზად, მას მოსდევს პოეტური დიალოგები და ეპილოგი რომელიც „happy end“-ს* მოგვაგონებს. ტექსტის ლინგვისტური ანალიზის შედეგად გაჩნდა ვარაუდი, რომ ცენტრალური ნაწილი — მეგობართა საუბარი ადამიანის ტანჯვის და მისი არსის შესახებ — უფრო გვიანაა შექმნილი.

თქმულებამ საბოლოო რედაქცია განიცადა და დღევანდელი სახე მიიღო, როგორც ჩანს, ძველი წელთაღრიცხვის III საუკუნეში, ესე იგი, ელინისტურ ეპოქაში.

უცნობმა ავტორმა, ან ებრაელმა კომპილატორმა, შექმნა არა ორიგინალური ნაწარმოები, არამედ შუემრულ ლიტერატურაში უკვე არსებულის ვარიანტი. ეს საოცარი აღმოჩენა ეკუთვნის ამერიკელ აღმოსავლეთმცოდნეს სამოელ კრამერს, რომელმაც დაწერა „ისტორია იწყება შუმერში“. ნიფურის ნანგრევებში აღმოჩენილი ლურსმული ფირფიტების გაშიფრვისას იგი წააწყდა პოემას, რომლის სიუჟეტური გმირი უთუოდ ბიბლიური იობის პირველსახე უნდა იყოს. იგი ყოფილა მდიდარი, ბედნიერი, ბრძენი და სამართლიანი კაცი, რომელსაც ღიდი ოჯახი და ბევრი მეგობარი ჰყოლია. მოულოდნელად თავს დაატყდა ყოველგვარი უბედურება — სენი და ტანჯვა, მაგრამ თავის ღმერთს მაინც არ გმობდა და არ კიცხავდა. უბედური განგების ნებას დაემორჩილა და კვნესა-გოდებით ითხოვდა შეწყალებას. მისმა სათნოებამ და ღვთისმოსაობამ ღმერთს გული მოუღბო. მან ბოლოს შეიწყალა სნეული და ჯანმრთელობა დაუბრუნა.

ძირითადი იდეისა და ფაბულის მხრივ მსგავსება იმდენად საოცარია, რომ ძნელია დაეჭვდე ამ ორი ვარიანტის საერთო წარმომავლობაში. ოღონდ უნდა გვახსოვდეს, რომ მათ ერთმანეთისაგან ჰყოფს რელიგიურ წარმოდგენათა განვითარების ორი თუ სამი ათასწლეული. მართალია, ებრაული თქმულება შუემრულ სიუჟეტს ეყრდნობა, მაგრამ ლიტერატურულად და ფილოსოფიურად იგი მაინც უფრო სრულყოფილია.

იობზე შექმნილ თქმულებაში აღძრული პრობლემა ჩვენ უკვე შეგვხვდა, როცა წინასწარმეტყველებს შევეხეთ. მხედველობაში გვაქვს ადამიანის პასუხისმგებლობის, ტანჯვისა და დანაშაულის ურთიერთობის პრობლემა. მოსეს ხუთ წიგნში ეს საკითხი მარტივადაა გადაწყვეტილი. აქ ლაპარაკია კოლექტი-

ურ პასუხისმგებლობაზე: შეილება უნდა ზღონ მამათა ცოდვა, თუნდაც რომ თვითონ არ მიუძღოდეთ არავითარი ბრალი. მაგრამ ეთიკური მონოთეიზმის თანდათანობით სრულყოფის კვალდაკვალ ფატალური პასუხისმგებლობის ეს იდეა დაუპირისპირდა ღვთიური სამართლიანობის ცნებას. იერემია და ეზეკიელი ქადაგებდნენ, რომ ყოველი ადამიანი თვითონ აგებს პასუხს ღმერთთან თავისი მოქმედებისათვის; ამით ეს წინასწარმეტყველები მოსეს ხუთი წიგნის მთავარი იდეის წინააღმდეგ გამოდიოდნენ. არსებითად, ეს იყო რევოლუციური ნაბიჯი, რომელიც რელიგიურ აზროვნებაში კოლოსალურ პროგრესს ხიშნავდა. მაგრამ ამ იდეამ არამც თუ გადაჭრა ტანჯვისა და ცოდვის პრობლემები, რომლებიც ადამიანებს აწვალებდა, არამედ უფრო გაართულა ისინი. თუკი ყოველმა ადამიანმა თვითონ უნდა აგოს პასუხი თავისი მოქმედებისათვის, მაშ რატომ იტანჯებიან ღვთისმოსავნი, მართალნი და სათნონი? თუ ღმერთი სამართლიანია, რატომ სჯის მათ მათთვის ყველაზე საყვარელ და მახლობელ ადამიანთა სნეულებით, სიღატაკითა და სიკვდილით?

სწორედ ეს საკითხები დგას იობის წიგნში. იობი დიდხანს და ამაოდ ედავება მეგობრებს, ბოლოს საუბარში ჩაერია ახალგაზრდა ელიუ. მან, არსებითად, კაპიტულანტური მოსაზრება გამოთქვა. მისი აზრით, ღმერთი თავის ყველაზე ერთგულ ადამიანებს განსაცდელში იმიტომ ავლებს, რომ მათი ღვთისმოსაობა და სათნობა შეამოწმოს. მას კამათის ყველა მონაწილე ეთანხმება. ისინი ვერ ამჩნევენ, რომ გამოცდის ასეთი მკაცრი მეთოდი ისევე ეწინააღმდეგება სამართლიანობის მცნებას, როგორც უცოდველთა დასჯა ავადმყოფობით, წამებით, სიღატაკითა და ახლობელთა დაკარგვით.

რა თქმა უნდა, ლიტერატურული გამოხატონია დანიელის წიგნიც. ყოვლად დაუჯერებელია მასში აღწერილი სასწაულები, აპოკალიფსური წინასწარმეტყველებანი და ისტორიულად რეალიები. თქმულების ავტორები ყოველ ნაბიჯზე ავლენენ ბაბილონისა და სპარსეთის ისტორიის უცოდინარობას. ისინი მიდიის მეფეებს სპარსეთის მეფეებში ურევენ, ისტორიულ სიმართლეს ამახინჯებენ და ქალღვეულებს ჯადოქარი ქურუმების კლასად წარმოგვიდგენენ, დანიელს კი „მეცნიერთმთავარს“ უწოდებენ.

განსაკუთრებით ფანტასტიკურია ცნობები თქმულებებში მოხსენებულ მეფეთა შესახებ. ნაბუქოდონოსორი გიგანტური სიმაღლის ოქროს კერპს დგამს და მოითხოვს, რომ ხალხმა თავიანი სცეს მას. შემდეგ იგი ისრაელის ღმერთის მომხრე ხდება და დაადგენს, რომ სიკვდილით დაისაჯოს ყველა, ვინც ამ ღმერთს აუჯად მოიხსენიებს. დარიოსი თავის ქვეშევრდომებს

უბრძანებს, ოცდაათი დღის განმავლობაში არც ერთ ღმერთს არ შესწირონ ლოცვა. როცა დანიელი ლომების მთხრებლიდან ამოვა, იგივე დარიოსი მის სამფლობელოში მყოფ ყველა ერს ავალებს მოსეს სარწმუნოება მიიღონ.

აგზებული სახმილიდან უვნებლად გამოსული სამი ებრაელისა და თვინიერი ლომების მთხრებლში მყოფი დანიელის სახეებში, რა თქმა უნდა, ბევრია ზღაპრული მომხიბლაობა. ეს სიუჟეტები ყოველთვის პოულობდნენ გამოხმაურებას ხალხის ფანტაზიასა თუ მხატვრობაში. ყველაზე დიდი პოპულარობით სარგებლობს სასწაული ხელისა, რომელმაც სანადიმო დარბაზის კედელზე ამოკვეთა საიდუმლოებით მოცული სამი სიტყვა: „მანე, თეკელ, ფარეზ“.

ამ სიტყვების ნამდვილი მნიშვნელობა ჯერ კიდევ სამეცნიერო კამათის საგანია. საქმეს ართულებს ის, რომ ძველებრავლ და არამეულ ენებში მხოლოდ თანხმოვნები იწერება, ხმოვნები კი არა. სიტყვის აზრი იცელება იმისდა მიხედვით, ჩასმულია თუ არა ხმოვანი, ვთქვათ „ა“ ან „ე“ თანხმოვანთა შორის. ამიტომ, ის ახსნა, რომელიც დანიელის წიგნშია გამოთქმული, ცოტად თუ ბევრად სარწმუნოდაა მიჩნეული.

აუარებელი გამონაგონის მიუხედავად, დანიელის თქმულებაში დასახელებულია რამდენიმე ფაქტი, რომელთაც პირდაპირი თუ არაპირდაპირი კავშირი აქვთ ნამდვილ მოვლენებთან. ასეთია, მაგალითად, ნაბუქოდონოსორის გონების დაკარგვის ამბავი. სხვა წყაროებიდან ვიცით, რომ ნაბუქოდონოსორის შემკვიდრე მეფე ნაბონიდი შვიდი წლის განმავლობაში ნამდვილად ყოფილა შეპყრობილი რაღაც ფსიქიური დაავადებით. კიდევ ერთი მაგალითი: ბიბლიაში ძალიან ხშირად დამნაშავეს ანთებულ ღუმელში შეაგდებენ ხოლმე. დიდი ხნის განმავლობაში ამოუხსნელი იყო უცნაური ამბავი მეფე ბალტასარის მიერ დანიელის ქალაქში „მესამე მთავრად“ დანიშვნისა. რაღა მაინც-დამაინც მესამე კაცად მიიჩნიეს დანიელი და არა მეორედ? საკითხის ახსნა მხოლოდ არქეოლოგიამ შეძლო. აღმოჩნდა, რომ ნაბონიდის ძე ბალტასარი მამის სიცოცხლეშივე გამხდარა რეგენტი. ამრიგად, ბალტასარი ბაბილონს მართავდა, მაგრამ რაკი მამა ცოცხალი ჰყავდა, იგი სახელმწიფოში მეორე კაცი იყო; ამიტომაც მის მთავარ მინისტრს დანიელს შეეძლო მხოლოდ მესამე ადგილი დაეკავებინა იერარქიაში. ცხადია, ეს დეტალები ვერ გვაფიქრებინებენ, რომ დანიელის წიგნი ნამდვილი ისტორიული თხზულებაა. მაგრამ ისინი ამტკიცებენ, რომ ფაბულა ბაბილონურ გარემოში აღმოცენდა. გავიხსენოთ, რომ დანიელის წიგნი იყოფა ორ ნაწილად და რომ იგი დაწერილია სხვადასხვა დროს, სხვადასხვა ავტორის მიერ. ერთი მათგანია უადრესად პოპულარული სიუჟეტის მქონე თქმულება,

მეორეა წინასწარმეტყველება, რომელიც აპოკალიფსური გამოცხადების სტილითაა დაწერილი.

იობის წიგნის მსგავსად, დანიელის წიგნსაც უცხოური მათოლოგიური წყაროები აქვს. უგარითის გათხრებისას აღმოჩნდა ძე. წ. XIV საუკუნით დათარიღებული პოემა. მასში ვაღმოცემულია ვინმე დანიელისა და მისი ძის აკატის თავგადასავალი. პოემის გმირი არის ბრძენი, მიუკერძოებელი მოსაპარადღე, ქერივ-ობოლთა შემწყნარებელი. როგორც ჩანს, ებრაელთა მწერლებმა სწორედ ამ პოემიდან იხესხეს დანიელზე შექმნილი თქმულების იდეა.

მის აპოკალიფსურ ნაწილში ნაწინასწარმეტყველება ოთხი მომდევნო სამეფოს წარმოქმნა: ბაბილონისა, სპარსეთისა, მდიისა და საბერძნეთისა. გაკვრითაა ნათქვამი ზოგი რამ იერუსალიმის ტაძრის შებილწვაზე, რაც ანტიოქოს IV ეპიფანეს მეფობის დროს (167 წ. ჩვენს წელთაღრიცხვამდე) მოხდა; ეს კი მოწმობს, რომ დანიელის წიგნის საბოლოო ვარიანტი შეიქმნა გვიანდელ ელინისტურ ეპოქაში. ამას ამტკიცებს ის ფაქტიც, რომ არამეულ და ძველებრულ ენაზე დაწერილ ტექსტში უხვადაა მიმოხილული ბერძნული სიტყვები.

ებრაელთა ისტორიაში ეს იყო რელიგიური დამოუკიდებლობისათვის ბრძოლის მძიმე პერიოდი და დანიელის წინასწარმეტყველებას ჩაგრულთათვის მხნეობა და გამარჯვების იმედი უნდა ჩაენერგა. წიგნში აღწერილი მზურვალე პატრიოტიზმით გამსჭვალული ხილვები ებრაელებს უწინასწარმეტყველებდნენ, რომ ქვეყანას მოეწვინება ძე კაცისა და მათ უცხოელთა ბატონობისაგან იხსნის. დანიელი ქადაგებს აგრეთვე სასუფევლის დამკვიდრებას დედამიწაზე და მკვდრეთით აღდგომას, როცა ქვეყნის აღსასრულის ჟამი დადგება. მაგრამ ეს მესიანური იდეები მოკლებულნი არიან გარკვეულ ხასიათს. წინასწარმეტყველება აღსრულდება მხოლოდ მაშინ, როცა ადამიანები ცოდვათაგან განიწმინდებიან და უბიწონი გახდებიან.

როგორც ვხედავთ, დანიელის წიგნი, ისევე როგორც სხვა წინასწარმეტყველებისა და იობის წიგნი, ხაზს უსვამს ადამიანის პირად პასუხისმგებლობას ღმერთის წინაშე. მისმა მესიანურმა იდეებმა უღრმესი გავლენა მოახდინა ადრეულ ქრისტიანობაზე, ხოლო მასში მოხსენებული „ძე კაცისა“ იესო ნაზარეველის ზედწოდებად იქცა.

ალეგორიული ხალხური ზღაპრების ამავე ჯგუფს განეკუთვნება იონას წიგნი. წინასწარმეტყველის დაუდგრომელი ცხოვრება, მისი კოლორიტული თავგადასავალი ებრაული ფოლკლორის ტიპიური ნიმუშებია, მაგრამ მკვლევარები ფიქრობენ, რომ ამ თქმულების წყარო უცნობ მესოპოტამიურ მითებშია საძებარე.

რი. ზღვის ურჩხული თუ თევზი, რომელმაც იონა ჩაყლაპა, ძალზე ცოცხლად მოგვაგონებს ქაოსის მითიურ ქალღმერთს თიამათს.

უჭკველია, რომ წიგნი ბაბილონის ტყვეობის შემდეგაა შექმნილი. ბაბილონელი კომენტატორები ცდილობდნენ გაეშიფრათ მისი ვითომდა ალეგორიული აზრი. მათი სიტყვით, ისრაელიტელებს დაეკისრა განსაკუთრებული წინასწარმეტყველური მისია, ამით ღმერთმა ისინი სხვა ხალხთაგან გამოარჩია; მაგრამ ისრაელიტელებმა ვერ აღასრულეს ღმერთის მცნება და ამიტომ, იაჰვეს ბრძანებით, ისინი შთანთქა ურჩხულმა — ნაბუქოდონოსორმა.

ჩვენთვის ყველაზე დიდი მნიშვნელობა მაინც წიგნის დასკვნითი ნაწილის იდეას აქვს. როცა იონა ნინევიის გადარჩენის გამო განრისხდა, იაჰვემ მას სამართლიანობის თვალსაჩინო მაგალითი უჩვენა. თუკი იონა გამხმარი აყიროს ბედმა შეაწუხა, იაჰვეს რატომ არ უნდა შეეწყალებინა უზარმაზარი ქალაქი, რომელშიც ცოდვილთა გარდა ცხოვრობდნენ მართალი ადამიანები, უდანაშაულო ბავშვები და ცხოველები? აი, როგორ შეიცვალა იაჰვეს შეხედულებები! მოსეს, ისუ ნავესა და მსაჯულთა წიგნებში ხომ სულ სხვაგვარი აზრია გატარებული! ესაიას, იერემიას, ეზეკიელის წინასწარმეტყველებებსა და დიდაქტიკურ თქმულებებში გამოვლენილი იდეები, რა თქმა უნდა, შემოქმედებით გაკლენას მოახდენდა რელიგიურ კონცეფციათა შემდგომ განვითარებაზე. ამ საინტერესო პროცესის მიმდინარეობის გაგებაში დიდად გვეხმარება მკვდარ ზღვასთან მდებარე გამოქვაბულებში აღმოჩენილი გრაგნილები. 1947 წელს თაამირას ტომის ბედუინი მწყემსები შესასვენებლად შეჩერდნენ კლდოვან მიდამოებში აინფეშპის წყაროს მახლობლად. გზააბნეულთხის მაძებარმა ბიჭმა მრავალრიცხოვან გამოქვაბულებში ხეტილისას ერთ-ერთში იპოვა თიხის დიდი ჭურჭლები, რომლებშიც საიდუმლოებით მოცული გრაგნილები ეყარა. მოგვიანებით გამოირკვა, რომ ეს გრაგნილები იყო არქაული ძველბრაულით დაწერილი ცხერის ტყავის გრძელი ნაჭრები.

თავდაპირველად არავის ესმოდა ამ მონაპოვრის ფასა. მეცნიერებს მხოლოდ მაშინ აეხილათ თვალები, როცა გრაგნილების ერთი ნაწილი შეერთებულ შტატებში მოხვდა, მეორე კი — სირიაში, წმინდა მარკოზის მართლმადიდებლურ მონასტერში. უილიამ ფ. ოლბრაითმა ხელნაწერებს უყოყმანოდ უწოდა „ჩვენი საუკუნის უდიდესი აღმოჩენა“.

1 აბრაამის საუბარი ღმერთთან ასეთსავე თემაზე უჭკველად ჩამატებულია გვიან, ბაბილონის ტყვეობის შემდეგ, როცა სამართლიანობის პრობლემა ზემოწინით აქტუალური იყო.

მთავარი ისაა, რომ გრაგნილები შეიცავენ ძველი აღთქმის ტექსტს, რომელიც გადაწერილია ძვ. წ. III ან II საუკუნეში. აქამდე ცნობილ ნუსხათა შორის კი ყველაზე ძველი ჩვ. წ. IX საუკუნის ხელნაწერი იყო. ცხადია, რომ გრაგნილებს აქვთ განუზომელი მნიშვნელობა შედარებითი ფილოლოგიური გამოკვლევებისა და ბიბლიის სადავო ფრაგმენტების ახსნა-დადგენისათვის.

გრაგნილებზე ატეხილმა მითქმა-მოთქმამ ბოლოს და ბოლოს არაბეთის უდაბნომდე მიაღწია. ისიც გაიგეს, რომ მათ შესასყიდად ამერიკელებმა უზარმაზარი თანხა გაიღეს — ექვსი გრაგნილი იყიდეს ორას ოთხმოცდაათ ათას დოლარად. მკვდარი ზღვის პირად, უკაცრიელ კლდეებში ხეტიალი დაიწყეს ბედუნიებმა, რომელთაც პირწმინდად გადაჩხრიკეს იქაური გამოქვაბულები და ნაპრალები. ამ ძიებას დიდი წარმატება მოჰყვა. ბედუნიებმა ოცდახუთ გამოქვაბულში იპოვეს რამდენიმე ასეული გრაგნილი და ათასობით ფრაგმენტი ძველებრავულ, არამეულ და ბერძნულ ენებზე. შემდგომში სისტემატურად ჩატარებულ სამეცნიერო-არქეოლოგიური ექსპედიციების ძიებებს ახალ-ახალი აღმოჩენები მოჰყვა.

ამჟამად იმდენი მასალაა დაგროვილი, რომ, მეცნიერთა აზრით, სულ მცირე, ნახევარი საუკუნე მაინცაა საჭირო ტექსტების წესრიგში მოყვანისა და მეცნიერული დამუშავებისათვის. მაგრამ ახლა უკვე ცნობილია, რომ მათ შორის არის იერემიას წიგნი*, ამბაკუმის წიგნის კომენტარები და აპოკალიფსური ნაწარმოები „ნათლის ძეთა ბრძოლა ბნელის ძეთა წინააღმდეგ“.

რა თქმა უნდა, განჩნდა საინტერესო კითხვა — როგორ მოხდნენ ეს წმინდა ტექსტები მკვდარი ზღვის სანაპიროს უკაცრიელ გამოქვაბულებში? 1951 წელს ამ პრობლემაზე მუშაობდა სპეციალური არქეოლოგიური ექსპედიცია, რომელმაც მალე გამოაქვეყნა ძიების შედეგები.

გამოქვაბულთა მახლობლად არის ნანგრევები, რომელსაც არაბები ხირბათ-კუმრანს უწოდებდნენ. ეს ნაგებობები დიდი ხნის განმავლობაში რომაული ციხესიმაგრე ეგონათ. ნაგებობა ოდესღაც ყოფილა თლილი ქვის ბლოკებისაგან აგებულ, პალმის ხის ტოტებით, ლერწმითა და ლამით დახურულ შენობათა კომპლექსი. არქეოლოგებმა ადვილად დაადგინეს, რომ ეს ნანგრევები ადრე წარმოადგენდნენ საცხოვრებელ სახლებს, სახელოსნოებს, რიტუალური დანიშნულების საბანელ აუზებს, საწყობებს და სხვ. მაგრამ ყველაზე მნიშვნელოვანი აღმოჩენა იყო „სკრიპტორიუმად“ წოდებული დარბაზი, სადაც მწერლები საღმრთო წიგნებს იწერდნენ. აქ შემონახულია ქვის მაგიდები, სკამები, და, რაც მთავარია, თიხისა და ბრინჯაოს რამდენიმე

სამკლნე, რომლებშიც შემორჩენილია მელნის კვალი. მიწის-ქვეშა საწყობებში, კერამიკულ ნაკეთობათა ნამსხვრევთა შორის, იპოვეს რამდენიმე ისეთივე ცილინდრული მოყვანილობის მთელი ჭურჭელი, როგორშიც გამოქვაბულებში ნაპოვნი გრაგნილები იყო შენახული. ამიტომ უეჭველია, გრაგნილთა მფლობელიც ამ შენობებში ცხოვრობდნენ.

ამასთან ერთად, ნანგრევებში მრავლად აღმოჩნდა ფულიც. ყველაზე ძველი მონეტა დათარიღებულია ძველი წელთაღრიცხვის 125 წლით, ყველაზე ახალი კი — ჩვენი წელთაღრიცხვის 68 წლით. ამავე წელს ხანძარმა გაანადგურა ამჟამად აღმოჩენილი ხირბათ-კუმრანის ნაგებობანი.

არქეოლოგებმა დაასკვნეს, რომ აქ ჰქონდა ბინა ესეველთა ებრაულ სექტას, რომელიც იერუსალიმიდან სინედრიონმა გამოდევნა. ეს ჰიპოთეზა ემყარება არა მარტო სარწმუნო არქეოლოგიურ მონაპოვრებს, არამედ ძველი მოგზაურებისა და ისტორიკოსების თხზულებებში არსებულ ცნობებსაც. ასე მაგალითად, რომაელი პლინიუს უფროსი მოგვითხრობს — პალესტინაში ყოფნის დროს მკედარი ზღვის სანაპიროზე ესეველთა დიდი დასახლება ენახეო. ალბათ ეს ის დასახლება იყო, რომლის ნანგრევებიც ხირბათ-კუმრანში აღმოჩნდა. ესეველებზე წერენ აგრეთვე ებრაელი ისტორიკოსი იოსებ ფლავიოსი და ფილონ ალექსანდრიელი.

ნანგრევებში ნაპოვნი მონეტა, რომელიც მოჭრილი ყოფილა ჩვენი წელთაღრიცხვის 68 წელს, საშუალებას გვაძლევს, წარმოვიდგინოთ კუმრანის ბედი. იერუსალიმში ებრაელი ხალხის აჯანყებამ იფეთქა. ამბობებულთა წინააღმდეგ გაგზავნეს სისასტიკით განთქმული მეათე რომაული ლეგიონი. იერუსალიმის ტაძარი დაწვეს და აჯანყება სისხლში ჩაახრჩვეს. ამის შემდეგ ესეველებს თავიანთი ბედის შესახებ არავითარი ილუზიება აღარ ჰქონდათ. ჯარისკაცები ქვეყანას მარცვავენ. საფრთხე თანდათან მოიწვედა ესეველებისაკენ. ამიტომ მათ, უპირველეს ყოვლისა, წიგნების გადარჩენაზე იზრუნეს. ძვირფასი გრაგნილები თიხის ჭურჭლებში ჩააწყვეს და ძნელად მისაგნებ გამოქვაბულში შეაფარეს. ალბათ, იმედი ჰქონდათ, როგორც კი დაცხრება ომი და შფოთი, მაშინვე ხელახლა შეეუდგებიან ჩვენს საქმესო.

გამოქვაბულში ნაპოვნი საბუთებს შორის ფრიად მნიშვნელოვანი ძეგლია ერთი გრაგნილი, რომელიც შეიცავს კუმრანის საზოგადოების საწესჩვეულებო კანონებს, გადმოცემებს, მორალურ მოძღვრებასა და ორგანიზაციულ პრინციპებს. ამ საბუთიდან ვგებულობთ, რომ ესეველები მტკიცედ იცავდნენ ქონებრივ ერთობას. ყოველდღე, მზის ჩასვლისას, სექტის წევრები საზეიმო ტანსაცმელს იცვამდნენ, განიწმინდებოდნენ აუზში და

სხდებოდნენ საერთო სერობაზე, რომელზეც წინამძღვარი პურ-
სა და ღვინოს აკურთხებდა. ესეველები ქადაგებდნენ მოყვასის
სიყვარულს, სიღარიბეს, მოწყალების გაღების აუცილებლობას,
კიცხავდნენ მონობას და სწამდათ, რომ გამოჩნდებოდა ღვთის
მიერ ცხებული დიდი წმინდანი, რომელიც დედამიწაზე მშვი-
დობასა და სამართლიანობას დაამყარებდა.

რატომ გახდა ეს ძველი გრაგნილი დაუსრულებელი დავისა
და კამათის მიზეზი? საქმე ის გახლავთ, რომ ესეველები საოც-
რად ჰგავდნენ პირველ ქრისტიანებს. ამიტომ აღმოსავლეთმცო-
დენტთა ერთმა ჯგუფმა, დიუპონ-სომერის მეთაურობით, გამოთქვა
აზრი, რომ სწორედ ესეველები წარმოადგენენ იმ შემაერთე-
ბელ რგოლს იუდაიზმსა და ქრისტიანობას შორის, რომელიც
მეცნიერებაში აქამდე აღმოჩენილი არ ყოფილა.

ბოლო სიტყვაობა

პოლონელი მწერლის ზენონ კოსიდოვსკის „ბიბლიური თქმულებები“ საბჭოთა მკითხველმა ათიოდე წლის წინათ გაიცნო რუსული თარგმანის მეშვეობით. ეს წიგნი ჩვენში მეორედაც გამოქვეყნდა და სწრაფად მოიპოვა პოპულარობა.

„ბიბლიური თქმულებები“ საინტერესო და თავისებური თხზულებაა. ავტორმა განიზრახა, გაეცნო მკითხველისათვის ძველი აღთქმის შინაარსი და ამასთან ერთად მიეწოდებინა მეცნიერული თვალსაზრისით სანდო ცნობები მის შესახებ.

ზ. კოსიდოვსკი ნამდვილი მეცნიერის თვალთ უყურებს ბიბლიას. ბიბლიის შექმნის ისტორიის განხილვისას იგი იყენებს დიდძალ სამეცნიერო ლიტერატურას; მის წიგნში თავმოყრილია და შეჯამებული თანამედროვე და წარსული დროის მკვლევართა მიერ მოპოვებული უმდიდრესი მასალა. ამავე დროს „ბიბლიურ თქმულებებს“ სულაც არ ემჩნევა გადატვირთულობა სპეციალური მასალით, იგი დაწერილია სადად და გასაგებად; ავტორის მსუბუქი იუმორი და ნათელი მსჯელობა მკითხველს უადვილებს მისი შინაარსის გაგებასა და აღქმას.

ზ. კოსიდოვსკიმ „ბიბლიურ თქმულებებში“ მოინდომა ეჩვენებინა, თუ როგორ აისახა ისტორიული სინამდვილე ებრაულ ბიბლიაში — წიგნში, რომლის ავტორი ხალხია და რომლის შექმნასა და საბოლოო სახით ჩამოყალიბებას მრავალი საუკუნე დასჭირდა. ზ. კოსიდოვსკი არსად არ წარმოგვიდგენს ბიბლიის ისტორიას გაუბრალოებული სახით; ამ წიგნში ნათლადაა ნაჩვენები, რომ ბიბლიის კვლევა გულისხმობს ურთულესი საკითხების შესწავლას ისტორიის, არქეოლოგიის, ენათმეცნიერებისა თუ ლიტერატურის სფეროში. ავტორმა გვჩვენა, რომ წიგნი, ან, უკეთ, წიგნთა კრებული, რომელსაც დღეს „ბიბლიას“ ვუწოდებთ, მრავალგზის გადამუშავებულ და გადანასწორებ მასალას შეიცავს, რომ მასში მრავალი განსხვავებული რელიგიური თუ იდეოლოგიური კონცეფციის კვალი ჩანს; ამ წიგნის მკითხველისათვის ცხადი ხდება, რომ ბიბლიაში შეტანილია ზოგიერთი უპეკლესი, კაცობრიობის ჩვენთვის ცნობილი ისტორიის დასაწყისში შექმნილი მითი და მასთან ერთად — საუკუნეთა განმავლობაში შეცვლილი და გადაკეთებული თხრობა ნამდვილად მომხდარი ამბების შესახებ; პოლონელმა ავტორმა ისიც თვალნათლივ გვაჩვენა, რომ ბიბლიაში აწერილი ამბების გადმოცე-

მაში არსებული უთვალავი შეუსაბამობა, აშკარა შინაარსეული წინააღმდეგობა და ანაქრონიზმი მოულოდნელი და გასაკიცხავი არაა; რომ ბიბლიის გმირთა მსჯელობა და მოქმედება — თანამედროვე ადამიანის თვალსაზრისით ზოგჯერ მიაშიტი და გულუბრყვილო, ზოგჯერ კი უზნეოცა და სასტიკიც, დღევანდელი მორალის ნორმების მიხედვით მიუღებელი — შეესაბამება იმდროინდელ ისტორიულ პირობებს და მაშინდელ ადამიანთა მსოფლმხედველობას. მოკლედ რომ მოვკრათ, ზ. კოსიდოვსკის წიგნი არის ნაწროში მწერლისა და მეცნიერისა, რომელმაც ბიბლიაზე მსჯელობისას შეძლო ძირითადად სწორად გაეგნო ვზა ბრმა რწმენის სცილასა და იაფფასიანი ნიპილიზმის ქარიბდას შორის.

ზ. კოსიდოვსკის წიგნში ზოგი დებულება სადაეოა; ზოგიერთი ცნობა შეიძლება მოძველებულიც იყოს; ბოლო ხანებში ისტორიული და არქეოლოგიური ძიება მახლობელ აღმოსავლეთში ძალიან ინტენსიურია, ამიტომ განუწყვეტლივ მატულობს ახალი მასალა — ზოგჯერ გასაოცარი და მოულოდნელი. ეს გარემოება სულაც არ ამცირებს „ბიბლიურ თქმულებათა“ ღირებულებას; უნდა გვახსოვდეს ისიც, რომ ბიბლიის შედგენილობისა და ისტორიის ვრცლად გადმოცემა ერთ წიგნში შეუძლებელია. ზ. კოსიდოვსკიმ თავისი წიგნი მთლიანად მონადღომა ბიბლიის ერთ ნაწილს — ძველ აღთქმას, რომელიც ძველ ებრაულ ენაზეა დაწერილი. „ბიბლიურ თქმულებებში“ განსილული არ არის ბიბლიის მეორე, პირველთან შედარებით გვიანდელი ნაწილი — ახალი აღთქმა, რომელშიც აღწერილია ძირითადად იესო ქრისტეს და მის მოწაფეთა ცხოვრება და მოღვაწეობა. ახალი აღთქმა ებრაულ ბიბლიაში არ არის.

ძველი აღთქმის სხვადასხვა ნაწილსაც თანაბარი ყურადღება არ ექცევა ამ წიგნში. „ბიბლიურ თქმულებათა“ ავტორი ძალიან დაწვრილებით გადმოსცემს და არჩევს ძველი აღთქმის ზოგ წიგნს, მაგალითად, „დაბადებას“ ანუ „შესაქმეს“, „გამოსვლათა“, „მსაჯულთა“, „ისუ ნავეს“ წიგნებს. სხვებს იგი ნაკლებ ადგილს უთმობს, ზოგს კი ორიოდ სიტყვით ახსენებს. ეს იმიტომ მოხდა, რომ ზ. კოსიდოვსკიმ — ნებით თუ უნებლიეთ — თავისი წიგნის ძირითადი ნაწილი მონადღომა ბიბლიის კვლევას ისტორიული თვალსაზრისით; ავტორმა დეტალურად განიხილა ძველი აღთქმის ცალკეული ნაწილები იმის გასარკვევად, თუ როგორ არის ნაჩვენები ბიბლიურ წიგნებში ებრაული ხალხის ნამდვილი ისტორია. „ბიბლიურ თქმულებებში“ ნაკლებია თქმული ბიბლიაზე — ლიტერატურულ ნაწარმოებზე. იქნებ ამიტომაა, რომ პოლონელი ავტორის ფხულებასი ფსალმუნს — ებრაული და მსოფლიო პოეზიის შედევრს — ძალზე ცოტა ადგილი აქვს დათმობილი; თითქმის სულ არაფერია ნათქვამი ე. წ. „სიბრძნის ლიტერატურაზე“, თუმცა ეს ყანრი მახლობელ აღმოსავლეთში ძალზე პოპულარული იყო ძველად; გარდა ამისა, მსოფლიო გაკვრით არის ნახსენები ებრაული ბიბლიური ტექსტის თანდათანობითი ჩამოყალიბებისა და რედაქტირების ისტორია. მისი ცოდნა კი აუცილებელია, თუ გვსურს სწორი წარმოდგენა გვექონდეს ებრაული ბიბლიისა და მისი თარგმანების შესახებ.

მიუხედავად ამისა, ზ. კოსიდოვსკის „ბიბლიური თქმულებები“ უთუოდ საყურადღებო წიგნია. დიდძალი მეცნიერული ინფორმაციის შემცველი, ცოცხალი და ხატოვანი ენით დაწერილი წიგნი უკვე დიდი ხანია გაიცნო და შეითვისა მკითხველმა საზოგადოებამ.

ჩვენს დროში ძალზე დიდია ინტერესი ძველი სამყაროსადმი, კოსმოსისა და ატომის ეპოქაში პარადოქსალურად არ უნდა გვეჩვენოს სურვილი გარდასულ ყამათ საიდუმლოების ამოხსნისა, წარსულ ცივილიზაციათა და მკედარ ენებზე არსებულ ლიტერატურათა შესწავლისა. პირველყოფილი ადამიანის კაჟის იარაღის, ფერფლით დაფარულ ნაქალაქართა თუ უცნობ დამწერლობათა კვლევას დღეს თავისი ადგილი უჭირავს თანამედროვე მეცნიერების აქტუალურ პრობლემათა შორის. ამას ისიც მოწმობს, რომ ბოლო ხანებში დაიწერა და გავრცელდა მრავალი წიგნი, რომლებშიც მოთხრობილია ისტორია მსგავსი კვლევისა და აღმოჩენებისა; მკითხველის წიგნის თაროზე, ხელოვანთა, მხატვართა და მუსიკოსთა ბიოგრაფიებთან ერთად, გამოჩნდა სხვა წიგნებიც: მათი გმირები არიან მეცნაურები — არქეოლოგები, ანთროპოლოგები, ლინგვისტები... ამგვარი ლიტერატურის მიწოდება ქართველი მკითხველისათვის, განსაკუთრებით ახალგაზრდებისათვის, დროულია და მიზანშეწონილი. ქართულად უკვე დაიბეჭდა რამდენიმე ასეთი წიგნი: კ. კერამის „ღმერთები, აკლდამები და მეცნიერები“ (თარგმნა ლ. ჯანაშიამ). ფრანგი მწერლის ლეო ტაქსილის „სახალისო ბიბლია“ და „სახალისო სახარება“ (ორივე ნათარგმნია ა. გელოვანის მიერ) და სხვა. ზ. კოსიდოვსკის „ბიბლიურ თქმულებათა“ ქართული თარგმანის გამოქვეყნება ამ უკვე ჩამოყალიბებული კარგი ტრადიციის განგრძობას ნიშნავს. ზ. კოსიდოვსკის თხზულება რამდენიმე წლის წინათ თარგმნა აწ განსვენებულმა ფილიპე ბერიძემ: სამწუხაროდ, მთარგმნელი „ბიბლიურ თქმულებათა“ დაბეჭდვას ვერ მოესწრო. უეჭველია, რომ ეს წიგნიც საინტერესო იქნება ქართველი ახალგაზრდობისათვის და ბევრს ახალს შესძენს მათ.

ზ. კოსიდოვსკის წიგნიდან ნათლად ჩანს, რომ ძველ აღთქმაში მოთხრობილი ამბები სხვადასხვა ეპოქას განეკუთვნება. ბუნებრივია, რომ მათი ჩაწერა და ლიტერატურული დამუშავებაც სხვადასხვა დროს ხდებოდა. ძველი აღთქმა არის ძალზე რთული ისტორიის მქონე ლიტერატურული ძეგლი. მასში შემავალი ნაწარმოებები, რომლებიც სულ სხვადასხვა ხასიათისაა, იქმნებოდა ერთი ათასწლეულის განმავლობაში. ლინგვისტური და ისტორიული ანალიზის შედეგად გაირკვა, რომ ებრაული ძველი აღთქმის უძველესი ნაწილია დებორას საგალობელი, რომელიც მსაჯულთა წიგნის ტექსტშია შეტანილი. ეს საგალობელი დაწერილია ძვ. წელთაღრიცხვის XIII — XII საუკუნეებში. ხოლო დანიელის წიგნი შექმნილია გვიან, ელინისტურ ეპოქაში. ცნობილია (ამ ფაქტს ზ. კოსიდოვსკიც ახსენებს), რომ დანიელის წიგნში მინიშნებულია რეალური ისტორიული ფაქტები, რომელთა მიხედვით წიგნის დაწერა უნდა ვივარაუდოთ ძვ. წ. 167 წლის მახლობელ ხანაში. უნდა

შენიშნოთ ისიც, რომ დანიელის წიგნში ტექსტის ნაწილი დაწერილია არა ძველ ებრაულ ენაზე, არამედ არამეულზე. ენაზე, რომელსაც ებრაელებმა შეითვისეს გვიან, ბაბილონის ტყვეობის შემდეგ.

შინაარსობრივად განსხვავებული და სხვადასხვა დროს შექმნილი მრავალი თხზულების ერთ წიგნად გაერთიანებას დიდი დრო დასჭირდა. ძვ. წელთაღრიცხვის V საუკუნეში ეზრამ, რომელმაც მრავალი რელიგიური და პოლიტიკური რეფორმა ჩაატარა, ხელი მოჰკიდა ბიბლიური წიგნების რედაქტირებას. მან შეკრიბა, გაასწორა და ერთ კრებულში მოაქცია ძველი აღთქმის ერთ-ერთი ძირითადი ნაწილი — მოსეს ხუთი წიგნი ანუ ხუმაში (თორა). მოსეს ხუთწიგნეული წარმოადგენს ებრაული კანონიკური ძველი აღთქმის ტექსტის პირველ ბირთვს. ძვ. წელთაღრიცხვის II საუკუნეში, ხუთწიგნეულის გარდა, ცნობილი იყო მეორე ბიბლიური კრებულები — წინასწარმეტყველთა წიგნები. ძვ. წელთაღრიცხვის IV — III საუკუნეებში ძველი აღთქმის შედგენილობას თანდათანობით შეემატა სხვა ნაწილებიც. რომლებიც ძველი აღთქმის კანონიკურ ტექსტშია შეტანილი (ეკლესიასტე, იგაენი, ცალკეული ფსალმუნები და სხვა). სინედრონის რაბინთა კრება იამნიაში (ახ. წ. 90—100 წ. წ.) წარმოადგენდა შემდგომ ეტაპს ებრაული ბიბლიის ჩამოყალიბებისას. ამ კრებაზე, რომელსაც რაბი აკიბა მეთაურობდა, დავა იყო ისეთი წიგნების ბიბლიის შემადგენლობაში შეტანაზე, როგორიცაა ქებათა ქება, ეკლესიასტე, ივდითის წიგნი, სიბრძნე სოლომონისი და სხვა.

იამნიის კრებამ ებრაული ბიბლიის შემადგენლობა და ტექსტის ხასიათი საბოლოოდ ვერ დაადგინა და ებრაულ ბიბლიას ერთიანი სახე ვერ მისცა. ხუთი თუ ექვსი საუკუნის განმავლობაში ბიბლიის წიგნები განსხვავებულ ტრადიციას მისდევდნენ. ერთი და იგივე წიგნები სხვადასხვა მოცულობისა იყო, ზოგი უფრო მოკლე, ზოგი ვრცელი. ნათი შინაარსიც ზოგჯერ მეტნაკლებად განსხვავებული იყო.

საბოლოო რედაქცია ებრაული ბიბლიური ტექსტისა მოხდა ჩვ. წ. VII — IX საუკუნეებში. ებრაელმა რედაქტორებმა განსაზღვრეს ბიბლიის კანონიკურ ტექსტში შემავალი წიგნების რაოდენობა, მოცულობა, თანმიმდევრობა, დანაწილება (თავებად და მუხლებად დაყოფა) და მისცეს ებრაულ ბიბლიას ის საბოლოო სახე, რომლითაც ჩვენ მას ამჟამად ვიცნობთ. ამ ტექსტს მასორეთულს უწოდებენ (მასორა, როგორც ვარაუდობენ, ებრაულად „ტრადიციას“, „გადმოცემას“ ნიშნავს). რედაქტორებმა, რომლებიც რამდენიმე საუკუნის განმავლობაში ეწეოდნენ მუშაობას ებრაული ბიბლიის ტექსტზე, საბოლოოდ გასაოცარ შედეგს მიაღწიეს. მათ შეიმუშავეს ერთიანი ტექსტი, რომელშიც თითქმის არ არის განსხვავებული ადგილები და ვარიანტები. აი ეს ერთიანი, მთლიანი, დადგენილი ტექსტი ებრაული ბიბლიისა — მასორეთული ტექსტი არის ის, რაც ჩვეულებრივ მიაჩნიათ „ებრაულ დედნად“. მაგრამ, როგორც დაეინახეთ, მასორეთული ტექსტი თვითონ არის გვიან ჩამოყალიბებული. მასორეთული ბიბლიის დღეს ცნობილი ხელნაწერებიც გვიანდელია. ყველაზე ადრეული 895 წ. არის გადაწერილი. (ინახება

ლინდონში, ბრიტანეთის მუზეუმში). აღსანიშნავია, რომ ორი უძველესი და უმნიშვნელოვანესი ხელნაწერი მასორეთული ბიბლიისა დაკულია საბჭოთა კავშირში, ლენინგრადში (გადაწერილი 916 და 1008 წ.). საქართველოშიც მოიპოვება საყურადღებო ნუსხა მასორეთული ტექსტისა. ეს არის ე. წ. „ლაილაშის ბიბლია“, ჩამოტანილი ლეჩხუმიდან. სოფ. ლაილაშიდან; იგი ინახება თბილისში, ხელნაწერთა ინსტიტუტში; აკად. გ. წერეთელმა, სემიტური ენების სპეციალისტმა, იგი X — XI საუკუნეებით დაათარილა.

მასორეთების მიერ ჩატარებულ მუშაობაში საგანგებოდ უნდა მიექცეს ყურადღება ტექსტის გახმოვნებას. ადრე ბიბლიის ტექსტები იყო კონსონანტური ანუ თანხმოვნური; სიტყვებს არ წერდნენ მთლიანად — იწერებოდა მხოლოდ თანხმოვნები, ხოლო ხმოვნები გამოტოვებული იყო. ასეთი სისტემა დაწერილობისა გვხვდება ყველა სემიტურ ენაში: ხმოვანთა ნიშნები მოგვიანებითაა შემოღებული და დღესაც არ ითვლება საკვალდებულოდ ყველგან მათი გამოყენება; მაგალითად, დღესაც ჩვეულებრივია „თანხმოვნური“ დაწერილობა არაბულში.

მასორეთული ტექსტის რედაქტორებმა ტექსტში აღნიშნეს ხმოვნები. პუნქტუაცია და მახვილები; ეს იყო უდიდესი მნიშვნელობის მოვლენა. ტექსტის გახმოვნება გახდა ერთ-ერთი ძირითადი ფაქტორი მისი უნიფიკაციისა; ამის შემდეგ უკვე შეუძლებელი იყო ერთი და იმავე თანხმოვნური ტექსტის სხვადასხვაგვარად წაკითხვა¹ და გაგება, რაც ადრე სშირად ხდებოდა: ამას მოწმობს ბიბლიის თარგმანი, პირველ რიგში ბერძნული სეპტუაგინტა.

მასორეთული ტექსტის გაერცელებამ გამოიწვია ყველა უფრო ადრეული ხელნაწერის ხმარებიდან გამოსვლა; არ არის გამორიცხული აგრეთვე შესაძლებლობა, რომ მათ შეგნებულად სპობდნენ. სწორედ ამიტომ იყო, რომ 1949 წ. კუმრანის ხელნაწერთა აღმოჩენამ მეცნიერთა შორის დიდი სენსაცია გამოიწვია. არაბმა მწყემსმა ბიჭმა შემთხვევით მიაგნო რამდენიმე ხელნაწერს; ამას მრავალი სამეცნიერო ექსპედიცია მოჰყვა და მკვდარი ზღვის სანაპიროზე, ხრიოკ უდაბნოში, კლდოვან გამოქვაბულებში აღმოჩნდა ექვსასამდე სხვადასხვა წიგნის ათეული ათასობით ფრაგმენტი. არქეოლოგებისა, რესტავრატორებისა, ისტორი-

¹ საილუსტრაციოდ შეიძლება ასეთი ქართული მაგალითი მოვიყვანოთ: სრ თანხმოვნები შეიძლება „გავახმოვნოთ“ და წავიკითხოთ, როგორც ისარი (სახ. ბრ.) და ისარო (წოდ. ბრ.) სემიტურ ენებში სიტყვის თანხმოვნური ნაწილი (მას „ძირს“ უწოდებენ) სიტყვის ლექსიკური მნიშვნელობის მაჩვენებელია; ხოლო გრამატიკული მაწარმოებლები მეტწილად ხმოვნითაა ნაჩვენები. ერთი ძირის სხვადასხვაგვარმა გახმოვნებამ შესაძლოა ზმნაც მოგვეს, მსგავსი მნიშვნელობის სახელიც. გარდა ამისა, სხვადასხვაგვარი გახმოვნება სემიტურ ენებში ზოგჯერ სრულიად განსხვავებულ ლექსიკურ მნიშვნელობებსაც იძლევა (შდრ. ქართული სრა, სარი, სერი, სარო, სორო, სურა, სურო სეირი და სხვ.)

კოსთა და ენათმეცნიერთა ინტენსიური მუშაობის შედეგად მრავალი მათგანი შეერთებულია, წაითხული, შესწავლილი და გამოცემული. ამ ხელნაწერთა შორის ებრაული ბიბლიური ტექსტებიც არის (უძველესი მათგანის თარიღია ძვ. წ. III ს.) და მათი მნიშვნელობა ბიბლიის ისტორიისათვის ძალიან დიდია (კუმრანის ხელნაწერებში ნაპოვნია ყველა ბიბლიური წიგნის ფრაგმენტები, გარდა ესთერისა). დადასტურდა ვარაუდი, რომ მასორეთული ტექსტის ცალკეული ნაწილები ზოგჯერ ძალზე განსხვავებული უნდა ყოფილიყო ადრეულისაგან. მოვიყვანთ ერთ მაგალითს: ფსალმუნთა წიგნი მასორეთულ ბიბლიაში შეიცავს 150 ფსალმუნს. ხოლო კუმრანში აღმოჩენილ „ფსალმუნთა გრაგნილში“ არის რამდენიმე ფსალმუნი, რომელიც არ არის მასორეთულ ტექსტში და მოიპოვება ბერძნულ და სირიულ თარგმანებში; ამათ გარდა, „ფსალმუნთა გრაგნილში“ არის აქამდე სრულიად უცნობი ფსალმუნებიც; კუმრანის ხელნაწერში განსხვავებულია ფსალმუნთა რიგიც, რომელიც მასორეთულს არ მისდევს. „ფსალმუნთა გრაგნილი“, ისევე როგორც მკვდარი ზღვის ყველა ებრაული ხელნაწერი, გაუხმოვნებულია.

ებრაული ბიბლიისა თუ მისი ცალკეული ნაწილების თარგმნა სხვა ენებზე ძალიან ადრე დაუწყიათ. ყველაზე ძველი თარგმანთა შორის არის ბერძნული, რომელიც ცნობილია სექტუაგინტას სახელწოდებით. მისი უძველესი ნაწილი (მოსეს ხუთი წიგნი) ნათარგმნია ძვ. წელთაღრიცხვის II საუკუნეში, ეგვიპტეში, იქ დამკვიდრებული ებრაული კოლონიისათვის, რომლის წევრებს თითქმის დავიწყებული ჰქონდათ მშობლიური ენა. არსებობს ლეგენდა, თითქოს ეს თარგმანი შეუსრულებია სამოცდათორმეტ ბრძენს; მთარგმნელები შერჩეული ყოფილან ისრაელის თორმეტი ტომიდან, თითოეულიდან ექვს-ექვსი. სახელწოდება „სექტუაგინტა“ ლათინურად „სამოცდაათს“ ნიშნავს (ზოგიერთი გადმოცემით, მთარგმნელი ამდენი ყოფილა).

სექტუაგინტა ნათარგმნია მასორეთული ტექსტის წინადროინდელი დედნებიდან და ზოგ შემთხვევაში საკმაოდ განსხვავდება მასორეთული ებრაული ბიბლიისაგან. მაგალითად, იერემიას წიგნი სექტუაგინტაში უფრო მოკლეა, ვიდრე მასორეთულ ბიბლიაში, დაახლოებით მერვედი ნაწილით, თავების თანმიმდევრობაც სხვაგვარია. ფსალმუნთა წიგნში მეცხრე ფსალმუნის შემდეგ ბერძნულის ნუმერაცია მასორეთულისაგან ერთით ჩამორჩება, რადგან სექტუაგინტას ებრაულ დედანში მეცხრე და მეთექვსმეტი ფსალმუნების ტექსტი გაერთიანებული იყო. სექტუაგინტის თარგმანი ცალკეულ შემთხვევებში შინაარსობრივადაც განსხვავებულია; ეს სხვაობა ზოგჯერ იმის შედეგია, რომ მთარგმნელებს მასორეთულისაგან განსხვავებული ებრაული დედანი ჰქონდათ ხელთ; ხან კი მათ დედანი ვერ გაუგიათ და ტექსტი შეცდომით უთარგმნიათ; ასეთი შეცდომების მიზეზი ხშირად სწორედ ებრაული უხმოვნო ტექსტი იყო: მაგალითად, ებრაული უხმოვნო ტექსტის **ს ლ ბ**, რომელიც ფს. 118.70 გვხვდება და „ქონს“ ნიშნავს (ებრ. ხელბ), მთარგმნელებმა გაიგეს როგორც „რძე“ (ხალაბ) და ასეც თარგმნეს.

სექტუაგინტა ადრექრისტიანულ სამყაროში მეტად გავრცელებული იყო. აქედან მომდინარეობს მრავალი სხვა თარგმანი; მის მიხედვით არის გასწორებული აგრეთვე ზოგი სხვაც. მათ შორის უშუალოდ ებრაულიდან შესრულებულიც.

საქართველოში, უძველესი ქრისტიანული კულტურის ქვეყანაში, ბიბლიის თარგმანებს დიდი ხნის ისტორია აქვს. ჩვენში ბიბლიის ცალკეული ნაწილების თარგმნა დაუწყიათ ძალიან ადრე. IV — V საუკუნეებში. ივარაუდება, რომ ყველაზე ადრე ნათარგმნი უნდა იყოს ფსალმუნი (ძველი ალთქმიდან) და სახარება (ასალი ალთქმიდან). უძველეს ქართულ ტექსტებში, რომლებიც V—VI საუკუნეებშია დაწერილი, შემორჩენილია სახარების სხვადასხვა ნაწევრებიც. მაგალითად: „ვი-თარცა სესმა ესე, გამოვიდეს და ხიელტოდეს მიერ საფლავით, რამეთუ შეძრწუნებულ სიყენეს და დაკრეებულ. და არარაჲ ვის სუთსრეს, რამეთუ ხეშინოდა“ (მარკოზ 16.8). ასეთ ტექსტებს „სანმეტს“ უწოდებენ: ეს ტერმინი ნახსენები აქვს XI საუკუნის ცნობილ მთარგმნელს გიორგი მთაწმინდელს, რომელმაც სახარება ხელასლა ლარგმნა და „ანდერძში“ (ბოლოსტყუაობაში) ითხოვა: ჩემს თარგმანში სხვისას ნუ გაურევთ გადაწერისას და. თუ ჩემი არ მოგწონთ, ხანმეტი ან საბაწმინდური გადაწერეთო. „სანმეტს“ გიორგი იმიტომ ეძახის ამ უძველეს თარგმანებს, რომ იქ ზმნებში იხმარება (გარკვეულ გრამატიკულ ნიშნად) ხ, რომელიც გიორგის დროს (და უფრო ადრეც, უკვე VIII საუკუნეში) ენაში გამქრალი იყო (დღეს იგი შემორჩენილია მხოლოდ ხარ და ხვალ (წახვალ, მოხვალ) ზმნებში. ხანმეტი ტექსტები, უკეთ რომ ეთქვათ, მათი ფრაგმენტები დღესაც საკმაოდ მრავლად გვაქვს შემორჩენილი; ბევრი მათგანი ჯერჯერობით შეუსწაველია. მაგრამ ახლაც შეიძლება ითქვას, რომ ქართულ ენაში სანმეტობის არსებობის დროს, მაშასადამე, V — VII საუკუნეებში ქართულად ნათარგმნი უნდა ყოფილიყო მთელი ბიბლია — როგორც ძველი, ისე ახალი ალთქმა, რადგან ამ პერიოდის ხელნაწერებში მრავალი სხვადასხვა ბიბლიური წიგნის ფრაგმენტები მოიძეება.

უფრო მოგვიანებით, IX—X საუკუნეებში, ძველი და ახალი ალთქმის წიგნთა ხელნაწერები მატულობს. უძველესი თარიღიანი ხელნაწერი ახალი ალთქმისა — ადიშის დიდებული ოთხთავი გადაწერილია 897 წელს, იგი წარმოშობით სამხრეთ საქართველოს განეკუთვნება. გადაიწერა შატბერდში, მაგრამ დიდხანს ინახებოდა სვანეთში, სოუელ ჰადიშში, და სახელიც იქიდან აქვს შერქმეული (ამჟამად ადიშის ოთხთავი მესტიის მუზეუმშია). X საუკუნეშია გადაწერილი კიდევ სხვა რამდენიმე ოთხთავი (ჯრუჭისა 936 წ., პარჯისა 973 წ. და სხვა).

განსაკუთრებული მნიშვნელობის მქონეა ძველი ალთქმის უძველესი ქართული ხელნაწერი, რომელსაც ოშკის (ზოგჯერ ათონის) ბიბლიას ეძახიან. სახელოვანმა მხედართმთავარმა, ბარდა სკლიაროსის დამმარცხებელმა იოვანე თორნიკე-ყოფილმა იგი 978 წელს გადააწერინა ოშკში (სამხრეთ საქართველოში) და შესწირა საბერძნეთში, ათონის

მთაზე ახლად დაარსებულ ქართველთა მონასტერს: ამ ხელნაწერის ერთ-ერთი ანდერძი გვაუწყებს: „დაიწერა წმიდამ ესე წიგნი ლავრასა. შინა დიდსა ოშქს... მე, იოვანე თორნიკ-ყოფილმან, ძემან სულკურთხელისა ჩორდვანელისამან, მოვიგე წმიდამ ესე წიგნი... დაიწერა. წმიდამ ესე წიგნი კელითა სამთა მწერალითაჲთა; მიქაელისითა, გეორგისითა და სტეფანესითა... ოდეს ესე წიგნი დაიწერა, ქრონიკონი იყო რქმ (ქრონიკონი რქმ ანუ 298 = 978 წ.) ეს უძვირფასესი ხელნაწერი, რომელიც თავის დროზე სამი უზარმაზარი წიგნისაგან შედგებოდა და შეიცავდა მთლიან ძველ ალექმას (ფსალმუნის, ნეშტთა და მკაბულთა წიგნების გარდა) დღესაც ათონის მთაზე ინახება, ოღონდ ძალზე ზაკლული და დაზიანებული. ოშქის ბიბლია საქართველოში ცოტა ხნით ჩამოიტანეს XIX საუკუნეში და ხელით გადაწერეს მისი რამდენიმე პირი, ამჟამად კი მოგვეპოვება ამ დიდებული ქართული ხელნაწერის ფოტოპირიც.

ათონის ქართველთა მონასტერში X საუკუნეში ინტენსიური მთარგმნელობითი საქმიანობა მიმდინარეობდა. ათონელებმა მოინდომეს მრავალი ძველი ქართული თარგმანის ახლით შეცვლა. რადგან ძველი, სხვადასხვა მიზეზთა გამო, მათ მოსაწონად აღარ მიაჩნდათ. ათონელ მოღვაწეებს მთელი ბიბლია არ უთარგმნიათ, მაგრამ მისი ცალკეული ნაწილების თარგმანი კი შეუსრულებიათ. ექვთიმე ათონელს უთარგმნია ფსალმუნი (დავითნი) და ახალი ალექმის ორი ნაწილი — სახარება — ოთხთავი და იოანეს გამოცხადება (აპოკალიფსი). ექვთიმეს თარგმანები, რაღაც მიზეზთა გამო, არ გავრცელებულა და სულ მალე ექვთიმეს შემდეგ გიორგი მთაწმიდელს მოუკიდებია ხელი იმავე საქმისათვის; გიორგის ხელახლა უთარგმნია ფსალმუნი და ახალი ალექმა. გიორგი თავის მუშაობას თვითონვე უწოდებს თარგმანს, მაგრამ დღევანდელი თვალსაზრისით მისი ნამუშევარი დამოუკიდებელი, ახალი თარგმანი არ არის; გიორგი იღებდა ძველ ტექსტს და ნაწილობრივ ასწორებდა მას, ასე რომ იგი ამ შემთხვევაში რედაქტორი უფროა. ვიდრე მთარგმნელი. XII საუკუნეშიც უცდიათ ქართული ბიბლიის ხელახლა თარგმნა თუ გასწორება. ამ დროისაა ე. წ. „გელათის ბიბლია“, რომელშიც შემორჩენილია ძველი ალექმის წიგნების ნაწილი. „გელათის ბიბლია“ თავისი ტექსტის მიხედვით საქმაოდ განსხვავდება ათონური ხელნაწერისაგან.

საქართველოს თავზე დატეხილ ისტორიულ ძნელბედობას XIII საუკუნეში მრავალი სავალალო შედეგი მოჰყვა. XIII — XVII-ში მრავალი უძველესი ძველი ქართული მწერლობისა განადგურდა. XVII საუკუნისათვის, როგორც ჩანს, ქართველებს აღარ მოეპოვებოდათ ბიბლიის ერთიანი, საყოველთაოდ მიღებული და გავრცელებული ტრადიციული ტექსტი. ამიტომაც იყო, რომ დიდი მწერალი და მეცნიერი, ქართული ლექსიკონის — „სიტყვის კონის“ ავტორი, სულხან-საბა ორბელიანი, ხელახლა შესდგომია ბიბლიის წიგნებზე მუშაობას. მას შეუკრებია ის წიგნები, რომლებზედაც ხელი მიუწვდებოდა, დაუყვია ისინი თავებად და მუხლქებად და ზოგი რამ, შესაძლოა, გაუსწორებია კიდევაც. საბას ვერ

დაუმთავრებია ეს შრომა: მისი ნარედაქციევი ტექსტის ერთადერთი დღემდე შენახული ცალი, ე. წ. „მცხეთის ბიბლია“ სრული არაა, მასში ძველი ალექსის ყველა წიგნი არაა შეტანილი (იგი ინახება თბილისში, ხელნაწერთა ინსტიტუტში). აქა-იქ ტექსტში ცარიელი ადგილებია დატოვებული, ეტყობა, ნაუარაუდევი იყო მათი შემდგომ შეესება. საბას ამ საქმეში მოწინააღმდეგეებიც პყლია; ისინი ზოგიერთი სარწმუნოებრივი მოსაზრებით იწუნებდნენ საბას ნაშრომს და, შესაძლოა, მისი ნაწილებიც კი მოასპობინეს: „მცხეთის ბიბლიას“ ერთგან ასეთი მინაწერი აქვს: „ღმერთო, წარწყმიდე, ვინც დაბადების წიგნი დააწვევინა საბას“.

XVIII საუკუნეში ქართველმა მოღვაწეებმა ისევ დაიწყეს ზრუნვა ქართული ბიბლიისათვის. 1705 წელს მეფე არჩილმა მოსკოვში, მის მიერ გამართულ სტამბაში დაბეჭდა ფსალმუნი (გიორგი მთაწმიდლის ტექსტი). ვახტანგ მეექვსემ, რომელმაც თბილისში დააარსა საქართველოში პირველი სტამბა, 1709 — 1711 წლებში დაბეჭდა ფსალმუნი, ახალი ალექსა და წინასწარმეტყველთა წიგნები. ეს უკანასკნელი ძირითადად „გელათური ბიბლიის“ ტექსტს მიჰყვება. რუსეთში გადახეწილი ქართველი ბატონიშვილები, რომლებმაც მთლიანი ბიბლიის ტექსტის გამოცემა განიზრახეს, იძულებულნი იყვნენ თითქმის თავიდან დაეწყოთ დაფანტული და დაზიანებული წიგნების შეკრება და რედაქტირება. ეს სამუშაო დაიწყო არჩილ მეფემ და დაასრულეს ბაქარ და ვახუშტ ბაგრატიონებმა. 1743 წელს მოსკოვში გამოვიდა პირველი გამოცემა ქართული მთლიანი ბიბლიისა — ძველი და ახალი ალექსა. წიგნის წინასიტყვაობაში მოთხრობილია, თუ რა შრომა გასწიეს გამომცემლებმა ეამთა ვითარებაში „განწყუნილი“ და დაკარგული ბიბლიური წიგნების შეკრებისათვის. ეს გამოცემა — მას ხშირად „ბაქარის ბიბლიას“ უწოდებენ — არის დღესდღეობით ერთად-ერთი, რომელშიც ბიბლიის ტექსტი ქართულ ენაზე სრულად არის წარმოდგენილი. „ბაქარის ბიბლია“ არ არის ერთგვაროვანი შედგენილობისა: ნაწილი წიგნებისა გამომცემლებს შეუკრებიან სხვადასხვა წყაროებიდან, ნაწილიც ხელახლა უთარგმნიათ. ამას ვიგებთ წიგნის წინასიტყვაობიდან და ტექსტზე დაკვირვებაც ამასვე გვიჩვენებს: ამ გამოცემაში ფსალმუნი და ახალი ალექსა დაბეჭდილია გიორგი მთაწმიდლისეული ტექსტის მიხედვით (XI ს.); წინასწარმეტყველთა წიგნების ტექსტი ძირითადად „გელათური ბიბლიისას“ (XII ს.) იმეორებს და გადმობეჭდილია ვახტანგ მეექვსის გამოცემიდან, როგორც ვიგებთ წინასიტყვაობიდან. იგივე წინასიტყვაობა გვამცნობს, რომ ისო ზირაქისა და მაკაბელთა წიგნები გამომცემლებს სლავურიდან უთარგმნიათ, რადგან ძველი ტექსტი ვერ მოუპოვებიათ.

XIX საუკუნეში ხელახლა მოინდომეს ქართული მთლიანი ბიბლიის დაბეჭდვა¹. შეიქმნა საგანგებო კომისია, რომელმაც 1884 წელს გამო-

¹ ბიბლიის ცალკეული ნაწილები, მაგ., ფსალმუნი და ახალი ალექსა, XIX ს. და XX ს. დასაწყისში ბევრჯერაა გამოცემული. ყველა ეს გამოცემა საეკლესიო ხმარებისთვისაა განკუთვნილი და მეცნიერული თვალსაზრისით ზღინტერესოს არაფერს წარმოადგენს.

აქვეყნა ძველი ალთქმა ორ ტომად. კომისიამ გამოიყენა უმთავრესად ბაქარის გამოცემა და აქა-იქ გაასწორა ტექსტი ოშკის ბიბლიის ხელნაწერი პირების მიხედვით, რომელიც, როგორც ვთქვით, XIX საუკუნის შუა წლებში გადმოუღიათ საქართველოში ჩამოტანილი ხელნაწერიდან. სამწუხაროდ, ამ გამოცემაში არსად არაა ნაჩვენები, თუ რა ადგილებია შესწორებული და რითი განსხვავდება იგი 1743 წლის მოსკოვური გამოცემისაგან.

ამჟამად ინტენსიურად მიმდინარეობს ქართული ბიბლიური ტექსტების კვლევა. ბოლო ხანებში გამოქვეყნებულია ძველი და ახალი ალთქმის ცალკეული ნაწილები სხვადასხვა თარგმანებისა და ხელნაწერების მიხედვით, უკვე დაბეჭდილია ოშკის ბიბლიის ზოგი წიგნი (ნაწილი თბილისში, ნაწილი — პარიზში 1961 წ.). გამოქვეყნდა ფსალმუნი, ახალი ალთქმის უმნიშვნელოვანესი ტექსტები ძველი შატბერდული ნუსხების მიხედვით (897, 936 და 973 წლებისა), საქმე მოციქულთა, პავლეს ეპისტოლეები — „პაველნი“. როგორც ვხედავთ, ქართული ენისა და მწერლობის ამ უძველესი ძეგლის კვლევა ახლა მყარ ნიადაგზე დგას.

ძველი და ახალი ალთქმის წიგნების შესწავლამ, რომელიც შესაძლებელი გახდა ტექსტების გამოქვეყნების შემდეგ, გვიჩვენა: სხვადასხვა დროს, სხვადასხვა პირთა მიერ და, სავარაუდოა, სხვადასხვა დედნიდან ნათარგმნი ცალკეული ნაწილები ბიბლიისა ერთნაირი არ არის და არც შეიძლება იყოს. შინაარსეული და სტილისტურ-ენობრივი სხვაობა ერთი და იმავე ადგილის ორ თარგმანს შორის შესაძლოა ძალიან დიდიც იყოს; დავასახელებთ ორიოდვე მაგალითს: ფსალმუნის ძველ (მეათე საუკუნის ხელნაწერებში შემორჩენილ) თარგმანში ვკითხულობთ: „გულს-იდგინეს დამდაბლება ჩემი“, ხოლო ეგვევ ადგილი გიორგი მთაწმიდლის თარგმანში ასეთია: „თუალნი მათნი ყვნეს დადრეკილ“ (ფს. 16: 11). სხვა მაგალითი: „აქებდით მას სიხარულითა და გალობითა, აქებდით მას სიტყუთა ტკიბილითა“ (ფს. 150.4 — ძველი თარგმანი); „აქებდით მას ბობლნითა და მწყობრითა, აქებდით მას ძნობითა და ორლანოჲთა“ (გიორგი მთაწმ. თარგმანი). დავასახელებთ კიდევ ესაიას წინასწარმეტყველების ერთ ნაწყვეტს, რომლის სხვადასხვა თარგმანს თვალსაჩინოებისათვის ორ სვეტში მოვათავსებთ:

„მოიხუენ ფქვილნი, ფქვედ
ფქვილსა, აღიძარცუენ პირის სა-
ფარველი ეგე შენი, გამოაჩინენ
მცენი შენნი, აღიკრიფე კუბასტი
შენი. გამოაჩინენ წვენი შენნი,
წიაღჯედ მდინარეთა. გამოცხად-
ნეს სარცხუნელი შენი და გამოჩ-
ნდენ საყუდრელნი შენნი“.

„მოიღე წისქვილი, დაფქვე.
ფქვილი,
აღსძარცუენ საბურველი
შენი, აღიკრიბენ მცენი,
გამოაჩინენ სხულ-ბარკალნი,
წიაღჯედ მდინარესა. გამოცხადნეს
უშუერებაა შენი, გამოჩნდენ
ყუდრებანი შენნი“.

მარცხენა სვეტში დამოწმებული ნაწყვეტი (ეს. 47.2) აღებულია 978 წ. ოშკური ნუსხიდან (დაბეჭდილია 1961 წ. პარიზში), ხოლო

მარჯვენაში — XII ს. „გელათური ბიბლიიდან“ (იგივე ტექსტი მცირეოდენი ცვლილებებით ვაჟქს 1884 წ. გამოცემაშიც). ამ შედარებისას ვხედავთ, რომ ორივე ძირითადად ერთნაირ შინაარსს გადმოსცემს, მაგრამ სიტყვათა შერჩევისა და დალაგების მხრივ ძალზე განსხვავდება. ფსალმუნის შემთხვევანილი ციტატები კი ერთსა და იმავე ადგილას სულ განსხვავებული შინაარსისაა სხვადასხვა თარგმანში.

კაცმა შეიძლება იკითხოვს: მაშ, რომელია „ნამდვილი“ თუ „სწორი“ ტექსტი ქართული ბიბლიისა, რომელშია ორიგინალი უფრო ზუსტად გადმოცემული? თუ ჩაუუკვირდებით საქმეს, დავინახავთ, რომ კითხვის ასე დასმა გამართლებული არაა.

ქართული ბიბლია, როგორც დავინახეთ, არ არის ერთდროულად ან ერთი პირის მიერ ნათარგმნი წიგნი, როგორცაა, მაგალითად, გერმანული, „ლუთერის ბიბლიის“ სახელით ცნობილი; იგი პირველად დაიბეჭდა 1534 წელს და ბოლო დრომდე უცვლელი სახით გამოდიოდა ოთხი საუკუნის განმავლობაში. ქართულად ნათარგმნი ბიბლიური წიგნების თარგმნის დრო, თუ მთარგმნელის ენაობა მეტწილად უცნობია. უმეტეს შემთხვევაში არც ის ვიცით, თუ რომელი ენიდანაა ნათარგმნი ესა თუ ის ბიბლიური წიგნი, განსაკუთრებით ეს ეხება სწორედ უძველეს თარგმანებს.

ქართული ბიბლიის თარგმანის საკითხი ბევრ მეცნიერს აინტერესებდა — საქართველოშიც და მის გარეთაც. ზოგი ბერძნულს თვლიდა ქართულის წყაროდ, ზოგიც — სომხურს ან სირიულს. დღეს ცხადია, რომ ჯერ არ დამდგარა დრო ასეთი ზოგადი დასკვნების გამოტანისათვის ქართული ბიბლიური წიგნები ცალ-ცალკეა შესასწავლი; არც შეიძლება ერთი იყოს ისტორია და წარმომავლობა მესხეთე საუკუნეში თარგმნილი ხანმეტი ტექსტისა და მეთერამეტეში ქართველი ბატონიშვილების მიერ სლავურიდან გადმოღებულია. გიორგი მთაწმიდლის ფსალმუნი, ბერძნულიდან ნათარგმნი, განსხვავდება ძველი თარგმანისაგან, რომელშიც ბევრი რამ სირიულსა და სომხურს მიჰყვება.

ქართული ტექსტები, როგორც დაკვირვება გვიჩვენებს, ებრაულისაგან საქმაოდ შორს დგას. ეს ასეც იყო მოსალოდნელი, რადგან ქართული თარგმანები ისტორიულად ებრაულთან არ უნდა იყოს დაკავშირებული. ძველი თარგმანები, როგორც დავინახეთ, ზოგჯერ უფრო ადრეულია, ვიდრე ებრაული მასორეთული ტექსტის საბოლოო რედაქცია. ქართული ტექსტი ხშირად თარგმანის თარგმანია და ამიტომ დედნიდან საქმაოდ დაშორებული.

ეს, რა თქმა უნდა, სულაც არ ამცირებს ქართული ბიბლიური ტექსტის მნიშვნელობას ქართული კულტურისა და მწერლობის ისტორიისათვის. ქართული მწერლობის ისტორია და ქართული სალიტერატურო ენის ისტორია მჭიდროდაა დაკავშირებული სწორედ ბიბლიის ქართულ თარგმანებთან. გავიხსენოთ, რას წერს აკად. კ. კეკელიძე: „ყოველ ქრისტიანს ერს, რომელსაც თავის ენაზე სასულიერო მწერლობა ჰქონია, ეს მწერლობა დაუწყია საღმრთო წერილის, ან ბიბლიის,

ქართულად — დაბადების თარგმნით". ბიბლიის თარგმანთა ენამ დაუღო საფუძველი ძველ ქართულ სალიტერატურო ენას და შემდეგი დროის ქართულ სამწერლობო ენაზეც უდიდესი გავლენა მოახდინა: „კლასიკური პერიოდის სამწერლობო ქართულს საფუძველად დაედო ბიბლიის თარგმანისა და მის ნიადაგზე განვითარებული საეკლესიო ლიტერატურის ენა, რომელიც მრავალი საუკუნის განმავლობაში განაგრძობდა ტრადიციით არსებობას" (აკად. გ. წერეთელი). ბიბლიის ლექსიკა, ბიბლიური ციტატები, ბიბლიიდან აღებული მსატერული სახეები მრავლად გვხვდება არა მარტო ძველ ქართულ სასულიერო მწერლობაში, არამედ საისტორიო მატრიანებში, სიგელ-გუჯრებში და საერო ლიტერატურაშიც. წავიკითხოთ ვეფხისტყაოსანში სიტყვები: „თქვენთვის ასრე მომსურდების, წყაროსათვის ვით ირემსა“ და მოგვაგონდება ფსალმუნი: „ვითარცა სურინ ირემსა წყაროთა მიმართ წყალთასა, ეგრე სურინ სულსა ჩემსა შენდამი" (ფს. 41,2)...

ბიბლიის თარგმანებმა შემოგვინანა ბრწყინვალე ნიმუშები ქართული ენისა; თშის ბიბლიის დახვეწილი პროზა, ფსალმუნის ძველი თარგმანების აღზევებული პოეტური სტილი, სასარების გულში ჩამწვდომი, სადა და ნათელი თხრობა ადრევე შეისისხსოვრცა ქართულმა მწერლობამ. ამიტომ არის, რომ ქართული კულტურისა, ენისა და მწერლობის კვლევა შეუძლებელია ქართული ბიბლიის შესწავლის გარეშე.

ამავე დროს უნდა ვიზრუნოთ, რომ გვექონდეს ებრაული ძველი აღთქმის — მსოფლიო ლიტერატურის შედეგის — თანამედროვე ქართული თარგმანი. ჩვენმა მთარგმნელებმა უნდა მიაწოდონ მკითხველს ზუსტი, დედნის შესაბამისი და დღევანდელი სალიტერატურო ენის ნორმების მიხედვით გამართული თარგმანი. უნდა იხსიცი დაეცხინოთ, რომ ასეთი თარგმანები დღეს მრავალ ენაზე არსებობს.

ქართული ბიბლიის ერთიანი ტექსტის ქონება რომ საჭიროა, ეს ამ წიგნზე მუშაობის დროსაც ვიგრძენით: ზ. კოსიდოვსკის „ბიბლიურ თქმულებებში" სამასზე მეტი საკმაოდ ვრცელი ციტატა მოყვანილი ბიბლიიდან. ეს ციტატები (ლ. ტაქსილის წიგნებისაგან განსხვავებით) ერთბაშად არ ჩანს, რადგან მათი წყარო მითითებული არაა; ამავე დროს პერსონაჟთა მეტყველება თითქმის უკლებლივ ბიბლიური ტექსტიდან არის სიტყვა-სიტყვით აღებული. პოლონური ორიგინალისა და რუსული თარგმანისათვის დასამოწმებელი ტექსტი ადვილი სანახავი იყო: ორივე ენაზე არსებობს სრული, მთლიანი თარგმანი, რომელიც ებრაული ბიბლიის ტექსტს საკმაოდ ზუსტად გადმოსცემს. ქართული თარგმანისათვის კი ბიბლიური ტექსტი საქმბარი და შესარჩევი გახდა. შეიძლება და სხვებისათვის მიგვებაძა და ციტატები 1884 წ. საეკლესიო გამოცემის მიხედვით მოგვეყვანა; მაგრამ ეს გამოცემა, როგორც ვთქვით, უმთავრესად 1743 წლის გამოცემას მისდევს: „ბაქარის ბიბლია" კი, ძალზე ჭრელია შედგენილობის მიხედვით, და ენის მსრიავაც უვარგისია. იმდროინდელ გამოცემლებს არ გააჩნდათ მეცნიერული ცოდნა ქართული ენისა, ამიტომ ორივე გამოცემა ძალზე დამახინჯებუ-

ლია ენობრივად, ორივეში აუარებელია ყოველნაირი ხასიათის შეცდომები; განმეორებულია გვიანდელ გადამწერთა მიერ შერყენილი სიტყვები და გრამატიკული ფორმები; ასე რომ ზოგჯერ გამოცემებში ისეთ რამეს წაეაწყდებით, რომ აღარც ძველი ქართულია და აღარც ახალი.

ამის გამო საჭირო გახდა ზ. კოსიდოვსკის წიგნზე საგანგებო მუშაობა. „ბიბლიური თქმულებები“ ებრაული ძველი აღთქმის შესახებ დაწერილი წიგნია; ამიტომ ჩვენ შევეცადეთ, შესაბამისი ციტატების ტექსტიც ისე შეგვეჩრია, რომ ებრაული ტექსტი შეძლებისდაგვარად ზუსტად ყოფილიყო ქართულად გადმოცემული. სადაც შეიძლებოდა, მას უძველესი ქართული წყაროებიდან (მეცნიერული გამოცემებიდან ან ხელნაწირიდან) ვიმოწმებდით უცვლელად; ან არა და არსებულ ქართულ ვარიანტთან ვარჩევდით იმას, რომელიც ყველაზე უფრო ახლო იყო ებრაულთან. ზოგჯერ კი იძულებული ვიყავით სიზუსტის დასაცავად ქართული ტექსტი შეგვეცვალა კიდევაც. მაგალითად, ზ. კოსიდოვსკის ერთგან (რუს. გამოც. გვ. 29) ნათქვამი აქვს, რომ ესაიას წიგნში შემონახულია კვალი უძველესი ხალხური ლეგენდებისა, რომლებშიც აღწერილია ღმერთების ბრძოლა ქაოსის ურჩხულებთან. ასეთივე ლეგენდა არსებობს უგარითულ ეპოსში, სადაც აღწერილია ღმერთის ბაალის ბრძოლა შვიდათვიან ურჩხულთან — ლევიათანთან. ლევიათანი ნახსენებია ებრაულ ბიბლიაში (ესაია 27.1). მაგრამ ქართულში მისი სახელი არსად ჩანს; ოშკის ბიბლიაში ნათქვამია: „მას დღესა შინა მოაფლინოს უფალმან მახელი წმიდა და დიდი და ძლიერი ვეშაპსა მას ზედა, გუელსა დრკუსა და მოკლას ვეშაპი იგი“. 1884 წლის გამოცემაში ვკითხულობთ: „მას დღესა მოაწიოს უფალმან მახელი წმიდა და დიდი ძლიერი ვეშაპსა ზედა გუელსა მღტოლვარესა, ვეშაპსა ზედა გუელსა გულარძნილსა და მოკლას ვეშაპი“. ქართული ტექსტი რომ უცვლელად დაგვეტოვებინა, მიიჩქმალებოდა როგორც პოლითეიზმის კვალი ებრაულ ბიბლიაში, ისე კავშირი ებრაულსა და უგარითულ მითებს შორის. ამიტომ ციტატი შევასწორეთ ისე, რომ მას ზუსტად გადმოეცა ებრაულის შინაარსი. მეორე მაგალითი: ებრაულ ტექსტში ნახსენებია „სასლი ზამთრისა და სახლი ზაფხულისა“ (ამ. 3, 15, რუს. გამოც. გვ. 399), ხოლო ქართულში გვაქვს „სახლი გარემო ფრთევი სახლსა ზედა საზაფხულოსა“. ასეთი ტექსტია წარმოდგენილი როგორც ოშკის ბიბლიაში, ისე 1743 და 1884 წლების გამოცემებში. აქაც სიზუსტისათვის ტექსტი შევასწორეთ. ასეთი შემთხვევები საკმაოდ ხშირია. ციტატებზე დაკვირვებისას კაცს შეიძლება მოეჩვენოს, რომ წინამდებარე თარგმანში უგულებელყოფილია ქართული ტრადიცია, რადგან ხშირად ციტატები (პერსონაჟთა მეტყველებაში) შინაარსულად განსხვავებული აღმოჩნდა ქართული ტექსტისაგან და დაუახლოვდა რუსულს. მაგრამ ნამდვილად ამის მიზეზი ისაა, რომ ბიბლიის თანამედროვე რუსული თარგმანი (რომელიც დამოწმებულია ზ. კოსიდოვსკის წიგნში) უფრო ახლოა შინაარსულად ებრაულთან. ვიდრე ძველი ქართული ტექსტები, რომლებშიც განსხვავებული მთარგმნელობითი ტრადიციის კვალი ჩანს.

გარკვეულ სირთულეებს ქმნის ციტატების ენის საკითხიც. არსებული ქართული თარგმანები ყველა ან ძველი ქართულითაა დაწერილი, ან ძველ ქართულს ბაძავენ. ეს წიგნი განკუთვნილია ძირითადად უფროსი ასაკის მოსწავლე ახალგაზრდობისათვის, რომელსაც სკოლაში უკვე ნასწავლი აქვს ძველი ქართული ლიტერატურა; ამიტომ ძველი ქართულის ფორმები ძირითადად უცვლელად დატოვეთ. ჩვენ ვთვლით, რომ ასეთი რამ გამართლებულია: თუ დაინტერესებული მკითხველი მოინდომებს უშუალოდ ქართული ბიბლიის ტექსტის გაცნობას, ისევე ამგვარი ენით დაწერილ ტექსტთან ექნება საქმე (ოლონდ ნახავს აუარებელ შეცდომას, რომელიც ბაქარის ბიბლიაში და 1884 წლის გამოცემაში გვხვდება). ეს კია, რომ აქა-იქ გაუმარტივეთ ორთოგრაფია — როგორც ეს არის ვეფხისტყაოსნის გამოცემებში (ამოვიღეთ ხმარებიდან გამოსული ასოები — ა, უ, ე, ძ).

კიდევ ერთ სიძნელეს წარმოადგენდა საკუთარ და გეოგრაფიულ სახელთა ქართული გადმოცემის მოწესრიგება. ბიბლიურ სახელთა ერთი ნაწილი უძველესი დროიდანვე ფართოდ გავრცელდა ქართულში; მათი ხმარების დროს, რა თქმა უნდა, ტრადიციული ფორმები არის გამოყენებული, თუნდაც რომ ისინი საგრძნობლად განსხვავდებოდნენ ებრაულისაგან. ასეთებია: სამსონ, მოსე, აბესალომ, დავით (შესაბამისი სახელების ებრაული ფორმა დაახლოებით ასეთია: შიმშონ, მოშე, აბიშალომ, დაუიდ). მაგრამ ზ. კოსიდოვსკის წიგნში ხუთასამდე საკუთარი და გეოგრაფიული სახელია და მათთვის შესაფერისი ფორმის გამოჩნება ერთიანი პრინციპის მიხედვით ძალზე ძნელი აღმოჩნდა — პირველ რიგში იმიტომ, რომ თვითონ ქართული ტრადიცია არაა მყარი, ერთი და იგივე სახელი განსხვავებულადაა გადმოცემული არამც თუ სხვადასხვა ქართულ თარგმანში, არამედ ერთსა და იმავეში — სხვადასხვა ადგილას; მაგალითად, გვაქვს ლოტ და ლოთ, კაენ და კაინ; ზოგჯერ ეს სხვაობები კიდევ უფრო დიდია. პოპულარული ხასიათის წიგნში, რა თქმა უნდა, სახელთა ზუსტი ფონეტიკური ტრანსკრიპციის მოცემა მიზანშეწონილი არ არის და ამიტომ ისევე საშუალო გზა ავირჩიეთ: შევეცადეთ სახელის არსებულ ქართულ ვარიანტთაგან ის ფორმა შეგვეჩინა, რომელიც ორიგინალთან უფრო ახლო დგას; ყოველთვის არც ეს გზა გამოდგა, რადგან ზოგჯერ ამათუიმ სახელის ქართულ ტექსტში დადასტურებული ყველა ფორმა ძალზე შორსაა ებრაულისაგან: მაგ. ებრაულის იშ-ბოშეთ სახელის ფარდად ქართულში გვხვდება მეფილბოსთი, მემფილბოსთე (Мемфиловосты). ასეთ შემთხვევებში ძალიან გაგვიძნელდა არჩევანი „ტრადიციულ“ და „სწორ“ ფორმათა შორის პირველ რიგში იმიტომ, რომ ძნელია დადგენა, რამდენად ტრადიციულია ესა თუ ის ფორმა საკუთარი სახელისა ქართულში!

თუ ამას დაუმატებთ, რომ ერთი და იგივე სახელი — განსაკუთრებით ეს გეოგრაფიულ სახელწოდებებს ეხება — განსხვავებულადაა წარმოდგენილი ებრაულ, ახლოაღმოსავლურ და ეგვიპტურ წყაროებში, ცხადი გახდება, რომ სახელთა მართლწერის მოგვარება ჩვენთვის

ერთ-ერთი რთული გადასატრედი საკითხი იყო. რედაქტორი არ არის დარწმუნებული, რომ მან შეძლო ყველა ამგვარ შემთხვევაში საუკეთესო ვარიანტი აერჩია, ან სუბიექტივიზმს ასცდენოდა; მაგრამ არცერთი ციტატი, არცერთი ფორმა საკუთარი სახელისა არ არის ქართულ თარგმანში მოცემული აწონდაწონისა და შერჩევის გარეშე; ამიტომ რედაქტორი ფიქრობს, რომ მკითხველი ყველა შემოთრამოთვლილ სიძნელეს გაითვალისწინებს და დარწმუნდება, რომ ამგვარი საკითხების საბოლოოდ გადაჭრა ერთი წიგნის ფარგლებში, ისიც სასხვათაშორისოდ, არ შეიძლება (ამ საკითხის სირთულეს ისიც აჩვენებს, რომ მართლწერა ქართულ სპეციალურ ისტორიულ ნაშრომებშიც ხშირად განსხვავებულია). მადლობით უნდა მოვიხსენიო ჩემი კოლეგები, ისტორიკოსები და აღმოსავლეთმცოდნეები, რომელთაც არაერთგზის მივმართე რჩევისათვის; ამავე დროს, რა თქმა უნდა, პასუხისმგებლობა ყოველგვარი შეცდომისათვის თუ რაიმე თვალსაზრისით მიუღებელი ფორმისათვის მხოლოდ და მხოლოდ რედაქტორს ეკისრება.

იმედი მაქვს, რომ ზ. კოსიდოესკის „ბიბლიური თქმულებების“ ქართულ თარგმანი მკითხველის მოწონებას დაიმსახურებს და სურვილს გაუღვიძებს კიდევ უფრო მეტი ცოდნა შეიძინოს ძველი აღთქმის შესახებ, რომელიც საუკუნეთა განმავლობაში იყო პოეტთა და ხელოვანთა შთაგონების წყარო; ვინ იცის, ეგებ პოლონელი ავტორის მშენიერი წიგნმა ზოგ ქართველ ახალგაზრდასაც მოანდომოს ქართული კულტურის ბრწყინვალე ძეგლის — ქართული ბიბლიის შესწავლა და კვლევა; ამ დარგში ჯერჯერობით, ისევე ბიბლიის სიტყვიერებით რომ ვთქვათ, „სამკალი“ ფრიად არს, ხოლო მუშაკნი მცირედ“ (მათე 9,27).

მზემკალა შანიძე

შ ე ნ ი შ ვ ნ ე ბ ი

მ 3. 14.

აქ მან ცოლად შეირთო ევა და ევამ უშვა ძე ენოქი. აქ უზუსტობაა. ბიბლიაში ნათქვამი არ არის, საიდან ჰყავდა კაენს ცოლი. ეკლესიის კომენტატორები ამტკიცებენ, რომ ის იყო კაენის ერთ-ერთი და.

მ 3. 15.

კიდობანი სომხეთის მთის არარატის წყერზე შეჩერდა. სომხეთი და კერძოდ არარატის მთა ბიბლიაში ნახსენები არ არის. იქ ნათქვამია, რომ კიდობანი შეჩერდა „არარატის მთებზე“. აქ კოსიდოვსკის უბრალოდ მოჰყავს ბიბლიური ტექსტის ტრადიციული საეკლესიო გაგება.

მ 3. 16.

დაწყველა იგი. აქ უზუსტობაა. ბიბლიაში ნათქვამია, რომ ნოემ დაწყველა არა ქამი, არამედ ქამის შვილი ქანაანი და მისი მოდგმა.

მ 3. 20.

პოლითეისტური აზრი აქვს: „და იყვნეთ, ვითარცა ღმერთი“. ეს აზრი იმითაც მტკიცდება, რომ ბიბლიის რუსულ გამოცემაში (1956 წ.) მოცემული ადგილი თარგმნილია ასე: „ვითარცა ღმერთები, მცოდნენი კეთილისა და ბოროტისა“.

მ 3. 29.

თარა ძალიან მდიდარი იყო. ამით თითქმის ამოიწურება ბიბლიის ცნობები თარაზე. შემდგომში კოსიდოვსკი თანამედროვე არქეოლოგიის მონაცემების საფუძველზე აღადგენს იმ დროისა და საზოგადოებრივი ფუნქციების ყოფა-ცხოვრების სურათებს, რომელსაც ბიბლიის თანახმად მიუკუთვნებოდა თარა.

მ 3. 32.

თარა, ნაქორი და აბრამი ახალ სამშობლოში. ამ და ამის მომდევნო ნაწილში ბიბლიიდან ამოღებულია მხოლოდ ცნობები იმის შესახებ, რომ თარა მოკვდა ქარანში 205 წლისა და აბრამი თავის ძმისწულით ლოთით და მთელი ქონებით გადასახლდა ქანაანში. დანარჩენი ყველაფერი კოსიდოვსკის დამატებულია და ემყარება არქეოლოგიურ და ეთნოგრაფიულ მონაცემებს.

სამყაროს, მზის, მთვარის, ვარსკვლავების შემქმნელი შეიძლება და ყოფილიყო მხოლოდ ერთადერთი ღმერთი... ბიბლიაში არაფერია თქმული იმის შესახებ, როგორ აღედგა აბრაამს ერთადერთი ღმერთის რწმენა. ამ საკითხის გაშუქებისას კოსიდოვსკი, ჩანს, ძველებზე უფრო გადმოცემას ეყრდნობა. მაგრამ აუცილებელია შევნიშნოთ, რომ რწმენა, ერთადერთი, ყველგან არსებული და ყოვლისშემძლე ღმერთისა, ე. ი. მონოთეიზმი, არ შეიძლება და ჩასახულიყო ებრაელი ხალხის განვითარების ასე ადრეულ სტადიაში. აბრაამის ღმერთი არის ერთადერთი მხოლოდ მისი ტომისათვის. სხვა ტომებს სხვა ღმერთები ჰყავდათ. მეცნიერები ამას გენოთეიზმს უწოდებენ. მონოთეიზმი განვითარდა ებრაელებში ჩვენს ვრამდე პირველი ათასწლეულის მეორე მესამედში და ასე თუ ისე დასრულებული ფორმა მიიღო პირველი ათასწლეულის ნახევარში.

33. 39.

აბრაამი შთამომავლობისთვის ზრუნავს. ამ ნაწილში კოსიდოვსკი უკლებლივ მისდევს ებრაულ და ქრისტიანულ მორალურ ტრადიციას და ცოტაოდნად ალაპაზებს აბრაამის სახეს, ამართლებს მას აგართან მომხდარ უსიამოვნო ამბავში. ბიბლიის ტექსტი კი აბრაამს გვისატავს აშკარად გულგრილს. თუ არა უსულგულოს, ამ საკითხში.

33. 42.

...მოითხოვდნენ, საეპეო უცხოელები აქ გამოგვევარეთო. აქ კოსიდოვსკი მთლიანად არ იცავს სიზუსტეს. ბიბლიის თანახმად, სოდომელებმა უცხოელები მოიძხოვეს არაბუნებრივი სქესობრივი კავშირისათვის. აქედან დამკვიდრდა ტერმინი „სოდომის ცოდვა“. საბჭოთა მეკლევარებმა დაამტკიცეს, რომ ბიბლიის ტექსტის ამ ადგილას გამოსატულება ჰპოვა ადგილობრივი ნა, ოფიერების ღმერთის საპატივცემულო უძველესმა ქანაანურმა საკულტო ადათებმა.

33. 48.

აბრაამი მეორედ დაქორწინდა. ამ ნაწილში კოსიდოვსკი, როგორც ადრე, აბრაამის დამოკიდებულებას მისი მეორე ცოლის ქეტურასგან შეძენილ შეილებთან უფრო შელაპაზებულად წარმოგვიდგენს, ვიდრე ამის უფლებას იძლევა ბიბლიის ტექსტი.

33. 55.

რაქელი ხელცარიელი გაბრუნდა. ეს ეპიზოდი კოსიდოვსკის არაზუსტად აქვს გადმოცემული. ლიამ, რაკი იცოდა, რომ მისი ქმარი, ჩვეულებრივ, საყვარელ ცოლთან რაქელთან იძინებდა, მისცა მას მანდრაგორა, იმ პირობით, რომ იაკობი მომდევნო ღამეს მასთან გაატარებდა. სწორედ მაშინ ჩაესახა მას მესხეთე ვაკე. მრავალშვილიანი დედის აღიარების ნიშნად

იაკობმა მეტი ყურადღება დაუთმო ლიას და მან მეექვსე ვაჟი და ერთი ქალიშვილიც შესძინა ქმარს.

83. 59.

ესიზმრა, თითქოს გააფთრებით ებრძოდა ღმერთს. აქაც უზუსტობაა. ბიბლიაში არ არის ნათქვამი, რომ იაკობმა ნახა სიზმარი. ბიბლიური ტექსტის თანახმად ყველაფერი ისე მიმდინარეობდა, თითქოს ცხადში ყოფილიყოს.

83. 63.

ელოპიმი და იაკვე განუწყვეტლივ ენაცვლებიან ერთმანეთს. უნდა აღინიშნოს, რომ სახელი ელოპიმი (რომელიც ნიშნავს ღმერთებს) უბრალოდ როდი უძღვის წინ იაკვეს სახელს (ზოგი ვერსიის მიხედვით იგი ნიშნავს მყოფს, სხვაგვარად კი — ზემოდან ქექა-ქუსილის ლახვარის მკემელს). მეცნიერებმა დაამტკიცეს, რომ ეს არის სხვადასხვა დასახელება ღმერთისა ძველებრავლთა ორ სხვადასხვა — იუდასი და ფერემის — ტომობრივ დაჯგუფებაში. ამ ძველებრავლი ტომების ლეგენდებისა და მითების კრებულმა შეადგინა საფუძველი ბიბლიის პირველი წიგნისა — შესაქმნისა.

83. 106.

ამაყოზნენ თავისი სახელგანთქმული წინაპრით. რიგი თანამედროვე დასავლეთის მეცნიერებისა იოსებისა და „თორმეტი პატრიარქის“ ისტორიას განიხილავს, როგორც გადამუშავებას ზოგიერთი ებრაული ტომის ლეგენდებისა, რომლებიც შეიქმნა ჩვენს ერამდე IX ან VIII საუკუნეში იუდეის სამეფოს დედაქალაქ იერუსალიმში, იმ ტომებზე იდეოლოგიური ზეგავლენის მოსახდენად, რომლებიც მეფე სოლომონის სიკვდილის შემდეგ საერთო ნაციონალურ სახელმწიფოს ჩამოშორდნენ და შექმნეს ისრაელის სამეფო დედაქალაქ სამარიით. ლეგენდას პატრიარქებსა და იოსებზე უნდა განემტკიცებინა ერთიანობისა და ნათესაობის სულიკვეთება ებრაულ ტომებს შორის და მოემზადებინა ერთიანი სახელმწიფოს რესტავრაცია.

...კიდევ დიდხანს დარჩნენ გესემის მიწაზე. დღეს არც ერთი მეცნიერი არ უარყოფს, რომ პიქსოს დამპყრობთა შორის შეიძლებოდა ებრაელებიც ყოფილიყვნენ. ეგვიპტელების მიერ პიქსოსების შევიწროების შემდეგ. ბუნებრივია, ებრაელებიც უნდა წასულიყვნენ. საეჭვოა, რომ ისინი ეგვიპტის განთავისუფლების შემდეგ იქ დარჩენილიყვნენ. იმდროინდელი დოკუმენტები გვისახელებენ მთელ რიგ ებრაულ ტომებს, რომლებიც მომდევნო საუკუნეებში (ბიბლიაში „ეგვიპტის მონობის“ სახელით რომაა ცნობილი) თავისუფლად ცხოვრობდნენ არაბეთის, სინას, და იორდანისკივითა სტეპებში, უდაბნოებსა და ნახევარუდაბნოებში. თუმცა, რა თქმა უნდა, ეს არ გამოირიცხავს იმას, რომ ებრაელთა მცირე ჯგუფები დარჩენილიყვნენ პიქსოსებისაგან განთავისუფლებულ ტერიტორიაზე და მოხვედრილიყვნენ ეგ-

ვიბტელთა მონობის ქვეშ. ასე რომ ამ შემთხვევაში კოსიდოვსკი მეტად დამჯერედ მისდევს ბიბლიის ტრადიციებს.

83. 108.

სასწაულებრივი ხსნა. ამ ნაწილში მოსეს ლალი ცხოვრების სურათები ფარაონის კარზე კოსიდოვსკის შუთხულია არქეოლოგიური და ისტორიული მონაცემების საფუძველზე. ბიბლიის ტექსტში მსგავსი არაფერია.

83. 111.

ორმოცწლიანი ექსორია. მოსეს მთელი განცდები მადაიამის მიწაზე კოსიდოვსკის ლიტერატურული გამონაგონია.

83. 117.

ამაყი ევეიბტური მხედრობის უბადრუკი ნაშთი. ამ ეპიზოდის აღწერისას კოსიდოვსკი ბიბლიის ტექსტს კი არ მისდევს, არამედ საეკლესიო ტრადიციებს. ბიბლიის თანახმად ღმერთმა მოავლინა ძლიერი აღმოსავლეთის ქარი, რომელმაც განდევნა წყალი. ამის შედეგად გაჩნდა შესაძლებლობა ვიწრო ყურე გადაელახათ მცირე ხმელეთით. როდესაც ფარაონის მხედრობამ ზღვის შუაგულს მიაღწია, ეტლები ჩაეფლო ათასი ფეხით ახელილ სველ ქვიშაში და ძლივს იძროდა. ამასობაში ქარმა მიმართულება იცვალა და ტალღები უკანვე მოაწყდა. ასე დაილუპა ფარაონის მხედრობა. ამგვარად, ბიბლიის მოთხრობა ცოტა უფრო რეალისტურია.

83. 123.

კიდარი — თავსარქმელი, ჩალმა.

83. 151.

Past hoc, propter hoc — ამის შემდეგ, მაშასადამე. ამის შედეგად ((ლათ.).

83. 153.

დოღმენი — არქეოლოგიური ძეგლი, საფლავზე აშენებული ერთი ან რამდენიმე ვეება გაუთლელი ან უხეშად გათლილი ლოდისაგან.

83. 260.

მათ ყველა აბუჩად იგდებდა. წინასწარმეტყველთა აქ მოტანილი დახასიათება ბიბლიაში არ არის. ესაა მრავალი მეცნიერის ეთნოგრაფიულ გამოკვლევათა საფუძველზე დამყარებული მხატვრული გამონაგონი.

83. 262.

მხოლოდ სამი ათას მეომარს დაუტოვა იარაღი... საულმა შექმნა მუდმივი სამხედრო ნაწილი, ან მუდმივ მზადყოფი პოლკი, როგორებიც ჰყავდა აღმოსავლეთის ყველა მეფეს.

83. 271.

ტახტის ხელში ჩაგდება მაშინ სათუო აღარ იქნებოდა. აქ კოსიდოეს-კი არც ისე ზუსტად გადმოსცემს ბიბლიის ტექსტს. დავითს არავითარი იმედი არ ჰქონია საულის უფროსი ქალიშვილის შერთვისა და სიამოვნებით დათანხმდა მელქულთან ქორწინებაზე.

ეკრპის ქანდაკება დავითის ლოგინში ჩააწვინა. ბიბლიაში ნათქვამია, რომ მელქულმა დავითის ლოგინში ჩააწვინა ქანდაკება, ძველებრავლ ბიბლიაში კი ლაპარაკია ტერაფიმზე — შინაურ მფარველ ეკრპზე. უფრო სწორად, საულის მოსატყუებლად მელქულმა გამოიყენა სწორედ ამ ეკრპის ქანდაკება.

83. 273.

ბეთლემში გამგზავრება მომიხდა ოჯახურ დღესასწაულზეო. ბიბლიის თანახმად, აქ ლაპარაკია დავითის ტომის მფარველი ეკრპებისათვის ყოველწლიურ მსხვერპლშეწირვაზე. ეს ერთხელ კიდევ ამტკიცებს იმას, რომ იაკე არ იყო ძველ ებრაელთა ერთადერთი ღმერთი.

83. 320.

ანუხა ორი ხარი, რომლებიც სახნავეში ჰყავდა გამოყვანილი. აქ კოსიდოესკი არ არის მართალი. ეს არ იყო უგონობის აქტი. საულმა უბრალოდ თვალსაჩინო დიპლომატიის ძველი ტრადიციები გამოიყენა. სულ ასიოდე წლის წინათ შამილი უგზავნიდა კაკასიის მთიელ ტომებს ხორცს, მიწას და წყალს იმის ნიშნად, რომ მათ აკუწავდა, წაართმევდა მიწასა და წყალს. თუ მხარს არ დაუჭერდნენ. სწორედ ასეთ სიმბოლურ ხასიათს ატარებდა საულის მოქმედებაც.

83. 322.

Deus ex machina — „ღმერთი მანქანიდან“ (ლათ.). გამოთქმა, რომელიც გამოხატავს დრამის ან რომანის სიუჟეტის კვანძის გახსნაში რომელიმე პირის მოულოდნელ მონაწილეობას, რაც მოვლენათა მსვლელობიდან არ გამომდინარეობს.

83. 376.

იერუსალიმიდან აღთქმის კიდობანი და იაკეის სამსხვერპლო გამოიტანა და გადაშალა. აქ კოსიდოესკი გადმოსცემს ბიბლიის არაკანონიკური წიგნების ვერსიას, რომელიც შეიქმნა აღწერილი მოვლენებიდან რამდენიმე საუკუნის შემდეგ. იუდეველ ღეთისმეტყველებს სურდათ ამ გზით ეჩვენებინათ, რომ ღმერთ იაკეის წმინდა საგნები არ შეიძლებოდა დაღუბულიყო ანდა ჩაეარდნილიყო დამპყრობთა ხელში, როგორც უბრალო ნივთები.

83. 377.

დედაქალაქში მსოფლიოს ყველა ქვეყნიდან მოდიოდნენ მგზავრები.

ბაბილონის აღწერა ეკუთვნის ავტორს და შედგენილია არქეოლოგიის მონაცემებისა და ბაბილონის დოკუმენტების საფუძველზე. ბიბლიაში იგი არ არის.

ბ3. 407.

ბიბლიის ბერძნული თარგმანი, ეგრეთ წოდებული სეპტუაგინტა. „სეპტუაგინტა“ ნიშნავს სამოცდაათის თარგმნის. ლეგენდის თანახმად, ბიბლიის თარგმანი ბერძნულ ენაზე განახორციელა 72 წვერისაგან შემდგარმა კომისიამ (ექვსი კაცი თითო ებრაული ტომიდან).

ბ3. 409.

კათოლიკურმა ეკლესიამ ისინი კანონიკური წიგნების რიცხვს მიაკუთვნა. მართლმადიდებლურ ეკლესიას შეაქვს იგი ბიბლიაში მითებით საესე მკაბებლთა სამ წიგნთან ერთად, მაგრამ არ თვლის კანონიკურად.

ბ3. 411.

„ლუთქვა, იაკუ გვიხსნისო. ბიბლიის ტექსტის თანახმად, ივდითმა რომ შეიტყო, ხუთი დღის შემდეგ უნდა შეეწყვიტათ წინააღმდეგობა. გამოცხადდა უფროსებთან და შესთავაზა მათ მხარი დაეჭირათ მისთვის ჩანაფიქრის განხორციელებაში. უფროსებმა გადაწყვიტეს ეცადათ ბედი.

ბ3. 412.

ქალმა ამცნო თავისიანებისაგან წამოსვლის მიზეზი. კოსიდოესკის არ მოჰყავს ივდითის ასსნა-განმარტება, უამისოდ კი თსრობა ბუნდოვანია. ივდითმა უამბო ოლომფორნეს, რომ ის მორწმუნე ებრაელია და არ შეუძლია უყუროს, როგორ არღვევენ მოსეს მცნებას ალყაშემორტყმული ებრაელები: ჭამენ პირდაპირ სისხლიან ხორცს. იგი დარწმუნებულია, რომ ღმერთი დასჯის დამნაშავეებს და მალე ბეთოლი, როგორც მწიფე თავთავი, გამარჯვებულთა ხელში აღმოჩნდება. ოლომფორნემ მხოლოდ ცოტა უნდა მოიცადოს.

ბ3. 413.

ფესაკრეფით გაიპარა ბანაკიდან... ივდითს არ სჭირდებოდა „ფესაკრეფით გაპარვა“. მან გამოითხოვა ღამით ბანაკიდან წასვლის უფლება თავისი ტომის კანონების მიხედვით რელიგიური რიტუალის შესასრულებლად. ამიტომ ბანაკიდან მისი წასვლა არავის ეჭვს არ გამოიწვევდა.

ბ3. 415.

ესთერმა გადაწყვიტა, რამე ღონე ესმარა. აქ არც თუ ისე ზუსტადაა ბიბლიის ტექსტი გადმოცემული. მარდოქემ მოსთხოვა ესთერს ეშუამდგომლა მეფესთან განწირული ებრაელების გადასარჩენად. ესთერი ყოვმანობდა. სპარსელთა პარამხანებში ცოლები თავისი მბრძანებლის დაძახების გარეშე ვერ შედიან მასთან. მარდოქე დაემუქრა ესთერს, რომ ხალხი საუკუნოდ შეაჩვენებდა და ღმერთი დასჯიდა. მხოლოდ ამის შემდეგ,

ტირილისა და ლოცვის შემდეგ, გადაწყვიტა ესთერმა ემოქმედა. იგი თამამად შევიდა მეფესთან, მაგრამ როცა მბრძანებელმა მკაცრად შეხედა წესის დამრღვევს, ესთერს გული წაუვიდა. ამან მეფე ცოტა მოაღბო. გონსმოსულმა ესთერმა უთხრა—ჩემი საყვარელი მეუღლე მომენატრაო და მიიწვია იგი ნადიმზე სასახლის მეორე ნაწილში, რათა მეფე ამით სასელმწიფო საქმეებისაგან არ მოეცდინა, ურჩია ამანიც წამოეყვანა.

...მარდოქეს უპირებდა ჩამოსწრობას... აქ ლეგენდის გადმოცემისას გამოტოვებულია რაღაც, რის გამოც თხრობა გაბუნდოვანებულია. ნადიმზე გახალისებულ მეფეს სურდა რითიმე მადლობა გადაეხადა ესთერისათვის. მაგრამ ქალმა ვერ გაბედა თავისი თხოვნა მოეხსენებინა მეფისათვის. მხოლოდ ის უთხრა, მეორე დღესაც მობრძანებულიყო სადილად და ამანიც მოეყვანა. მეფე, თავისი მეუღლის სიყვარულითა და ერთგულებით გულარეუებული, რა თქმა უნდა, დათანხმდა. ამანიც ღამის მეშვიდე ცაზე იყო ამ დიდი ნდობისა და მეფე-დედოფალთან დაახლოების გამო. სწორედ მაშინ ბრძანა მან მარდოქესათვის სახრჩობელის აღმართვა.

მ. 416.

ესთერი მეფეს გამოუტყდა.... ბიბლიის ტექსტის თანახმად, ესთერი მეფეს წინასწარ არ გამოსტყდომია. მეორე ნადიმამაც ისე ჩაიარა, როგორც პირველმა. მეორე დღესაც კმაყოფილ მეფეს უნდოდა დედოფალი რაიმეთი დაეჯილდოვებინა. ამის პასუხად ესთერმა სთხოვა სიცოცხლე შეენარჩუნებინა მისთვის, რათა თავის საყვარელ მეუღლეს არ მოშორებოდა. როცა გაოცებულმა მეფემ ჰკითხა, ვინ ემუქრებოდა მის სიცოცხლეს, ესთერმა ამანზე მიუთითა და მხოლოდ ახლა გაუმჟღავნა თავისი ეროვნება. ამანი იქვე შეიპყრეს და მარდოქესთვის გამზადებულ სახრჩობელაზე ჩამოახრჩვეს.

მ. 417.

ვერცხლი უნდა გამოერთმია და მრავალტანჯული მამისთვის მიეტანა. საქმე ისაა, რომ, ბიბლიის თანახმად, ტობი გაღარბდა. მაშინლა გაახსენდა, რომ მას მოვალე ჰყავდა, რომელსაც ათი ტალანტი ვერცხლი ემართა — ვეებერთელა თანხა, რომელიც ესესხებინა ტობის კეთილდღეობის ჟამს.

მ. 419.

ღმერთმა მას დაუბრუნა შვილები... იობის დახოცილი შვილები, რა თქმა უნდა, მკვდრეთით არ აღმდგარან. იობს სხვა შვილები — ვაჟები და ქალიშვილები შეეძინა.

მ. 420.

იგი აქ მოიყვანა ღვთიურმა ჩვენებამ. ბიბლიაში არაერთი ღვთიური ჩვენება არ არის ნახსენები.

83. 424.

ბეირფას სამეფო აკლდამაში დაკრძალეს. ეს ცნობები ავტორს ამოღებული აქვს არა ბიბლიიდან, არამედ გადმოცემებიდან.

83. 427.

შიაკუთენა კანონიკურ თხზულებებს და ბიბლიაში შეიტანა. მართლმადიდებლური ეკლესია არ თვლის ივდითის წიგნს კანონიკურად, მაგრამ ბიბლიაში შეაქვს. თვითონ ივდითს მართლმადიდებლნი ისტორიულ პირად თვლიან. იგი აღიარეს და შეიტანეს წმინდანების სიაში.

83. 429.

კათოლიკურმა ეკლესიამ ჩართო იგი ბიბლიის კანონიკურ წიგნებში. მართლმადიდებლური ეკლესია არჩევს ესთერის წიგნში ორ ტექსტს: კანონიკურს, სადაც ღმერთის სახელი თითქმის არც არის ნახსენები, და მრავალრიცხოვან არაკანონიკურ ჩანამატებს, რომლებშიც მთელი თხრობა გააზრებულია რელიგიური თვალსაზრისით. ესთერი შეტანილია წმინდანებში და ითვლება ისტორიულ პირად. არის აზრი, რომ არაკანონიკური დამატებანი—თითქოსდა ანტისპარსული პოლიტიკური პამფლეტის გაშიფრვაა.

happy end — ბედნიერი დასასრული (ინგლ.).

83. 435.

მათ შორის არის იერემიას წიგნი. აქ კოსიდოვსკის კალმის შეცდომა აქვს დაშვებული, ნაპოვნი თითქმის ორი მთელი გრაგნილი — წინასწარმეტყველ ესაიას წიგნის ორი ვარიანტი.

ა. ოსიპოვი, ტ. ტრიფონოვა

შ ი ნ ე ა რ ს ი

შ ე ს ა ვ ა ლ ი	3
სამყაროს შამანიდან ბაბილონის გოდლაგდე	11
სამყაროს შექმნა	11
ადამი და ევა სამოთხეში	12
კენი და აბელი	13
წარღვნა	14
ბაბილონის გოდოლი	16
გასაოცარი აღმოჩენები სამყაროს შექმნის, სამოთხის, წარღვნისა და ბაბილონის გოდლის შესახებ	17
აბრაამი, ისააკი და იაკობი	29
აბრაამის ოჯახი ცხოვრობს ურში	29
თარამ ქარანში გადასახლება გადაწყვეიდა	30
თარა, ნაქორი და აბრაამი ახალ სამშობლოში	32
გზა ქანაანისაკენ	33
აღთქმულ ქვეყანაში	35
როგორ ვახდა სარა ფარაონის ცოლი	37
ლოთის საშინელი თავადასავალი	37
აბრაამი შთამომავლობისათვის ზრუნავს	39
აბრაამი აბრაამად იქცა	40
სამი უცნობი სტუმრის მოსვლა	40
სოდომი და გომორი	42
როგორ მოატყუეს შეუე აბიშელექი	43
ისააკის დაბადება	43
ისააკი სამსხვერპლოზე	45
სარას სიკედილი	45
როგორ დაქორწინეს ისააკი	46
აბრაამი მეორედ დაქორწინდა	48
ისააკისა და რებეკას ტყუებები	48
ოსპის შეჭამადის ფასად	50
ისააკის წარმატებანი და უბედურებანი	50
რებეკასა და იაკობის მზაკვრობა	51
იაკობის კიბე	52
როგორ ატყუებდნენ ერთმანეთს ლაბანი და იაკობი	53
იაკობი გაიქცა	56
იაკობი ღმერთს ებრძვის	58
შეხედრა ესაეთან	59
იაკობის ძენი დის სისხლს იღებენ	60
იაკობი ბეთელსა და მამბრეში	62
სიშართლე და ლეგენდა ჯატრიარქებზე	63
იოსების ძარი იოსებისა და იოსებისა	86
მონად გაყიდული	86
იოსები პეტეფრეს სახლში	88
ფარაონის სასახლეში	90
იოსები ეგვიპტეს მართავს	92
იაკობის მოდგმას შიმშილი ტანჯავს	92

	იოსებმა ახალი განსაცდელი მოუვლინა კმებს	95
	ისრაელის მოდგმა ნილოსის შესართავში დასახლდა	96
	ხალხური თქმულება თუ სიმარსლე	98
მ ო ს ე		107
	მონური შრომა	107
	სასწაულებრივი ხსნა	108
	ორმოცწლიანი ექსორია	111
	ევეიბტიდან გამოსვლა	114
	გადასვლა მეწამულ ზღვაზე	116
	მოგზაურობა უდაბნოში	117
	როკვა ოქროს კერპის გარშემო	119
	კაჟშირი იაჰვესთან	122
	კადეშისაკენ მიმავალ გზაზე	124
	ორმოცი წელი უდაბნოში	128
	ალთქმული ქვეყნისაკენ	129
	წინასწარმეტყველი ბალაამი	131
	მოსეს უკანასკნელი დღეები	133
	მოსე მითების შარავანდღში	135
ისუ	კმ ნამესნი და მსაჯულები	174
	იერიქონი — ბურჯი ქანანისა	174
	დრამატული მოვლენები აის კახეხიმაგრის კედლებთან	178
	გაბაონელთა მზაკრობა	180
	ხუთი მეფის კოალიცია	181
	ბრძოლა ჩრდილოეთ ქანანის მეფეებთან	182
	როგორ მართავდა ისუ ქანაანს	183
	ისრაელი ქანაანში მკვიდრდება	185
	დებორა — ისრაელის ჟანა ღ'არკი	189
	როგორ გაათავისუფლა ისრაელის ძენი გედეონმა	191
	იფთაე — გალაადის უბედური გმირი	195
	სამსონი	197
	სამსონმა ცოლის შერთვა მონინდომა	198
	სამსონის თავგადასავალი ღაზაში	202
	სამსონი და დალილა	202
	სამსონის გმირული სიკედილი	204
	როგორ მოიპარეს იაჰვეს კერპი დან'ჲ ტომის წარმომადგენლებმა	205
	ბენიამენის ტომის დანაშაული	206
	სათნო და ერთგული რუთი	208
	ბრძოლისა და გმირობის ეპოქა	212
ისრაელის ოქროს ხანა		253
	მღვდელთმთავარი ელი და სამოელის დაბადება	253
	ელის მოდგმის მოსპობა	255
	შჯულის კიდობნის საოცარი ბედი	255
	სამოელი — მმართველი	256
	როგორ აკურთხეს მეფედ საული	258
	საულის პირველი გამარჯვება	260
	როგორ განარისხა საულმა სამოელი	262
	იონათანის გმირობა	263
	საბოლოო განხეთქილება სამოელთან	264
	როგორ დაამარცხა დავითმა გოლიათი	267
	დავითი, საული და იონათანი	269
	დავითი გადაარჩინეს მელქულმა და იონათანმა	271
	ქურუმთა დახოცვა და დავითის მიმოსვლა უცხო მხარეს	273
	როგორ დაინდო დავითმა საული და შეიყვარა აბიგაილი	275

დავითი ფილისტიმელთა სამსახურში. საულის ტრაგიკული ხედვრი	277
დავითი საულსა და იონათანს გლოვობს	281
დავითი არსეულია იუდეველთა მეფედ და ისრაელის ტახტისთვის იბრძვის	282
დავითის ქალაქი	286
დავითი — დიდი სახელმწიფოს დამაარსებელი	289
დავითმა ურიას ცოლი მოსტაცა	291
ახალი სამარცხვინო ამბები მეფის სასახლეში	292
აბესალომის ამბოხება	294
რესფა — ისრაელის ანტიგონე	298
სასახლის ინტრიგები	299
ისრაელისა და იუდეის მეფე სოლომონი	302
ორი დედის ამბავი	303
სოლომონი ნიჭიერი მმართველი	304
სოლომონი აკებს ტაძარს	305
სოლომონის სიმდიდრე	308
შებას დედოფალი	310
სოლომონის ჰარამხანა და უცხო ღმერთები	311
სომართლუ და ლეგენდა ისრაელის სამეფოს შემქმნელთა შესახებ	312
ისრაელი და იუდეა	316
როგორ ვაითიშა ისრაელისა და იუდეის გზები	346
ისრაელი თაყვანს სცემს ოქროს კერპს	347
რა ზღებოდა იუდეაში?	349
ამბრი — ისრაელის უდიდესი მეფე	350
წინასწარმეტყველი ელია და იეზაბელი	352
ნაბოთეს ვენახი	354
მეფე აქაბის სიკედილი	355
ელიას ზეცად ამაღლება	356
ელისეს სასწაულები	356
როგორ განკურნა ელისემ კეთროვანი	357
აქაბის დინასტიის დაღუპვა	359
გოთოლია — იუდეის დედოფალი	361
ისრაელის აღსასრული და დაცემა	363
იუდეის სამეფოს ბედი	367
ბაბილონის ტყვეობა	377
სამშობლოში დაბრუნება	379
ტაძრის აღშენება	381
ეზრას მისია	383
ნეემიას მისია	381
„ზუუკვე მცველ ვარ ძმისა ჩემისა?“	387
მკვნი ბიბლიური თქმულება გმირობასა, წამებასა და ღმრის სამართლიან მსჯავრზე	411
გმირი იედიითი	411
სპარსეთის დედოფალი ესთერი	413
ერთგული ისრაელიტელი ტობი სპარსეთის მიწაზე	416
იობი	417
დანიელი	419
იონა	424
დიდაქტიკური ხალხური თქმულებები	426
ბ (ო) ს ი ტ შ ვ ა ო ბ ა	438
შ ე ნ ი შ ვ ე ბ ი	453

Косидовский Зенон
БИБЛЕЙСКИЕ СКАЗАНИЯ
(На грузинском языке)
Детюниздат Грузинской ССР
«Накадули», Тбилиси, 1976

რედაქტორი მ ზ ე ქ ა ლ ა შ ა ნ ი ძ ი

ბ ი რ ვ ე ლ ი გ ა მ ო ც ე მ ა

გამომცემლობის რედაქტორი ნ. ქართველიშვილი
მსატვარი ჯ. ყაელაშვილი, მხატვრული რედაქტორი
გ. ლლონტი, ტექნიკური რედაქტორი ლ. ქვარცხავა,
კონტროლიორ-კორექტორი ლ. სულთანიშვილი,
კორექტორი თ. ენდელაძე
გამომშვეები ი. ხაჩიძე.

გადაეცა ასაწყობად 22/1-75 წ; ხელმოწერილია და-
საბეჭდად 27/X-75 წ; ანაწყობის ზომა $5,5 \times 9 \frac{1}{4}$; ქა-
ლალდის ზომა $84 \times 108 \frac{1}{32}$; ნაბეჭდი თაბახი 24,36;
საალრიცხვო-საგამომცემლო თაბახი 27,02;
ტირაჟი 100.000 შუკვ. № 609;

ფასი 1 მან. 25 კაპ.

გამომცემლობა „ნ ა კ ა დ უ ლ ი“, თბილისი, მარჯა-
ნიშვილის ქ. № 5.
Издательство «Н а к а д у л и», Тбилиси, ул. Мар-
джанишвили № 5.

საქართველოს სსრ მინისტრთა საბჭოს გამომცემლო-
ბათა, პოლიგრაფიისა და წიგნის ვაჭრობის საქმეთა
სასელმწიფო კომიტეტის თბილისის წიგნის ფაბრიკა,
შეგობრობის გამზ. № 7.

Тбилисская книжная фабрика Государственного
Комитета Совета Министров Грузинской ССР по
делам издательств, полиграфии и книжной тор-
говли, пр. Дружбы № 7

კარგი, მისი ზნე-ხასიათი და ქცევა განსაზღვრულია მისი გარემოს გავლენით.

მთელი ეს ევოლუციური პროცესი, ბიბლიურ თქმულებებში რომ თვალნათლივ მოჩანს, ორგანულად შეესაბამება იმას, რაც ცნობილია თანამედროვე მეცნიერებაში პირველყოფილი საზოგადოებრივი წყობილების შესახებ.

ბიბლიური გადმოცემებიდან შეიძლება დავასკვნათ, რომ აბრაამმა მონოთეიზმის ქადაგება დაიწყო. ბიბლიის სხვადასხვა რედაქციულ ფენათა დაწვრილებითმა კვლევამ საშუალება მოგვცა დაგვედგინა, რომ აბრაამი მონოთეისტად აქციეს ძე. წ. VI ს. ქურუმებმა, როცა ბიბლიის ტექსტის შესწორება-შელამაზებას შეუდგნენ. ცნობილია, რომ უფრო გვიანაც ებრაელებს არა ერთხელ უციათ თავიანთი ქანაანის ღმერთებისათვის, რისთვისაც მათ მრისხანედ ამხილებდნენ წინასწარმეტყველები. როგორც ჩანს, პატრიარქების ეპოქის რელიგია იმდენად წმინდა მონოთეიზმი არაა, რამდენადაც გენოთეიზმი, რომელიც ქადაგებდა მართალია, არსებობს მრავალი ღმერთი, მაგრამ თავიანთი უნდა სცე მხოლოდ ერთს — ტომის მფარველს. აბრაამის ღმერთი არ არის უნივერსალური, იგი ტიპური ტომის ღმერთია, რომელიც მხოლოდ თავისი რჩეული ხალხის კეთილდღეობაზე ზრუნავს.

უკიდურესად პრიმიტიულია წარმოდგენა ამ ღმერთზე. მას უბრალო მოკვდავივით უჭირავს თავი, ერევა საყოფაცხოვრებო საქმეებში, ედავება აბრაამს და მის ხრიკებსაც კი იწონებს. იაკობი მთელი ღამის განმავლობაში ებრძვის ღმერთს და აიძულეებს, კანონიერად სცნოს პირმშობეა, რომელიც მან ესავე გამოსტყუა.

ბაბილონის ტყევობიდან ებრაელების დაბრუნების შემდეგ, როცა წინასწარმეტყველთა გავლენით საბოლოოდ ყალიბდებოდა მონოთეიზმი, ასეთი რელიგიური კონცეფცია უკვე ანაქრონისტული იყო. ამ მიამიტი და პრიმიტიული წარმოდგენების არსებობა ბიბლიაში შეიძლება აიხსნას მხოლოდ იმით, რომ ქურუმმა რედაქტორებმა უცვლელად შეიტანეს ისინი ტექსტში იმ უძველეს ხალხურ გადმოცემებთან ერთად, რომლებსაც ისინი ეყრდნობოდნენ მუშაობის დროს.

ბიბლიურ თქმულებებში მკითხველს განსაკუთრებით ანციფრებს პატრიარქების ნათელი და მკაფიო დახასიათება. ყოველი მათგან ინდივიდუალური და საოცრად რეალისტურია. როგორ არ ჰგვანან ერთმანეთის აბრაამი, ლოთი, ისაკი და იაკობი! რაცხადი და დამაჯერებელია სარრას, რებეკას, რაქელის თუ უბედური აგარის ქაღურობა! გავიხსენოთ თუნდაც ნადირობისა და თავისუფალი სივრცეების მოტრფიალე ესავი, მიწის დამუშავებას რომ არ კადრულობს! ესავი გულფიცხია, გუნების ამყოლი, მაგრამ ამავე დროს კეთილი. ვისიმე ჯავრის გულში ჩადე-

ზმას. მუსიკიასა და როკვით რელიგიურ ექსტაზში შესული წი-
ნასწარმეტყველებდა, რომ იაპვე მალე გაიმარჯვებდა ისრაელის
ძეთა მხაგერელებზე. თანდათანობით მთელი ქვეყანა მოიცვა
ფანატიკურმა სიძულვილმა ფილისტიმელთა მიმართ.

სამოელი არც შემომარი ყოფილა და არც სარდალი; იგი გახ-
ლდათ მმართველი, ხალხის ბრძენი მოძღვარი, უზუნაესი ქურუ-
მი და მსაჯული. წელიწადში სამჯერ ჩალიოდა ბეთელს, გალ-
გალს და მასეფას და სამართალს წყვეტდა. მისი განაჩენი და
ბრძანება ურყევი იყო. სიტყვის შებრუნებას ვერც ერთი ტომის
წარმომადგენელი ვერ შეუბედავდა. ისრაელიტელებს კვლავ
გაუჩნდათ ბელადი, რომელმაც ქვეყანა შინაგანი აღორძინებისა
და პოლიტიკური გაერთიანების შიძივე გზაზე დააყენა.

გავიდა ოცი წელი. სამოელმა მასეფაში შეყარა ყველა ისრაე-
ლიტელი და უბრძანა, გაერთიანებულეყენენ მომავალი გამათა-
ვისუფლებელი ბრძოლისათვის. შემფოთებულმა ფილისტიმე-
ლებმა მათ დიდი ლაშქარი შეაგებეს, რომ ჩაექროთ აჯანყების
პირველი ნაპერწკალი. ბრძოლამდე უცებ საშინელი ქარიშხალი
ამოვარდა, ქექა-ქუხილმა თავზარი დასცა ფილისტიმელებს.
ისრაელიტელები გამსწევდნენ და თავს დაესხნენ მათ. დარბეუ-
ლი დამპყრობლები უკუიქცნენ და თავის ქვეყანაში დაბრუნ-
დნენ.

მოულოდნელმა მარცხმა ფილისტიმელებს ისე გაუფუჭა გუ-
ნება, რომ დიდი ხნის განმავლობაში ამგვარი ლაშქრობა აღარ
მოუნდომებიათ.

ამიერიდან სამოელს დამშვიდებით შეეძლო განემტკიცებინა
თავისი ძალაუფლება. რამათაიმი ისრაელის რელიგიური და
ეროვნული დედაქალაქი გახდა. დიდმა წინასწარმეტყველმა და
მსაჯულმა აქ იაპვეს ახალი ტაძარი დააარსა. იგი ოცნებობდა,
მის მიერ შექმნილი წყობილება განმტკიცებულიყო და რელი-
გიური და სამოქალაქო ძალაუფლება მის მოღმას მეკვიდრეო-
ბით გადასცემოდა. სამოელმა მართვა-გამგებლობა ასწავლა თავის
ვაყებს და ბერშებას მსაჯულებად დანიშნა. თვითონ უკვე მოხუ-
ცი იყო და შვილების დახმარებას საჭიროებდა, მაგრამ ბედის
უცნაურმა ირონიამ მასაც ელის ხვედრი არგუნა. სამოელის
შვილები უკეთურნი გამოდგნენ. ხარბნი და ანგარებით საუსენი
ქრთამს იღებდნენ და უსამართლო განაჩენი გამოჰქონდათ. მალე
ხალხის ნღობა დაკარგეს და პატივისცემა აიყარეს. ღრმად მო-
ხუცი სამოელი კი იწყნარებდა შვილების საქციელს, ძალა აღარ
შესწევდა, რომ შვილების საწინააღმდეგოდ მოქცეულიყო და
მათი ბოროტება აღეკვეთა.

ისრაელიტელებმა დრტვინვა დაიწყეს ამგვარი ყოფის გამო.
ფილისტიმელებს კი კვლავ გაეღიძათ აგრესიული ზრახვები
და ისევ შეტევაზე გადმოვიდნენ. ამიტომ საჭირო გახდა ძლიე-